


聊齋誌異



二十四卷抄本
聊斋志异
(共四册)

齐鲁书社出版发行
(济南经九路胜利大街)

山东新华印刷厂印刷

850×1168毫米32开本 82印张 8插页
1981年1月第1版 1981年1月第1次印刷
印数1—15,500

书号10206·6 定价9.80元

出版说明

《聊斋志异》是我国文学史上著名的短篇小说集。作者蒲松龄（公元一六四〇——一七一五年），山东淄川蒲家庄（今淄博市）人，字留仙，号柳泉，世称聊斋先生。他的作品除《聊斋志异》外，还有《聊斋诗集》、《聊斋文集》和《聊斋俚曲》等著作。

蒲松龄二十岁左右开始创作《聊斋志异》，成书在四十岁前后，以后又不断增订、修补，年五十始写定。在这样漫长的创作过程中，「人竞传写，远迹借求」，流布很广，所以《聊斋志异》版本较多。在赵刻

本（青柯亭本）之前，还有不少抄本流传。我们于一九六二年，在距蒲松龄家乡不远的淄博市周村区所发现的这个二十四卷抄本，就是《聊斋志异》的重要抄本之一。

二十四卷抄本出自一人手笔，字体工整，文中有为改正笔误而挖补的痕迹，但无有关抄写、批校和收藏的印记和说明。此抄本除「弘」字缺末笔为避乾隆讳外，其他清代诸帝讳，均不避。卷末新城王士正、淄川张笃庆、济南朱湘的题诗，一般本子皆有；钱塘包熏、金坛王乔的题诗，除此抄本外，仅见于王金范刻十八卷本，但缺王金范刻十八卷本中王约轩、包耀等四人的题词题诗。钱塘包熏于乾隆十三年（一七四八）

任长山典史。王金范十八卷本刻于乾隆三十二年（一七六七）

（王金范刻十八卷本《聊斋志异》）

昇》，内封题：「乾隆丁亥孟夏新铸」，「介景堂藏板」。

据此，二十四卷抄本很可能抄于乾隆十五年（一七五〇）至三十年（一七六五）间；也可能是道光、同治年间，根据乾隆年间的抄本重抄的。

二十四卷抄本同铸雪斋抄本比较，所收篇目有如下不同之处：

二十四卷抄本共四百七十四篇，其中有《龙》二篇：第一篇包括三则，第二篇一则；《王桂庵》、《寄生附》作一篇。铸雪斋抄本有目四百八十八，但有目无文者凡十四，实有文四百七十四篇，与二十四卷抄本篇数相等。二者的差别是二十四卷抄本较铸雪斋抄本多《鹰虎神》、《放蝶火驴》、《某乙》、《医术》、《夜明》、《夏雪》、《周克昌》、《钱卜巫》、《姚安》、《采薇翁》、《公孙夏》、《人妖》、《丐仙》等十三篇；

又多《盗户》中「章丘漕粮徭役……」一则，《齐天大圣》中「此吾弟……」一段，《三朝元老》中「洪经略南征……」一则，《连城》、《李公》、《伍秋月》、《郭生》、《折狱》、《乐仲》、《画壁》、《龙戏珠》、《王成》、《花姑子》等篇中「异史氏曰」各一段；《口技》、《阿霞》、《狐联》、《张贡士》、《侠女》、《张诚》等篇中王渔洋评语各一则。

二十四卷抄本较铸雪斋抄本缺《产龙》、《龙无目》、《龙取水》、《螳螂捕蛇》、《傅氏媪》、《缢鬼》、《阎罗》、《杨千总》、《瓜异》、《牛犊》、《李檀斯》、《蚰蜒》、《商妇》等十三篇。此外，又缺《梦狼》中「邹平李进士匡九……」一则，《嘉平公子》中「有故家子……」一则，《张贡士》中「高西园云……」一段，《拆楼人》、《僧孽》、《潞令》中「异史

氏曰『各一段。』

二十四卷抄本与铸雪斋抄本对比，二十四卷抄本缺少的篇章，基本上是所谓『单章只句』、『意味平浅者』，可见于其他刻本的；二十四卷抄本多出的篇章，则篇幅较长，而更重要的是多出了一些思想内容较为深刻的相当有分量的作品。

二十四卷抄本、铸雪斋抄本、赵刻本与手稿本异文对比：以手稿本第一册为例，全册六十四篇，其中为二十四卷抄本、铸雪斋抄本和赵刻本所共有的，计五十八篇。各本和手稿本的异文，约计：铸雪斋抄本五百七十多处，赵刻本四百五十多处，二十四卷抄本四百七十多处。二十四卷抄本比铸雪斋抄本似更近于手稿本。二十四卷抄本与赵刻本对比，

多异文约二十处，似不及赵刻本接近手稿本，但赵刻本的异文，有些是出于刻者的删改，因而损害了原作的真实性和思想性。

赵刻本佚文最多，其删弃部分，多被段雪亭收入《聊斋志异遗稿》。其中为二十四卷抄本、铸雪斋抄本和手稿本共存的篇章，计有十二篇。以手稿本为底本进行核对，铸雪斋抄本有异文六十三处，遗稿本有异文四十六处，二十四卷抄本异文最少，只有三十一处。以此推断，二十四卷抄本似应最接近于手稿本。在手稿本很不完整的情况下，它显然具有较大的校勘价值。事实上，在不少地方，二十四卷抄本不仅能单独校正铸雪斋抄本或赵刻本，也可以兼校这两种重要版本。

总之，二十四卷抄本的发现，为《聊斋志异》的研究提供了新的宝贵资料。为此，我社特影印出版，以饷读者。

齐鲁书社

一九七九年四月

序

誌而曰異。明其不同於常也。然而聖

人曰。君子以同而異。何耶。其義廣矣。

大矣。夫聖人之言。雖多主於人事。而

吾謂三才之理。六經之文。諸聖之義。

可一以貫之。則謂異之為義。即易之

冒道無不可也。夫人但知居仁由義。克己復禮。足為善人君子矣。而陟降而在帝左右。禱祝而感召風雷。乃近于巫祝之說者何耶。神禹創鑄九鼎。而山海一經。復垂萬世。豈上古聖人而喜語怪乎。抑爭子虛烏有之賦。以

預為分道揚鑣者地乎。後世拘墟之
士。雙瞳如豆。一葉迷山。目所不見。率
以仲尼不語為辭。不知鷁飛石墮。是
何人載筆爾爾也。倘概以左氏之誣
蔽之。無異掩耳者高語無雷矣。引而
伸之。即閭闔九天衣冠萬國之句。深

山窮谷中人。亦以為欺我無疑也。余
謂欲讀天下之奇書。須明天下之大
道。蓋以人倫大道淑世者。聖人之所
以為木鐸也。然而天下有解人。則雖
言孔子之所不語者。皆足補功令教
化之所不及。而諾皋夷堅。亦可與六

經同功。苟非其人。則雖日述孔子之
所常言。而皆足以佐慝。如讀南子之
見。則以為淫辟。皆可周旋。泥佛胖之
往。則以為叛逆。不妨共事。不止詩書
發塚。周官資篡已也。彼拘墟之士多
疑者。其言則未嘗不近于正也。一則

疑曰。政教自堪治世。因果無乃渺茫乎。曰。是也。然而陰陽上帝。幽有鬼神。亦聖人之言否乎。彼彭生覲面。申生語巫。武壘宮中。田蚡枕畔。九幽斧鉞。嚴於王章多矣。而世人往往多疑者。以報應之或爽。誠有可疑。即如聖門。

之士。賢雋無多。德行四人。二者夭亡。
一厄繼母。幾乎同於伯奇。天道懵懵。
一至此乎。是非遠洞三世。不足消釋。
羣憾。釋迦馬麥。素盞人瘡。世亦安能
知之。故非天道憤憤。人自憤憤。故也。
或再疑曰。報應示戒可矣。妖邪不宜

黜乎。曰：是也。然而天地大矣，無所不
有。古今變矣，未可舟膠。人世不皆君
子。陰曹反皆正人乎？豈夏姬謝世，便
儕共姜。榮公撤瑟，可叅孤竹乎？有以
知其必然矣。且江河日下，人鬼頗
同。不則幽冥之中，反是聖賢道場。日

日唐虞三代有是理乎。或又疑而且
規之曰。世固間有之矣。或亦不妨抵
掌而竟馳想天外。幻跡人區。無乃為
齊諧濫觴乎。曰是也。然子長列傳不
猷滑稽。卮言寓意。蒙莊噉矢。且二十
一史。果皆實錄乎。仙人之議李郭也。

固○有○遺○憾○久○矣○而○况○勃○宰○文○心○筆○補○
造○化○不○止○生○花○且○同○煉○石○佳○狐○佳○鬼○
之○奇○俊○也○降○福○既○以○孔○皆○敷○倫○更○復○
無○數○人○中○大○賢○猶○有○愧○焉○是○在○解○人○
不○為○法○縛○不○死○句○下○可○也○夫○中○郎○帳○
底○應○饒○子○家○之○異○味○鄴○侯○架○上○何○須○

鬼冊之常詮。願為婆娑藝林者。職調
人之役焉。古人著書。其正也。則以天
常民彛為則。使天下之人。聽一事如
聞雷霆。奉一言如親日月。外此而書
或奇也。則新鬼故鬼。魯廟依稀。內蛇
外蛇。鄭門躑躅。非盡矯誣也。倘盡以

不語二字奉為金科。則萍實商羊。獮
羊枯矢。但當搖首閉目而謝之足矣。
然乎否耶。吾願讀書之士。覽此奇文。
須深慧業。眼光如電。牆壁皆通。能知
作者之意。並能知聖人或雅言或罕
言或不語之故。則六經之義。三才之

統諸聖之衡。一以貫之異而同者。忘其異焉可矣。不然。癡人每苦情深入耳。便多濡首。一字魂飛。心月之精靈冉冉。三生夢渺。牡丹之亭下。依依檀板動而忽來。桃李遣而不去。君將為魍魎。曾丘生。僕何辭。齊諧魯仲連乎。

康熙己未春日穀旦。紫霞道人高珩題。

序

諺有之云。見橐駝謂馬腫背。此言雖
小。可以喻大矣。夫人於目所見者為
有。所不見者為無。曰此其常也。倏有
而倏無。則怪之。至於草木之榮落。昆
蟲之變化。倏有倏無。又不之怪。而獸

於神龍則怪之。彼萬竅之刀刀。百川
之活活。無所持之而動。無所激之而
鳴。豈非恠乎。又習而安焉。獨至於鬼
狐則怪之。至于人則又不怪。夫人則
亦誰持之而動。誰激之而鳴者乎。莫
不曰我寔為之。夫我之所以為我者。

目能視而不能視其所以視耳能聞而不能聞其所以聞而況於見聞所不能及者乎。夫見聞所及以為有所不及以為無其為見聞也幾何矣。人

之言曰有形形者有物物者夫無形

而不知有以無形為形無物為物者

無物則耳目窮矣而不可謂之無也。

有見蚊睫者。有覩太山者。有聞蟻鬪者。有不聞雷鳴者。聞見之不同者。聾瞽未可妄論也。自小儒為人死如風火散之說。而原始要終之道。不明於天下。於是所見者愈少。所怪者愈多。而馬腫背之說。昌行于天下。無可如

何。輒以孔子不語之辭了之。而齊諧志怪。虞初記異之編。疑信之者。參半矣。不知孔子所不語者。乃中人以下不可得而聞者耳。而謂春秋盡刪神怪哉。留仙蒲子。幼而穎異。長而特達。下筆風起雲湧。能為記載之言。於制

藝舉業之暇。凡所見聞。輒為筆記。大約皆鬼狐怪異之事。向得其一卷。輒為人取去。今再得其一卷。閱之。凡為余所習知者。十之三四。最足以破小儒拘墟之見。而與夏虫語冰也。余謂事無論常恆。但以有害于人者為妖。

故日蝕星隕。鷁飛鵠巢。石言龍鬬。不
可謂異。惟土木甲兵之不時。與亂臣
賊子。乃為妖異耳。今觀留仙所著。其
論斷大義。皆本於賞善罰淫。與安義
命之旨。足以開物而成務。正如楊雲
法言。桓譚謂必傳矣。

康熙壬戌仲秋既望豹嵒樵史唐夢
賚題。

自序

披蘿帶荔。三閭氏感而為騷。牛鬼蛇
神。長爪郎吟而成癖。自鳴天籟。不擇
好音。有由然矣。松落落秋螢之火。魑
魅爭光。逐逐野馬之塵。魍魎見笑。才
非于寶。雅愛摅神情。類黃州喜人談

鬼聞則命筆。遂以成編。久之四方同
人。又以郵筒相寄。因而物以好聚。所
積益夥。甚者人非化外。事或竒於斷
髮之鄉。睫在眼前。怪有過于飛頭之
國。端飛逸興。狂固難辭。永託曠懷。癡
且不諱。展如之人。得勿向我胡盧耶。

狀五父嚮頭。或涉濫聽。而三生石上。
頗悟前因。放縱之言。有未可概以人。
廢者。松懸弧時。先大人夢一病瘠瞿。
曇偏袒入室。藥膏如錢圓。粘乳際。寤。
而松生。果付墨誌。且也少羸。多病。長。
命不猶。門庭之棲寂。則冷淡如僧。筆。

墨之耕耘。則蕭條似鉞。每搔頭自念。
勿亦面壁人。果吾前身耶。蓋有漏根。
因未結人天之果。而隨風墮蕩。竟成。
藩溷之花。茫茫六道。何可謂無其理。
哉。獨是子夜。熒熒燈昏。欲蕊蕭齋。瑟。
瑟案冷。疑冰集腋為裘。妄緒幽冥之。

錄浮白載筆。僅成孤憤之書。寄托如
此。亦足悲矣。嗟乎。驚霜寒雀。把樹無
溫。弔月秋蟲。偎欄自熱。知我者其在
青林墨塞間乎。

康熙己未春日柳泉氏題

聊齋誌異卷一目録

考城隍

耳中人

尸變

瞳人語

畫壁

山魈

咬鬼

捉狐

菽中怪

宅妖

王六郎

偷桃

種梨

丐仙

四一

二九

二五

二三

一五

五

一

四

一〇

二〇

二四

二七

三七

四四

僧孽

五四

鬼哭

五六

蛇癖

五八

廟鬼

五九

義鼠

六〇

地震

六一

猪婆龍

六三

陝右某公

六四

好快刀

六五

江中鬼

六六

戲術

六七

螫龍

六九

小髻

七〇

金永年

七一

夏雪

七二

美人首

七五

車夫

七六

楊疤眼

七六

鼠戲

七七

二

聊齋誌異卷二目錄

勞山道士

七九

長清僧

八四

蛇人

八八

斫蟒

九三

犬奸

九四

電神

九七

狐嫁女

九九

嬌娜

一〇五

妖術

一一八

野狗

一二三

三生

一二五

狐入瓶

一二九

真定女

一三〇

焦螟

一三〇

二

六

葉生

一三三

四十千

一三九

成仙

一四〇

新郎

一五二

靈官

一五五

王蘭

一五七

王成

一六三

夢別

一七四

李公

一七五

鄧陽神

一七九

罵鴨

一八〇

柳氏子

一八一

聊齋誌異卷三目錄

青鳳

一八五

畫皮

一九五

賈兒

二〇三

董生

二一二

齕石

二一八

陸判

二一九

嬰寧

二三三

聶小倩

二五二

海公子

二六七

丁前溪

二六九

張老相公

二七三

水莽草

二七四

造畜

二八二

頭滾

二八三

二

侯静山

二八四

錢流

二八六

龍肉

二八七

魁星

二八七

路令

二八八

山神

二八九

聊齋誌異卷四目錄

風陽士人

二九一

耿十八

二九七

珠兒

三〇一

小官人

三二一

胡四姐

三二二

祝翁

三二九

俠女

三三二

酒友

三三三

蓮香

三三六

阿寶

三五八

九山王

三六七

尊化署狐

三七四

張誠

三七六

跳神

三八八

二

鉄布衫法

三九〇

呉門畫工

三九一

蓼蛇

三九四

化男

三九七

聊齋誌異卷五目錄

汾州狐

三九九

巧娘

四〇一

吳令

四一五

口技

四一七

狐聯

四二一

維水狐

四二三

紅玉

四二五

林四娘

四三七

魯公女

四四二

道士

四五二

胡氏

四五六

丐僧

四六二

伏狐

四六四

蘓仙

四六五

二

二

李伯言

四六八

黃九郎

四七三

金陵女子

四八六

湯公

四八八

閻羅

四九二

庫將軍

四九三

雷公

四九五

戲縊

四九五

死僧

四九六

赤字

四九八

梓潼令

四九八

鬼津

四九九

祿數

五〇〇

鬼令

五〇一

禽俠

五〇三

負尸

五〇六

聊齋誌異卷六目錄

連瑣

五〇七

單道士

五一九

白於玉

五二二

夜叉國

五三五

西僧

五四六

老饕

五四八

連城

五五三

霍生

五六三

汪士秀

五六六

商三官

五七一

于江

五七六

小二

五七八

庚娘

五八七

宮夢弼

五九七

泥鬼

六二

聊齋誌異卷七目錄

鵲

六二三

劉海石

六一五

諭鬼

六二〇

犬燈

六二三

番僧

六二四

狐妾

六二六

雷曹

六三四

賭符

六四二

阿霞

六四七

李司鑑

六五四

毛狐

六五五

翩

六六〇

黑獸

六六八

余德

六七〇

青梅

六七四

羅刹海市

六九一

紫花和尚

七二〇

鞠樂如

七二一

盜戶

七二二

某乙

七二五

聊齋誌異卷八目錄

田七郎

七一九

保住

七三一

公孫九娘

七三四

促織

七四六

柳秀才

七五六

水災

七五七

諸城某甲

七五九

庫官

七六〇

鄆都御史

七六二

狐諧

七六五

雨錢

七七三

妾杖擊賊

七七五

秀才驅怪

七七七

姊妹易嫁

七八一

二

續黃梁

七八九

小獵犬

八〇四

四

碁鬼

八〇七

辛十四娘

八一〇

聊齋誌異卷九目錄

白蓮教

八三二

雙燈

八三四

蹇償債

八三七

鬼作筵

八四〇

胡相公

八四四

念秧

八五一

泥書生

八七一

土地夫人

八七三

寒月芙蕖

八七四

酒狂

八七九

陽五候

八八八

趙城虎

八九一

武技

八九四

小人

八九八

二

秦生

八九九

鴟頭

九〇一

封三娘

九一四

狐夢

九二七

聊齋誌異卷十目錄

布客

九三七

農人驅狐

九三九

章阿端

九四二

花姑子

九五二

武孝廉

九六五

西湖主

九七一

孝子

九八五

閻王

土偶

九九一

長治女子

九九三

義犬

九九八

伍秋月

九九九

蓮花公主

一〇〇九

綠衣女

一〇一七

黎氏

一〇二二

荷花三娘子

一〇二五

采薇翁

一〇三三

鹿啣草

一〇三六

小棺

一〇三七

李生

一〇三八

蔣太史

一〇四〇

徵俗

一〇四二

聊齋誌異卷十一目錄

郭生

一〇四三

金生色

一〇四六

彭海秋

一〇五四

堪輿

一〇六四

竇氏

一〇六七

馬介甫

一〇七四

絳妃

一〇九六

河間生

一一〇四

雲翠仙

一一〇六

大力將軍

一一一七

白蓮教

一一二三

顏氏

一一三四

木偶戲

一一三三

邵士梅

一一三三

二二

一〇

邵臨淄

一一三三

狂生

一一三五

遼陽軍

一一三七

張貢士

一一三八

孫必振

一一三九

元寶

一一四〇

龍

一一四〇

硯石

一一四一

武夷

一一四二

大鼠

一一四三

張不量

一一四四

牧豎

一一四五

富翁

一一四六

王司馬

一一四七

聊齋誌異卷十二目錄

杜翁

一二五

小謝秋容

一二五

林氏

一二六

胡大姑

一二七

細侯

一二八

狼

一二八

劉亮采

一二八

蕙芳

一二九

蕭七

一二九

亂離

一二〇

菱菖

一二〇

餓鬼

一二一

考槃司

一二一

大人

一二二

向杲

一二三七

董公子

一二三二

周三

一二三四

鴿異

一二三六

聶政

一二四五

冷生

一二四七

藥僧

一二五一

皂隸

一二五二

紅毛毡

一二五三

抽腸

一二五四

牛飛

一二五六

聊齋誌異卷十三目錄

狐懲媼

一二五七

山市

一二六一

江城

一二六三

孫生

一二八一

八大王

一二八七

羅祖

一二九八

劉姓

一三〇二

邵九娘

一三〇八

鞏仙

一三三八

二商

一三四〇

沂水秀才


一三四七

梅女

一三四九

梁彥

一三六一



聊齋誌異卷十四目錄

郭秀才

一三六三

阿英

一三六六

橘樹

一三七八

牛成章

一三八〇

青娥

一三八四

鏡聽

一四〇〇

牛瘰

一四〇二

金姑夫

一四〇五

仙人島

一四〇七

閻羅薨

一四二六

顛道人

一四二九

胡四娘

一四三三

僧術

一四四二

柳生

一四四五

冤獄

一四五二

農婦

一四六〇

安期島

一四六一

沅俗

一四六五

蛤

一四六六

陵縣狐

一四六六

彭二掙

一四六八

聊齋誌卷十五目錄

甄后

一四六九

宦娘

一四七五

阿繡

一四八五

小翠

一四九八

金和尚

一五二三

役鬼

一五二〇

細柳

一五二二

画馬

一五三三

局詐

一五三五

鍾生

一五四六

醫術

一五五六

鴻

一五五九

象

一五六〇

周克昌

一五六二

二

王貨郎

一五六五

罷龍

一五六六

馮木匠

一五六八

某甲

一五七〇

衢州三怪

一五七一

拆樓人

一五七一

大蝎

一五七二

司扎吏

一五七三

聊齋誌異卷十六目錄

嫦娥

一五七七

褚生

一五九五

霍女

一六〇四

司文郎

一六一九

醜狐

一六三三

呂無病

一六三八

錢卜巫

一六五四

姚安

一六六一

崔猛

一六六四

噴水鬼

一六七八

鷹虎神

一六八〇

金世成

一六八一

--	--	--	--	--	--	--	--	--	--

二二

聊齋誌異卷十七目錄

詩讞

一六八三

邢子儀

一六八八

陸押官

一六九四

顧生

一六九九

陳錫九

一七〇二

于去惡

一七一六

鳳仙

一七二八

佟客

一七四二

爰奴

一七四七

單父宰

一七五八

邑人

一七六〇

岳神

一七六一

小梅

一七六二

于中丞

一七七五

二

一〇

續女

一七七八

司訓

一七八四

黑鬼

一七八七

土化鬼

一七八八

聊齋誌異卷十八目錄

張鴻漸

一七八九

太醫

一八〇四

王子安

一八〇五

刁姓

一八一〇

金陵乙

一八一二

郭安

一八二四

折獄

一八二六

義犬

一八二五

楊大洪

一八二七

查牙山洞

一八三〇

雲蘿公主

一八三四

鳥語

一八五六

天宮

一八五八

喬女

一八六六

二

劉夫人

一八七二

公孫夏

一八八四

鬼隸

一八九二

果報

一八九三

三

聊齋誌異卷十九目錄

真生

一八九五

布商

一九〇〇

何仙

一九〇二

神女

一九〇六

湘裙

一九二二

三生

一九三五

長亭

一九四〇

席方平

一九五四

素秋

一九六七

賈奉雉

一九八四

上仙

一九九八

[illegible]

聊齋誌異卷二十目錄

燕脂

二〇〇一

阿纖

二〇一〇

瑞雲

二〇三二

仇大娘

二〇三七

曹操塚

二〇五六

龍飛相公

二〇五八

珊瑚

二〇六七

五通

二〇八一

申氏

二〇九五

龍

二一〇四

四

聊齋誌異卷二十一目錄

恒娘

二〇七

葛巾

二一五

黃英

二二九

書痴

二四二

齊天大聖

二五〇

青蛙神

二五八

任秀

二七三

晚霞

二七八

白秋練

二八八

王者

二九二

外國人

二九七

蝎客

三〇八

烏使

三〇九

李象先

三〇九

獅子

三三二

蛙曲

三三二

聊齋誌異卷二十二目錄

陳雲棲

二三一三

織成

二三二九

竹青

二三三八

段氏

二三四五

狐女

二三五二

張氏婦

二三五五

于子游

二三五八

男妾

二三六〇

汪可受

二三六一

王大

二三六三

樂仲

二三七三

香玉

二三八五

三仙

二三九八

王十

二三〇〇

二

大男

二三〇八

八

聊齋誌異二十三卷目錄

韋公子

二三一九

石清虛

二三二四

曾友于

二三三三

嘉平公子

二三四五

二班

二三四九

乩仙

二三五三

苗生

二三五四

杜小雷

二三六〇

毛大福

二三六一

電神

二三六四

李八缸

二三六七

老龍船戶

二三七一

青城婦

二三七四

鴉鳥

二三七六

古瓶

二三八〇

元少先生

二三八二

薛慰娘

二三八四

田子成

二三九四

王桂菴

子寄生附二四〇〇

酒出

二四二二

聊齋誌異卷二十四目錄

周生

二四二五

褚遂良

二四二七

劉全

二四三一

姬生

二四三五

韓方

二四四二

綬針

二四四五

桓侯

二四五六

粉蝶

二四六二

錦瑟

二四七一

太原獄

二四八五

新鄭訟

二四八九

房文淑

二四九二

秦檜

二四九八

浙東生

二五〇〇

博興女

二五〇二

一員官

二五〇三

龍戲蛛

二五〇六

閻羅筵

二五〇八

放蝶火驢

二五〇九

鬼妻

二五一

三朝元老

二五一四

夢狼

二五一五

人妖

二五二二

五殺大夫

二五二六

夜明

二五二七

跋詩

聊齋誌異卷之一

般陽蒲松齡柳泉甫著

考城隍

予姊丈之祖宋公諱燾邑廩生一日病卧見吏人持牒牽白顛馬來云請赴試公言文宗未臨何遽得考吏不言但敦促之公力病乘馬從去路甚生疎至一城郭如王者都移時入府廨宮室壯麗上坐十餘官都不知何人惟關壯繆可識簷下設几墩各二先有

一秀才坐其末公便與連肩几上各有筆札俄題紙
飛下視之有八字云一人二人有心無心二公文成
呈殿上公文中云有心為善雖善不賞無心為惡
雖惡不罰諸神傳贊不已召公上諭曰河南缺一城
隍君稱其職公方悟頓首泣曰辱膺寵命何敢多辭
但老母七旬奉養無人請得終其天年惟聽錄用上
一帝王者像即命稽母壽籍有長鬚吏捧冊翻閱一
過白有陽算九年共籌踏間關帝曰不妨令張生攝

篆九年、瓜代可也、乃謂公應即赴任、今推仁孝之心、給假九年、及期當復相召、又勉勵秀才數語、二公稽首並下、秀才握手送諸郊野、自言長山張某、以詩贈別、都忘其詞、中有有花有酒春常在、無燭無燈夜自明之句、公既騎、乃別而去、及抵里、豁然夢悟、時卒已三日、母聞棺中呻吟、扶出半日始能語、問之長山、果有張生、於是日死矣、後九年、母果卒、營葬既畢、浣濯入室而沒、其岳家居城中西門裡、忽見公、鏤膺朱幘、

與馬甚衆登其堂一拜而行相共驚疑不知其為神
奔詢鄉中則已歿矣公有自記小傳惜亂後無存此
其畧耳

耳中人

譚晉玄邑諸生也篤信導引之術寒暑不輟行之數
月若有所得一日方趺坐聞耳中小語如蠅曰可以
見矣開目即不復聞合眸定息又聞如故謂是丹將
成竊喜自是每坐輒聞因俟其再言當應以覘之一

日又言、乃微應曰、可以見矣、俄覺耳中習習然似有物出、微睨之、小人長三寸許、貌瘠惡如夜叉狀、旋轉地下、心竊異之、姑凝神以觀其變、忽有鄰人假物扣門而呼、小人聞之意張皇、遶屋而轉、如鼠失窟、譚覺神魂俱失、復不知小人何所之矣、遂得顛疾、號呌不休、醫藥半年始漸愈、

尸變

陽信某翁者、邑之蔡店人、村去城五六里、父子設臨

路店宿行商有車夫數人往來負販輒寓其家一日
昏暮四人偕來望門投止則翁家客宿邸滿四人計
無復之堅請容納翁沉吟思得一所似恐不當客意
客言但求一席厦宇更不敢有所擇時翁有子婦新
死停尸室中子出購材木未歸翁以靈所室寂遂穿
衢導客往入其廬燈昏案上案後有搭帳衣紙衾覆
逝者又觀寢所則複室中有連榻四客奔波頗困甫
就枕鼻息漸粗惟一客尚矇矓忽聞床上察察有聲

急開目。則靈前燈火照視甚了。女尸已揭衾起。俄而下。漸入臥室。面淡金色。生絹抹額。俯近榻前。徧吹臥客者三客。大懼。恐將及已。潛引被覆首。閉息忍咽。以聽之。未幾。女果來吹之。如諸客覺出房去。即聞紙衾聲出。首微窺。見僵卧猶初矣。客懼甚。不敢作聲。陰以足踏諸客。而諸客絕無少動。顧念無計。不如着衣。以竄。纔起。振衣。而察察之聲又作。客懼復伏。縮首衾中。覺女復來。連續吹數數始去。少間。聞靈床作响。知其

復卧。乃從被底漸漸出手。得袴遽就着之。白足奔出。尸亦起。似將逐客。比其離幃。而客已拔關出矣。尸馳從之。客且奔且號。村中人無有警者。欲叩主人之門。又恐遲為所及。遂望邑城路極力竄去。至東郊。瞥見蘭若。聞木魚聲。乃急搥山門。道人訝其非常。又不即納。旋踵尸已至。去身盈尺。客窘益甚。門外有白楊圍四五尺許。因以樹自障。彼右則左之。彼左則右之。尸益怒然。各寢倦矣。尸頓立。客汗促氣逆。庇樹間。尸暴

起伸兩臂隔樹探撲之客驚仆尸捉之不得抱樹而僵道人竊聽良久無聲始漸出見客卧地上燭之死然心下絲絲有動氣負入終夜始甦飲以湯水而問之客具以狀對時晨鐘已盡曉色迷濛道人覘樹上果見僵女大駭報邑宰宰親詣質驗使人拔女手牢不可開審諦之則左右四指並捲如鉤入木沒甲又數人力拔乃得下視指穴如鑿孔然遣役探翁家則以尸亡客斃紛紛正譁役告之故翁乃從往昇尸歸

客泣告宰曰身四人出今一人歸此情何以信鄉里
宰與之牒齎送以歸

瞳人語

長安士方棟頗有才名而佻脫不持儀節每陌上見
遊女輒輕薄尾綴之清明前一日偶步郊郭見一小
車朱第綉轡青衣數輩歛段以從內一婢乘小駟容
光絕美稍稍近覘之見車幔洞開內坐二女郎紅
妝艷麗尤生平所未睹目炫神奪瞻戀弗舍或先或

後馳數里、忽聞女郎呼婢近車側曰、為我垂簾下、何處風狂兒郎、頻來窺瞻、婢乃下簾、怒頽生曰、此芙蓉城七郎子新婦歸寧、非同田舍娘子、放教秀才胡覷言已、掬轍土颺生、生眯目不可開、纔一拭視、而車馬已渺、驚疑而返、覺目終不快、倩人啟瞼、撥視則睛上生小翳、經宿益劇、汨簌簌不得止、翳漸大、數日厚如錢、右睛起旋螺、百藥無效、懊悶欲絕、頗思自懺悔、聞光明經能解厄、持一卷、浼人教誦、初猶煩燥、久漸自

安旦晚無事惟跌坐捻珠持之一年萬緣俱淨忽聞左目中小語如蠅曰黑漆似時耐殺人右目中應曰可同小遨遊出此悶氣漸覺兩鼻蠕蠕作癢似有物出離孔而去久之乃返復自鼻入眶中又言曰許時不窺園亭珍珠蘭遽枯瘠死生素喜香蘭園中多種植日常自灌溉自失明久置不問忽聞此言遽問妻蘭花何使憔悴死妻詰其所自知因告之故妻趨驗之花果槁矣大異之靜匿房中以俟之見有小人自

生鼻內出、大不及豆、營營然竟出門去、漸遠遂迷、所
在、俄連背歸飛上面、如蜂螳之投穴者、如此二三日、
又聞左言曰、墜道迂還往甚非所便、不如自啓門、右
應云、我辟子厚、大不易、左曰、我試闢得與爾俱、遂覺
左眶內隱似抓裂、少頃開視、豁見凡物、喜告妻、妻審
之、則脂膜破小竅、黑睛熒熒、緣如劈椒、越一宿障盡
消、細視竟重瞳也、但右目旋螺如故、乃知兩瞳人合
居一眶矣、生雖一目眇、而較之雙目者、殊更了了、由

是益自檢束鄉中稱盛德焉。

異史氏曰鄉有士人偕二友於途遙見少婦控驢
出其前戲而吟曰有美人兮願二友曰驅之相與
笑騁俄追及乃其子婦心赧氣喪默不復語友偽
為不知也者評隲殊褻士人忸怩吃吃而言曰此
長男婦也各隱笑而罷輕薄者往往自侮良可笑
也至於眯目失明又鬼神之慘報矣芙蓉城主不
知何神豈菩薩現身耶然小郎君生闢門戶鬼神

雖惡亦何嘗不許人自新哉

画壁

江西孟龍潭與朱孝廉客都中偶涉一蘭若殿宇禪
舍俱不甚弘敞惟一老僧挂搭其中見客入肅衣出
迓導與隨喜殿中塑誌公像兩壁圖繪精妙人物如
生東壁画散花天女內一垂髻者拈花微笑櫻唇欲
動眼波將流朱注目久不覺神搖意奪恍然凝想身
忽飄飄如駕雲霧已到壁上見殿閣重重非復人世

一老僧說法座上、偏袒繞視者甚衆、朱亦雜立其中、少間、似有人暗牽其裾、回顧則垂髫兒、蹶然竟去、履跡從之、過曲欄、入一小舍、朱趑趄不敢前、女回首、搖手中花、遙遙作招狀、乃趨之、舍內寂無人、遽擁之、亦不甚拒、遂與狎好、既而閉戶去、囑勿咳、夜乃復至、如此二日、女伴共覺之、共搜得生、戲謂女曰、腹內小郎已許大、尚髮蓬蓬、學處子耶、共捧簪珥促令上鬟、女含羞不語、一女曰、妹妹姊姊、吾等勿久住、恐人不懽、

群笑而去。生視女髻雲高簇、鬟鳳低垂、比垂髫時尤
艷絕也。四顧無人、漸入猥褻、蘭麝薰心、樂方未艾、忽
聞吉莫靴鏗鏗甚厲、縲鎖鏘然、旋有紛囂騰辨之聲。
女驚起、與朱竊窺、則見一金甲使者、黑面如漆、綰鎖
挈槌、衆女環繞之。使者曰：「全未。」答言：「已全。」使者曰：「如
有藏匿下界人、即共出首、勿貽伊戚。」又同聲言：「無使
者反身鶚顧、似將搜匿。」女大懼、面如死灰。張皇謂朱
曰：「可急匿榻下。」乃啓壁上小扉、猝遁去。朱伏不敢少

息俄聞靴聲至房內復出未幾煩喧漸遠心稍安然戶外輒有往來語論者朱跼踖既久覺耳際蟬鳴目
中火出景狀殆不可忍惟靜聽以待女歸竟不復憶
身之何自來也時孟龍潭在殿中轉瞬不見朱疑以
問僧僧笑曰往聽說法去矣問何處曰不遠少時以
指彈壁而呼曰朱檀越何久遊不歸旋見壁間画有
朱像傾耳佇立若有聽察僧又呼曰遊侶久待矣遂
飄忽自壁而下灰心木立目瞪足栗孟大駭從容問

之。蓋方伏榻下，聞叩聲如雷，故出房窺聽也。共視拈花人，螺髻翹然，不復垂髻矣。朱驚拜老僧而問其故。僧笑曰：幻由人生，貧道何能解。朱氣結而不揚。孟心駭嘆而無主，即起歷階而出。

異史氏曰：幻由人作。此言類有道者。人有淫心，是生褻境；人有褻心，是生怖境；菩薩點化愚蒙，千幻並作，皆人心所自動耳。老婆心切，惜不聞其言下大悟，披髮入山也。

山魑

孫太白嘗言其曾祖肄業於南山柳溝寺。麥秋旋里，經旬始返。啓齋門，則案上塵生，窓間絲滿。命僕糞除。至晚，始覺清爽可坐，乃拂榻陳卧具，扃扉就枕。月色已滿窓矣。輾轉移時，萬籟俱寂。忽聞風聲隆隆，山門豁然作响。竊謂寺僧失扃，注念間，風聲漸近。居廬俄而房門闢矣。大疑之，思未定，聲已入屋。又有靴聲鏗鏗然，漸傍寢門。心始怖。俄而寢門闢矣。急視之，一大

鬼鞠躬塞入、突立榻前、殆與樑齊、面似老鴉皮色、目光睽閃、遶室四顧、張巨口如盆、齒踈踈長三寸許、舌動喉鳴、呵喇之聲、响連四壁、公懼極、又念咫尺之地、勢無所逃、不如因而刺之、乃陰抽枕下佩刀、遽拔而斫之、中腹作石缶聲、鬼大怒、伸巨爪攫公、公少縮、鬼攫得衾、捽之、忿忿而去、公隨衾墮、伏地號呼、家人持火奔集、則門閉如故、排窻入、見公狀大駭、扶曳登床、始言其故、共驗之、則衾夾於寢門之隙、啓扉檢照、見

有爪痕如箕五指着處皆穿既明不敢復留負笈而歸後問僧人無復他異

咬鬼

沈麟生云其友某翁者夏月晝寢朦朧間見一女子
褰簾入以白布裹首縗服麻裙向內室去疑鄰嫗訪
內人者又轉念何遽以凶服入人家正自皇惑女子
已出細審之年可三十餘顏色黃腫眉目蹙蹙然神
情可畏又逡巡不去漸逼近榻遂偽睡以觀其變無

何女子攝衣登牀壓腹上覺如百鈞重心雖了了而舉其手手如縛舉其足足如痿也急欲號救而苦不能聲女子以喙嗅翁面顴鼻眉額殆遍覺喙冷如冰氣寒透骨翁窘急中思得計待嗅至頤頤當即因而嚙之未幾果及頤翁乘勢力齧其顴齒沒於肉女負痛身離且掙且啼翁齧益力但覺血液交頤濕流枕畔相持正苦庭外忽聞夫人聲急呼有鬼一緩頰而女子已飄忽遁去夫人奔入無所見笑其魘夢之誣

二
翁述其異。且言有血証焉。相與檢視。如屋漏之水流。枕浹席。伏而嗅之。腥臭異常。翁乃大吐。過數日。口中尚有餘臭云。

捉狐

孫翁者。余姻家清服之伯父也。素有胆。一日晝卧。彷彿有物登床。遂覺身搖搖如駕雲霧。竊意無乃壓狐耶。微窺之物如猫。黃毛而碧嘴。自足邊來。蠕蠕伏行。如恐翁寤。逡巡附體。着足足痿。着股股栗。甫及腹。翁

驟起按而捉之。握其項物。鳴急莫能脫。翁亟呼夫人。以帶繫其腰。乃執帶之兩端。笑曰。聞汝善化。今注目在此。看作如何化法。言次。物忽縮其腹。細如管。幾脫去。翁大愕。急力縛之。則又鼓其腹。粗於腕。堅不可下。力稍懈。又縮之。翁恐其脫。命夫人急殺之。夫人張皇四顧。不知刀之所在。翁左顧示以處。比回首。則帶在手。如環然。物已渺矣。

菽中怪

長山安翁者、性喜採農功、秋間蕎熟、刈堆隴畔、時近村有盜稼者、因命佃人乘月輦運登場、俟其裝載歸、而自留邏守、遂枕戈露卧、目稍瞑、忽聞有人踐荻根、咋咋作响、心疑暴客、急舉首、則一大鬼高丈餘、赤髮鬚、去身已近、大怖、不遑他計、踴身暴起、狠刺之、鬼鳴如雷而逝、恐其復來、荷戈而歸、迎佃人於途、告以所見、且戒無往、衆未深信、越日曝麥於場、忽聞空際有聲、翁駭曰、鬼物來矣、乃奔、衆亦奔、移時復聚、翁命

多設弓弩以俟之。異日果復來，數矢齊發，物懼而遁。二三日竟不復來。麥既登，倉禾藎雜，逖翁命收積為垛，而親登踐實之。高至數尺，忽遙望，駭曰：「鬼物至矣！」衆急覓弓矢，物已奔。公公仆，齧其額而去。共登視，則去額骨如掌，昏不知人。負至家中，遂卒。後不復見，不知其為何怪也。

宅妖

長山李公，大司寇之姪也。宅多妖異，嘗見厦有春橙。

肉紅色甚修潤。李以故無此物。近撫按之。隨手而曲。殆如肉。更駭而却走。旋回視則四足移動。漸入壁中。又見壁間倚白槌。潔澤修長。近扶之。膩然而倒。委蛇入壁。移時始沒。康熙十七年。王生浚升。設帳其家。日暮燈火初張。生著履卧榻上。忽見小人長三寸許。自外入。畧一盤旋。即復去。少頃。荷二小橙來。設堂中。宛如小兒輦。用梁黠心所製者。又頃之。二小人舁一棺。入長四寸許。停置橙上。安厝未已。一女子率廝婢數

人來率細小如前狀。女子衰衣麻縵束腰際布裹首。以袖掩口。嚶嚶而哭。聲類巨蠅。生睥睨良久。毛森立。如霜被於體。因大呼遽走。顛床下。搖戰莫能起。館中。人聞聲異。集堂中。人物杳然矣。

王六郎

許姓家淄之北郭。業漁。每夜携酒河上飲。且漁。飲則。酹酒於地。祝云。河中溺鬼得飲。以為常。他人漁。迄無。所獲。而許獨滿筐。一夕方獨酌。有少年來徘徊其側。

讓之飲、既與同酌、既而終夜不獲一魚、意頗失、少年起曰、請於下流為君毆之、遂飄然去、少間復返曰、魚大至矣、果聞唼呷有聲、舉網而得數頭、皆盈尺、喜極申謝、欲歸贈以魚、不受、曰、屢叨佳醞、區區何足云、報如不棄、要當以為常耳、許曰、方共一夕、何言屢也、如肯永顧、誠所甚願、但愧無以為情、詢其姓字、曰、姓王無字、相見可呼王六郎、遂別、明日、許貨魚、益利、沽酒晚至河干、少年已先在、遂與歡飲、飲數杯、輒為許毆

魚如是半載、忽告許曰、拜識清揚、情逾骨肉、然相別有日矣、語甚悽楚、驚問之、欲言而止者再、乃曰、情好如吾兩人、言之或勿訝耶、今將別、無妨明告、我實鬼也、素嗜酒、沉醉溺死、數年於此矣、前君之獲魚、獨勝於他人者、皆僕之暗毆、以報酹奠耳、明日業滿、當有代者、將往投生、相聚只今夕、故不能無感、許初聞甚駭、然親狎既久、不復恐怖、因亦欵欵酌而言曰、六郎飲此、勿戚也、相見遽違、良足悲惻、然業滿刼脫、正宜

相賀悲乃不倫、遂與暢飲、因問代者何人、曰兄於河
畔視之、亭午、有女子渡河而溺者、是也、聽村雞既唱、
洒涕而別、明日敬伺河邊、以覘其異、果有婦人抱嬰
兒來、及河而墮、兒拋岸上、揚手擲足而啼、婦沉浮者
屢矣、忽淋淋攀岸以出、藉地少息、抱兒逕去、當婦溺
時、意良不忍、思欲奔救、轉念是所以代六郎者、故止
不救、及婦自出、疑其言不驗、抵暮漁舊處、少年復至、
曰、今又聚首、且不言別矣、問其故、曰女子已相代矣、

僕憐其抱中兒、代弟一人、遂殘二命、故舍之、更代不知何期、或吾兩人之緣未盡耳、許感嘆曰、此仁人之心、可以通上帝矣、由此相聚如初、數日又來告別、許疑其復有代者、曰、非也、前一念惻隱、果達帝天、今授為招遠縣、卽鎮土地、來日赴任、倘不忘故交、當一往探、勿憚修阻、許賀曰、君正直為神、甚慰人心、但人神路隔、即不憚修阻、將復如何、少年曰、但往勿慮、再三叮嚀而去、許歸、即欲製裝東下、妻笑曰、此去數百里、

即有其地、恐土偶不可以共語、許不聽、竟抵招遠、問之居人、果有卽鎮、尋至其處、息肩逆旅、問祠所在、主人驚曰、得無客姓為許、許曰然、何見知、又曰、得無客邑為淄、曰然、何見知、主人不答、遽出、俄而丈夫抱子、媳女窺門、雜沓而來、環如墻堵、許亦驚、衆乃告曰、數夜前夢神言、淄川許友當即來、可助一資斧、祇侯已久、許亦異之、乃往祭於祠而祝曰、別君後、寤寐不去心、遠踐曩約、又蒙夢示居人、感篆中懷、愧無腆物、僅

有卮酒、如不棄、當如河上之飲、祝畢焚錢紙、俄見風起座後、旋轉移時始散、至夜夢少年來、衣冠楚楚、大異平時、謝曰、遠勞顧問、喜泪交並、但任微職、不便會面、咫尺河山、甚愴於懷、居人薄有所贈、聊酬夙好、歸如有期、尚當走送、居數日、許欲歸、衆留殷懇、朝請暮邀、日更數主、許堅辭欲行、衆乃折柬抱襆、爭來致贐、不終朝餽遺盈橐、蒼頭稚子、畢集祖送、出村、歛有羊角風起、隨行十餘里、許再拜曰、六郎珍重、勿勞遠涉、

君心仁愛、自能造福一方、無庸故人囑也。風盤旋久之、乃去。村人亦嗟訝而返。許歸家稍裕、遂不復漁。後見招遠人問之、其靈應如嚮云。或言即章邱石坑庄、未知孰是。

異史氏曰、置身青雲、無忘貧賤、此其所以神也。今日車中貴介、寧復識戴笠人哉。余鄉有林下者、家綦貧、有童穉交、任肥秩、計投之、必相周顧、竭力辦裝、奔涉千里、殊失所望。鴻囊貨騎、始得歸。其族弟

甚諧、作月令嘲之云、是月也、哥哥至、貂帽解、華蓋不張、馬化為驢、靴始收聲、念此可為一笑、

偷桃

童時赴郡試、值春節、舊例先一日各行商賈、彩樓鼓吹赴藩司、名曰演春、余從友人戲矚、是日遊人如堵、堂上四官皆赤衣、東西相向坐、時方稚、亦不解其何官、但聞人語、齊嘈鼓吹聒耳、忽有一人、率披髮童荷担而上、似有所白、萬聲洶湧、亦不聞為何語、但視堂

上作笑聲、即有青衣人大聲命作劇、其人應命方興、問作何劇、堂上相顧數語、吏下宣問所長、答言能顛倒生物、吏以白官、少頃復下、命取桃子、術人應諾、解衣覆笥上、故作怨狀曰、官長殊不了了、堅水未解、安所得桃、不取、又恐為南面者怒、奈何、其子曰、父已諾之、又焉辭、術人惆悵良久、乃曰、我籌之爛熟、春初雪積、人間何處可覓、惟王母園中、四時常不凋謝、或有之、必竊之天上、乃可、子曰嘻、天可階而升乎、曰有術

在、乃啓筭出繩一團、約數十丈、理其端、望空中擲去、繩即懸立空際、若有物以掛之、未幾愈擲愈高、渺入雲中、手中繩亦盡、乃呼子曰、兒來、余老憊、體重拙、不能行、得汝一往、遂以繩授子曰、持此可登、子受繩、有難色、怨曰、阿翁亦大憤憤、如此一綫之繩、欲我附之以登萬仞之高天、倘中道斷絕、骸骨何存矣、父又強鳴拍之曰、我已失口、追悔無及、煩兒一行、倘竊得來、必有百金賞、當為兒娶一美婦、子乃持索盤旋而上、

手移足隨如蛛趲絲漸入雲霄不可復見久之墜一
莖如盃大術人喜持獻公堂堂上傳示良久亦不知
其真偽忽而繩落地上術人驚曰殆矣上有人斷吾
繩兒將焉托移時一物墜視之其子首也捧而泣曰
是必偷莖為監者所覺吾兒休矣又移時一足落無
何肢體紛墜無復存者術人大悲一一拾置笥中而
閣之曰老夫止此兒日從我南北遊今承嚴命不意
罹此奇慘當負去瘞之乃升堂而跪曰為莖故殺吾

子矣。如憐小人而助之葬，當結草以圖報耳。坐官駭詫，各有賜金。術人受而纏諸腰，乃扣筭而呼曰：「八八兒不出謝賞，將何待？」忽一蓬首童，頭抵筭蓋而出，望北稽首，則其子也。以其術奇，故至今猶記之。後聞白蓮教能為此術，意此其苗裔耶。

種梨

有鄉人貨梨於市，頗甘芳，價騰貴。有道士破巾絮衣，丐於車前。鄉人咄之亦不去，鄉人怒，加以叱罵。道士

曰、一車數百顆、老衲止丐其一、於居士亦無大損、何怒焉、觀者勸置劣者一枚令去、鄉人執不肯、肆中傭保者見喋聒不堪、遂出錢市一枚付道士、道士拜謝、謂衆曰、出家人不解吝惜、我有佳梨、請出供客、或曰、既有之、何不自食、曰、我特需此核作種、於是掬梨啗且盡、把核於手、解肩上鑊、坎地深數寸、納之、而覆以土、向市人索湯沃灌、好事者於臨路店索得沸瀋、道士接浸坎上、萬目攢視、見有勾萌出、漸大、俄成樹、枝

葉扶蘓、倏而花、倏而實、碩大芳馥、纍纍滿樹、道士乃
即樹頭摘賜觀者、頃刻向盡、已乃以鐮伐樹、丁丁良
久方斷、帶葉荷肩頭、從容徐步而去、初道士作法時、
鄉人亦襍立衆中、引領注目、竟忘其業、道士既去、始
顧車中、則梨已空矣、方悟適所俵散皆已物也、又細
視車上一耙亡、是新鑿斷者、心大憤恨、急跡之、轉牆
隅、則斷耙棄垣下、始知所伐梨本即是物也、道士不
知所在、一市粲然、

異史氏曰、鄉人憤憤、愁狀可掬、其見笑於市人有以哉、每見鄉中稱素封者、良朋乞米、則怫然且計曰、是數日之資也、或勸濟一危難、飯一甕、獨則又忿然又計曰、此十人五人之食也、甚而父子兄弟、較盡錙銖、及至淫博迷心、則傾囊不吝、刀鋸臨頸、則贖命不遑、諸如此類、正不勝道、蠢爾鄉人、又何足怪、

丐仙

高玉成故家子居金城之廣里善針灸不擇貧富輒醫之里中來一丐者經有廢瘡卧於道膿血狼籍臭不可近居人恐其死日一飴之高見而憐焉遣人扶歸置於耳舍家人惡其臭掩鼻遙立高出艾親爲之灸日餉以蔬食數日丐者索湯餅僕人怒訶之高聞即命僕賜以湯餅未幾又乞酒肉僕走告曰乞人可笑之甚方其卧於道也日求一餐不可得今三飯猶嫌粗糲既與湯餅又乞酒肉此等貪饕只宜仍棄之

道上耳。高問其瘡，曰：痂漸脫落，似能步履，故假呻嘆作呻楚狀。高曰：所費幾何？即以酒肉饋之，待其健，或不吾仇也。僕偽諾之，而竟不與。且與諸曹偶語，共笑主人痴。次日，高親詣視丐，跛而起，謝曰：蒙君高義，生死人而肉白骨，惠深覆載，但新瘡未健，妄思饒嚼耳。高知前命不行，呼僕痛答之，立命持酒炙餌丐者。僕啣之夜，分縱火焚耳舍，乃故呼號。高起視，舍已燼。嘆曰：丐者休矣。督衆救滅，見丐者酣卧火中，勦截雷

動喚之起，故驚曰：「屋何往？」羣始驚其異，高彌重之。卧以客舍，衣以新衣，日與同坐處，問其姓名，自言陳九。居數日，容益光澤，言論多風格。又善手談，高與對局，輒敗，乃日從之學，頗得其奧秘。如此半年，丐者不言去。高亦一時少之不樂也。即有貴客來，亦必偕之同飲，或擲骰為令，陳每代高呼采雉，盧無不如意。高大奇之，每求作劇，輒辭不知。一日語高曰：「我欲告別，向受君惠且深，今薄設相邀，勿以人從也。」高曰：「相得甚。」

歡何遽決絕。且君杖頭空虛，亦不敢煩作東道主。陳固邀之曰：盍酒耳，亦無所費。高曰：何處？答云：園中。時方嚴冬，高慮園亭苦寒，陳固言不妨，乃從至園中。覺氣候頓暖，似三月初旬。又至亭中，見異鳥成羣，亂弄清味，髣髴暮春景象。亭中几案皆鑲以瑤玉，有一水晶屏，瑩澈可鑑，中有花樹，搖曳開落不一。又有白禽似雪，往來勾輊於其上，以手撫之，殊無一物。高愕然良久，坐見鸛鵒棲架上，呼曰：茶來。俄見朝陽丹鳳，銜

一赤玉盤上有玻璃琰二盛香茗伸頸屹立飲已置
琰其中鳳銜之振翼而去鸚鵡又呼曰酒來即有青
鸞黃鶴翩々自日中來銜壺銜杯紛置案上頃之則
諸鳥進饌往來無停翅珍錯雜陳瞬息滿案肴香酒
冽都非常品陳見高飲甚豪乃曰君宏量是得大爵
鸚鵡又呼曰取大爵來忽見日邊烟々有巨蝶櫻鸚
鵡杯受斗許翔集案間高視蝶大於雁兩翼綽約文
采燦麗亟加贊嘆陳喚曰蝶子勸酒蝶展然一飛化

為麗人、繡衣蹁躑、前席進酒、陳曰、不可無以佐觴、女乃仙、而舞、到酣際、足離於地者尺餘、輒仰折其首、直與足齊、倒翻身而起立、身未嘗著於塵埃、且歌曰、連翩笑語、躑芳叢、低亞花枝、拂面紅、曲折不知金鈿落、更隨蝴蝶過、籬東餘音嫋、不啻繞梁、高大喜、拉與同飲、陳命之坐、亦飲之酒、高酒後、心搖意動、遽起狎抱、視之則變為夜叉、睛突於背、牙出於喙、黑肉凹凸、怪惡不可言狀、高驚釋手、伏几戰栗、陳以箸擊

其喙訶曰速去、隨擊而化、又為蝴蝶、飄然颺去、高驚
定辭出、見月色如洗、漫語陳曰、君旨酒嘉肴、來自空
中、君家當在天上、盡携故人一遊、陳曰可、即與携手
躍起、遂覺身在空冥、漸與天近、見有高門口、圓如井、
入則光明似晝、堦路皆蒼石、砌成滑潔、無纖翳、有大
樹一株、高數丈、上開赤花、大如蓮、紛紜滿樹、下一女
子、擣絳紅之衣於砧上、艷麗無雙、高木立晴、傳、竟忘
行步、女子見之、怒曰、何處狂郎、妄來此處、輒以杵投

之中其背陳急曳於虛所切責之高被杵酒亦頓醒殊覺汗愧乃從陳出有白雲接於足下陳曰從此別矣有所囑慎誌勿忘君壽不永明日速避西山中當可免高欲挽之返身竟去高覺雲漸低身落園中則景物大非歸與妻子言共相駭異視衣上着杵處異紅如錦有奇香早起從陳言裹糧入山大霧障天茫茫然不辨徑路躡荒急奔忽失足墮雲窟中覺深不可測而身幸不損定醒良久仰見雲氣如籠乃自嘆

曰仙人令我逃避、大數終不能免、何時出此窟耶、又坐移時、見深處隱、有光遂起而漸入、則別有天地、有三老方對奕、見高至、亦不顧問、奕不輟、高蹲而觀焉、局終、歛子入盒、方問客何得至此、高言迷墮失路、老者曰、此非人間、不宜久淹、我送君歸、乃導至窟下、覺雲氣擁之以昇、遂履平地、見山中樹色深黃、蕭々木落、似是秋杪、大驚曰、我以冬來、何變暮秋、奔赴家中、妻子盡驚、相聚而泣、高訝問之、妻曰、君去三年不

返皆以為異物矣。高曰：異哉！終頃刻耳。於腰中出其糗糧，已若灰燼。相與詫異。妻曰：君行後，我夢二人，皂衣閃帶，似評賦者，洵然入室。張頤曰：彼何往？我訶之曰：彼已外出。爾即官差，何得入人閨闥？二人乃出。且行且語曰：怪事！怪事！而去。高乃悟已所遇者仙也。妻所遇者鬼也。高每對客，裹杵衣於內，滿座皆香，非麝非蘭，著汗彌盛云。

僧孽

張姓暴卒、隨鬼使去見冥王、稽簿怒鬼使誤捉責、令送歸、張下私浼鬼使求觀冥獄、鬼導歷九幽、刀山劍樹、一一指點、末至一處、有一僧孔股穿繩而倒懸之、號痛欲絕、近視則其兄也、張見之驚哀、問何罪至此、鬼曰、是為僧廣募金錢、悉供淫賭、故罰之、欲脫此厄、須其自懺、張既甦、疑兄已死、時其兄居興福寺、因往探之、入門便聞其號痛、殺入室、見創生股間、膿血崩潰、挂足壁上、宛如冥司倒懸狀、駭問其故、曰挂之

稍可、不則痛徹心腑、張因告以所見、僧大駭、乃戒葷酒、虔誦經咒、半月尋愈、遂為戒僧。

鬼哭

謝遷之變、宦第皆為賊窟、王學使七襄之宅、盜聚尤衆、城破、兵入、掃蕩群醜、尸填階墀、血至盈門、而流公入城、扛尸滌血而居住、白晝見鬼、夜則床下燐飛、牆角鬼哭、一日王生皞迪寄宿公家、聞床底小聲連呼皞迪、皞迪已而聲漸大、曰我死得苦、因哭、滿庭皆

哭公開杖而入、大言曰、汝不識我王學院耶、但聞百
聲嗤々、笑之以鼻、公於是設水陸道場、命釋道懺度
之夜、拋鬼飯、則見熐火熒々、隨地皆出、先是閤人王
姓者、疾篤、昏不知人者數日矣、是日忽欠伸若醒、婦
以食進、王曰、適主人不知何事、施飯於庭、我亦隨衆
嚼噉、食已方歸、故不飢耳、由此鬼怪遂絕、豈饒鉞鍾
鼓、焰口瑜珈、果有益耶、

異史氏曰、邪怪之物、惟德可以已之、當陷城之時、

王公勢正烜赫，聞穀者皆股栗，而鬼且抑揄之，想鬼物逆知其不令終耶。普告天下大人先生，出人面猶不可以嚇鬼，願勿出鬼面以嚇人也。

蛇癖

予鄉王蒲令，漢呂奉寧，性嗜蛇，每得小蛇，則全吞之，如噉葱狀。大者以刀寸寸斷之，始掬以食，嚼之錚錚，血水沾頤，且善嗅，嘗隔牆聞蛇香，急奔牆外，果得蛇盈尺，時無佩刀，先噬其頭尾，尚蜿蜒於口際。

廟鬼

新城諸生王啟後者，方伯中宇公象坤曾孫。見一婦人入室，貌肥黑，不揚笑，近坐榻，意甚褻。王拒之不去，由此坐卧輒見之。而王意堅定，終不搖。婦怒，批其頰有聲，而亦不甚痛。婦以帶懸梁上，猝與並縊。王不覺自投梁下，引頸作縊狀。人見其足不履地，挺然立空中，即亦不能死。自是病顛，忽曰：彼將與我投河矣。望河狂奔，曳之乃止。如此百端，日常數作，術藥罔效。一

日忽見有武士綰鎖而入，怒叱曰：「朴誠者，汝何敢擾？」
即繫婦項，自櫺中出，繞至窓外。婦不復人形，目光電
閃，口血赤如盆。憶城隍廟門中有泥鬼四，絕類其一。
焉，於是病若失。

義鼠

揚天一見二鼠出，其一為蛇所吞，其一瞪目如椒，似
甚恨怒，然遙望不敢前。蛇果腹蜿蜒入穴，方將過半，
鼠奔來力啗其尾。蛇怒，退身出，鼠故便捷，歛然遁去。

蛇追不及而返、及入穴、鼠又來、啣如前狀、蛇入則來、蛇出則往、如是者久、蛇出、吐死鼠於地上、鼠來嗅之、啾、如悼惜、啣之而去、友人張歷友為作義鼠行、

地震

康熙七年六月十七日戌刻、地大震、余適客稷下、方與表兄李篤之對燭飲、忽聞有聲如雷、自東南來、向西北去、衆駭異、不解其故、俄而几案擺簸、酒杯傾覆、屋梁椽柱、錯折有聲、相顧失色、久之方知地震、各疾

趨出、見樓閣房舍仆而復起、墻傾屋塌之聲、與兒啼
女號、喧如鼎沸、人眩暈不能立、坐地上、隨地轉側、河
水傾丈餘、鴨鳴犬吠滿城中、踰一時許始稍定、視街
上則男女裸聚、競相告語、並忘其未衣也、後聞某處
井傾側不可汲、某家樓台南北易向、棲霞山裂、沂水
陷穴廣數畝、此真非常之奇變也、

有邑人婦夜起溲溺、回則狼啣其子、婦急與狼爭、
狼一緩頰、婦奪兒出、携抱中、狼蹲不去、婦大號鄰

人奔集，狼乃去。婦驚定，作喜，指天畫地，述狼啣兒狀，與已奪兒狀，良久，忽悟一身未着寸縷，乃奔比與地震時男婦兩忘者同一狀也。人之惶急無謀，一何可笑。

猪婆龍

猪婆龍產於西江，形似龍而短，能橫飛，常出沿江岸撲食鵝鴨，或獵得之，則貨其肉於陳柯。此二姓皆友諒之裔，世食猪婆龍肉，他族不敢食也。一客自江右來，

得一頭繫舟中、一日泊舟錢塘、縛稍懈、忽躍入江、俄頃波濤大作、估舟傾沉、

陝右某公

陝右某公、辛丑進士、能記前身、嘗言前生為士人中、年而死、後見冥王判事、鼎鑪油鑊、一如世傳、殿東隅設數架、上搭犬羊牛馬諸皮、簿吏呼名、或罰作馬、或罰作猪、皆裸之、於架上取皮被之、俄至公、聞冥王曰、是宜作羊、鬼取一白羊皮來、捺覆公體、吏曰、是曾

拯一人死王檢籍覆視曰免之惡雖多此善可贖鬼
又禿其毛革、已粘體不可復動、而鬼捉臂按胸力
脫之、痛苦不可名狀、皮片、断裂、不得盡淨、既脫、近
肩處猶粘羊皮大如掌、公既生、背上有羊毛叢生、剪
去復出、

好快刀

明末濟屬多盜、邑各置兵、捕得輒殺之、章邱盜尤多、
有一兵佩刀甚利、殺輒導竅、一日捕盜十餘名、押赴

市曹內一盜識兵，遂巡告曰：「聞君刀甚快，斬首無二割，求殺我兵。」曰：「諾，其謹依我，勿離也。」盜從至刑所，出刀揮之，豁然頭落。數步外，猶圓轉而大贊曰：「好快刀！」

江中鬼

王聖俞南游，泊舟江心。既寢，視月明如練，未能寐。使僮僕為之按摩，忽聞舟頂如小兒行，踏蘆蓆作响。遠自舟尾來，漸近艙戶，慮為盜，急起問僮。亦聞之，問答間，見一人伏舟頂上，垂首窺艙內。王大愕，按劍呼

諸僕一舟俱醒告以所見或疑錯誤俄响殺又作羣
出四顧渺然無人惟疎星皓月漫漫江波而已衆危
坐舟上旋見青火如螢燈狀突出水面隨水浮游漸
近船則火頓滅即有黑人驟起屹立水面以手攀舟
而行衆譟曰必此物也欲射之方關弓則遽伏水中
不可見矣問舟人舟人曰此古戰場鬼時出沒其無
足怪

戲術

有桶戲者，桶可容升，無底中空，亦如俗戲。人以二席置地上，持一升入桶中，旋出，即有白米滿升，傾注席上，又取又傾，頃刻兩席皆滿。然後一一量入，畢而舉之，猶是空桶，奇在多也。

利津李見田，在顏鎮閒游陶場，欲市巨甕，與陶人爭直，不成而去。至夜窰中未出者六十餘甕，啟視一空。陶人大驚，疑李踵門求之，李謝不知。固哀之，乃曰：我代汝出陶，一甕不損，在魁星楼下，非與如言往視果。

一一俱在樓、在鎮之南山、去場三里餘、傭工運之、三日乃盡焉、

螯龍

於陵曲銀臺公、讀書樓上、值陰雨晦冥、見一小物、有光如螢、蠕蠕登几、過處輒黑如虫跡、漸盤卷上、卷亦焦意為龍、乃捧卷送之、至門外、持立良久、螭屈不少、動、公曰、將毋謂我不恭耶、執卷返、仍置案上、冠帶長揖而後送之、方至簷下、但見昂首乍伸、離卷橫飛、其

穀嗤然光一道如縷數步外回首向公則頭大於瓮身數十圍矣又一折反霹靂震驚騰霄而去回視所行處蓋曲々自書笥中出焉

小髻

長山居民某暇居輒有短客來久與扳談素不識其生平頗注疑念客曰三數日即便徙居與君比鄰矣過四五日又曰今已同里旦晚可以承教問喬居何所亦不詳告但以手北指自是日輒一來時向人假

器具或各不與、則自失之、羣疑其狐、村北有古塚、陷不可測、意必居此、共操兵仗往伏聽之、久無少異、一更向盡、聞穴中戢々然似數十百人作耳語、衆寂不動、俄而尺許小人、連縷而出、至不可數、衆起大譟、並擊之、杖々皆火、瞬息四散、惟遺一小髻、如胡桃壳然、紗飾而金綫、嗅之、騷臭不可言。

金永年

利津金永年、八十二歲、無子、媼亦七十八歲、自分絕

望忽夢神告曰、本應絕嗣、念汝貿販平準、賜予一子、醒以告媪、曰、此真妄想、兩人皆將就木、何由生子、無何媪腹震動、十月竟舉一男、

夏雪

丁亥年七月初六日、蘓州大雪、百姓皇駭、共禱諸大王之廟、大王忽附人而言曰、如今稱老爺者皆增一大字、其以我神為小、消不得一大字耶、衆悚然齊呼大老爺、雪立止、由此觀之神亦喜諂、宜乎治下部者

之得車多矣。

異史氏曰、世風之變也、下者益諂、上者益驕、即康熙四十餘年中、稱謂之不古、甚可笑也、舉人稱爺、二十年始、進士稱老爺、三十年始、司院稱大老爺、二十五年始、昔者大令、謂中丞、亦不過老大人而止、今則此稱久廢矣、即有君子、亦素諂媚行乎諂媚、莫敢有異詞也、若縉紳之妻呼太、裁數年耳、昔惟縉紳之母始有此稱、以妻而得此稱者、惟淫

史中有喬林耳。他未之見也。唐時上欲加張說大學士。說辭曰。學士從無大名。臣不敢稱。今之大誰大之。初由於小人之諂。而因得貴。倨者之悅。居之不疑。而紛紛者。遂徧天下矣。竊意數年以後。稱爺者必進而老。稱老爺者必進而大。但不知大上造何尊稱。匪夷所思已。

丁亥年六月初三日。河南歸德府大雪尺餘。禾皆凍死。惜乎其未知媚大王之術也。悲夫。

美人首

諸商寓居京舍、與鄰屋相連、中隔板壁、板有杉節、
脫處、穴如玦、忽女子探首入、挽鳳髻絕美、旋伸一臂、
潔白如玉、衆駭其妖、欲捉、已縮去、少頃又至、但隔壁
不見其身、奔之則又去之、一商操刀伏壁下、俄首出、
暴決之、應手而落、血濺塵土、衆驚告主人、主人惧、以
其首、馬逮諸商鞠之、殊荒唐、淹繫半年、迄無情詞、
亦未有以人命訟者、乃釋商、瘞女首。

車夫

有車夫載重登坡，方極力時，一狼來啣其臀，欲釋手則貨敝身壓，忍痛推之。既上，則狼已齧片肉而去，乘其不能為力之際，而竊嘗一嚙，亦黯而可笑也。

楊疤眼

一獵人夜伏山中，見有小人長二尺已來，踽行澗底。少間，又一人來，高亦如之，適相值，交問何之。前者曰：「我將往望楊疤眼。」前見其氣色晦暗，多罹不吉。後

人曰、我亦為此、汝言不謬、獵者知其非人、厲聲大叱、二人並無有矣、夜獲一狐、左目上有疤痕、大如錢、

鼠戲

長安市上有賣鼠戲者、背負一囊、中蓄小鼠十餘頭、每於稠人中、出小木架、置肩上、儼如戲樓狀、乃拍鼓、板唱古雜劇、歌聲甫動、則有鼠自囊中出、蒙假面、被小裝服、自背登樓、人立而舞、男女悲歡、悉合劇中、關目、

二二

聊齋誌異卷之二

般陽蒲松齡柳泉甫著

勞山道士

邑有王生行七、故家子、少慕道、聞勞山多仙人、負笈往遊、登一頂、有觀宇甚幽、一道士坐蒲團上、素髮垂領、而神光爽邁、叩而與語、理甚玄妙、請師之道、道士曰、恐嬌情不能作苦、答言能之、其門人甚衆、薄暮畢集、王俱與稽首、遂留觀中、凌晨、道士呼王去、授一斧、使

隨衆採樵、王謹受教、過月餘、手足重繭、不堪其苦、陰有歸志、一夕歸、見二人與師共酌、日已暮、尚無燈燭、師乃剪紙如鏡、粘壁間、俄頃月明輝室、光鑑毫芒、諸門人環聽奔走、一客曰、良宵勝樂、不可不同、乃於案上取酒壺、分賚諸徒、且囑盡醉、王自思七八人、壺酒何能徧給、遂各覓盎、字競飲、先醕、惟恐樽盡、而往復挹注、竟不少減、心竒之、俄一客曰、蒙賜月明之照、乃爾寂飲、何不呼嫦娥來、乃以箸擲月中、見一美人自

光中出、初不盈尺、至地遂與人等、纖腰綉項、翩翩作霓裳舞、已而歌曰、仙仙乎而還乎、而幽我於廣寒乎、其聲清越、烈如簫管、歌畢、盤旋而起、躍登几上、驚顧之間、已復為箸、三人大笑、又一客曰、今宵最樂、然不勝酒力矣、其饒我於月宮可乎、三人移席、漸入月中、衆視三人坐月中飲、鬚眉畢見、如影之在鏡中、移時月漸暗、門人燃燭來、則道士獨坐而客杳矣、几上肴核尚故、壁上月紙圓如鏡而已、道士問衆飲足乎、曰

足矣。足宜早寢，勿誤樵蘓。衆諾而退。王竊欣慕，歸念遂息。又一月，苦不可忍，而道士並不傳教一術。心不能待，辭曰：「弟子數百里受業仙師，縱不能得長生術，或小有傳習，亦可慰求教之心。今閱兩三月，不過早樵而暮歸，弟子在家未諳此苦。」道士笑曰：「吾固謂不能作苦，今果然。」明早當遣汝行。王曰：「弟子操作多日，師畧授小技，此來為不負也。」道士問何術之求。王曰：「每見師行處，牆壁所不能隔，但得此法足矣。」道士笑。

而允之、乃傳一訣、令自咒畢、呼曰入之、王面墻不敢入、又曰試入之、王果從容入、及墻而阻、道士曰、俛首驟入、勿逡巡、王果去墻數步奔而入、及墻虛若無物、回視果在墻外矣、大喜、入謝、道士曰、歸宜潔持、否則不聽、遂助資斧遣之歸、抵家、自詡遇仙、堅壁所不能阻、妻不信、王倣其作為、去墻數尺奔而入、頭觸硬壁、驀然而踣、妻扶視之、額上墳起、如巨卵焉、妻揶揄之、王慚忿、罵老道士之無良而已、

異史氏曰、聞此事、未有不大笑者、而不知世之為王生者、正復不少、今有傖父喜疾毒而畏藥石、遂有舐癰吮痔者、進宣威逞暴之術、以迎其旨、紿之曰、執此術也、以往、可以橫行而無碍、初試未嘗不小效、遂謂天下之大、舉可以如是行矣、勢不至觸硬壁而顛蹶不止也、

長清僧

長清僧、其道行高潔、年七十餘、猶健、一日、顛仆不起、

寺僧奔救已圓寂矣僧不自知死魂飄去至河南界河南有故紳子率十餘騎按鷹獵兔馬逸墜斃魂適相值翕然而合遂漸蘊廝僕環問之張目曰胡至此衆扶歸入門則粉白黛綠者紛集碩問大駭曰我僧也胡至此家人以為妄共提耳悟之僧亦不自申解但閉目不復有言餉以脫粟則食酒肉則拒夜獨宿不受妻妾奉數日後忽思少步衆皆喜既出少定即有諸僕紛來錢簿穀籍雜請會計公子託以病倦悉

謝絕之。惟問山東長清縣知之否。共答知之。曰。我鬱
無聊賴。欲往遊。曠宜即治任。衆謂新瘳未應遠涉。不
聽。翼日遂發。抵長清。視風物如故。無煩問途。竟至蘭
若。弟子數人見貴客至。伏謁甚恭。乃問老僧馬往。答
云。吾師曩已物化。問墓所。羣導引以往。則三尺孤墳。
荒草猶未合也。衆僧不知何意。既而戒馬欲歸。囑曰。
汝師戒行之僧。所遺手澤。宜恪守。勿俾損壞。衆唯唯。
乃行。既歸。灰心木坐了。不勾當家務。居數月。出門自

遁直抵舊寺、謂弟子曰、我即汝師、衆疑其謬、相視而笑、乃述返魂之由、又言生平所為、悉符衆乃信、居以故榻、事之如平日、後公子家屢以輿馬來哀請之、畧不顧瞻、又年餘、夫人遣紀綱至、多所餽遺、金帛皆却之、惟受布袍一襲而已、友人或至其鄉、敬造之、見其人、嘿然、誠篤、年僅而立、而輒道其八十餘年事、

異史氏曰、人死則魂散、其千里而不散者、性定故耳、余於僧不異之乎、其再生而異之乎、其入紛華

靡麗之鄉而能絕人以逃世也。眼睛一閃而蘭麝薰心有求死不得者矣。况僧乎哉。

蛇人

東郡某甲以弄蛇為業。嘗蓄馴蛇二。皆青色。其大者呼之大青。小曰二青。二青額有赤點。尤靈馴。盤旋無不如意。蛇人愛之。異於他蛇。期年大青死。思補其缺。未暇遑也。一夜寄宿山寺。既明啓筭。二青亦渺。蛇人悵恨欲死。冥搜亟呼。迄無影兆。然每至豐林茂草。輒

縱之去、俾得自適、尋復還、以此故、冀其自至、坐伺之、
日既高、亦已絕望、怏怏遂行、出門數武、聞叢薪錯楚、
中窸窣作响、停趾愕顧、則二青來也、大喜、如獲拱璧、
息肩路隅、蛇亦頓止、視其後、小蛇從焉、撫之曰、我以
汝為逝矣、小侶而所荐也、出餌飼之、兼飼小蛇、小蛇
雖不去、然瑟縮不敢食、二青含哺之、宛似主人之讓
客者、蛇人又飼之、乃食、食已、隨二青俱入笥中、荷去、
教之旋折、輒中規矩、與二青無少異、因名之小青、銜

技四方、獲利無算、大抵蛇人之弄蛇也、止以二尺為
率、大則過重、輒更易之、緣二青馴、故未遽棄、又二三
年、長三尺餘、卧則竒為之滿、遂決去之、一日至淄邑
東山間、飼以美餌、祝而縱之、既去頃之、復來、蜿蜒竒
外、蛇人揮曰、去之、世無百年不散之筵、從此隱身大
谷、必且為神龍、竒中何可以久居也、蛇乃去、蛇人目
送之、已而復返、揮之不去、以首觸竒、小青在中亦震
震而動、蛇人悟曰、得勿欲別小青耶、乃發竒、小青逕

出因與交首吐舌似相告語已而委蛇並去方意小青不返俄而蹢蹢獨來竟入笥卧由此隨在物色迄無佳者而小青亦漸大不可弄後得一頭亦頗馴然終不如小青良而小青粗於兒臂矣先是二青在山中樵人多見之又數年長數尺圍如盥漸出逐人因而行旅相戒罔敢出其途一日蛇人經其處蛇暴出如風蛇者大怖而奔蛇逐益急回顧已將及矣而視其首朱點儼然始悟為二青下担呼曰二青二青蛇

頃止、昂首久之、縱身繞蛇人、如昔弄狀、覺其意殊不惡、但軀巨重、不勝其繞、仆地呼禱、乃釋之、又以首觸笥、蛇人悟其意、開笥出小青、二蛇相見、交纏如飴糖狀、久之始開、蛇人乃祝小青、我久欲與汝別、今有伴矣、謂二青曰、原君引之來、可還引之去、更囑一言、深山不乏食飲、勿擾行人、以犯天譴、二蛇垂頭似相領、受遽起、大者前、小者後、過處林木、為之中分、蛇人佇立望之、不見乃去、此後行人如常、不知二蛇何往也、

異史氏曰蛇蠢然物耳乃戀戀有故人之意且其
從諫也如轉圜獨怪儼然而人也者以十年把臂
之交數世蒙恩之主輒思下井復投石焉又不然
則藥石相投悍然不顧且怒而仇焉者不且出斯
蛇下哉

斫蟒

胡田村胡姓者兄弟採樵深入幽谷遇巨蟒兄在前
為所吞弟初駭欲奔見兄被噬遂忿怒出樵斧斫蟒

首、首傷而吞不已、然頭雖已沒、幸肩際不能下、弟急
極、無計、乃兩手持兄足力與蟒爭、竟曳兄出、蟒亦負
痛去、視兄則鼻耳俱化、奄將氣盡、肩負以行、途中凡
十餘息始至家、醫養半年方愈、至今面目皆癢痕、鼻
耳處惟孔存焉、噫、農人中乃有悌弟如此哉、或言蟒
不為害、乃德義所感、信然、

犬姦

青州賈某客於外、恒經歲不歸、家蓄一白犬、妻引與

交習為常一日夫至與妻共卧犬突入登榻齧賈人
竟死後里舍稍聞之共為不平鳴於官官械婦婦不
肯伏收之命縛犬來始取婦出犬忽見婦直前碎衣
作交狀婦始無詞使兩役解部院一解人而一解犬
有欲觀其合者共斂錢賂役役乃牽聚令交所止處
觀者常百人役以此網利焉後人犬俱寸磔以死嗚
呼天地之大真無所不有矣然人面而獸交者獨一
婦也乎哉

異史氏為之判曰、會於濮上、古所交譏、約於桑中、人且不齒、乃某者、不堪雌守之苦、浪思苟合之歡、夜叉伏床、竟是家中牝獸、捷卿入竇、遂為被底情、卽雲雨台前、亂搖續貂之尾、溫柔鄉裡、頻歛曳象之腰、銳錐處於皮囊、一縱股而脫穎、留情結於鏃、項復飲羽而生根、忽思異類之交、真屬匪夷之想、虺吠奸而為奸、妬殘兇殺、律難治以蕭曹、人非獸而實獸、奸穢淫腥、肉不食於豺虎、嗚呼、人奸殺則

女擬以剔、至於犬、奸殺陽世、遂無其刑、人不良、則
罰人作犬、至於犬不良、陰曹應窮於法、宜肢解、以
追魂魄、請押赴以問閻羅、

雷神

王公筠蒼、莅任楚中、擬登龍虎山、謁天師、及湖甫登
舟、即有一人、駕小艇來、使舟中人為通、公見之、貌修
偉、懷中出天師刺、曰、聞騶從將臨、先遣負弩、公訝其
預知、益神之誠意而往、天師治具相款、其服役者、衣

冠鬚鬣多不類常人。前使者亦侍其側。少間。向天師細語。天師謂公曰。此先生同鄉。不之識耶。公問之曰。此即世所傳電神李左車也。公愕然改容。天師曰。適言奉旨雨雹。故告辭耳。公問何處。曰。章邱。公以接壤。關切。離席乞免。天師曰。此上帝王勅。電有額數。何能相徇。公哀不已。天師垂思良久。乃頷而囑曰。其多降山谷。勿傷禾稼可也。又囑貴客在座。文去。勿武神出。至庭中。忽足下生烟。氤氲匝地。俄延踰刻。極力騰起。

纔高於庭樹、又起高於樓閣、霹靂一聲、向北飛去、屋
宇震動、筵罷擺簸、公駭曰、去乃作雷霆耶、天師曰、適
戒之、所以遲遲、不然、平地一聲、便逝去矣、公別歸、誌
其月日、遣人問章邱、是日果大雨、電溝渠皆滿、而田
中僅數枚馬、

狐嫁女

歷城殷天官、少貧、有胆畧、邑有故家之第、廣數十畝、
樓宇連亘、常見怪異、以故廢無居人、久之蓬蒿漸滿、

白晝亦無敢入者。會公與諸生飲，或戲云：「有能寄此一宿者，共釀為筵。」公躍起曰：「是亦何難！」携一席往，衆送諸門，戲曰：「吾等暫候之。」如有所見，當急號。公笑云：「有鬼狐當捉証耳。」遂入，見長莎蔽溼蒿艾如麻。時值上弦，幸月色暈黃，門戶可辨。摩挲數進，始抵後樓，登月台，光潔可愛，遂止焉。西望月明，惟啣山一綫耳。坐良久，更無少異。竊笑傳言之訛。席地枕石，卧看牛女。一更向盡，恍惚欲寐。樓下有履聲籍籍而上，假寐睨

之見一青衣人挑蓮燈、猝見公驚而却退、語後人曰、有生人在下、問誰也、答云不識、俄一老翁上就公諦視曰、此殷尚書、其睡已酣、但辦吾事、相公個儻或不叱怪、乃相率入樓、樓門盡闢、移時往來者益衆、樓上燈輝如晝、公稍稍轉側作嚏咳、翁聞公醒、乃出跪而言曰、小人有箕帚女、今值于歸、不意有觸貴人、望勿深罪、公起曳之曰、不知今夕嘉禮、慙無以賀、翁曰、貴人光臨、壑除兇煞、幸矣、即煩陪坐、倍益光寵、公喜應。

之入視樓中陳設芳麗遂有婦人出拜年可四十餘
翁曰此拙荆公揖之俄聞笙樂聒耳有奔而上者曰
至矣翁趨迎公亦立俟少間籠紗一簇導新郎入年
可十七八丰采韶秀翁命先與貴客為禮少年目公
公若為儂執半主禮次翁壻交拜已乃即席少間粉
黛雲從酒馥霧霏玉腕金甌光映几案酒數行翁喚
女奴請小姐來女奴諾而入良久不出翁自起牽幃
促之俄婢媼輩擁新人出環珮琤然麝蘭散馥翁命

向上拜起，即坐母側，微目之，翠鳳明璫，容華絕世。既而酌以金爵，大容數斗，公思此物可以持驗同人。陰內袖中，偽醉，隱几頽然而寢。皆曰：相公醉矣。居無何，聞新郎告行，笙樂暴作，紛紛下楼而去。已而主人斂酒具，少一爵，冥搜不得。或竊議卧客翁急戒無語，惟恐公聞。移時，內外俱寂，公始起，暗無燈火，惟脂香酒氣充溢四堵，視東方既白，乃從容出，探袖中金爵，猶在。及門，則諸生先俟，疑其夜出而早入者。公出爵示。

之衆駭問，因以狀告，共思此物非寒士所有，乃信之。後舉進士，任於肥丘，有世家朱姓宴公，命取巨觥，久之不至，有細奴掩口與主人語，主人有怒色，俄奉金爵勸客飲，諦視之，款式雕文，與狐物更無殊別，大疑問所從製，答云：爵凡八隻，大人為京卿時，覓良工監製，此世傳物，什襲已久，緣明府辱臨，適取諸箱簾，僅存其七，疑家人所竊取，而十年塵封如故，殊不可解。公笑曰：金盃羽化矣，然世守之珍，不可失，僕有一具。

頗近似之當以奉贈終筵歸署揀爵馳送之主人審
視駭絕親詣謝公詰所自來公乃歷陳顛末始知千
里之物狐能攝致而不敢終留也

嬌娜

孔生雪笠聖裔也為人蘊藉工詩有執友令天台寄
函招之生往令適卒落拓不得歸寓普陀寺傭為寺
僧抄錄寺西百餘步有單先生第先生故公子以大
訟蕭條眷口寡移而鄉居宅遂曠焉一日大雪崩騰

寂無行旅偶過其門一少年出丰采甚都見生趨與
為禮畧致慰問即屈降臨生愛悅之慨然從入屋宇
都不甚廣處處悉懸錦幕壁上多古人書畫案頭書
一冊籤云瑯環瑣記翻閱一過俱目所未覩生以居
單第意為第主即亦不審官閥少年細詰行踪意憐
之勸設帳授徒生嘆曰羈旅之人誰作曹丘者少年
曰倘不以駑駘見斥願拜門墻生喜不敢當師請為
友便問宅何久錮答曰此為單府曩以公子鄉居是

宅久曠、僕皇甫氏祖居陝、以家宅焚於野火、暫借安
頓、生始知非單、當晚談笑甚歡、即留共榻、昧爽即有
童子熾炭火於室、少年先起入內、生尚擁被坐、僮入
白太翁來、生驚起、一叟入、髯髮皤然、向生殷謝曰、先
生不棄頑兒、遂肯賜教、小子初學塗鴉、勿以友故、行
輩視之也、已乃進錦衣一襲、貂帽襪履各一事、視生
盥櫛已、乃呼酒荐饌、几榻裙衣不知何名、光彩射目、
酒數行、叟興辭曳杖而去、餐訖、公子呈課業、類皆古

文詞、並無時藝、問之、笑云、僕不求進取也、抵暮更酌、
曰、今夕盡歡、明日便不許矣、呼僮曰、視太翁寢未、已
寢、可暗喚香奴來、僮去、先以繡囊將琵琶至、少頃一
婢入、紅妝艷絕、公子命彈湘妃曲、婢以牙撥、勾動、激
揚哀烈、節拍不類夙聞、又命以巨觴行酒、三更始罷、
次日早起、共讀、公子最慧、過目成咏、二三月後、命筆
驚絕、相約五日一飲、每飲必招香奴、一夕酒酣、氣熱、
目注之、公子已會其意、曰、此婢為老父所養、兄曠

邈無家、我夙夜代籌久矣、行當為君謀一佳耦、生曰、
如果惠好、必如香奴者、公子笑曰、君誠少所見而多
所怪者矣、以此為佳、君願亦易足也、居半載、生欲翱
翔郊郭、至門則雙扉外扃、問之、公子曰、家君恐交游
紛意念、故謝客耳、生亦安之、時盛暑溽熱、移齋園亭、
生胸間腫起如菰、一夜如盃、痛楚呻吟、公子朝夕省
視、眠食俱廢、又數日、創劇益絕、食飲太翁亦至、相對
太息、公子曰、兒前夜思先生清恙、嬌娜妹子能療之、

遣人於外祖母處呼令歸。何久不至。俄僮入曰。娜姑至。姨與松姑同來。父子即趨入內。少間引妹來視生。年約十三四。嬌波流慧。細柳生姿。生望見艷色。頓呻都忘。精神為之一爽。公子便言此兄良友。不啻同胞也。妹子好醫之女。乃斂羞容。揄長袖。就榻診視。把握之間。覺芳氣勝蘭。女笑曰。宜有是疾。心脉動矣。然症雖危。可治。但膚塊已凝。非伐皮削肉不可。乃脫臂上金釧。安患處。徐徐按下之。創突起寸許。高出釧外。而

根際餘腫盡束在內、不似前如盃濶矣、乃一手啓羅
衿、解佩刀、刃薄於紙、把釧握刀、輕輕附根而割、紫血
流溢、沾染床席、生貪近嬌姿、不惟不覺其苦、且恐速
竣割事、俛傍不久、未幾割斷腐肉、團團然如樹上削
下之癭、又呼水來、為洗割處、口吐紅丸如彈大、着肉
上、按令旋轉、纔一周覺熱火蒸騰、再一周習習作痒、
三周已徧體清涼、沁入骨髓、女收丸入咽、曰愈矣、趨
步出生、躍起走謝、沉痾若失、而懸想容輝、苦不自己、

自是廢卷痴坐、無復聊賴、公子已窺之、曰弟為兄物、色得一佳耦、問何人、曰亦弟眷屬、生疑思良久、但云勿須、面壁吟曰、曾經滄海難為水、除却巫山不是雲、公子會其旨、曰家君仰慕鴻才、常欲附為婚姻、但止一少妹、齒太穉、有姨女阿松、年十八矣、頗不粗陋、如不見信、松姊日涉園亭、伺前廂可望見之、生如其教、果見嬌娜偕麗人來、画黛彎蛾、蓮鈎蹴鳳、與嬌娜相伯仲也、生大悅、請公子作伐、公子異日自內出、賀曰、

諧矣、乃除別院、為生成禮、是夕鼓吹闐咽、塵落漫飛、以望中仙人、忽同衾幄、遂疑廣寒宮殿、未必在雲霄矣、合卺之後、甚愜心懷、一夕公子謂生曰、切磋之惠、無日可以忘之、近單公子解訟歸、索宅甚急、意將棄此而西、勢難復聚、因而離緒縈懷、生願從之而去、公子勸還鄉閭、生難之、公子曰、勿慮、可即送君行、無何太翁引松娘至、以黃金百兩贈生、公子以左右手與生夫婦相把握、屬閉目勿視、飄然履空、但覺耳際風

鳴久之曰至矣啓目果見故里始知公子非人喜扣
家門母出非望又睹美婦方共欣慰及回顧則公子
逝矣松娘事姑孝艷色賢名聲聞遐邇後生舉進士
授延安司李携家之任母以道遠不行松娘舉一男
名小宦生以迂直指罷官星碍不得歸偶獵郊野逢
一美少年跨驪駒頻頻瞻視細看則皇甫公子也攬
轡停驂悲喜交至邀生去至一村樹木濃昏蔭翳天
日入其家則金漚浮釘宛然世家問妹子已嫁岳母

已亡、深相感悼、經宿別去、偕妻同返、嬌娜亦至、抱生子、掇提而笑曰、姊姊亂吾種矣、生拜謝、曩德笑曰、姊夫貴矣、創口已合、未忘痛耶、妹夫吳即亦來拜謁、信宿乃去、一日公子有憂色、謂生曰、天降凶殃、能相救否、生不知何事、但銳自任、公子趨出、招一家入、羅拜堂上、生大駭、亟問、公子曰、余非人類、狐也、今有雷霆之劫、君肯一身赴難、一門可望生全、不然、請抱子而行、無相累、生矢共生死、乃使仗劍於門、囑曰、雷霆轟

擊勿動也。生如所教。果見陰雲晝暝。昏黑如盤。回視舊居。無復閉閤。惟見高塚巋然。巨穴無底。方錯愕間。霹靂一聲。擺簸山嶽。急雨狂風。老樹為拔。生目眩耳聾。屹不少動。忽於繁烟黑絮之中。見一鬼物。利喙長爪。自穴攫一人出。隨烟直上。瞥睹衣履。念似嬌娜。乃急躍離地。以劍擊之。隨手墜落。忽而崩雷暴裂。生仆遂斃。少間晴霽。嬌娜已能自蘓。見生死於傍。大哭曰。孔卽為我而死。我何生矣。松娘亦出。共舁生歸。嬌娜

使松娘捧其首、先以金簪撥其齒、自乃撮其頤、以舌度紅丸入、又接吻而呵之、紅丸隨氣入喉、格格作响、移時醒然而蘇、見眷口恍如夢晤、於是一門團圓、驚定而喜、生以幽壙不可久居、議同旋里、滿堂交讚、惟嬌娜不樂、生請與吳郎俱、又慮翁媼不肯離幼子、終日議不果、忽吳家一小奴、汗流氣促而至、驚致研詰、則吳郎家亦同日遭劫、一門俱沒、嬌娜頓足悲傷、涕不可止、共慰勸之、而同歸之計遂決、生入城勾當數

日連夜趨裝既歸以閒園寓公子恒返關之生及松娘至始發局生與公子兄妹棋酒談讌若一家然小宦長成貌韶秀有狐意出遊都市共知其為狐兒也異史氏曰余於孔生不羨其得艷妻而羨其得膩友也觀其容可以忘饑聽其聲可以解頤得此良友時一談宴則色授魂與尤勝於顛倒衣裳矣

妖術

于公者少任俠喜拳勇力能持高壺作旋風舞崇禎

間殿試在都、僕疫不起、患之、會市上有善卜者、能決
人生死、將代問之、既至、未言、卜者曰、君莫欲問僕病
乎、公駭應之、曰、病者無害、君可危、公乃自卜、卜者起
卦愕然曰、君三日當死、公驚詫良久、卜者從容曰、鄙
人有小術、報我十金、當代禳之、公自念生死一定、術
豈能解、不應而起、欲出、卜者曰、惜此小費、勿悔、勿悔、
愛公者皆為公懼、勸罄橐以哀之、公不聽、倏忽至三
日、公端坐旅舍、靜以覘之、終日無恙、至夜、閤戶挑燈、

倚劒危坐、一漏向盡、更無死法、意欲就枕、忽聞窓隙
窸窣有聲、急視之、一小人荷戈入、及地則高如人、公
捉劒起、急擊之、飄忽未中、遂遽小、復尋窓隙、意欲遁
去、公疾斫之、應手而倒、燭之、則紙人已腰斷矣、公不
敢卧、又坐待之、踰時、一物穿窓入、怪獰如鬼、繞及地、
急擊之、斷而為兩、皆蠕動、恐其復起、又連擊之、劍劍
皆中、其聲不戛、審視則土偶片片已碎、於是移坐窓
下、目注隙中、久之、聞窓外如牛喘、有物推窓、櫺房壁

震搖其勢欲傾公懼覆壑計不如出而鬪遂劃然脫
肩奔而出見一巨鬼高與簷齊昏月中見其面黑如
煤眼閃爍有黃光上無衣下無履手弓而腰矢公方
駭鬼則關矣公以劍撥矢矢墮欲擊之則又關矣公
急躍避矢貫於臂戰戰有聲鬼怒甚拔佩刀揮如風
望公力劈公獠進刀中庭石石立斷公出其股間削
鬼中踝鏗然有聲鬼益怒吼如雷轉身復剝公又伏
身入刀落斷公裾公已及脇下猛斫之亦鏗然有聲

鬼仆而僵公亂擊之聲硬如拆燭之則一木偶高大如人弓矢尚纏腰際刻画猙獰劍擊處皆有血出公因秉燭待旦方悟鬼物皆卜人遣之欲致人於死以神其術也次日遍告知交與共詣卜所卜人遙見公瞥不可見或曰皆翳形術也犬血可破公如其言戒備而往卜人又匿如前急以犬血沃立處但見卜人頭面皆為犬血模糊目灼灼如鬼立乃執付有司而殺之

異史氏曰、嘗謂買卜為一痴、世之講此道而不爽
於生死者幾人、卜之而爽、猶不卜也、且即明明告
我以死期之至、將復如何、況有借人命以神其術
者、其可畏尤甚耶、

野狗

于七之亂、殺人如麻、鄉民李化龍、自山中竄歸、值大
兵宵進、恐罹炎岷之禍、急無所匿、僵卧於死人之叢、
詐作尸、兵過既盡、未敢遽出、忽見闕頭斷臂之尸起、

立如林、內一尸、斷首猶連肩、上口中作語曰、野狗子來奈何、群尸參差而言曰、奈何、俄頃蹶然盡倒、遂寂無聲、李方驚顫欲起、有一物來、獸首人身、伏嚙人首、徧吸其腦、李懼、匿首尸下、物來撥李肩、欲得李首、李力伏、俾不可得、物乃推覆尸而移之、首見、李大懼、手索腰下、得巨石如椀、握之物、俯身欲齧、李驟起大呼、擊其首、中嘴、物嗥如鴟、掩口負痛而奔、吐血道上、就視之、於血中得二齒、中曲而端銳、長四寸餘、懷歸以

示人、皆不知其何物也、

三生

劉孝廉能記前身事、與先文貴兄為同年、嘗歷歷言之、一世為搢紳、行多玷、六十二歲而沒、初見冥王、待以鄉先生禮、賜坐、飲以茶、覩冥王、琰中茶色清澈、已琰中濁如膠、暗疑迷魂湯得毋此耶、乘冥王他顧、以琰就案角瀉之、偽為盡者、俄頃稽前生惡錄、怒命群鬼、捽下、罰作馬、即有厲鬼繫去、行至一家、門限甚高、

不可踰方趙趙間鬼力楚下痛甚而蹶自顧則身已
在櫪下矣但聞人曰驪馬生駒矣牡也心甚明了但
不能言覺大餒不得已就牝馬求乳逾四五年體修
偉甚畏撻楚見鞭則懼而逸主人騎必覆障泥緩轡
徐徐猶不甚苦惟奴僕圉人不加韉裝以行兩踝夾
擊痛徹心腑於是憤甚三日不食遂死至冥司冥王
查其罰限未滿責其規避剝其皮革罰為犬意懊喪
不欲行群鬼亂撻之痛極而竄於野自念不如死憤

投絕壁顛莫能起。自顧則身伏竇中。牝犬舐而腓字之。乃知身已復生於人世矣。稍長見便液亦知穢然。嗅之而香。但立念不食耳。為犬經年常忿欲死。又恐罪其規避。而主人又豢養不肯戮。乃故嚙主人脫股肉。主人怒杖殺之。冥王鞠狀怒其狂獗。笞數百。俾作蛇囚於幽室。暗不見天。悶甚緣壁而上。穴屋而出。自視則身伏茂草。居然蛇矣。遂矢志不殘生類。飢吞木實。積年餘。每思自盡。不可害人而死。又不可欲求一

善死之策而未得也。一日卧草中，聞車過，遽出當路，車馳壓之，斷為兩。冥王訝其速至，因匍伏自剖。冥王以其無罪，見殺原之，准其滿限復為人。是為劉公。公生而能言，文章書史，過輒成誦。辛酉，舉孝廉，每勸人乘馬，必厚其障泥，股夾之，刑勝於鞭楚也。

異史氏曰：毛角之傳，乃有王公大人在其中，所以然者，王公大人之內，原未必無毛角者在其中也。故賤者為善，如栽花而種其樹；貴者為善，如已花。

而培其本、種者可大培、者可久、不然、且將負鹽車、受羈馱與之爲馬、不然、且將啗便液、受烹割與之爲犬、又不然、且將披鱗介、焚鶴鶴與之爲蛇、

狐入瓶

萬村石氏之婦、崇於狐、患之而不能遣、扉後有瓶、每聞婦翁來、狐輒遁匿其中、婦窺之熟、暗計而不言、一日竄入、婦急以絮塞其口、置釜中、燂湯而沸之、瓶熟、狐呼曰、熱甚、勿惡作劇、婦不語、號益急、久之無聲、拔

塞而驗之毛一堆血數點而已

真定女

真定界有孤女方六七歲收養於夫家相居二三年夫誘與交而孕腹膨膨而以為病也告之母母曰動否曰動又益異之然以其齒太穉不敢決未幾生男母嘆曰不圖孝母竟生錐兒

焦螟

董侍讀嘿菴家為狐所擾瓦礫磚石忽如雹落家人

相率奔匿、待其間歇、乃敢出操作。公患之、假祚庭孫司馬第移避之。而狐擾猶故。一日朝中待漏、適言其異。大臣或言關東道士焦螟居內城、搃持勅勒之術、頗有效。公造廬而請之。道士朱書符、使歸粘壁上。狐竟不懼。拋擲有加焉。公復告道士。道士怒、親詣公家、築坎作法。俄見一巨狐伏坎下。家人受虐已久、啣恨甚深。一婢近擊之、婢忽仆地、氣絕。道士曰：「此物猖獗、我尚不能遽服之。女子何輕犯爾爾？」既而曰：「可借鞫。」

狐詞亦得戟指咒移時、婢忽起長跪、道士詰其里居、
婢作狐言、我西域產、入都者十八輩、道士曰、輦轂之
下、何容爾輩久居、可速去、狐不答、道士擊案怒曰、汝
欲梗吾令耶、再若迂延、法不汝宥、狐乃蹙怖作色、願
謹奉教、道士又速之、婢又仆絕、良久始甦、俄見白塊
四五團滾滾如毬、附簷際而行、次第追逐、頃刻俱去、
由是遂安、

葉生

淮陽葉生者、失其名字、文章詞賦、冠絕當時、而所遇
不偶、困於名場、會關東丁乘鶴來令是邑、見其文、奇
之、召與語、大悅、使即官署受燈火、時賜錢穀卹其家、
值科試、公游揚於學使、遂領冠軍、公期望綦切、闡後
索文讀之、擊節稱嘆、不意時數限人、文章憎命、榜既
放、依然鏃羽、生嗒喪而歸、愧負知己、形銷骨立、痴若
木偶、公聞召之來而慰之、生零涕不已、公憐之、相期
考滿入都、携與俱北、生甚感佩、辭而歸、杜門不出、無

何寢疾、公遺問不絕、而服藥百裹、殊罔所效、公適以忤上官免、將解任去、函致之、其畧云、僕東歸有日、所以遲遲者、待足下耳、足下朝至、則僕夕發矣、傳之卧榻、生持書啜泣、寄語來使、疾革難遽、瘥請先發、使人返白、公不忍去、徐待之、踰數日、門者忽通葉生至、公喜迎而問之、生曰、以犬馬病、勞夫子久待、萬慮不寧、今幸可從杖履、公乃束裝戒旦、抵里、命子師事生、夙夜與俱、公子名再昌、時年十六、尚不能文、然絕慧、凡

文藝三兩過輒無遺忘。居之期歲，便能落筆成文，益之公力，遂入邑庠。生以生平所擬舉業悉錄授讀，闡中七題，並無脫漏。中亞魁公，一日謂生曰：「君出餘緒，遂使孺子成名，然黃鐘長棄若何？」生曰：「是殆有命，借福澤為文章吐氣，使天下人知半生淪落，非戰之罪也，願亦足矣。」且士得一人知己，可無憾。何必拋却白紵，乃謂之利市哉？公以其久客，恐悞歲試，勸令歸省。惻然不樂，公不忍強，囑公子至都，為之納粟。公子又

捷南宮授部中主政携生赴監與共晨夕踰歲生入北闈竟領鄉薦會公子差南河典務因謂生曰此去離貴鄉不遠先生奮跡雲霄錦還為快生亦喜擇吉就道抵淮陽界命僕馬送生歸見門戶蕭條意甚悲惻遂巡至庭中妻携簞具以出見生擲具駭走生凄然曰我今貴矣三四年不覩何遂頓不相識妻遙謂曰君死已久何復言貴所以久淹君柩者以家貧子幼耳今阿大亦已成立將卜窆窆勿作怪異嚇生人

生聞之、慟然惆悵、逡巡入室、見靈柩儼然、撲地而滅、妻驚視之、衣冠履舄如脫委焉、大慟抱衣悲哭、子自塾中歸、見結駟於門、審所自來、駭奔告母、母揮涕告訴、又細詢從者、始得顛末、從者返、公子聞之、涕墜垂膺、即命駕哭諸其室、出橐營葬、葬以孝廉禮、又厚遺其子、為延師教讀、言於學使、逾年游泮、

異史氏曰、魂從知己、竟忘死耶、聞者疑之、余深信焉、同心倩女、至離枕之上、魂千里良朋、猶識夢中

之路而况繭絲蠅跡吐學士之心肝流水高山通
我曹之性命者哉嗟乎遇合難期遭逢不偶行踪
落落對影長愁傲骨嶙嶙搔頭自愛嘆面目之酸
澁來鬼物之揶揄頻居康了之中則鬚髮之條條
可醜一落孫山之外則文章之處處皆疵古今痛
哭之人卞和惟爾顛倒逸群之物伯樂伊誰抱刺
於懷三年滅字側身以望四海無家人生世上祇
須合眼放步以聽造物之低昂而已天下之骸體

淪落如葉生其人者亦復不少、顧安得令威復來、
而生死從之也哉噫、

四十千

新城王大司馬有主計僕家稱素封、忽夢一人奔入
曰、汝欠四十千、今宜還矣、問之不答、徑入內去、既醒、
妻產男、知為夙孽、遂以四十千綑置一室、凡兒衣食
病藥皆取給焉、過三四歲、視室中錢僅存七百、適乳
姥抱兒至、調笑於側、呼之曰、四十千將盡、汝宜行矣、

言已兒忽顏色蹙變項折目張再撫之氣已絕矣乃以餘資置葬具而瘞之此可為負欠者戒也昔有老而無子者問諸高僧僧云汝不欠人者人不欠汝者烏得子蓋生佳兒所以報我之緣生頑兒所以取我之債生者勿喜死者勿悲也

成仙

文登周生與成生少共筆硯遂訂為杵臼交而成貧故終歲依周以齒則周為長呼周妻以嫂節序登堂

如一家焉。周妻生子，產後暴卒，繼聘王氏。成以少故，未嘗請見之。一日，王氏弟來省姊，宴於內寢。成適至，家人通白。周坐命邀之，成不入，辭去。周移席外舍，追之而還。甫坐，即有人白別業之僕為邑宰重笞者，先是黃吏部家牧傭牛，蹊周田，以是相詬。牧傭奔告主，捉僕送官，遂被笞責。周詰得其故，大怒曰：「黃家牧猪奴何敢爾！」其先世為大父服役，促得志乃無人耶？氣填吭臆，忿而起，欲往尋黃。成捺而止之，曰：「強梁世界，

原無皂白、況今日官宰、半強寇、不操矛弧者耶、周不聽、成諫止再三、至泣下、周乃止、怒終不釋、轉側達旦、謂家人曰、黃家欺我、我仇也、姑置之、邑令朝廷官、非勢家官、縱有互爭、亦須兩造、何至如狗之隨吠者、我亦呈治其傭、視彼將何處分、家人悉慙、慙之計遂決、以狀赴宰、宰裂而擲之、周怒、語侵宰、宰慚恚、因逮繫之、夜後成往訪周、始知入城訟理、急奔勸止、則已在囹圄矣、頓足無所為計、時獲海寇三名、宰與黃賂囑

之使捏周黨、據詞申黜、衣頂、榜掠、酷慘、成入獄、相顧
淒酸、謀叩闕、周曰、身繫重犴、如鳥在籠、雖有弱弟、止
足供囚飯耳、成銳身自任曰、是予責也、難而不急、烏
用友也、乃行、周弟贐之、則去已久矣、至都、無門入控、
相傳、駕將出獵、成預隱木市中、俄駕過、伏舞哀號、遂
得准驛送而下、着部院審奏、時閱十月餘、周已誣服、
論辟、院接御批、大駭、復提躬讞、黃亦駭、謀殺周、因賂
監者、絕其食飲、弟來餽、問苦禁、拒之、成又為赴院聲

屈始蒙提問業已飢餓不起院臺怒杖斃監者黃大怖納數千金囑為營脫以是得矇矓題免宰以枉法擬流周放歸益肝胆成成自經訟繫世情盡灰招周偕隱周溺少婦輒迂笑之成雖不言而意甚決別後數日不至周使探諸其家家人方疑其在周所兩無所見始疑周心知其異遣人踪跡之寺觀壑谷物色殆遍時以金帛恤其子又八九年成忽自至黃巾斃服岸然道貌周喜把臂曰君何往使我尋欲徧笑曰

孤雲野鶴、棲無定所、別後幸復頑健、周命置酒、畧通
間濶、欲為變易道裝、成笑不語、周曰、愚哉、何棄妻孥
猶敝屣也、成笑曰、不然、人將棄予、其何人之能棄、問
所棲止、答在勞山之上清宮、既而抵足寢、夢成裸伏
身上、氣不得息、訝問何為、殊不答、忽驚而寤、呼成不
應、坐而索之、杳然不知所往、定移時、始覺在成榻、駭
曰、昨不醉、何顛倒至此耶、乃呼家人、家人火之、儼然
成也、周固多髭、以手自捋、則踈無幾莖、取鏡自照、訝

曰、成生在此、我何往、已而大悟、知成以幻術招隱、意欲歸內、弟以其貌異、禁不聽前、周亦無以自明、即命僕馬往尋成、數日入勞山、馬行疾、僕不能及、休止樹下、見羽客往來甚衆、內一道人目周、周因以成問道、士笑曰、耳其名矣、似在上清、言已逕去、周日送之、見一矢之外、又與一人語、亦不數言而去、與言者漸至、乃同社生、見周愕曰、數年不晤、人以君學道名山、今尚遊戲人間耶、周數其異、生驚曰、我適遇之、而以為

君也、去無幾時、或亦不遠、周大異曰、怪哉、何自己面
目、覲面而不之識、僕尋至、急馳之、竟無踪兆、一望寥
濶、進退難以自主、自念無家可歸、遂決意窮追、而怪
險不復可騎、遂以馬付僕歸、迤邐自往、遙見一童獨
坐、趨近問程、且告以故、童自言為成弟子、代荷衣糧、
導與俱行、星飯露宿、連行殊遠、三日始至、又非世之
所謂上清時、十月中、山花滿路、不類初冬、童入報成、
即遽出、始認己形、執手而入、置酒讌語、見異彩之禽、

馴人不驚聲如笙簧時來鳴於坐上心甚異之然塵俗念切無意留連地下有蒲團二曳與並坐至二更後萬慮俱寂忽似瞥然一眴身覺與成易位疑之自捋頷下則于思者如故矣既曙浩然思返成固留之越三日乃曰乞少寐息早送君行甫交睫聞成呼曰行裝已俱矣遂起從之所行殊非舊途覺無幾時里居已在望中成坐侯路側俾自歸周強之不得因踣踖至家門叩不能應思欲越牆覺身飄似葉一躍已

遇凡踰數重垣始抵臥室燈燭熒然內人未寢嚶嚶
與人語舐窓以窺則妻與一廝僕同杯飲狀甚狎褻
於是怒火如焚計將掩執又恐孤力難勝遂潛身脫
扃而出奔告成且乞爲助成慨然從之直抵內寢周
舉石搗門內張皇甚播愈急內閉益堅成撥以劍劃
然頓闢周奔入僕衝戶而走成在門外以劍擊之斷
其肩臂周執妻拷訊乃知被收時即與僕私周借劍
決其首冒腸庭樹間乃從成出尋途而返驀然忽醒

則身在卧榻、驚而言曰、怪夢參差、使人駭懼、成笑曰、夢者兄以為真、真者乃以為夢、周愕而問之、成出劍示之、濺血猶存、周驚怛欲絕、竊疑成譟張為幻、成知其意、乃促裝送之歸、荏苒至里門、乃曰、疇昔之夜、倚劍而相待者、非此處耶、吾厭見惡濁、請還待君於此、如遇晡不來、予自去、周至家、門戶蕭索、似無居人、還入弟家、弟見兄、雙淚交墜、曰、兄去後、盜殺嫂、剗腸去、酷慘可悼、於今官捕未獲、周如夢醒、因以情告、戒

勿究弟錯愕良久周問其子乃命老嫗抱至周曰此襁褓物宗緒所關弟好視之兄欲辭人世矣遂起逕去弟涕泗追挽笑行不顧至野外見成與俱行遙回顧曰忍事最樂弟欲有言成潤袖一舉即不可見悵立移時痛哭而返周弟朴拙不善治家人生產居數年家益貧周子漸長不能延師因自教讀一日早至齋見案頭有函書緘封甚固簽題仲氏啓審之爲兄迹開視則虛無所有祇見爪甲一枚長二指許心怪

之以甲置硯上、出問家人所自來、並無知者、回視則硯石粲粲、化為黃金、大驚、以試銅鐵、皆然、由此大富、以千金賜成氏子、因相傳兩家有點金術云、

新郎

江南梅孝廉耦長、言其鄉孫公為德宰、鞠一奇案、初村人有為子取婦者、新人入門、戚里畢賀、飲至更餘、新郎出、見新婦炫妝、趨轉舍後、疑而尾之、宅後有長溪、小橋通之、見新婦渡橋、逕去、益疑、呼之不應、遙以

手招婿、婿急趨之、相去盈尺、而卒不可及、行數里、入一村落、婦止、謂婿曰、君家寂寞、我不慣住、請與暫居、妾家數日、便同歸省、言已、抽簪叩扉、軋然有女童應門、婦先入、不得已從之、既入、則岳父母俱在堂上、謂婿曰、我女少嬌慣、未嘗一刻離膝下、一旦去故里、心輒戚戚、今同郎來、甚慰係念、居數日、當送兩人歸、乃為除室、牀褥備具、遂居之、家中客見新郎久不至、共索之、室中惟新婦在、不知婿之何往、由此遐邇訪問、

並無耗息。翁媪零涕，謂其必死。將半載，婦家悼女無偶，遂請於村人父，欲別醮女。村人父益悲，曰：骸骨衣裳，無所驗証，何知吾兒遂為異物？縱其奄喪，周歲而嫁，當亦未晚。胡為如是急耶？婦父益啣之，訟於庭。孫公怪疑，無所措力，斷令待以三年。存案遣去。村人子居女家，家人亦大相欣待，每與婦議歸。婦亦諾之，而因循不即行。積半年餘，中心徘徊，萬慮不安，欲獨歸，而婦固留之。一日，合家遑遽，似有急難。倉卒謂婿曰：

本擬三二日遣夫婦偕歸、不意儀裝未備、急遽閱凶、不得已先送、卽還、於是送出門、旋踵卽返、周旋言動、頗甚草草、方欲覓途、回視院宇無存、但見高塚大驚、尋路急歸、至家歷述、端木因與投官陳訴、孫公拘婦父、諭之、送女于歸、使合卺焉。

靈官

朝天觀道士某、喜吐納之術、有翁假寓觀中、適同所好、遂爲玄友、居數年、每至郊祭時、輒先旬日而去、郊

後乃返。道士疑而問之。翁曰：我兩人莫逆，可以寔告。我狐也。郊期至，則諸神清穢，我無所容，故行遯耳。又一年及期而去，久不復返。疑之一日忽至，因問其故。答曰：我幾不復見子矣。曩欲遠避，心頗怠，視陰溝甚隱，遂潛伏卷簾下，不意靈官糞除至此，瞥為所覩，憤欲加鞭。余懼而逃，靈官追逐甚急，至黃河上，瀕將及矣。大窘無計，竄伏溷中。神惡其穢，始返身去。既出，臭惡沾染，不可復遊人世，乃投水自濯。訖，又蟄穴中，凡

百日垢濁始淨、今來相別、兼亦致囑、君亦宜隱身他
去、大劫將來、此非福地也、言已辭去、道士依言別徙、
未幾而有甲申之變、

王蘭

利津王蘭暴病死、閻王覆勘、乃鬼卒之悞勾也、責送
還生、則尸已敗、鬼懼罪、謂王曰、人而鬼也、則苦鬼而
仙也、則樂、苟樂矣、何必生、王以為然、鬼曰、此處一狐
金丹成矣、竊其丹吞之、則魂不散、可以長存、但憑所

之罔不如意、子願之否、王從之、鬼導去、入一高第、見樓閣渠然、而悄無一人、有狐在月下、仰首望空際、氣一呼、有丸自口中出、直上入月中、一吸復落、以口承之、則又呼之、如是不已、鬼潛伺其側、俟其出、急掇於手、付王吞之、狐驚、勝氣相尚、見二人在、恐不敵、憤恨而去、王與鬼別、至其家、妻子見之、咸懼、却走、王告以故、乃漸集、由此在家寢處如平時、其友張姓者聞而省之、相見話溫涼、因謂張曰、我與君家夙貧、今有術

可以致富、子能從我遊乎、張唯唯、曰我能不藥而醫、不卜而斷、我欲現身、恐識我者相驚怪、附子而行可乎、張又唯唯、於是即日趨裝至山西界、富室有女、得暴疾、眩然瞽瞋、前後藥襻既窮、張造其廬、以術自炫、富翁止此女、常珍惜之、能醫者願以千金為報、張請視之、從翁入室、見女瞋卧、啟其衾、撫其體、女昏不覺、王私告張曰、此魂亡也、當為覓之、張乃告翁、病雖危、可救、問需何藥、俱言不須、女公子魂離他所、業遣神

覓之矣、約一時許、王忽來、具言已得、張乃請翁再入、又撫之、少頃、女欠伸、目遽張、翁大喜、撫問、女言向戲園中、見一少年、卽携彈彈雀、數人牽駿馬從諸其後、急欲奔避、橫被阻止、少年以弓授兒、教兒彈、方差訶之、便携兒馬上、累騎而行、笑曰、我樂與子戲、勿羞也、數里入山中、我馬上號且罵、少年怒、推墮路旁、欲歸無路、適有一人捉兒臂、疾若馳、瞬息至家、忽若夢醒、翁神之、果貽千金、王宿與張謀、留二百金作路費、餘

俱攝去、歛門而付其子、又命以三百餽張氏、乃復還、
次日與翁別、不見金藏何所、益竒之、厚禮而送之、踰
數日、張於郊外遇同鄉人賀才、才飲賭不事生業、其
貧如丐、聞張得異術、獲金無算、因奔尋之、王勸薄贈、
令歸、才不改故行、旬日蕩盡、將復尋張、王已知之、曰
才狂悖、不可與處、只宜賂之使去、縱禍猶淺、踰日才
果至、強從與俱、張曰、我固知汝復來、然日事酗賭、千
金何能滿、無底寶、誠改若所為、我百金相贈、才諾之、

張馮囊與之才去、以百金在橐、賭益豪、益之狹邪遊、揮金如土、邑中捕役疑而執之、質於官、拷掠酷慘、才寔告金所自來、乃遣隸押才捉張、創劇斃於途、魂不忘張、復往依之、因與王會、一日聚飲於煙塹、才大醉狂呼、王止之不聽、適巡方御史過、聞呼搜之、獲張、張懼、以寔告、御史怒、笞而牒於神、夜夢金甲人告曰、查王蘭無辜而死、今為鬼仙醫、亦仁術、不可律以妖魅、今奉帝命、授為清道使、賀才邪蕩、已罰竄鐵圍山、張

某無罪、當宥之、御史醒而異之、乃釋張、張製裝旋里、囊中存數百金、敬以半送王家、王氏子孫、以此致富焉。

王成

王成、平原故家子、性最懶、生涯日落、惟剩破屋數間、與妻卧牛衣中、交謫不堪、時盛夏燠熱、村外故有周氏園、墻宇盡傾、惟存一亭、村人多寄宿其中、王亦在焉、既曉、睡者盡去、紅日三竿、王始起、逡巡欲歸、見草

際金釵一股拾視之鑄有細字云儀賓府造王祖為
衡府儀賓家中故物多此款式因把釵籌踟歛一姬
來尋釵王雖故貧然性介遽出授之姬喜極贊盛德
曰釵值幾何先夫之遺澤也問夫君伊誰答云故儀
賓王東之也王驚曰吾祖也何以相遇姬亦驚曰汝
即王東之之孫耶我乃狐仙百年前與君祖繾綣君
祖沒老身遂隱遇此遺釵適入子手非天数耶王亦
曾聞祖有狐妻信其言便邀臨顧姬從之王呼妻出

見負敗絮、菜色黧焉。嫗嘆曰：「嘻！王東之之孫，乃一貧至此哉！」頽敗灶無烟，曰：「家計若此，何以聊生？」妻因細述貧狀，嗚咽飲泣。嫗以釵授婦，使姑質錢市米。三日外，請復相見。王挽留之。嫗曰：「汝妻猶不能存活，我在，仰屋而居，復何裨益？」遂徑去。王為妻言其故，妻大怖。王誦其義，使姑事之。妻諾。踰三日，果至，出數金。糴粟麥各一石，夜與婦宿短榻。婦初惧之，然察其意殊拳拳，遂不之疑。翌日，謂王曰：「孫勿惰，宜操小生業，坐食。」

烏可長也。王告以無資，曰：汝祖在時，金帛憑所取，我以世外人，無需是物，故未嘗多取。積花粉之金四十兩，至今猶存，貯亦無所用，可將去，悉以市葛，刻日赴都，可得微息。王從之，購五十餘端以歸。嫗命趨裝，計六七日可達燕都，囑曰：宜勤勿懶，宜急勿緩，遲之一日，悔之已晚。王敬諾，囊貨就路。中途遇雨如澠，過宿，寧益甚，見往來行人，踐淖沒跽，心畏苦之，待至停午，始漸燥，而陰雲復合，雨又大作，信宿乃行。將近京，傳

聞葛價翔貴、心竊喜、入都解裝、客店主人深惜其晚、先是南道初通、葛至絕少、貝勒府購致甚急、價頓昂、較常可三倍、前一日方購足、後來者並皆失望、主人以故告王、王鬱鬱不樂、越日葛至愈多、價亦下、王以無利不肯售、遲十餘日、計食耗煩多、倍益憂悶、主人勸令賤賣、改而他圖、從之、虧資十餘兩、悉脫去、早起將作歸計、啟視囊中、則金亡矣、驚告主人、主人無所為計、或勸鳴官、責主人償、王嘆曰、此我數也、於主人

何干、主人聞而德之、贈金五兩、慰之使歸、自念無以見祖母、蹀躞內外、進退維谷、適見鬪鶉者、一賭數千、每市一鶉、恒百錢不止、意忽動、計囊中資、僅足販鶉、乃歸市販鶉而返、主人喜賀其速售、至夜大雨徹曙、天明衢水如河、淋零猶未休也、居以待晴、連綿數日、更無休止、起視籠中鶉、漸死、王大惧、不知計之所出、越日死愈多、僅餘數頭、並一籠飼之、經宿往窺、則一鶉僅存、因告主人、不覺涕墮、主人亦為扼腕、王自度

金盡罔歸、但欲覓死、主人勸慰之、共往視鶉、審諦之、
曰、此似英物、諸鶉之死、未必非此之鬪殺之也、君暇
亦無所事、請把之、如其良也、賭亦可以謀生、王如其
教、既馴、主人令持向街頭賭酒食、鶉健甚、輒贏、主人
喜、以金授王、使復與子弟決賭、三戰三勝、半年蓄積
二十金、心益慰、視鶉如命、先是、大親王好鶉、每值上
元、輒放民間把鶉者入邸相角、主人謂王曰、今大富
宜可立致、所不可知者在子之命矣、因告以故、導與

俱往、囑曰、脫敗則喪氣出耳、倘有萬分一、鵲鬪勝、王必欲市之、君勿應、如固強之、惟予首視瞻、待首肯而後應之、王曰諾、至邸、則鵲人肩摩於墀下、頃之、王出御殿、左右宣言有願鬪者上、即有一人把鵲趨而進、王命放鵲、客亦放畧一騰蹕、客鵲已敗、王大笑、王命把鵲者再進、俄而敗者數人、主人曰可矣、相將俱登、王相之曰、晴有怒睨、此健羽也、不可輕敵、命取鉄喙者當之、一再騰躍、而王鵲鍛羽、更選其良、再易再敗、

王急命取宮中玉鶡，片時把出，素羽如鷺，神駿不凡。王成意餒，跪而求罷。王笑曰：「搃之脫鬪而死，當厚爾賞。」成乃縱之。王鶡直奔之，而玉鶡方來，則伏如怒鷄，以待之。玉鶡健喙，則起如翔鶴，以擊之。進退頡頏，相持約一伏時。玉鶡漸懈，而其怒益烈，其鬪益急。未幾，雪毛摧落，垂翅而逃。觀者千人，罔不嘆羨。王乃索取，而親把之，自喙至爪，審周一過。問成曰：「鶡可貨否？」答曰：「小人無恒產，與相依為命，不願售也。」王曰：「賜爾重

直、中人之產可致、頗願之乎、成俛思良久曰、本不樂置、願大王既愛好之、苟使小人得衣食業、又何求、王問直、答以千金、王笑曰、痴男子、此何珍寶而千金直也、成曰、大王不以為寶、臣以為連城之壁、不過也、王曰、如何、曰、小人把向市中、日得數金、易升斗粟、一家十餘口、食指無凍餒憂、是何寶如之、王言余不相虧、便與二百金、成搖首、又增百數、成目視主人色不動、乃曰、承大王命、請減百價、王曰、休矣、誰肯以九百金

易一鵲者、成囊鵲欲行、王呼曰、鵲人來、實給六百、肯則售、否則已耳、成又目主人、主人仍自若、成心願盈溢、惟恐失時、曰、以此數售、心寔快快、但交而不成、則獲戾滋大、無已、即如命、王喜、即稱付之、成囊金拜賜而出、主人懟曰、我言如何、子乃急自鬻也、再少勒之、八百金在掌中矣、成歸、擲金案上、請主人自取之、主人不受、又固讓之、乃盤計飯直而受之、王治裝歸、至家、歷述所為、出金相慶、嫗命置良田三百畝、起屋作

罷居然世家早起使成督耕婦督織稍惰輒呵之夫婦相安不敢有怨辭過三年家益富姬辭欲去夫婦共挽之至泣下姬亦隨止旭旦侯之已杳矣
異史氏曰富皆得於勤此獨得於惰亦創聞也不知一貧徹骨而至性不移此天所以始棄之而終憐之也懶中豈果有富貴乎哉

夢別

王春李先生之祖與先叔祖玉田公交最善一夜夢

公至其家，黯然相語，問何來，曰：僕將長往，故與君別耳。問何之，曰：遠矣。遂出，送至谷中，見石壁有裂罅，便拱手作別，以背向罅，逡巡倒行而入。呼之不應，因而驚悟，及明，以告太公，敬一且使備弔具，曰：玉田公捐舍矣。太公請先探之，信而後弔之，不聽，竟以素服往。至門，則提幡掛矣。嗚呼！古人於友，其死生相信如此，喪與待巨卿而行，豈妄哉？

李公

李公著明。睢寧令襟卓先生公子也。為人豪爽無餒怯。為新城王季良先生內弟。季良家多樓閣。往往睹怪異。公常暑月寄宿。愛閣上晚涼。或告之異。公笑不聽。固命設榻。主人如請。囑僕輩伴公寢。公辭言喜獨宿。生平不解怖。主人乃使炷息香於爐。始息燭覆扉而去。公即枕移時。於月色中。見几上茗甌傾側。旋轉不休。亦不墮。公咄之。鏗然立止。即若有人拔香炷。炫搖空際。縱橫作花綫。公起叱曰。何物鬼魅敢爾。裸褐

下榻欲就捉之、以足覓床下、僅得一履、不暇冥搜、赤足搗搖處、炷頓插爐、竟寂無兆、公俯身徧摸暗陬、忽一物騰擊頰際、竟似履狀、索之亦殊不得、乃啟覆下樓、呼從人藝火以燭、空無一物、乃復就枕、既明、使數人搜履、翻席、倒榻、不知所在、主人爲公易履、越日偶一仰首、見一履夾塞椽間、挑撥而下、則公履也、公益益都人、僑居於淄之孫氏第、綦濶皆置閒曠、公僅居其半、南院臨高閣、止隔一堵、時見閣扉自啟、閉公亦

不置念、偶與家人語於庭、閣門忽開、見一小人面北而坐、身不盈三尺、綠袍白襪、衆指顧之、亦不動、公曰：此狐也、急取弓矢、對關欲射、小人見之、嗤々作揶揄聲、遂不復見、公捉刀登閣、且罵且搜、竟無所覩、乃返、異遂絕、公居數年、安妥無恙、公長公友三、爲余姻家、其所目睹、

異史氏曰、予生也晚、未得奉公杖履、然聞之父老、大約慷慨剛毅丈夫也、觀此二事、大概可睹、浩然

中存鬼狐何為乎哉。

鄱陽神

翟湛持司理饒州、道經鄱陽湖、上有神祠、停蓋游
瞻、內雕木普即死節臣像、翟姓一神最居末座、翟曰、
吾家宗人、何得在下、遂於上易一座、既而登舟、大風
斷帆、桅檣傾側、一家哀號、俄一小舟破浪而來、既近
官舟、急挽翟登小舟、於是家人盡登、審視其人、與翟
姓神無少異、無何浪息、尋之已杳。

罵鴨

邑西白家庄居民某，盜鄰鴨烹之，至夜覺膚痒，天明視之，鴨毛茸生，觸之則痛，大惧，無術可醫，夜夢一人告之曰：「汝病乃天罰，須得失者罵，毛乃可落。」而鄰翁素雅量，生平失物，未嘗徵於穀色。某詭告翁曰：「鴨乃某甲所盜，彼甚畏罵。」罵之亦可，儆將來。翁笑曰：「誰有閒氣罵惡人？」卒不罵。某益窘，因寔告鄰翁，乃罵其病良已。

異史氏曰、甚矣攘者之可惧也、一攘而鴨毛生、甚矣罵者之宜戒也、一罵而盜罪減、然為善有術、彼鄰翁者、是以罵行其術者也、

柳氏子

膠州柳西川、法內史之主計僕也、年四十生一子、溺愛甚至、縱任之、惟恐拂、既長、蕩侈踰檢、翁囊積為空、無何子病、翁故畜善騾、子曰、騾肥可啗、殺啖我、病可愈、柳謀殺蹇劣者、子聞之、即大怒罵、病益劇、柳惧、

殺驪以進、乃喜、然嘗一鬻便棄去、疾卒不戒、尋斃、柳悼嘆欲死、後三四年、村人以香社登岱、至山半、見一人乘驪行、駛而來、怪似柳子、比至、果是、下驪徧揖、各道寒暄、村人共駭、亦不敢詰其死、但問在此何作答、云亦無甚事、東西奔馳而已、便問逆旅主人姓名、衆具告之、柳子拱手曰、適有小故、不暇叙問、濶明日當相謁、上驪遂去、衆既歸、寓亦謂其未必即來、晏旦俟之、子果至、繫驪廐柱、趨進笑言、衆謂尊大人日切思

慕何不一歸省視子訝問言者何人衆以柳對子神色俱變久之曰彼既見思請歸傳語我於四月七日在此相候言訖別去衆歸以情致翁翁大哭如期而往自以故告主人主人止之曰曩見公子神情冷落似未必有嘉意以我卜之殆不可見柳涕泣不信主人曰我非阻君神鬼無常恐遭不吉如必欲見請伏櫬中待其來察其詞色可見則出柳如其言既而子果至問柳某來否主人答云無子盛氣罵曰老畜產

那便不來。主人驚曰：何罵父？答曰：彼是我何父。初與伊為客侶，不圖包藏禍心，隱我血貲，悍不還。今願得而甘心焉。何父之有言已出，門曰：便宜他。柳在櫝，歷歷聞之，汗流接踵，不敢出氣。主人呼之，乃出，狼狽而歸。

異史氏曰：暴得多金，何如其樂。所難堪者償耳。蕩費殆盡，尚不忘於夜臺，怨毒之於人甚矣哉。

聊齋誌異卷之三

般陽蒲松齡柳泉甫著

青鳳

太原耿氏故大家第宅宏濶後凌夷樓舍連亘半曠
廢之因生怪異堂門輒自閉掩家人恒中夜駭譁耿
患之移居別墅留老翁門焉由此荒落益甚或聞笑
語歌吹聲耿有從子去病狂放不羈囑翁有所聞見
奔告之至夜見樓上燈光明滅走報生生欲入覘其

異止之不聽門戶素所習識竟撥蒿蓬曲折而入登樓初無少異穿樓而過聞人語切切潛窺之見巨燭雙燒其明如晝一叟儒冠南面坐一嫗相對俱年四十餘東向一少年可二十許右一女郎終及笄耳酒載滿案團坐笑語生突入笑呼曰有不速之客一人來群驚奔匿獨叟詫問誰何入人閨闥生曰此我家也君占之肯酒自飲不邀主人母乃太恪叟審睇之曰非主人也生曰我狂生耿去病主人之從子耳叟

致敬曰久仰山斗乃揖生入便呼家人易饌生止之
叟乃酌客生曰吾輩通家坐客無容見避還祈招飲
叟呼孝兒俄少年自外入叟曰此豚兒也揖而坐畧
審門閥叟自言義君姓胡生素豪談議風生孝兒亦
倜儻傾吐間雅相愛悅生二十一長孝兒二歲因弟
之叟曰聞君祖纂金山外傳知之乎答知之叟曰我
塗山氏之苗裔也唐以後譜系猶憶之能五代而上無
傳焉韋公子一垂教也生畧述塗山女佐禹之功粉

飾多詞、妙緒泉湧、叟大喜、謂子曰、今幸得聞所未聞、公子亦非他人、可請阿母及青鳳來共聽之、亦令知我祖德也、孝兒入幃中、少時、媼偕女郎出、審顧之、弱態生嬌、秋波流慧、人間無其麗也、叟指婦云、此為老荆、又指女郎、此青鳳名、鄙人之猶女也、頗慧、所聞見輒記不忘、故喚令聽之、生談竟而飲、瞻顧女郎、停睇不轉、女覺之、俛其首、生隱躡蓮鈎、女急歛足、亦無愠怒、生神志飛揚、不能自主、拍案曰、得婦如此、南面王不

易也。媼見生漸醉益狂，與女俱去。生失望，乃辭叟出，而心縈々不能忘情于青鳳也。至夜復往，則蘭麝猶芳，凝待終宵，寂無聲。歎歸，與妻謀欲携家而居之，冀得一遇。妻不從。生乃自往，讀于樓下。夜凭几，一鬼披髮入，面黑如漆，張目視生，々笑撫指，研墨自塗灼々。然相與對視，鬼慚而去。次夜更深，滅燭欲寢，聞樓後發扃，闢之，闐然急起，窺覘則扉半啟，俄聞履聲細碎，有燭光自房中出，視之則青鳳也。驟見生，駭而却退。

遽問雙扉、生長跪致詞曰、小生不避險惡、寔以卿故、幸無他人、得一握手為笑、死不憾耳、女遙語曰、憐、深情、妾豈不知、但吾叔閨訓嚴謹、不敢奉命、生固哀之云、亦不敢望肌膚之親、但一見顏色足矣、女似肯可、啟閤出、捉其臂而曳之、生狂喜、相將入樓下、擁而加諸膝、女曰、幸有夙分、過此一夕、即相思無益矣、問何故、曰、阿叔畏君狂、故化厲鬼以相嚇、而君不動也、今已卜居他所、一家皆移、什物赴新居、而妾留守、明

日即發矣、言已欲去、云恐叔歸、生強止之、欲與爲懽、方持論間、叟掩入、女羞惧、無以自容、挽手依床、拈帶不語、叟怒曰、賤婢辱我門戶、不速去、鞭撻且從其後、女低頭急去、叟亦出生尾而聽之、訶詬萬端、聞青鳳嚶、嚶泣、生心意如割、大戟曰、罪在小生、于青鳳何與、倘宥青鳳、刀鋸鉞鉞、願身受之、良久寂然、乃歸寢、自此第內、絕不復報息矣、生叔聞而竒之、願售以居、不較值、生喜、携家口而遷焉、居逾年、甚適、而未嘗須

史忘青鳳也。會清明上墓歸，見小狐二，為犬逼逐，其一投荒竄去，一則皇急道上，望見生，依_レ哀啼，藉耳輯首，似乞其援。生憐之，啟裳衿提抱以歸，閉門置床上，則青鳳也。大喜，慰問。女曰：適與婢子戲，適此大厄，脫非郎君，必葬犬腹。望無_レ非類見憎。生曰：日切懷思，繫于魂夢，見卿如獲異寶，何憎之云。女曰：此天数也，不因顛覆，何得相從。然幸矣，婢子死言妾已死，可與君堅永約耳。生喜，另舍_レ之，積二年餘，生方夜讀，孝

兒忽入、生輟讀訝詰所來、孝兒伏地愴然曰、家君有
橫難、非君莫救、將自詣懇、恐不見納、故以某來、問何
事、曰公子識莫三郎否、曰此吾年家子也、孝兒曰明
日將過、倘携有獵狐、望君留之也、生曰樓下之羞、耿
耿在念、他事不敢預聞、必欲僕効綿薄、非青鳳來不
可、孝兒零涕曰鳳妹已野死三年矣、生拂衣曰既爾
則恨滋深耳、執卷高吟、殊不顧瞻、孝兒起哭失聲、掩
面而去、生如青鳳所、告以故、女失色曰果救之否、曰

救則救之、適不之諾者、亦聊以報前橫耳。女乃喜曰、妾少孤、依叔成立、昔雖獲罪、乃家範應爾。生曰、誠然、但使人不能無介耳。卿果死、定不相援。女笑曰、忍哉。次日莫三郎果至、鏤膺帑、僕從甚赫。生門送之、見獲禽甚多、中一黑狐、血殷毛革、撫之皮肉猶溫、便托裘敝、乞得綴補。莫慨然解贈。生即付青鳳、乃與客飲。客既去、女抱狐于懷、三日而甦、展轉復化為叟。舉目見鳳、疑非人間。女歷言其情、叟乃下拜、慚謝前愆。

喜願女曰、我固謂汝不死、今果然矣、女謂生曰、君如念妾、還祈以樓宅相假、使妾得以申返哺之私、生諾之、叟赧然謝別而去、入夜果舉家來、由此如家人父子、無復猜忌矣、生齋居、孝兒時共談讌、生嫡出子漸長、遂使傳之、蓋循々善教、有師範焉、

画皮

太原王生、早行遇一女、即抱襖獨行、甚艱於步、急走趨之、乃二八姝麗、心相愛樂、問何夙夜踽踽而獨、女

曰、行道之人、不能解愁憂、何勞相問、生曰、卿何愁憂、或可効力不辭也、女黯然曰、父母貪賂、鬻妾朱門、嫡妬甚、朝詈而夕楚辱之、所弗堪也、將遠遁耳、問何之、曰、在亡之人、烏有定所、生言敝廬不遠、即煩枉顧、女喜從之、生代携襍物、導與同歸、女顧室無人、問君何無家口、答云齋耳、女曰、此所良佳、如憐妾而活之、須秘密勿洩、生諾之、乃與寢合、使匿密室、過數日而人不知也、生微告妻、妻陳疑為大姓媵妾、勸遣之、生不

聽偶適市、遇一道士、碩生而愕、問何所遇、答言無之、
道士曰、君身邪氣縈繞、何言無生、又力白、道士乃去、
曰、惑哉、世固有死將臨而不悟者、生以其言異、頗疑、
女轉思明明麗人、何至為妖意、道士借魘襖以獵食、
者、無何至齋門、內杜不得入、心疑所作、乃踰堦垣、
則室門已閉、躡足而窺、窺之見一瘠鬼、面翠色、齒峴、
然如鋸、鋪人皮於榻上、執采筆而画之、已而擲筆、舉、
皮如振衣狀、披於身、遂化為女子、覩此狀、大懼、獸伏、

而出、急追道士、不知所往、徧跡之、遇於野、長跪乞救、請遣除之、道士曰、此物亦良苦、甫能覓代者、予亦不忍傷其生、乃以蠅拂授生、令掛寢門、臨別約會於青帝廟、生歸、不敢入齋、乃寢內室、懸拂焉、一更許、聞門外戢、有聲、自不敢窺、使妻窺之、但見女子來、望拂子、不敢進、立而切齒、良久乃去、少時復來、罵曰、道士嚇我、終不然、寧入口而吐之耶、取拂碎之、壞寢門而入、徑登生床、裂生腹、掬生心而去、妻號婢入燭之、生

已死腔血狼藉、陳駭涕不敢聲、明日使弟二郎奔告道士、道士怒曰、我固憐之、鬼子乃敢爾、即從生弟來、女子已失所在、既而仰首四望曰、幸遁未遠、問南院誰家、二郎曰、小生所舍也、道士曰、現在君家、二郎愕然、以為未有、道士問曰、曾否有不識者一人來、答曰、僕早赴青帝廟、良不知、當歸問之、去少頃而返曰、果有之、晨間一媼來、欲傭為僕家操作、室人止之、尚在也、道士曰、即是物矣、遂與俱往、仗木劍立庭心、呼曰、

孽鬼償我拂子來、嫗在室、惶遽無色、出門欲遁、道士
逐擊之、嫗仆、人皮剗然而脫、化為厲鬼、呌嗥如猪、道
士以木劍梟其首、身變作濃烟、匝地作堆、道士出一
葫蘆、拔其塞、置烟中、颺々然如口吸氣、瞬息烟盡、道
士塞口入囊、共視人皮、眉目手足、無不備具、道士卷
之、如卷画軸、殼亦囊之、乃別欲去、陳氏拜迎於門、哭
求回生之法、道士謝不能、陳益悲、伏地不起、道士沉
思曰、我術淺誠、不能起死、我指一人或能之、問何人

曰市上有瘋者、時卧糞土中、試叩而哀之、倘狂辱夫
人、夫人勿怒也、二即亦習知之、乃別道士、與嫂俱往、
見乞人顛歌道上、鼻涕三尺、穢不可近、陳膝行而前、
乞人笑曰、佳人愛我乎、陳告以故、又大笑曰、人盡夫
也、活之何為、陳固哀之、乃曰、異哉、人死而乞活於我、
我問摩耶、怒以杖擊陳、忍痛受之、市人漸集如堵、
乞人咯痰唾盈把、舉向陳吻曰、食之、陳紅漲於面、有
難色、既思道士之囑、遂強啖焉、覺入喉中、硬如團絮、

格格而下、停結胸間、乞人大笑曰、佳人愛我哉、遂起、行已不顧、尾之入於廟中、迫而求之、不知所在、前後冥搜、殊無端倪、慚恨而歸、既悼夫亡之慘、又悔食滷之羞、俯仰哀啼、但願即死、方欲展血歛尸、家人竚望、無敢近者、陳抱尸收腸、且理且哭、哭極聲嘶、頓欲嘔、覺胸中結物、突奔而出、不及回首、已落腔中、驚而視之、乃人心也、在腔中突突猶躍、熱氣騰蒸如烟、然大異之急、以兩手合腔、極力抱擠、少懈則氣氤氲自縫

中出、乃裂繒帛急束之、以手撫尸、漸溫覆以衾、裯中
夜起視、有鼻息矣、天明竟活、為言恍惚若夢、但覺腹
隱痛耳、視破處痂結如錢、尋愈、

異史氏曰、愚哉世人、明明妖也、而以為美、迷哉愚
人、明明忠也、而以為妄、然愛人之色、而漁之、妻亦
將食人之唾、而甘之矣、天道好還、無往不復、但愚
而迷者、不悟耳、可哀也夫、

賈兒

楚某翁賈於外，婦獨居，夢與人交，醒而捫之，小丈夫也。察其情，與人異，知爲狐。未幾，下床去，門未開而已。逝矣。入暮，邀庖媪伴焉。有子十歲，素別榻卧，亦招與俱。夜既深，媪兒皆寐，狐復來，婦喃喃如夢語，媪覺呼之，狐遂去。自是身忽忽若有亡。至夜不敢息燭，戒子睡勿熟，夜闌，兒及媪倚壁少寐，既醒，失婦，意其出，遺久待不至，始疑媪懼不敢往覓，兒執火徧燭之。至他室，則母裸卧其中，近扶之，亦不羞縮，自是遂狂歌哭。

呌詈日萬狀、夜獸與人居、另榻寢、兒媼亦遣去、兒每
聞母笑語、輒起火之、母反怒訶兒、兒亦不為意、因共
壯兒胆、然嬉戲無節、日效朽者以磚石疊窓上、止之
不聽、或去其一石、則滾地作嬌啼、人無敢氣觸之、過
數日、兩窓盡塞、無少明、已乃和泥塗壁孔、終日營
不憚其勞、塗已無所作、遂把厨刀、割匕磨之、見者皆
憎其頑、不以人齒、兒宵分、隱刀於懷、以瓢覆燈、伺母
嚙語、急啟燈、杜門殺喊、久之無異、乃離門揚言、詐作

欲搜狀、歛有一物如狸、哭奔門隙、急擊之、僅斷其尾、約二寸許、濕血猶滴、初挑燈起、母便詬罵、兒若弗聞、擊之不中、懊恨而寢、自念雖不即戮、可以幸其不來、及明、視血迹、踰垣而去、跡之、入何氏園中、至夜果絕、兒竊喜、但母痴卧如死、未幾、賈人歸、就榻問訊、婦嫚罵、視若仇、兒以狀對、翁驚、延醫藥之、婦瀉藥、詬罵、潛以藥入湯水、雜飲之、數日漸安、父子俱喜、一夜睡醒、失婦所在、父子又覓得於別室、由是復顛、不欲與夫

同室處、向夕竟奔他室、挽之罵益甚、翁無策、盡扃他扉、婦奔去、則門自闢、翁患之、驅襖備至、殊無少驗、兒薄暮潛入何氏園、伏莽中、將以探狐所在、月初升、乍聞人語、暗撥蓬科、見二人來飲、一長鬣奴捧壺、衣老棧色、俱細隱不甚可辨、移時聞一人曰、明日可取白酒一瓶來、頃之俱去、惟長鬣獨留、脫衣卧石上、審顧之、四肢皆如人、但尾垂後部、兒欲歸、恐狐覺、遂終夜伏、未明、又聞二人以次復來、嚙匕入竹叢中、兒乃歸。

翁問所往、答宿阿伯家、適從父入市、見帽肆挂狐尾、乞翁市之、翁不顧、兒牽父衣嬌聒之、翁不忍過拂市、爲父貿易塵中、兒戲弄其側、乘父他顧、盜錢去、沽白酒寄肆、廊有舅氏城居、素業獵、兒奔其家、舅他出、姪詰母疾、答云連日少可、又以耗子嚙衣、怒涕不解、故遣我乞獵藥耳、姪檢櫃中出錢許、裹付兒、兒少之、姪欲作湯餅啖兒、兒覷室無人、自發藥裹、竊盈掬而懷之、乃趨告姪、俾勿舉火、父待市中、不遑食也、遂去、隱

以藥置酒中、遨遊市上、抵暮方歸、父問所在、托在舅家兒、自是日遊塵肆間、一日見長鬣雜在人中、兒審之、確陰綴繫之、漸與語、詰其里居、答言北村、亦詢兒兒、僞云山洞、長鬣怪其洞居、兒笑曰、我世居洞府、君固否耶、其人益驚、便詰姓氏、兒曰、我胡氏子、曾在何處見君、從西郎顧忘之耶、其人熟視之、若信若疑、兒微啟下裳、少露其假尾、曰、我輩混跡人中、但此物猶存、為可恨耳、其人問在市欲何為、兒曰、父遣我沽

其人亦以沽告。兒問沽未。曰：吾儕多貧，故常竊時多。兒曰：此役亦良苦。耽驚憂，其人曰：受主人遣，不得不爾。因問主人伊誰。曰：即曩所見西郎兄弟也。一私北郭王氏嬪，一宿東村某翁家。翁家兒大惡，被斷尾十日始瘥。今復往矣。言已欲別。曰：勿悞我事。兒曰：竊之難，不若沽之易。我先沽寄廊下，敬以相贈。我囊中尚有餘錢，不愁沽也。其人愧無以報。兒曰：我本同類，何靳此須暇。時尚當與君痛飲耳。遂與俱去。取酒授之。

乃歸。至夜母竟安寢不復奔。心知有異告父同往驗之。則兩狐斃于亭上。一狐死于草中。喙津。尚有血出。酒瓶猶在。持而搖之未盡也。父驚問何不早告。曰此物最靈。一洩則彼知之。翁喜曰我兒討狐之陳平也。於是父子荷狐歸。見一狐禿尾刀痕宛然。自是遂安。而婦瘡殊甚。心漸明了。但孟之嗽嘔痰數升。尋愈。北郭王氏嬭向崇于狐。至是問之。則狐絕而病亦愈。翁由此奇兒。教之騎射。後貴至總戎焉。

董生

董生字遐思、青州之西鄙人。冬月薄暮、展被於榻而熾炭焉。方將篝燈、適友人招飲、遂扃戶去。至友人所、座有醫人善太素脉、徧診諸客、末顧王生、九思及董曰、余聞人多矣、脉之奇無如兩君者。貴脉而有賤兆、壽脉而有促徵、此非鄙人所敢知也。然而董君寔甚、共驚問之、曰、某至此亦窮于術、未敢臆決。願兩君自慎之。二人初聞甚駭、既以為模稜語、置不為意。半夜

董歸見齋門虛掩、大疑醺中自憶、去時忙促、故忘扃
鍵、入室未遑、執火先以手入衾中、探其溫否、纔一探
入、則膩有臥人、大驚、歛手、急火之、竟為姝麗、韶顏稚
齒、神仙不殊、狂喜戲探下体、則毛尾修然、大惧欲遁、
女已醒、出手捉生臂、問君何往、董益惧、戰栗哀求、願
仙人憐恕、女笑曰、何所見而仙我、董曰、我不畏首而
畏尾、女又笑曰、君悞矣、尾於何有、引董手、強使覆探、
則髀肉如脂、尻骨童、笑曰、何如、醉態矇矓、不知所

見伊何、遂誣人若此、董固喜其麗、至此益惑、反自咎適然之錯、然疑其所來無因、女曰、君不憶東鄰之黃髮女乎、屈指移居者已十年矣、尔時我未笄、君垂髻也、董恍然曰、卿周氏之阿瑣耶、女曰、是矣、董曰、卿言之、我彷彿憶之、十年不見、遂窈窕如此、然何遽能來、女曰、妾適痴、即四五年、翁姑相繼逝、又不幸為文君刺妾、一身無所依、憶孩時相識者、惟君、故來相見、就入門、已暮、邀飲者始至、遂潛隱以待君歸、待之既

久足冰肌粟、故借被以自溫耳、幸勿見疑、董喜、解衣共寢、意殊自得、月餘漸羸瘦、家人怪問、輒言不自知、久之面目益支離、乃惧、復造善脉者診之、醫曰、此妖脉也、前日之死、徵驗矣、疾不可為也、董大哭、不去、醫不得已、為之針手灸臍、而贈以藥、囑曰、如有所遇、力絕之、董亦自危、既歸、女笑要之、怫然曰、勿復相糾纏、我行且死、走不顧、女大慚、亦怒曰、汝尚欲生耶、至夜、董服藥獨寢、甫交睫、夢與女交、醒已遺矣、益恐、移寢

于內、妻子火守之、夢如故、窺女子已失所在、積數日、
董吐血斗餘而死、王九思在齋中、見一女子來、悅其
美而私之、詰所自、曰妾遐思之鄰也、渠舊與妾善、不
意為狐惑而死、此地妖氣可畏、讀書人宜慎相防、王
益佩之、遂相懽待、居數日、迷惘病瘥、忽夢董曰、與君
好者狐也、殺我矣、又欲殺我友、我已訴之冥府、洩此
幽憤、七日之夜、當炷香室外、勿忘却、省而異之、謂女
曰、我病甚、恐將委溝壑、或勸勿室也、女曰、命當壽室

亦生、不壽、勿室亦死也。坐與調笑，王心不能自持。又
詭之已而悔之，而不能絕。及暮，挿香戶上。女來拔棄
之。夜又夢董來，嚷其違囑。次夜暗囑家人，俟寢後潛
炷之。女在榻上，忽驚曰：「又置香耶？」王言不知。女急起
得香，又折滅之。入曰：「誰教君為此者？」王曰：「或室人憂
病，聽巫家厭禳耳。」女傍徨不樂。家人潛窺香滅，又炷
之。女忽歎曰：「君福澤良厚，我悞害遐思而奔子，誠我
之過。我將與彼就賢于冥曹。君如不忘夙好，勿壞我。」

皮囊也、遂跣下榻、仆地而死、燭之狐也、猶恐其活、遽呼家人、剥其草而懸焉、王病甚、見狐來曰、我訴諸法曹、法曹謂董君見色而動、死當其罪、但咎我不當惑人、追金丹去、復令還生、皮囊何在、曰家人不知、已脫之矣、狐慘然曰、余殺人多矣、今死已晚、然忍哉君乎、恨而、去、王病幾危、半年乃瘥、

齕石

新城王欽文家、有園人王姓、幼入勞山學道、久之不

火食唯啖松子及白石、徧體生毛、既數年、念母老歸里、漸復火食、猶啖石如故、向日視之、即知石之甘苦、酸醎如嚼芋然、母死復入勞山、今又十七八年矣、

陸判

陵陽朱爾旦、字小明、性豪放、然素鈍學、雖篤、尚未知名、一日文社衆飲、或戲之云、君有豪名、能深夜負十王殿左廊下判官來、衆當釀作筵、以相款、蓋陵陽有十王殿、神鬼皆木雕、狀女飾如生、東廡有立判、綠面紅

鬚貌尤猙獰惡。或夜聞兩廊拷訊聲，入者毛皆森豎。故衆以此難朱。朱笑起，逕去。居無何，門外大呼曰：「我請髯宗師至矣。」衆皆起，俄負判入，置几上，奉觴酌之。三衆睹之，瑟縮不安於座，仍請負去。朱又把酒灌地，祝曰：「門生狂率不文，大宗師諒不為怪。荒舍非遙，合乘興來覓飲。幸勿畛畦，乃負之去。」次日衆果招朱飲，抵暮半醉而歸。興未闌，挑燈獨酌。忽有人褰簾入視之，乃判官也。起曰：「噫，吾殆將死矣。」前夕冒瀆，今來加斧。

鑽耶判啟濃髯微笑曰非也昨蒙高義相訂夜偶暇
敬踐達人之約朱大悅牽衣促坐自起滌器焚火判
曰天道溫和可以冷飲朱如命置瓶案上奔告家人
治肴菓妻聞大駭戒勿出朱不聽立俟治具以出易
錢交酬始詢姓氏判曰我陸姓無名字與談古典應
答如響問知制執否曰妍媸亦頗辨之陰司誦讀與
陽世界同陸豪飲一舉十觥朱因竟日飲遂不覺玉
山傾頽伏几醺睡比醒則殘燭昏黃鬼客已去自是

三兩日輒一來情益洽時抵足眠朱獻窓稿陸輒紅
勒之都言不佳一夜朱醉先寢陸猶自酌忽醉夢中
覺臟腑微痛醒而視之則陸危坐床前破腔出腸胃
條々整理愕然曰夙無仇怨何以見殺陸咲曰勿惧
我為君易慧心耳後容納腸已復合之末以裹足布
束朱腰作用畢視榻上亦無血跡腹間覺少麻木見
陸置肉塊几上問之曰此君心也作文不快知君之
毛竅塞耳適在冥間于千萬心中揀得佳者一枚為

君易之、留此以補缺數、乃起掩扉去、大明解視、則創
縫已合、有縫而赤者存焉、自是文思大進、過眼不忘、
數日又出稿示陸、曰可矣、但君福薄、不能大顯貴、
鄉科而已、問何時、曰今歲元魁、未几科試冠軍、果中
經元、同社生素、擲揄之、及見闡墨、相視而驚、細詢始
知其異、共求朱先容、願納交陸、諾之、衆大設以待
之、更初陸至、赤髯生動、目炯炯如電、衆茫乎無色、遂
欲相擊、漸引去、朱乃携陸歸、飲既醺、朱曰、剪腸伐胃、

受賜已多、尚有一事相煩、不知可否、陸便請命、朱曰、余結髮人下、体頗亦不惡、但面目不甚佳、鹿欲煩君刀斧何如、陸咲曰、諾、容徐圖之、過數日、半夜來叩閤、朱急起、延入、燭之、見襟裏一物、詰之曰、君曩所囑、向艱物色、適得一美人首、敢報君命、朱撥視、頸血猶濕、陸立促急入、勿驚雞犬、朱慮門戶夜扃、陸至、以手推扉、自開、引至卧室、見夫人側身眠、陸以頭授朱、抱之、自于靴中出白刃如匕首、按夫人項、著力如切腐

狀迎刃而解、首落枕畔、急于朱懷、取美人首合項上、
詳審端正、而後按捺已、而移枕塞肩際、命朱瘞首靜
所、乃去、朱妻醒、覺頸間微麻、搔之得血片、甚駭、呼婢
汲盥、婢見面血狼籍、驚絕、濯之盆水盡赤、舉首則面
目全非、又駭極、夫人引鏡自照、錯愕不能自解、朱入
告之、因反覆細視、則長眉掩鬢、咲靨承頤、面中人也、
解領驗之、有紅綫一周、上下肉色判然而異、先是吳
侍御有女甚美、未嫁而喪二夫、故年十九猶未醮也、

上元遊十王殿時、遊人甚雜、內有無賴賊、窺而艷之、遂陰訪里居、乘夜梯入穴、寢門殺一婢于床下、逼女與淫、女力拒、声喊賊怒、殺之、吳夫人微聞鬧声、呼婢往視、見尸駭絕、舉家盡起、停尸庭上、置首項側、一門涕號、紛騰終夜、詰旦啟衾、則身在而失其首、徧捷諸婢、謂所守不恪、致葬犬腹、侍御告郡、嚴限捕賊、三月而賊人弗得、漸有以朱家換頭之異聞、吳公者、吳公疑之、遣婢探諸其家、入見夫人、駭走以告吳公、

視女尸故存驚疑無以自決猜朱以左道殺女往詰
朱曰室人夢易其首實不解其何故謂僕殺之則
寃也吳不信訟之叔家人鞠之一如朱言郡守不能
決朱歸求計於陸曰不難當使伊女自言之吳夜
夢女曰兒為蘓谿楊大年所殺無与于朱孝廉也彼
不艷于其妻陸判官取兒首為易之是兒身死而頭
生也願勿相仇醒告夫人而夫人所夢亦然乃言於
官問之果有楊大年執而械之遂伏其辜吳乃詣朱

請見夫人。由此為翁婿。乃以朱妻首。合女尸而葬焉。朱三入禮闈。皆以場規被放。于是灰心進仕。積三十年。一夕陸告曰。君壽不永矣。問其期。對以五日。問能救否。曰。惟天所命。人何能私。且自達人觀之。生死一耳。又何泥生之為樂。而死之為悲乎。朱以為然。即製衣衾棺槨。既竟。盛服而沒。翌日。夫人方扶柩哭。朱忽冉亡。自外至。夫人惧。朱曰。我誠鬼。無異生時。慮爾寡婦孤兒。殊懸亡耳。夫人大慟。涕淚垂膺。朱依亡。慟解。

之夫人曰、古有還魂之說、君既有靈、何不再生、朱曰、
天數不可違也、問在陰司作何務、曰、陸判官薦我督
案務、受有官爵、亦無所苦、夫人欲再語、朱曰、陸公與
我同來、可設酒饌、趨而出、夫人依言營辦、但聞室中
咲飲亮氣、高聲宛若生前、半夜窺之、窅然已逝、自是
三數日輒一來、時而留宿、繾綣家中事、就便經紀、子
瑋方五歲來、輒提抱之、至七八歲、則灯下教讀、子亦
慧、九歲能文、十五入邑庠、竟不知無父也、從此來漸

踈、日月至焉而已矣。又一夕來謂夫人曰：「今與卿永訣矣，問何往？」曰：「承帝命為太華卿，行將遠赴，事煩途隔，故不能來。」子母持之哭曰：「勿爾！」兒已成立，家計尚可存活，世豈有百歲不拆之鸞鳳耶？」碩子曰：「好為人，勿墜父業。」十年後一相見耳。遂出門去，於是遂絕。後瑋二十五舉進士，官行人，奉命祭西岳，道經華陰，忽有輿從羽葆馳衝鹵簿，訝之，審視車中人，則其父也。下馬哭伏道左，父停輿曰：「官聲好，我瞑目矣。」瑋伏不

起朱促輿行馳不顧去數步回望解佩刀遣人持贈
遙語曰佩之當貴瑋欲追從則輿馬人從飄忽若風
瞬息不見痛恨良久抽刀視之製極精工鐫字一行
曰胆欲大而心欲小智欲圓而行欲方瑋後官至司
馬生五子曰沉曰潛曰沕曰渾曰深一夕夢父曰佩
刀宜贈渾也從之後渾仕為提憲有政聲

異史氏曰斷鶴續鳧矯作者妄移花接木創始者
奇而況加斲削於腸胃施刀錐於頸項者哉陸公

者可謂螭皮裏妍骨矣。明季至今，焉歲不遠陵陽
陸公猶存乎？尚有靈焉否耶？雖焉之執鞭所忻慕
焉。

嬰寧

王子服，莒之羅店人，早孤，絕慧，十四入泮，母最愛之。
尋常不令遊郊野，聘蕭氏未嫁而夭，故求凰未就也。
會上元，有舅氏子吳生，邀同眺瞩，方至村外，舅家有
僕來招吳去，生見遊女如雲，乘興獨遨，有女郎，即携婢

撚梅花一枝容華絕代笑容可掬生注目不移竟忘
顧忌女過行數武碩婢子笑曰個兒卽目灼灼似賊
遺花地上笑語自去生拾花悵然神魂喪失怏怏遂
返至家藏花枕底垂頭而睡不語亦不食母憂之醢
襍益劇肌革銳減醫師診視投劑發表忽忽若迷母
撫問所由嘿然不答適吳生來囑秘詰之吳至榻前
生見之泪下吳就榻慰解漸致研詰生具吐其寔且
求謀畫吳笑曰君意亦痴此願有何難遂當代訪之

徒步於野、必非世家、如其未字、事固諧矣、不然、拚以重賂、計必允遂、但得痊瘳、成事在我、生聞之、不覺解頤、吳出告母、物色女子居里、而探訪既窮、並無踪續、母大憂、無所為計、然自吳去後、顏頓開、食亦畧進、數日、吳復來、生問所謀、吳給之曰、已得之矣、我以為誰何人、乃我姑之女、即君姨妹、今尚待聘、雖內戚有婚姻之嫌、寔告之、無不諧者、生喜溢眉宇、問居何里、吳詭曰、西南山中、去此可三十餘里、生又囑再四、吳銳

身自任而去、生由是飲食漸加、日就平復、探視枕底、
花雖枯、未便彫落、凝思把玩、如見其人、怪吳不至、折
柬招之、吳支托不肯赴招、生恚怒悒悒不歡、母慮其
復病、急爲議姻畧、與商確、輒搖首不願、惟日盼吳、吳
迄無耗、益怨恨之、轉思三十里非遙、何必仰息他人、
懷梅袖中、負氣自往、而家人不知也、伶仃獨步、無可
問程、但望南山行去、約三十餘里、亂山合沓、空翠爽
肌、寂無人行、止有鳥道、遙望谷底、叢花亂樹中、隱隱

有小里落、下山入村、見舍宇無多、皆茅屋、而意甚修雅、北向一家、門前皆細柳、牆內桃杏尤繁、間以修竹、野鳥格磔其中、意其園亭、不敢遽入、回顧對戶、有巨石滑潔、因坐少憇、俄聞牆內有女子、長呼小榮、其聲嬌細、方佇聽間、一女即由東而西、執杏花一朵、俛首自簪、舉頭見生、遂不復簪、含笑撚花而入、審視之、即上元途中所遇也、心驟喜、但念無以階進、欲呼姨氏、顧從無還往、懼有訛誤、門內無人可問、坐卧徘徊、自

朝至於日昃、盈、望、斷、並忘饑渴、時見女子露半面、來窺似訝其不去者、忽一老媪扶杖出、顧生曰、何處郎君、聞自辰刻來、以至於今、意將何為、得毋飢耶、生急起揖之、答云、將以探親、媪聾聵不聞、又大言之、乃問貴戚何姓、生不能答、媪笑曰、奇哉、姓名尚自不知、何親可探、我視郎君亦書痴耳、不如從我來、啖以粗糲、家有短榻可臥、待明朝歸、詢知姓氏、再來探訪、生方腹餒思啗、又從此漸近麗人、大喜、從媪入、見門內

白石砌路夾道紅花片、墜階上曲折而西、又啓一
閤、豆棚花架滿庭中、肅客入舍、粉壁光明如鏡、窗外
海棠枝朶探入室中、裊簾几榻罔不潔澤、甫坐、即有
人自窗外隱約相窺、媼喚小榮、可速作黍、外有婢子
噉穀而應、坐次具展宗閥、媼曰、卽君外祖莫姓吳否、
曰然、媼驚曰、是吾甥也、尊堂我妹子、年來以家屢貧、
又無三尺男、遂至音問梗塞、甥長成如許、尚不相識、
生曰、此來卽爲姨也、匆遽遂忘姓氏、媼曰、老身秦姓、

並無誕育、弱息亦為庶產、渠母改醮、遺我鞠養、頗亦
不鈍、但少數訓、嬉不知愁、少頃使來拜識、未幾、婢子
具飯、雛尾盈握、媼勸餐已、婢來歛具、媼曰、喚寧姑來、
婢應去、良久、聞戶外隱有笑聲、媼又喚曰、嬰寧、汝姨
兄在此、戶外嗤嗤笑不已、婢推之以入、猶掩其口、笑
不可遏、媼嗔目曰、有客在、咤咤叱叱、景象何堪、女忍
笑而立、生揖之、媼曰、此王郎、汝姨子、一家尚不相識、
可笑人也、問妹子年幾何矣、媼未能解、生又言之、女

復笑不可仰視。媼謂生曰：「我言少教誨，此可見矣。」年已十六，呆痴如嬰兒。生曰：「小生一歲曰阿甥，已十七矣，得非庚午屬馬者耶？」生首應之。又問甥婦阿誰，答云：「無之。」曰：「如甥才貌，何十七歲猶未聘？」嬰寧亦無姑家，極相匹敵。惜有內親之嫌，生無語。目注嬰寧，不遑。他瞬，婢向女小語云：「目灼灼賊腔，未改。」女又大笑。顧婢曰：「視碧桃開未遽起，以袖掩口。」細碎蓮步而出。至門外，笑靨始縱。媼亦起，喚婢襆被，為生安置。曰：「阿甥

來不易、宜留三五日、遲々送汝歸、如嫌幽悶、舍後有
小園、可供消遣、有書可讀、次日至舍後、果有園半畝、
細草鋪毡、楊花糝徑、有草舍三楹、花木四合、其所穿
花小步、聞樹頭蘊々、有聲、仰視則嬰寧在上、見生來、
狂笑欲墮、生曰、勿爾、墮矣、女且下、且笑、不能自止、方
將及地、失手而墮、笑乃止、生扶之、陰掇其腕、女笑又
作、倚樹不能行、良久乃罷、生俟其笑歇、乃出袖中花
示之、女接之曰、枯矣、何留之、曰、此上元妹子所遺、故

存之問存之何益曰以示相愛不忘自上元相遇凝思成疾自分化為異物不圖得見顏色幸垂憐憫女曰此大細事至戚何所靳惜待郎行時園中花當喚老奴來折一巨綑負送之生曰妹子痴耶女曰何便是痴生曰我非愛花愛撚花之人耳女曰葭莩之情愛何待言生曰我所謂愛非瓜葛之愛乃夫婦之愛女曰有以異乎曰夜共枕席耳女俛首思良久曰我不慣與生人睡語未已婢潛至生惶恐遁去少時會

母所、母問何往、女答以園中共話、媼曰、飯熟已久、有何長言、週遮乃爾、女曰、大哥欲我共寢、言未已、生大窘、急目瞪之、女微笑而止、幸媼不聞、猶絮絮究詰、生急以他詞掩之、因小語責女、女曰、適此語不應說耶、生曰、此背人語、女曰、背他人豈得背老母、且寢處亦常事、何諱之、生恨其痴、無術可以悟之、食方竟、家人捉双衛來尋生、先是母待生久不歸、始疑村中搜覓、幾徧、竟無踪兆、因往詢吳、吳憶曩言、因教於西南山

村行覓凡歷數村。始至於此生。出門適相值。便入告媪。且請諧女同歸。媪喜曰。我有志匪伊朝夕。但殘軀不能遠涉。得甥携妹子去。識認阿姨大好。呼嬰寧。笑至。媪曰。大哥欲同汝去。可便裝束。又餉家人酒食。始送之出。曰。姨家田產豐裕。能養冗人。到彼且勿歸。少學詩禮。亦好事翁姑。即煩阿姨擇一良匹與汝。二人遂發。至山坳。回顧猶依稀見媪倚門北望也。抵家。母親妹麗驚問為誰。生以姨女對。母曰。前吳郎與兒

言者詐也。我未有姊，何以得甥？問女，女曰：我非母出，父為秦氏，沒時兒在襁中，不能記憶。母曰：我一姊適秦氏，良確然。殂謝已久，那得復存？因審詰面龐，誌贅一一符合。又疑曰：是矣，然亡已多年，疑慮間吳生至，女避入室，吳詢得故，惘然久之。忽曰：此女名嬰寧耶？生然之。吳極稱怪事，問所自知。吳曰：秦家姑去後，姑夫鰥居，崇於狐，病瘠死。狐生女，名嬰寧，綳卧床上，家人皆見之。姑夫沒，狐猶時來，後求天師符粘壁上，狐

遂携女去。將母此耶？彼此疑參。但聞室中啾啾皆嬰
寧笑聲。母曰：此女亦太憨。吳生請面之。母入室。女猶
濃笑不顧。母促令出。始極力忍笑。又面壁移時方出。
纔一展拜。翻然遽入。放聲大笑。滿室婦女爲之粲然。
吳請往覘其異。就便執柯。尋至村所。廬舍全無。山花
零落而已。吳憶姑葬處。彷彿不遠。然坟壟湮沒。莫可
辨識。詫嘆而返。母疑其爲鬼。入告吳言。女畧無駭異。
又弔其無家。亦殊無悲意。孜孜憨笑而已。衆莫之測。

母令與少女同寢止、昧爽即來省問、操女紅精巧絕倫、但善笑、禁之亦不可止、然笑處嫣然、狂而不損其媚、人皆樂之、鄰女少婦、爭承迎之、母擇吉爲之合卺、而終恐爲鬼物、竊於日中窺之、形影殊無少異、至日使華妝行新婦禮、女笑極、不能俯仰、遂罷、生以憨痴、恐漏洩房中隱事、而女殊秘密、不肯道一語、每值母憂、怒女至一笑、即解、奴婢小過、恐遭鞭楚、輒求詣母共話、罪婢投見、恒得免、而愛花成癖、物色徧戚黨、竊

典金釵購佳種、數月、階砌藩溷、無非花者、庭後有木香一架、故鄰西家女、每攀登其上、摘供簪玩、母時遇見、輒訶之、女卒不改、一日西人子見之、凝注頃倒、女不避而笑、西人子謂女意已屬、心益蕩、女指牆底笑而下、西人子謂示約處、大悅、及昏而往、女果在焉、就而淫之、則陰如錐刺、痛徹於心、大號而踣、細視非女、則一枯木卧牆邊、所接乃水淋竅也、鄰父聞聲、急奔研問、呻而不言、妻來始以寔告、爇火燭窺、見中有巨

蝎如小蟬然、翁碎木捉殺之、負子至家、半夜尋卒、隣人訟生、許癸嬰寧妖異、邑宰素仰生才、稔知其篤行士、謂鄰翁訟誣、將杖責之、生為乞免、遂釋而出、母謂女曰、慙狂爾、蚤知遇喜而伏憂也、邑令神明、幸不牽累、設鵲哭官宰、必逮婦女質公堂、我兒何顏見戚里、女正色矢不復笑、母曰、人罔不笑、但須有時、而女由是竟不復笑、雖故逗之、亦終不笑、然竟日未嘗有戚容、一夕對生零涕、異之、女哽咽曰、曩以相從日淺、

言之恐致駭怪。今日察姑及卽，皆遇愛無有異心。直告或無妨乎？妾本狐產，臨去以妾托鬼母，相依十餘年。始有今日。妾又無兄弟，所恃者惟君。老母岑寂山阿，無人憐而合厝之。九泉輒為悼恨。君倘不惜煩費，使地下人消此怨恫，庶養女者不忍溺棄，生諾之。然慮坟墓迷於荒草，女言無慮。刻日夫妻輿輓而往。女於荒烟錯楚中，指示墓處，果得媼尸。膚革猶存，女撫哭哀痛，舁歸。尋秦氏墓合葬焉。是夜生夢媼來稱謝。

寤而述之、女曰、妾夜見之、囑勿驚、即君耳、生恨不邀
留、女曰、彼鬼也、生人多陽氣、勝、何能久居、生問小榮、
曰、是亦狐、最黠、狐母留以視妾、每攝餌相哺、故德之、
常不去心、昨問母、云已嫁之、由是歲值寒食、夫妻登
秦墓拜掃、無缺、女逾年生一子、在懷抱中、不畏生人、
見人輒笑、亦大有母風云、

異史氏曰、觀其孜孜憨笑、似全無心肝者、而墻下
惡作劇、其黠孰甚焉、至悽戀鬼母、反笑為哭、我嬰

寧何嘗慙耶。竊聞山中有草，名笑矣乎。嗅之則笑，不可止。房中值此一種，則合歡忘憂，並無顏色矣。若解語花，正嫌其作態耳。

聶小倩

甯采臣，浙人，性慷慨。廉隅自重，每對人言，生平無二色。適赴金華，至北郭，解裝蘭若。寺中殿塔壯麗，然蓬蒿没人，似絕行踪。東西僧舍，雙扉虛掩。惟南一小舍，扃鍵如新。又顧殿東隅，修竹拱把，階下有巨池，野藕

已花意甚樂其幽杳。會學使案臨城舍價昂思便留止。遂散步以待僧歸。日暮有士人來啓南扉。甯趨為禮。且告以意。士人曰。此間無房主。僕亦僑居。能甘荒落。旦暮惠教幸甚。甯喜。籍藁代床。支板作几。為久客計。是夜月明高潔。清光似水。二人促膝殿廊。各展姓字。士人自言燕姓。字赤霞。甯疑為赴試者。而聽其音韻殊不類浙。詰之。自言秦人。語甚朴誠。既而相對詞竭。遂拱別歸。寢甯以新居久不成寐。聞舍北喁喁如

有家口、起伏北壁石窓下微窺之、見短牆外一小院、落有婦可四十餘、又一媼衣黧緋、插蓬簪、鮐背龍腫、偶語月下、婦曰、小倩何久不來、媼云、殆好至矣、婦曰、將無向姥、有怨言否、曰、不聞、但意似麤、婦曰、婢子不宜好相識、言未已、有一十七八女子來、彷彿艷絕、媼笑曰、齊地不言人、我兩箇正談道、小妖婢俏來、無跡響、幸不訾着短處、又曰、小娘子端好、是畫中人、遮莫老身是男子、也被攝魂去、女曰、姥、不相譽、更

阿誰道好婦人女子又不知何言甯意其隣人眷口
寢不復聽又許時始寂無聲方將睡去覺有人至寢
所急起審顧則北院女子也驚問之女笑曰月夜不
寐願修燕好甯正容曰卿防物議我畏人言畧一失
足廉恥道喪女云夜無知者甯又咄之女逡巡若復
有詞甯叱速去不然當呼南舍生知女懼乃退至戶
外忽返以黃金一錠置褥上甯掇擲庭墀曰非義之
物污我囊橐女慚出拾金自言曰此漢當是鉄石詰

旦有蘭溪生携一僕來侯試寓於東廂至夜暴亡足
心有小孔如錐刺者細細有血出俱莫知故經宿一
僕死症亦如之向晚燕生歸甯質之燕以為魅甯素
抗直頗不在意宵分女子復至謂甯曰妾閱人多矣
未有剛腸如君者君誠聖賢妾不敢欺妾小倩姓聶
氏十八夭殂葬於寺側被妖物威脅歷役賤務覩顏
向人寔非所樂今寺中無可殺者恐當以夜叉來甯
駭求計女曰與燕生同室可免問何不惑曰彼奇人

也、不敢近、又問何以迷人、曰、狎昵我者、隱以錐刺其足、彼即茫若迷、因攝血以供妖飲、又或以金、非金也、乃羅刹鬼骨、留之能截取人心肝、二者凡以投時好耳、甯感、謝問戒備之期、答以明宵、臨別泣曰、妾隨玄海、求岸不得、即君義氣干雲、必能拔生救苦、倘肯囊妾朽骨、歸葬安宅、不啻再造、甯毅然諾之、因問葬處、曰、但記取白楊之上、有烏巢者是也、言已出門、紛然而滅、明日恐燕他出、早詣邀致、夜後具酒饌、留意察

燕既邀同宿、辭以性癖、耽寂、寧不聽、強携臥具來、燕不得已、移榻從之、囑曰、僕知足下丈夫、傾風良切、要有微衷、難以遽白、幸無翻窺、篋襪違之、而俱不利、寧謹受教、既而各寢、燕以箱篋置窓上、就枕移時、鼾如雷吼、寧不能寐、近一更許、窓外隱々有人影、俄而近窓來窺、目光睽閃、寧懼、方欲呼燕、忽有物裂篋而出、耀若匹練、觸折窓上石櫺、颼然一射、即遽斂入、宛如電滅、燕覺而起、寧偽睡以覘之、燕捧篋檢徵、取一物

對月嗅視、白光晶瑩、長可二寸、徑非葉許、已而數重
包固、仍置破篋中、自語曰、何物老魅、直爾大胆、致壞
篋子、遂復卧、甯大奇之、因起問之、且告以所見、燕曰、
既相知愛、何敢深隱、我劍客也、若非石櫺、妖當立斃、
雖然亦傷、問所緘何物、曰劍也、適嗅之有妖氣、甯欲
觀之、慨出相示、熒々然一小劍也、於是益厚重燕、明
日視窓外有血跡、遂出寺北、見荒坟纍々、果有白楊、
烏巢其巔、迨營謀既就、趨裝欲歸、燕生設祖帳、情義

殷渥以破革囊贈甯曰此劍袋也寶藏可遠魑魅甯欲從授其術曰如君信義剛直可以為此然君猶富貴中人非此道中人也甯乃托有妹葬此發掘女骨飲以衣衾賃舟而歸甯齋臨野因營坟墓諸齋外祭而祝曰憐卿孤魂莫近蝼居歌哭相聞庶不見凌於雄鬼一甌漿水飲殊不清旨幸不為嫌祝畢而返後有人呼曰緩待同行回顧則小倩也懽喜謝曰君信義十死不足以報請從歸拜識姑嫜媵御無悔審諦

之肌映流霞足翹細笋白晝端相嬌艷尤絕遂與俱至齋中囑坐少待先入白母、愕然時甯妻久病母戒勿言恐致驚駭言次女已翩然入拜伏地下甯曰此小倩也母驚顧不遑女謂母曰兒飄然一身遠父母兄弟蒙公子露覆澤被髮膚願執箕帚以報高義母見其綽約可愛始敢與語曰小娘子惠顧吾兒老身喜不可已但生平止此兒用承祧緒不敢令有鬼耦女曰兒寔無二心泉下人既不見信於老母請以

兄事、依高堂、奉晨昏如何、母憐其誠、允之、即欲拜嫂、母辭以疾乃止、女即入厨下、代母尸饗、入房穿榻、似熟居者、日暮、母畏懼之、辭使歸寢、不為設床褥、女窺知母意、即竟去、過齋欲入、却退徘徊戶外、似有所懼、生呼之、女曰、室有劍氣、畏人、向道途之不奉見者、良以此故、甯悟為革囊、取懸他室、女乃入、就燭下坐、移時、殊不一語、久之、問夜讀否、妾少誦楞嚴經、今強半遺忘、浼求一卷、夜暇就兄正之、甯諾、又坐嘿然、二更

向盡不言去。甯促之，愀然曰：異域孤魂，殊怯荒墓。甯曰：齋中別無床寢，且兄妹亦宜遠嫌。女起顰蹙而欲啼，足偃蹇而懶步，從容出門，涉階而沒。甯竊憐之，欲留宿別榻，又懼母嗔。女朝旦朝母，捧匱沃盥，下堂操作，無不曲承母志。黃昏告退，輒過齋頭，就燭誦經，覺甯將寢，始慘然去。先是甯妻病廢，母劬不堪，自得女，逸甚，心德之。日漸稔，親愛如已出，竟忘其爲鬼。不忍晚令去，留與同卧起。女初來，未嘗飲食，半年漸啜稀。

飽母子皆溺愛之諱言其鬼人亦不之辨也無何甯妻亡母陰有納女意然恐於子不利女微窺之乘間告母曰居年餘當知兒肝膈為不欲禍行人故從即君來區、無他意正以公子光明磊落為天人所欽矚寔欲依贄三數年借博封誥以光泉壤母亦知無惡意但懼不能延宗嗣女曰子女惟天所授即君註福籍有亢宗子三不以鬼妻而遂奪也母信之與子議甯喜因列筵告戚黨或請覲新婦女慨然華妝出

一堂盡怡、反不疑其鬼、疑為仙、由是五黨諸內眷、咸執贄以賀、爭拜識之、女善畫蘭梅、輒以尺幅酬答、得者恒什襲以為榮、一日俛首窓前、惆悵若失、忽問革囊何在、曰以卿畏之、故緘置他所、曰妾受生氣已久、當不復畏、宜取挂床頭、寤詰其意、曰三日來心怔忡、無停息、意金華妖物、恨妾遠遁、恐旦晚尋及也、寤果携革囊來、女反覆審視、曰此劍仙將盛人頭者也、敝敗至此、不知殺人幾何許、妾今日視之、肌猶粟慄、乃

懸之次日又命移懸戶上夜對燭坐約甯勿寢忽有一物如飛鳥至女驚匿夾幙間甯視之物如夜叉狀電目血舌睽閃攫拏而前至門却步逡巡久之漸近革囊以爪摘取似將抓裂囊忽格然一响大可合簣恍惚有鬼物哭出半身揪夜叉入聲遂寂然囊亦頓縮如故甯駭詫女亦出大喜曰無恙矣共視囊中清水數斗而已後數年甯果登進士舉一男納妾後又各生一男皆仕進有聲

海公子

東海古蹟島、有五色耐冬花、四時不凋、而島中古無
居人、人亦罕到之、登州張生、好奇、喜遊獵、聞其佳勝、
備酒食、自掉扁舟而往、至則花正繁、香聞數里、樹有
大至十餘圍者、反復留連、甚慊所好、開樽自酌、恨無
同遊、忽花中一麗人來、紅裳炫目、畧無倫比、見張笑
曰、妾自謂興致不凡、不圖先有同調、張驚問何人、曰
我膠娼也、適從海公子來、彼尋勝翱翔、妾以艱於步

履故留此耳。張方苦寂，得美人大悅，招坐共飲。女言詞溫婉，蕩人心志。張愛好之，恐海公子來，不得盡懽。因挽與亂。女忻從之。相狎未已，忽聞風蕭蕭，草木偃折有聲。女急推張起曰：「海公子至矣。」張束衣愕視。女已失去。旋見一大蛇，自叢樹中出，粗於巨桶。張懼，障身大樹後。冀蛇不睹。蛇近前，以身繞人，並樹糾纏數匝。兩臂直束，胯間不可少屈。昂其首，以舌刺張鼻。匕血下注，流地上成窪。乃俯就飲之。張自分必死。忽憶

腰中佩荷內有毒狐藥、因以二指夾出、破裏堆掌中、又側頸自顧其掌、令血滴藥上、頃刻盈把、蛇果就掌吸飲、_上未及盡、遽伸其體、擺尾若霹靂聲、觸樹、半體崩落、蛇臥地如梁而斃矣、張亦眩莫能起、移時方蘊載蛇而歸、大病月餘方瘥、疑女子亦蛇精也、

丁前溪

丁前溪、諸城人、富有錢穀、游俠好義、慕郭解之為人、御史行臺按訪之、丁亡去、至安邱、遇雨、避身旅舍、雨

日中不止。有少年來，館谷豐隆。既而昏暮，止宿其家。莖豆飼畜，給食周至。問其姓字，少年云：主人楊姓，我其內姪也。主人好交遊，適他出家，惟娘子在，貧不能厚客給。幸為垂諒。問主人何業，則家無貲產，惟日設博場以營升斗。次日雨仍不止，供給弗懈。至暮，劉芻芻束濕，頗極參差。丁怪之。少年曰：寔告客，家貧無以飼畜。適娘子撒屋上茅耳。丁益異之。謂其意在得直。天明付之金，不受。強付。少年持入，俄出，仍以返客云。

娘子言、我非業此獵食者、主人在外、嘗數日不携一錢、客至吾家、何遂索償乎、丁贊嘆而別、囑曰、我諸城丁某、主人歸、宜告之、暇幸見顧、數年無耗、值歲大饑、楊困甚、無所為計、妻漫勸詣丁、從之、至諸城、通姓名於門者、丁茫不憶、申言始憶之、跣履而出、揖客入、見其衣敝踵決、居之溫室、設筵相款、寵禮異常、明日為製冠服、表裏溫煖、楊義之、而內顧增憂、褊心不能無少望、居數日、殊不言贈別、楊意甚急、告丁曰、願不敢

隱僕來時米不滿升、今過蒙推解、固樂、妻子如何矣、
丁曰、是無煩慮、已代經紀矣、幸舒意少留、當助資斧、
走呼招諸博徒、使楊坐而抽頭、終夜得百金、乃送之、
還歸見室人、衣履新整、小婢侍馬、驚問之、妻言自汝
去後、次日即有車徒、賫送布帛菽粟、堆積滿屋、云是
丁客所贈、又給一婢、為妾驅使、楊感不自己、由此小
康、不屑舊業云、

異史氏曰、貧而好客、飲博浮蕩者、優為之、可異者

惟其妻耳、受之施而不報、豈人也哉、然一飯之德、不忘、丁其有焉、

張老相公

張老相公、晉人、適將嫁女、携眷至江南、躬市奩妝、舟抵金山、張先渡江、囑家人在舟、勿燔羶腥、蓋江中有鼃怪、聞香輒出、壞舟吞行人、為害已久、張去、家人忘之、炙肉舟中、忽巨浪覆舟、妻女皆沒、張迴棹、悼恨欲死、因登金山、謁寺僧、詢鼃之異、將以仇鼃、僧聞之、駭

言吾儕日與習近、懼為禍殃、惟神明奉之祈、勿怒、時
斬牲牢、投以半體、則躍吞而去、誰復能相仇哉、張聞、
頓思得計、便招鉄工、起爐山半、冶赤鉄重百餘斤、審
知所常伏處、使二三健男子、以大箝舉投之、鼃躍出、
疾吞而下、少時波湧如山、頃之浪息、則鼃死、已浮水
上矣、行旅寺僧並快之、建張老相公祠、肖像其中以
為水神、禱之輒應、

水莽草

水莽毒草也、蔓生似葛、花紫類扁豆、誤食之立死、即
為水莽鬼、俗傳此鬼不得輪迴、必再有毒死者始代
之、以故楚中桃花江一帶、此鬼尤多云、楚人以同歲
生者為同年、投刺相謁、呼庚兄、庚弟、子姪呼庚伯、習
俗然也、有祝生造其同年某、中途燥渴思飲、俄見道
傍一媪、張棚施飲、趨之、媪承迎入棚、給奉甚殷、嗅之
有異味、不類茶茗、置不飲、起而出、媪止客、急喚三娘、
可將好茶一杯來、俄有少女、捧茶自棚後出、約十四

五姿容艷絕、指環臂釧、晶瑩鑑影、生受殘神馳、嗅其
茶芳烈無倫、吸盡再索、覷媼出、戲捉纖腕、脫指環一
枚、女頰頰微笑、生益惑、畧詰門戶、女云、卽暮來、妾猶
在此也、生求茶葉一撮、並藏指環而去、至同年家、覺
心頭作惡、疑茶爲患、以情告某、某駭曰、殆矣、此水莽
鬼也、先君死於是、不可救、奈何、生大懼、出茶葉驗
之、真水莽草也、又出指環、兼述女子情狀、某懸想曰、
此必寇三娘也、生以其名確符、問何故、知曰、南村富

室寇氏女。夙有艷名。數年前。誤食水莽而死。必此為
魅。或言受魅者。若知鬼姓氏。求其故。禳煮服。可痊。某
急詣寇所。寔告以故。長跪哀懇。寇以其將代女死。故
靳不與。某忽而返。以告生。生亦切齒恨之。曰。我死。必
不令彼女脫生。某舁之歸。將至家門而卒。母號啼。塋
之。遺一子甫周歲。妻不能守。半年改醮去。母留孤自
哺。劬瘁不堪。朝夕悲啼。一日。方抱兒哭室中。生悄然
忽入。母大駭。揮涕問之。答曰。兒地下。聞母哭。甚愴。於

懷故來奉晨昏耳。兒雖死，已有家室，即同來分母勞。母其勿悲。母問兒婦何人，曰：冠氏。坐聽兒死，兒深恨之。死後欲尋三娘，而不知其處。近遇康伯，始相指示。兒往，則三娘已投生任侍郎家。兒馳去，強捉之來。今為兒婦，亦相得，頗無苦。移時，門外一女子入，華妝艷麗，伏地拜母。生曰：此冠三娘也。雖非生人，母視之情懷差慰。生便遣三娘操作。三娘雅不習慣，然承順殊憐人。由此居故室，遂留不去。女請母告諸家，其生意勿

告而母承女意卒告之。寇家翁媼聞而大駭，命車疾至，視之果三娘也。相向哭失聲。女勸止之。媼視生家良貧，意甚悼女。曰：人已鬼，又何厭貧？祝卽母子情義拳拳，兒固已安之矣。因問茶媼誰也。曰：彼倪姓，自慚不能惑行人，故求兒助之耳。今已生於郡城賣漿者之家。因顧生曰：既婿矣而不拜岳，妾復何心？生乃投拜。女便入厨下，代母執炊供客。翁媼視之，悽心既歸，即遣兩婢來爲之服役。金百斤，布帛數十疋，酒馘不

時餽送小阜祝母矣。寇亦時招歸寧。居數日輒曰：家中無人，宜早送兒還。或故稽之，則飄然自歸。翁乃代生起夏屋，營備臻至。然生終未嘗至翁家。一日村中有中水莽毒者，死而復甦，傳為異。生曰：是我活之也。彼為李九所害，我為之馳其鬼而去之。母曰：汝何不取人以自代？曰：兒深恨此等輩，方將盡馳除之，何屑為此？且兒事母最樂，不願生也。由是中毒者往，具豐筵禱祝其庭，輒有效。積十餘年，母死，生夫婦亦哀。

毀但不對客、惟命兒、縗麻躃踊、教以禮儀而已、塋母
後又二年餘、爲兒取婦、任侍郎之孫女也、先是任
公妾生女、數月而殤、後聞祝生之異、遂命駕其家、訂
翁婿焉、至是遂以孫女妻其子、往來不絕矣、一日謂
子曰、上帝以我有功人世、策爲四瀆牧龍君、今行矣、
俄見庭下有四馬、駕黃幃車、馬四股皆鱗甲、夫妻盛
裝出、同登一輿、子及婦皆泣拜、瞬息而渺、是日寇家
見女來、拜別翁媪、亦如生言、媪泣挽留、女曰、祝郎先

去矣、出門遂不復見、其子名鶚、字離塵、請諸寇翁、以三娘骸骨、與生合葬焉。

造畜

魘昧之術、不一其道、或投美餌、給之食之、則人迷惘、相從而去、俗名曰打絮巴、江南謂之扯絮、小兒無知、輒受其害、又有變人為畜者、名曰造畜、此術江北猶少、河以南輒有之、揚州旅店中、有一人牽驢五頭、暫繫櫪下、云我少旋即返、兼囑勿令飲、敢遂去、驢暴日

中蹄齧殊喧。主人牽着涼處。驢見水奔之。遂縱飲之。
一滾塵化^皆爲婦人。怪之。詰其所由。舌強而不能答。乃
匿諸室中。既而驢主至。繫五羊於院中。驚問驢之所
在。主人曳客坐。便進餐飲。且云客姑飯。驢即至矣。主
人出。悉飲五羊。輾轉皆爲童子。陰報郡。遣役捕獲。遂
械殺之。

頭滾

蘓孝廉貞下封公晝卧。見一人頭從地中出。其大如

斛、在床下旋轉不已、驚而中疾、遂以不起、後其次公就蕩婦宿、罹殺身之禍、其兆於此耶、

侯靜山

高少宰念東先生云、崇禎間有侯仙、號靜山、托神於河間之叟、與人談詩、文、決休咎、媿々不倦、以看置案上、啗飲狼籍、但不能見之耳、時先生祖寢疾、或致書云、侯靜山百年人也、不可不晤、遂以僕馬往招叟、至經日、仙猶未來、焚香俟之、忽聞屋上大穀贊嘆曰、

好人家衆驚顧。俄簷間又言之。叟起曰：「大仙至矣。」群從曳岸幘出迎。又聞作拱致轂。既入室，遂大笑縱談。時少宰兄弟尚諸生，方入闈。歸仙言：「二公闈卷亦佳，但經不熟，再須勤勉。雲路亦不遠矣。」二公敬問祖病，曰：「生死大事，其理難明，因共知其不祥，無何太先生謝世。」

舊有猿人弄猿於村，猿斷鎖而逸，不可追。入山中數十年，人猶見之。其走飄忽，見人則竄，後漸入村。

中竊食果餅，人皆莫之見。一日為村人所睹，逐諸野，射而殺之。而猴之鬼竟不自知其死也。但覺身輕如葉，一息百里，遂往依河間叟曰：汝能奉我，為汝致富，因自號靜山云。

錢流

沂水劉宗玉云，其僕杜和偶在園中，見錢流如水，深廣二三尺許，杜驚喜，以兩手滿掬，復偃卧其上，既而起視，則錢已盡去，惟握於手者尚存。

龍肉

姜太史玉璇言龍堆之下掘地數尺有龍肉充牣其中任人割取但勿言龍字或言此龍肉也則霹靂震作擊人而死太史曾食其肉寔不謬也

魁星

鄆城張濟字卧而未寢忽見光明滿室驚視之一鬼執筆立若魁星狀急起拜叩光亦尋滅由此自負以爲元魁之先兆也後竟落拓無成家亦凋落骨肉相

繼死、惟生一人存焉、彼魁星者、何以不為福而為禍也、異已、

潞令

宋國英、東平人、以教習授潞城令、貪暴不仁、催科尤酷、斃杖下者狼籍於庭、余鄉徐白山適過之、見其橫、諷曰、為民父母、威焰固至此乎、宋揚、作得意之詞曰、諾、不敢官、雖小、蒞任百日、誅五十八人矣、後半年、方據案視事、忽瞪目而起、手足撓亂、似與人撐拒狀、

自言曰、我罪當死、我罪當死、扶入署中、踰刻尋卒、嗚呼、幸有陰曹兼攝陽政、不然、顛越貨多、則卓異聲起矣、流毒安窮哉、

山神

益都李會斗、偶山行、值數人籍地飲、見李至、歡然並起、曳入坐、競觴之、視其肴饌、雜陳珍錯、移時飲甚歡、但酒味薄濇、忽遙有一人來、面狹長可二三尺許、冠之高細、稱是衆驚曰、山神至矣、即紛々四去、李亦伏

二
匿坎窞中、既而起視、則肴酒一無所有、惟有破陶器
貯漉、瓦片上盛蜥蜴數枚而已。

聊齋誌異卷之四

般陽蒲松齡柳泉甫著

鳳陽士人

鳳陽一士人、負笈遠遊、謂其妻曰、半年當歸、十餘月
竟無耗問、妻翹盼綦切、一夜終就枕、紗月搖影、離思
縈懷、方反側間、有一麗人、珠環絳帔、牽帷而入、笑問
姊姊得無欲見郎君乎、妻急起應之、麗人邀與俱往、
妻憚修阻、麗人但請無慮、即挽女手出、並躋月色、約

行一矢之遠，覺麗人行迅速，女步履艱澁，呼麗人少待，將歸着複履。麗人牽坐路側，自乃捉足脫履相假。女喜着之，幸不鑿枘，復起從行，健步如飛。移時見士人跨白驃來，見妻大驚，急下騎問何往。女曰：「將以探君。」又顧問麗人伊誰？女未及答。麗人掩口笑曰：「且勿問訊，娘子奔波非易。」即君星馳夜半，人畜想當俱殆。妾家不遠，且請息駕，早旦而行不晚也。」顧數武之外，即有村落，遂同行，入一庭院。麗人促睡婢起供客，曰：

今夜月色皎然、不必命燭、小台石榻可坐、士人繫蹇檐梧、乃即坐、麗人曰、履大不適於體、途中頗累贅否、歸有代步、乞賜還也、女稱謝付之、俄頃設酒菓、麗人酌曰、鸞鳳久乖、圓在今夕、濁醪一觴、敬以為賀、士人亦執琖酬報、主客笑言、履舄交錯、士人注視麗者、屢以遊詞相挑、夫妻乍聚、並不寒暄一語、麗人亦眉目流情、妖言隱謎、女惟嘿然、偽為愚者、久之漸醺、二人語益狎、又以巨觥勸客、士人以醉辭、勸之益苦、士人

笑曰、卿爲我度一曲、卽當飲、麗人不拒、卽以牙板撫
提琴而歌曰、黃昏卸得殘妝罷、窗外西風冷透紗、聽
蕉敲、一陣一陣細雨下、何處與人閒嗑牙、望穿秋水
不見還家、潛_匕泪似麻、又是想他、又是恨他、手拿着
紅繡鞋兒占鬼卦、歌竟笑曰、此市井里巷之謠、不足
污君聽、然因流俗所尚、故效顰耳、音聲靡_匕、風度狎
褻、士人搖惑、若不自禁、少間麗人僞醉離席、士人亦
起、從之而去、久之不至、婢子疲乏、伏睡廊下、女獨坐

無侶頗難自堪、思欲遁歸、而夜色微茫、不憶道路、輾轉無以自主、因起而覘之、甫近窓、則斷雲零雨之聲、隱約可聞、又聽之、聞良人與已素常猥褻之狀、盡情傾吐、女至此手顫心搖、殆不可遏、念不如出門竄溝、堅以死憤、然方行、忽見弟三即乘馬而至、遽便下問、女具以告、三即大怒、立與姊回、直入其家、則室門扃閉、枕上之語猶喁喁也、三即舉巨石、拋擊窓櫺、三五碎斷、內大呼曰、即君腦破矣、奈何、女聞之大哭、謂弟

曰、我不謀與汝殺郎君、今且若何、三郎撐目曰、汝嗚嗚促我來、甫能消此胸中惡、又護男兒怨弟兄、我不慣於婢子供指使、返身欲去、女牽衣曰、汝不携我去、將何之、三郎揮姊仆地、脫體而去、女頓驚悟、始知其夢、越日士人果歸、乘白驪、女異之而未言、士人是夜亦夢、所見所遭、述之悉符、互相駭怪、既而三郎聞姊夫遠歸、亦來省問、語次謂士人曰、昨宵夢君、今果然、亦大異、士人笑曰、幸不為巨石所斃、三郎愕然問故、

士人以夢告三郎大異之蓋是夜三郎亦夢與姊泣訴憤激投石也三夢相符但不知麗人何許耳

耿十八

新城耿十八病危篤自知不起謂妻曰永訣在旦晚耳我死後嫁守由汝請言所志妻嘿不語耿固問之且云守固佳嫁亦恒情明言之庸何傷行與子訣子守我心慰子嫁我意斷也妻乃慘然曰家無儋石君在猶不給何以能守耿聞之遽捉妻臂作恨教曰忍

哉言已而歿手握不可開妻號家人至兩人搬指力
擘之始開耿不自知其死出門見小車十餘輛上各
十人即以方幅書名字貼車上御人見耿促登車耿
視車中已有九人並已而十又視貼車上已名最後
車行咋舌响震耳際亦不知何往俄至一處聞人言
曰此思鄉地也聞其名疑之又聞御人偶語云今日
剿三人耿又駭及細聽其言悉陰間事乃自悟曰我
豈不作鬼物耶頓念家中無復可懸念惟老母膺高

妻嫁後缺於奉養、念之不覺涕漣、又移時、見有台高可數仞、游人甚夥、囊頭械足之輩、嗚咽而上下、聞人言為望鄉台、諸人至此、俱踏轅下、紛然競登、御人或撻之、或止之、獨至耿則促令登、數十級始至顛頂、翹首一望、則門閭庭院宛在目、中、但內室隱隱、如籠烟霧、悽惻不自勝、回顧一短衣人立肩下、即以姓氏問耿、具以告、其人亦自言為東海匠人、見耿零涕、問何事不了於心、耿又告之、匠人謀與越台而遁、耿

懼冥追，匠人固言無妨。耿又慮台高傾跌，匠人但令從已，遂先躍。耿果從之，及地竟無恙，喜無覺者。視所乘車猶在台下，二人急奔數武，忽自念名字貼車上，恐不免執名之追，遂反身近車，以手指塗去己名，始復奔，哆口至息，不敢少停。少間入里門，匠人送諸其室，驀睹己尸，醒然而蘇，覺乏疲燥渴，驟呼水。家人大駭，與之水，飲至石餘，乃驟起作揖拜狀。既而出門拱謝方歸，則僵卧不轉。家人以其行異，疑非真活，然

漸覘之殊無他異稍稍近問始歷歷言其本末問出門何故曰別匠人也飲水何多曰初為我飲後乃匠人飲也投之湯羹數日而瘥由此厭薄其妻不復共枕席云

珠兒

常州民李化富有田產年五十餘無子一女名小惠容質秀美夫妻最憐愛之十四歲暴病夭殂冷落庭幃益少生趣始納婢經年餘生一子視如拱璧名之

珠兒兒漸長，魁梧可愛，然性絕癡。五六歲尚不辨菽麥，言語蹇澁。李亦好而不知其惡，會有眇僧募緣於市，輒知人閨闥，於是相驚以神，且云能生死禍福人，幾十百千執名以索，無敢違者。詣李募百緡，李難之，給十金，不受。漸至三十金，僧厲色曰：「必百金，缺一文不可。」李亦怒，收金遽去。僧忿然起曰：「勿悔，勿悔。」無何珠兒心暴痛，爬刮床席，色如土灰。李懼，將八十金詣僧乞救。僧笑曰：「多金大不易，然山僧何能為？」李歸而

兒已死、李痛甚、以狀訴邑宰、拘僧訊鞫、亦辨給無情詞、答之似擊輓革、令搜其身、得木人二、小棺一、小旗幟五、宰怒、以手疊訣、舉示之、僧乃懼、自投無數、宰不聽、杖殺之、李叩謝而歸、時已曛暮、與妻坐床上、忽一小兒、僂入室、曰、阿翁行何疾、極力不能得追、視其體貌、當得七八歲、李驚、方將詰問、則見其若隱若現、恍惚如烟霧、宛轉間已登榻坐、李推下之、墮地無聲、曰、阿翁何乃爾、瞥然復登、李懼、與妻俱奔、兒呼阿

父阿母嘔啞不休。李入妾室，急闔其扉，還顧兒已在膝下。李駭問何為，答曰：我蘓州人，姓詹氏，六歲失怙恃，不為兄嫂所容，逐居外祖家，偶戲門外，為妖僧迷殺桑樹下，驅使如傚鬼，冤閉窮泉，不得脫化。幸賴阿翁昭雪，願得為子。李曰：人鬼殊途，何能相依？兒曰：但除斗室，為兒設床褥，日澆一杯冷漿粥，餘都無事。李從之。兒喜，遂獨卧室中。晨來出入，閨閣如家生。聞妾哭，子殺問珠兒死幾日矣，答以七日。曰：天嚴寒，尸當

不腐。試發塚啓視，如未損壞。兒當得活。李喜與兒去，開穴驗之。軀殼如故。方此忉怛，回視已失兒所在。異之。昇尸歸，方置榻上，目已瞥動。少頃呼湯，湯已而汗。汗已遂起。群喜珠兒復生，又加之慧黠便利。迥異平昔。但夜間僵卧，毫無氣息。共轉側之，真然若死。衆大愕，謂其復死。天將明，始若夢醒。群就問之，答云：昔從妖僧時，有兒等二人，其一名呼哥子。昨追阿父不及，蓋在後與哥子作別耳。今在冥司，與姜員外作義嗣。

亦甚優游、夜分固來邀兒戲、適以白鼻騮送兒歸、母因問在陰司見珠兒否、曰珠兒已轉生矣、渠與阿翁無父子緣、不過金陵嚴子方來討百十千債負耳、初李販於金陵、欠嚴貨價未償、而嚴翁死、此事人無知者、李聞之大駭、母問兒見惠姊否、兒曰不知、再去當訪之、又二三日、謂母曰、姊在冥中大好、嫁得楚江王、小郎子、珠翠滿頭髻、一出門便十百作呵殿教、母曰、何不一歸寧、曰、人既死、與骨肉無關切、倘有人細述

前生方豁然動念耳。昨托姜員外寅緣見姊。與言父母懸念。渠都如眠睡兒。云姊在時喜綉並蒂花。剪刀刺手爪。血凝綾子上。姊就刺作赤水雲。今母猶掛床頭壁。顧念不去心。姊忘之乎。姊始悽感云。會須白郎君歸省阿母。問其期。答言不知。一日謂母姊行。且至。僕從太繁。當多備漿酒。少間奔入室曰。姊來矣。移榻中堂。曰。姊且憇坐。少悲啼。諸人悉無所見。兒率人焚紙。酌飲於門外。反曰。驕從暫令去矣。姊言昔日。

所覆綠錦被。曾為燭花燒一點如豆大。尚在否。母曰在。即啟笥出之。兒曰。姊命我陳舊閨中。乏疲且小卧。翌日再與阿母言。東鄰趙氏女。故與惠為綉閣交。是夜忽夢惠幘頭紫帔來相望。言笑如平生。且言我今異物。父母覲面。不啻河山。將借妹與家人共語。勿須驚恐。質明方與母言。忽仆地悶絕。踰刻方醒。向母曰。小惠與阿嬭別幾年矣。頓髮。白髮生。母駭曰。兒病狂耶。女拜別即出。母知其異。從之。直達李所。抱母哀。

啼母驚、不知所謂、女曰、兒昨歸、頗委頓、未遑一言、兒不孝、中途棄高堂、勞父母哀愛、罪莫大焉、母頓悟、乃哭已而問曰、聞兒今貴、甚慰母心、但汝棲身王家、何遂能來、女曰、卽君與兒極燕好、姑舅亦相撫愛、頗不謂妬醜、惠生時、好以手支頤、女言次、輒作故態、神情宛似、未幾、珠兒奔告曰、接姊者至矣、女乃起、拜別、泣下曰、兒去矣、言訖、復踣、移時乃醒、後數月、李病劇、醫藥罔效、兒曰、旦夕恐不救也、二鬼坐床頭、一執鉄杖

子一挽苧麻繩長四五尺許兒晝夜哀之不去母哭乃備衣衾既暮兒趨入曰襍人婦且退去姊夫來視阿翁俄頃鼓掌大笑母問之曰我笑二鬼見姊夫來俱匿床下如龜鱉又少時望空道寒暄問姊起居既而拍手曰二鬼奴哀之不去至此大快乃出至門外却回曰姊夫去矣二鬼被鎖馬鞅上阿父當即無恙姊夫言歸白大王為父母乞百年壽也一家俱喜至夜病良已數日尋瘥延師教兒讀兒甚慧十八歲入

邑庠猶能言冥間事。見里中病者。輒指鬼祟所在。以火爇之。往往得瘳。後暴病。體膚青紫。自言鬼神責我。綻露。由是不復言。

小官人

太史某翁。忘其姓氏。晝卧齋中。忽有小鹵簿出。自堂陬。馬大如蛙。人細於指。小儀仗以數十隊。一官冠皂紗。着繡襪。乘肩輿。紛紛出門而去。公心異之。竊疑睡眠之訛。頓見一小人。返入舍。携一毡包。大如拳。竟造

床下、白言家主人有不腆之儀、敬獻太史、言已對立、
即又不陳其物、少間又自笑曰、幾、微物、想太史亦
無所用、不如即賜小人、太史領之、欣然携之而去、後
不復見、惜太史中餒、不曾詰所自來、

胡四姐

尚生、太山人、獨居清齋、會值秋夜、銀河高耿、明月在
天、徘徊花陰、頗存遐想、忽一女子、踰垣來、笑曰、秀才
何思之深、生就視容、華若仙、驚喜擁入、窮極狎昵、自

言胡氏名三姐問其居第但笑不言生亦不復致問
惟相期永好而已自此臨無虛夕一夜與生促膝燈
幕生愛之矚矚不轉女笑曰眈眈視妾何為曰我視
卿如紅葉碧桃雖竟夜視不為厭也三姐曰妾陋質
遂蒙青盼如此若見吾家四妹不知何如顛倒生益
傾動恨不一見顏色長跪哀請踰夕果偕四姐來年
方及笄荷粉露垂杏花烟潤嫣然含笑媚麗欲絕生
狂喜引坐三姐與生同笑語四姐惟手引繡帶俛首

而已。未幾三姐起別。妹欲從行。生曳之不釋。顧三姐曰。卿。煩一致毅。三姐乃笑曰。狂郎情急矣。妹子一為少留。四姐無語。姊遂去。二人備極歡好。既而引臂替枕。傾吐生平。無復隱諱。四姐言已為狐生。依戀其美。亦不之怪。四姐因言阿姊狠毒。業殺三人矣。惑之罔不斃者。妾幸承溺愛。不忍見滅亡。當早絕之。生懼求所以處。四姐曰。妾雖狐。得仙人正法。當書一符貼寢門。可以却之。遂書之。既曉。三姐來。見符却退。曰。婢

子負心傾意新郎不意引線人矣汝兩人合有夙分
余亦不相仇但何必爾乃徑去數日四姐他適約以
隔夜是日生偶出門眺望山下故有胡林蒼莽中出
一少婦亦頗風韻近謂生曰秀才何必日沾沾戀胡
家姊妹渠又不能以一錢相贈即以一貫授生曰先
持歸貰良醞我即携小肴饌來與君為歡生懷錢歸
果如所教少間婦果至置几上燔雞醢鼠肩各一即
抽刀子縷切為齏醢酒調謔歡洽異常既而滅燭登

床狎情蕩甚、既明始起、方坐床頭、捉足易舄、忽聞人聲、傾聽已入帷幕、則胡姊妹也、婦乍睹、倉惶而遁、遺舄於床、二女逐叱曰、騷狐何敢與人同寢處、追去、移時始返、四姐怨生曰、君不長進、與騷狐相匹偶、不可復近、遂悻悻欲去、生惶恐自投、情詞哀懇、三姐從旁解免、四姐怒稍釋、由此相好如初、一日有陝人騎驢造門曰、吾尋妖物匪伊朝夕、乃今始得之、生父以其言異、訊所由來、曰、小人日泛烟波、遊四方、終歲十餘

月常八九離桑梓、被妖物盡殺吾弟、歸甚悼恨、誓必尋而殄滅之、奔波數千里、殊無跡兆、今在君家、不翦當有繼吾弟亡者、時生與女密、父母微察之、聞客言大懼、延入令作法、出二瓶列地上、符咒良久、有黑霧四圍、分投瓶中、客喜曰、全家都到矣、遂以猪脬裹瓶口、緘封甚固、生父亦喜、堅留客飯、生心惻然、近瓶竊聽、聞四姐在瓶中言曰、坐視不救、君何負心、生意感動、急啓所封、而結不可解、四姐又曰、勿須爾、但放倒

壇上旗以針刺脬作孔余即出生如其言果見白氣一縷自孔中出凌霄而去客出見旗橫地大驚曰遁矣此必公子所為搖瓶俯聽曰幸止亡其一此物合不死猶可赦乃携瓶別去後生在野督傭刈麥遙見四姐坐樹下生就近之執手慰問且曰別後十易春秋今大丹已成但思君之念未忘故復一拜問生欲與偕歸女曰妾今非昔比不可以塵情染後當復見耳言已不知所在又二十年餘生適獨居見四姐

自外至，生喜與語。女曰：我今名列仙籍，不應再履塵世。但感君情，特報撤瑟之期，可早處分後事，亦勿悲憂。妾當度君為鬼仙，亦無苦也。乃別而去。至日生果卒，尚生乃友人李文玉之戚好，嘗親見之。

祝翁

濟陽有祝翁者，年五十餘病卒。家人入室理線經，忽聞翁呼甚急，群奔集。靈寢則見翁已復活，群喜慰問。翁但謂媼曰：我適去，拚不復返，行數里，轉思拋汝一

副老皮骨在兒輩手、寒熱仰人、亦無生趣、不如從我去、故復歸、欲偕爾同行也、咸以其新甦妄語、殊未爲異、翁又言之、媼云如此亦善、但方生如何便得死、翁揮之曰、是不難、家中俗務可速料理、媼笑不去、翁又促之、乃出戶外、延遲數刻而入、紿之曰、處置安妥矣、翁命速速理妝、媼不去、翁催益急、媼不忍拂其意、遂妝以至、媳女皆匿笑、翁移首那枕、手拍令卧、媼曰、子女皆在、槌卧、是何景像、翁搥床曰、並死有何可

笑子女輩見翁慄急共勸媪姑從其意媪如言並枕
僵卧家人又共笑之俄視媪笑容忽斂又漸而兩眸
俱合久之無聲儼如睡去衆亂近視則膚已冰而鼻
無息矣視翁亦然始共驚怛時康熙二十一年翁弟
婦傭於畢刺史之家言之甚悉

異史氏曰翁其夙有畸行與泉路茫茫去來由爾
奇矣且白頭者欲其去則呼令去抑何其暇也人
當屬續之時所最不忍訣者牀頭之暱人耳苟廣

其術則賣履分香、可以不事矣。

俠女

顧生、金陵人、博於材藝、而家素貧、又以母老、不忍離膝下、惟日為人書畫、受贄以自給、行年二十有五、伉儷猶虛、對戶舊有空第、一老嫗及少女稅居其中、以其家無男子、故未問其誰何、一日偶自外入、見女郎自母房中出、年約十八九、秀曼都雅、世罕其匹、見生不甚避、而意凜如也、生入問母、母曰、是對戶女郎、就不

吾祈刀尺適言其家亦止一母此女不似貧家產問其何為不字則以母老為辭明日當往拜其母便風以意倘所望不奢兒可代養其老明日造其室其母一聾媪耳視其室並無隔宿糧問所業則仰女十指徐以同食之謀試之媪意似納而轉商其女女嘿然意殊不樂母乃歸詳其狀而疑之曰女子得非嫌吾貧乎為人不言亦不笑艷如桃李而冷如霜雪奇人也母子猜嘆而罷一日生坐齋頭有少年來求畫姿

容甚美而意頗儇佻。詰所自。以鄰村對。嗣後三兩日輒一至。稍稔熟。漸以嘲謔。生狎抱之。亦不甚拒。遂私焉。由是往來暱甚。會女郎過。少年目送之。問爲誰。對以鄰女。少年曰。艷麗如此。神情一何可畏。少間生入內。母曰。適女子來乞米。云不舉火者經日矣。此女至孝。貧極可憫。宜少周恤之。生從母言。負斗粟。款門而達母意。女受之。亦不申謝。日常至生家。見母作衣履。便代縫紉。出入堂中。操作如婦。生益德之。每獲餽。

餌必分給其母、女亦畧不置齒頰、母適疽生、隱處、宵旦號咷、女時就榻省視、為之洗創敷藥、日三四作、母意甚不自安、而女不厭其穢、母曰、唉、安得新婦如兒而奉老身以死也、言訖悲哽、女慰之曰、即子大孝、勝我寡母孤女多矣、母曰、牀頭蹠蹠之役、豈孝子所能為者、且身已向暮、旦夕犯霧露、深以祧續為憂耳、言間生入、母泣曰、虧娘子良多、汝無忘報德、生伏拜之、女曰、君敬我母、我勿謝也、君何謝焉、於是益敬愛之、

然其舉止生硬、毫不可干。一日女出門，生目注之。女忽回首，嫣然而笑。生喜出意外，趨而從。諸其家挑之，亦不拒。欣然交歡已。戒生曰：「事可一而不可再，生不應而歸。明日又約之，女厲色不顧而去。」日頻來，時相遇，並不假以詞色。少游戲之，則冷語冰人。忽於空處問生：「日來少年誰也？」生告之。女曰：「彼舉止態狀，無禮於妾，頻笑以君之狎暱，故置之。請便寄語，再復爾。」是不欲生也已。生至夕以告少年，且曰：「子必慎之，是不」

可犯。少年曰：「既不可犯，君何犯之？」生白其無。曰：「如其無，則猥褻之語，何以達君聽哉？」生不能答。少年曰：「亦煩寄告假惺惺，勿作態。不然，我將徧播揚。」生甚怒之。情見於色。少年乃去。一夕，方獨坐，女忽至，笑曰：「我與君情緣未斷，寧非天數？」生狂喜而抱於懷。忽聞履聲，籍籍，兩人驚起。則少年推扉入矣。生驚問：「子胡為者？」笑曰：「我來觀貞潔之人耳。」頷女曰：「今日不怪人耶？」女眉豎，頰紅，嘿不一語。急翻上衣，露一革囊，應手而出。

則尺許晶瑩七首也。少年見之，駭而却走，追出戶外，四顧渺然。女以七首望空拋擲，戛然有聲，燦若長虹。俄一物墮地作响，生急燭之，則一白狐，身首異處矣。大駭。女曰：「此君之嬖童也。我固恕之，奈渠定不欲生。何收刃入囊，生曳令入。」曰：「適妖物敗意，請俟來宵出門徑去。」次夕，女果至，遂共綢繆，詰其術。女曰：「此非君所知，宜須慎密。洩恐不為君福。」又訂以嫁娶。曰：「枕席焉，提汲焉，非婦伊何也？業夫婦矣，何必復言嫁娶乎？」

生曰、將毋憎吾貧耶、曰、君固貧、妾富耶、今宵之聚、正以憐君貧耳、臨別、囑曰、苟且之行、不可以屢、當來我自來、不當來、相強無益、後相值、每欲引與私語、女輒走避、然衣綻、炊薪、悉為紀理、不啻婦也、積數月、其母死、生竭力營葬之、女由是獨居、生意其孤寂、可亂踰垣、入、隔窓頻呼、迄不應、視其門、則空空、扃焉、竊疑女有他約、夜復往、亦如之、遂留佩玉於窓間而去之、越日相遇於母所、既出、而女尾其後、曰、君疑妾耶、人各

有心不可以告人。今欲使君無疑而烏可得。然一事煩急為謀。問之曰。妾體孕已八月矣。恐旦晚臨盆。妾身未分明。能為君生之。不能為君育之。可密告老母覓乳媪。偽為討螟蛉者。勿言妾也。生諾以告母。笑曰。異哉。此女聘之不可。而願私於我兒。喜從其謀。以待之。又月餘。女數日不至。母疑之。往探其門。蕭蕭閉寂。叩良久。女始蓬頭垢面自內出。啓而入之。則復闔之。入其室。則呱呱者在床上矣。母驚問誕幾時。笑答。

云三日捉綳席而視之則男也。且豐頤而廣額。喜曰。兒已為老身育孫矣。伶仃一身。將焉所託。女曰。區區隱衷。不敢掬示。老母俟夜無人。可即抱兒去。母歸與子言。竊共異之。夜往抱子歸。更數夕。夜將半。女忽款門入。手提革囊。笑曰。大事已了。請從此別。急詢其故。曰。養母之德。刻刻不去於懷。向云可一而不可再者。以相報。不在床第也。為君貧不能婚。將為君延一綫之續。本期一索而得。不意信水復來。遂至破戒而再。

今君德既酬，妾志亦遂，無憾矣。問囊中何物，曰仇人頭耳。檢而窺之，鬚髮交而血模糊也，駭絕。復致研詰，曰：向不與君言者，以機事不密，懼有宣洩。今事已成，不妨相告。妾浙人，父官司馬，陷於仇，被籍吾家。妾負老母出，隱姓名，埋頭項，已三年矣。所以不即報者，徒以有老母在。母去，又一塊肉累腹中，因而遲之又久。曩夜出，非他道路門戶，未稔恐有訛誤耳。言已出門，又囑曰：所生兒，善視之。君福薄無壽，此兒可光門閭。

夜深不得驚老母。我去矣。方悽然欲詢所之女。一閃如電。瞥爾間遂不復見。生嘆惋木立。若喪魂魄。明以告母。相爲嘆異而已。後三年生果卒。子十八舉進士。猶奉祖母以終老云。

異史氏曰。人必室有俠女。而後可以畜嬰童。不然爾愛其艾。瑕彼愛爾。婁豬矣。

王阮亭云。神龍見首不見尾。此俠女其猶龍乎。

酒友

車生者、家不中資而耽飲、夜非浮三白不能寐也、以故牀頭樽常不空、一夜睡醒、轉側間似有人共卧者、意是覆裳墮耳、摸之則茸茸有物、似猫而巨、燭之狐也、酣醉而犬卧、視其瓶則空矣、笑曰、此我酒友也、不忍驚、覆衣加臂、與之共寢、留燭以觀其變、半夜狐欠伸、生笑曰、美哉睡乎、啓覆視之、儒冠之俊人也、起拜榻前、謝不殺之恩、生曰、我癖於麴蘖、而人以為痴、卿我鮑叔也、如不見疑、當為糟丘之良友、曳登榻復共

寢且言卿可常臨無相猜狐諾之生既醒則狐已去
乃治旨酒一盛端伺狐抵夕果至促膝欣飲狐量豪
善諧於是恨相得晚狐曰屢叨良醞何以報德生曰
斗酒之歡何置齒頰狐曰雖然君貧士杖頭錢大不
易當爲君少謀酒資明夕來告曰去此東南七里道
側有遺金可早取之詰旦而往果得二金乃市佳肴
以佐夜飲狐又告曰院後有害藏宜發之如其言果
得錢百餘千喜曰囊中已自有莫漫愁沽矣狐曰不

然轍中水胡可久掬合更謀之異日謂生曰市上菽
價廉此奇貨可居從之收菽四十餘石人咸非笑之
未幾大旱禾豆盡枯惟菽可種售種息十倍由此益
富治沃田二百畝但問狐多種麥則麥收多種黍則
黍收一切種植之早晚皆取決於狐日稔密呼生妻
以嫂視生子猶子焉後生卒狐遂不復來

王阮亭云車君洒脫可喜

蓮香

桑生明曉字子明、沂州人、少孤、館於紅花埠、桑為人
靜穆、自喜、日再出、就食東鄰、餘時堅坐而已、東鄰生
偶至、戲曰、君獨居、不畏鬼狐耶、笑答曰、丈夫何鬼畏
狐、雄來、吾有利劍、雌者尚當、開門內之、鄰生歸、與友
謀、梯妓於垣而過之、彈指叩扉、生窺問為誰、妓自言
為鬼、生大懼、齒震、有聲、妓逡巡自去、鄰生早至、生
齋、生述所見、且告將歸、鄰生鼓掌曰、何不開門內之、
生頓悟其假、安居如初、積半年、一女子夜來叩齋、生

意友人之復戲也。啟門延入，則傾國之姝，驚問所來。曰：妾蓮香，西家妓女，埠上青樓，故多信之。息燭登床，綢繆甚至，自此三五夕輒一至，一夕獨坐凝思，一女子翩然入，生意為蓮，承逆與語，覲面殊非，年僅十五六，顰袖垂髻，風流秀曼，行步之間，若還若往，大愕，疑為狐女。曰：妾良家女，姓李氏，慕君高雅，幸能垂盼，生喜，握其手冷如冰，問何涼也。曰：幼質單寒，夜蒙霜露，那得不爾。既而羅襦襟解，儼然處子。女曰：妾為情緣。

歲蕤之質、一朝失守、不嫌鄙陋、願常侍枕席、房中得
母有人否、生云無他、止一鄰娼、願亦不常、女曰、當謹
避之、妾不與院中人等、君秘勿洩、彼來我往、彼往我
來、可耳、鷄鳴始去、贈綉履一鈎、曰、此妾下體所着、美
之足寄思慕、然有人慎勿弄也、受而視之、翹々如解
結、錐心甚愛悅、越夕無人、便出審玩、女飄然忽至、遂
相欵昵、自此每出履、則女必應念而至、異而詰之、笑
曰、適當其時耳、一夜蓮來、驚云、卽何神氣、蕭索生言、

不自覺蓮便告別、相約十日、去後李來恒無虛夕、問君情人何久不至、因以相約告、李笑曰、君視妾何如蓮香美、曰可稱兩絕、但蓮卿肌膚溫和、李變色曰、君謂凌美對妾云爾、渠必月殿仙人、妾定不及、因而不懌、乃屈指計十日之期已滿、囑勿漏、將窺窺之、次夜蓮香果至、笑語甚洽、及寢大駭曰、殆笑十日不見、何遽億損、保無有他遇否、生詢其故、曰妾以神氣驗之、脉析、如亂絲、鬼症也、次夜李來、生問窺蓮香何似、

曰美矣、妾固疑世間無此佳人、果狐也、去吾尾之、南山而穴居、生疑其妬、漫應之、踰夕、戲蓮、香曰、余固不信、或謂卿狐者、蓮急問是誰之云、笑曰、我自戲卿、蓮曰、狐何異於人、曰、惑之者病甚、則死、是以可懼、蓮曰、不然、如君之年、房後三日、精氣可復、縱狐何害、設旦旦而伐之、人有甚於狐者矣、天下病尸、瘵鬼、寧皆狐蠱死耶、雖然、必有議我者、生力白其無、蓮詰益力、生不得已、洩之、蓮曰、我固怪君憊也、然何遽至此、得勿

非人乎。君勿言。明宵當如渠之窺妾者。是夜李至。終三數語。聞窓外嗽。歎急亡去。蓮入曰。君殆矣。是真鬼物。暱其美而不速絕。冥路近矣。生意其妬。嘿不語。蓮曰。固知君不能忘情。然不忍視君死。明日當携藥餌。為君一除陰毒。幸病蒂猶淺。十日恙當已。請同榻以俟痊可。次夜果出刀圭藥。啖生。頃刻洞下。兩三行。覺臟腑清虛。精神頓爽。心德之然。終不信為鬼。蓮香夜夜同衾。偎生。生欲與合。輒拒之。數日後。膚革充盈。欲

別殷殷囑絕李、生謬應之、及閉戶挑燈、輒捉履傾想、
李忽至、數日隔絕、頗有怨色、生曰、彼連宵為我作巫
醫、請勿為懟、情好在我、李稍懌、生枕上私語曰、我愛
卿甚、乃有謂卿鬼者、李結舌良久、罵曰、必淫狐之惑
君聽也、若不絕之、妾不來矣、遂嗚嗚飲泣、生百詞慰
解、乃罷、隔宿蓮香至、知李復來、怒曰、君必欲死耶、生
笑曰、卿何相妬之深、蓮益怒曰、君種死根、妾為君除
之、不妬者將復何如、生托詞以戲曰、彼云前日之病、

為狐祟耳。蓮乃嘆曰：誠如君言。君迷不悟，萬一不虞，妾百口何以自解？請從此辭。百日後當視君於卧榻中。留之不可，怫然逕去。由是與李夙夜必偕，約兩月餘，覺大困頓，初猶自寬解，日漸羸瘠，惟飲饘粥一甌，欲歸就奉養，尚戀，不忍遽去。因循數日，沉綿不可復起。鄰生見其病憊，日遣館僮餽給食飲。生至是始疑李，因謂李曰：吾悔不聽蓮香之言，一至於此。言訖而瞑。移時復甦，張目四顧，則李已去。自是遂絕。生羸

卧空齋思蓮香如望歲一日方凝想間忽有寒簾入者則蓮香也向卧榻哂曰田舍郎我豈妄哉生哽咽良久自言知罪但求拯救蓮曰病入膏肓寔無救法姑來永訣以明非妬生大悲曰枕底之物煩代碎之蓮搜得履持就燈前反覆展玩李女歎入卒見蓮香返身欲遁蓮以身蔽門李窘急不知所出生責數之李不能答蓮笑曰妾今始得與阿姨面相質曩謂郎君舊疾未必非妾致今竟何如李俛首謝過蓮曰佳

麗如此、乃以愛結仇耶、李投地隕泣、乞垂憐救、蓮扶起、細詰生平、曰、妾李通判女、早夭、瘞於牆外、已死、春蠶遺絲未盡、與卽偕好、妾之願也、致卽於死、良非素心、蓮曰、聞鬼利人死、以死後可常聚、然否、曰、不然、兩鬼相逢、並無樂趣、如樂也、泉下少年、卽豈少哉、蓮曰、痴哉、夜、爲之人、且不堪、而况於鬼、李問狐能死人、何術獨否、蓮曰、是採補者流、妾非其類、故世有不害人之狐、斷無不害人之鬼、以陰氣盛也、生聞其語、始

知鬼狐皆真、幸習常見慣、頗不為駭、但念殘息如絲、不覺失聲大慟、蓮頤問何以處、卽君者、李赧然遜謝、蓮笑曰、恐卽強健、醋娘子要食楊梅也、李歛衽曰、如有醫國手、使妾得無負卽君、便當埋首地下、敢復覩然人世耶、蓮解囊出藥曰、妾早知有今、別後採藥三山、凡三閱月、物料始備、瘵蠱至死、投之無不蘇者、然症何由得、仍以何引、不得不轉求効力、問何需、曰櫻口中一點香唾耳、我以丸進、煩接口而唾之、李暈生

頤頤俛首轉側而視其履蓮戲曰妹所得意惟履耶李益慚俯仰若無所容蓮曰此平時熟技今何吝焉遂以丸納生吻轉促逼之李不得已唾之蓮曰再又唾之凡三四唾丸已下咽少間腹殷然如雷鳴復納一丸乃自接唇而布以氣生覺丹田火熱精神煥發蓮曰愈矣李聽鷄鳴徬徨別去蓮以新瘥尚須調攝就食非計因將外戶返關偽示生歸以絕交往日夜守護之李亦每夕必至給奉殷勤事蓮猶姊蓮亦深

憐愛之居三月、生健如初、李遂數夕不至、偶至、一望
即去、相對時亦悵、不樂、蓮常留與共寢、必不肯生
追出提抱以歸、身輕若芻靈、女不得遁、遂著衣偃卧、
蹠其體不盈二尺、蓮益憐之、陰使生狎抱之、而撼搖
亦不得醒、生睡去、覺而索之已杳、後十餘日、更不復
至、生懷思殊切、恒出履共弄、蓮嘆曰、窈娜如此、妾見
猶憐、何況男子、生曰、昔日弄履則至、心固疑之、然終
不料其鬼、今對履思容、寔所愴惻、因而泣下、先是富

室章姓、有女字燕兒、年十五、不汙而死、終夜復蘇、起
顧欲奔、章扃戶不得出、女言我通判女魂、感桑郎眷
注、遺帛猶存彼處、我真鬼耳、扃我何益、以其言有因、
詰其至此之由、女低徊反顧、茫不自解、或有言桑生
病歸者、女執辨其誣、家人大疑、東鄰生聞之、踰垣往
窺、見生方與美人對語、掩入逼之、張皇間已失所在、
鄰生駭詰、生笑曰、向固與君言、雌者則納之耳、鄰生
述燕兒之言、生乃啟關、將往偵探、苦無由、章母聞生

果未歸、益竒之、故使傭媼索履、生遽出以授、燕兒得之喜、試着之、鞋小於足者盈寸、大駭、攬鏡自照、忽恍然悟已之借軀以生也、因陳所由、母始信之、女鏡面大哭曰、當日形貌頗堪自信、每見蓮姊猶增慚怍、今反若此、人也不如其鬼也、把履號咷、勸之不解、蒙衾僵卧、食之亦不食、體膚盡腫、凡七日不食、卒不死、而腫漸消、覺飢不可忍、乃復食、數日徧體瘙癢、皮盡脫、晨起、睡舄遺墮、索着之、則碩大無朋矣、用試前履、肥

瘦眇合、乃喜復自鏡、則眉目頤頰宛肖生平、益喜、盥櫛見母、見者盡怡、蓮香聞其異、勸生媒通之、而以貧富懸邈、不敢遽進、會媼初度、因從其子婿行、往為壽、媼睹生名、故使燕兒窺簾誌客、生最後至、女驟出捉袂、欲從與俱歸、母訶譙之、始慚而入、生審視宛然、不覺零涕、因拜伏不起、媼扶之不以為侮、生出、挽女舅執柯、媼議擇吉贅生、生歸告蓮香、且商所處、蓮悵然良久、便欲別去、生大駭泣下、蓮曰、君行花燭於人家、

妾從而往、亦何形顏、生謀先與旋里、而後迎燕、蓮乃從之、生以情白章、上聞其有室、怒加誚讓、燕兒力白之、乃如所請、至日生往親迎、家中備具頗甚草、及婦則自門達堂、悉以蜀毡貼地、百千籠燭、燦列如錦、蓮香扶新婦入青廬、搭面既揭、歡若生平、蓮陪登飲、因細詰還魂之異、燕曰、爾日抑鬱無聊、徒以身為異物、自覺形穢、別後憤不歸墓、隨風漾泊、每見生人則羨之、晝憑草木、夜則信足浮沉、偶至章家、見少女卧

床上近附之、未知遂能活也、蓮聞之、嘿、若有所思、逾兩月、蓮舉一子、產後暴病、日就沉綿、捉燕臂曰、敢以孽種相累、我兒即若兒、燕泣下、姑慰之、藉為召巫醫、輒却之、沉痾彌留、氣如懸絲、生及燕兒皆哭、忽張目曰、勿爾、子樂生、我自樂死耳、如有緣、十年後可復相見、言訖而卒、啟衾將歛、尸化為狐、生不忍異視、厚葬之、子名狐兒、燕撫如己出、每清明必抱兒哭、諸其墓、後生舉於鄉、家漸裕、而燕苦不育、狐兒頗慧、然卑弱

多疾。燕每欲生置媵。一日婢忽白。門外一嫗携女求售。燕呼入。大驚曰。蓮姊復出耶。生視之。真似。亦駭問年幾何。答云十四。聘金幾何。曰老身止此一塊肉。但得所。妾亦得飯處。後日老骨不委溝壑足矣。生優價而留之。燕握女手入密室。撮其頷而笑曰。汝識我否。答言不識。詰其姓氏。曰妾韋姓。父徐城賣漿者。死三年矣。燕屈指停思。蓮宛恰十有四載。又審女儀容態度。無一不神肖者。乃拍其頂而呼曰。蓮姊。蓮姊。

十年相見之約、當不欺吾、女忽如夢醒、豁然曰、噫、因
熟視燕兒、生笑曰、此似曾相識、燕飛來也、女泫然曰、
是矣、聞母言妾生時便能言、以為不祥、犬血飲之、遂
昧夙因、今日始如夢寤、娘子其恥於為鬼之李妹耶、
共話前生、悲喜交至、一日寒食、燕曰、此每歲妾與郎
君哭姊日也、遂與親登其墓、荒草離離、木已拱矣、女
亦太息、燕謂生曰、妾與蓮姊兩世情好、不忍相離、宜
令白骨同穴、生從其言、啓李塚得骸、舁歸而合葬之、

親朋聞其異、吉服臨穴、不期而會者數百人、余庚戌南遊至沂、阻雨休於旅舍、有劉生子敬、其中表親、出同社王子章所撰桑生傳、約萬餘言、得卒讀、此其崖畧耳、

異史氏曰、嗟乎、死者而求其生、生者又求其死、天下所難得者非人身哉、奈何具此身者、往往而置之、遂至覲然而生、不如狐泯然而死、不如鬼、王阮亭云、賢哉蓮娘、巾幘中吾見亦罕、况狐耶、

阿寶

粵西孫子楚名士也、生有枝指、性迂訥、人誑之輒信、為真、或值座有歌妓、則必遙望却走、或知其然、誘之來、使妓狎逼之、則頰頰徹頸、汗珠珠下滴、因共為笑、遂貌其呆狀、相郵傳、作醜語而名之、孫痴邑大賈某翁、與王侯埒富、姻戚皆貴胄、有女阿寶、絕色也、日擇良匹、大家兒爭委禽、皆不當翁意、生時失儷、有戲之者、勸其通媒、生殊不自揣、果從其教、翁素耳其名

而貧之媒媪將出適遇寶問之以告女戲曰渠去其
枝指余當歸之媪告生生曰不難媒去生以斧自斷
其指大痛徹心血溢傾注瀕死過數日始能起往見
媒而示之媪驚奔告女女亦竒之戲請再去其痴生
聞而譁辨自謂不痴然無由見而自剖轉念阿寶未
必美如天人何遂高自位置如此由是曩念頓冷會
值清明俗於是日婦女出遊輕薄少年亦結隊隨行
恣其月旦有同社數人強邀生去或嘲之曰莫欲一

觀可人否、生亦知其戲已、然以受女揶揄、故亦思一見其人、忻然隨衆物色之、遙見有女子憇樹下、惡少年環如牆堵、衆曰、此必阿寶也、趨之、果寶也、審諦之、娟麗無雙、少頃人益稠、女起遽去、衆情顛倒、品頭品足、紛々若狂、生獨嘿然、及衆他適、回顧生猶痴立、故所呼之不應、群曳之曰、魂隨阿寶去耶、亦不答、衆以其素訥、故不為怪、或推之、或挽之以歸、至家直上床卧、終日不起、冥如醉、喚之不醒、家人疑其失魂、招於

曠野、莫能效、強拍問之、則矇矓應云、我在阿寶家、及
細詰之、又嘿不語、家人惶惑莫解、初生見女去、意不
忍舍、覺身已從之行、漸傍其襟帶間、人無訶者、遂從
女歸、坐卧依之、夜輒與狎、甚相得、然覺腹中竒餒、思
欲一返家門、而迷不知路、女每夢與人交、問其名、曰
孫子楚也、心異之、而不可以告人、生卧三日、氣休休
若將漸滅、家人大恐、托人婉告翁、欲一招魂、其家翁
笑曰、平昔不相往還、何由遺魂、吾家家人固哀之、翁

始允巫執故服草薦以往女詰得其故駭極不聽他往直導入室任招呼而去巫歸至門生榻上已呻既醒女室之香奩器具何色何名歷言不爽女聞之益駭陰感其情之深生既離床寢坐立凝思忽々若忘每伺察阿寶希幸一再邁之浴佛節聞將降香水月寺遂早旦往侯道左目眩睛勞日涉午女始至自車中窺見生以搵手褰簾凝睇不轉生益動尾從人女忽命青衣來詰姓字生殷勤自展魂益搖車去始歸

歸復病、冥然絕食、夢中輒呼寶名、每自恨魂不復靈、
家舊養一鸚鵡、忽斃、小兒持弄於床上、生自念倘得
身為鸚鵡、振翼可達女室、心方注想、身已翩然、鸚鵡
遽飛而去、直達寶所、女喜而撲之、鎖其肘、飼以麻子、
大呼曰、姐、勿鎖我、孫子楚也、女大駭、解其縛、亦不
去、女祝曰、深情已篆中心、今已人禽異類、姻好何可
復圓、烏云、得近芳澤、於願已足、他人飼之不食、女自
飼之、則食、女坐則集其膝、卧則依其床、如是三日、女

甚憐之、陰使人睬生、生則僵卧、氣絕已三日、但心頭未冰耳、女又祝曰、君能復為人、當誓死相從、烏云誑我、女乃自矢、烏側目若有所思、少間女束雙鬟、解履床上、烏驟下、啣履飛去、女急呼之、飛已遠矣、女使嫗往探、則生已寤、家人見鸚鵡啣繡履來、墮地死、方共異之、生既蘇、即索履、衆莫知故、適嫗至、入視生、問履所自、生曰、是阿寶信誓物、借口相覆、小生不忘金諾也、嫗反命、女益竒之、故使婢泄其情於母、母審之確、

乃曰、此子才名亦不惡、但有相如之貧、擇數年得婿、若此、恐將為顯者笑、女以履故矢不他、翁媼乃從之、馳報生、生喜、疾頓瘳、翁議贅諸家、女曰、婿不可久處、岳家况即又貧、久益為人賤、兒既諾之、處蓬茆而甘藜藿、不怨也、生乃親迎成禮、相逢如隔世、歡自是生家得奩妝小阜、頗增物產、而生痴於書、不知理家人生業、女善居積、亦不以他事累生、居三年、家益富、生忽病消渴卒、女哭之慟、泪眼不晴、至絕眠食、勸之不

納、乘夜自經、婢覺之急救而醒、終亦不食、三日集親黨、將以歛生、聞棺中呻以息、啟之復活、自言見冥王、以生平朴誠、命作部曹、忽有人白、孫部曹之妻將至、王稽鬼錄言此、未應便死、又白不食三日矣、王頌謂感汝妻節義、姑賜再生、因使馭卒控馬送余還、由此體漸平、值歲大比、入闈之前、諸少年玩弄之、共擬隱僻之題七、引生僻處與語、言此某家關節、敬秘相授、生信之、晝夜揣摩、制成七藝、衆隱笑之時、典試者慮

熟題有蹈襲弊、力反常徑、題紙下、七執皆符、生以是掄魁、明年舉進士、授詞林、上聞其異、召問之、生具啓奏、上大嘉悅、后召見阿寶、賞賚有加焉。

異史氏曰、性痴則其志凝、故書痴者文必工、藝痴者技必良、世之落拓而無成者、皆自謂不痴者也、且如粉花蕩產、盧雉傾家、顧痴人事哉、以是知慧黠而過、乃是真痴、彼孫子何痴乎、

九山王

曹州李姓者、邑諸生、家素饒、而居宅故不甚廣、舍後有園數畝、荒置之、一日有叟來稅屋、出直百金、李以無屋為辭、叟曰、請受之、但無煩慮、李不喻其意、姑受之以覘其異、越日村人見輿馬眷口入李家、紛々甚夥、共疑李第無安頓所、問之李、殊不自知、歸而察之、並無跡响、過數日、叟忽來謁、且云、庇宇下已數晨夕、事：都草創、起炉作灶、未暇一脩客子禮、今遣兒女輩作黍、幸一垂顧、李從之、步入園中、欵見舍宇華好、

嶄然一新、入室陳設芳麗、酒鼎沸于廊下、茶烟裊于
厨中、俄而行酒荐饌、脩極甘旨、時見庭下少年往來
甚衆、又聞兒女喁々簾幕中作笑語聲、家人婢僕似
有數十百口、李心知其狐、帝終而歸、陰懷殺心、每入
市、硝硫積數百斤、暗布園中、殆滿、驟火之、焰騰霄
漢、如黑靈芝、燔臭灰、眈不可近、但聞鳴啼嗥動之聲、
嘈雜聒耳、既熄、入視、則死狐滿地、焦頭爛額者不可
勝計、方閱視間、叟自外來、顏色慘動、責李曰、夙無嫌

怨荒園歲報百金非少、何忍遂相族滅、此奇慘之仇、無不報者、忿然而去、疑其擲礫為殃、而年餘無少怪異、時順治初年、山中群盜竊發、嘯聚萬餘人、官莫能捕、生以家口多、日憂離亂、適村中來一星者、自號南山翁、言人休咎、了若目睹、名大譟、李召至家、求推甲子、翁愕然起、敬曰、此真主也、李聞大駭、以為妄、翁正容固言之、李疑信半焉、乃曰、豈有白手受命而帝者乎、翁謂不然、自古帝王、類多起於匹夫、誰是生而天

子者、生惑之、前席而請、翁毅然以卧龍自任、請先備
甲冑數千具、弓弩數千事、李慮人莫之歸、翁曰、臣請
為大王連諸山、深相結、使譁言者謂大王真天子、山
中士卒、宜必響應、李喜遣翁行、發藏、鎡造甲兵、翁數
日始還、曰、借大王威福、加臣三寸舌、諸山無不願執
鞭勒從戟下、決旬之間、果歸命者數千人、於是拜翁
為軍師、建大纛、設彩幟、若林、據山立柵、聲勢震動、邑
令率兵來討、翁指揮群寇、大破之、令懼、急告於充、充

兵遠涉而至。翁又伏寇進擊，兵大潰，將士殺傷者甚衆，勢益震盪，以萬計。因自立爲九山王。翁患馬少，會都中解馬赴江南，遣一旅要路募取之。由是九山王之名大譟，加翁爲護國大將軍。高臥山巢，公然自負，以爲黃袍之加，指日可俟矣。東撫以奪馬故，方將進勦，又得充報，乃發精兵數千，與六道合圍而進。軍旌旗彌滿山谷。九山王大惧，召翁謀之，則不知所往。九山王窘急無術，登山而望，曰：「今而知朝廷之勢大。」

也、山破被擒、妻孥為戮、始悟翁即老狐、蓋以族滅報
李生云、

異史氏曰、夫人擁妻子閉門科頭、何處得殺、即殺
亦何由族哉、狐之謀亦巧矣、而壞無其種者、雖既
不生、彼其殺狐之殘、方寸已有盜根、故狐得長其
萌而施之報、今試執途人而告之曰、汝為天子、未
有不駭而走者、明導以滅族之為、而猶樂聽之、
妻子為戮、又何足云、然人之聽匪言也、始聞之而

怒繼而疑、又既而信、迨至身名俱殞、而始知其悞也、大率類此矣、

遵化署狐

諸城丘公為遵化道、署中故多狐、最後一樓綏綏者、族而居之、以為家、時出殃人、遣之益熾、官此者惟設牲禱之、無敢逐、丘公蒞任、聞而怒之、狐亦畏公剛烈、化一嫗告家人曰、幸白大人勿相仇、容我三日、將携細小避去、公聞亦嘿不言、次日閱兵已、戒勿散、使盡

扛諸營巨砲、驟入環樓、千座並發、數仞之樓、頃刻摧
爲平地、革肉毛血、自天雨而下、但見濃塵毒霧之中、
有白氣一縷、冒烟冲空而去、衆望之曰、逃一狐矣、而
署中自此遂安、後二年、公遣幹僕賫銀如千數赴都、
將謀遷擢、事未就、姑窖藏於班役之家、忽有一叟詣
闕、蔽屈言、妻子橫被殺戮、又訐公剋削軍糧、貪緣當
路、現頓某家、可以驗證、奉旨押驗、至班役家、冥搜不
得、叟惟以一足點地、悟其意、發之、果得金、金上鐫有

某郡解字已而覺叟則失所在、執鄉里鄉名以求其人、竟亦無之、公由此罹難、乃知叟即逃狐也、

異史氏曰、狐之祟人、可誅甚矣、然服而舍之、亦以全吾仁、公可云疾之已甚者矣、抑使閩西為此、豈百狐所能仇哉、

張誠

豫人張氏者、其先齊人、明末齊大亂、妻為北兵掠去、張常客豫、遂家焉、娶於豫、生子訥、無何妻卒、又娶繼

室牛氏生子誠。牛氏悍甚。每嫉訥。奴畜之。啖以惡食。且使之樵。日責柴一肩。無則撻楚。詬誶不可堪。隱蓄甘脆餌誠。使從塾師讀。誠漸長。性孝友。不忍兄劬。陰勸母。弗聽。一日。訥入山樵。未終。值大風雨。避身岩下。雨止而日已暮。腹中大餒。遂負薪歸。母驗之。少怒。不與食。飢火燒心。入室僵臥。誠自塾中歸。見訥嗒然。問病乎。曰。餓耳。問其故。以情告。誠愀然。便去。移時懷餅來。餌兄。兄問其所自來。曰。余竊赧。倩鄰婦為者。但

食勿言也、訥食之、囑曰、後勿復然、事發、累弟、且日一
啗、飢當不死、誠曰、兄故弱、烏能多樵、次日食後、竊赴
山、至兄樵處、兄見之、驚問將何往、答曰、將助樵採、問
誰之使、曰、我自來耳、訥曰、無論弟不能樵、縱或能之、
且犹不可、於是速之歸、誠不聽、以手足斷柴助兄、且
曰、明日當以斧來、兄近止之、見其指已破、履已穿、悲
曰、汝不速歸、我即以斧自剄死、誠乃歸、兄送之半途、
方回復樵、既歸、詣塾、囑其師曰、吾弟年幼、宜閑之、山

中虎狼惡。師言午前不知何往。業夏楚之。歸謂誠曰。不聽吾言。遭笞責矣。誠笑曰。無之。明日懷斧又去。兄駭曰。我固謂子勿來。何復爾。誠弗應。刈薪且急。汗交頤。不少休。約足一束。不辭而返。師又責之。乃實告焉。師嘆其賢。遂不之禁。兄屢止之。終不聽。一日與數人樵山中。歛有虎至。衆懼而伏。虎竟啣誠去。虎負人行。緩。爲訥追及。力斧之。中跨。虎負痛狂奔。莫可尋逐。慟哭而返。衆慰解之。哭益悲。曰。吾弟非猶夫人之弟。况

爲我死、我何生爲、遂以斧自剄其項、衆急救之、入肉者已寸許、血溢如湧、眩瞀殞絕、衆駭裂其衣而束之、群扶以歸、母哭罵曰、汝殺吾兒、欲剄頸以塞責耶、訥呻云、母勿煩惱、弟死我定不生、置榻上、創痛不能眠、惟晝夜倚壁而哭、父恐其亦死、時就榻少哺之、牛輒詬責、訥遂不食、三日而斃、村中有巫走無常者、訥途遇之、緬訴曩苦、因詢弟所、巫言未聞、遂返身導訥去、至一都會、見一皂衫人自城中出、巫要遮、代問之、皂

衫人於佩囊中檢牒審顧男婦百餘並無犯而張者
巫疑在他牒皂衫人曰此路屬我何得差逮訥不信
強巫入內城、中新鬼故鬼往來憧、亦有故識就
問迄無知者忽共譁言菩薩至仰見雲中有偉人毫
光徹上下頓覺世界通明巫賀曰大卽有福哉菩薩
幾十年一入冥司拔諸苦惱今適值之便捽訥跪衆
鬼囚紛、籍、合掌齊誦慈悲救苦之聲闕騰震地
菩薩以楊柳枝徧洒甘露其細如塵俄而霧收光斂

遂失所在。訥覺頸上沾露，斧處不復作痛。巫乃導與俱歸，望見里門，始別而去。訥死二日，豁然竟甦，悉述所遇，謂誠不死。母以為撰造之誣，反詬罵之。訥負屈無以自伸，而摸創痕良瘥，自力起拜父曰：「行將穿雲入海，往尋弟，如不得見，終此身勿望返也。」願父猶以兒為死。翁引空處與泣，無敢留也。訥乃去。每於衢衢訪問弟耗，途中資斧斷絕，丐而行。逾年達金陵，懸鵲百結，偃倭道上，偶見十餘騎過，走避路側。內一人如

官長年約四十、健卒駿馬、騰蹕前後、內一少年乘小
駟、屢顧訥、訥以其貴公子、未敢仰視、少年停鞭少駐、
忽下騎呼曰、非吾兄耶、訥舉首審視、誠也、握手大慟、
失聲、誠亦哭曰、兄何漂落、以至於此、訥言其情、誠益
悲、騎者並下問故、以白官長、命脫驂載訥、連轡歸諸
其家、始詳詰之、初虎啣誠去、不知何時置路側、臥途
中、經宿、適張別駕自都中來、遇之、見其貌文、憐而撫
之、漸甦、言其里居、則相去已遠、因載與俱歸、又以藥

敷傷數日始痊、別駕無長子、子之、蓋適從遊、矚也、誠具爲兄告、言次、別駕入、訥拜謝不已、誠入內、捧帛衣出、進兄、乃置酒、燕叙、別駕問貴族在豫、幾何丁壯、訥曰、無有、父少齊人、流寓於豫、別駕曰、僕亦齊人、貴里何屬、曰、魯、聞父言、屬東昌、轄驚曰、我同鄉也、何故遷豫、訥曰、明季清兵入境、掠前母去、父遭兵燹、蕩無家室、先嘗賈於西道、往來頗稔、故止焉、又驚問尊公何名、訥告之、別駕瞠而視、俛首若疑、疾趨入內、無何

太夫人出、共羅拜已、問訥曰、汝是張炳之之子耶、曰然、太夫人大哭、謂別駕曰、是汝弟也、訥兄弟莫能解、太夫人曰、我適汝父三年、流離北去、身屬黑固山、半年生汝兄、又半年、固山死、汝兄補秩旗下、遷此官、今解任矣、每刻亡念鄉井、遂出籍復故譜、屢遣人至齊、殊無所覓耗、何知汝父西徙哉、乃謂別駕曰、汝以弟為子、祈福死矣、別駕曰、曩問誠亡、未嘗言齊人、想幼穉不知耳、乃以齒序、別駕四十有一、為長、誠十六、最

少訥二十有二、則伯而仲矣、別駕得兩弟甚歡、與同臥處、盡悉離散端由、將作歸計、太夫人恐不見容、別駕曰、能容則共之、否則析之、天下豈有無父之人、於是鬻宅辦裝、刻日西發、既抵里、訥與誠先馳報父、父自訥去後、妻亦尋卒、塊然一老鰥、形影自弔、忽見訥入、報忱忱以驚、又覩誠喜極不復作言、潛々以涕、又告以別、駕母子至、翁輟泣愕然、不能喜、亦不能悲、蚩蚩以立、未幾別駕入拜已、太夫人把翁相向哭、既見

婢媼廝卒、內外盈塞、坐立不知所為、誠不見母、問之方知已死、號嘶氣絕、食頃始甦、別駕出資、建樓閣、延師教兩弟、馬騰於廐、人喧於室、居然大家矣。

異史氏曰、余聽此事至終、涕凡數墮、十餘歲童子、斧薪助兄、慨然曰、王覽固再見乎、於是一墮、至虎啣誠去、不禁狂呼曰、天道賁、如此於是一墮、及兄弟猝遇、則喜而亦墮、轉增一兄、又益一弟、則為別駕墮、一門團團、驚出不意、喜出不意、無從之涕。

則爲翁墮也、不知後世亦有善墮如某者否、
王阮亭云、一本絕妙傳奇、叙次處文筆亦工、

跳神

濟俗民間有病者、閨中以神卜、倩老巫擊鉄環單面
鼓、婆娑作態、名曰跳神、而此俗都中尤甚、良家少婦
時自爲之、堂中肉於案、酒於盆、几上燒巨燭明於晝、
婦束短幅裙、屈一足作商羊舞、兩人捉臂、左右扶掖
之、婦口中刺、瑣絮似歌似祝、字多寡參差、無律帶

腔室數鼓亂搥如雷、蓬々聒人耳、婦吻闢翕、雜鼓殺、不甚辨了、既而首垂目斜睨、立全需人、失扶則仆、旋忽伸頸巨躍、離地尺有咫、室中諸女子凜然愕、頷曰、祖宗來、吃食矣、便一噓、吹燈滅、內外冥黑、人帽息立、暗中無敢交一語、亦不得聞、鼓殺亂也、食頃、聞婦厲聲呼翁姑、及夫嫂小字、始共藝燭、偃僂問休咎、視尊中、盞中、案上、都復空、望顏色、察嗔喜、肅々羅問之、答若響、中有腹誹者、神已知、便指某姍笑我、大不

敬將褫汝袴，誹者自頤瑩然已裸，輒於門外樹頭覓得之。滿洲婦女奉事尤虔，小有疑必以決，時嚴妝騎假虎假馬，執長兵舞榻上，名曰跳虎神，馬虎勢作威怒，尸者教倉停，或言關張元壇不一號，赫氣慘凜，尤能畏怖人，有丈夫穴窻來窺，輒被長兵破窻刺帽挑入去，一家媪媳姊若妹，森々縮々，雁行立無歧念，無懈骨。

鐵布衫法

沙獬子得鉄布衫大力法、駢其指力斫之、可斷牛項、
橫擗之、可洞牛腹、曾在仇公子彭三家、懸木於空、遣
兩健僕極力撐去、猛反之、沙裸腹受木、碎然一轂、木
去遠矣、又出其勢、即石上以木椎力擊之、無少損、但
畏刀耳、

吳門画工

吳門画工某、忘其名、喜画呂祖、每想像而神會之、希
幸一遇、虔結在念、靡刻不存、一日值群丐飲郊郭間、

內一人敝衣露肘、而神采軒豁、心忽動、疑為呂祖、諦視覺愈確、遽捉其臂曰、君呂祖也、丐者大笑、某堅執為是、伏拜不起、丐者曰、我即呂祖、汝將奈何、某叩頭、但乞指教、丐者曰、汝能相識、可謂有緣、然此處非語所、夜間當相見也、欲再遮問、轉盼已杳、駭嘆而歸、至夜果夢呂祖來曰、念子志慮未凝、特來一見、但汝骨氣貪吝、不能為仙、我使子見一人可也、即向空一招、遂有一麗人躡空而下、服飾如貴嬪、容光袍儀煥映一

室呂祖曰此乃董娘、子審誌之、既而又問記得否、
答已記之、又曰勿忘却、俄而麗者去、呂祖亦去、醒而
異之、即夢中所見肖像藏之、終亦不鮮、所謂後數年
偶遊於都會、董妃薨、上念其賢、將為肖像、諸工群集、
口授心擬、終不能似、某忽觸念夢中人得毋是耶、以
圖呈進、宮中傳覽、皆謂神肖、由是授官中書、辭不受、
賜萬金、於是名大譟、貴戚家爭遺重幣、乞為先人傳
影、但懸空摹寫、罔不曲似、決晨之間、累數巨萬、萊蕪

朱拱奎曾見其人。

秦蛇

泗水山中舊有禪院，四無村落，人跡罕及。有道士棲止其中，或言內多大蛇，故遊人益遠之。一少年入山，羅鷹入既深，無所歸宿，遙見蘭若，趨投之。道士驚曰：「居士何來？」幸不為兇輩所見，即命坐，具饘粥食。未已，一巨蛇入，粗十餘圍，昂首向客，怒目電睒。客大惧，道士以掌擊其額，呵曰：「去！」蛇乃俯首入東室。蜿蜒移時，

其軀始盡、盤伏其中、一室盡滿、客大惧、搖戰、道士曰、此平時所豢養、有我在不妨、所患者客自遇之耳、客甫坐、又一蛇入、較前畧小、可約五六圍、見客遽止、睽閃吐舌、如前蛇狀、道士又叱之、亦入室去、室無卧處、半繞梁間、壁上土搖落有聲、客益惧、終夜不寢、早起欲歸、道士送之、出屋門、見牆上階下、大如盡踐者、行卧不一、見生人皆有吞噬狀、客惧、依道士肘腋而行、使送出谷口、乃歸。

余鄉有客中州者，寄宿蛇佛寺，僧具晚餐，肉湯甚美，而段、皆圓，類雞項，疑問寺僧殺雞幾何，遂得多項，僧曰：「此蛇段耳。」客大驚，有出門而哇者，既寢，覺胸上蠕蠕，摸之則蛇也，頓起，駭呼，僧起曰：「此常事，烏足怪？」駭，因以火照壁間，大小滿牆，榻上下皆是也。次日，僧引入佛殿，佛座下有巨井，中蛇粗如巨瓮，探首井邊而不出，焚火下視，則蛇子蛇孫以數百萬計，族居其中。僧云：「昔蛇出為害，佛坐其

上以鎮之、其患始平云、

化男

蘓州木瀆鎮有女夜坐庭中、忽星殞中、顙仆地死、其
父母老而無子、止此女、哀呼急救、移時始甦、笑曰、我
今為男子矣、驗之果然、其家不以為妖、而竊喜其暴
得子也、奇已、

二二

聊齋誌異卷之五

般陽蒲松齡柳泉甫著

汾州狐

汾州判朱公者，居廨多狐。公夜坐，有女子往來燈下，初謂是家人婦，未遑顧瞻。及舉目，竟不相識，而容光艷絕。心知其狐，而愛好之，遽呼之來。女停履笑曰：「厲聲加人，誰是汝婢媼耶？」朱笑而起，曳坐謝過，遂與款密。久如夫婦之好，忽謂曰：「君秩將遷，別有日矣。」問何

時曰目前但賀者在門而弔者在閭不能官也三日遷報果至次日即得太夫人訃音公解任欲與偕旋狐不可送之河上強之登舟女曰君自不知狐不能過河也朱不忍別戀河畔女忽出言將一謁故舊移時歸即有客來答拜女別室與語客去乃來曰請便登舟妾送君渡朱曰向言不能渡今何以云曰曩所謂非他河神也妾以君故特請之彼限我十日往復故可暫依耳遂同濟至十日果別而去

巧娘

廣東有縉紳傅氏年六十餘生一子名廉甚慧而天
閣十七歲陰統如蠶遐邇聞知無以女女者自分宗
緒已絕晝夜憂怛而無如何廉從師讀師偶他出適
門外有猴戲者廉視之廢學焉度師將至而懼遂亡
去離家數里見一白衣女郎偕小婢出其前女一回
首妖麗無比蓮步蹇緩廉趨過之女回顧婢曰試問
郎君得毋欲如瓊否婢果呼問廉詰其所為女曰倘

之瓊也、有尺書一函、煩便道寄里門、老母在家亦可
為東道主、廉出本無定向、念浮海亦得、因諾之、女出
書付婢、轉付生、問其姓名里居、云華姓、居秦女村、
去北郭三四里、生附舟便去、至瓊州北郭、日已曛暮、
問秦女村、迄無知者、望北行四五里、星月已燦、芳草
迷目、曠無逆旅、窘甚、見道側一墓、思欲傍坎棲止、大
懼虎狼、因攀樹猱升、蹲踞其上、聽松聲、謖、宵虫哀
奏、中心忐忑、悔至如燒、忽聞人聲在下、俯看之、庭院

宛然一麗人坐石上、雙鬟挑画燭、分侍左右、麗人左
顧曰、今夜月白星疎、華姑所贈團茶、可烹一瓊、賞此
良夜、生意其鬼魅、毛髮直豎、不敢少息、忽婢子仰視
曰、樹上有人、女驚起曰、何處大胆兒、暗來窺人生、大
懼、無所逃隱、遂盤旋下、伏地乞宥、女近臨一睇、反恚
為喜、曳與並坐、睨之年可十七八、姿態艷絕、聽其言
亦非土音、問卽何之、答云、為人作寄書郵、女曰、野多
暴客、露宿可虞、不嫌蓬華、願就稅駕、邀生入室、惟一

榻命婢展兩被其上。生自慚形穢，願在下床。女笑云：「佳客相逢，女元龍何敢高臥？」生不得已，遂與共榻。而惶恐不敢自舒。未幾，女暗中以纖手探入，輕捻脛股。生爲寐若不覺知。又未幾，啓衾入，搖生迄不動。女便下探隱處，乃停手，悵然俏俏，出衾去。俄聞哭聲，生惶愧無以自容，恨天公之缺陷而已。女呼婢篝燈，婢見啼痕，驚問所苦。女搖首曰：「我自嘆吾命耳。」婢立榻前，眈望顏色。女曰：「可喚即醒。」遣放去。生聞之，倍益慚怍。

且懼宵半茫々、無所復之、籌念間一婦人排闥入、婢
白華姑來、微窺之、年約五十餘、猶風格、見女未睡、便
致詰問、女未答、又視榻上有卧者、遂問共榻何人、婢
代答、夜一少年、即寄此宿、婦笑曰、不知巧娘諧花燭、
見女啼、泪未乾、驚曰、合卺之夕、悲啼不倫、將毋即君
粗暴耶、女不言、益悲、婦將將衣視生、一振衣、書落榻
上、婦取視、駭曰、我女筆意也、拆讀、嘆咤、女問之、婦云、
是三兒家報言、吳郎已死、焚無所依、且為奈何、女曰、

彼固云為人寄書，幸未遣之去。婦呼生起，究詢書所自來。生備述之。婦曰：遠煩寄書，當何以報？又熟視生，笑問何迂。巧娘生言不自知罪，又詰女，嘆曰：自憐生適閹寺，沒奔豚人，是以悲耳。婦顧生曰：慧黠兒，固雄而雌者耶？是我之客，不可久溷他人。遂導生入東廂，探手於袴而驗之。笑曰：無怪巧娘零涕。然幸有根蒂，猶可為力。挑燈徧翻箱簾，得黑丸授生，令即吞下。秘囑勿叱，乃出生獨卧籌思。不知藥醫何症，比五更

初醒覺臍下熱氣一缕直冲隱處蠕蠕然似有物垂
股際自探之身已偉男心驚喜如乍膺九錫擣色絕
分婦即入以炊餅納生室叮囑耐坐反闔其戶出語
巧娘曰卽有寄書勞將留名三娘來與訂姊妹交且
復閉置免人厭惱乃出門去生迴旋無聊時近門隙
如鳥窺籠望見巧娘輒欲招呼自呈慚訥而止延及
夜分婦始携女歸發扉曰悶煞卽君矣三娘可來拜
謝途中人逡巡入向生歛衽婦命相呼以兄妹巧娘

笑曰、姊妹亦可、並坐堂中、團坐置飲、次巧娘戲問、寺人亦動心佳麗否、生曰、跛者不忘履、盲者不忘視、相與粲然、巧娘以三娘勞頓、迫令安置、婦顧三娘俾與生俱、三娘羞暈不行、婦曰、此丈夫而巾幗者、何畏之、敦促偕去、私囑生云、陰為吾婿、陽為吾子可也、生喜、捉臂登床、發硯新試、其快可知、既於枕上問女、巧娘何人、曰、鬼也、才色無匹、而時命蹇落、適毛家小郎子、病闌十八歲而不能人、因悒悒不暢、賁恨入冥、生

驚疑三娘亦鬼。女曰：寔告君，妾非鬼狐耳。巧娘獨居無偶，我母子無家，借廬棲止。生大愕。女云：無懼。雖故鬼狐，非相禍者。由此日共談讌。雖知巧娘非人，而心愛其媚好，獨恨自獻無隙。生蘊籍善謔，喙頗得巧娘憐。一日華氏母子將他往，復閉生室中。生悶氣逸室，隔扉呼巧娘。巧娘命婢歷試數鑰，乃得啓。生附耳請間。巧娘遣婢去，生挽就寢榻，俛向之。女戲掬臍下曰：惜可兒此處闕然。語未竟，觸手盈握。驚曰：何前之渺

渺而遽累然。生笑曰：「前羞見客，故縮。今以誚謗難堪，聊作蛙怒耳。」遂相綢繆。已而恚曰：「今乃知閉戶有因。昔母子流蕩無所，假廬居之。三娘從學刺繡，妾曾不少秘惜。乃妬忌如此。」生勸慰之，且以情告。巧娘終啣之。生曰：「密之。」華姑囑我嚴語，未及已。華姑與三娘忽掩入。二人皇遽方起。華姑嗔目，問誰啓扉。巧娘笑，逆自承。華姑益怒，聒絮不已。巧娘故哂曰：「阿姥亦大笑。人是丈夫而巾幘者，何能為？」三娘見母與巧娘苦相。

抵意不自安、以一身調停兩間、始各拘怒為喜、巧娘言雖憤烈、然自是屈意事三娘、但華姑晝夜閑防、兩情不得自展、眉目含情而已、一日華姑謂生曰、吾兒姊妹皆已奉事君、念居此非計、君宜歸告父母、早訂永約、即治裝促生行、二女相向、容顏悲惻、而巧娘尤不可堪、泪滾、如斷貫珠、殊無已時、華姑排止之、便曳生出、至門外、則院宇無存、但見荒塚、華姑送至舟上曰、君行後、老身携兩女子、就屋於貴邑、倘不忘風

好。李氏廢園中，可待親迎。生乃歸。時傳父覓子不得，正切焦慮。見子歸，喜出非望。生畧述崖末兼致華氏之訂。父曰：妖言何足聽信。汝尚能生還者，徒以閹廢故，不然，死矣。生曰：彼雖異物，情亦猶人。況又慧麗，娶之亦不為戚黨笑。父不言，但嗤之。生乃退而技癢，不安其分，輒私婢。漸至白晝宣淫，意欲炫聞翁媼。一日，為小婢所窺，奔告母。母不信，薄視之。始駭呼婢研究，盡得其狀，喜極。逢人宣暴，以示子不閹。將論婚於世。

族生私白母、非華氏不娶。母曰、世不乏美婦人、何必鬼物生曰、兒非華姑、無以知人道、背之不祥。傳父從之、遣一僕一姬往覘之。出東郭四五里、尋李氏園、見敗垣竹樹中、縷一有炊烟。姬下乘、直造其閨。則母子拭几濯漑、似有所伺。姬拜致主命、見三娘、驚曰、此即吾家小主婦耶。我見猶憐、何怪公子魂思而夢繞之。便問阿姊、華姑嘆曰、是我假女。三日前忽殂、謝去。因以酒食餉姬及僕。姬歸、備道三娘容止。父母皆喜。末

陳巧娘耗生惻、欲涕、至親迎之夜、見華姑親問之、
答云、已投生北地矣、生歎歎久之、迎三娘歸、而終不
能忘情巧娘、凡有自瓊來者、必召見問之、或言秦女
墓夜聞鬼哭、生詫其異、入告三娘、三娘沉吟良久、泣
下曰、妾負姊矣、詰之、答云、妾母子來時、寔未使聞茲
之怨、帝將母是、向欲相告、恐彰母過、生聞之、悲已而
喜、即命輿宵晝兼程、馳詣其墓、叩墓栢而呼曰、巧娘
巧娘、某在斯、俄見女郎捧嬰兒自穴中出、舉首酸嘶、

怨望無已、生亦涕下、探懷問誰氏子、巧娘曰、是君之遺孽也、誕三月矣、生嘆曰、悞聽華姑言、使母子埋憂地下、罪將安辭、乃與同輿航海而歸、抱子告母、視之體貌豐偉、不類鬼物、益喜、二女諧和、事姑孝、後傳父病、延醫來、巧娘曰、疾不可為、魂已離舍、督治冥具、既竣而歿、兒長、絕肖父、尤慧、十四游泮、高郵翁紫霞客於廣而聞之地、名遺脫、亦未知所終焉、

吳令

吳令某公忘其姓字。剛介有聲。吳俗最重城隍之神。木肖之衣以錦。藏機如生。值神壽節。則居民歛資爲會。輦遊通衢。建諸旗幢。雜鹵簿森。部列鼓吹。行且作闐。咽。然一道相屬也。習爲俗。歲無敢懈。公出適相值。止而問之。居民以告。又詰知所費頗奢。公怒。指像而責數之曰。城隍寔主一邑。如寔頑無靈。則淫昏之鬼。無足奉事。其有靈。則物力宜惜。何得以無益之費。耗民脂膏。言已。曳神於地。笞之二十。從此習俗

頓革公清正無私、惟少年好戲、居年餘、偶於廨中梯
簷探雀、穀失足而墮、折股尋卒、人聞城隍祠中公大
穀喧怒、似與神爭、數日不止、吳人不忘公德、群集祝
而解之、別建一祠、公聲乃息、祠亦以城隍名、春秋
祀之、較故神尤著、吳至今有二城隍云、

口技

村中來一女子、年二十有四、五、携一藥囊、售其醫、有
問病者、女不能自為方、俟暮夜、請諸神、晚潔斗室、閉

置其中、衆遶門窓、傾耳寂聽、但窈々語莫敢款、內外動息俱冥、至半更許、忽聞簾敲、女在內曰、九姑來耶、一女子答云、來矣、又曰、臘梅從九姑來耶、似一婢答云、來矣、三人絮語間雜、刺々不休、俄聞簾鈎復動、女曰、六姑至矣、亂言曰、春梅亦抱小郎子來耶、一女曰、拗哥子、鳴之不睡、定要從娘子來、身如百鈞重、負累煞人、旋聞女子殷勤敲、九姑問訊敲、六姑寒喧敲、二婢慰勞敲、小兒嬉笑敲、一齊嘈雜、即聞女子笑曰、小

卽君亦大好耍、遠迢迢、招猫兒來、既而穀漸踈、簾又响、滿室俱譁曰、四姑來何遲也、有一小女子細穀答曰、路有千里且溢、與阿姑走爾許時始至、阿姑行且緩、遂各、道溫涼穀並移坐穀喚添坐穀參差並作喧繁滿室、食頃始定、卽聞女子問病、九姑以爲宜得參、六姑以爲宜得芪、四姑以爲宜得朮、參酌移時、卽聞九姑喚筆硯、無何折紙戢、然拔筆擲帽丁、然磨墨隆、然、既而投筆觸几震、作响、便聞撮藥包

累蘓、然頃之女子推簾呼病者授藥、並方、反身入室、即聞三姑作別、三婢作別、小兒啞、猫兒唔、又一時並起、九姑之教清以越、六姑之教緩以蒼、四姑之教嬌以婉、以及三婢之教、各有態响、聽之了、可辨、群訝以爲真神、而試其方、亦不甚効、此即所謂口技、特借之以售其術爾、然亦奇矣、

昔王心逸嘗言、在都偶過市廛、聞絃歌、教觀者如堵、近窺之、則見一少年、曼教度曲、並無樂器、惟以一指

捺頰際且捺且謳聽之鏗々與絃索無異亦口技之
苗裔耶

狐聯

焦生章邱石虹先生之叔弟也讀書園中宵分有二
美人來顏色雙絕一可十七八一約十四五撫几展
笑焦知其狐正色拒之長者曰君髯如戟何無丈夫
氣焦曰僕生平不敢二色女笑曰迂哉子尚守腐局
耶下元鬼神凡事皆以黑為白况床第間瑣事乎焦

又咄之。女知不可動，乃云：「君名下士，妾有一聯，請爲屬對。能對我自去。」戊戌同體，腹中止欠一點。焦凝思不就。女笑曰：「名士固如此乎？我代對之可矣。」已已連踪足下，何不隻挑一笑而去。

王阮亭云：才狐也，乃不諳平仄。

澁水狐

澁水李氏有別第，忽一翁來稅居，歲出直五十金。諾之。既去，無耗。李囑家人別租。翌日翁至，曰：「租宅已有。」

關說何欲更僦他人李白所疑翁曰我將久居是所以遲者以涓吉在十日之後耳因先納一歲之直曰終歲空之勿問也李送出問期翁告之過期數日亦竟渺然及往覘之則雙扉內閉炊烟起而人聲雜矣訝之投刺往謁翁趨出逆而入笑語可親既歸遣人餽遺其家翁犒賜豐隆又數日李設筵邀公款洽甚歡問其居里以秦中對李訝其遠翁曰貴鄉福地也秦中不可居大難將作時方承平置未深問越日

翁折柬報居停之禮，供帳飲食，備極侈麗。李益驚疑，為貴官。翁以交好，因自言為狐。李駭絕。逢人輒道邑縉紳聞其異，日結駟於門，願納交翁，無不偃倮接見。漸而郡官亦時往還。獨邑令求通，輒辭以故。令又託主人先容。翁辭李詰其故。翁雖席近客，而私語曰：君自不知，彼前身為驢。今雖儼然民上，乃飲糲而亦醉者也。僕固異類，羞與為伍。李乃托詞告令，謂狐畏其神明，故不敢見，令信之而止。此康熙十一年事。

幾秦羅兵燹、狐能前知信矣、

異史氏曰、驢之爲物、龐然也、一怒則踉蹌、一嘑嘶、眼大於盞、氣粗於牛、不惟聲難聞、狀亦難見、倘執束芻而誘之、則帖耳輯首、喜受羈勒矣、以此居民上宜其飲糴而亦醉也、願臨民者以驢爲戒、而求齒於狐、則德日進矣、

紅玉

廣平馮翁者、一子字相如、父子俱諸生、翁年近六旬、

性方鯁而家屢空、數年間而媼與子婦又相繼逝、井
曰自操之一夜相如坐月下、忽見東鄰女自墻上來、
窺視之美、近之微笑、招以手、不來亦不去、固請之、乃
梯而過、遂共寢處、問其姓名、曰妾鄰女紅玉也、生大
愛悅、與訂永好、女諾之夜、往來約半年許、翁夜起
聞女子含笑語、窺之見女、怒喚出罵曰、畜產所為何
事、如此落寞、尚不刻苦、乃學浮蕩耶、人知之喪汝德、
人不知亦促汝壽、生跪自投泣、言知悔、翁叱女曰、女

子不守閨戒、既自玷而又以玷人、倘事一發、當不僅
貽寒舍羞、罵已憤然、歸寢、女流涕曰、親庭罪責、良足
愧辱、我二人緣分盡矣、生曰、父在、不得自專、卿如有
情、尚當含垢為好、女言詞決絕、生乃洒涕、女止之曰、
妾與君無媒妁之言、父母之命、踰牆鑽隙、何能白首、
此處有一佳耦、可聘也、生告以貧、女曰、來宵相俟、妾
為君謀之、次夜、女果至、出白金四十兩、贈生曰、去此
六十里、有吳村衛氏、年十八矣、高其價、故未售也、君

重囑之、必合諧允、言已別去、生乘間語父、欲往相之、而隱餽金、不敢告、翁自度無資、以是故止之、生又婉言試可、乃已、翁領之、生遂假僕馬詣衛氏、衛故田舍翁、生呼出、引與閒語、衛知生望族、又見儀采軒豁、心許之、而慮其靳於資、生聽其詞意吞吐、會其旨、傾囊陳几上、衛乃喜、浼鄰生居間、書紅箋而盟焉、生入拜媼、居室偏窄、女依母自障、微睨之、雖荆布之飾、而神情光艷、心竊喜、衛借舍款婿、便言公子勿須親迎、待

少作衣妝、即合舁送去、生與訂期而歸、詭告翁、言衛
愛清門、不責資、翁亦喜、至日、衛果送女至、女勤儉有
順德琴瑟甚篤、踰二年、舉一男、名福兒、會清明抱子
登墓、遇邑紳宋氏、宋官御史、坐行賕免、居林下、大煽
威虐、是日亦上墓歸、見女艷之、問村人知爲生配料
馮貧士、誘以重賂、冀可搖使、家人風示之、生驟聞、怒
形於色、既思勢不敵、歛怒爲笑、歸告翁、大怒奔出、對
其家人、指天画地、詬罵萬端、家人鼠竄而去、宋氏亦

怒竟遣數人入生家毆翁及子、洵若沸鼎、女聞之棄
兒於床、披髮號救、群簦舁之、闕然便去、父子傷殘、呻
吟在地、兒呱呱啼室中、鄰人共舁之、扶置榻上、經日
生杖而能起、翁忿不食、嘔血尋斃、生大哭抱子興詞、
上至督撫、訟幾徧、卒不得直、後聞婦不屈死、益悲、冤
塞胸吭、無路可伸、每思要路刺殺宋、而慮其扈從繁、
兒又罔托、日夜哀思、雙睫為之不交、忽一丈夫弔諸
其室、虬髯潤頰、曾與無素、挽坐欲問邦族、客遽曰、君

有殺父之讐、奪妻之恨、而忘報乎、生疑為宋人之偵、姑偽應之、客怒眦欲裂、遽出曰、僕以君人也、今乃知不足齒之、僮生察其異、跪而挽之曰、誠恐宋人飮我、今寔布腹心、僕之以薪嘗胆者、固有日矣、但憐此襖中物、恐墜宗祧、君義士、能為我杵臼否、客曰、此婦人女子之事、非所能、君所欲托諸人者、請自任之、所欲自任者、願得而代庖焉、生聞崩角在地、客不顧而去、生追問姓字、曰、不濟、不任受怨、濟亦不任受德、遂去、

生懼禍及抱子亡去。至夜宋家一門俱寢。有人越垣入殺御史父子三人及一媳一婢。宋家具狀告官。官大駭。宋執謂相如。於是遣役捕生。遁不知所之。於是情益真。宋僕同官役諸處冥搜。夜至南山。聞兒啼。踪得之。繫累而行。兒啼愈嗔。群奪兒拋棄之。生冤憤欲絕。見邑令。問何殺人生。曰冤哉。某以夜死。我以晝出。且抱呱呱者。何能踰垣殺人。令曰。不殺人何逃乎。生辭窮不能置辨。乃收諸獄。生泣曰。我死無足惜。

孤兒何罪、令曰、汝殺人子多矣、殺汝子何怨、生既褻
華、屢受酷慘、卒無詞、令是夜方臥、聞有物擊床、震、
有聲、大懼而號、舉家驚起、集而燭之、一短刀、銛利如
霜、剝床入木者寸餘、牢不可拔、令睹之、魂魄喪失、荷
戈徧索、竟無踪跡、心竊餒、又以宋人死、無可畏懼、乃
詳諸憲、代生解免、竟釋生、歸甕、無升斗、孤影對四
壁、幸鄰人憐餽、食飲苟且自度、念大讐已報、則輾然
喜、思慘酷之禍、幾於滅門、則汨潛、墮、及思半生貧

徹骨。宗支不緒，則於無人處大哭失聲，不復能自禁。如此半年，捕禁益懈，乃哀邑令求判還衛氏之骨及葬而歸。悲怛欲絕，輾轉空床，竟無生路。忽有款門者，凝神寂聽，聞一人在門外嚶々與小兒語。生急起窺覘，似一女子扉初啓，便問大冤昭雪，可幸無恙。其聲稔熟，而倉卒不能追憶。燭之，則紅玉也。挽一小兒嬉笑跨下，生不暇問。抱女鳴哭，女亦慘然。既而推兒曰：「汝忘爾父耶？」兒牽女衣，目灼灼視生，細審之，福兒也。

大驚泣問兒那得來女曰寔告君昔言鄰女者妄也
妾寔狐適宵行見兒啼谷中抱養於秦聞大難既息
故携來與君團聚耳生揮涕拜謝兒在女懷如依其
母竟不復能識父矣天未明女即遽起問之答曰奴
欲去生裸跪床頭涕不能仰女笑曰妾誑君耳今家
道新創非夙興夜寐不可乃剪莽擁篲類男子操作
生憂貧乏不能自給女曰但請下帷讀勿問盈歉當
不殍餓死遂出金治織具租田數十畝僱傭耕作荷

錢誅茅、牽蘿補屋、日以為常。里黨聞婦賢、益樂資助之。約半年、人烟騰茂。類素封家。生曰：灰燼之餘、卿白手再造矣。然一事未就、安妥如何？詰之、答曰：試期已迫、巾服尚未復也。女笑曰：妾前以四金寄廣文、已復名在案。若待君言、悞之已久。生益神之。是科遂領鄉薦。時年三十六。腴田連阡、夏屋渠々矣。女嫵娜如隨風欲飄去、而操作過農家婦。雖嚴冬自苦、而手膩如脂。自言二十八歲、人視之、常若二十許人。

異史氏曰、其子賢、其父德、故其報之也、俠、非特人
俠、狐亦俠也、遇亦奇矣、然官宰悠々、豎人毛髮、刀
震々入木、何惜不畧移床上半尺許哉、使蘓子美
讀之、必浮白曰、惜乎擊之不中、

王阮亭云、程嬰杵臼、未嘗聞諸巾幗、况狐耶、

林四娘

青州道陳公寶鑰、閨人夜獨坐、有女子褰帷入、視之
不識、而艷絕、長袖宮妝、笑云、清夜兀坐、得勿寂耶、公

驚問何人。曰：妾家不遠，近在西鄰。公意其鬼，而心好之。捉袂挽坐，談詞風雅，大悅，擁之，不甚抗拒。頤曰：他無人耶？公急闔戶曰：無。促其緩裳，意殊羞怯。公代為之殷勤。女曰：妾年二十，猶處子也，狂將不堪。狎褻既竟，流丹浹席。既而枕邊私語，自言林四娘。公詳詰之，曰：一世堅貞業，為君輕薄殆盡矣。有心愛妾，但圖永好可耳。絮々何為？無何雞鳴，遂起而去。由此夜々必至，每與閤戶雅飲，談及音律，輒能剖悉宮商。公遂意。

其工於度曲、曰兒時之所習也、公請一領雅奏、女曰、久矣、不托於音、節奏強半遺忘、恐爲知音笑耳、再強之、乃俯首擊節、唱伊涼之調、其聲哀婉、歌已泣下、公亦爲酸慄、抱而慰之曰、卿勿爲亡國之音、使人悵、女曰、殺以宣意、哀者不能使樂、亦猶樂者不能使哀、兩人燕昵、過於琴瑟、既久、家人竊聽之、聞其歌者、無不流涕、夫人窺見其容、疑人世無此妖麗、非鬼必狐、懼爲厭蠱、勸公絕之、公不能聽、但因詰之、女愀然曰、

妾衡府宮人也、遭難而死十七年矣、以君高義、托為燕婉、然寔不敢禍君、倘見疑畏、即從此辭、公曰、我不為嫌、但燕好若此、不可不知其寔耳、乃問宮中事、女緬述津、可聽、談及式微之際、則哽咽不能成語、女不甚睡、每夜輒起、誦準提金剛諸經咒、公問九原能自懺耶、曰一也、妾思終身淪落、欲度來生耳、又每與公評騭詩詞、瑕輒疵之、至好句則曼聲嬌吟、意緒風流、使人忘倦、公問工詩乎、曰生時亦偶為之、公索其

贈笑曰、兒女之語、烏足爲高人道、居三年、一夕忽慘
然告別、公驚問之、答云、真王以妾生前無罪、死猶不
忘經咒、俾生王家、別在今宵、永無見期、言已、愴然公
亦泪下、乃置酒相與痛飲、女慷慨而歌、爲哀曼之音、
一字百轉、輒便呜咽、數停數起、而後終曲、飲不能暢、
乃起、逡巡欲別、公固挽之、又坐少時、雞聲忽唱、乃曰、
必不可以久留矣、然君每怪妾不肯獻醜、今將長別、
當率成一章、索筆構成、曰、心悲意亂、不能推敲、乖音

錯節慎勿出以示人掩袖而出公送諸門外湮然而
沒公悵悼良久視其詩字態端好珍而藏之詩曰靜
鎮深宮十七年誰將故國問青天閒看殿宇封喬木
泣望君王化杜鵑海國波濤斜夕照漢家簫鼓靜烽
烟紅顏力弱難爲厲蕙質心悲只問禪日誦菩提三
百句閒看貝葉兩三篇高唱梨園歌代哭請君獨聽
亦潛然詩中重複脫節疑傳者錯悞

魯公女

招遠張子旦、性疎放、不羈、讀書蕭寺、時邑令魯公、三
韓人、有女好獵、生適遇諸野、見其丰姿娟秀、着錦貂
裘、跨小驪駒、翩然若畫、歸憶容華、極意欽想、後聞女
暴卒、悼嘆欲絕、魯以家遠、寄靈寺中、即生讀所生敬
禮如神明、朝必香、食必祭、每酹而祝曰、睹卿半面、長
繫夢魂、不圖玉人奄然物化、近今在咫尺、而邈若河山、
恨如何也、然生有拘束、死無禁忌、九泉有靈、當冊
而來、慰我傾慕、日夜祝之、幾半月、一夕挑燈夜讀、忽

舉首則女子含笑立燈下。生驚起致問。女曰。感君之情。不能自己。遂不避私奔之嫌。生大喜。挽坐。遂共歡好。自此無虛夜。謂生曰。妾生好弓馬。以射獐殺鹿為快。罪孽深重。死無歸所。如誠心愛妾。煩代誦金剛經一藏數。生生世世不忘也。生敬受教。每夜起。即樞前捻珠諷誦。偶值節序。欲與偕歸。女憂足弱不能跋履。生請抱負以行。女笑從之。如抱嬰兒。殊不重累。遂以爲常。考試亦載與俱。然行必以夜。生將赴秋闈。女曰。

君福薄徒勞馳驅、遂聽其言而止、積四五年、魯罷官、貧不能觀、將就窆之、苦無葬地、生乃自陳、某有薄壤、近寺、願葬女公子、魯公喜、生又力為營墓、魯德之、而莫解其故、魯去、二人綢繆如平日、一夜側倚、生懷汨落如豆、曰、五年之好、於今別矣、受君恩義、數世不足、以酬、生驚問之、曰、蒙惠及泉下人、經咒藏滿、今得生、河北盧戶部家、如不忘今日、過十五年、八月十六日、煩一往會、生泣下、曰、生三十餘年矣、又十五年、將就

木馬會將何為、女亦泣曰、願為奴婢以報少間、曰、君送妾六七里、此去多荆棘、妾衣長難度、乃抱生項生、送至通衢、見路傍車馬一簇、馬上或一人或二人、車上或三人、四人、十數人不等、獨一鈿車、繡纓朱幘、僅一老嫗在焉、見女至、呼曰來乎、女應曰來矣、乃回顧生云、盡此且去、勿忘所言、生諾、女行近車、嫗引手上之、展軫即發、車馬闐咽而去、生悵々而歸、誌時日於壁、因思經咒之效、持誦益虔、夢神人告曰、汝志良嘉、

但須要到南海去、問南海多遠、曰、近在方寸地、醒而會其旨、念切菩提、修行倍潔、三年後、次子明、長子政、相繼擢高科、生雖暴貴、而善行不替、夜夢青衣人邀去、見宮殿中坐一人如菩薩狀、逆之曰、子為善可喜、惜無修齡、幸得請於上帝矣、生伏地稽首、喚起、賜坐、飲以茶、味芳如蘭、又令童子引去、使浴於池、水清潔、游魚可數、入之而溫、掬之有荷葉香、移時漸入深處、失足而陷、過涉滅頂、驚寤異之、由此身益健、日益

明自將其鬚白者盡薅落。又久之，黑者益落，面紋亦漸舒。至數月後，領禿面童，宛如十五六時。兼好游戲，事亦猶童。遇飾邊幅，二子輒匡救之。未幾，夫人以老病卒。子欲為求繼室於朱門，生曰：「待我至河北來。」而後娶。屈指已及約期，遂命僕馬至河北訪之。果有盧戶部，先是盧公生一女，生而能言，長益慧美。父母最鍾愛之。貴家委禽，女輒不欲。怪問之，具述前生約。共計其年，大笑曰：「痴婢，張郎計今年已半百，人事變

遷其骨已朽縱其尚在髮童而齒堅矣女不聽母見其志不搖與盧公謀戒閤人勿通客過期以絕其望未幾生至閤人拒之退返旅舍悵恨無所為計間遊郊郭因循而暗訪之女謂生負約涕不食母言渠不來必已殂謝即不然背盟之罪亦不在汝女不語但終日卧盧患之亦思一見生之為人乃托遊遨遇生於野視之少年也訝之班荆畧談甚個儻公喜邀至其家方將探問盧即遽起囑客暫獨坐匆々入內告

女、喜、自力起、窺審其狀、不符、零涕而返、怨父欺罔、公力白其是、女無言、但泣不止、公出、意緒懊喪、對客殊不款曲、生問貴族有為戶部者乎、公漫應之、首他、碩、似不屬客、生覺其慢、辭出、女啼數日、竟卒、生夜夢女來曰、下碩者果君耶、年貌舛異、覲面遂致違隔、妾已憂憤死、煩向土地祠、速招我魂、可得活、遲則無及矣、既醒、急探盧氏之門、果有亡女二日矣、生大慟、進而弔諸其室、已而以夢告盧、從其言、招魂而歸、啓

其衾撫其尸呼而祝之俄聞喉中咯々有聲忽見朱
櫻乍啓墜痰塊如冰扶移榻上漸復呻吟盧公悅肅
客出置酒宴會細展官閥知其巨家益喜擇吉成禮
居半月携女而歸盧送至家半年乃去夫婦居室儼
然小偶不知者多誤以子婦爲姑嫜焉盧公逾年卒
子最幼爲豪強所中傷家產幾盡生迎養之遂家焉

道士

韓生世家也好客同村徐氏常飲於其家會宴集有

道士托鉢門外，家人投錢及粟皆不受，亦不去家。怒歸，不顧韓。聞擊剥之聲甚久，詢之家人，以情告之。未已，道士竟入韓招之坐。道士向主客皆一舉手一坐，畧致研詰，始知其初居村東破廟中。韓曰：何日往鶴東觀，竟不聞知。殊缺地主之禮。答曰：野人新至，交遊聞居士揮霍，願求飲焉。韓命舉觴。道士能豪，徐氏見其衣服垢敝，頗偃蹇不甚為禮。韓亦海客，之道士傾飲二十餘杯，乃辭而去。自是每宴客，道

輒至遇食則食遇飲則飲韓亦頗厭其頻飲次徐氏
嘲之曰道長日爲客寧不一作主道士笑曰道人與
居士等惟雙肩承一喙耳徐慚不能對道士曰雖然
道人懷誠久矣會當竭力作杯水之酬飲畢囑曰翌
午幸賜光寵次日相邀同往疑其不設行去道士已
侯於途且語且步已至廟外入門則院落一新連閣
雲蔓大奇之曰久不至此創建何時道士笑云竣工
未久比入其室陳設華麗世家所無二人肅然起敬

甫坐行酒、下食者皆二八姣童、錦衣珠履、酒饌芳美、
備極豐渥、飯已、另有小進珍果多不可名、貯以水晶
玉石之器、光照几榻、酌以玻璃琖、圍尺許、道士曰、喚
石家姊妹來、童去少時、二美人入、一細長如弱柳、一
身短齒最稚、媚曼雙絕、道士使歌以侑酒、少者拍板
而歌、長者和以洞簫、其聲清細、既闋、道士懸爵促醕、
又命徧酌、顧問美人久不舞、尚能之否、遂有僮僕展
氍毹於筵下、兩女子對舞、長衣亂拂、香塵四散、舞罷、

斜倚画屏、韓徐二人心曠神飛、不覺醺醉、道士亦不
顧客、舉杯飲盡、起謂客曰、姑煩自酌、我少憇、即復來、
即去、屋南壁下、設以螺鈿之床、女子為設錦裯、扶道
士卧、道士乃曳長者共枕、命少者立床下、為之爬搔、
韓徐觀此狀、頗不平、徐乃大呼、道士不得無禮、將往
撓之、道士急起而遁、見少者猶立床下、乘醉拉向北
榻、公然擁臥、視床上美人尚眠、綉榻、顧韓曰、君何太
迂、韓乃竟登南榻、欲與狎褻、而美人睡去、撥之不轉、

因抱與俱寢天明酒夢都醒覺懷中冷物冰人視之則抱長石卧青階下急視徐々尚未醒見其枕遺廁之石酣寢敗廁中蹴起互相駭異四顧則一庭荒草兩間破屋而已

胡氏

直隸有巨家欲延師忽一秀才踵門自薦主人延入詞語開爽遂相知悅秀才自言胡氏遂納贄館之胡課業良勤淹洽非下士等然時出遊昏夜始歸扃閉

儼然不聞欵叩而已在室中矣遂相驚以狐然察胡
意固不惡優重之不以怪異廢禮胡知主人有女求
為姻好屢示意主人偽不解一日胡假而去次日有
客來謁繫黑衛於門主人逆而入年五十餘衣履鮮
潔意甚恬雅既坐自達始知為胡氏作冰主人嘿然
良久曰僕與胡先生交已莫逆何必婚姻且息女已
許字矣煩代謝先生客曰確知令媛待聘何拒之深
再三言之而主人不可客有慚色曰胡亦世族何遽

不如先生主人直告曰、寔無他意、但惡非其類耳、客聞之怒、主人亦怒、相侵益亟、客起抓主人、主人命家人杖逐之、客乃遁、遺其驢、視之毛黑色、批耳修尾、大物也、牽之不動、驅之則隨手而蹶、噉々然草蟲耳、主人以其言忽、知必相仇、戒備之、次日果有狐兵大至、或騎、或步、或戈、或弩、馬嘶人沸、聲勢洶洶、主人不敢出、狐散言、火屋、主人益懼、有健者率家人、譟出飛石、施箭、兩相冲擊、互有夷傷、狐漸靡、紛々引去、遺刀地

上亮如霜雪、近拾之、則高粱葉也、衆笑曰、技止此耳、然恐其復至、益備之、明日衆方聚語、忽一巨人自天而降、高丈餘、身橫數尺、揮大刀如門、逐人而殺、群操矢石亂擊之、顛踣而斃、則芻靈耳、衆益易之、狐三日不復來、衆亦少懈、主人適登廁、俄見狐、兵張弓挾矢而至、亂射之、矢集於鬢、大懼急喊、衆奔闕、狐方去、拔矢視之、皆蒿梗、如此月餘、去來不常、雖不甚害、而日戒嚴、主人患苦之、一日胡生率衆至、主人身出、胡

望見避於衆中、主人呼之、不得已乃出、主人曰、僕自謂無失禮於先生、何故興戎、羣狐欲射、胡止之、主人近握其手、邀入故齋、置酒相款、從容曰、先生達人、當相見諒、以我情好、寧不樂附婚姻、但先生車馬宮室、多不與人同、弱女相從、即先生當知其不可、且諺云、瓜果之生、摘者不適於口、先生何取焉、胡大慚、主人曰、無傷、舊好固佳、如不以塵濁見棄、在門牆之幼子、年十五、笑願得坦腹床下、不知有相若者否、胡喜曰、

僕有弱妹、少公子一歲、頗不陋劣、以奉箕帚如何、主人起拜、胡答拜、於是酬酢甚懽、前却俱忘、命羅酒漿、徧犒從者、上下懽慰、乃詳問里居、將以奠雁、胡辭之、日暮繼燭、醺醉乃去、由是遂安、年餘胡不至、或疑其約妄、而主人堅待之、又半年而胡忽至、既道溫涼已、乃曰、妹子長成矣、請卜良辰、遣事翁姑、主人喜、即同訂期而去、至夜果有輿馬送新婦至、奩妝豐盛、設室中、幾滿、新婦見姑嫜、溫麗異常、主人大喜、胡生與一

弟來送女。談吐俱風雅。又善飲。天明乃去。新婦且能豫知年歲豐凶。故謀生之計皆取則焉。胡生兄弟以及胡媪。時來望女。人人皆見之。

丐僧

濟南一僧。不知何許人。赤足衣白衲。日於芙蓉明湖諸館誦經募化。與以酒食錢粟皆弗受。叩所需又不答。終日未嘗見其餐飯。或勸之曰。師既不茹葷酒。當募山村僻巷中。何日、往來於羶鬪之場。僧合眸諷

誦、睫毛長指許、若不聞、少旋又語之、僧遽張目厲聲
曰、要如此化、又誦不已、久之自出而去、或從其後、固
詰其必如此之故、走不應、叩之數四、又厲聲曰、非汝
所知、老僧要如此化、積數日、忽出南城、卧道側如僵、
三日不動、民人恐其餓死、貽累近郭、因集勸他徒、欲
飯之、欲錢之、僧冥然不應、群搖而語之、僧怒於
衲中出短刀、自剖其腹、以手入內、理腸於道、而氣遂
絕、衆駭告郡、藁葬之、異日為犬所穴、席見踏之似空、

發視之、席封如故、猶空爾然、

伏狐

太史某為狐所魅、病瘠符禳既窮、乃乞假歸、冀可逃避、太史行而狐亦從之、大懼無所為計、一日止於涿、門外有鈴醫、自言能伏狐、太史延之入、投以藥、則房中術也、促令服訖、入與狐交、銳不可當、狐辟易、哀而求罷、不聽、進益勇、狐展轉營脫、苦不得去、移時無殺、視之、現狐形而斃矣、

昔余鄉某生者、素有嫪毒之目、自言生平未能得一
快意、夜宿孤館、四無比鄰、忽有奔女、扉未啓而已入、
心知其狐、亦欣然樂就狎之、襟襦甫解、貫革直入、狐
驚痛啼、散吱然如鷹脫鞴、穿窓而去、某猶望窓外作
狎暱聲、哀喚之、冀其復回而已寂然矣、此真討狐之
猛將也、宜榜門驅狐、可以為業、

蘓仙

高公明圖知柳時、有民女蘓氏、浣衣於河、中有巨

石女距其上有苔一縷綠滑可愛浮水蕩動繞石三匝女視之心動既歸而娘腹漸大母私詰之女以情告母不能解數月竟舉一子欲置隘巷女不忍藏諸櫝而養之遂矢志不嫁以明其不二也然不夫而孕終以為羞兒至七歲未嘗出以見人兒忽謂母曰兒漸長幽禁何可常也去之不為母累問何之曰我非人種行將騰霄昂堅耳母泣詢歸期答曰待母屬續時兒始來去後倘有所需可啓藏兒櫝索之必能如

願言已拜母竟去、出而望之、已杳矣。女告母、大奇之。女堅守舊志、與母相依、而家益落、偶缺晨炊、仰屋無計。忽憶兒言、往啓櫬、果得米、賴以舉火。自是有求輒應。逾三年、母病卒、一切葬具、皆取給於櫬。既葬、女獨居三十年、未嘗窺戶。一日、鄰婦乞火者、見其兀坐空閨、語移時始去。居無何、忽見彩雲繞女舍、亭、如蓋。中有一人、盛服立、審視之、則蘓氏也。回翔久之、漸高、不見。鄰人共疑之、窺諸其室、見女靚妝凝坐、氣則

已絕。衆以其無歸，議爲殯葬。忽一少年入，丰姿俊偉，向衆申謝。鄰人素亦竊知女有子，故不之疑。少年出金，葬母，植二桃於墓，乃別而去。數步之外，足下生雲，不可復見。後桃結實甘芳，居人謂之蘇仙桃。樹年々華茂，更不衰朽。官是地者，每携桃以饋親友。

李伯言

李生伯言，沂水人。抗直有肝胆。忽暴病，家人進藥，却之曰：「吾病非藥餌可療。」陰司閻羅缺，欲吾暫攝其篆。

耳。死勿埋我。宜待之。是日果死。彌從導去。入一宮殿。進服冕。隸胥祗候甚肅。案上簿書叢沓。一宗江南某。稽生平所私良家女八十二人。鞫之。佐証不誣。按冥律。宜炮烙。堂下有銅柱。高八九尺。圍可一抱。空其中。而熾炭焉。表裏通赤。群鬼以鐵簇。藜撻。驅使登。手移足盤而上。甫至頂。則烟氣飛騰。崩然一响。如爆竹。人乃墮。團伏移時。始復蘊。又撻之。爆墮如前。三墮則匝地如烟而散。不復能成形矣。又一起。為同邑王某。被

婢父訟盜占生女。王即李姻家。先是一人賣婢。王知其所來非道。而利其直廉。遂購之。至是王暴卒。越日其友周生遇於途。知為鬼。奔避齋中。王亦從入。周懼而祝。問所欲為。王曰。煩作見証於冥司耳。驚問何事。曰。余婢寔價購之。今被誣控。此事君親見之。惟借季路一言。無他說也。周固拒之。王曰。恐不由君耳。未幾周果死。同赴閻羅質審。李見王。隱存左袒意。忽見殿上火生。燄燒梁棟。李大駭。側足立。吏急進曰。陰曹不

與人世等、一念之私不可容、急消他念、則火自熄、李
歛神寂慮、火頓滅、已而鞠狀、王與婢父反復相苦、問
周、以實對、王以故犯論答、訖遣人俱送回生、周
與王皆三日而甦、李視事畢、輿馬而返、中途見闕頭
斷足者數百輩、伏地哀鳴、停車研詰、則異鄉之鬼、思
踐故土、恐閼隘阻隔、乞求路引、李曰、余攝任三日、已
解任矣、何能為力、衆曰、南村胡生、將建道場、代囑可
致、李諾之、至家、騎從都去、李乃甦、胡生字水心、與李

善聞李再生、便詣探省、李遽問清醮何時、胡訝曰、兵燹之後、妻孥瓦全、向與室人作此願心、未向一人道也、何由知之、李具以告、胡嘆曰、閨房一語、遂播幽冥、可懼哉、乃敬諾而去、次日如王所、王猶憊卧、見李肅然起敬、申謝佑庇、李曰、法律不能寬假、今幸無恙乎、王云、已無他症、但笞創膿潰耳、又二十餘日始痊、屬肉腐落、癰痕如杖者、

異史氏曰、陰司之刑、慘於陽世、責亦苛於陽世、然

關說不行、則受殘酷者、不怨也、誰謂夜台無天日
哉、第恨陽世無火燒、臨民之堂、解耳、

黃九郎

何師參字子蕭、齋於苕溪之東、門臨曠野、薄暮偶出、
見婦人跨驢來、少年從諸其後、婦約五十許、意致清
越、轉視少年、可十五六、丰采過於姝麗、生素有斷
袖之癖、睹之神出於舍、翹足目送、影滅方歸、次日早
伺之、落日冥濛、少年始過、生曲意承迎、笑問所來、答

以外祖家生請過齋少憇辭以不暇固曳之乃入畧坐興辭堅不可挽生握手送之殷囑便道相過少年唯、而去生由是凝思如渴往來眺注足無停趾一日日啣半規少年忽至大喜要入命館童行酒問其姓字答云黃姓第九童子無字問過往何頻曰家慈在外祖家常多病故數省之酒數行欲辭去生捉臂遮留下管鑰九卽無如何頽顏復坐挑燈共語溫若處子而詞涉遊戲便含羞面向壁未幾引與同衾九

卽不許，堅以睡惡爲辭，強之再三，乃解上下衣，着袴
卧床上，何滅燭少時，移與同枕，曲肘加髀而狎抱之。
苦求私暱，九卽怒曰：「以君風雅士，故與流連，乃此之
爲，是禽處而獸愛之也。」未幾，晨星熒々，九卽逕去。生
恐其遂絕，復伺之，蹀躞凝盼，目穿北斗，過數日，九卽
始至，喜逆謝過，強曳入齋，促坐笑語，竊幸其不念舊
惡。無何，解履登床，又撫哀之。九卽曰：「纏綿之意已鏤
肺膈，然親愛何必在此。生甘言糾綏，但求一親玉肌，

九郎從之。生俟其睡寐。潛就輕薄。九郎醒。攬衣遽起。乘夜遁去。生悵々若有所失。忘啜廢寢。日漸痿痺。惟日使齋童邏偵馬。一日九郎過門。即欲逕去。童牽衣入之。見生清癯大駭。慰問生寔告以情。泪泫々隨聲零落。九郎細語曰。區々之意。寔以相愛。無益於弟。而有害於君。故不為也。君既樂之。僕何惜焉。生大悅。九郎去後。病頓減。數日平復。九郎果至。遂相繾綣。曰。今勉承君意。幸勿以此為常。既而曰。欲有所求。肯為力。

乎。問之。答曰。母患心痛。惟太醫齊野王先天丹可療。君與善。當能求之。生諾之。臨去。又囑生入城求藥。及暮。付之。九郎喜。上手稱謝。又強與合。九郎曰。勿相糾纏。請爲君圖一佳人。勝弟萬矣。生問誰。九郎曰。有表妹美無倫。倘能垂意。當執柯斧。生微笑不答。九郎懷藥便去。三日乃來。復求藥。生恨其遲。詞多誚讓。九郎曰。本不忍禍君。故踈之。既不蒙見諒。請勿悔焉。由是燕會無虛夕。凡三日。必一乞藥。齊怪其頻。曰。此藥

未有過三服者、胡久不瘥、因裏三劑、並授之、又碩生
曰、君神色黯淡、病乎、曰無脉之驚、曰君有鬼脉、病在
少陰、不自慎者殆矣、歸語九郎、九郎嘆曰良醫也、我
實狐、久恐不為君福、生疑其誑、藏其藥、不以盡予、慮
其弗至也、居無何、果病延、齊診視、曰曩不寔言、今魂
氣已遊墟莽、秦緩何能為力、九郎日來省視、曰不聽
吾言、果至於此、生尋死、九郎痛哭而去、先是邑有某
太史、少與生共筆硯、十七歲擢翰林、時秦藩貪暴、而

賂通朝士、無有言者、公抗疏劾其惡、以越俎免、藩陞
是省中丞、日伺公隙、公少有英稱、曾邀叛王青盼、因
購得舊所往來札、脅公、懼自經、夫人亦投繯死、公
越宿忽醒、曰、我何子蕭也、詰之、所言皆何家事、方悟
其借軀返魂、留之、不可出、奔舊舍、撫疑其詐、必欲排
陷之、使人索千金於公、偽諾、而憂悶欲絕、忽通九
郎至、喜共話言、悲歡交集、既欲復狎、九郎曰、君有三
命焉、公曰、余悔生勞不如死逸、因訴冤苦、九郎悠憂

以思少間曰幸復生聚君曠無偶前言表妹慧麗多
謀必能分憂公欲一見顏色曰不難明日將取伴老
母此道所經君偽為弟也兄者我假渴而求飲焉君
曰驢子亡則諾也計已而別明日停午九郎果從女
郎經門外過公拱手絮絮與語畧睨女郎娥眉秀曼
誠仙人也九郎索茶公請入飲九郎曰三妹勿訝此
兄盟好不妨少休止扶之而下繫驢於門而入公自
起濡茗因目九郎曰君前言不足以盡今得死所矣

女似悟其言之爲已者、離榻起立、嚶嚶而言曰、去休、公外顧曰、驢子其亡、九卽火急馳出、公擁女求合、女顏色紫變、窘若囚拘、大呼九兄不應、曰君自有婦、何喪人廉恥也、公自陳無室、女曰能矢山河、勿令秋扇見捐、則惟命是聽、公乃誓以皦日、女不復拒、事已、九卽至、女色然怒讓之、九卽曰、此何子蕭、昔之名士、今之太史、與兄最善、其人可依、卽聞諸姪氏、當不相見罪、日向晚、公要遮、不聽去、女恐姑母駭怪、九卽銳身

自任跨驢逕去。居數日，有婦携婢過，年四十許，神情意致雅似三娘。公呼女出窺，果母也。瞥睹女，怪問何得在此。女慚不能對。公邀入拜而告之。母笑曰：「九郎稚氣，胡再不謀。」女自入厨下，設食供母，食已乃去。公得麗偶，頗快心期，而惡緒縈懷，恒蹙，有憂色。女問之，公緬述顛末。女笑曰：「此九兄一人可得解，君何憂。」公詰其故。女曰：「聞撫公溺菽歌，而比頑童，此皆九兄所長也。投所好而猷之，怨可消，仇亦可復。」公慮九郎

不肯。女曰：「但請哀之。」越日，公見九郎來，膝行而逆之。九郎驚曰：「兩世之交，但可自效，頂踵所不敢惜，何忽作此態向人？」公具以謀告。九郎有難色。女曰：「妾失身於郎，誰寔爲之？脫令中途彫喪，焉置妾也？」九郎不得已，諾之。公族與謀，馳書於所善之王太史，而致九郎焉。王會其意，大設招撫，公飲命九郎飾女妝，作天魔舞，宛然美女，撫惑之。亟請於王，欲以重金購九郎。惟恐不得當，王故沉思，似難之。遲之又久，始將公命以

進撫喜、前卻頓釋、自得九郎、動息不相離、侍妾十餘、視同塵土、九郎飲食供具如王者、賜金萬計、半年撫公病、九郎知其去冥路近也、遂輦金帛、假歸公家、既而撫公薨、九郎出貲起屋、置器畜婢僕、母子及姪並家焉、九郎出、輿馬甚都、人不知其孤也、余有笑判並誌之。

男女居室、為夫婦之大倫、燥濕互通、乃陰陽之正、竅迎風待月、尚有蕩檢之譏、斷袖分桃、難免掩鼻。

之醜人必力士。烏道乃敢生開洞。非桃源。漁篙寧
許誤入。今某從下流而忘返。舍正路而不由。雲雨
未興。輒爾上下其手。陰陽反背。居然表裏為奸。華
池置無用之鄉。謬說老僧入定。蠻洞乃不毛之地。
遂使眇帥稱戈。繫赤兔於轅門。如將射戟。探大弓
於國庫。直欲斬關。或是監內黃鱸。訪知交於昨夜。
分明王家朱李。索鑽報於來生。彼黑松林戎馬頻
來。固相安矣。設黃龍府潮水忽至。何以禦之。宜斷

其鑽刺之根兼塞其送迎之路。

金陵女子

沂水居民趙某以故自城中歸見女子白衣哭路側甚哀睨之美悅之凝注不去女垂涕曰夫也路不行而顧我趙曰我以曠野無人而子哭之慟寔愴於心女曰夫死無路是以哀耳趙勸其復擇良匹曰渺茲一身其何能擇如得所托媵之可也趙忻然自荐女從之趙以去家遠將覓代步女曰無庸乃先行飄

若仙奔至家，操井臼甚勤，積二年餘，謂趙曰：「感君戀戀，猥相從，忽已三年，今宜且去。」趙曰：「曩言無家，今焉往？」曰：「彼時漫為是言耳，何得無家？」身父貨藥金陵，倘欲再晤，可載藥往，當助資斧。趙經營為貫車馬，女辭之出門，逕去，追之不及，瞬息遂杳。居久之，頗涉懷想，因市藥詣金陵，寄貨旅邸，訪諸衢市，忽藥肆一翁望見，曰：「婿至矣。」延之入，女方浣裳庭中，見之不言，亦不笑，院不輟。趙啣恨遽出，翁又曳之返，女不顧如初。翁

命治具作飲謀厚贈之、女止之曰、渠福薄、多將不任、宜少慰其辛苦、再檢十數醫方與之、便吃著不盡矣、翁問所載藥、女云已售之矣、直在此、翁乃出方付金、送趙歸、試其方有奇驗、沂水尚有能知其方者、以蒜臼接茆簷雨水洗痰贅、其方之一也、良效、

王阮亭云、女子亦大突兀、

湯公

湯公名聘、辛丑進士、抱病彌留、忽覺下部熱氣漸升、

而上至股則足死、至腹則股又死、至心則心之死最難、凡自童稚以及瑣屑久忘之事、都随心血來一潮過、如一善則心中清靜寧帖、一惡則懊懷煩燥、似油沸鼎中、其難堪之狀、口不能肖似之、猶憶七八歲時、曾探雀雛而斃之、只此一事、心頭熱血潮湧、食頃方過、直待平生所為一潮盡、乃覺熱氣縷々然穿喉入腦、自頂巔出、騰上如炊、踰數十刻許、魂乃離竅、忘軀壳矣、而渺々無歸、漂泊郊路間、一巨人來、高幾

盈尋、掇拾之、納諸袖中、入袖則疊肩壓股、其人甚夥、
薙惱悶氣、殆不可過、公頓思惟佛能解厄、因宣佛號、
纔三四聲、飄墜袖外、巨人復納之、三納三墜、巨人乃
去之、公獨立徬徨、未知何往而善、憶佛在西土、乃遂
西、無何見路側一僧、趺坐、趨拜問途、僧曰、凡士子生
死錄、文昌及孔聖司之、必兩處銷名、乃可他適、公問
其居、僧示以途、奔赴無幾、至聖廟、見宣聖南面坐、拜
禱如前、宣聖言、名籍之落、仍得帝君、因指以途、公又

趨之見一殿閣如王者居俯身入果有神人如世所傳帝君狀伏祝之帝君檢名曰汝心誠正宜復有生理但皮囊腐矣非菩薩莫能為力因指示令急往公從其教俄見茂林修竹殿宇華好入見螺髻莊嚴金容滿月瓶浸楊柳翠碧垂烟公肅然稽首拜述帝君言菩薩難之公哀禱不已傍有尊者白言菩薩施大法力撮土可以為肉折柳可以為骨菩薩即如所請手斷柳枝傾瓶中水和淨土為泥拍附公體使童子

携送靈柩、推而合之、棺中呻動、霍然病已、家人駭集、扶而出之、計氣絕已繼七矣、

閻羅

萊蕪秀才李中之、性直諒不阿、每數日輒死去、僵臥如尸、三四日始醒、或問所見、則隱秘不洩、時邑有張生者、亦數日一死、語人曰、李中之、閻羅也、余至陰司、亦其屬曹、其門殿對聯、俱能述之、或問李昨赴陰司何事、張曰、不能俱述、惟提勘曹操、答二十、

王阮亭云、中州有生人爲河神者曰黃大王、鬼神以生人爲之理不可曉、

異史氏曰、阿瞞一案、想更數十閻羅矣、畜道劍山、種、具在、宜得何罪、不勞挹取、乃數千年不決、何耶、豈以臨刑之囚快於速割、故使之求死不得耶、異矣、

庫將軍

庫大有、字君實、漢中洋縣人、以武舉隸祖述舜麾下、

祖厚遇之、屢蒙拔擢、遷為總戎、後覺大勢既去、潛以兵乘祖、格拒傷手、因就縛焉、納歟於總督蔡、至都、夢至冥司、冥王怒其不義、命鬼以沸油澆其足、既醒、足痛不可忍、後腫潰、指盡落、又益之瘡、輒呼曰、我誠負義、遂死。

異史氏曰、事偽朝固不足言忠、然國士庸人、因知為報、賢豪之自命宜爾也、是誠可以惕天下之人、臣而懷二心者矣。

雷公

亳州民王從簡其母坐室中值小雨冥晦見雷公持
鎚振翼而入大駭急以器中便溺傾注之雷公沾穢
若中刀斧反身疾逃極力展騰不得去顛倒庭際嗥
聲如牛天上雲漸低漸與簷齊雲中蕭々如馬鳴與
雷公相應少時雨暴注身上惡濁盡洗乃作霹靂而
去

戲縊

邑人某佻達無賴、偶游村外、見少婦乘馬來、謂同遊者曰、我能令其一笑、衆未深信、約賭作筵、某遽奔去、出馬前、連聲譁曰、我要死、因於墻頭抽梁簷一本、橫尺許、解帶挂其上、引頸作縊狀、婦果過而哂之、衆亦粲然、婦去既遠、某猶不動、衆益笑之、近視則舌出目瞑、而氣真絕矣、梁本自經、豈不亦奇哉、是、可以為儆薄之戒、

死僧

某道士雲游、日暮投止野寺、見僧房扃閉、遂籍蒲團、
趺坐廊下、夜既靜、聞啟闔、覿旋見一僧來、渾身血污、
目中若不見道士、道士亦若不見之、僧直入殿、登佛
座、抱佛頭而笑、久之乃去、及明、視室門扃如故、怪之、
入村道所見、衆如寺、發扃驗之、則僧殺死在地、室中
席篋掀騰、知爲盜劫、疑鬼笑有因、共驗佛首、見腦後
有微痕、剗之內藏三十餘金、遂用以葬之、

異史氏曰、諺有之、財連於命、不虛哉、夫人儉嗇封

殖

以予所不知誰何之人亦已痴矣況僧並不知誰何之人而無之哉生不肯享死猶顧而咲之財奴之可嘆如此佛云一文將不去惟有業隨身其僧之謂矣

赤字

順治乙未冬夜天上赤字如火其文云白苕代靖否復議朝治馳

梓潼令

常進士大忠、太原人、候選在都、前一夜夢文昌投刺、
拔籤得梓潼令、奇之、後丁艱、服闋、候補、又夢如前、嘿
思其復任梓潼乎、已而果然、

鬼津

李某晝卧、見一婦人自牆中出、蓬首如筐、髮垂蔽面、
至床前、始一手自分、露面出、肥黑絕醜、某大惧、欲奔、
婦猝然登床、力抱其首、便與接唇、以舌渡津、冷如冰、
塊浸、入喉、欲不咽、而氣不得息、咽之、稠黏塞喉、絕

一呼吸而口中又滿氣急復咽之如此良久氣閉不可復忍聞門外有人行聲婦始釋手去由此腹脹喘滿數日不食或教以參蘆湯探吐之吐出物如卵清病乃瘥

祿數

某顯者多為不道夫人每以果報勸諫之殊不聽信適有方士能知人祿數詣之方士熟視曰君再食米二十石麵四十石天祿乃終婦語夫人計一人終年

僅食麵二石、尚有二十年天祿、豈不善所能絕耶、橫如故、逾年忽病除中、食甚多而旋饑、一晝夜十餘餐、未及周歲死矣、

鬼令

教諭展先生、洒脫有名士風、然酒狂不持儀節、每醉歸、輒馳馬殿堦、上多古栢、一日縱馬入、觸樹頭裂、自言子路怒我無禮、擊腦破矣、中夜遂卒、邑中某乙者、負販其鄉、夜宿古刹、更靜人稀、忽見四五人携酒

入飲、展亦在焉、酒數行、或以字為令、曰、田字不透風、十字在當中、十字推上去、古字羸一鐘、一人曰、回字不透風、口字在當中、口字推上去、呂字羸一鐘、一人曰、囙字不透風、令字在當中、令字推上去、含字羸一鐘、又一人曰、困字不透風、木字在當中、木字推上去、杏字羸一鐘、末至展、凝思不得、衆笑曰、既不能令、須當受命、飛一觥來、展云、我得之矣、曰、字不透風、一字在當中、衆又笑曰、推作何物、展吸盡曰、一字推上去、

一口一大鍾、相與大笑、未幾出門去、某不知展死、竊疑其罷官歸也、及歸問之、則展死已久、始悟所遇者鬼耳。

禽俠

天津寺、鶴鳥巢於鴟尾殿承塵上、藏大蛇如盆、每至鶴雛團翼時、輒出吞食、淨盡、鶴悲鳴數日乃去、如是三年、群料其必不復至、而次歲巢如故、約雛長成、即竟去、三日始還、入巢啞、哺子如初、蛇又蜿蜒而上、

甫近巢，兩鶴驚飛，鳴哀急，直青冥。俄聞風聲蓬蓬，一瞬間天地似晦，衆駭異共視，乃一大鳥，翼蔽天日，從空疾下，驟如風雨，以爪擊蛇，首立墮，連摧殿角數尺許，振翼而去。鶴從其後，若將送之。巢既傾，兩雛俱墮，一生一死。僧取生者，置鐘樓上，少頃鶴返，仍就哺之，翼成而去。

異史氏曰：次年復至，蓋不料其禍之復也。三年而巢不移，則復仇之意已決。三日不返，其去作秦庭

之哭可知矣。大鳥必羽族之劍仙也。颺然而來，一擊而去，妙手空，兒何以加此。

濟南有營卒，見鶴鳥過，射之，應弦而落，喙中啣魚，將哺子也。或勸拔矢放之，卒不聽。少頃，帶矢飛去。後往來近郭間，兩年餘，貫矢如故。一日，卒坐轅門下，鶴過，矢墜地。卒拾視曰：「此矢固無恙哉！」耳適痒，因以矢代搔。忽大風摧門，驟閣，觸矢貫腦。卒尋斃。

有樵人赴市、荷杖而歸、忽覺杖頭如有重負、回顧見一無頭人懸繫其上、大驚、脫杖亂擊之、即不復見、駭奔至一村、時已昏暮、有數人執火照地、似有所尋、近訊之、蓋衆適聚坐、忽空中墮一人頭、鬚髮蓬然、倏忽已杳、樵人亦言所見、合之適成一人、而究不辭其何故、後有人荷簍而行、或見其中有人頭焉、訝而詰之、反顧始驚、傾諸地上、宛轉而沒、

聊齋誌異卷之六

般陽蒲松齡柳泉甫著

連瑣

揚子畏移居泗水之濱，齋臨曠野，墻外多古墓。夜聞白楊蕭々，聲如濤湧。夜闌秉燭，方復悽斷。忽墻外有人吟曰：「玄夜淒風却倒吹，流螢惹草復沾幃。反復吟誦，其聲哀楚，聽之細婉，似女子。疑之，明日視墻外，並無人跡，惟有紫帶一條，遺荆棘中，拾歸置諸窓上，向

夜二更許，又吟如昨。楊移杙登望，吟頃輟，悟其為鬼。然心向慕之。次夜復伺牆頭，一更向盡，有女子姍自草中出，手扶小樹，低首哀吟。楊微嗽，女急入荒草而沒。楊由是伺諸牆下，聽其吟畢，乃隔壁而續之曰：幽情苦緒，何人見。翠袖單寒，月上時。久之寂然。楊乃入室，方坐，忽見麗者自外來，歛衽曰：君子固風雅士，妾乃多所畏避。楊喜拉坐，瘦怯凝寒，若不勝衣。問何居里，久寄此間。答曰：妾隴西人，隨父流寓，十七暴疾。

殂謝。今二十餘年矣。九泉荒野。孤寂如鷺。所吟乃妾
自作。以寄幽恨者。思久不屬。蒙君代續。歡生泉壤。楊
欲與歡。蹙然曰。夜台朽骨。不比生人。如有幽歡。促人
壽數。妾不忍禍君子也。楊乃止。戲以手探胸。則雞頭
之肉。依然處子。又欲視其裙下。雙鉤女俯首笑曰。狂
生太囉唆。笑。楊把玩之。則見月色錦襪。約綵線一縷。
更視其一。則紫帶繫之。問何不俱帶。曰。昨宵畏君而
避。不知遺落何所。楊曰。為卿易之。遂即窗上取以授。

女、驚問何來、因以寔告、女乃去線束帶、既翻案上書、忽見連昌宮詞、慨然曰、妾生時最愛讀此、今視之、殆如梦寐、與談詩文、慧黠可愛、剪燭鹵牕、如得良友、自此每夜但聞微吟、少頃即至、輒囑曰、君秘勿宣、妾少胆怯、恐有惡客見、侵楊諾之、兩人歡同魚水、雖不至亂、而閨閣之中、誠有甚於画眉者、女每於燈下、爲楊寫書、字態端媚、又自選宮詞百首、錄誦之、使楊治棋枰、購琵琶、每夜教楊手談、不則挑弄絃索、作蕉窓

零雨之曲、酸人胸臆、揚不忍卒聽、則為曉苑鶯聲之
調、頓覺心懷暢適、挑燈作劇、樂輒忘曉、視窓上有曙
色、則張皇遁去、一日薛生造訪、值楊晝寢、視其室、琵琶
棋局具在、知非所善、又翻書得宮詞、見字跡端好、
益疑之、楊醒、薛問戲具何來、答欲學之、又問詩卷、托
以假諸友人、薛反復檢玩、見最後一頁、細字一行云、
某月日連瑣書、笑曰、此是女郎小字、何相欺之甚、楊
大窘、不能置詞、薛詰之益苦、楊不以告、薛卷挾之、楊

益窘遂告之薛求一見楊因述所囑薛仰慕殷切楊不得已諾之夜分女至為致意焉女怒曰所言伊何乃已喋喋向人楊以寔情自白女曰與君緣盡矣楊百詞慰解終不歡起而別去曰妾暫避之明日薛來楊代致其不可薛疑支托暮與窓友二人來淹留不去故撓之恒終夜譁大為楊生白眼而無如何衆見數夜杳然沒有去志喧囂漸息忽聞吟聲共聽之凄婉欲絕薛方傾耳神注內一武生王某掇巨石投去

大呼曰、作態不見客、得甚好句、嗚、惻、使人悶損、吟頓止、衆甚怨之、楊恚憤見於詞色、次日始共引去、楊獨宿空齋、冀女復來、而殊無影跡、踰二日、女忽至、泣曰、君致惡客、幾嚇煞妾、楊謝過不遑、女遽出曰、妾固謂緣分盡也、從此別矣、挽之已杳、由是月餘、更不復至、楊思之、形銷骨立、莫可追挽、一夕、方獨酌、忽女子褰幃入、楊喜極曰、卿見宥耶、女涕垂膺、默不一言、亟問之、欲言復忍、曰、負氣去、又急而求人、難免愧惡、

楊再三研詰乃曰、不知何處來一齷齪隸、逼充媵妾、
顧念清白裔、豈屈身輿臺之鬼、然一綫弱質、烏能抗
拒、君如齒妾在琴瑟之數、必不聽自為生活、楊大怒、
憤將致死、但慮人鬼殊途、不能為力、女曰、夜來早眠、
妾邀君夢中耳、於是復共傾談、坐以達曙、女臨去、囑
勿晝眠、留待夜約、楊諾之、因於午後薄飲、乘醺登榻、
蒙衣偃卧、忽見女來、授以佩刀、引手去、至一院宇、方
闔門語、聞有人撻石搗門、女驚曰、仇人至矣、楊啓戶

驟出見一人赤帽青衣蝟毛遶喙怒咄之隸橫目相
仇言詞兇謾楊大怒奔之隸捉石以投驟如急雨中
楊腕不能握刃方危急間遙見一人腰矢野射審視
之王生也大號乞救王生張弓急至射之中股再射
之殪楊喜感謝王問故具告之王自喜前罪可贖遂
與共入女室女戰惕羞縮遙立不作一語案上有小
刀長僅尺餘而裝以金玉出諸匣光芒鑑影王嘆贊
不釋手與楊畧話見女慚思可憐乃出分手去楊亦

自歸越墻而仆。於是驚寤。聽村雞已亂唱矣。覺腕中痛甚。曉而視之。則皮肉赤腫。停午。王生來。便言夜夢之奇。楊曰。夢射否。王怪其先知。楊出手示之。且告以故。王憶夢中顏色。恨不真見。自幸有功于女。復請先容。夜間女來稱謝。楊歸功王生。遂達誠懇。女曰。將伯之助。義不敢忘。然彼趙。妾寔畏之。既而曰。彼愛妾佩刀。寔妾父出使粵中。百金購之。妾愛而有之。纏以金絲。辯以明珠。大人憐妾天亡。用以殉葬。今願割

爰相贈見刀如見妾也次日楊致此意王大悅至夜
女果携刀來曰囑伊珍重此非中華物也由是往來
如初積數月忽於燈下笑而向楊似有所語面紅而
止者三生抱問之答曰久蒙眷愛妾受生人氣日食
烟火白骨頓有生意但須生人精血可以復活楊笑
曰卿自不肯豈我故惜之女曰交接後君必有二十
餘日大病然藥之可愈遂與為歡既而着衣起又曰
尚須生血一點能拚痛以相愛乎楊取利刃刺臂出

血女卧榻上、使滴臍中、乃起曰、妾不來矣、君記取百日之期、視妾坟前有青鳥鳴於樹頭、即速發塚、楊謹受教、出門又囑曰、慎記勿忘、遲速皆不可、乃去、越十餘日、楊果病腹脹欲死、醫師投藥、下惡物如泥、浹辰而愈、計至百日、使家人荷鍤以行、日既西、果見青鳥雙鳴、揚喜曰、可矣、乃斬荆發壙、見棺木已朽、而女貌如生、摩之微溫、蒙衣舁歸、置暖處、氣休々然、細於屬絲、漸進湯飴、半夜而蘇、每謂楊曰、十餘年如一夢耳、

王阮亭云、結盡而不盡、甚妙、

單道士

韓公子、邑世家、有單道士、工作劇、公子愛其術、以爲座上客、單每與人行坐、輒忽不見、公子欲得其法、單不肯、公子固懇之、單曰、我非恠吾術、恐壞吾道也、所傳而君子則可、不然有借此以行竊者矣、公子固無慮此、然或出見美麗而悅之、隱身入人閨闥、是濟惡而宣淫也、不敢從命、公子不能強、而心怒之、陰與僕

輩謀撻辱之、恐其遁匿、因以細灰布麥場中、思左道能隱形、而履處必有印跡、可隨印處急擊之、於是誘單往、使人執牛鞭立撻之、單忽不見、灰上果有印跡、左右亂擊、頃刻已迷、公子歸、單亦至、謂諸僕曰、吾不可復居矣、向勞服役、今且別、當有以報、袖中出旨酒一盛、又探得肴一籃、並陳几上、陳已復探、凡十餘探、几上已滿、遂邀衆飲、俱醉、一一仍納袖中、韓聞其異、使復作劇、單於壁上画一城、以手推搥、城門頓闢、因

將囊衣篋物悉擲門內、乃拱別曰、我去矣、躍身入城、
城門遂闔、道士頓杳、後聞在青州市上、教兒童画墨
圈於掌上、逢人戲拋之、隨所拋處、或面或衣、圈輒脫
去、落印其上、又聞其善房中術、能令下部吸燒酒盡、
一器、公子嘗面試之、

白手玉

吳青菴筠、少知名、葛太史見其文、每嘉嘆之、託相善
者邀至家、聆其言論、丰采曰、焉有才如吳生、而長貧

賤者乎。因使鄰好致之曰：「使青菴奮志青雲，當以息女奉巾櫛。」時太史有女，絕美，生大喜，確自信。既而秋闈被黜，使人謂太史曰：「富貴所固有，不可知者遲早耳。請待我三年不成而後嫁。」於是刻志益苦。一夜明月之下，有秀才造謁，白皙短鬚，細腰長爪，詰所來自，言白氏字子玉，畧與傾談，豁人心胸，悅之，留同止宿。遲明欲去，生囑便道，煩過。白感其情，殷願即假館約期而別。至期先一蒼頭送炊具來，少間白至，乘駿馬。

如龍生另舍之。白命奴牽馬去。遂晨夕與共忻然相得。生視所讀書。並非常所見聞者。亦絕無時執訝。而問之。白笑云。士各有志。僕非功名中人。也。夜每招生飲。出一卷授生。皆吐納之術。多所不解。因以迂緩置之。他日謂生曰。曩所授乃黃庭之要道。仙人之梯航。生笑曰。僕所急不在此。且求仙者。必斷絕情緣。使萬念俱寂。僕病未能也。白問何故。生以宗祀為慮。白曰。胡久不娶。咲曰。寡人有疾。寡人好色。白亦咲曰。王

請無好小色。所好如何？生具以情告。白疑未必真美。生曰：「此遐邇所共聞，非小弟之目賤也。」白微哂而罷。次日忽促裝言別。生悽然與語，刺々不能休。白乃命僮子先負裝行，兩相依戀。俄見一青蟬鳴落案間。白辭曰：「興已駕矣。」請自此別。如相憶，拂我榻而卧之。方欲再問，轉瞬間白小如指，翩然跨蟬背上，嘲哢而飛，杳入雲中。生乃知其非常人，錯愕良久，悵々自失。踰數日，細雨忽集，思白綦切。視所卧榻，鼠跡碎瑣，慨然。

掃除設席就寢。無何見白家僮來相招。忻然從之。俄有桐鳳翔集。僮促謂生曰。黑徑難行。可乘此代步。生慮細小不能勝任。僮曰。試乘之。生如所請。寬然殊有餘地。僮亦附其尾上。戛然一轂。凌空際。未幾見一朱門。僮先下扶生。亦下問此何所。曰。此天門也。門邊有巨虎蹲伏。生駭。僮以身幃之。見其風景與世殊異。僮導入廣寒宮。內以水晶為階。行人如在鏡中。桂樹兩章。參空合抱。花氣隨風。香無斷際。亭宇皆紅窗。

內時有美人出入、冶容秀骨、曠世並無其儔、僮言王母宮佳麗尤勝、然恐主人伺久、不暇留連、導與俱出、移時、見白生已侯於門、握手入、見簷外清水白沙、涓涓流溢、玉砌雕欄、殆擬桂闕、甫坐、即有二八妖鬟、來荐馨茗、少間、命酌、有四麗人、歛衽鳴璫、給事左右、纔覺背上微癢、麗人即以纖指長甲、探衣代搔、生覺心神搖曳、因所安頓、既而微醺、漸不自持、笑頷麗人、覘荅與語、美人輒笑避、白令度曲、侑觴、一衣絳綃者、引

爵向客、便即筵前宛轉清歌、諸麗者笙管教曹、鳴、
雜和、既闕、一衣翠裳者亦酌亦歌、尚有一紫衣人與
一淡白軟綃者、吃、笑暗中、互讓不肯前、白令一酌
一唱、紫衣人便來把盞、生托接杯、戲撓纖腕、女笑失
手、酒杯傾墜、白譙呵之、女拾杯含笑、俛首細語云、冷
如鬼手、馨強來捉人臂、白大笑、罰令自歌且舞、已
衣淡白者又飛一觥、生辭不能、酌、女捧酒有愧色、乃
強飲之、細視四女、風致翩、無一非絕世者、遽謂白

曰、人間尤物、僕求一而難之、君集群芳、能令我真果
消魂否、白笑曰、足下意中、自有佳人、此何足當巨眼
之顧、生曰、吾今乃知所見之不廣也、白乃盡招諸女
俾自擇、生顛倒不能自決、白以紫衣人有把臂之好、
遂使僕被奉客、既而衾枕之愛、極盡綢繆、生索贈、女
脫金腕釧付之、忽僮入曰、仙凡路殊、君宜即去、女急
起遁去、生問主人、僮曰、早詣待漏、去時囑送客耳、生
悵然從之、復尋舊途、將及門、回視僮子、不知何時已

去虎哮驟起生驚竄而出望之無底而足已奔墜一驚而寤則朝暾已紅方將振衣有物膩然墜褥間視之則釧也心益異之由是前念灰冷每欲尋赤松遊而尚以胤緒為念過十餘月晝寢方酣夢紫衣姬自外至懷中綳嬰兒曰此君骨血天上難留此物敬持送君乃寢諸床牽生衣覆之匆々欲去生強與為歡乃曰前一度為合卺今一度為永訣百年夫婦盡於此矣君倘有志或有見期生醒見嬰兒卧襖褥間綳

以告母，喜傭媪哺之，取名夢仙。生於是使人告太史，身已將隱，令別擇良匹。太史不肯，生固以為辭。太史告女，曰：「遠近無不知兒身許吳郎矣，今改之，是二天也。」因以此意告生，曰：「我不但無志於功名，並絕情於燕好，所以不即入山者，徒以有老母在。」太史又以商女，曰：「吳郎貧，我甘其藜藿。」吳郎去，我事其姑，璋定不他適，使人三四往返，迄無成謀。遂諏日備輿馬，妝奩嬪於生家，生感其賢，敬愛臻至。女事姑孝，曲

意承順、遇貧家女、踰二年、母亡、女質奩作葬具、罔不盡禮、生曰、得卿如此、吾何憂、顧念一人得道、拔宅飛昇、今將遠適、一切付之於卿、女坦然殊不挽留、生遂去、女外理生計、內訓孤兒、井有法、夢仙漸長、聰慧絕倫、十四歲、以神童、領鄉薦、十五歲、入翰林、每褒封、不知母姓氏、封葛母一人而已、值霜露之辰、輒問父所、母具告之、輒欲棄官往尋母、曰、汝父出家、今已十有餘年、想已仙去、何處可尋、後奉旨祭南嶽、中途遇

盜窘急之際，一道人仗劍入，盜盡披靡，圍始解。德之，餽以金，不受。出書一函，付囑曰：「余有故人，與大人同里，煩代致寒暄，問何姓名。」答云：「王林。」因憶村中無此名。道士曰：「草野微賤，貴官自不識耳。」臨行，出一金釧，曰：「此閨閣物，道人拾此，無所用，即以奉報。」視之，箱鏤精絕，懷歸以授夫人。夫人愛之，命良工依式配造，終不及其精巧。徧問村中，並無王林其人者。私發其函，上云：「三年鸞鳳，分析各天；葵母教子，崑嶺卿賢。無以

報德奉藥一丸剖而食之可以成仙後書琳娘夫人
妝次讀畢不解何人持以告母、執書泣曰此汝父
家報也琳我小字始恍然悟王琳為拆白謎也悔恨
不可追又以釧示母、曰此汝母遺物而父在家時
常以相示又視丸如豆大喜曰我父仙人啖此必能
長生母不遽吞受而藏之會葛太史來視甥女誦吳
生書便進丹藥為壽太史剖而分食之頃刻精神煥
發太史時年七旬龍腫頗甚忽覺筋力溢於膚革遂

棄輿而步，其行健速，家人至息，始能及焉。逾年，都中有回祿之災，火終日不熄，夜不敢寐。畢集庭中，見火勢拉雜，侵及鄰舍，一家徬徨，不知所計。忽夫人臂上金釧，戛然有聲，脫臂飛去，望之大可數畝，形如月闌，團覆宅上。釧口降東南隅，歷々可見，衆大駭。俄頃，火自西來，近闌則斜越而東，迨火勢既遠，竊意釧亡，不可復得。忽見虹光乍斂，釧錚然墜足下。都中延燒民舍數萬間，左右前後並為灰燼，獨吳第無恙。惟東南

一小閣、化為烏有、即釧口漏覆處也、葛母年五十餘、或見之、猶似二十許人。

夜叉國

膠州徐姓、泛海為賈、忽被大風吹去、開眼至一處、深山蒼莽、真有居人、遂纜船而登、負糗腊焉、方入、見兩崖皆洞口、密如蜂房、內隱有人、散至洞外、停足一窺、中有夜叉二、牙森列如戟、目閃雙燈、爪劈生鹿而食、驚喪魂魄、急欲奔下、則夜叉已顧見之、輟食執入二

物相語類鳥獸鳴爭裂徐衣似欲啖噬徐大懼取囊中糗糒並牛脯進之分啗甚美復翻徐囊徐搖手以示其無夜又怒又執之徐哀之曰釋我舟中有釜甑可烹飪夜又不解其語仍怒徐再與手語夜又似微解從至舟取具入洞束薪燃火煮其殘鹿熟而獻之二物噉之喜夜以巨石杜門似恐徐遁徐曲體遙卧深懼不免天明二物出又杜之少頃携一鹿來付徐剥皮革於洞深處取流水煮數釜俄有數夜又

至群集吞啖訖、共指釜似嫌其小、過三四日、一夜又負一大釜來、似人所常用者、於是群夜又各致狼麋、既熟呼徐同啖、居數日、夜又漸與徐熟、出亦不施禁錮、聚處如家人、徐亦漸能察穀、知意輒效其音、為夜又語、夜又益悅、携一雌、夜又來妻徐、初畏懼、莫敢伸、雌自開其股就徐、乃與交、雌大歡喜、每留肉餌徐、若琴瑟之好、一日諸物早起、項下各挂明珠一串、更番出門、若伺貴客、命徐多煮肉、徐以問雌、云、此天

壽節。雌出謂衆夜叉曰：徐郎無骨。哭子。衆各摘其五，並付雌。又自解十枚，共得五六十數，以野苧爲繩，串挂徐項。徐視一珠可直百金。俄頃俱出。徐煮肉畢，雌來邀徐去，云接大王。至一大洞，廣濶盈畝，中有石滑平如几，四圍俱有石坐，上一座蒙以豹革，餘皆以鹿。夜叉三四十輩，列坐滿中。少頃，大風揚塵，張皇都出。見一巨物來，亦類夜叉，狀竟奔入洞，踞坐鶚頤。群隨入，東西列立，悉仰其首，以双臂作十字交。大夜叉

按頭點視、問卧眉山衆盡此乎、群閑應之、碩徐曰、此何來、雌以媚對、衆又贊其烹調、即有二三夜、又奔取熟肉陳几上、大夜又掬啗盡飽、極贊嘉美、且責令常供、又碩徐云、骨突子何短、衆曰、初來未備、物於項上摘取珠串、脫十數枚付之、俱大如指頂、圓如彈丸、雌急接代徐串挂、徐亦交臂作夜、又語謝之物乃去、躡風而行、其疾如飛、衆始享其餘食而散、徐居四年餘、雌忽產一胎而生二雄一雌、皆人形不類其母、衆夜

人皆喜，輒共拊弄。一日皆出攫食，惟徐獨在。忽別洞來一雌，欲與徐私。徐不肯，夜又怒，撲徐踣地上。徐妻自外至，暴怒相搏，齧斷其耳。少頃其二亦歸，解釋令去。自此雌每守徐，動息不相離。又三年，子女俱能行步。徐輒教以人言，漸能語。啁啾之中，有人氣焉。雖童也而奔山如履坦途，與徐依一有父子意。一日雌與一子一女出，半日不歸。而北風大作，徐惻然念故鄉。携子至海岸，見故舟猶存，謀與同歸。子欲告母，徐止。

之父子登舟，一晝夜達膠，至家，妻已別醮去，出珠二枚，售金營作家，頗豐。子取名彪，十四五歲，能舉百鈞，粗莽好鬪。膠帥見而奇之，以爲千總。值邊亂，所向有功，十八爲副將。時一商泛海，亦風飄至卧眉，方登岸，見一少年視之而驚，知爲中國人，便問居里。商以告，少年乃曳入幽谷一小石洞，外皆叢棘，且囑勿出去。移時，乃携鹿肉來啖商，自言父亦膠人。商問之而知爲徐商，在客中常識之，因曰：「我故人也。」今其子爲

副將少年不解何名。商曰：此中國官名。又問：何以爲官？曰：出則輿馬，入則高堂，上一呼而下百諾，見者側目，視側足立，此名爲官。少年甚歆動。商曰：既尊君在膠，何久淹此？少年以情告。商勸南旋，曰：余亦常作是想，但母非中國人，言貌殊異，且同類覺之，必見殘害，用是輾轉，乃出。曰：待北風起，我來送汝行。煩於父兄處寄一耗，問商伏洞中幾半年。時自棘中外窺見山中，輒有夜入往還，大懼不敢少動。一日北風策々，少

年忽至、引與急竄、囑曰、所言勿忘却、商應之、又以肉
擲船上、商乃歸、敬抵膠、達副總府、備述所見、彪聞而
悲、欲往尋之、父慮海濤妖藪、險惡難犯、力阻之、彪撫
膺慟哭、父不能止、乃告膠帥、携兩兵至海內、逆風阻
舟、擺簸海中者半月、四望無涯、咫尺迷悶、無從辨其
南北、忽而湧波接漢、乘舟傾覆、彪落海中、逐浪浮流、
久之、被一物曳去、至一處、竟有舍宇、彪視之物如夜
叉狀、彪乃作夜叉語、夜叉驚訊之、彪乃告以所往、夜

又喜曰卧眉我故里也唐突可罪君離故道已八千里此去為毒龍國向卧眉非路乃覓舟來送彪夜又在水中推行如矢瞬息千里過一宵已達北岸見一少年臨流瞻望彪知山無人類疑是弟近之果然因執手哭既而問母及妹並云健安彪欲偕弟往弟止之愴忙便去回謝夜久則已杳矣未幾母妹俱至見彪俱哭彪告其意母曰恐去為人所凌彪曰兒在中國甚榮貴人不敢欺歸計已決苦逆風難渡母子方

徘徊間忽見布帆南動其聲瑟瑟彪喜曰天助我也
相繼登舟波如箭激三日抵岸見者皆奔至家雌夜
久見翁怒罵恨其歸時不謀徐謝過不遑家人拜見
主母無不戰慄彪勸母學作華言衣錦厭梁肉乃大
欣慰母女皆男兒裝類滿制數月稍辨語言弟妹亦
漸白皙弟名豹妹名夜兒俱強有力彪恥不知書教
弟讀豹最慧經史一過輒了又不欲操儒業仍挽強
弓馳怒馬登武進士第聘阿遊擊女夜兒以異種無

與為婚。會標下袁守備失偶，強妻之。夜兒能開百石弓，百餘步射小鳥，矢無虛落。袁每征，輒與妻俱。歷任同知、將軍，奇勲半出閨門。豹三十四歲挂印，母嘗從之南征。每臨巨敵，輒環甲執銳，為子接應。見者莫不辟易。詔封男爵。豹代母疏辭，封一品夫人。異史氏曰：夜叉夫人亦所罕聞。然細思之，而不罕也。家々床頭有個夜叉在。

西僧

西僧自西域來，一赴五臺，一卓錫太山，其服色言貌，俱與中國殊異。自言歷火燄山，重氣熏騰若爐灶，凡行必於雨後，心凝目注，輕跡步履之誤，蹴山石則燄騰灼焉。又經流沙河，中有水晶山，峭壁挿天，際四面瑩澈，似無所隔。又有隘口，可容單車，二龍交角對口把守之。過者先拜龍，許過則口角自開，龍色白，鱗鬣皆如晶。然僧言途中歷十八寒暑矣。離西域者十有二人，至中國僅存其二。西域傳中國名山

有四、一太山、一華山、一五台、一落伽也。相傳山上遍地皆黃金、觀音文殊猶生、能至其處則身便是佛、長生不老、聽其所言亦猶中國人之慕鹵土也。尚有西遊人與東渡者中途相值、各述所有、當必相視失笑、而免跋涉矣。

老饕

邢德澤州人、綠林之傑也、能挽強弓、發連矢、稱一時絕技、而生平落拓、不利營謀、出門輒虧其貲、而京大

賈往、喜與邢俱途中恃以無恐、會初冬有二三估客、薄假以貲、邀同販鬻、邢復自罄其囊、將并居貨、有友善卜、因詣之、友占曰、此爻為悔、所操之業、即不母而子、亦有損焉、邢不樂欲中止、而諸客強速之行、至都果符所占、臘將盡、匹馬出都門、自念新歲無貲、倍益快悶、時晨露濛濛、暫趨臨路店解裝覓飲、見一頑白叟、共兩少年酌北牖下、一僮侍、黃髮蓬蓬、然即於南座對叟休止、僮行觴、誤翻拌具、汚叟衣、少年怒立、

摘其耳持巾奉悅代叟揩拭既見僮手拇俱有鉄箭環厚半寸每一環約重二兩餘食已叟命少年於革囊中探出鏹物堆累几上稱秤握算可飲數杯時始緘裏完好少年於櫪下牽一黑跛騾來扶叟乘之僮亦跨羸馬相從出門去兩少年各腰弓矢捉馬出邢窺其多金窮晴旁睨餽炤若炙輟飲急尾之視叟與僮猶款段於前乃下道斜馳出叟前急啣弓矢怒相向叟俯脫左足靴微笑云爾不識得老饕耶邢滿引

一矢去，叟仰卧鞍上，伸其足，開兩指如箝，夾矢住，笑曰：「技但止此，何須而翁手敵耶？」邢怒，出其絕技，一矢剛發，後矢繼至，叟手掇其一，似未妨其連珠。後矢直貫其口，踣然而墜。啣矢僵眠，僮亦下。邢喜，謂其已死，近臨之。叟吐矢，躍起，鼓掌曰：「初會面，何便作此惡劇？」邢大驚，馬亦逸。以此知叟異，不敢復近。走三四十里，值方面綱紀囊物赴都，要取之，畧可千金。意氣始得揚，方疾騶間，聞有蹄聲，回首則僮易跛騾來，快如

飛叱曰、男子勿行、獵取之貨、宜少瓜分、邢曰、汝識連珠箭、邢某否、僮云、適已承教矣、邢以僮貌不揚、又無弓矢、易之一發、三矢連、透不斷、如羣隼飛翔、僮殊不忙、迫手接其二、口啣其一、笑曰、如此技藝、辱沒煞人、乃翁匆遽、未暇尋的、弓來、此物亦無用處、請即擲還、遂脫指上鉄環、穿矢其中、以手力擲、嗚々風鳴、邢急撥以弓、絃適觸鉄環、鏗然斷絕、弓亦綻裂、邢驚絕、未及覩避、矢過貫耳、不覺翻墜、僮下騎、將便搜括、邢以

弓卧捷之、僮奪弓去、拗折爲兩、又折爲四、拋置之、已
乃一手握邢兩臂、一足踏邢兩股、臂若縛、股若壓、極
力不能少動、腰中束帶雙疊、可駢三指許、僅以一手
捏之、随手斷如灰燼、取金已超、乘作別、一舉手致殺
孟浪、霍然逕去、邢歸、卒爲善士、每向人述往事、不諱
此於劉東山事、蓋彷彿焉。

連城

喬生名年、字大年、晉寧人、少負才名、年二十餘、猶淹

蹇爲人有肝胆、與碩生善、碩卒時恤其妻子、邑宰以
文相契重、宰終於任、家口淹滯不能歸、生破產扶柩、
往返二千餘里、以故士林益重之、而家由此益替、史
孝廉有女字連城、工刺繡、知書、父嬌保之、出所刺倦
綉圖、徵少年題咏、意在擇婿、生獻詩云、慵鬟高髻綠
婆娑、早向蘭窓綉碧荷、刺到鴛鴦魂欲斷、暗停針線
蹙雙蛾、又贊挑綉之工云、綉綫挑來似寫生、幅中花
鳥自天成、當年織錦非長技、倖把迴文感聖明、女得

詩喜對父稱賞。父貧之。女逢人輒稱道。又遣媼矯父命贈金以助燈火。生嘆曰。連城我知己也。傾懷結想。如飢思哺。無何女許字於醯賈之子王化成。生始絕望。然夢魂中猶佩戴之也。未幾女病瘵。沉痾不起。有西域頭陀。自謂能療。但須男子膚肉一錢。搗合藥屑。史使人詣王家告婿。笑曰。痴老翁欲我剗心頭肉耶。使返。史乃言於人曰。有能割肉者。妻之。生聞而往。自出白刃。剗膚授僧。血濡袍袴。僧敷藥。始止。和藥三

九三日服盡病若失。史將踐其言，先告王，怒，欲訟官。史乃設筵招生，以千金列几上，曰：「重負大德，請以相報。」因具白背盟之由。生拂然曰：「僕所以不愛膚肉者，聊以報知己耳。豈貨肉哉？」拂袖而歸。女聞之意，良不忍，托媼慰諭之。且云：「以彼才華，當不久落天下。何患無佳人？我夢不祥，三年必死，不必與人爭此泉下物也。」生告媼曰：「士為知己者死，不以色也。誠恐連城未必真知我，但得真知，不諧何害？」媼代女郎矢誠自

剖生曰、果爾、相逢時當為我一笑、死無憾矣、媼既去、踰數日、生偶出、遇女自叔氏歸、睨之、女秋波轉、顧啓齒嫣然、生大喜曰、連城真知我者、會王氏來議吉期、女前症又作、數月尋卒、生往臨弔、一慟而絕、史舁送其家、生自知已死、亦無所戚、出村去、猶冀一見連城、遙望南北一路、行人連續如蟻、因亦混身雜迹其中、俄頃入一廨署、值碩生、驚問君何得來此、即把手將送令歸、生太息言心事殊未了、碩曰、僕在此典牘、頗

得委任、倘可效力、不惜也。生問連城、願即導生旋轉多所、見連城與一白衣女郎、淚睫慘黛、藉坐廊隅。見生至、驟起似喜、問其所來。生曰、卿死僕何敢生。連城泣曰、如此負義人、尚不吐棄之、身殉何為。然已不能許君今生、願矢來世耳。生告願曰、有事君自去、僕樂死不顧生矣。但煩稽連城托生何里、行與俱去耳。願諾而去。白衣女郎即問生何人、連城為緬述之。女郎聞之、若不勝悲。連城告生曰、此妾同姓、小字賓娘、長沙

史太守女一路同來，遂相憐愛。生視之意態，憐人方欲研問，而顧生已返。向生賀曰：「我爲君平章已確，即教小娘子從君返魂，好否？」兩人各喜。方將拜別，賓娘大哭曰：「姊去，我安歸？祈垂憐救，妾爲姊捧悅耳。」連城淒然，無所爲計，轉謀生，又哀碩，難之，峻辭以爲不可。生固強之，乃曰：「試妾爲之。」去食頃而返，搖手曰：「何如？誠萬分不能爲力矣。」賓娘聞之，宛轉嬌啼，惟依連城肘下，恐其即去，慘怛無術，相對嘿，而睹其愁。

艷戚容、使人肺腑酸柔、碩生憤然曰、請携賓娘去、脫有愆尤、小生拚身受之、賓娘乃喜、從生出、生憂其道遠無侶、賓娘曰、妾從君去、不願歸也、生曰、卿大痴矣、不歸何得活也、他日至湖南、勿復走避、為幸多矣、適有兩娼、攝牒赴長沙、生囑之、賓娘泣別而去、途中連城行蹇緩、里餘輒一息、凡十餘息、始見里門、連城曰、重生後、懼有翻復、請索妾骸骨來、妾以君家生、當無悔也、生然之、偕歸生家、女惕々、若不能步、生佇待之、

女曰、妾至此、四肢搖々、似無所主、志恐不遂、尚宜審
謀、不然、生後何能自由、相^將入側廂中、嘿定少時、連城
笑曰、君憎妾耶、生驚問其故、赧然曰、恐事不諧、重負
君矣、請先以魂報也、生喜極、盡歡戀、因徘徊不敢遽
生、寄廂中者三日、連城曰、諺有之、醜婦終須見姑嫜、
戚々於此、終非久計、乃促生入、纔至靈寢、豁然頓甦、
家人驚異、進以湯水、生乃使人邀史來、請得連城之
尸、自言能活之、史喜從其言、方舁入室、視之已醒、告

父曰、兒已委身喬郎、更無歸理、如有變動、但仍一死、
史歸、遣婢往役給奉、王聞之、具詞申理、官受賄判歸、
王生憤懣欲死、亦無之奈何、連城至王家、忿不飲食、
惟祈速死、室無人則帶懸梁上、越日益憊、殆將奄逝、
王思送歸史、復昇歸生、王知之亦無如何、遂安焉、
連城起、每念賓娘、欲遣人往偵之、以道遠而艱於行、
一日家人白、門前有車馬、夫婦出視、則賓娘已至中、
庭矣、相見悲喜並作、太守親詣送女、生延入、太守曰、

小女賴君復生、誓不他適、今從其志、生叩謝如禮、孝
廉亦至、叙宗好焉、

異史氏曰、一笑之知、許之以身、世人或議其痴、彼
田橫五百人、豈盡愚哉、此知希之貴、賢豪所以感
結而不能自己也、顧茫茫海內、遂使錦繡才人、僅
傾心於蛾眉之一笑也、亦可慨矣、

霍生

文登霍生、與嚴生少相狎、長相謔也、口給交禦、惟恐

不工。霍有鄰媼，曾為嚴妻導產。偶與霍婦語，言其私處有兩贅疣。婦以告霍，與同黨者謀，窺嚴將至，故竊語云：「某妻與我最昵，眾不信。」霍因捏造端末，且云：「如不信，其陰側有双疣。」嚴止窓外，聽之既悉，不入。逕去。至家，苦掠其妻，不服，撈益殘。妻不堪虐，自經死。霍始大悔，然亦不敢向嚴而白其誣矣。嚴妻既死，其鬼夜哭，舉家不得寧焉。無何，嚴暴卒。鬼乃不哭。霍婦夢女子披髮大叫曰：「我死得良苦，汝夫妻何得歡樂！」

耶既醒而病數日尋卒霍亦夢女子指數詬罵以掌批其吻驚而寤覺唇際隱痛捫之高起三日而成双疣遂為痼疾不敢大言笑啓吻太驟則痛不可忍異史氏曰夫死能為厲其氣冤也然私病加於唇吻神而近於戲矣

又王生與同窓某狎其妻歸寧生知其驢善驚先伏叢莽中伺婦至暴出驢驚婦墜惟一僮從不能扶婦乘王乃殷勤抱控甚至婦亦不識誰何王揚

揚得意，謂僮逐驢去，因得私其婦於莽中，述袒袴履甚悉。某聞，大慚而去。少間，自窓隙中見某一手握刃，一手捉妻來，意甚怒惡，大懼，踰垣而逃。某從之，追二三里，不及，始返。王盡力極奔，肺葉開張，因得吼疾，數年不愈而死焉。

汪士秀

汪士秀，廬州人，剛勇有力，能舉石舂。父子善蹴踘，父四十餘，過錢塘，沒馬，積八九年，汪以故詣湖南，夜泊

洞庭時望月東升、澄江如練、方眺矚間、忽有五人自湖中出、携大席平鋪水面、畧可半畝、紛陳酒饌、器磨觸作响、然聲溫厚、不類陶瓦、已而三人踐席坐、二人侍飲、坐者一衣黃、二衣白、頭上巾皆皂色、戔然下連肩背、制絕奇古、而月色微茫、不甚可晰、侍者俱黑褐衣、其一似童、其一似叟也、但聞黃衣人曰、今夜月色大佳、足供快飲、白衣者曰、此夕風景、大似廣利王宴梨花島時、三人互勸、引醕競浮淺、但語畧小、即

不可聞。舟人隱伏，不敢動息。汪細審侍者，叟酷類父，而聽其言非父聲。二漏將殘，忽一人曰：「趣此明月，宜以擊毬為樂。」即見僮沒水中，取一圓出，大可盈抱，中如水銀滿貯，表裏通明。坐者盡起，黃衣人呼叟共蹴之。蹴起丈餘，光搖々射人眼，俄而碇然遠起，飛墜舟中。汪技癢，極力踏去，覺異常輕爽，蹋猛似破。騰躍尋丈，中有漏光，下射如虹。蚩然疾落，又如經天之慧，直投水中，滾々作沸泡聲而滅。席中共怒曰：「何物生人，敗

我清興、叟笑曰、不惡不惡、此吾家流星拐也、白衣人
嗔其語戲、怒曰、都方猷惱、老奴何得作歡、便同小烏
皮捉得狂子來、不然、脛骨當有椎喫也、汪計無所逃、
即亦不畏、捉刀立舟中、倏見僮叟操兵來、汪注視真
其父也、疾呼阿翁兒在此、叟大駭、相顧悽斷、僮即返
身去、叟曰、兒急作匿、不然都死矣、言未已、三人忽已
登舟、面皆漆黑、睛大於榴、攫叟出、汪力與奪、搖舟斷
纜、汪以刀截其臂落、黃衣者乃逃、一白衣人奔汪、

剝其顱墮水有聲。閼然俱沒。方謀夜渡。旋見巨喙出。水面深濶若井。四面湖水奔注。砰作响。俄一噴湧。則浪接星斗。萬舟簸盪。湖人大恐。舟上有石鼓二。皆重百斤。汪舉一以投。激水雷鳴。浪漸消。又投其一。風波悉平。汪疑父為鬼。叟曰。我固未嘗死也。溺江者十人。皆為妖物所食。我以蹋圓得全。物得罪於錢塘君。故移避洞庭耳。三人魚精所蹴魚胞也。父子聚喜。中夜擊棹而去。天明見舟中有魚翅。徑四五尺許。乃

悟是夜間所斷臂也。

王阮亭云此條亦恢諧。

商三官

故諸葛城有商士禹者，士人也，以醉謔忤邑豪，族家奴亂捶之，舁歸而斃。禹二子，長曰臣，次曰禮，一女曰三官。三官年十六，出閣有期，以父故不果。兩兄出訟，經歲不得結。婿家遣人叅母，請從摧畢姻事。母將許之，女進曰：「馬有父尸未寒而行吉禮者，彼獨無父。」

母乎、婿家聞之、慚而止、無何、兩兄訟不得直、負屈歸、舉家悲憤、兄弟謀留父尸、張再訟之本、三官曰、人被殺而不理、時事可知矣、天將為汝兄弟、端生一閻羅、包老耶、骨骸暴露於心、何忍矣、二兄服其言、乃葬父、葬已、三官夜遁、不知何往、母慚、忤惟恐、婿家聞、不敢告族黨、但囑二子、冥、偵察之、幾半歲、杳不可尋、會豪誕夜、招優為戲、優人孫淳、携二弟子往執役、其一王成、姿容平等、而音詞清澈、群贊賞焉、其一李玉、貌

韶秀如好女呼令歌辭以不稔強之所度曲半雜兒
女俚謠合座爲之鼓掌孫大慚白主人此子從學未
久祇解行觴耳幸勿罪責即命行酒玉往來給奉善
覲主人意向豪悅之酒闌人散留與同寢玉代豪拂
榻解履殷勤周至醉語狎之但有展笑豪益惑之盡
遣諸僕去獨留玉伺諸僕出閤扉下捷焉諸僕就別
室飲移時聞廳事中格有聲一僕往覘之見室內
冥黑寂不聞聲行將旋踵忽有响聲甚厲如懸重物

而斷其索，亟問之，並無應者。呼衆排闥入，燭之，則主
人身首兩斷，玉自經死，繩絕墮地上。梁間頸際殘綆，
儼然。衆大駭，傳告內闈，群集莫解。衆移玉尸於庭，覺
其襪履虛若無物，解之，則素帛如鉤，蓋女子也。蓋駭
呼孫淳詰之，淳駭極不知所對，但云玉月前投作弟
子，願從壽主人，寔不知所從來，以其服凶，疑是商家
刺客，暫以二人邏守之。女貌如生，撫之肢體溫栗，二
人竊謀淫之，一人抱尸轉側，方將緩其結束，忽腦如

物擊口血暴注頃刻已死其一大驚告衆、敬若神明焉、且以告郡、官問臣及禮並言不知、但妹亡去已半載矣、俾往驗視果三官、奇之判二兄領葬、勅豪家勿讐、

異史氏曰、家有女豫讓而不知則兄之爲丈夫者可知矣、然三官之爲人即蕭、易水亦將羞而不流、況碌、與世浮沉者耶、願天下閨中人買絲繡之、其功德當不減於奉壯繆也、

王阮亭云、厭娥謝小娥、得此鼎足矣。

于江

鄉民于江、父宿田間、為狼所食。江時年十六、得父遺履、悲恨欲絕。夜俟母寢、潛持鉄椎去眠父所、冀報父仇。少間一狼來、逡巡嗅之、江不動。無何搖尾掃其額、又漸俯首舐其股。江迄不動。既而歡躍直前、將齧其領。江急以椎擊狼腦、立斃。起置草中。少間又一狼來、如前狀。又斃之。卧至中夜、杳無至者。忽小睡、夢父曰、

殺二狼足洩我恨、然首殺我者其鼻白、此都非是、江醒堅卧以伺之、既明無所復得、欲曳狼歸、恐驚母、遂投諸盪井而歸、至夜復往、亦無至者、如此三四夜、忽一狼來、齧其足、曳之以行、數步棘刺肉、石傷膚、江若死者、狼乃置之地、上意將齕腹、江驟起捶之、仆又連捶之、斃、細視之、真白鼻也、大喜、負之以歸、始告母、母泣從去、探盪井得二狼焉、

異史氏曰、農家者流、乃有此英物耶、義烈發於血

誠非直勇也、智亦異焉、

小二

滕縣趙旺、夫妻奉佛、不茹葷酒、鄉中有善人之目、家稱少有一女小二、絕慧美、趙珍愛之、年六歲、使與兄長春並從師讀、凡五年而熟五經焉、同窓丁生、字紫陌、長女三歲、文雅風流、頗相傾愛、私以意告母、求婚趙氏、趙期以女字大家、故弗許、未幾趙惑於白蓮教、徐鴻儒既反、一家俱陷為賊、小二知書善解、凡紙兵

豆馬之術、一見輒精。小女子師事徐者六人、惟小二稱最、因得盡傳其術。趙以女故、大得委任。時丁年十八、游滕泮矣、而不肯論婚、不忘小二也。潛亡去、投徐麾下。女見之喜、優禮逾於常格。女以徐高弟、足主軍務、晝夜出入、父母不得閑。丁每宵見、嘗斥絕諸役、輒至三漏。丁私告女曰、小生此來、卿知區々之意乎。女云、不知。丁曰、我非妄意攀龍、所以之故、寔爲卿耳。左道無濟、祇取敗亡。卿慧人、不念此乎。能從我亡、則寸

心誠不負矣。女憮然爲問，豁如夢覺。曰：背親而行，不義。請告二人，入陳利害。趙不悟，曰：我師神人，豈有舛錯？女知不可諫，乃易髻而髻，出二紙，鳶與丁各跨其一。鳶肅々振翼，似鵜々之鳥，比翼而飛。質明，至萊蕪界。女以指撚鳶頂，忽即歛墮，遂收鳶，更以隻衛。馳至山陰里，托爲避亂者，僦屋而居。二人草々出，嗇於裝薪，儲不給。丁甚憂之，假粟比舍，莫肯代以升斗。女無愁容，但質簪珥，閉門靜對，猜燈謎，憶亡書，以是角低。

昂負者駢二指擊腕臂焉。西鄰翁姓綠林之雄也。一日獵歸。女曰。富以其鄰。我何憂。暫假千金。其與我乎。丁以爲難。女曰。我將使彼樂輸也。乃剪紙作判官狀。置地下。覆以鷄籠。然後邀丁登榻。煮藏酒。檢周禮爲觴政。任言是某冊第幾頁第幾人。即共翻閱。其人得食。傍水傍酒。傍者飲。得酒。部者倍之。既而女適得酒人。丁以巨觥引滿促酌。女乃祝曰。若借得金來。君當得飲。部。丁翻卷得鰲人。女大笑曰。事已諧矣。滴瀝授。

爵丁不服。女曰：「君是水族，宜作鱉飲。」方喧競間，聞籠中戛戛，女起曰：「至矣。」啟籠驗視，則布囊中有巨金，纍纍充溢。丁不勝愕喜。後翁家媪抱兒來戲，竊言：「主人初歸，篝燈夜坐，地忽暴裂，深不見底。」一判官自內出，言：「我地府司隸也。太山帝君會諸冥曹，造暴客惡錄，須銀燈千架，每架計重十兩。施百架，則消滅罪愆。主人駭懼，焚香叩禱，奉以千金。」判官荏冉而入，地亦隨合。夫妻聽其言，故嘖嘖詫異之。從此漸購牛馬蓄廐。

婢自營宅第、里中無賴子窺其富、糾諸不逞、踰垣、劫丁、夫妻始自夢中醒、則編管、焚照、冠集滿屋、二人執丁、又一人探手女懷、女袒而起、戟指而呵曰、止、盜十三人皆吐舌呆立、痴若木偶、女始著袴下、榻呼集家人、一一反接其臂、逼令供吐、明悉、乃責之曰、遠方人埋頭澗谷、冀得相扶持、何不仁至此、緩急人所時有、窘急者不妨明告、我豈積殖自封者哉、豺狼之行、本合盡誅、但我所不忍、姑釋去、再犯不宥、諸盜叩

謝而去。居無何，徐鴻儒就擒。趙夫婦妻子俱被誅夷。生賣金往贖長春之幼子，以歸。兒時三歲，養為已出。使從丁姓名之承祧。於是里中漸知為白蓮教戚裔。適蝗害稼，女以紙鳶數百翼放田中，蝗遠避，不入其隴。以是得無恙。里人共嫉之，群首於官，以為鴻儒餘黨。官瞰其富，肉視之，收丁，以重賄，喑令始得免。女曰：貨財之來也苟，固宜有散亡。然蛇蝎之鄉，不可久居。因賤售其業而去之，止於益都之鹵鄙。女為人靈。

巧善居積經紀過於男子。嘗開琉璃廠。每進工人而指點之。一切碁燈其奇式幻采諸肆莫能及。以故直昂得速售。居數年財益稱雄。而女督課婢僕嚴食指數百無冗口。暇輒與丁烹茗着棋或觀書史為樂。錢穀出入以及婢僕業凡五日一課。女自持籌丁為之點籍。唱名數焉。勤者賞賚有差。惰者鞭撻罰膝立。是日給假不夜作。夫妻設有酒呼諸婢度俚曲為笑。女明察如神。人無敢欺。而賞輒浮於其勞。故事易辦。村

中二百餘家。凡貧者俱量給貲本。鄉以此無游惰。值大旱。女令村人設壇於野。乘輿夜出。禹步作法。甘霖傾注。五里內悉獲沾足。人益神之。女出未嘗障面。村人皆見之。或少年群居。私議其美。及覲面逢之。俱肅然無敢仰視者。每秋日。村中童子不能耕作者。授以錢。使採茶薊。凡二十年。積滿樓屋。人竊非笑之。會山左大饑。人相食。女乃出菜糲粟以贍饑者。近村賴以全活。無逃亡焉。

異史氏曰。小二所為。殆天授。非人力也。然非一言之悟。駢死已久。由是觀之。世抱非常之才。而悞入匪僻。以死者。當亦不少焉。知全學六人中。遂無其人乎。使人恨不為丁生耳。

庚娘

金大用。中州舊家子也。聘尤太守女。字庚娘。麗而賢。好述甚敦。以流寇之亂。家人離湯。金遂携家南竄。途遇少年。亦偕妻以逃者。自言廣陵王十八。願為前驅。

金喜行止與俱。至河上，女隱告金曰：「勿與少年同舟。彼屢顧我，目動而色變，中叵測也。」金諾之。王殷勤覓巨舟，代金運裝，勤勞臻至。金不忍却，又念其携有少婦，應亦無他。婦與庚娘同居，意度亦頗溫婉。王坐船頭上，與櫓人傾語，似甚熟識。未幾，日落，水程迢遞，漫漫不辨南北。金四顧險幽，頗涉疑怪。頃之，皎月初升，見彌望皆蘆葦。既泊，王邀金父子出戶一豁，乃乘間擠金入水。金有老父，見之欲號。舟人以篙築之，亦溺。

金母聞聲出窺，又築溺之。王始喊救母出時，庾娘在後，已微窺之。既聞一家盡溺，即亦不驚，但哭曰：「翁姑俱沒，我安適歸？」王入勸娘子勿憂，請從我至金陵家中。田廬頗足，瞻給保，勿慮也。女收泣曰：「得如此願，亦足矣。」王大悅，給奉良殷。既暮，曳女求歡，女托體婢。王乃就婦宿。初更既盡，夫婦宣競，不知何由，但聞婦曰：「若所為，恐雷霆碎汝顱矣。」王乃掘婦，呼云：「便死休。」誠不願為殺人賊婦。王吼怒，摔婦出，便聞骨董一聲。

遂譁言婦溺矣。未幾抵金陵，導庾娘至家。登堂見媼，訝非故婦。王言婦墮水死，新娶此耳。歸房，又欲犯之。庾娘咲曰：「三十許男子，尚未經人道耶？」市兒初合，奄亦須一杯薄漿酒。汝家沃饒，不難備辦。清醒相對，是何體段？王喜，具酒對酌。庾娘執爵勸酬，殷懇。王漸醉，辭不飲。庾娘引巨碗強媚勸之。王不忍拒，又飲之。於是酣醉，裸脫促寢。庾娘撒罷滅燭，托言溲溺出房，以刀入暗中，以手索王項。王猶捉臂作睡，殺。庾娘力

切之不死號而起。又揮之始殮。媼彷彿有聞。趨問之。女亦殺之。王弟十九覺焉。庚娘知不免。急自刎。刀鈍。缺不可入。啟戶而奔。十九逐之。已投池中矣。呼告居人救之。已絕。色麗如生。共驗王尸。見窓上一函。開視之。則女備述其冤狀。群以為烈。謀歛貲作殯。天明集視者數千人。見其容。皆朝拜之。終日間得金百。於是葬諸南郊。好事者為之珠冠袍服。瘞藏豐滿焉。初。金生之溺也。浮片板上。得不死。將曉至淮上。為小舟所

救舟蓋富民尹翁。端設以拯溺者。金既蘓。詣翁申謝。翁優厚之。留教其子。金以不知親耗。將往探訪。故不決。俄白撈得死叟及媪。金疑是父母。奔馳果然。翁代營棺木。生方哀痛。又白拯一溺婦。自言金生其夫。生揮涕驚出。女子已至。殊非唐娘。乃王十八婦也。向金大哭。請勿相棄。金曰。我方寸已亂。何暇謀人婦。益悲。尹審其故。知為天報。勸金納婦。金以居喪為辭。且將復仇。思細弱為累。婦曰。如君言。脫唐娘猶在。將以

報仇居喪去之耶。翁以其言善，請暫代收養。金乃許之。卜葬翁媼，婦縗經哭泣如喪。翁璋既葬，金懷刃托鉢，將赴廣陵。婦止之曰：「妾唐氏祖居金陵，與豺子同鄉。前言廣陵者，詐也。且江湖水寇半伊同黨，仇不能復，祇取禍耳。金徘徊不知所謀，忽傳女子誅仇事，洋溢河渠，姓名甚悉。金聞之一快，然益悲。辭婦曰：「幸不污辱，家有烈婦如此，何忍負心再娶？婦以業有成說，不肯中離。願自居於媵妾，會有副將軍袁公與尹有

舊適將西發。遇尹見生。大相知愛。請爲記室。無何流寇犯順。袁有大功。金以叅機務。叙勞授遊擊。以歸。夫婦始成合卺之禮。居數日。携婦詣金陵。將以展庾娘之墓。暫過鎮江。欲登金山。漾舟中流。倏一艇過。中有一嫗及少婦。怪少婦頗類庾娘。舟疾過。婦自窓中窺金。神情益肖。驚疑不敢追問。急呼曰。看。群鴨兒飛上天耶。少婦聞之。亦呼曰。餽獨兒欲吃猫子腥耶。蓋當年閨中之隱謔也。金太驚。返棹問之。真庾娘也。青衣

扶之過舟相抱哀哭傷感行旅唐氏以嫡禮見庚娘
庚娘驚問金為備述其由庚娘執手曰同舟一話心
常不忘不圖吳越一家矣蒙代葬翁姑所當首謝何
以此禮相向乃以齒序唐少庚娘一歲妹之先是庚
娘既葬自不知幾歷春秋忽一人呼曰庚娘汝夫不
死尚當重圓遂如夢醒捫之四面皆壁始悟身死已
葬祇覺悶々亦無所苦有惡少窺其葬具豐美發塚
破棺方將搜括見庚娘猶活相共駭懼庚娘恐其害

已哀之曰、幸汝輩來、使我得覩天日、頭上簪珥悉將去、願鬻我爲尼、更可少得直、我亦不洩也、盜稽首曰、娘子貞烈、神人共欽、小人輩不過貧乏無計、作此不仁、但無漏言幸矣、何敢鬻作尼、庚娘曰、此我自樂之、又一盜曰、鎮江耿夫人寡而無子、若見娘子必大喜、庚娘謝之、自拔首飾悉付盜、不敢受、因與之乃共拜受、遂載去、至耿夫人家、托言船風所迷、耿夫人巨家寡媼自度、見庚娘大喜、以爲已出適、母子自金山

進香歸也。庚娘緬述其故，金乃登舟拜母，款之若婿。邀至家，留數日，始歸。後往來不絕焉。

異史氏曰：大變當前，淫者生之，貞者死焉；生者裂人之背，死者雪人之涕耳。至如談笑不驚，手刃仇讐，千古烈丈夫中，豈多匹儔哉？誰謂女子遂不可比踪彥雲也。

宮夢弼

柳方華，保定人，財雄一鄉，慷慨好客，座上常有百人。

急人之急，千金不靳。賓客假貸者，常不還。惟一客宮夢弼，陝人，生平無所祈請。每至，輒經歲，詞旨清洒，柳與處時最多。柳子名和，時搃角。叔之宮亦喜與和戲。和每自塾歸，輒與發貼地磚，藏石子，偽作藏金，為咲。屋五架，掘藏幾徧，衆咲其行，稚而和獨悅愛之。尤較諸客昵。後十餘年，家漸虛，不能供多客之求。於是客漸稀，然十餘人徹宵談燕，猶是常也。年既暮，家益落，尚割畝得直，以備雞黍。和亦揮霍，學父結小友，柳不

之禁、無何柳病卒、至無以治凶具、宮乃自出囊金、為柳經紀、和益德之事、無大小、悉委宮叔、宮時自外入、必袖瓦礫、至室則拋擲暗隙、更不解其何意、和每對宮憂貧、宮曰、子不知作苦之難、無論無金、即授汝千金、可立盡也、男子患不自立、何患乎貧、一日辭欲歸、和泣囑速返、宮諾之、遂去、和貧不自給、典質漸空、日望宮至、一為紀理、而宮滅跡匿影、去如黃鶴矣、先是柳生時、為和論親於無極黃氏、素封也、後聞柳貧、陰

有悔心。柳卒，訃告之，即亦不弔，猶以道遠，曲原之。和服除，母遣和自詣岳家訂婚期。冀黃憐，願比至。黃聞其衣履穿敝，斥門者不納，寄語云：「歸謀百金可復來。」不然，請自此絕。和聞言，痛哭對門劉媪，憐而進之食，贈錢三百，慰令歸。母亦哀憤無策，因念舊客負欠者，十常八九，俾詣富貴者求助焉。和曰：「昔之交我者，爲我財耳。使兒駟馬高車，假千金，亦即非難。如此景象，誰猶念曩昔憶故好耶？且父與人金資，曾無契保，責

負亦難憑也。母固強之，和從教出，歷二十餘日，不能致一文。惟優人李四，舊受恩卹，聞之，贈金一兩。母子痛哭，自此絕望矣。黃女年已及笄，聞父絕和，竊不直之。黃欲女別適，女泣曰：「柳郎非生而貧者，使富倍他日，豈仇我者所能奪乎？今貧而棄之不仁，黃不悅，曲諭百端，女終不搖。翁嫗並怒，旦夕唾罵之，女亦安焉。無何，黃夜遭寇劫，黃夫婦炮烙幾死，家中席捲一空。荏冉三年，家益零落，有西賈聞女美，願以五十金致。

聘黃利而許之。將強奪女志。女察知其謀。毀粧塗面。乘夜遁去。丐食於途。閱兩月。始達保定。訪知居址。直造其家。母以為乞人婦。故咄之。女嗚咽自陳。母把手泣曰。兒何形骸至此耶。女又慘然而告。以故。母子俱哭。便為盥沐。顏色光澤。眉目煥映。母子俱喜。然家三口。日僅一啗。母泣曰。吾母子固應爾。所憐者。負吾賢婦。女笑慰之曰。新婦在乞人中。稔知況味。今日視之。覺有天堂地獄之別。母為解頤。女一日入閭舍中。見

斷草叢、無隙處、漸入內室、塵埃積中、暗取有物、堆積、蹴之、迂足、拾視之、皆朱提也、驚走告和、同往驗視、則宮曩日所拋瓦礫、盡為白金、因念兒時常與瘞石室中、得無皆金耶、而故第已典於東家、急贖歸、斷磚殘缺、所藏石子儼然露焉、頗覺失望、及發他磚、則粲、皆白鏹也、頃刻間、數巨萬矣、由是贖田產、市奴僕、門庭華好、過昔日、因自奮曰、若不自立、負我宮叔、刻志下帷、三年中、鄉選、乃躬賫白金、往酬劉媪、鮮衣

射目俊僕十餘輩皆騎怒馬如龍媼僅一室和便坐榻上人譁馬騰充溢里巷黃翁自女亡失西賈逼退聘財業已耗去殆半售居宅始得償以故困窘如和曩日聞舊婿烜耀閉戶自傷而已媼沽酒備饌款和因述女賢且惜女遁問和娶否和曰娶矣食已強媼往視新婦載與俱歸至家女華妝出群婢簇擁若仙相見大駭遂叙往舊殷問父母起居數日款洽優厚為製好衣上下一新始送令歸媼詣黃所報女耗兼

致存問。夫婦大驚。媼勸往投女。黃有難色。既而凍餒難堪。不得已如保定。及到門。見門閤峻麗。閤者怒目相視。終日不得通。一婦人出。黃溫色畢詞。告以姓氏。求暗達女知。少間婦人出。導入耳舍。曰。娘子極欲一覲。然恐卽君知。尚侯隙也。翁幾時來此。得毋飢否。黃因訴所苦。婦人以酒一盛。肴二簋。出置黃前。又贈五金。曰。卽君宴房中。娘子恐不能來。明晨當早行。勿爲卽聞。黃諾之。早起趨裝。則管鑰未啓。止於門中坐。撲

囊以待。忽譁主人出。黃將歛避。和已睹之。怪問誰何。家人悉無以應。和怒曰。是必奸宄。可執赴有司。衆應。散出。短綆。縋繫樹間。黃慚懼。不知置詞。未幾。昨夕婦出。跪曰。是某舅氏。以前夕來晚。故未告主人。和命釋縛。婦送出門曰。忘囑門者。遂致參差。娘子言相思時。可使老夫人。偽為賣花者。同劉媪來。黃諾。歸述於媪。媪念女若渴。以告劉媪。果與俱至。和家凡啓十餘。關。始達女所。女着帔。頂髻。珠翠綺紈。散香氣撲人。嚶

呼一散、大小婢媼奔入滿側、移金椅床、置篋夾膝、慧婢瀾茗、各以隱語道寒暄、相視泪焚、至晚、除室安二媼、裊褥溫煖、並昔年富時所未經、居三五日、女義殷渥、媼輒引空處泣、白前非女曰、我子母有何過、不忘、但卽忽不解、妨他聞也、每和至、便走匿、一日方促膝、和遽入、見之、怒詬曰、何物村嫗、敢引身與女子接坐、宜撮鬚毛、令盡、劉媼急進曰、此老身瓜葛、王嫂賣花者、幸勿罪責、和乃上手謝過、即坐曰、姥來數日、我大

忙未得展叙。黃家老畜生尚在否？笑云：都佳。但是貧不可過。官人大富賢，何不念翁婿情也？和擊桌曰：曩年非姥憐，賜一甌粥，更何得旋鄉土？今欲得而寢處之，何念焉？言至忿際，輒頓足起罵。女恚曰：彼即不仁，是我父母，我迢々遠來，手皴瘃足，趾皆穿，亦自謂無負郎君，何乃對子罵父？使人難堪。和始斂怒，起身去。黃姬愧喪無色，辭欲歸。女以二十金私付之。既歸，曠絕音問。女深以為念。和乃遣人招之。夫妻至，慚怍無

以自容。和謝曰：舊歲辱臨，又不明告，遂使開罪良多。黃但唯々，和爲更易衣履，留月餘。黃心終不自安，遂告歸。和遺白金百兩，曰：西賈五十金，我今倍之。黃汗顏受之，和以輿馬送還。暮歲稱小封焉。

異史氏曰：雍門泣後，珠履杳然，令人憤氣。杜門不欲復交一客，然良朋葬骨化石成金，不可謂非慷慨好客之報也。閨中人坐享高奉，儼然如嬪嬙，非貞異如黃卿，孰克當此而無愧者乎？造物之不妄。

降福澤也如是。

鄉有富者、居積取盈、搜算入骨、害鏹數百、惟恐人知、故衣敗絮、啗糠粃、以示貧、親友偶來、亦曾無作雞黍之事、或言其家不貧、便瞋目作怒、其仇如不共戴天、暮年日餐榆屑一升、臂上皮摺垂一寸長、而所害終不肯發、後漸尪羸、瀕死、兩子環問之、猶未遽告、迨覺果危、急欲告子、至已舌蹇不能彀、惟爬抓心頭呵、而已、死後子孫不能具棺木、遂

蒙華焉、嗚呼、若窖金而以為富、則大帑數千萬、何不可指為我有哉、愚已、

泥鬼

余鄉唐太史濟武、數歲時、有表親某相携戲寺中、太史童年磊落、胆氣最豪、見廡中泥鬼、琉璃眼珠甚光、而巨、愛之、陰以指抉取、懷之而歸、既抵家、某暴病不語、移時忽起、厲聲曰、何故抉我睛、課咍不休、衆莫之知、太史始言所作、家人乃祝曰、童子無知、戲抉尊目、

行奉還也。乃大言曰：「如此我便當去。」言訖仆地遂絕。良久而甦，問其所言，茫不自覺。乃送睛仍安鬼眶中。異史氏曰：「登堂索睛，土偶何其靈也。願太史抉睛而何以遷怒於同遊，蓋以玉堂之貴，而且至性，觥觥觀其尚書北闕，拂袖南山，神且憚之，而況鬼乎哉！」

聊齋誌異卷之七

般陽蒲松齡柳泉甫著

鳴鶴

王汾濱言其鄉有養八哥者，教以語言，甚狎習。出游必與之俱，相將數年矣。一日將過絳州，去家尚遠，而貨斧已罄，其人愁苦無策。烏云：「何不售我？」送我於王邸，當得善價。不愁歸路無費也。其人云：「我安忍？」烏云：「不妨。」主人得價疾行，待我於城西二十里大樹下，其

人從之。携至城中相問答。觀者甚衆。有中貴見之。聞諸王。召入欲買之。其人曰。小人相依爲命。不願賣。王問鳥汝願住否。答言願住。王喜。鳥又言給價十金。勿多與。王益喜。遂畀十金。其人故作懊悔狀而出。正與鳥語。應對便捷。呼肉啖之。食已。鳥云。臣欲浴。王命金盆貯水。開籠令浴。已飛簷間。梳翎抖羽。尚與王喋。不休。頃之羽燥。蹣跚而起。操晉音曰。臣去呀。顧時已失所在。王及內侍仰面咨嗟。急尋其人。則已杳。

矣。後有往秦中者，見其人携鳥在西安市上，此畢載積先生記。

王阮亭云：可與鸚鵡秦吉了同傳。

劉海石

劉海石，蒲臺人，避亂於濱州。時十四歲，與濱州生劉滄客同函丈，因相善，訂為昆季。無何，海石失怙恃，扶櫬而歸。音問遂缺。滄客家頗裕，年四十生二子，長子吉，十七歲為邑名士，次子亦慧。滄客又納邑中倪氏。

女大嬖之後半年長子患頭痛卒夫妻大恹無何妻病又卒逾數月長媳又卒而婢僕之喪亡且相繼也。滄客哀悼殆不能堪一日方坐愁間忽閤人通海石至滄客喜急出迎以入方欲展寒暄海石忽驚曰兄有滅門之禍不知耶滄客愕然莫解其故海石曰久失聞問竊疑近况未必佳也滄客泣然因以狀告海石歔歔既而笑曰災殃未艾余初為兄弔也然幸而遇僕請為兄賀滄客曰久未晤豈近精越人術耶海

石曰、是非所長、陽宅風鑑、頗能習之、滄客喜、便求相宅、導海石入內外、遍觀之、已而請睹諸眷口、滄客從其教、使子媳婢妾俱見於堂、滄客一一指示之、至倪海石、仰天大笑不已、衆方驚疑、但見倪女戰懼無色、身暴縮、短僅二尺餘、海石以界方擊其頂、作石缶聲、海石揪其髮、檢腦後、見白髮數莖、欲拔之、女縮項跪啼、言即去、但求勿拔、海石怒曰、汝克心尚未死耶、就項後拔去之、女随手而變黑色、如狸、衆大駭、海石掇

納袖中。頤子婦曰：媳受毒已深，背土當有異，請驗之。婦羞不肯袒示。劉子固強之，見背上白毛長四指許。海石以針挑去，曰：此毛已老，七日即不可救。又視劉子，亦有毛，纔二指，曰：似此可月餘死耳。滄客以及僕婢並刺之，曰：僕適不來，一門無噍類矣。問此何物，曰：亦狐屬，吸人神氣，以為靈，最利人死。滄客曰：久不見君，何能神異若此？無乃仙乎？咲曰：但從師習小技耳。何遽云仙？問其師，答曰：山石道人適此物，我不能死。

之將歸獻俘於師言已告別覺袖中空驥曰世矣
尾末有大毛未去今已遁去衆俱駭然海石曰領毛
已盡不能作人祇能化獸適當不遠於是入室而相
其猫出門而嗾其犬皆曰無之啓圜笑曰在此矣滄
客視之多一豕聞海石笑遂伏不敢少動提耳捉出
視尾上白毛一莖硬如針方將檢拔而豕轉側哀鳴
不聽其拔海石曰汝造孽已多拔一毛猶不肯耶執
而拔之隨手復化為狸納袖中欲去滄客苦留乃為

一飯問後會、曰此難豫定、我師立願宏深、常使我等
遨遊世上、援救衆生、未必無再見時、既別後、細思其
名、始悟曰、海石殆仙矣、山石合一字、蓋呂祖諱也、

諭鬼

青州石尚書茂華、為諸生時、郡門外有大淵、不雨亦
不涸、邑中獲大盜數十名、刑於淵上、鬼聚為祟、經過
者輒被曳入、一日有某甲正遭困厄、忽聞群鬼惶竄
曰、石尚書至矣、未幾公至、甲以狀告、公以堊灰題壁

示云、石某爲禁約事、照得厥念無良、致撻雷霆之怒、
所謀不軌、遂遭鉄鉞之誅、只宜返魍魎之心、爭相懺
悔、庶幾洗羈拮之血、脫此沉淪、爾乃生已極刑、死猶
聚惡、跳踉而至、披髮成群、躑躅以前、搏膺作厲、黃泥
塞耳、輒逞鬼子之凶、白晝爲妖、幾斷行人之路、彼邱
陵三尺外、官轄由人、豈乾坤兩大中、兇頑任爾、諭後
各宜潛踪、勿猶怙惡、無定河邊之骨、靜待輪迴、金閨
夢裡之魂、還踐鄉土、如蹈前愆、必貽後悔、自此鬼患

遂絕淵亦尋乾

天燈

韓光祿大千之僕夜宿厦間見樓上有燈如明星未
幾熒々飄落及地化為天睨之轉舍後去急起潛尾
之入園中化為女子心知其狐還卧故處俄女子自
後來僕佯寐以觀其變女俯而撼之僕偽作醒狀問
其為誰女不答僕曰樓上燈光非子也耶女曰既知
之何問為遂共止宿晝別宵會以為常主人知之使

二人夾僕卧。二人既醒，則身卧床下，亦不覺墮。自何時，主人益怒，謂僕曰：「來時當捉之，來不然，則有鞭楚。」僕不敢言諾而退。因念捉之難，不捉懼罪，輾轉無策。忽憶女子一小紅衫密着其體，未肯暫脫，必其要害。執此可以脅之。夜間女至，問主人：「囑汝捉我乎？」曰：「良有之。但我兩人情好，何忍為此？」及寢，陰掬其衫。女急啼力脫而去。從此遂絕。後僕自他方歸，遙見女子坐道周，至前則舉袖障面。僕下騎呼曰：「何作此態？」女乃

起握手曰、我謂子已忘舊好矣、今既戀、有故人意、情尚可原、前事出於主命、亦不汝怪、但緣分已盡、今設小酌、請入為別、時秋初、高粱正茂、女携與俱入、則中有巨第、繫馬而入、廳堂中酒肴已列、甫坐、群婢行炙、日將暮、僕有事欲覆主命、遂別、既出、則依然田隴耳、

番僧

釋體空言在青州、見二番僧、象貌奇古、耳綴雙環、被

黃布鬚髮卷如羊角。言自西域來。聞太守重佛。謁之。太守遣二隸送詣叢林。和尚靈轡。不甚禮之。執事者見其人異。私款之。止宿焉。或問西域多異人。羅漢得勿有奇術否。其一輒然笑。出手於袖。掌中托一小塔。高纔盈尺。玲瓏可愛。壁上最高處有小龕。僧擲塔其中。轟然端立。無少偏倚。塔上有舍利放光。照耀一室。少間以手招之。仍落掌中。其一僧乃袒臂伸左肱。長可六七尺。而右肱縮無有矣。轉伸右肱。亦如左狀。

狐妾

萊蕪劉洞九官汾州。獨坐署中。聞亭外笑語漸近。入室則四女子。一四十許。一可三十一。二十四五已來。末後一垂髻者。並立几前。相視而笑。劉固知官署多狐。置不顧。少間垂髻者出一紅巾。戲拋面上。劉拾擲。牕間仍不顧。四女一笑而去。一日年長者來謂劉曰。舍妹與君有緣。願無棄葑菲。劉漫應之。女遂去。俄偕一婢擁垂髻兒來。俾與劉並肩坐。曰。一對好鳳侶。今

夜諧花燭、勉事劉郎、我去矣、劉諦視之、光艷無儔、遂與燕好、詰其行踪、女曰、妾固非人而寔人也、妾前官之女、盪於狐菴、忽以死、寔園內衆狐以術生我、遂飄然若狐、劉因以手探尻際、女覺之、笑曰、君將毋謂狐有尾耶、轉身曰、請試捫之、自此遂留不去、每行坐與小婢俱、家人俱尊以小君之禮、婢媼參謁、賞賚甚豐、值劉壽辰、賓客繁多、共三十餘筵、須庖人甚衆、先期牒拘、僅一二到者、劉不勝恚、女知之、便言勿憂、庖人

既不足用、不如並其來者而遣之、妾固短於才、然三十席亦不難辦、劉喜、命以魚肉薑桂等物悉移內署、家中人但聞刀砧聲繁碎不絕、門內設一几、行炙者置拌其上、轉視則肴俎已滿、托去復來、十餘人絡繹於道、取之不竭、末後行炙人來索湯餅、內言曰、主人未嘗預囑、咄嗟何以辦、既而曰、無已、其假之、少頃呼取湯餅、視之三十餘碗、蒸騰几上、客既去、乃謂劉曰、可出金資償某家湯餅、劉使人將直去、則其家失湯

餅方共驚疑、使至疑始解、一夕夜酌、偶思山東苦醪、
女請取之、遂出門去、移時返曰、門外一甕、可供數日、
飲、劉視之、果得酒、真家中甕頭春也、越數日、夫人遣
二僕如汾州、途中一僕曰、聞狐夫人犒賞優厚、此去
得賞金、可買一裘、女在署已知之、向劉曰、家中人將
至、可恨僮奴無禮、必報之、明日僕甫入城、頭大痛、至
署、抱頭號呼、共擬進醫藥、劉笑曰、勿須療、時至、當自
瘥、衆疑其獲罪、小君僕自思、初來未解裝、罪何由得、

無所告訴、漫膝行而哀之。簾中語曰：爾謂夫不則已耳。何謂狐也？僕乃悟、叩不已。又曰：既欲得裘、何得復無禮已而曰：汝愈矣。言已、僕病若失。僕拜欲出、忽自簾中擲一裘出曰：此一羔羊裘也、可將去。僕解視得五金。劉問家中消息、僕言都無事。惟夜失藏酒一甕、稽其時日、即取酒夜也。群憚其神、呼之聖仙。劉為繪小像、時張道一為提學使、聞其異、以桑梓誼、詣劉欲祈一面。女拒之。劉示以像、張強携而去。歸懸座右、朝

夕祝之云、以卿麗質、何之不可、乃托身於髮、之老、
下官殊不惡於洞九、何不一惠碩女、在署忽謂劉曰、
張公無禮、當小懲之、一日張方祝、似有人以界方擊、
額、崩然甚痛、大慙、反卷、劉詰之、使隱其故而詭對之、
劉笑曰、主人額上得毋痛否、使不能欺、以實告、無何、
婿亦生來、請覲之、女固辭、亦請之堅、劉曰、婿非他人、
何拒之深、女曰、婿相見必當有以贈之、渠望我奢、自、
度不能滿其志、故不欲見耳、既固請之、乃許以十日、

見及期，亦入隔簾，揖之，少致存問。儀容隱約，不敢審諦。既退，數步之外，輒回眸注盼。但聞女言曰：「阿婿回首笑，言已大笑。」烈如鴉鳴。亦聞之，脛骨皆軟搖。然若喪魂魄。既出，坐移時，始稍定。乃曰：「適聞笑聲，如聽霹靂，竟不覺身為已有。」少頃，婢以女命贈亦二十金。亦受之。謂婢曰：「聖仙日與丈人居，寧不知我素性揮霍，不慣使小錢耶？」女聞之曰：「我固知其然，奈囊適罄，何？」向結伴至汴梁，其城為河伯占據，庫藏皆沒水。

中、入水各得些須、何能飽無饜之求、且我縱能厚餽、
彼福薄亦不能任、女凡事能先知、遇有疑難、與議無
不剖析、一日與劉並坐、忽仰天大驚曰、大劫將至、為
之奈何、劉驚問家口、曰餘悉無恙、獨二公子可慮、此
處不久將為戰場、君當求差遠去、庶免於難、劉從之、
乞於上官、得解餉雲貴間、道里遼遠、聞者弔之、而女
獨賀、無何姜瓖叛、汾州沒為賊窟、劉仲子自山東來、
適遭其變、遂被害、城陷、官僚皆罹於難、惟劉以公出

得免盜乎。劉始歸，尋以大案呈誤，貧至饕餮不給，而當道者又多所需索，因而窘憂欲死。女曰：無憂，牀下三千金，可資用度。劉大喜，問竊之何處，曰：天下無主之物，取之不盡，何庸竊乎？劉借謀得脫歸。女從之後，數年女忽去，紙裹數事留贈，中有喪家挂門之小幡，長二寸許，群以爲不祥。劉尋卒。

雷曹

樂雲鶴、夏平子二人，少同里，長同齋，相交莫逆。夏十

歲知名、樂虛心事之、夏亦相規不倦、樂文思日進、由是名並著、而潦倒場屋、戰輒北、無何夏邁疫卒、家貧不能葬、樂銳身自任之、遺襁褓子及未亡人、樂時卹其家、每得升斗、必析而二之、夏妻子賴以活、於是士大夫益賢樂、恒產無多、又代夏生憂、內顧因而家計日蹙、乃嘆曰、文如平子、尚碌碌以沒、而況於我人、生富貴、須及時、戚、終歲恐先狗馬填溝壑、負此生矣、不如早改圖也、於是去讀而賈、操業半年、家資小

泰一日客金陵休於旅舍見一人頽然而長筋骨隆起徬徨座側色黯淡有戚容樂問欲得食耶其人亦不語樂推食之則以手舉啗頃刻已盡樂又益以兼人之饌食復盡遂命主人割豚肩堆以蒸餅又盡數人之食始果腹而謝曰三年以來未嘗如此飫飽樂曰君固狀士何飄泊若此曰罪撓天譴不可說也問其里居陸無屋水無舟朝村而暮郭耳樂整裝欲行其人相從戀不去樂辭之告曰君有大難吾不

忍忘一飯之德。樂異之，遂與偕行。途中曳與同，琅辭曰：「我終歲僅數食耳。」樂益奇之。次日渡江，風濤暴作，估舟盡覆。樂與其人悉沒江中。俄而風定，其人負樂踏波出，登客舟。又破浪去，少時挽一船至，扶樂入，囑樂卧守。復躍入江，以兩臂夾貨出，擲舟中。又入之，數入數出，列貨滿舟。樂謝曰：「君生我亦良足矣，敢望珠還哉？」檢視貨財，並無亡失。益喜驚，為神人。放舟欲行，其人告退。樂苦留之，遂與共濟。樂笑云：「此一厄也，祇

失一金簪耳其人欲復尋之樂方勸止已投水中矣驚愕良久忽見含笑而出以簪授樂曰幸不奪命江人罔不駭異樂與歸寢處共之每十數日始一食則嚼嚼無笑一日又言別樂固挽之適晝晦欲雨聞雷聲樂曰雲間不知何狀雷又是何物安得至天上視之此疑乃可解其人笑曰君欲作雲中遊耶少時樂倦甚伏榻假寐既醒覺身搖々然不似榻上開目則在雲氣中周身如絮驚而起暈如舟上踏之更無

地仰視星斗在眉目間、猶疑是夢、細視星簇天上如老蓮實之在蓬也、大者如甕、次如瓠、小如盞、盂以手撼之、大者堅不可動、小者動搖似可摘而下者、遂摘其一藏袖中、撥雲下視、則銀河蒼茫、見城郭如豆、愕然自念、設一脫足、此身何可復問、俄見二龍夭矯、駕縵車來、尾一掉如鳴牛鞭、車上有器圍皆數丈、貯水滿之、有數十人以器掬水、徧洒雲間、忽見樂共怪之、樂審所與、壯士在焉、語衆云、是吾友也、因取一器授

樂令洒時苦旱樂接罷排雲遙望故鄉盡情傾注未
幾其人謂樂曰我本雷曹前誤行雨罰謫三載今天
限已滿請從此別乃以駕車之繩萬丈擲前使握端
緼之下樂危之其人笑言不妨樂如其言颺然瞬
息及地視之則墮立村外繩漸收入雲中不可見矣
時久旱十里外雨僅盈指獨樂里溝澮皆盈歸探袖
中摘星猶在出置案上黝黯如石入夜則光明煥發
映照四壁益寶之什襲而藏每有佳客出以炆飲正

視之條、射目、一夜樂妻坐對握髮、忽見星光漸小、如螢流動、橫飛、妻方怪叱、已入口中、咯之不出、竟已下咽、愕奔告樂、亦奇之、既寢、夢夏平子來曰、我少微星也、因先君失一德、促我壽齡、君之惠好、在中不忘、又蒙自天上携歸、可云有緣、今為君嗣、以報大德、樂三十無子、得夢甚喜、自是妻果娠、及臨蓐、光耀滿室、如星在几上時、因名星兒、機警非常、十六歲及進士第焉。

異史氏曰、樂子文章名一世、忽覺蒼々之位置我者不在是、遂棄毛錐如脫屣、此與燕領投筆何以少異、至雷曹感一飯之德、少微酬良朋之知、豈神人之私報恩施哉、乃造物之公報賢豪耳、

賭符

韓道士居邑中之天齊廟、多幻術、共名之仙、先子與最善、每適城輒造之、一日與先叔赴邑、擬訪韓、適遇諸途、韓付鑰曰、請先往、啓門坐、少旋我、即至、乃如其

言詣廟發局。則韓已坐室中。諸如此類。先是有敝族人嗜博賭。因先子亦識韓。值大佛寺來一僧。常事樗蒲。賭甚豪。族人見而悅之。罄貲往賭。大虧。心益熱。典質田產復往。終夜盡喪。悵不得志。便道詣韓。精神慘淡。言語失次。韓問之。具以寔告。韓笑云。常賭無不輸之理。倘能戒賭。我爲汝復之。族人曰。倘得珠還合浦。花骨頭當鉄杵碎之。韓乃以紙書符。授佩衣帶間。囑曰。但得故物即已。勿得隴復望蜀也。又付千錢。約

羸而償之、族人大喜而往、僧驗其貲、易之、不屑與賭、族人強之、請一擲爲期、僧笑而從之、乃以千錢爲孤注、僧擲之、無所勝負、族人接色、一擲成采、僧復以兩千爲注、又敗、僧漸增至十餘千、明、梟色呵之、皆成、盧雉計前所輸、頃刻盡復、陰思再羸數千亦更佳、乃復博、則色漸劣、心怪之、起視帶上、則符已亡矣、大驚而罷、載錢歸廟、除償韓外、追而計之、並末後所失、適符原數、已而愧謝失符之罪、韓笑曰、已在此矣、固囑

勿貪而君不聽故取之

異史氏曰天下之傾家者莫速於博天下之敗德者亦莫甚於博入其中者如沉迷海將不知所底矣夫商農之人俱有本業詩書之士尤惜分陰負耒橫經固成家之正路清談薄飲猶寄興之生涯爾乃狎比淫朋纏綿永夜傾囊倒篋懸金於嶮巖之天呼雉呵盧乞靈於淫昏之骨盤旋五木似走圓珠手握多章如擎團扇左覩人而右顧已望穿

鬼子之晴陽示弱而陰用強、費盡魍魎之技、門前
賓客待、猶戀、於場頭、舍上火烟生、尚耽、於盆
裏、忘殮廢寢、則久入成迷、舌敝唇焦、則相看似鬼、
迨夫全軍盡沒、熱眼空窺、視局中則叫號濃馬技、
痒英雄之臆、頽橐底而貫索空矣、灰寒壯士之心、
引頸徘徊、覺白手之無濟、垂頭蕭索、始玄夜以方
歸、幸交謫之人、眠恐驚犬吠、苦久虛之腹、餓敢怨
羹殘、既而鬻子質田、異珠還於合浦、不意火燒毛

燼終撈月於滄江、及遭敗後我方思、已作下流之
物、試問賭中誰最善、群指無袴之翁、甚而枵腹難
堪、遂棲身於暴客、搔頭莫度、至仰給於香奩、嗚呼、
敗德喪行、傾財亡身、孰非博之一途致之哉、

阿霞

文登景生者、少有重名、與陳生比鄰而居、齋隔一短
垣、一日陳暮過荒落之墟、聞女子啼松柏間、近臨則
樹橫枝有懸帶、若將自經、陳詰之、揮涕而對曰、母遠

去托妾於外兄、不圖狼子野心、畜我不卒、伶仃如此、念不如死、言已復泣、陳解其帶、勸令適人、女慮無可托者、陳請暫寄其家、女從之、既歸、挑燈審視、丰韻殊絕、大悅、欲亂之、女厲聲抗拒、紛紜之聲、達於間壁、景生踰垣來窺、陳乃釋女、見景生、凝眸停睇、久乃奔去、二人共逐之、不知去向、景歸闔門欲寢、則女子盈盈自房中出、景驚問之、答曰、彼德薄福淺、不可終托、景大喜、詰其姓氏、答曰、妾祖居於齊、為齊姓、小字阿

霞入以游詞笑不甚拒遂與寢處齋中多友人往來
女恒隱避深房過數日曰妾姑去此處煩雜困人甚
繼今請以夜卜問家何所曰不遠遂早去夜果復來
歡愛綦篤又數日謂景曰我兩人情好雖佳終屬苟
合家君宦遊西疆明日將從母去容即乘間稟命而
相從以終焉問幾日別約以旬終既去景思齋居不
可常移於內又慮妻妬計不如出妻志既決妻至前
輒詬詈妻不堪其辱涕泣欲死景曰死恐見累請早歸

遂促妻行。妻啼曰：「從子十年，未嘗有失德，何忽決絕如此？」景不聽。遂愈急。妻乃出門去。自是墜壁清塵，引領翹侍。不意信杳青鸞，如石沉海。妻大歸後，數浼知交請復於景，不納。遂適夏后氏。夏與景接壤，以田畔之故，世有卻。景聞之，益大恚恨。然猶冀阿霞復來，差足自慰。乃越年餘，並無踪緒。會海神祠會，內外士女雲集。景亦往，遙見一女甚似阿霞。景近之，入於人中。從之出於門外，又從之飄然竟去。景追之不及，恨

悒而返。後半載適行於途。見一女卽着朱衣。從蒼頭。控黑衛來。望之霞也。因問從人。娘子爲誰。答言南村鄭公子繼室。又問娶幾時矣。曰半月耳。景思得毋誤耶。女聞語。回眸一睇。景視之。真阿霞也。見其已適他姓。憤填胸臆。大呼曰。霞娘何忘舊約。從人聞呼。主婦欲奮老拳。女急止之。啓障紗。謂景曰。負心人何顏相見。景曰。卿自負僕。何嘗負卿。女曰。負夫人甚於負我。結髮者如是。而況其他。向以祖德厚。名列桂籍。故

委身相從、今以棄妻故、冥中削爾祿秩、今科亞魁王
昌、即替汝名者也、我已歸鄭君、無勞復念、景俛首帖
耳、口不能道一詞、視女子策蹇去如飛、悵恨而已、是
科景落第、亞魁果王昌也、鄭亦捷、景以是得薄倖名、
四十無偶、家益替、恒趣食於親友家、偶詣鄭、款之
留宿焉、女窺客、見而憐之、問鄭曰、堂上客非景慶雲
耶、問所自識、曰未適君時、曾避難其家、亦深得其養、
養彼行雖賤、而祖德未斬、且與君為故人、亦宜有綈

袍之義鄭然之易其敗絮留以數日夜分欲寢有婢持二十餘金贈景女在窓外言曰此私貯聊酬夙好可將去覓一良匹幸祖德厚尚足及子孫無復喪檢以促餘齡景感謝之既歸以十餘金買縉紳家婢甚醜悍舉一子後登兩榜鄭官至吏部郎既歿女送葬歸啓輿則虛無人矣始知其非人也噫人之無良舍其舊而新是謀卒之卵覆而鳥亦飛天之所報亦慘矣

王阮亭云忽景忽鄭阿霞亦殊草艸

李司鑑

李司鑑永年舉人也於康熙四年九月二十八日打死其妻李氏地方報廣平行永年查審李在府前忽於肉架上奪一屠刀奔入城隍廟登戲臺上對神而跪自言曰神責我不當聽信奸人在鄉黨顛倒是非令我割耳遂將左耳割落拋台下又言神責我不應騙人銀錢令我剝指遂將左指剝去又言神責我不

當奸淫人婦女、使我割腎、遂自閹、昏迷僵仆、時總督朱雲門題叅革褫、究擬已奉諭旨、而李已伏冥誅矣、見抵抄、

毛狐

農子馬天榮、年二十餘、喪偶、貧不能娶、芸田間、見少婦盛妝、踐禾、越陌而來、貌赤色、致亦風流、馬疑其迷途、顧四野無人、戲挑之、婦亦微納、欲與野合、笑曰、青天白日、寧宜為此、子歸掩門相候、黃昏我當至、馬不

信婦矢之馬乃以門戶向背具告之婦乃去夜分果至遂相歡愛覺其膚肌嫩甚火之膚赤薄如嬰兒細毛徧體異之又疑其踪跡無據自念得非狐耶遂相戲詰婦亦自認不諱馬曰既為仙人自當無求不得幸蒙繾綣寧不以數金濟我貧婦諾之次夜來馬索金婦故愕曰適忘之將去馬又囑至夜問所祈或未忘耶婦咲請以異日踰數日馬復索婦笑向袖中出白金二錠約五六兩翹邊細紋雅可愛玩馬喜深藏

於櫝積半歲偶需金因持示人曰是錫也以齒齧之應口而落馬大駭收藏而歸至夜婦至憤致誚讓婦笑曰子命薄真金不能任也一笑而罷馬曰聞狐仙皆國色殊亦不然婦曰吾等皆隨人現化子且無一金之福落雁沉魚何能消受以我蠢陋不足以奉上流然較之大足駝背者即國色也過數月忽以三金贈馬曰子屢相索我以子命不應有藏金今媒聘有期請以一婦之貲相餽亦借以贈別馬自白無聘

二

婦之說婦曰二三日當自有媒來馬問所言姿貌如何曰子思國色自當傾城馬曰此即不敢望但三金何足聘婦曰此月老配定非人力也馬問何遽言別曰戴月披星終非了局君自有婦唐塞何為天明遂去次日果有媒來先詰女貌答在妍媸之間問聘金幾何約四五數馬不難其價必欲一見其人媒恐良家子不肯炫露既而約與俱去相機便行至其村媒先往使馬俟於村外久之來曰諧矣余表親與同

院居適往見其女坐堂中請即偽爲謁表親者而過之咫尺可相窺也馬從去果見女子坐室中伏體於床倩人爬背馬急過掠之以目貌誠如媒言及議聘並不爭直但求一二金妝女出閣馬益廉之乃納聘並酬媒與書券者計三金已盡亦未多費一文擇吉迎女歸入門則胸背皆駝項縮如龜下視裙底蓮船盈尺始悟狐言之有因也

異史氏曰隨人現化或狐女之自爲解嘲然其言

福澤良可深信。余每謂非祖宗數世之修行，不可以博高官，非本身數世之修行，不可以得佳人信。因果者，必不以我言為河漢也。

翩翩

羅子浮，邠人。父母早亡，八九歲依叔大業，為國子監左廂。富有金繒而無子，愛浮若己出。十四歲為匪人誘去，作狹邪遊。會有金陵娼僑寓郡中，生悅而惑之，娼返金陵，生竊從遁去，居娼家半年，床頭金盡。大

為姊妹行齒冷、然猶未遽絕之、無何廣瘡潰、鼻沾染
床席、遂逐而出、丐於市、人見之、輒遙避去、自恐死
異域、乞食西行、日三四十里、漸近邠界、又念敗絮濃
穢、無顏入里門、尚趑趄近邑間、日既暮、欲趨山寺宿、
遇一女子、容貌若仙、近問何適、生以寔告、女曰、我出
家人、居有山洞、可以下榻、頗不畏虎狼、生喜從去、入
深山中、見一洞府、入則門橫溪水、石梁架之、又數武、
有石室二、光明徹照、無須燈燭、命生解懸鶉、浴於溪

流曰濯之瘡當愈。又開帳拂榻促寢曰請先眠。當為
即作袴。乃取大葉類芭蕉剪綴作衣。生卧視之。製無
幾時。摺疊床頭曰曉取着之。乃與對榻寢。生浴後覺
瘡瘍無苦。既醒捫之。則痂厚結矣。詰旦將興。心疑蕉
葉不可着。取而審視。則綠錦滑絕。少間具餐。女取山
葉呼作餅。食之果餅。又剪作雞魚烹之。俱若真者。室
隅一罌貯佳釀。輒取飲之。少減則以溪水灌益之。數
日瘡痂盡脫。就女求宿。女曰輕薄兒。甫能安身。便生

妄想生云、聊以報德、遂同卧處、大相歡愛、一日有少婦笑入曰、翩翩、小鬼頭快活死矣、薛姑子好夢幾時、做得、女迎曰、花城娘子、貴趾久弗涉、今日西南風緊、吹送來也、小哥子抱得未、曰、又一小婢子、女笑曰、花娘子真瓦窰哉、那弗將來、曰、方鳴、睡卻矣、於是坐以款飲、又顧生曰、小郎君焚好香也、生視之、女年二十有三、四、綽有餘妍、心好之、剥菓、悞落案下、俯地假拾菓、而陰捻翹鳳、花城他顧而笑、若不知者、生方悅

然神奪、頓覺袍袴無溫、自顧所服、悉成秋葉、幾駭絕、危坐移時、漸變如故、竊幸二女之弗見也、少頃、酬酢間、又以指搔纖掌、花城坦然笑謔、殊若不覺、生突、怔忡間、衣復化葉、移時復變、由是慚顏息慮、不敢妄想、花城笑曰、爾家小郎子、大不端好、若不是醋葫蘆娘子、恐跳迹入雲霄矣、女亦哂曰、薄倖兒、便值得寒凍死、相與鼓掌、花城離席曰、小婢醒、恐啼腸斷矣、女亦起曰、貪引他家男兒、不憶得小江城啼絕矣、花城

既去、生懼遺誚責、女卒晤對如平時、居無何、秋老風寒、霜零木脫、女乃收落葉蓄之、御冬、碩生蕭縮、乃持襖掇拾洞口、白雲為絮、複衣著之、溫煖如繻、且輕鬆常如新綿、逾年生一子、極慧美、日在洞中、弄兒為樂、然每念故里、乞與同歸、女曰、妾不能從、不然君自去、因循二三年、兒漸長、遂與花城訂為姻好、生每以叔老為念、女曰、阿叔臘固高、幸復強健、無勞懸耿、待保兒婚後、去住由君、女在洞中、輒取葉寫書教兒讀、兒

過目即了。女曰：此兒福相，放教入塵寰，無憂至台閣。未幾，兒年十四，花城親詣送女，華妝至，容光照人。夫妻大悅，舉家讌集，翻、扣釵而歌曰：我有佳兒，不羨貴官。我有佳婦，不羨綺紈。今夕聚首，皆當喜歡。爲君行酒，勸君加餐。既而花城去，與兒夫婦對室居。新婦最孝，依、膝下，宛如所生。生又言歸，女曰：子有俗骨，終非仙品。兒亦富貴中人，可携去。我不悞兒生平。新婦思別其母，而花城已至。兒女戀、涕各盈眶，兩

母慰之曰、暫去可復來、翩、乃剪葉爲驢、令三人跨之以歸、大業已老歸林下、意姪已死、忽携佳孫美婦歸、喜如獲寶、入門各視所衣、悉成蕉葉、破之絮蒸、騰起、乃並易之、後生思翩、偕兒往探之、則黃葉滿逕、洞口路迷、零涕而返、

異史氏曰、翩、花城殆仙者耶、食葉衣雲、何其怪也、然幃幄誹謔、狎寢生離、亦復何殊於人世、山中十五載、全無人事之擾、亦何幸歟、而雲迷洞口、無

跡可尋、睹其景況、真劉阮返棹時矣、

黑獸

聞李太公敬一言、某公在瀋陽、譙集山巔、俯瞰山下、有虎啣物來、以爪穴地、瘞之而去、使人探所瘞、得死鹿、乃取鹿而虛掩其穴、少間、虎導一黑獸來、毛長數寸、虎前驅若邀尊客、既至穴、獸眈眈、蹲伺、虎探穴失鹿、戰伏不敢稍動、獸怒其誑、以爪擊虎額、虎立斃、獸亦逕去、

異史氏曰、獸不知何名、然聞其形、殊不大於虎、而何延頸受死、懼之如此、其甚哉、凡物各有所制、理不可解、如獮最畏狢、遙見之、則百十成群、羅而跪、無敢遁者、凝睛定息、聽狢至、以爪徧揣其肥瘠、肥者則以片石誌顛頂、獮戴石而伏、悚若木雞、惟恐墮落、狢揣誌已、乃次第按石、取食、餘始閑散、余嘗謂貪吏似狢、亦且揣民之肥瘠、而誌之、而裂食之、而民之戢耳聽食、莫敢喘息、蚩々之情、亦猶是也、

可哀也夫

余德

武昌尹圖南有別第，嘗爲一秀才稅居。半年來亦未嘗遇問。一日遇諸其門，年最少而容儀裘馬翩翩，甚都。趨與語，即又蘊籍可愛，異之。歸言於妻，遣婢托遺問以窺其室。有麗姝，美艷逾於仙人。一切花石服玩俱非耳目所經。尹不測其何如人，詣門投謁。適值他出，翌日即來答拜，展其刺呼，始知余姓德名。語

次細審官閥言殊隱約固詰之則曰欲相還往僕不敢自絕應知非寇竊逋逃者何須逼知來歷尹謝之遂命酒款讌言笑甚歡向暮有西崑崙捉馬挑燈迎導以去明日折柬報主人尹至其家見其屋壁俱用明光紙裱潔如鏡金狻猊焚異香一碧玉瓶插鳳尾孔雀羽各二各長二尺餘一水晶瓶浸粉花一樹不知何名亦高二尺許垂枝覆几外葉踈花密含苞未吐花狀似濕蝶斂翼蒂即如鬚筵間不過八簋而豐

美異常，即命童子擊鼓催花爲令。鼓聲既動，則瓶中
花顫，欲折。俄而蝶翅漸張，既而鼓歇，淵然一聲，蒂
鬚頓落，即爲一蝶飛落尹衣。余笑起飛，一巨觥酒方
引滿，蝶亦颺去。頃之鼓又作，而蝶飛集余冠。余笑曰，
作法自弊矣。亦引二觥，三鼓既終，花亂墜，翩而下，
惹袖沾衿。鼓童笑來指數，尹得九籌，余四籌，尹亦薄
醉，不能盡籌，強引三爵，離席亡去。由是益奇之。然其
爲人寡交與，每闔門居，不與國人通弔慶。尹逢人輒

宣播聞其異者，爭相交歡。余門外冠蓋常相望，余頗不耐，忽辭尹去。後尹入其家，空庭洒掃，無纖塵燭淚堆擲青階下。牕間零帛斷錦，指印宛然。惟舍後遺一小白石缸，可受石許。尹携歸貯水養金魚，經年水清如初貯。後為傭保移石，誤碎之，水蓄並不傾洩，視之缸宛在，捫之虛粟。手入其中，則水隨手洩，出其手則復合。冬月亦不冰。一夜忽結為晶，魚遊如故。尹畏人知，常置密室，非子婿不以示也。久之漸播，索玩者

紛錯於門。臘月忽解爲水，蔭濕滿地，魚亦渺然。其舊缸殘石猶存，忽有道士踵門求之。尹出以示。道士曰：「此龍宮蓄水器也。」尹述其破而不洩之異。道士曰：「此缸之魂也。」殷然乞得少許，問其何用。曰：「以屑合藥，可得永壽。」予之一片，歡謝而去。

青梅

白下程生，性磊落，不爲吟哇。一日自外歸，緩其束帶，覺帶沉，如有物墜，視之無所見。宛轉間有女子從

衣後出、掠髮微笑、麗絕、程疑其鬼、女曰、妾非鬼、狐也、
程曰、倘得佳人、鬼且不懼、而况於狐、遂與狎、二年生
一女、小字青梅、每謂程勿娶、我且為君生男、程信之、
遂不娶、戚友共謂姍之、程志奪、聘湖東王氏女、狐聞
之怒、委女於程曰、此汝家賠錢貨、生殺俱由汝、我何
故代人作乳媪乎、出門逕去、青梅長而慧、貌韶秀、酷
肖其母、既而程病卒、王再醮去、青梅寄食於堂叔、
蕩無行、欲鬻以自肥、適有王進士者、方候銓於家、聞

其慧購以重金使從女阿喜服役喜年十四容華絕代見梅忻悅與同寢處梅亦善侯伺能以目聽以眉語由是一家俱憐愛之邑有張生字介壽家窶貧無恒產稅居王第性純孝制行不苟又篤於學青梅偶至其家見生據石啗糠粥入室與生母絮語見案上具豚蹄焉時翁卧病生入抱父而私便液汚衣翁覺之而自恨生掩其跡急出自濯恐翁知梅以此大異之歸述所見謂女曰吾家客非常人也娘子不欲得

良匹則已、欲得良匹、張生其人也、女恐父厭其貧、梅
曰不然、是在娘子、如以為可、妾潛告使求伐焉、夫人
必召商之、但應之曰諾也、則諧矣、女恐終貧為人所
笑、梅曰、妾自謂能相天下士、必無謬誤、明日往告張
媼、大驚、謂其言不祥、梅曰、小姐聞公子而賢之也、
妾故窺其意以為言、冰人往、我兩人袒焉、計舍允遂、
縱其否也、於公子何辱乎、媼曰諾、乃託侯氏賣花者
往、夫人聞之而笑、以告王、亦大笑、喚女至、述侯氏

意女未及答、青梅極贊其賢、決其必貴、夫人又問曰、此汝百年事、如能啜糠竅也、即爲汝允之、女俛首久之、頽壁而答曰、貧富命也、倘命之厚、則貧無幾時、而不貧者無窮期矣、或命之薄、彼錦繡王孫、其無立錫者、豈少哉、是在父母、初王之商女也、將以博笑、及聞女言、心不樂、曰、汝欲適張氏耶、女不答、復問、復不答、怒曰、賤骨子、不長進、欲携筐作乞人婦、寧不羞死、女漲紅氣、結含涕、引去、媒亦遂奔、青梅見事不諧、欲自

謀過數日、夜詣生、方讀、驚問所來、詞涉吞吐、生正色拒之、梅泣曰、妾良家子、非淫奔者、徒以君賢、故願自託、生曰、卿愛我、謂我賢也、昏夜之行、自好者不為、而謂賢者為之乎、夫始亂之而終成之、君子猶曰不可、況不能成、彼此何以自處、梅曰、萬一能成、肯賜援拾否、生曰、得人如卿、又何求、但有不可如何者三、故不敢輕諾耳、曰、若何、曰、卿不能自主、則不可如何、即能自主、我父母不樂、則不可如何、即樂之、而卿之身

值必重、我貧不能措、則又不可如何、卿速退、瓜李之嫌可畏也、梅臨去又囑曰、君倘有意、乞共圖之、生諾、梅歸、女詰所往、遂跪而自投、女怒其淫奔、將施扑責、梅泣曰、無他、因而寔告、女嘆曰、不苟合禮也、必告父母、孝也、不輕然諾信也、有此三德、天必佑之、其無患貧也已、既而曰、子將若何、曰、嫁之、女笑曰、痴婢能自主耶、曰、不濟則以死繼之、女曰、我必如所願、梅稽首拜之、又數日、謂女曰、曩而言之戲乎、抑果欲慈悲也、

果爾則尚有微情、並祈垂憐焉。女問之、答曰、張生不能致聘、婢子又無力以自贖、必取盈焉。嫁我猶不嫁也。女沉吟曰、是非我之能為力矣。夫我曰嫁、且恐不得當、而曰必無^取直焉、是大人所必不允、亦余所不敢言也。青梅聞之、泣數行下、但求憐拯。女思良久曰、無已、我有私蓄數金、當傾囊相助。梅拜謝、因潛告張。母大喜、多方乞貸、共得金若干數、藏待好音。會王授曲沃宰、喜乘間告母曰、青梅年已長、今將蒞任、不如

遣之。夫人固以青梅太黠，恐導女不義，每欲嫁之。而恐女不樂也。聞女言甚喜，踰兩日，有傭保婦白張氏意。王笑曰：「是只合配婢子，前言何妄也。」然鬻媵高門，價當倍於曩昔。女急進曰：「青梅侍我久，賣為妾良不忍。」王乃傳於張氏，仍以原金書券，以青梅嬪於張。入門，孝翁姑，曲折承順，尤遇於生，而操作更勤，厭糠粃，不為苦。由是家中無不愛重青梅，又以刺繡作業，售且速。賈人侯門以購，惟恐不得，貲稍可御窮，且

勸生勿以內顧悞讀經紀皆自任之因主人之任往
別阿喜見之泣曰子得所矣我固不如梅曰是何
人之賜敢忘之然以為不如婢子恐促婢子壽遂泣
相別王如晉半載夫人卒停柩寺中又二年王坐行
賕免罰贖萬計漸貧不能自給從者逃散是時疫癘
大作王染病亦卒惟一媼從女未幾媼又卒女伶仃
益苦有鄰姬勸之嫁女曰有能為我葬双親者從之
姬憐之贈以斗米而去半月復來曰我為娘子極力

事難合矣。貧者不能為爾葬，富者又嫌子為凌夷嗣，奈何？尚有一策，但恐不能從也。女曰：若何？曰：此間有李郎，欲覓側室，倘見姿容，即遣厚葬，必當不惜。女大哭曰：我縉紳裔而為人妾耶？姬無言而去。日僅一餐，延息待賈，居半年，益不可支。一日，姬至，女泣告曰：困頓如此，每欲自盡，猶戀一而苟活者，徒以有双樁在，已將轉溝壑，誰為收親骨者？故思不如依汝所言也。姬於是導李來，微窺女，大悅，即出金營葬，双樁具舉。

已乃載女去、入叅冢室、故悍妬、李初未敢言妾、但托買婢、及見女、暴怒、杖逐而出、不聽入門、女被髮零涕、進退無所、適有老尼過、邀與同居、女喜從之、至菴中、拜求祝髮、尼不可、曰我觀娘子、非久卧風塵者、菴中陶器脫粟粗可自給、姑寄此以待之、時至子自去、居無何、市中無賴窺女美、輒打門游語為戲、尼不能制止、女號泣欲自死、尼往求吏部某公、揭示嚴禁、惡少始稍斂跡、後有夜穴寺壁者、尼驚呼始去、因復告

吏部捉得首惡、送郡答責、始漸安、又年餘、有貴公子
過菴、見女驚絕、強尼通殷勤、又以厚賂囑尼、婉語
之曰、渠簪纓胄、不甘勝御公子且歸、遲、當有以報
命、既去、女欲乳藥求死、夜夢父來、疾首曰、我不從汝
志、致汝至此、悔之已晚、但緩須臾勿死、夙願尚可復
酬、女異之、天明盥已、尼望之而驚曰、睹子面、濁氣盡
消、橫逆不足憂也、福且至、勿忘老身矣、語未已、聞扣
門聲、女失色、意必貴家奴、尼啓扉果然、驟問所謀、尼

笑語承迎、但請緩以三日、奴述主言、事若無成、俾尼
自復命、尼唯々敬應、謝令去、女大悲、又欲自盡、尼止
之、女慮三日復來、無詞可應、尼曰、有老身在、斬殺自
當之、次日方晡、暴雨翻盆、忽聞數人、搥門大譁、女意
變作驚怯、不知所為、尼冒雨啟閤、見有肩輿停駐、女
奴數輩、捧一麗人出、僕從烜赫、冠蓋甚都、驚問之、云
是司李內眷、暫避風雨、導入殿中、移榻肅坐、家人婦
群奔禪房、各尋休憩、入室見女、艷之、走告夫人、無何

雨息，夫人起請窺禪室，尼引入，覩女孩，絕凝眸不瞬。女亦顧盼良久，夫人非他，蓋青梅也。各失聲哭。因道行踪，蓋張公病故，生起復後，聯捷授司李，生先奉母之任，後移諸眷口。女嘆曰：今日相看，何啻霄壤！梅笑曰：幸娘子挫折無偶，天正欲我兩人完聚耳。倘非阻雨，何以有此邂逅？此中俱有鬼神，非人力也。乃取珠冠錦衣，催女易妝。女俯首徘徊，尼從中贊助之。女慮同居，其名不順。梅曰：昔日自有定分，婢子敢忘大德。

試思張郎豈負義者、強妝之、別尼而去、抵任、母子皆喜、女拜曰、今無顏見母、笑慰之、因謀涓吉合卺、女曰、菴中但有一絲生路、亦不肯從、夫人至此、倘念舊好、得受一廬、可容蒲團足矣、梅笑而不言、及期抱艷妝來、女左右不知所可、俄聞鼓樂大作、女亦無以自主、梅率婢媼強衣之、挽扶而出、見生朝服而拜、女遂不覺盈、而自拜也、梅曳入洞房、曰、虛此位以待君久矣、又碩生曰、今夜得報恩、可好為之、返身欲去、女

捉其裾。梅笑曰：「勿留我，此不能相代也。」解指脫去。青梅事女謹，莫敢當夕，而女終慚阻不自安。於是母命相呼以夫人。然梅終執婢妾禮，罔敢懈。三年，張行取入都，過尼菴，以五百金為尼壽。尼不受，固強之，乃受二百金，起大士祠，建王夫人碑。後張仕至侍郎，程夫人舉二子一女，王夫人四子一女。張上書陳情，俱封夫人。

異史氏曰：天生佳麗，固將以報名賢，而世俗之王

公乃留以贈純袴、此造物所必爭也、而離、奇、致作合者無限經營、化工亦良苦矣、獨是青夫人能識英雄於塵埃、誓嫁之志、期以必死、曾儼然而冠裳也者、顧棄德行而求膏粱、何智出婢子下哉、

羅刹海市

馬驥、字龍媒、賈人子、美丰姿、少個儻、喜歌舞、輒從梨園子弟、以錦帕纏頭、美如好女、因復有俊人之號、十四歲入郡庠、即知名、父衰老、罷賈而歸、謂生曰、數卷

書饑不可煮、寒不可衣、可仍繼父賈生、由是稍、權
子母從人浮海、為颶風引去、數晝夜、至一都會、其人
皆竒醜、見馬至、以為妖、羣譁而走、馬初見其狀、大懼、
迨知國人之駭已也、遂反、以此欺國人、遇飲食者則
奔而往、人驚遁、則啜其餘、久之、入山村、其間形貌亦
有似人者、然褴褛如丐、馬息樹下、村人不敢前、但遙
望之、久之、覺非噬人者、始稍、近就之、馬笑與語、其
言雖異、亦半可解、馬遂自陳所自、村人喜、徧告鄰里、

客非能搏噬者、然奇醜者望之即去、終不敢前、其來者、口鼻位置、尚皆與中國同、共羅漿酒奉馬、問其相駭之故、答曰、嘗聞祖父言、西去三萬六千里有中國、其人民形象率怪異、但耳食之、今始信、問其何貧、曰我國所重、不在文章、而在形貌、其美之極者為上卿、次任民社、下者亦邀貴人寵、故得鬻烹以養妻子、若我輩初生時、父母皆以為不祥、往置棄之、其不忍遽棄者、皆為宗嗣耳、問此名何國、曰名大羅刹國、

都城在北、去三十里、馬請導往一觀、於是鷄鳴而興、引與俱去、天明始達都、以黑石爲墻、色如墨、樓閣近百尺、然少瓦、皆覆以紅石、拾其殘塊磨甲上、無異丹砂、時值朝退、朝中有冠蓋出、村人指曰、此相國也、視之、隻耳、皆背生、鼻三孔、睫毛覆目如簾、又數騎出、曰、此大夫也、以次各指其官職、率鬚鬚怪異、然位漸卑、醜亦漸殺、無何馬歸、街衢人望見之、譟奔蹶蹶、如逢怪物、村人百口解說、市人始敢遙立、既歸、國中無

大小咸知村有異人。於是縉紳大夫爭欲一廣見聞。遂令村人要馬。然每至一家。闔人輒闔戶。丈夫女子竊自門隙中窺語。終一日無敢延見者。村人曰。此間一執戟郎。曾為先王出使異國。所閱人多。或不以子為懼。造郎門。郎果喜。揖為上賓。視郎貌如八九十歲人。目睛突出。鬚卷如蜎。曰。僕少年奉王命出使最多。獨未嘗至中華。今一百三十餘歲。又得見上國人物。此不可不上聞於天子。然臣卧林下。十餘年不踐

朝階早旦爲君一行，乃具飲饌，修客主禮，酒數行，出女樂十餘人，更番歌舞，貌類夜叉，皆以白錦纏頭，拖朱衣及地，扮唱不知何詞，腔拍恢諧，主人顧而樂之。問中國亦有此樂乎？曰有。主人請擬其聲，馬遂擊桌爲度一曲，主人喜曰：異哉！聲如鳳鳴龍嘯，得未曾有。翌日趨朝，薦諸國王，忻然下詔，有二三大臣言其狀怪，恐驚聖體，王乃止。即出告馬，深爲扼腕。居久之，與主人飲而醉，把劍起舞，以煤塗面作張飛，主人以

馬美曰、請客以張飛見宰相、宰相必樂用之、厚祿不
難致、馬曰、嘻、游戲猶可、何能易面目圖榮顯、主人固
強之、馬乃諾、主人設筵、邀當路者飲、令馬畫面以待、
未幾客至、呼馬出見、客訝曰、異哉、何前媼而今妍也、
遂與共飲、甚歡、馬婆娑歌戈陽曲、一座無不傾倒、明
日交章薦馬、王喜、召以旌節、既見、問中國治安之道、
馬委曲上陳、大蒙嘉賞、賜宴離宮、酒酣、王曰、聞卿善
雅樂、可使寡人得而聞乎、馬即起舞、亦效白錦纏頭、

作靡之音。王大悅，即日拜下大夫。時與私宴，恩寵殊異。久而官僚百執事，頗覺其面目之假，所至輒見人耳語，不甚與款洽。馬至，是孤立，憫然不自安，遂上疏乞休致，不許。又告休沐，乃給三月假。於是乘傳載金寶，復歸山村。人膝行以迎，馬以金貲分給舊所與交好者，歡聲雷動。村人曰：吾儕小人，受大夫賜，明日赴海市，當求珍玩，用報大德。問海市何地，曰：海中市，四海鮫人，集貨珠寶，四方十二國皆來貿易，中多

神人遊戲、雲霞障天、波濤間作、貴人自重、不敢犯險、阻皆以金寶付我輩、代購異珍、今其期不遠矣、問所自知、曰、每見海上朱鳥來往、七日即市、馬問行期、欲同遊、矚村人勸使自貴、馬曰、我願滄海客、何畏風濤、未幾果有踵門寄貨者、遂與裝貲入船、客數十人、平底高欄、十人搖櫓、激水如箭、凡三日、遙見水雲幌漾之中、樓閣層疊、貿迂之舟、紛集如蟻、少時抵城下、視牆上磚、皆長與人等、敵樓高接雲漢、維舟而入、見

市上所陳奇珍異寶、光明射目、多人世所無、一少年乘駿馬來市、人盡奔避、云是東洋三世子、世子過目、生曰、此非異域人、即有前馬者來、詰鄉籍、生揖道左、具展邦族、世子喜曰、既蒙辱臨、緣分不淺、於是授生騎、請與連轡、乃出西城、方至島岸、所騎嘶躍入水、生大駭、失轂、則見海水中分、屹如壁立、俄睹宮殿玳瑁、為梁、魴鱗作瓦、四壁晶明、鑑影炫目、下馬揖入、仰見龍君在上、世子啓奏、臣遊市廛、得中華賢士、引見大

王生前拜舞，龍君乃言：先生文學士，必能銜官屈宋，欲煩椽筆賦海市，幸無吝珠玉。生稽首受命，授以水晶之硯，龍鬣之毫，紙光似雪，墨氣如蘭。生立成千餘言，獻殿上。龍君擊節曰：先生雄才，有光水國多矣。遂集諸龍族，讌集采霞宮，酒炙數行。龍君執爵而向客曰：寡人所憐女，未有良匹，願累先生，先生倘有意乎？生離席愧荷，唯唯而已。龍君顧左右語：無何宮人數輩扶女即出，環珮聲動，鼓樂暴作，拜竟睨之，寔仙人。

也。女拜已而去。少時酒罷，雙鬟挑畫燈，導生入副宮。女濃妝坐伺，珊瑚之床，飾以八寶，帳外流蕙，綴明珠如斗大，衾褥皆香奩。天方曙，則離女妖鬟奔入滿側，生起趨出朝謝，拜為駙馬都尉。以其賦馳傳諸海，諸海龍君皆專員來賀，爭折柬招駙馬飲，生衣繡裳，駕青虬呵殿而出，武士數十騎，背雕弧，荷白楮，晃耀填擁，馬上彈箏，車中奏玉，三日間徧歷諸海，由是龍媒之名，譟於四海。宮中有玉樹一株，圍可合抱，木瑩澈

如白琉璃、中有心淡黃色、稍細於臂、葉類碧玉、厚一錢許、細碎有濃陰、常與女嘯咏其下、花開滿樹、狀類簷葡、每一瓣落、鏘然作响、拾視之、如赤瑤雕鏤、光明可愛、時有異鳥來鳴、毛金碧色、尾長於身、教等哀王、惻人肺腑、生每聞輒念鄉土、因謂女曰、亡出三年、恩慈間阻、每一念及、涕膺汗背、卿能從我歸乎、女曰、仙塵路隔、不能相依、妾亦不忍以魚水之愛、奪膝下之歡、容徐謀之、生聞之、泣不自禁、女亦嘆曰、此勢之不

能兩全者也。明日生自外歸。龍君曰：聞都尉有故土之思，詰旦趨裝可乎？生謝曰：逆旅孤臣，過蒙優寵，啣報之誠，結於肺腑，容暫歸省，當圖復聚耳。入暮，女置酒話別。生訂後會，女曰：情緣盡矣。生大悲，女曰：歸養雙親，見君之孝，人生聚散，百年猶旦暮耳，何用作兒女哀泣？此後妾爲君貞，君爲妾義，兩地同心，即伉儷也。何必旦夕相守？乃謂之偕老乎？若踰此盟，婚姻不吉。倘慮中饋乏人，納婢可耳。更有一事相囑：自奉衣

裳似有佳娘、煩君命名、生曰、其女即可名龍宮、男即可名福海、女乞一物爲信、生在羅刹國、所得赤玉蓮花一双、出以授女、曰、三年後四月八日、君當泛舟南島、還君體胤、女以魚革爲囊、寔以珠寶、授生曰、珍藏之、數世吃着不盡也、天微明、王設祖帳、餽遺甚豐、生拜別出宮、女乘白羊車、送諸海涘、生上岸下馬、女致殷珍重、回車便去、少頃便遠、海水復合、不可復見、生乃歸、自浮海去、咸謂其已死、及至家、人無不詫

異幸翁媼無恙、獨妻已他適、乃悟龍女守義之言、蓋已先知也、父欲為生再婚、生不可、納婢焉、謹誌三年之期、泛舟島中、見兩兒坐浮水面、拍流嬉笑、不動亦不沉、近引之、兒啞然捉生臂、躍入懷中、其一大啼、似嗔生之不援已者、亦引上之、細審之、一男一女、貌皆婉秀、額上花冠、綴玉、則赤蓮在焉、背有錦囊、拆視得書云、翁姑計各無恙、忽々三年、紅塵永隔、盈々一水、青鳥難通、結想為夢、引領成勞、茫々藍蔚、有恨如何

也。願念奔月嫦娥，且虛桂府，投梭織女，猶悵銀河。我
何人斯，而能永好，興念及此，輒復破涕爲笑。別後兩
月，竟得孿生，今已啁啾懷抱，頗解笑言，覓枣抓梨，不
母可活，敬以還君。所貽赤玉蓮花，飾冠作信，膝頭抱
兒時，猶妾在左右也。聞君克踐舊盟，意願斯慰。妾此
生不二之死靡他，奩中珍物，不蓄蘭膏，鏡裏新粧，久
辭粉黛。君似征人，妾作嫠婦，即置而不御，亦何得謂
非琴瑟哉。獨計翁姑亦既抱孫，曾未一覲新婦，揆之

情理亦屬缺然。歲後阿姑寔安。當往臨穴。一盡婦職。過此一往。則龍宮無恙。不少把握之期。福海長生。或有還往之路。伏惟珍重。不盡欲言。生反覆省書。攬涕。兩兒抱頸曰。歸休乎。生益慟。撫之曰。兒知家在何許。兒亟啼嘔啞言歸。生望海水茫茫。極天無際。霧鬢人渺。烟波路窮。抱兒返棹。悵然遂歸。生知母壽不永。周身物悉為預具。墓中植松。擯百餘逾歲。媼果亡。靈輦至殯宮。有女子縗經臨穴。衆方驚顧。忽而風激雷轟。

繼以急雨、轉瞬間已失所在、松柏新植多枯、至是皆
活、福海稍長、輒思其母、忽自投入海、數日始還、龍宮
以女子不得往、時掩戶泣、一日晝、暝、龍女急入、止之
曰、兒自成家、哭泣何為、乃賜八尺珊瑚一樹、龍腦香
一帖、明珠百顆、八寶嵌金合一双、為作嫁資、生聞之
突入、執手啜泣、俄頃疾雷破屋、女已皆矣、

異史氏曰、花面逢迎、世情如鬼、嗜痂之癖、舉世一
轍、小慙、小好、大慙、大好、若公然帶鬚眉以遊都市、

其不駭而走者蓋幾希矣。彼陵陽痴子將抱連城玉向何處哭也。嗚呼。顯榮富貴當於蜃樓海市中求之耳。

紫花和尚

諸城丁生野鶴公之孫也。少年名士。沉病而死。隔夜復蘇。曰我悟道矣。時有僧善叅玄。因遣人約至。使即榻前講楞嚴。生每聽一節。都言非是。乃曰。使吾病痊。證道何難。惟某生可愈吾疾。宜虔請之。蓋邑有某生。

者精岐黃而不以術行。三聘始至，疏方下藥，病良已。既歸，一女子自外入曰：「我董尚書府中侍兒也。紫花和尚與妾有宿冤，今得追報。若又欲活之耶？」再往，禍將及汝，言已遂沒。某惧辭丁，病復作，固要之，乃以寔告。丁嘆曰：「孽自前生，死吾分耳。尋卒。後詢人，果曾有紫花和尚高僧也。青州董尚書夫人嘗供養家中，亦無有知其冤之所結者。」

鞠樂如

鞠樂如青州人、妻死、棄家而去、後數年、道服荷蒲團、至、經宿欲去、戚族強留其衣杖、鞠托閒步至村外、室中衣杖皆冉、飛出、隨之而去、

盜戶

順治間、滕嶧之區、十人而七盜、官不能捕、後受撫、邑宰別之為盜戶、凡值與良民爭、則曲意左袒之、蓋恐其復叛也、後訟者輒冒稱盜戶、而怨家則力攻其偽、每兩造具陳、曲直且置不辨、而先以盜之真偽反覆

相苦煩有司稽籍焉適官署多狐宰有女為所惑聘術士來符捉入瓶將熾以火狐在瓶內大呼曰我盜戶也聞者無不匿笑

異史氏曰今有明火劫人者官不以為盜而以為奸踰牆行淫者每不自認奸而自認盜世局又一變矣設今日官署有狐亦必大呼曰吾盜無疑也章邱漕糧徭役以及徵收火耗小民嘗數倍於紳衿故有田者爭求托焉雖於國無傷而寔於官橐

有損邑令鍾牒請釐弊得可初使自首既而奸民
以此要士數十年鬻去之產皆誣托詭挂以訟售
主令悉左袒之故良懦者多喪其產有李生亦為
某甲所訟同赴質審甲呼之秀才李厲聲爭辨不
居秀才之名喧不已令詰左右共指為真秀才令
問何故不承李曰秀才且置高閣待爭地後再作
之不晚也噫以盜之名則爭冒之以秀才之名則
爭辭之變異矣哉有人投匿名狀云告狀人原壤

為抗法吞產事、身以年老不能當差、有負郭田五十畝、於隱公元年、暫挂惡衿顏淵名下、今功令森嚴、理合自首、詎惡久假不歸、霸為已有、身往理說、被伊師率惡黨七十二人、毒杖交加、傷殘脛股、又將身鎖置陋巷、日給簞食瓢飲、囚餓幾死、互鄉約地証、叩乞革頂嚴究、俾血產歸主、上告、此可以繼柳跖之告夷齊矣、

某乙

邑西某乙、故梁上君子也、其妻深以為懼、屢勸止之、乙遂翻然自改居、二三年、貧屢不能自堪、思欲一作馮婦、而後已之、乃托貿易、就善卜者、以決趨向、術者曰、東南吉利、小人不利、君子兆隱、與心合、竊喜、遂南行、抵蘓松間、日遊村郭、幾數月、偶入一寺、見墻隅堆石子二三枚、心知其異、亦一石投之、徑趨龕後、卧日既暮、寺中聚語、似有十餘人、忽一人数石、訝其多、因共搜之、龕後得乙、問投石者汝耶、乙諾、詰里居姓名、

乙詭對之、乃授以兵、率與俱去、至一巨第、出栗梯、爭踰垣入、以乙遠至、徑不熟、俾伏牆外、司傳遞、守囊橐、馬少頃、擲一裹下、又少頃、繼一篋下、乙舉篋、知有物、乃破篋、以手揣取、凡沉重物悉納一囊、負之疾走、竟取道歸、由此建樓閣、買良田、為子納粟、邑扁其門曰善士、後大案發、群寇悉獲、惟乙無名籍、莫可查詰、得免事寢既久、乙醉後時自述之、

曹有大寇某、得重資歸、肆然安寢、有二三小盜踰

垣入，捉之索金，某不與，灼筆並施，罄所有乃去。某
向人曰：吾不知炮烙之苦如此，遂深恨盜，投充馬
捕，邑寇殆盡，獲曩寇，亦以所施者施之。

聊齋誌異卷之八

般陽蒲松齡柳泉甫著

田七郎

武承休、遼陽人、喜交遊、所與皆知名士、夜夢一人告之曰、子交遊徧海內、皆濫交耳、惟一人可共患難、何反不識、問何人、曰田七郎、醒而異之、詰朝見所與遊、輒問田七郎、客或識為東村業獵者、武敬詣諸其家、以馬箠過門、未幾一人出、年二十餘、顴目蜂腰、着膩

哈衣、皂犢鼻、多白補綴、拱手於額而問所自。武展姓字、且托途中不快、借廬憇息。問田七郎、答曰、即我也是。遂延客入、見破屋數椽、木岐支壁、入一小室、虎皮狼脫、懸布楹間、更無杌榻可坐。七郎就地設皋比焉。武與語、言詞朴質、大悅之。遽貽金作生計。七郎不受、固與之。七郎受以白母。俄頃將還、固辭不受。武強之再四。母龍鍾而至、厲聲曰、老身止此子、不欲令事貴客。武慚而退。歸途展轉、不解其意。適從人於舍後聞

母言、因以告武、先是七郎持金告母、曰、我適睹公
子有晦紋、必罹奇禍、聞之、受人知者、分人憂、受人恩
者、急人難、富人報人以財、貧人報人以義、無故而得
重賂、不祥、恐將取死、報於子矣、武聞之、深嘆母賢、然
益傾慕七郎、翌日、設筵招之、辭不至、武登其堂、坐而
索飲、七郎自行酒、陳鹿脯、殊盡情禮、越日、武邀酬之、
乃至、欸洽甚歡、贈以金、復不受、武托購虎皮、乃受之、
歸視所蓄、計不足償、思再獵、而後獻之、入山三日、獵

無所獲、無何會妻病、守視湯藥、不遑操業、浹旬妻奄忽以死、為營葬具、所受金稍耗去、武親臨唁送禮儀、優渥、既葬、負弩山林、益思所以報武、而迄無所得、武探得其故、輒勸勿急、切望七郎姑一臨存、而七郎終以負責為憾、不肯至、武因先索舊藏以速其來、七郎檢視故革、則蠹蝕殃敗、毛盡脫、懊喪益甚、武知之、馳行其庭、極意慰解之、又視敗革曰、此亦復佳、僕所欲得、原不以毛、遂軸轉出、兼邀同往、七郎不可、乃自

歸七郎念終不足以報武裹糧入山凡數夜忽得一虎全而餽之武喜治具請三日留七郎辭之堅武鍵庭戶使不得出賓客見七郎朴陋竊謂公子妄交而武周旋七郎殊異諸客爲易新服却不受乘其寐而潛易之不得已而受焉既去七郎奉母命返新衣索其敝綴武笑曰歸語老姥故衣已拆作履襯矣自是七郎日以兔鹿相貽招之即不復至武一日詣七郎值出獵未返媼出倚閭而語曰再勿引致吾兒大不

懷好意、武敬禮之、慚而退、半年許、家人忽白、七郎為
 爭獵豹、毆死人命、捉將官裡去、武大驚馳視之、已械
 收在獄、見武無言、但云此後煩惱老母、武慘然出、急
 以重金賂邑宰、又以百金賂仇主、月餘無事、釋七郎
 歸、母慨然曰、子髮膚受之武公子、非老身所得而愛
 惜者矣、但祝公子終百年無災患、即兒福也、七郎欲
 詣謝武、母曰、往則往耳、見武公子勿謝也、小恩可謝、
 大恩不可謝、七郎見武、溫言慰藉、七郎唯、家人

咸怪其疎、武喜其誠、篤厚遇之、由是恒數日留公子、家餽遺輒受、不復辭、亦不言報會、武初度賓從繁多、夜舍屢滿、武偕七郎卧斗室中、三僕即牀下藉葛藁、二更向盡、諸僕皆睡去、兩人猶刺々語、七郎佩刀挂壁間、忽自騰出、匣數寸許、錚々作响、光閃爍如電、武驚起、七郎亦起、問床下卧者何人、武答皆廝僕、七郎曰、此中必有惡人、武問故、七郎曰、此刀購諸異國、殺人未嘗濡縷、今佩三世矣、決首至千計、尚如新發、于

研見惡人則鳴躍當去殺人不遠矣公子當親君子遠小人或萬一可免武領之七郎終不悅輾轉床席武曰災祥數耳何憂之甚七郎曰我諸無恐怖徒以有老母在武曰何遽至此七郎曰無則便佳蓋床下三人一為林兒是老彌子能得主人歡一童僕年十二三武所常役者一李應最拗拙每因細事與公子裂眼爭武恒怒之當夜嘿念疑必此人詰旦喚至善言絕令去武長子紳娶王氏一日武出留林兒居守

齋中菊花方燦、新婦意翁出、齋庭當寂、自詣摘菊、林兒爰出、勾戲婦、欲遁、林兒強携入室、婦啼拒、色變、殺嘶、紳奔入、林兒方釋手逃去、武歸聞之、怒、覓林兒、竟已不知所之、過二三日、始知其投身某御史家、某官都中、家務盡委決於弟、武以同袍意、致書索林兒、某弟竟置不發、武益恚、質詞邑宰、勾牒雖出、而隸不捕、官亦不問、武方忿怒、適七郎至、武曰、君言驗矣、因與告訴、七郎顏色慘變、終無一語、即逕去、武囑幹僕、邏

察林兒、林兒夜歸、馬邏者所獲執見武、掠楚之林兒語侵武、叔恒故長者、恐姪暴怒致禍、勸不如治以官法、武從之、繫赴公庭、而御史家刺書郵至、宰釋林兒、付紀綱以去、林兒意益肆、倡言叢衆中、誣主人婦與私、武無奈之何、忿塞欲死、馳登御史門、俯仰叫罵、里舍勸慰令歸、逾夜忽有家人白林兒被人鬻割、拋尸橫野間、武驚喜、意氣稍舒、俄聞御史家訟其叔侄、遂偕叔赴質、宰不聽辨、欲答恒、武抗聲曰、殺人莫

須有至辱詈縉紳則生寔爲之無與叔事宰置不聞武裂皆欲上羣役禁捽之操杖隸皆紳家走狗恒又老髦籤數未半奄然已死宰見恒斃亦不復究武號且罵宰亦若弗聞也者遂舁叔歸哀憤無所爲計思欲得七卽謀而七卽更不一弔問竊自念待七卽不薄何遽如行路人亦疑殺林兒者必七卽轉念果爾胡得不謀於是使人探諸其家至則扃錮寂然鄰人並不知耗一日某弟方在內廨與宰關說值晨進薪

水忽一樵人至前釋担抽利刃直奔之某惶急以手格刃落斷腕又一刀始決其首宰大驚竄去樵人猶張皇四顧諸役吏急闔署門操杖疾呼樵人乃自頸死紛紛集認識者知爲田七郎宰驚定始出覆驗見七郎僵卧血泊中手猶握刃方停足審視尸忽崛起躍起竟決宰首已而復踣衙官捕其母子則亡去已數日矣武聞七郎死馳哭盡哀咸謂其主使七郎武破產夤緣當路始得免七郎尸棄原野三十餘日

禽犬環守之。武取之厚葬焉。其子流寓於登、變姓爲
佟，起行伍，以功至同知將軍。歸遼武已八十餘，乃指
示其父墓焉。

異史氏曰：一錢不輕受，正其一飯不忘者也。賢哉
母乎！七郎憤未盡雪，死猶伸之，抑何其神。使荆卿
能爾，則千載無遺恨矣。苟有其人，亦可以補天網
之漏。世道茫茫，恨七郎少也。悲夫！

保住

吳藩未叛時、嘗諭將士、有獨力能擒一虎者、優以廩祿、號打虎將。中一人名保住、健捷如猿、邸中建高樓、梁木初架、保住沿樓角而登、頃刻至巔、立脊標上、疾趨而行、凡三四返、已乃踴身躍下、直立挺然、王有愛姬善琵琶、所御琵琶、以煖玉為牙柱、抱之一室、生溫、姬寶藏、非王手諭、不出示人、一夕宴集、客請一觀、其異、王適惰、期以異日、時住在側、曰、不奉王命、臣能取之、王使人馳告府中、內外戒備、然後遣之、住踰數

十重垣、始達姬院、見燈輝室中、而門扃錮不得入、廊下有鸚鵡宿架上、住乃作猫子叫、既而學鸚鵡鳴、疾呼猫來、擺撲之、殺且急、聞姬云、綠奴可急視鸚鵡、被撲殺矣、住隱身暗處、俄一女子挑燈出、身甫離門、住已塞入、見姬守琵琶在几上、徑携趨出、姬愕呼、寇至、防者盡起、見住抱琵琶走、逐之不及、攢矢如雨、皆莫能中、住躍登樹上、墻下故有大槐、三十餘章、住穿樹行杪、如鳥移枝、樹盡登屋、盡登樓、飛奔殿閣、不啻

翅翎瞥然間不知所在、客方飲、住抱琵琶、飛落筵前、
門扃如故、鷄犬無聲、

公孫九娘

于七一案、連坐被誅者、棲霞萊陽兩縣最多、一日俘
數百人、盡戮於演武場中、碧血滿地、白骨撐天、上官
慈悲、捐給棺木、濟城工肆、材木一空、以故伏刑東鬼
多葬南郊、甲寅間、有萊陽生至、稷下有親友二三人
亦在誅數、因市楮帛、酬奠墓墟間、就稅舍於下院之

僧明日入城營幹。日暮未歸。忽一少年造室來訪。見生不在。脫帽登床。著履仰卧。僕人問其誰何。合眸不對。既而生歸。見暮色朦朧。不甚可辨。自詣床下問之。瞠目曰。我侯汝主人。絮々逼問。我豈暴客耶。生笑曰。主人在此。少年急起。着冠揖而坐。極道寒暄。聽其音似曾相識。急呼燈至。則同邑朱生。亦死於于七之難者。大駭。却走。朱曳之云。僕與君文字交。何寡於情。我雖鬼。故人之念。耿耿。不去心。今有所瀆。願勿以異物

遂猜薄之。生乃坐請所命。曰：「令甥女寡居無偶，僕欲得以主中饋，屢通媒妁，輒以無尊長之命為辭。幸無惜齒牙餘惠。先是生有甥女，早失恃，遺生鞠養。十五歲始歸其家。倖至濟南，聞父被刑，驚慟而卒。生曰：『渠自有父，何我之求？』」朱曰：「其父為猶子啟櫬去，今不在此。」問甥女向依阿誰？曰：「與鄰媼同居。生慮生人不能作鬼媒。」朱曰：「如蒙金諾，還屈玉趾。」遂起握生手。生固辭，問何之？曰：「第行。」生勉從與去。北行里許，有大村落。

約數十百家至一宅第。朱以指彈扉，即有媼出，豁開二扉，問朱何為。曰：煩達娘子。阿舅至，媼旋返。須臾復出，邀生入。顧朱曰：兩椽茅舍，子太隘。勞公子門外少坐。侯生從媼入，見半畝荒庭，列小室二。甥女迎門，啜泣。生亦泣。室中燈火熒然，女貌秀潔如生時。凝目含涕，徧問姪姨生曰：俱各無恙，但荆人物故矣。女復嗚咽曰：兒少受姪母撫育，尚無寸報，不圖先葬溝瀆，殊為恨。舊年伯家大哥遷父去，置兒不一念。數百

里外伶仃如秋燕、舅不以沉魂可棄、又蒙賜金帛、兒
 已得之矣、生乃以朱言告女、俛首無語、媼曰、朱公
 子曩托楊姥三五返、老身謂是大好、小娘子不肯自
 草、得舅為政、方可意慊、言次一十七、八女郎、從一
 青衣、遽掩入、瞥見生、轉身欲遁、女牽其裾曰、勿須爾
 此阿舅、非他人、生揖之、女郎亦歛衽、甥曰、九娘棲霞
 公孫氏、阿爹故家子、今亦窮、波斯落、不稱意、旦晚
 與兒還往、生睨之、笑、彎秋月、羞暈朝霞、寔天人也、曰

可知是大家。蝸廬人那如此娟好。甥笑曰：「且是女學士詩詞俱大高作。」兒稍得指教。九娘微哂曰：「小婢無端敗壞人教。」阿舅齒冷也。甥又笑曰：「舅斷絃未續，若個小娘子頗能快意否？」九娘咲奔出曰：「婢子顛瘋作矣。」遂去。言雖近戲，而生殊愛好之。甥似微察，乃曰：「九娘才貌無雙，舅倘不以糞壤致猜，兒當請諸其母，生乃大悅。然慮人鬼難匹。」女曰：「無傷。」彼與舅有夙分，生乃出，女送之曰：「五日後月明人靜，當遣人往相迓。」生至

戶外不見朱。翹首西望。月啣半規。昏黃中猶認舊徑。見南面一第。朱坐門石上。起逆曰。相待已久。寒舍即勞垂顧。遂携手入殷。展謝出金爵一。晉珠百枚曰。他無長物。聊代禽儀。既而曰。家有濁醪。但幽室之物。不足款嘉賓。奈何。生搗謝而退。朱送至中途始別。生歸。僧僕集問。生隱之曰。言鬼者妄也。適赴友人飲耳。後五日果見朱來。整履搖箴。意甚忻適。纔至戶庭。望塵即拜。少間笑曰。君嘉禮既成。慶在今夕。便煩枉步。

生曰、以無回音、尚未致聘、何遽成禮、朱曰、僕已代致之矣、生深感荷、從與俱去、直達朱所、則甥女華妝迎、咲、生問何時于歸、朱云三日矣、生乃出所贈珠為甥助妝、女三辭乃受、謂生曰、兒以舅意、白公孫老夫人、夫人作大歡喜、但言老毫無他骨肉、不欲九娘遠嫁、期今夕舅往、贅諸其家、伊家無男子、便可同即往也、朱乃導生去、村將盡、一第門開、二人登其堂、俄白老夫人至、有二青衣扶嫗升階、生欲展拜、夫人云、老朽

龍鍾不能爲禮、當即脫邊幅、指畫青衣、置酒高會、朱
乃喚家人另出肴俎、列置生前、亦別設一壺、爲客行
觴、筵中進饌、無異人世、然主人自舉、殊不勸進、既而
席罷、朱歸、青衣導生去、入室、則九娘華妝凝待、邂逅
含情、極盡歡暱、初九娘母子、原解赴都、至郡、母不堪
困苦、死、九娘亦自剄死、枕上追述往事、哽咽不能成
眠、乃口占兩絕云、昔日羅裳化作塵、空將業果恨前
身、十年露冷楓林月、此夜初逢畫閣春、其二曰、白楊

風雨遶孤墳、誰想陽台更作雲、忽啓縷金箱裏看、血
腥猶染舊羅裙、生聞咏、亦大慘然、天將明、九娘促云、
君宜且去、勿驚廝僕、自此晝來宵往、嬖惑殊深、一夕
問九娘、此村何名、曰萊霞里、中多兩處新鬼、因以
為名、生聞之、歎歎、女悲曰、千里柔魂、蓬遊無底、母子
零孤、言之悽惻、幸念一夕恩義、收妾骨歸葬墓側、使
百世得所依棲、死且不朽、生諾之、女曰、人鬼路殊、君
亦不宜久滯、乃以羅襪贈生、揮涕促別、生凄然而出、

惻怛若喪、心悵、不忍歸、因過拍朱生之門、朱白足
出逆、甥亦起、雲鬢龍髻、驚來省問、生怡悵移時、始述
九娘語、女曰、姪氏不言、兒亦夙夜圖之、此非人世、久
居誠非所宜、於是相對沈瀾、生亦含涕而別、叩寓歸、
寢輾轉達旦、欲覓九娘之墓、而忘問誌表、及夜復往、
則千坎纍、竟迷村落、嘆恨而返、展視羅襪、着風寸
斷、腐如灰燼、遂治裝東旋、半載不能自釋、復如稷門、
冀有所遇、及抵南郊、日色已晚、息駕庭樹、趨詣叢葬

所但見坟兆相接、迷目榛荒、鬼火狐鳴、駭人心目、驚
悼歸舍、失意遨遊、返轡遂東、行里許、遙見女郎獨步
墟墓間、神情意致、怪似九娘、揮鞭就視、果九娘也、下
騎與語、九娘逕走、若不相識、再逼近之、色作怒意、舉
袖自障、頓呼九娘、則烟然沒矣、

異史氏曰、香草沉羅、血滿胸臆、東山佩玦、泪漬泥
沙、古有孝子忠臣、至死不諒於君父者、公孫九娘、
豈以負骸骨之託、而怨懟不釋於中耶、脾膈間物、

不能掬以相示、冤乎哉、

促織

宣德間、宮中尚促織之戲、歲征民間、此物故非西產、有華陰令欲媚上官、以一頭進、試使鬪而才、因責常供、令以責之里正、市中遊狹兒、得佳者籠養之、昂其直、居為奇貨、里胥猾黠、假此科歛丁口、每責一頭、輒傾數家之產、邑有成名者、操童子業、久不售、為人迂訥、遂為猾胥報充里正役、百計營謀、不能脫、不終歲

薄產累盡、會征促織、成不敢歛戶口、而又無所賠償、
憂悶欲死、妻曰、死何裨益、不如自行搜覓、冀有萬一
之得、成然之、早出暮歸、提竹筒銅絲籠、於敗堵叢草
處、探石發穴、靡計不施、迄無濟、即捕得三兩頭、又陋
劣、不中於款、宰嚴限追比、旬餘、杖至百、兩股間膿血
流漓、並蟲亦不能行、捉矣、轉側床頭、惟思自盡、時村
中來一駝背巫、能以神卜、成妻具貲詣問、見紅女白
婆、填塞門戶、入其舍、則密室垂簾、外設香几、問者

焚香於鼎、再拜、巫從旁望空代祝、唇吻翕闢、不知何
 詞、各々竦立以聽、少間、簾內擲一紙出、即道人意中
 事、無毫髮爽、成妻納紙錢案上、焚拜如前人、食頃、簾
 動、片紙拋落、拾視之、非字而画、中繪殿閣、類蘭若、後
 小山下、怪石亂卧、針々叢刺、青麻頭伏焉、旁一蟆若
 將跳舞、展玩不可曉、然睹促織、隱中胸懷、摺藏之歸、
 以示成、々反復自念、得勿教我獵虫所也、細瞻景狀、
 與村東大佛閣真逼似、乃強起扶杖、執圖詣寺、後有

古陵蔚起、循陵而走、見蹲石嶙峋、儼然類画、遂於蒿
萊中側聽徐行、似尋針芥、而心目耳力俱窮、絕無踪
响、冥搜未已、一癩頭螻猝然躍去、成益愕、急逐趣之、
蟆入草間、跼跡披求、見有虫伏棘根、遽撲之、入石穴
中、撥以尖草、不出、以筒水灌之、始出、狀極俊健、逐而
得之、審視巨身、修尾、青項、金翅、大喜、籠歸、舉家慶賀、
雖連城拱壁、不啻也、土於盆而養之、蟬白栗黃、備極
護愛、留待限期、以塞官責、成有子九歲、窺父不在、竊

發盆虫躍躑逕出、迅不可捉、及撲入手、已股落腹裂、斯須就斃、兒懼、啼告母、聞之、面色灰死、大罵曰、孽根死期至矣、而翁歸、自與汝覆算耳、兒涕而出、未幾成歸、聞妻言、如被冰雪、怒索兒、渺然不知所往、既得尸於井、因而化怒爲悲、搶呼欲絕、夫妻向隅、茅舍無烟、相對嘿然、無復聊賴、日將暮、取兒藁葬、近撫之、氣息啜然、喜寘榻上、半夜復甦、夫妻心稍慰、但蟋蟀籠虛、顧之則氣斷、殺吞、亦不敢復究、兒自昏達曙、目

不交睫、東曦既駕、僵卧長愁、忽聞門外虫鳴、驚起覘
視、虫宛然尚在、喜而捕之、一鳴輒躍去、行且速、覆之
以掌、虛若無物、手輒舉、則又超忽而躍、急趣之、折過
墻隅、迷其所往、徘徊四顧、見虫伏壁上、審諦之、短小
黑赤色、頸非前物、成以其小劣之、惟徬徨瞻顧、尋所
逐者、壁上小虫、忽躍落襟袖間、視之、形如土狗、梅花
翅、方首、長脰、意似良、喜而收之、將獻公堂、惴、恐不
當、意思試之、聞以覘之、村中少年好事者、馴養一虫、

自名蟬殼青、日與子弟角、無不勝、欲居之以爲利、而高其直、亦無售者、逕造廬、訪成、視成所畜、掩口胡盧而笑、因出已虫、納比籠中、成視之、龐然修偉、自增慚、忤不敢與較、少年固強之、顧念蓄劣物、終無所用、不如拚博一咲、因合納罇、盆小虫伏不動、蠢若木雞、少年又大咲、試以猪鬣毛撩撥虫鬚、仍不動、少年又咲、屢撩之、虫暴怒、直奔、遂相騰擊、振奮作聲、俄見小虫躍起、張尾伸鬚、直齧敵領、少年大駭、解令休止、虫翹

然矜鳴似報主知成大喜方共瞻玩一鷄瞥來逕進以啄成駭立愕呼幸啄不中虫躍去尺有咫鷄健進逐逼之虫已在爪下矣成倉猝莫知所救頓足失色旋見鷄伸頸擺撲臨視則虫集冠上力叮不釋成益驚喜掇置籠中翌日進宰見其小怒訶成述其異宰不信試與他虫鬪虫盡靡又試之鷄果如成言乃賞成獻諸撫軍撫軍大悅以金籠進上細疏其能既入宮中舉天下所貢蝴蝶螳螂油利撻青絲額一

切異狀、徧試之、無出其右者、每聞琴瑟之聲、則應節而舞、益竒之、上大嘉悅、詔賜撫臣名馬、衣綴、撫軍不忘所自、無何、宰以卓異聞、宰悅、免成役、又囑學使俾入邑庠、由此以善養虫名、屢得撫軍殊寵、不數歲、田百頃、樓閣萬椽、牛羊蹄躐各千計、一出門、裘馬過世家焉。

異史氏曰、天子偶用一物、未必不過此已忘、奉行者即為定例、加之官貪吏虐、民日貼婦賣兒、更無

休止故天子一跬步皆關民命不可忽也獨是成
氏子以蠹貧以促織富裘馬揚過於世家當其
為里正受朴責時豈意至此哉天將以酬長厚之
德遂使撫臣令尹並受促織恩蔭聞之一人飛昇
仙及鷄犬信夫

王阮亭云宣德治世宣宗令主其臺閣大臣又三
楊蹇夏諸君子願以草虫織物殃民至此耶惜哉
抑傳聞異辭耶

柳秀才

明季蝗生青兗間、漸集於沂、令憂之、退卧署幕、夢一秀才來謁、我冠綠衣、壯貌修偉、自言禦蝗有策、詢之、答云、明日西南道上有婦跨碩腹牝驢子、即蝗神也、哀之可免、令異之、詰旦治具出邑南、伺良久、果有婦高髻褐帔、獨輓老蒼衛、緩蹇北度、令即焚香捧卮酒、迎拜道左、捉驢不令去、婦問大夫將何為、令便哀懇、區、小治、幸憫脫蝗口、婦曰、可恨柳秀才饒舌、洩

我密機、當即以其身受不損禾稼可耳、乃盡三卮、暫不復見、後蝗來飛蔽天日、然不落禾田、但集楊柳、過處柳葉都盡、方悟秀才柳神也、或云是宰官憂民所感、誠然哉、

王阮亭云、柳秀才有大功德於沂、雖百世紀可也、

水災

康熙二十一年苦旱、自春徂夏、赤地無青草、六月十

三日小雨始有種菽者十八日大雨沾足乃種豆一日石門庄有老叟暮見二牛鬪山上謂村人曰大水將至矣宜携家播遷村人共笑之無何雨暴注徹夜不止平地水深數尺居廬盡沒一農人棄其兩兒與妻扶老母奔避高埠下視村中已為澤國並不復念及兒矣及水落歸家見一村盡成坵墟入門視之則一屋僅存兩兒並坐床頭嬉笑無恙咸謂夫妻之孝報云此六月二十二日事

康熙三十四年、平陽地震、人民死者十之七八、城郭盡墟、惟東郭僅存一舍、則王孝子家也、茫々大劫中、惟孝嗣無恙、誰謂天公無皂白耶、

諸城某甲

學師孫景夏先生言、其邑中某甲者、值流寇之亂、被殺、首垂胸前、寇退、家人得尸、將舁、葬之、聞其氣縷々然、審視之、咽不斷者盈指、遂扶其頭、荷之以歸、經一晝夜始呻、以匕箸稍々哺、飲食半年竟愈、又十餘年、

與二三人聚談或作一斛頤語衆爲闌堂甲亦鼓掌一俯仰間刀痕暴裂頭墮血流而氣絕矣甲父將訟笑者衆歛金賂之又葬甲乃解

異史氏曰一笑頭落此千古第一大笑也頸連一綫而不死直待十年後成一咲獄豈非二三鄰人負債前生耶

庫官

鄒平張華東奉旨祭南嶽道出江淮間將宿驛亭前

驅白驛中有怪異宿之必致紛紜公弗聽宵分冠劍而坐俄聞鞞聲入則一頌白叟皂紗黑帶怪而問之叟稽首曰我庫官也為大人典藏有日矣幸節鉞遙臨下官釋此重負問庫存幾何答云二萬三千五百金公慮多金累綴約歸時盤驗叟唯々而退張至南中餽遺頗豐及還宿驛亭叟復出謁及問庫物曰已撥遼東兵餉矣深訝其前後之乖叟曰人世祿命皆有額數鎰銖不能增損大人此行應得之數已得矣

又何求言已竟去。張乃計其所獲與所言庫數適相
昭合。方嘆飲啄有定。不可以妄求也。

鄴都御史

鄴都縣外有洞深不可測。相傳閔王署其中。一切獄
具皆借人工。桎梏朽敗輒擲洞口。邑宰即以新者易
之。經宿失所在。供應度支載之。經制明有御史行臺。
華公按及鄴都。聞其說不以為信。欲入洞以決其惑。
人輒言不可。公弗聽。秉燭而入。以二役從。深抵里許。

燭暴滅視之階道濶朗有廣殿十餘間列坐尊官袍
笏儼然惟東首虛一座尊官見公至降階而迎笑問
曰至矣乎別來無恙否公問此何處所尊官曰此冥
府也公愕然告退尊官指虛座云此爲君座那丁復
還公益懼固請寬宥尊官曰定數何可逃也遂檢一
卷示公上註云某月日某以肉身歸陰公覽之戰慄
如濯冰水念母老子幼泣然流涕俄有金甲神人捧
黃帛書至群拜拜啟讀已乃賀曰君有還陽之機矣

公喜致問曰適接帝詔大赦幽冥可爲君委折原例耳乃示公途而出數武之外冥黑如漆不辨行路公甚窘苦忽一神將軒然而入赤面長髯光射數尺公迎拜而哀之神將曰誦佛經可出言已而去公自計經咒多不記憶惟金剛經頗曾習之遂乃合掌而誦頃覺一綫光明映照前路忽有遺忘之句則目前頓黑定想移時復誦復明乃始得出其二從人則不可知矣

王阮亭云、閼羅天子廟、在鄆都南門外平都山上、
旁即王方平洞、無他異、但山半有九蟒御史廟、神
像猙獰惡事亦荒唐、

狐諧

萬福字子祥、博興人、幼業儒家、少有而運殊蹇、行年
二十有奇、尚不能掇一芹、鄉中流俗、多報富戶役長、
、厚者每至破其家、萬適報充役、懼而逃、如濟南、稅
居逆旅、夜有奔女、顏色頗麗、萬悅而私之、請其姓氏、

女自言寔狐、但不爲君祟耳、萬喜而不疑、女囑勿與客共寢處、凡日用所需、無不仰給於狐、居無何、二三相識輒來造訪、恒信宿不去、萬厭之而不便拒、不得已以寔告客、願一覩仙容、萬白於狐、謂客曰、見我何爲哉、我亦猶人耳、聞其聲、歷歷在目前、四顧即又不見、客有孫得言者、善誹謔、固請見、且謂得聽嬌音、魂魄飛越、何客容華、徒使聞聲相思、狐咲曰、賢孫子欲爲高曾祖母作行樂圖耶、諸客俱咲、狐曰、我爲

狐請與客言狐典、願聞否、衆唯、狐曰、昔某村旅舍、故多狐、輒出祟行客、知之相戒、不宿其舍、半年門戶蕭索、主人大憂、甚諱言狐、忽有一遠方客、自言異國人、望門休止、主人大悅、甫邀入門、即有途人陰告曰、是家有狐、客懼、白主人欲他徙、主人力白其妄、客乃止、入室方卧、見群鼠出於床下、客大駭、驟奔、急呼有狐、主人驚問、客怨曰、狐巢於此、何誑我言無、主人又問所見何狀、客曰、我適所見、細、么麼、不是狐兒、

必當是狐孫子。言罷，坐客爲之粲然。孫曰：「既不賜見，我輩宜留宿，勿去。」阻其陽台。狐咲曰：「寄宿無妨，倘有小迂犯，幸無滯懷。」衆恐其惡作劇，乃共散去。然數日必一來，索狐咲罵。狐諧甚，每一語即顛倒賓客滑稽者，不能屈也。群戲呼爲狐娘子。一日置酒高會，萬居主人位，孫與二客分左右坐。上設一榻，屈狐，辭不善酒，咸請坐談。許之。酒數行，衆擲骰爲瓜蔓之令。一客值瓜色，當飲。戲以觥移上座，曰：「狐娘子大清醒，暫

借一觴狐咲曰我固不飲願陳一典以佐諸公飲孫掩耳不樂聞客皆言曰罵人者當罰狐咲曰我罵狐何如衆曰可於是傾耳共聽狐曰昔一大臣出使紅毛國著狐腋冠見國王見而異之問何皮毛深溫厚乃爾大臣以狐對王言此物生平所未曾得聞狐字畫何等使臣書空而奏曰右邊是一大瓜左邊是一小犬主客又復閑堂二客陳氏兄弟一名所見一名所聞見孫大窘乃曰雄狐何在而縱雌狐流毒

若此狐曰、適一典談猶未終、遂為群吠所亂、請終之、國王見使臣乘驟、甚異之、使臣告曰、此馬之所生、又大異之、使臣曰、中國馬生驟、驟生駒、王細問其狀、使臣曰、馬生驟、是臣所見、驟生駒、是臣所聞、舉坐又大咲、衆知不敵、乃相約、後有開謔端者、罰作東道主、頃之酒酣、孫戲謂萬曰、有一聯請君屬之、萬曰、何如、孫曰、妓者出門訪情人、來時萬福、去時萬福、合座屬思不能對、狐咲曰、我有之矣、衆共聽之、曰、龍王下

下詔求直諫。鱉也得言。龜也得言。四座無不絕倒。孫
大憲曰。適與爾盟。何復犯戒。狐咲曰。罪誠在我。但非
此不能確對耳。明旦設席以贖吾過。相咲而罷。狐之
詼諧不可殫述。居數月。與萬偕歸。及博興界。告萬曰。
我此處有葭葦親。往來久梗。不可不一訊。日且暮。與
君同寄宿。待旦而行可也。萬詢其處。指言不遠。萬疑
前此故無村落。姑從之行。二里許。果見一莊。生平所
未歷。狐即叩閤。一蒼頭出應門。入則重樓疊閣。宛然

世家俄見主人、有翁媼揖萬而坐、列筵豐盛、待萬以
姻婭禮、遂宿焉、狐早起謂萬曰、我遽偕君歸、恐駭聞
聽、君宜先往、我將繼至、萬從其言、先至、豫白於家人、
未幾狐至、與萬言笑、人盡聞之、而不見其人、踰年萬
復有事於濟、狐又與俱、忽有數人來、狐從與語、備極
寒暄、乃謂萬曰、我本陝中人、與君有夙因、遂從爾許
時、今我兄弟至矣、將從以歸、不能周事、留之不可、竟
去、

王阮亭云、此狐辨而黠、當是東方曼倩一流、又即
妙絕解人頤、

雨錢

濱州一秀才、讀書齋中、有款門者、啓視則皤然一翁、
形貌甚古、延之入、請問姓氏、翁自言養真、姓胡、寔乃
狐仙、慕君高雅、願共晨夕、秀才故曠達、亦不為怪、遂
與評駁今古、翁殊博洽、鏤花雕績、粲於牙齒、時抽經
義、則名理湛深、尤覺非意所及、秀才敬服、留之甚久、

一日密祈翁曰。君愛我良厚。願我貧若此。君但一舉手。金錢宜可立致。何不少爲周給。翁嘿然。似不以爲可。少間笑曰。此大易事。但須得十數錢作母。秀才如其請。翁乃與共入密室中。禹步作咒。俄頃錢有數十百萬。從梁間鏘々而下。勢如驟雨。轉瞬沒膝。拔足而立。又沒踝。廣丈之舍。約深三四尺許。乃頽語秀才。願厭君意否。曰足矣。翁一揮錢。即盡然而止。乃相與扃戶出。秀才竊喜。自謂暴富。頃之入室取用。則阿堵物

皆為烏有、惟母錢十餘文、寥々尚在、秀才大失所望、
盛氣向翁、頗懟其誑、翁怒曰、我本與君文字交、不謀
與君作賊、欲如君意、只合尋梁上君子交、如耳、老夫
不能承命、遂拂衣去、

妾杖擊賊

益都西鄙之貴家某者、富有巨金、蓄一妾頗婉麗、而
冢室凌折之、鞭撻橫施、妾奉事之惟謹、某甚憐之、往
往私語慰撫、妾殊未嘗有怨言、一夜、數賊踰墻入、撞

其扉幾壞。某與妻惶遽喪魄。搖顫不知所為。妾起。嘿無聲息。暗摸屋中。得挑水木杖一條。拔開遽出。群賊亂如蓬麻。妾舞杖動。風鳴鉤响。擊四五人仆地。賊盡靡。駭愕亂奔。墻下急不得上。傾跌呶啞。亡魂喪命。妾拄杖於地。頤而咲曰。此等物事。不直下手打得。亦學作賊。我不汝殺。嫌辱我。悉縱之逸去。某大驚。問何自能爾。則妾父故鎗棒教師。妾盡傳其技。殆不啻百人敵也。妻尤駭甚。悔向之迷於物色。由是善顏視妾。

遇之反如嫡、然妾終無纖毫失禮、鄰婦或謂妾曰、嫂擊賊如犬豕、顧奈何俛首受撻、楚妾曰、是吾分耳、他何敢言、聞者益賢之、

異史氏曰、身懷絕技、居數年而人莫之知、而卒之捍患禦災、化鷹為鳩、嗚呼、射雉既獲、內人展笑、握槊方勝、貴主同車、技之不可以已也、如是夫、

秀才驅怪

長山徐遠公、故明諸生也、鼎革後、棄儒訪道、稍學

勅勒之術、遠近多耳其名、某邑一鉅公、具幣致誠、歛書、招之以騎、徐問、召某何意、僕辭以不知、但囑小人務屈降臨耳、徐乃行、至則宴饌盛設、禮遇甚恭、然終不道其致迎之旨、徐不耐、因問曰、寔欲何為、幸祛疑抱、主人輒言無他、但勸杯酒、言詞烟爍、殊所不解、談話之間、不覺向暮、邀徐飲園中、園構造頗佳、勝而竹樹蒙翳、景物陰森、雜花叢、半沒草萊、抵一閣覆板上、懸蛛錯綴、大小上下、不可以數、酒數行、天色曠暗、

命燭復飲。徐辭不勝酒。主人即罷酒呼茶。諸僕倉惶
徹肴器盡。納閣之左室几上。茶啜未半。主人托故竟
去。僕人便持燭引宿左室。燭置案上。遽返身去。頗甚
草草。徐疑或携襪被來伴。久之。人聲殊杳。即自起。扃
戶寢。窓外皎月入室。侵床。夜烏秋蟲一時啾唧。心中
怛然。不成夢。寢頃之板上橐橐似踏蹴聲甚厲。俄下
護梯。俄近寢門。徐駭。毛髮蜷立。急引被覆首。而門已
豁然頓闢。徐展被角微伺之。見一物獸首人身。毛周

其體長如馬鬃、深黑色、牙緊羣峰、目炯雙炬、及几伏
餽器中、刺肴、舌一過、連數器、輒罄如掃、已而趨近榻、
嗅徐被、徐驟起、翻被、羃怪頭、極力按之、狂喊怪出不
意、驚脫啓外戶、竄去、徐披衣起、遁則園門外、局不可
得出、緣牆而走、擇短垣踰、則主人馬廐也、廐人驚、徐
告之、故即就乞宿、將旦、主人使伺徐、失所在、大駭、已
而得之廐中、徐出、大恨、怒曰、我不慣作驅怪術、君遣
我又秘不一言、我囊中蓄如意鈎、又不送達寢所、是

欲死我也。主人謝曰：擬即相告，慮君難之。初亦不知
橐有藏鉤，幸宥十死。徐終快，即索騎歸。自是怪亦
遂絕。主人宴集團中，輒咲向客曰：我不忘徐生功也。
異史氏曰：黃狸、黑狸得鼠者，雄。此非空言也。假令
翻被狂喊之後，隱其所駭懼，而公然以怪之遁為
己能，天下必將謂徐生真神人不可及。

姊妹易嫁

掖縣相國毛公，家素微。其父嘗為人牧牛，時邑世族

張姓者、有新阡在東山之陽、或經其側、聞墓中叱咤、
穀曰、若等速避去、勿久溷貴人宅、張聞亦未深信、既
又頻得夢警曰、汝家墓地、本是毛公佳城、何得久假、
由是家數不利、客勸徙葬吉、張聽之、遂徙焉、一日相
國父牧出、張家故墓、猝遇雨、匿身廢壙中、已而雨益
傾盆、潦水奔穴、崩洶灌注、遂溺以死、相國時尚孩童、
母自詣張、願乞咫尺地、掩兒父、張徵知其姓氏、大異
之、行視溺死所、適當置棺處、又益駭、乃使就故壙、窆

焉且令携若兒來、塋已、母偕兒詣張申謝、張一見輒喜、即留其家、教之讀、以齒子弟行、又請以長女妻兒、母不敢應、張妻云、既已有言、奈何、中改、遂訂盟焉、然此女甚薄、毛家怨慚之意形於顏色、有人或道及、輒掩其耳、每向人曰、我死不從牧牛兒、及親迎新郎入宴、彩輿在門、女掩袂向隅而哭、摧之妝、不妝、勸之亦不辭、俄而新郎告行、鼓樂大作、女猶眼零雨而首飛蓬也、父止婿、自入勸女、涕若罔聞、怒而逼之、益哭

失釁父無奈之何。又家人傳白新郎欲行。父急出言。衣妝未竟。乞少停待。即又奔入視女。往來無停履遷延。少時事愈急。女終無回意。父無計周轉。欲自死。其次女在側。頗非其姊。苦逼勸之。姊怒曰。小妮子亦學人喋聒。爾何不從他去。妹曰。阿爹原不曾以妹子屬毛郎。若以妹子屬毛郎。更何須姊姊勸駕耶。父以其言慊爽。因與伊母竊議。以次易長母。即向女曰。忤逆婢不遵父母命。欲以兒代若姊。兒肯之否。女慨然曰。

父母命兒往、即乞丐不敢辭、且何以見毛家、即便終
當餓殍死乎、父母聞其言大喜、即以姊妝、女倉猝
登車而去、入門、夫婦雅敦述好、然女素病赤鬚、稍
介公意、久之浸知易嫁之說、由是益以知己德女、居
無何、公補博士弟子、應秋闈試、道經王舍人店、主
人先一夕夢神曰、明日當有毛解元來、後且脫汝於
厄、以故晨起、端伺察東來客、及得公、甚喜、供具殊豐
美、不索直、特以夢告、厚自託、公亦頗自負、私以細君

髮簪、慮為顯者笑、富貴後念當易之、已而曉榜既揭、竟落孫山、咨嗟蹇分、懊惋喪志、心赧舊主人、不敢復由王舍、以他道歸、後三年再赴試、店主迎候如初、公曰、爾言初不驗、殊慚祇奉主人曰、君以陰欲易妻故、被冥司黜落、豈妖夢不足以踐公愕而問故、蓋別後復夢云、公聞之、惕然悔懼、木立若偶、主人謂秀才宜自愛、終當作解首、未幾果舉賢書第一人、夫人髮亦尋長、雲鬟委綠、轉更增媚、姊適里中富室兒、意

氣頗自高、其夫蕩情、家漸凌夷、空舍無烟火、聞妹為
孝廉婦、彌增慚怍、姊妹輒避路而行、又無何良人卒、
家益落頃之、公又擢進士、女聞之、刻骨自恨、遂恣然
廢身為尼、及公以宰相歸、強遣女行者、詣府謁問、冀
有所貽、比至、夫人餽以綺縠羅絹若干疋、以金納其
中、而行者不知也、携歸見師、失所望、恚曰、與我金
錢、尚可作薪米費、此等儀物、我何須乎、爾遂令將回、
公及夫人疑之、及啓視、而金具在、方悟見却之意、發

金笑曰、汝師百餘金尚不能任、焉有福澤從我老尚書也、遂以五十金付尼去、曰、將去作爾師用度、多恐福薄人難承荷也、行者歸、具以告師、啞然自嘆、念生平所為、輒自顛倒、美惡避就、繫豈由人耶、後店主以人命事逮繫囹圄、公為力解釋罪、而夫人家亦時周其姊云、

異史氏曰、張公故墓、毛氏佳城、斯已奇矣、余聞時人有大姨夫作小姨夫、前解元為後解元之戲、此

豈慧黠者所能較計耶、嗚呼、彼蒼者天、久不可問、
何至毛公、其靈應如響、

續黃梁

福建曾孝廉、高捷南宮、時與二三新貴、遨遊郊郭、偶
聞毘盧禪院、寓一星者、因並騎往、詣問卜、入揖而坐、
星者見其意氣揚、稍佞諛之、曾搖筮微笑、便問有
蟒玉分否、星者正容許二十年太平宰相、曾大悅、氣
益高、值小雨、乃與遊侶避雨僧舍、中一老僧、深目

高鼻坐蒲團上、偃蹇不爲禮、衆一舉手、登榻自話、群以宰相賀、魯心氣殊高、便指同遊曰、某爲宰相時、推張年丈作南撫、家中表爲參遊、我家老蒼頭亦得小千把、於願足矣、一座大笑、俄聞門外雨益傾注、魯倦伏榻間、忽見有二中使、齎天子手詔、召魯太師決國計、魯得意榮寵、亦烏知其非有也、疾趨入朝、天子前席溫語良久、命三品以下聽其黜陟、不必奏聞、即賜蟒服一襲、玉帶一圍、名馬二匹、魯被服稽首以出、

入家則非舊所居第、繪棟雕榱、窮極壯麗、亦自不解
何以遽至於此、撫鬚微呼、則應諾雷動、俄而公卿進
海物、偃倭足恭者、者疊出其門、六卿來倒屣而迎、侍
卽輩揖與語、下此者、領之而已、晉撫魏女樂十人、皆
是好女子、其尤者爲嬀、爲仙、二人尤蒙寵顧、科
頭休沐、日事穀歌、一日念微時、嘗得邑紳王子良、周
濟、我今置身青雲、渠尚蹉跎仕路、何不一引手、早旦
一疏、薦爲諫議、卽奉俞旨、立行擢用、又念郭太僕曾

睚眦我、即傳呂給諫及侍御陳昌等、授以意旨、越日
彈章交至、奉旨削職以去、恩怨了、頗快心意、偶出
郊衢、醉人適觸鹵簿、即遣人縛送京尹、立斃杖下、接
第連阡者、皆畏勢獻沃產、自此富可埒國、無何而嫫
嫫仙、以次殂謝、朝夕遐想、忽憶曩年見東家女、絕
美、每思購充媵御、輒以綿薄違夙願、今日幸可適志、
乃使幹僕數輩、強納貲於其家、俄頃簾輿舁至、則較
昔之望見時尤艷絕也、自顧生平、於願斯足、又逾年、

朝士竊、似有腹非之者、曾亦高心盛氣、不以置懷、有龍圖學士包拯上疏、其畧曰、竊以曾某原一飲賭無賴市井小人、一言之合、榮膺聖眷、父紫兒朱、恩寵為極、不思捐軀摩頂、以報萬一、反恣胸臆、擅作威福、可死之罪、擢髮難數、朝廷名器、居為奇貨、量缺肥瘠、為價重輕、因而公卿將士、盡奔走於門下、估計夤緣、儼如負販、仰息望塵、不可笑數、或有傑士賢臣、不肯阿附、輕則置之間散、重則褫以編氓、甚且一臂不袒、

輒迂鹿馬之奸、片語方干、遠竄豺狼之地、朝士爲之
寒心、朝廷因而孤立、又且平民膏腴、任肆蠶食、良家
女子、強委禽妝、冷氣冤氛、暗無天日、奴僕一到、則守
令承顏、書函一投、則司院枉法、或有廝養之兒、爪葛
之親、出則乘傳、風行雷動、地方之供給稍遲、馬上之
鞭撻立至、荼毒人民、奴隸官府、扈從所臨、野無青草、
而某方突、赫、怙寵無悔、名對方承於闕下、萋菲
輒進於君前、委蛇緣退於自公、聲歌已起於後苑、聲

色狗馬、晝夜荒淫、國計民生、罔存念慮、世上寧有此
宰相乎、內外駭訛、人情洵、若不急加斧鑕之誅、勢
必釀成操莽之禍、臣拯夙夜祇懼、不敢寧處、冒死到
欵、仰達宸聽、伏祈斷奸佞之頭、籍貪冒之產、上回天
怒、下快輿情、如果臣言虛謬、刀鋸鼎鑊、即加臣身、云
云、曾聞之氣、魄悚駭、如飲冰水、幸而皇上優容、留中
不發、又繼而科道九卿、交章劾奏、即昔之拜門牆、稱
假父者、亦反顏相向、乃奉旨籍家、充雲南軍子任、平

陽太守已差員前往提問。曾聞音方驚惶無措。旋有武士數十人帶劍操戈直抵內寢。褫其衣冠。與妻並繫。俄見數夫運資於庭。金銀錢鈔數百萬。珠翠璫玉數百斛。幄幕簾榻之屬。又數千事。以至兒襁女舄。遺墜庭階。曾一視之。酸心刺目。又俄而一人掠美妾出。披髮嬌啼。玉容無主。悲火燒心。憤不敢言。俄樓閣倉庫並已封誌。立叱曾出。監者牽曳。夫妻吞聲就道。求一下駟劣車。少作代步。亦不可得。十里外。妻足弱。

欲傾跌。曾時以一手相扶引。又十餘里。已亦困憊。歛見高山直插霄漢。自憂不能登越。時挽妻相對泣。而監者睜目視之。不容稍停。又頽斜。日已墜。無可投止。不得已。參差蹙蹙而行。比至山腰。妻力已盡。泣坐路隅。曾亦憇止。任監者叱罵。忽聞百穀齊譟。有群盜各操利刃。跳踉而至。監者大駭。逸去。曾長跪言。孤身遠謫。橐中無長物。哀求宥免。群盜裂眦宣言。我輩皆被害。冤民祇祈得倭賊頭。他無索取。曾怒叱曰。我雖待

罪乃朝廷命官、賊子何敢爾、賊怒以巨斧揮曾頭、覺頭墜地、作散魂方駭疑、即有二鬼來、反接其手、驅之行、踰數刻入一都會、頃之覩宮殿、上有醜形王者、凭几決罪福、曾前匍匐聽命、王者閱卷、終數行、即震怒曰、此欺君誤國之罪、宜置油鼎、萬鬼群和、敲如雷霆、即有巨鬼、擗至堦下、見鼎高七尺許、四圍熾炭、鼎足皆赤、曾骸骸哀號、竄跡無路、鬼以左手抓髮、右手握踝、拋置鼎中、覺塊然一身、隨油波而上下、皮肉

焦灼、痛徹於心、沸油入口、煎烹肺腑、念欲速死、而萬
計不能得死、約食時、鬼方以巨叉取臂出、復伏堂下、
王又檢冊籍、怒曰、倚勢凌人、合受刀山獄、鬼復摔去、
見一山不甚廣濶、而峻峭壁立、利刃縱橫、亂如密筍、
先有數人、冒腸刺腹於其上、呼號之聲、慘絕心目、鬼
促魯上、魯大哭、退縮、鬼以毒錐刺腦、魯負痛乞憐、鬼
怒、捉魯起、望空力擲、覺身在雲霄之上、暈然一落、刀
交於胸、痛楚不可言狀、移時、身軀重贅、刀孔漸濶、忽

馬脫落、四肢蟻屈、鬼又逐以見王、命會計生平、責
爵鬻名、枉法霸產、所得金銀幾何、卽有鬻鬚吏持籌
握筭曰、三百三十一萬、王曰、彼既積來、還令飲去、少
間、取金錢堆階上、如小邱陵、漸入金中、鎔以烈火、鬼
使數輩、更相以杓灌其口、流頤則皮膚皴裂、入喉則
臟腑騰沸、生時患此物之少、是時又患此物之多也、
半日方盡、王者令押去甘州為女、行數步、見架上鉄
梁、圍可數尺、綰一火輪、其大不知幾百由旬、焰生五

采光耿雲霄、鬼揔使登輪、方合眼躍登、則輪隨足轉、
似覺傾墜、遍體生涼、開目自顧、身已嬰兒、而又女也、
視其父母、則懸鵲敗絮土室之中、瓢杖猶存、心知爲
乞人子、日隨乞兒托鉢、腹臍、然常不得一飽、着敗
絮風常刺骨、十四歲鬻於碩秀才、備勝妾、衣食粗足、
自給、而冢婦悍甚、日以鞭箠從事、輒以赤鐵烙胸乳、
幸而良人頗憐愛、稍自寬慰、東鄰惡少年、忽踰垣來、
逼與私、乃自念前身惡孽、已被鬼責、今那可復爾、於

是大殺疾呼、良人與嫡婦盡起、惡少年始竄去、居無
何秀才宿諸其室、枕上喋、方自訴冤苦、忽震厲一
殺、室門大闢、有兩賊持刀入、竟決秀才首、囊括衣物、
但蒙首團伏被底、不敢作殺、既而賊去、乃喊奔嫡室、
嫡大驚、相與泣驗、遂疑妾引奸夫殺良人、因以狀白
刺史、刺史嚴鞠、竟以酷刑定罪案、依律凌遲處死、繫
赴刑所、胸中冤氣扼塞、距踊殺屈、覺九幽十八獄無
此黑暗也、正悲號間、聞同遊者呼曰、兄夢魘耶、曾豁

然而寤見老僧猶跏趺坐上、同侶競相謂曰、日暮腹
枵、何久酣睡、曾乃惓惓而起、僧微笑曰、宰相之占驗
否、曾亦驚異、拜而請教、僧曰、修德行仁、火坑中有青
蓮也、山僧何知焉、曾盛氣而來、不覺喪氣而返、臺閣
之想由此淡焉、入山學道、不知所終、

異史氏曰、福善禍淫、天之常道、聞作宰相而忻然
於中者、必非喜其鞠躬盡瘁可知矣、是時方寸中、
宮室妻妾無所不有、然而夢固為妄、想亦非真、彼

以虛作神以幻報黃梁將熟此夢在而必有當以附之邯鄲之後

小獵犬

山右衛中堂馬諸生時厭冗擾徙齋僧院苦室中蛩虫蚊蚤甚多竟夜不成眠食後偃息在床忽一小武士首插雉尾身高兩寸許騎馬大如蜡臂上青鞵有鷹如蠅自外而入盤旋室中行且駛公方凝注忽又一人入裝亦如前腰束小弓矢牽獵犬如巨螳又俄

頃步者騎者紛々來以數百輩。鷹亦數百臂。犬亦數百頭。有蚊蠅飛起。縱鷹騰擊。盡撲殺之。獵犬登床緣壁。搜噬虱蚤。凡罅之所伏藏。嗅之無不出者。頃刻之間。決殺殆盡。公偽睡。睨之。鷹集犬竄於其身。既而一黃衣人著平天冠如王者。登別榻。繫駟葦葭間。從騎皆下。獻飛獻走。紛集盈側。亦不知作何語。無何王者登小輦。衛士倉皇各命鞍馬。萬蹄攢奔。紛如撒菽。烟飛霧騰。斯須散盡。公歷々在目。駭詫不知所由。躡履

外窺渺無跡响、返身周視、都無所見、惟壁磚上遺一
細犬、公急捉之、甚馴、置硯匣中、反覆瞻玩、毛極細茸、
項上有一小環、飼一飯顆、一嗅輒棄去、躍登床榻、尋
衣縫、齧殺蟣虱、旋復來伏卧、逾宿、公疑其已去、視之
則盤伏如故、公卧則登床簀、遇虫輒噉斃、蚊蠅無敢
落者、公愛之甚於拱壁、一日晝卧、犬潛伏身畔、公醒
轉側、覺有物壓於腰底、固疑是犬、急起視之、已扁而
死、如紙剪成者然、自是壁蟲無噍類矣。

碁鬼

揚州督統將軍梁公、解組鄉居、日携碁酒、遊翔林丘、
間會九日登高、與客奕、忽有一人來逡巡局側、耽玩
不去、視之面目寒儉、懸鶉結馬、然意態溫雅、有文士
風、公禮之、乃坐、亦殊樸謙、公指碁謂曰、先生當必善
此、何弗與客對壘、其人遜謝移時、始就局、終而負、
神情懊熱、若不自己、又着又負、益慚憤、酌之以酒、亦
不飲、惟曳客奕、自晨至於日昃、不遑溲溺、方以一子

爭路而互喋聒。其人忽離席悚立，神色慘沮，屈膝公前，稽顙祈救。公駭疑，起扶之曰：「戲耳，何至是？」其人曰：「祈囑圉人勿縛小生頸。」公又異之，問圉人爲誰，曰：「馬成。」先是，公圉役馬成者，走無常，十數日一入幽冥。攝牒作勾役，公以其言異，遂使人往視。成則僵卧已二日矣。公乃叱成不得無禮，瞥然問其人，即地而滅。公嘆咤良久，乃悟其鬼。越日，馬成寤，公召詰之。成曰：「彼湖襄人，癖嗜奕，產蕩盡。父憂之，閉置齋中，輒踰垣。」

出、竊引空處與奕者狎、父聞詬詈、終不可制止、父憤
悒、賁恨而死、閔摩王以其不德、促其年壽、罰入餓鬼
獄、於今七年矣、會東嶽鳳樓成、下牒諸府、徵文人作
碑記、冥王出之獄中、使應召自贖、不意中道遷延、大
愆限期、嶽帝使直曹問罪於王、王怒、使小人輩羅搜
之前、承主人命、故未敢以縲絏繫之、公問今日作何
狀、曰、仍付獄吏、永無生期矣、公嘆曰、癖之悞人也、如
是夫、

異史氏曰。見奕遂忘其死。及其死也。見奕又忘其生。非所欲有甚於生者哉。然癖嗜如此。尚未獲一高着。徒令九泉下有長苑不生之奕鬼也。可哀也已。

辛十四娘

廣平馮生。少輕脫縱。酒昧蕪。偶行。遇一少女。着紅帔。容色娟好。從小奚奴。躡露奔波。履襪沾濡。心竊好之。薄暮醉歸。道側故有蘭若。荒廢已久。有女子自內出。

則向麗人也。忽見生來，即轉身入陰念。麗者何得在禪院中？繫驢於門，往覘其異。入則斷垣零落，階上細草如毡。正徬徨間，一頽白叟出，衣帽整潔，問客何來。生曰：「偶過古剎，欲一瞻仰，翁何至此？」叟曰：「老夫流寓無所，暫借此安頓。細小，既承寵降，有山茶可以當酒。乃肅生入，見殿後一院，石路光明，無復蓁莽，入其室，則簾幌床幕，香霧噴人。坐展姓字，云蒙叟姓辛，生乘醉遽問曰：「聞有女公子，未適良匹，竊不自揣，願以鏡。」

臺自獻辛笑曰容謀之荆人生即索筆為詩曰千金
覓玉杵殷勤手自將雲英如有意親為擣元霜主人
咲付左右少間有婢與辛耳語辛起慰客耐坐乃牽
幕入隱約三數語即趨出生意必有佳報而辛乃坐
與唄噓不復有他言生不能忍問曰未審意旨幸釋
疑抱辛曰君卓犖士傾風已久但有私衷所不敢言
耳生固請之辛曰弱息十九人嫁者十二有醮命任
之荆人老夫不與焉生曰小生祇要得今朝領小妾

奴帶露行者、辛不應相對、嘿然、開房內嚶、臆語、生
乘醉舉簾曰、伉儷既不可得、當一見顏色以消吾憾、
內聞鈎動、群立愕、顧果有紅衣人振袖、頰鬢、亭、拈
帶、望見生入、遍室張皇、辛怒、命數人、猝生出、酒愈涌
上、倒蓐蕪中、瓦石亂落如雨、幸不着體、卧移時、聽驢
子猶齧草路側、乃起跨驢、踉蹌而行、夜色迷悶、誤入
澗谷、狼奔鴟叫、豎毛寒心、踟躕四顧、並不知為何所、
遙望蒼林中、燈火明滅、疑必邨落、竟馳授之、仰見高

閱以策掘門內有門者曰何處即君半夜來此生以
失路告門者曰待達主人生累足鵲埃忽聞振管闢
扉一健僕出代生捉驢生入見室甚華好堂上張燈
火少坐有婦人出問客姓氏生具以告踰刻青衣數
人扶一老嫗出曰郡君至生起立肅身欲拜嫗止之
坐謂生曰爾非馮雲子之孫耶生曰然嫗曰子當是
我彌甥老身鍾漏並歇殘年向盡骨肉之間殊所乖
濶生曰兒少失怙與我祖父處者十不識一焉素未

拜省、祈便指示。嫗曰：子自知之。生不敢復問。坐對懸想。嫗曰：甥深夜何得來此。生以胆力自矜，詡遂一一歷陳所遇。嫗笑曰：此太好事。況甥名士，殊不玷於姻嬾。野狐精何得強自高。甥勿慮，我能為若致之。生謝。唯！嫗顧左右曰：我不知辛家女兒，遂如此端好。青衣人曰：渠有十九女，都翻，有風格，不知官人所欲。聘者行幾生曰：年約十五餘矣。青衣曰：此是十四娘。三月間，曾從阿母壽郡君，何忘却。嫗笑曰：是非刻蓮。

辦為高履、寔以香屑蒙紗而步者乎、青衣曰是也、嫗
曰、此婢大會作意弄媚巧、然果窈窕、阿甥賞鑑不謬、
即謂青衣曰、可遣小狸奴喚之來、青衣應諾去、移時
入白、呼得辛家十四娘至矣、旋見紅衣女子望嫗伏
拜、嫗曳之曰、即為我家甥婦、勿仍修婢子禮、女子起
娉、而立、紅袖低垂、嫗理其鬢髮、捻其耳環、曰十四
娘近在閨中作麼生、女低應曰、閒來只挑繡、回首見
生、羞縮不安、嫗曰、此吾甥也、盛意與兒作姻好、何便

教迷途、終夜竄谿谷、女俯首無語、嫗曰、我喚汝非他、
欲為吾甥作伐耳、女嘿、而已、嫗命掃榻展裯、禱即
為合卺、女覲然曰、還以告之父母、嫗曰、我為汝作冰、
有何舛謬、女曰、郡君之命、父母當不敢違、然如此草
草、婢子即死、不敢奉命、嫗笑曰、小女子志不可奪、真
吾甥婦也、乃拔女頭上金花一朵、付生收之、命歸家
檢曆、以良辰為定、乃使青衣送女去、聽遠鷄已唱、遣
役持驢送生出、數步外、歛一回顧、則村舍已失、但見

松楸濃黑、蓬顆蔽塚而已。定想移時、乃悟其處為薛尚書墓。薛固生祖母弟、故相呼以甥。心知遇鬼、然亦不知十四娘何人、咨嗟而歸。漫檢曆以待之、而心恐鬼約難恃、再往蘭若、則殿宇荒涼、問之居人、則言寺中往、見狐狸云。陰念若得麗人、狐亦自佳。至日除舍掃途、更僕眺望、夜半猶寂、生已無望、頃之門外譁然、跣屣出窺、則綉幃已駐於庭、雙鬟扶女坐青廬中、妝奩亦無長物、惟兩長鬟奴扛一襆滿、大如甕、息肩

置堂隅、生喜得麗偶、並不疑其異類、問女曰、一苑鬼、
卿家何帖服之甚、女曰、薛尚書、今作五都巡、環使數
百里、鬼狐皆備、扈從、故歸時常少、生不忘蹇修、翌日
往祭其墓、歸見二青衣持貝錦為賀、竟委几上而去、
生以告女、女視之曰、此郡君物也、邑有楚銀臺之公
子、少與生共筆硯、頗相狎、聞生得狐婦、餽遺為饌、即
登堂稱觴、越數日、又折柬來招飲、女聞謂生曰、曩公
子來、我穴壁窺之、其人猿睛而鷹隼、不可與久居也、

宜勿往。生諾之。翌日公子造問負約之罪。且獻新什。生評涉嘲咲。公子大慚。不歡而散。生歸咲述於房女。慘然曰。公子豺狼。不可狎也。子不聽吾言。將及於難。生咲謝之。後與公子輒相諛劇。前却盡釋。會提學試。公子第一。生第二。公子沾沾自喜。走伴來邀生飲。生辭頻召乃往。至則知爲公子初度。賓客滿堂。列筵甚盛。公子出試卷示生。親友疊肩贊賞。酒數行。樂奏作於堂下。鼓吹僮僮。賓主甚樂。公子忽謂生曰。諺云。場

中莫論文。此言今知其謬。小弟所以忝居君上者。以起處數語畧高一等耳。公子言已。一座盡贊。生醉不能忍。大咲曰。君到於今。尚以為文章至是耶。生言已。一座失色。公子慚恚氣結。客漸去。生亦適醒而悔之。因以告女。女不樂。曰。君誠巷曲之儂子也。輕薄之態。施之君子則喪吾德。施之小人則殺吾身。君禍不遠矣。我不忍見君流落。請從此辭。生懼而涕。且告之悔。女曰。如欲我留。與君約。從今閉戶絕交遊。勿浪飲。生

謹受教。十四娘為人勤儉洒脫，日以紡織爲事。時自歸寧，未嘗踰夜，又時出金帛作生計。日有贏餘，輒投襪滿日杜門戶，有造訪者，輒囑蒼頭謝去。一日楚公子馳函來，女焚焚不以聞。越日出帛於城，遇公子於喪者之家，捉臂苦邀，生辭以故。公子使圉人挽轡擁梓以行。至家立命洗腆，繼辭欲退。公子要遮，無已出。家姬彈箏爲樂，生素不羈，一向閑置齋中，頗覺悶損。忽逢劇飲興，頓豪無復縈念，因而酣醉，頽卧席間。公

子妻阮氏最悍妬。婢妻不敢施脂澤。日前婢入齋中。為阮掩執。以杖擊首。腦裂立斃。公子以生嘲慢。故啣生日思所報。遂謀醉以酒而誣之。乘生醉昧。扛尸床間。合扉運去。生五更醒解。始覺身卧几上。起尋枕榻。則有物臍然。紺絆步履。摸之人也。意主人遣僮伴睡。又蹴之不動。掬之而僵。大駭。出門怪呼。廝役盡起。藝之見尸。執生怒。開公子出驗之。誣生逼奸殺婢。執送廣平。隔日十四娘始知。潛然曰。早知有今日矣。因按

日以金錢遺生、見府尹無理可伸、朝夕撻掠皮肉、盡脫、女自詣問、生見之、悲氣塞心、不能言說、女知陷阱已深、勸令誣服、以免刑憲、生泣聽命、女還往之間、人咫尺不相窺、歸家咨惋、遽遣婢子去、獨居數日、又託媒媼購良家女名祿兒、年已及笄、容華頗麗、與同寢食、撫愛異於群小、生認悞殺擬絞、蒼頭得信歸、慟述不成穀、女聞坦然、若不介意、既而秋決有日、女始皇、慘動、晝去夕來、無停履、每於寂所、於邑悲哀、至

損眠食一日、晡、狐婢忽來、女頓起、相引屏語、出則
咲色滿面、料理門戶如平時、異日蒼頭至獄、生曰、寄
語娘子、一往永訣、蒼頭復命、女漫應之、亦不愴惻、殊
落、置之、家人竊議其忍、忽道路沸傳、楚銀臺革職、
平陽觀察奉特旨治馮生案、蒼頭聞之、喜告主母、女
亦喜、即遣入府探視、則生已出獄、相見悲喜、俄捕公
子至、一鞠盡得其情、生立釋、寧家歸、見女、泫然流涕、
女亦相對愴楚、悲已而喜、然終不知何以得達上聽、

女笑指婢曰、此君之功臣也、生愕問故、先是女遣婢赴燕都、欲達宮闈、為生陳冤抑、婢至、則宮中有神守護、徘徊御溝間、數日不得入、婢懼、悞事、方欲歸謀、忽聞聖駕將幸大同、婢乃豫往、偽作流妓、上至構欄極、蒙寵眷、疑婢不似風塵人、婢乃垂泣、上問有何冤苦、婢對妾原籍直隸廣平、生員馮某之女、父以冤獄將死、遂鬻妾構欄中、上慘然、賜金百兩、臨行細問顛末、以紙筆記姓名、且言欲與共富貴、婢言但得父子團

聚不願華牕也。上領之而去。婢以此情告生，急拜。泪皆双熒。居無幾何，女忽謂生曰：妾不為情緣，何處得煩惱？君被逮時，妾奔走戚眷間，並無一人代一謀者。爾時酸衷，誠不可以告慙。今視塵俗益厭苦，我已為君蓄一良偶，可從此別。生聞泣伏不起。女乃止。夜遣祿兒侍生寢，生拒不納。朝視十四娘，容光頓減。又月餘，漸以衰老。半載黯然如村姬。生敬之終不替。女忽復言別，且曰：君自有佳侶，安用此鳩盤？為生哀泣。

如前日、又踰月、女暴疾絕食飲、羸卧閨闥、生侍湯藥、如奉父母、巫醫無靈、竟以溘逝、生悲怛欲絕、即以上賜金為營齋、數日婢亦去、遂以祿兒為室、逾年舉一子、然比歲不登、家益落、夫妻無計、對影長愁、忽憶堂隙襍滿、常見十四娘投錢於中、不知尚在否、近臨之、則鼓具盞盞、羅列殆滿頭、置去、箸探其中、堅不可入、撲而碎之、金錢溢出、由此頓大充裕、後蒼頭至太華、遇十四娘騎青驪、婢子跨蹇以從、問馮郎安否、

且言致意主人我已名列仙籍矣言訖不見
異史氏曰輕薄之詞多出於士類此君子所悼惜
也余常冒不韙之名言冤則已迂然未嘗不刻苦
自勵以勉附於君子之林而禍福之說不與焉若
馮生者一言之微幾至殺身苟非室有仙人亦何
能解脫囹圄以再生於當世耶吁可懼哉

二

聊齋誌異卷之九

般陽蒲松齡柳泉甫著

白蓮教

白蓮教某者，山西人，忘其姓名。大約徐鴻儒之徒。左道惑衆，慕其術者多師之。某一日，將他往，堂中置一盆，又一盆覆之。囑門人坐守，戒勿啓視。去後，門人啓之，見盆內置清水，上編草爲舟，帆檣具焉。異而撥以指，随手傾側，急扶如故，仍覆之。俄而師來，怒責，何

違吾命。門人力白其無師。曰：適海中舟幾覆，何得欺我？又一夕燒巨燭於堂上，戒恪守勿以風滅。漏二滴，師不歸，僂然而殆。就床暫寐，及醒，燭已竟滅。急起，焚之。既而師入，又責之。門人曰：我固不曾睡，燭何得息？師怒曰：適使我暗行十餘里，尚復云々。耶？門徒大駭。如此奇行，不可勝數。後有愛妾與門人通，師覺之，隱而不言。遣門人飼豕，門人入園立地化為豕。某即呼屠人殺之，貨其肉。人無知者。門人父以子不歸，過問。

之辭以久弗至。門人家諸處探訪，絕無消息。有同師者，隱知其事，洩諸門人父。其父告之邑宰，恐其遁，不敢捕治。逮於上官，請甲士千人圍其第。妻子皆就執，閉置樊籠。將以解都，途經太行山，上忽出一巨人，高與樹等，目如盃口，如盆，牙長尺許。兵士愕立，不敢前行。某曰：「此妖也。吾妻可以却之。」衆如其言，脫其妻縛，妻荷戈往。巨人怒，吸吞之。衆愈駭。某曰：「既殺吾妻，是須吾子。」乃復出其子，又被吞，如前狀。衆各對覷。

莫知所爲某泣且怒曰既殺吾妻又殺吾子情何以甘然非吾自往不可也衆果出諸樊籠授之刃而遣之巨人盛氣而迎格鬪移時巨人抓攫入口伸頸咽下從容竟去

雙燈

魏運旺益都之益泉人故世族大家也後式微不能供讀年二十餘廢學就岳家業酤一夕魏獨卧酒樓上忽聞樓下踏蹴聲魏驚起悚聽聲漸近尋梯而上

步、繁响、無何双婢挑燈、已至榻前、後一年少書生、
導一女郎、近榻微咲、魏大愕怪、轉知為狐、毛髮森豎、
俯首不敢睨、書生咲曰、君勿見猜、舍妹與君有前因、
便合奉事、魏視書生、錦貂炫目、自慚形穢、覩顏不知
所對、書生率婢子遺燈竟去、魏細視女郎、即楚、若仙
心甚悅之、然慚作不能作游語、女郎頷咲曰、君非抱
本頭者、何作措大氣、遽近枕席、煖手於懷、魏始為之
破顏、將袴相嘲、遂與狎昵、曉鐘未發、双鬟即來引去、

復訂夜約。至晚，女果至。咲曰：痴郎何福，不費一錢，得如此佳婦。夜，自投到也。魏喜無人，置酒與飲。賭藏枚，女子十有九贏。乃咲曰：不如妾握枚子，君自猜之。中則勝，否則負。若使妾猜，君當無贏時。遂如其言。通夕為樂。既而將寢，曰：昨宵衾褥瀋冷，令人不可耐。遂喚婢，將襪被來，展布榻間。綺縠香奩，頃之。緩帶交偎，口脂濃射，真不數漢家溫柔鄉也。自此遂以為常。後半載，魏回家。適月夜，與妻話窓間，忽見女郎華妝坐。

墻頭以手相招。魏近就之。女援之。踰垣而出。把手而告曰。今與君別矣。請送我數武。以表半載綢繆之意。魏驚叩其故。女曰。姻緣自有定數。何待言也。語次至村外。前婢挑雙燈以待。竟赴南山。登高處。乃辭魏。言別。魏留之不得。遂去。魏佇立徬徨。遙見雙燈明滅。漸遠。不可覩。快鬱而返。是夜山頭燈火。村人悉望見之。

蹇償債

李公著明。慷慨好施。鄉人王卓。傭居公室。其人少游。

情不能操農業家屢貧然小有技能常為役務每賁之厚時無晨炊向公哀乞公輒給以升斗一日告公曰小人日受厚恤三四口幸不殍餓然何可以久乞貸我綠豆一石作資本公欣然受之卓負去年餘一無所償及問之豆資已蕩然矣公憐其貧亦置不索公讀書於蕭寺後三年餘忽夢卓來曰小人負主人豆直今來投償公慰之曰若索爾償則平日所負欠者何可筭數卓愀然曰固然凡人少有所為而受人

千金可不報也。若無端受人資助，升斗且不容昧，況其多乎？言已竟去。醒而疑之，既而家人白公夜牝驢產一駒，甚修偉。公忽悟曰：得母駒為王卓耶？使人探訪卓於數日前果死矣。越數日歸家，見駒戲呼王卓，駒奔赴如有知識。自此遂以為名。公乘赴青州，衛府內監見而悅之，願以重價購之。議直未定，適公以家中急務不及待，遂歸。又逾歲，駒與雄馬同櫪，齧折脛骨，不可療。有牛醫至公家，見之謂公曰：乞以駒付小

人朝夕療養需以歲月萬一得痊得直與公平分公如所請後數月牛醫售駒得錢四千八百以半獻公受錢頓悟其數適符豆價也噫昭々之債而冥々之償此足以勸矣

鬼作筵

杜秀才九畹內人病會重陽為友人招作茱萸會早興盥已告妻所往冠服欲出忽見妻昏憤絮々若與人語杜異之就問卧榻妻輒兒呼之家人心知其異

時杜有母柩未殯、疑其靈輿所憑、杜祝曰、得毋吾母
耶、妻罵曰、畜生何不識爾父、杜曰、既為吾父、不勝他
人耶、何乃歸家、崇兒婦、妻呼小字曰、我需為兒婦來、
何反怨懟我兒婦、應即死、有四人來、勾致首者張懷
玉、我萬端哀乞、甫能允、遂我許、小餽送、便宜付之、杜
如言、於門外焚紙錢、妻又言曰、四人去矣、彼不好違
吾面目、三日後當治具酬之、爾母老龍鍾、不能料理
中饋、及期尚煩兒婦一往、杜曰、幽明珠途、安能代庖、

祈望恕宥。妻曰：兒勿懼去，即復返。此為渠事，當毋憚勞。言已，曰：盡此且去。妻即冥然。良久，乃甦。杜問所言，茫不記憶。但曰：適見四人來欲捉我去，幸阿翁哀請，且解囊賂之，始去。我見阿翁鎰袂尚餘二鎰，欲竊取一鎰來作糊口計。翁窺見，叱曰：爾欲何為？此物豈爾所可用耶？我乃歛手未敢動。杜以妻病革，疑信參半。越三日，方咲語。問：忽瞪目久之，語曰：爾婦素貧，曩見我白金，便生覬覦。然大約以貧故，亦不足怪。將以婦

去、爲我敦庖務、勿慮也、言甫畢、奄然竟斃、約半日許、始醒、告杜曰、適阿翁呼我去、謂曰、不用爾操作、我烹調、自有人、祇須堅坐指揮足矣、我冥中喜豐滿、諸物饌都覆器外、切宜記之、我諾至厨下、見二婦操刀砧於中、俱紺帔而綠緣之、呼我以嫂、每盛炙於簋、必請覘視、然後行去、甚是豐滿、我窺其客、曩四人都在筵中、進饌既畢、酒具已列器中、翁乃命我還、杜聞之大愕、異每語同人云、

胡相公

萊蕪張虛一者、學使張道一之仲兄也、性豪放自縱、
聞邑中某氏宅、為狐狸所居、敬懷刺往謁、與一見之、
投刺隙中、移時扉自闢、僕者大愕、却退、張肅衣敬入、
見堂中几榻宛然、而閒寂無人、遂揖而祝曰、小生齋
宿而來、仙人既不以門外見斥、何不敬賜光霽、忽聞
虛空中有人言曰、勞君枉駕、可謂蛰然足音矣、請坐
賜教、即見兩坐自移相向、甫坐、即有饌漆朱盤貯雙

茗醖懸目前、各取對飲、吸嘔有聲、而終不見其人、茶已繼之以酒、細審官闕、曰弟姓胡氏、於行爲四、曰相公、從人所呼也、於是酌酢議論、意氣頗洽、蟹羞鹿脯、雜以薌蓼、進酒行炙者、似小輩甚夥、酒後頗思茶、意終少動、香茗已置几上、凡有所思、無不應念而至、張大悅、盡醉始歸、自是三數日必一訪胡、亦時至張家、並如主客往來禮、一日張問胡曰、南城中巫媪、日托狐神、漁病家利、不知其家狐、君識之否、曰彼妄耳、

寔無狐。少間張起溲溺。聞小語曰。適所言南城狐巫。未知何如人。小人欲從先生往觀之。煩一言請於主人。張知為小狐。乃應曰。諾。即席而請於胡曰。我欲得足下服役者一二輩往探狐巫。敬請君命。胡固言不必。張言之再三。乃許之。既而張出。馬自至。如有控者。既騎而行。狐相語於途曰。後先生於道途間。覺有細沙散落衣襟上。便是吾輩從也。語次進城。至巫家。見張至。笑逆曰。貴人何忽得臨。張曰。聞爾家狐子大靈。

應果否。巫正容曰：「若個蹀躞語，不宜貴人出得。何便言狐子，恐吾家花姊不歡。」言未已，空中發半磚來，中巫臂，踉蹌欲跌。驚謂張曰：「官人何得拋擊老身也？」張笑曰：「婆子盲也。幾曾見自己額顱破，冤誣袖手者？」巫錯愕不知所出。正回惑問，又一石子落中巫顱，蹌穢泥亂墜。巫面如鬼，惟哀號乞命。張請恕之，乃止。巫急起遁房中，閤戶不敢出。張呼與語曰：「爾狐如我狐否？」巫惟謝過。張招之，且仰首望空中，戒勿傷巫。始

惕，而出。張笑諭之，乃還。由是每獨行於途，覺塵沙
漸，然則呼狐語，輒應不訛。虎狼暴客，恃以無恐。如
是年餘，愈於莫逆。嘗問其甲子，殊不自記憶。但言見
黃巢反，猶如昨日。一夕共話，忽墻頭藕然作响，其聲
甚厲。張異之，胡曰：「此必家兄。」張言何不邀來共坐，曰
「伊道業頗淺，祇好攬得兩頭雞啗，便了足耳。」張謂胡
曰：「交情之好如吾兩人，可云無憾。終未一見顏色，殊
屬恨事。」胡曰：「但得交好足矣。」見面何為？一日置酒邀

張且告別、問將何往、曰弟陝中產、將歸去矣、君每以對面不覩為恨、今請一識、數歲之交、他日可相認耳、張四顧都無所見、胡曰、君試開寢室門、則弟在焉、張如其言、推扉一覩、則內有美少年、相視而笑、衣裳楚楚、眉目如畫、轉瞬之間、不復覩矣、張返身而行、即有履聲藉、隨其後、曰今日釋君憾矣、張依戀不忍別、胡曰、離合自有數、何容介、乃以巨觥勸酒、飲至中夜、始以紗燭導張歸、及明往探、則空房冷落而已、後

道一先生爲西川學使，張清貧猶昔，因往視弟，願望頗奢，月餘而歸，甚違初意，咨嗟馬上，嗒喪若失。忽一少年騎青驢躡其後，張回顧見裘馬甚麗，意甚騷雅，遂與閒語。少年察張不豫，詰之，張因款款而告以故。少年亦爲慰藉，同行里許，至岐路中，少年乃拱手別曰：「前途有一人，寄君故人一物，祈笑納也。」復欲詢之，馳驢逕去。張莫解所由，又二三里許，見一蒼頭持小簾子，獻於馬前，曰：「胡四相公敬致先生。」張豁然頓悟。

受而開視則白鏹滿中及顧蒼頭亦不知所之矣

念秧

異史氏曰人情鬼域所在皆然南北衝衢其害尤烈如強弓怒馬禦人於國門之外者夫人而知之矣或有剽囊刺橐攫貨於市行人回首財貨已空此非鬼域之尤者耶乃又有萍水相逢甘言如醴其來也漸其入也深悞認傾蓋之交遂罹喪貨之禍隨機設阱情狀不一俗以其言詞浸潤名曰念秧今北途多有

之遭其害者尤衆。余鄉王子巽者，邑諸生，有族先生
在都，為旗籍太史，將往探訊。治裝北上，出濟南行數
里，有一人跨黑衛，馳與同行。時以閒語相引，王頗與
問答。其人自言張姓，為棲霞隸，被令公差赴都，稱謂
撓卑，祇奉殷勤。相從數十里，約以同宿。王在前則策
蹇追及，在後則祇候道左。僕疑之，因厲色拒去，不使
相從。張頗自慚，揮鞭遂去。既暮，休於旅舍，偶步門庭，
則見張就外舍飲。方驚疑問，張望見王，垂手拱立，謙

若廝僕稍、問訊王亦以汎、適相值、不為疑然王
僕終夜戒備之、雞既唱、張來呼與同行、僕咄絕之、乃
去、朝暾已上、王始就道、行半日許、前一人跨白衛、年
四十已來、衣帽整潔、垂首蹇分、眈寐欲墮、或先之、或
後之、因循十餘里、王怪問夜何作、致迷頓、乃爾、其人
聞之、猛然欠伸、言青苑人許姓、臨淄令高檠是我中
表家兄、設帳於官署、我往探省、少獲餽貽、今夜旅舍、
悞同念狹者宿、驚惕不敢交睫、遂致白晝迷悶、王故

問念秧何說。許曰：「君客時少，未知險詐。今有匪類，以甘言誘行旅，黃緣與同休止，因而乘機騙賺。昨有葭莩親，以此喪資斧，吾等皆宜警備。」王領之。先是臨淄宰與王有舊，王曾入其幕，識其門客。果有許姓，遂不復疑。因道溫涼，兼詢其兄況。許約暮共主人，王諾之。僕終疑其偽，陰與主人謀，遲留不進，相失。遂杳。翌日卓午，又遇一少年，可十六七，騎健騾，冠服修整，貌甚都。同行久之，未嘗交一言。日既夕，少年忽言曰：

前去曲律店不遠矣。王微應之。少年因咨嗟歎歎。如不自勝。王畧致詰問。少年嘆曰。僕江南金姓。三年膏火。冀博一第。不圖竟落孫山。家兄為部中主政。遂載細小來。冀得排遣。生平不習跋涉。撲面塵沙。使人瘁惱。因取紅巾拭面。嘆咤不已。聽其語操南音。嬌婉若女子。王心好之。稍慰藉。少年曰。適先馳出。眷口久望不來。何僕輩亦無至者。日已將暮。奈何。遲留瞻望。行甚緩。王遂先驅。相去漸遠。晚投旅邸。既入舍。則壁

下一床先有客解裝其上王問主人即有一人入携之而出曰但請安置當即移他所王視之則許王止與同舍許遂止因與坐談少間又有携裝入者見王許在舍返身遽出曰已有客在王審視則途中少年也王未言許急起曳留之少年遂坐許乃展問邦族少年又以途中言為許告俄頃解囊出資堆累頗重稱兩餘付主人囑治肴酒以供夜話二人爭勸止之卒不聽俄而酒炙並陳筵間少年論文甚風雅王問

江南闡中題少年悉告之且自誦其承破及篇中得意之句言已意甚不平共扼腕之少年又以家口相失夜無僕役患不解牧圉王因命僕代攝莖豆少年深感謝居無何忽蹴然曰生平蹇滯出門亦無好況昨夜逆旅與惡人居擲骰叫呼聒耳沸心使人不眠南音呼骰為塊許不解固問之少年手摹其狀許乃笑於橐中出骰一枚曰是此物否少年諾許乃以骰為令相歡飲酒既闌許請共擲羸一東道主王辭不

解許乃與少年相對呼盧。又陰囑王曰：「君勿漏言。」蠻公子頗充裕，年又雛，未必深解五木訣。我贏些須，明當奉屈耳。二人乃入隔舍。旋聞轟賭甚鬧。王潛窺之，見棲霞隸亦在其中。大疑。展衾自卧。又移時，衆共拉王賭。王堅辭不解。許願代辨梟雄。王又不肯，遂強代王擲。少間，就榻報王曰：「汝贏幾籌矣。」王睡夢應之。忽數人排闥而入，番語啁啾。首者言：「佟姓為旗下邏捉賭者，時賭禁甚嚴，各大惶恐，佟大聲嚇王，亦以太

史旗號相抵、佟怒解、與王叙同籍、咲請復博為戲、眾果復賭、佟亦賭、王謂許曰、勝負我不預聞、但願睡無相溷、許不聽、仍往來報之、既散局、各計籌馬、王負欠頗多、佟遂搜王裝橐取償、王憤起相爭、金捉王臂陰告曰、彼都匪人、其情叵測、我輩乃文字交、無不相顧、適局中我贏得若干數、可相抵、此當取償許君者、今請易之、便令許償佟、君償我、弗過暫掩人耳目、過此仍以相還、終不然、以道義之交、遂寔取君償耶、王故

長厚亦遂信之。少年出以相易之謀告僇，乃對衆發王裝物，估入已橐。僇乃轉索許張而去。少年遂襦被來與王連枕，衾褥皆精美。王亦招僕人卧榻上，各嘿然安枕。久之，少年故作轉側，以下體暱就僕，移身避之。少年又近就之，膚着股際，滑膩如脂。僕心動，試與狎。而少年殷勤甚至，衾息鳴動。王頗聞之，雖甚駭怪，而終不疑其有他也。昧爽，少年即起，促與早行。且云：君蹇疲殆，夜所寄物，前途請相授耳。王尚無言。少

年已加裝登騎、王不得已從之、驟行快去、漸遠、王料其前途相待、初不為意、因以夜間所聞問僕、寔告之、王始驚曰、今被念秧者騙矣、馬有宦室名士、而毛遂於圍僕、又轉念其談詞風雅、非念秧所能、急追數十里、踪跡殊杳、始悟張許佟皆其一黨、一局不行、又易一局、務求其必入也、償債易裝、已伏一圖賴之機、設其携裝之計不行、亦必執前說篡奪而去、為數十金、委綴數百里、恐僕發其事、而以身交歡之、其術亦

苦笑後數年而有吳生之事。

邑有吳生字安仁三十喪偶獨宿空齋有秀才來與談遂相知悅從一小奴名鬼頭亦與吳僮報兒善久而知其為狐吳遠遊必與俱同室之中人不能覩吳客都中將旋里聞王生遭念秧之禍因戒僮警備狐咲言勿須此行無不利至涿一人繫馬坐烟肆裘服齊楚見吳過亦起超乘從之漸與吳語自言山東黃姓提堂戶部將東歸且喜同途不孤寂於是吳止亦

止每共食必代吳償值。吳陽感之而陰疑焉。私以問狐。但言不妨。吳意乃釋。及晚同尋寓所。先有美少年坐其中。黃入與拱手為禮。喜問少年何時離都。答云昨日。黃遂拉與同寓。向吳曰。此史郎。我中表弟。亦文士。可佐君子談騷雅。夜話當不寥落。乃出金資治具共飲。少年風流蘊藉。遂與吳大相愛悅。飲間輒示吳作觴斝。罰黃強使醵。鼓掌作笑。吳益悅之。既而史與黃謀博賭。共牽吳。遂各出橐金為質。狐囑報兒

暗鎖板扉。屬曰：倘聞人喧，但寐無叱。吳諾。吳每擲小注，則輸。大注輒贏。更餘計得二百金。史黃囊垂罄，議質其馬。忽聞撾門聲甚厲，吳急起投骰於火，蒙被假卧。久之，聞主人覓鑰不得，破扃啟閤，有數人洶々入，搜捉博者。史黃並言無有。一人竟捋吳被指為博者。吳叱咄之。數人強搜吳裝，方不能與之撐拒。忽聞門外輿馬呵殿聲，吳急出，嗚呼！衆始懼，曳入之。但求無殺。吳乃從容苞苴付主人，鹵簿既遠，衆乃出門去。黃

與史共作驚喜狀、取次覓寢、黃命史與吳同榻、吳以腰橐置枕頭、方命被而睡、無何史啟吳衾、裸體入懷、小語曰、愛兄磊落、願從交好、吳心知其詐、然計亦良得、遂相偎抱、史極力周奉、不料吳固偉男、大為鑿枘、頻呻殆不可任、竊哀免、吳固求訖事、手捫之、血流漂杵矣、乃釋令歸、及明、史憊不能起、托言暴病、但請黃吳先發、吳臨別、贈金為藥餌之費、途中語狐、乃知夜來鹵簿、皆狐為也、黃於途益諂事吳、暮復同舍、斗

室甚隘，僅容一榻，頗煖潔。而吳狹之，黃曰：「此卧，兩人則隘。」君自卧，則寬何妨？食已經去，吳亦喜獨宿，可接狐友，坐良久。狐不至，候聞壁上小扉有指彈聲，吳拔關探視，一少女艷妝遽入，自扃門戶，向吳展笑，佳麗如仙。吳喜致研詰，則主人之子婦也，遂與狎，大相愛悅。女忽潛然泣下，吳驚問之。女曰：「不敢隱匿，妾寔主人遣以餌君者。曩時入室，即被掩執，不知今宵何久不至。」又嗚咽曰：「妾良家女，情所不甘，今已傾心於君。」

乞垂援救。吳聞駭懼，計無所出，但遣速去。女惟俛首泣。忽聞黃與主人搥闔鬬沸，但聞黃曰：「我一路祇奉謂汝為人，何遂誘我弟室？」吳懼，逼女令去。聞壁扉外亦有騰擊聲。吳倉卒汗如流瀼，女亦伏泣。又聞有人勸止主人，主人不聽。推門愈急，勸者曰：「請問主人意將胡為？」如欲殺耶？有我等客數輩，必不坐視兇暴。如兩人中有一逃者，抵罪安可辭？如欲質之公庭耶？惟簿不修，適以取辱。且爾宿行旅，明：陷詐，安保女子？」

無異言。主人張目不能語。吳聞竊感佩。而不知其誰。初。肆門將閉。即有秀才共一僕來就外舍宿。携有香醞。遍酌同舍。勸黃及主人尤殷。兩人辭欲起。秀才牽裾苦不令去。後乘間得遁。操杖奔吳所。秀才聞喧。始入勸解。吳伏窓窺之。則狐友也。心竊喜。又見主人意稍奪。乃大言以恐之。又謂女子何嘿。不一言。女啼曰。恨不如人。為人驅役賤務。主人聞之。面如死灰。秀才叱罵曰。爾輩禽獸之情。亦已畢露。此客子所共憤者。

黃及主人皆釋刀杖、長跪而請、吳亦啓戶出、頓大怒、
詈秀才又勸止吳、兩始和解、女子又啼、寧死不歸內、
奔出、媼婢捽女令入、女子卧地哭益哀、秀才勸主人
重價償吳生、主人俛首曰、作老娘三十年、今日倒繆
孩兒、亦復何說、遂依秀才言、吳固不肯破重資、秀才
調停主客間、議定五十金、人財交付後、晨鐘已動、乃
共促裝載、女子以行、女未經鞍馬、馳驅頗殆、午間稍
息、憇將行、喚報兒、不知所往、日已西斜、尚無跡响、頗

懷疑訝、遂以問狐、狐曰、無憂、將自至矣、星月已出、報兒始至、吳詰之、報兒咲曰、公子以五十金肥奸僮、竊所不平、適與鬼頭計、反身索得、遂以金置几上、吳驚問其故、蓋鬼頭知女止一兄、遠出十餘年不返、遂幻作其兄狀、使報兒冒弟行入門、索姊妹、主人惶恐、詭托病殂、二僮欲質官、主人益懼、啗之以金、漸增至四十二、僮乃行、報兒具述其故、吳即賜之、吳歸琴瑟、纂篤、家益富、細詰女子、曩美少年即其夫、蓋史即金也、

襲一櫛紬帔云是得之山東王姓者蓋其黨羽甚衆
逆旅主人皆其一類何意吳生所遇即王子與連天
叫苦之人不亦快哉旨哉古言善騎者善墮

泥書生

羅村有陳代者少蠢陋娶妻頗麗自以婿不如人鬱
鬱不得志然貞潔自持姑媳亦相安一夕獨宿忽聞
風動扉開一書生入脫衣中就婦共寢婦駭懼苦相
拒而肌膚頓熨聽其狎褻而去自此恒無虛夕月餘

形容枯瘁。母怪問之。初慚作不好言。固問始以情告。母駭曰。此妖也。百術爲之禁咒。終不能絕。乃使代伏匿室中。操杖以伺。夜分書生果復至。置冠几上。又脫袍服搭櫺架上。終欲登榻。忽驚曰。咄。有生人氣。急復披衣。代暗中暴起。擊中腰脇。塔然作响。四壁張顧。書生已杳。束薪爇照。泥衣一片墮地上。案上泥巾猶存。意是廟中土偶。徧視近村諸神祠。皆無缺巾破衣者。然自此遂絕不復來。其妻亦漸復其初矣。

土地夫人

寫橋王炳者、出村見土地祠中出一美人、顧盼甚殷、挑以褻語、歡然樂受、狎暱無所、遂期夜奔、炳因告以居止、至夜果至、極相愛悅、問其姓名、固不以告、由此往來不絕、時炳與妻同榻、美人亦必來與交、妻竟不覺其有人、炳訝問之、美人曰、我土地夫人也、炳大駭、急欲絕之、而百計莫能阻、因循半載、炳憊不起、美人來更頻、家人都見之、未幾炳死、而美人猶日一至、炳

妻叱之曰、淫鬼不自羞、人已死矣、復來何為、美人遂去、不返土地、雖小亦神也、豈有任婦自奔者、憤、應不至此、不知何物淫昏、遂使千古下、謂此村有污賤、不謹之神、冤矣哉、

寒月芙蕖

稷下道人者、不知何許人、亦不詳其姓氏、冬夏惟着一單衲衣、繫黃絲、別無褲襦、每用半梳、髮即以齒啣、髻如冠状、日赤脚行市上、夜卧街頭、離身數尺外、

冰雪盡鎔初來輒對人作幻劇市人爭貽之有井曲
無賴子遺以酒求傳其術弗許遇道人浴於河驟抱
其衣以脅之道人揖曰請以賜還當不吝術無賴恐
其給固不肯與道人曰果不相授耶曰然道人嘿不
與語俄見黃絲化為蛇圍可數握繞其身五六匝怒
目昂首吐舌相向無賴大驚長跪色青氣促惟言乞
命道人乃取絲竟非蛇另有一蛇蜿蜒入城去由
是道人之名益著縉紳家聞其異招與遊從此往來

鄉先生門司道俱耳其名。每宴集輒以道人從。一日道人請於水面亭報諸憲之飲。至期各於案頭得道人速客函。亦不知所由至。諸客赴宴所。道人偃倮出迎。既入則空庭寂然。几榻未設。衆疑其妄。道人顧官宰曰。貧道無僮僕。煩借扈從。少代奔走。官宰共諾之。道人於壁上繪雙扉。以手搥之。內有應門者。振管而啓。共趨覘望。則見憧憧往來於其中。屏幔床几一切都有。即有人一一傳送。門外道人命隸胥輩接列亭。

中、且囑勿與內人交語、兩相授受、惟頷而笑、頃刻陳
設滿庭、窮極奢麗、既而旨酒散馥、熟炙騰熏、皆自趾
中傳遞而出、坐客無不駭異、亭故背湖水、每六月時
荷花數十頃、一望無際、宴時方隆冬、窓外茫茫、惟有
烟綠、一官偶嘆曰、此日宴集、可惜無荷花點綴、衆俱
唯、少頃一青衣吏、犇白荷葉滿塘矣、一座盡驚、推
窓眺矚、果見彌望青蔥、間以菡萏、轉瞬間萬枝千朵、
一齊都開、朔風吹來、荷香沁腦、群以為異、遣吏人蕩

舟採蓮遙見吏人入花深處少間返棹白手來見官
詰之吏曰小人乘舟去見花在遠際漸至北岸又轉
遙在南蕩中道人咲曰此幻夢之空花耳無何酒
闌荷亦凋謝北風驟起摧折荷蓋無復存者濟東觀
察公甚悅之携歸署日與狎玩一日公與客飲道人
亦在座公故有家傳良醞每以一斗為率不肯供浪
飲是日客飲而甘之固索傾釀公堅以既盡為辭道
人咲謂客曰君必欲滿老饕索之負道而可客請之

道人以壺入袖中、少刻出、徧斟座上、與公所藏更無殊別、盡歡始罷、公甚疑焉、入視酒瓶、則封固宛然、而空無物矣、心竊愧怒、執以爲妖、笞之、杖纔加、公覺股暴痛、再加、臀肉欲裂、道人雖聲嘶於堦下、而觀察寔血殷於座上、乃止、不答、逐之、令去、道人遂離濟南、不知所往、後有人遇於金陵、衣裝如故、問之、笑而不言、

酒狂

繆永定、江西拔貢生、素酗於酒、戚黨多畏避之、偶適

族叔家繆為人滑稽善謔。客與語悅之。遂共酣飲。繆醉。使酒罵座。忤客。怒。一座大譁。叔以身左右排解。繆謂左袒客。又益遷怒於叔。無計。奔告其家。人來扶梓以歸。終置床上。四肢盡厥。撫之奄然。氣盡。繆死。有皂帽人繫去。至一府署。縹碧為瓦。世間無其壯麗。至墀下。似欲伺見官宰。自思我罪伊何當。是客訟鬪毆。回顧皂帽人。怒目如牛。又不敢問。然自度貢生與人角口。或無大罪。忽堂上一吏宣言。使訟獄者翌

日早候於堂下人紛々藉々各鳥獸散繆亦隨皂帽人出更無歸着縮首立肆簷下皂帽人怒曰顛酒無賴子日將暮各去尋眠食爾欲何往繆戰慄曰我且不知何事並未告家人故毫無資斧庸將焉歸皂帽人曰顛酒賊若酤自啗便有用度再支吾老拳碎顛骨子繆垂首不敢作聲忽一人自戶內出見繆詫異曰爾何來繆視之則其母舅賈氏死已數載繆見之始恍然悟其已死心益悲懼向舅涕零曰阿舅

救我賈碩皂帽人曰東靈非他屈臨寒舍二人乃入
賈重揖皂帽人且囑青眼俄頃出酒食團坐相飲賈
問舍甥何事遂煩勾致皂帽人曰大王駕詣羅浮君
遇令甥醉言使我捉得來賈問見王未曰羅浮君會
花子案駕未歸又問阿甥將得何罪答云未可知也
然大王頗惡此輩繆在側聞二人言酸齮汗下盃箸
不能舉無何皂帽人起謝曰叨盛酌已竟醉矣即以
令甥相付托駕歸再容登訪乃去賈謂繆曰甥別無

兄弟自幼爾父母愛如掌上珠常不忍一訶譴汝十六七歲時每三杯後喃喃尋人疵不休輒搥門裸罵猶謂穉齒不意別十餘年了無長進今且奈何繆伏地哭惟言悔無及矣賈曳之曰舅在此業酤頗有小聲望必合極力適飲者乃東靈使者舅常飲之酒與我頗相善大王日有萬幾亦未必便能記憶我委曲與言浼以私意釋汝去或可允從又轉念曰此事擔負頗重非十萬不能了也繆謝銳然自任諾之次日

皂帽人早來瞻望。賈請間語。移時來。謂繆曰。諧矣。少頃即復來。我先罄所有。用以押券。餘待甥歸。從容湊致之。繆喜曰。共得幾何。曰。十萬。繆曰。甥何處得如許。賈曰。只金箔紙錢百提足矣。繆喜曰。此易辦耳。待將停午。皂帽人不至。繆欲出市上少遊。囑賈。囑勿遠蕩。諾而出。見街里貿販。一如人世。至一所。棘垣峻絕。似是園圍。對門一酒肆。紛々者往來頗夥。肆外一帶長溪。黑潦涌動。深不見底。方佇足窺探。肆內一人呼曰。

繆君何來繆急視之則鄰村翁生故十年前文字交
趨出握手歡若平生即就肆內小酌各道契濶繆慶
幸中又逢知己傾懷盡爵不覺酣醉頓忘其先舊態
復作漸絮々瑕疵翁々曰數載不見君猶爾耶繆素
厭人道其酒德聞翁言益憤擊桌頓罵翁睨之拂袖
竟出繆追至溪頭將翁帽翁怒曰此真妄人乃推繆
顛墮溪中溪水殊不甚深而水中利刃如麻刺穿脇
脛堅難動揺痛徹骨髓黑水雜漫穢隨吸入喉更不

可過岸上人觀咲如堵、並無一引援者、時方危急、賈忽至、望見大驚、提携以歸、曰子不可為也、死猶弗悟、不足復為人、請仍從東靈受斧鎖、繆大懼、泣言知罪矣、賈乃曰、適東靈至、候汝為券、汝乃飲蕩不歸、渠忙迫不能待、我已立券、付千緡令去、餘者以旬盡為期、子歸宜急措置、夜於村外曠莽中、呼舅名焚之、此愿可結也、繆悉應之、乃促之行、送於郊外、又囑曰、必勿食言、累我無益、乃示途令歸、時繆已僵卧三日、家人

謂其醉死而鼻氣隱々如懸絲。是日甦大嘔，出黑
瀋數斗，臭不可聞。吐已，汗濕裯褥，氣味薰騰，與吐物
無異。身始涼爽，因告家人以異。旋覺刺處腫痛，隔夜
成瘡，猶幸不大潰腐。十日漸能杖行。家人共乞償，真
負繆計所費，非數金不能辦。頗生吝惜，曰：「曩或醉夢
之幻境耳，縱其不然，伊以私釋我，何敢復使真主知。」
家人勸之不聽，然心惕々，然不敢復縱飲。里黨咸喜
其進德稍々，與共酌。年餘，真報漸忘，志漸肆，故狀亦

漸萌一日飲於子姓之家又罵主人座主人擯斥出
闔戶逕去繆噪踰時其子方知捋扶而歸入室面壁
長跪自投無數曰便償爾負便償爾負言已仆地視
之氣已絕矣

陽武侯

陽武侯薛公祿膠州薛家島人父最貧牧牛鄉先生
家先生有荒田翁牧其處輒見蛇兔鬬草萊中以為
異因請於主人為宅兆構茅而居後數年太夫人臨

蓐值雨驟至適二指揮使奉命稽海出其途避雨戶
下見舍上鴉鵲群集競以翼覆漏處異之既而翁出
指揮問適何作翁以產告又詢所產曰男也指揮相
顧愕曰是必極貴不然何以得我兩指揮護守門戶
也咨嗟而去侯既長垢面垂鼻涕殊不聰慧島中薛
姓故隸軍籍是年應翁家出一丁口戍遼陽翁長子
深以為憂時侯十八歲人以大憨名無與為婚者忽
自謂兄曰大哥啾唧得毋以造成無人耶曰然侯笑

曰、若肯以婢子妻我、當任此役、兄喜、即以婢配之、
侯即携室赴戍所、行方数十里、暴雨驟至、途側有危
崖、夫妻奔避其下、少間雨止始復行、終及數武、崖石
崩墜、居人遙望、兩虎躍出、逼附兩人而沒、侯自此勇
健非常、丰采頓異、後以軍功封陽武侯、世爵至啓禎
間、襲侯某公薨、無子、止有遺腹、因暫以旁支代、凡世
封家進御者有娠、即以上聞官遣媼伴守之、既產、乃
已、年餘夫人生女、產後腹猶震動、凡十五年、更數媼、

又生男、應以嫡派賜爵、旁支諫之、以爲非薛產、官收諸媼、械梏百端、皆無異言、爵乃定、

趙城虎

趙城媼、年七十餘、止一子、一日入山、爲虎所噬、媼悲痛幾不欲活、號啼而訴於宰、宰笑曰、虎可以官法制之耶、媼愈號跳、不能制止、叱之、亦不畏懼、宰又憐其老、不忍加威怒、遂給之諾、爲捉虎、媼伏不去、必待勾牒出、乃肯行、宰無奈之何、即問諸役、誰能任之、一隸

名李能、醺醉詣前、自言能之、持牒下、姬始去、隸醒而悔之、猶謂宰之偽局、姑以解姬擾耳、因亦不甚為意、持牒報繳、宰怒曰、固言能之、何容復悔、隸窘甚、請牒拘獵戶、宰從之、隸集諸獵人、日夜伏山谷、冀得一虎、庶可塞責、月餘受杖數百、冤苦罔控、遂詣東郭藏廟、跪而祝之、哭失聲、無何一虎自外來、隸錯愕、恐被噬、噬虎入殊、不他顧、蹲立門中、隸祝曰、如殺某子者、爾也、其俯聽吾縛、遂出縲索繫虎頸、虎帖耳受縛、牽達

縣署宰問虎曰、某子爾噬之耶、虎領之、宰曰、殺人者
死、古之定律、且嫗止一子、而汝殺之、彼殘年垂盡、何
以生活、倘爾能為若子也、我將赦汝、虎又領之、乃釋
縛令去、嫗方怨宰之不殺虎以償子也、遲旦啓扉、則
有死鹿、嫗貨其肉革、用以資度、自是以為常、時啣金
帛擲庭中、嫗從此致豐裕、奉養過於其子、心竊德虎、
虎來時卧簷下、竟日不去、人畜相安、各無猜忌、數年
嫗死、虎來吼於堂中、嫗素所積、綽可營葬、族人共葬

之、坎壘方成、虎驟奔來、赴塚前、嗥鳴雷動、移時乃去、土人立義虎廟於東郭、至今猶存、

武技

李超字魁五、淄之西鄙人、豪爽好施、偶一僧來托鉢、李飽啗之、僧甚感荷、乃曰、吾少林出也、有薄技、請以相授、李喜、館之客舍、豐其供給、旦夕從學、三月、藝頗精、意甚得、僧問、汝益乎、曰、益矣、師所能者、我已盡能之、僧咲命李試其技、李乃解衣唾手、如猿飛、如鳥落、

騰躍移時、詡然交叉而立、僧又笑曰、可矣、子既盡
吾能、請一角低昂、李忻然、即各交臂作勢、既而支撐
格拒、李時、蹈僧瑕、僧忽一脚飛擲、李已仰跌丈餘、
僧撫掌曰、子尚未盡吾能也、李以掌致地、慚沮請教、
又數日、僧辭去、李由此以武藝名、遨遊南北、固有其
對、偶適歷下、見一少年尼僧、美藝於場、觀者填溢、尼
告衆人曰、顛倒一身、殊覺冷落、有好事者、無妨下場、
一撲為戲、如是宣言者三、衆相顧、迄無應者、李在側

不覺技痒、意氣而進、尼便笑與合掌、緣一交手、尼便呵止曰、此少林宗派也、即問尊師何人、李初不言、尼固詰之、乃以僧告、尼拱手曰、慈和尚爾師耶、若爾不必較手足、願拜下風、李請之再四、尼不可、衆慫恿通之、尼乃曰、既是慈師弟子、同是箇中人、無妨一戲、但兩相會意可耳、李諾之、然以其文弱、頗易之、又年少心性喜勝、思欲敗之、以要一日之名、方頷頷間、尼即遽止、李問其故、但咲不言、李以為怯、固請再角、尼乃起

少間李騰一蹶去，尼駢五指下削其股，李覺膝下如中刀斧，蹶踣不能起。尼笑謝曰：「孟浪迂客，幸勿罪。」李昇歸，月餘始愈。後年餘，僧復來，為述往事。僧驚曰：「汝大鹵莽，惹他何為？」幸先以我名告之，不然股已斷矣。」王阮亭云：「以尼亦殊踪跡不可測。」

又云：拳勇之技，少林為外家，武當張三峯為內家。三峯之後，有閩中人王宗，傳溫州、陳州、同州。明朝嘉靖間人，故今兩家之傳盛於浙東。順治中

王來咸字征南其尤著者、蘄人也、雨窓無事、讀李
超事始末、因識於後、征南之徒、又有僧尼僧耳者、
皆僧也、

小人

康熙間、有術人携一榼、藏小人長尺許、投以錢、則
啟榼、令出、唱曲而退、至掖、宰索榼入署、細審小人
出處、初不敢言、固詰之、始自述其鄉族、蓋讀書童子
自塾中歸、為術人所迷、復投以藥、四體暴縮、彼遂携

之以為戲具、宰怒、杖殺術人。

秦生

萊州秦生、製藥酒、悞投毒味、未忍傾棄、封而置之、積年餘、夜適思飲、而無所得酒、忽憶所藏、啓封嗅之、芳烈噴溢、腸痒涎流、不可制止、取殘將嘗、妻苦勸諫、生笑曰、快飲而死、勝於饑渴而死多矣、一盞既盡、倒瓶再酌、妻覆其瓶、滿屋流溢、生伏地而牛飲之、少時腹痛、口噤、中夜而卒、妻號泣為備棺木、行入殮、次夜忽

有美人入身不滿三尺逕就靈寢以甌水灌之豁然
頓甦叩而詰之曰我狐仙也適丈夫入陳家竊酒醉
死往救而歸偶過君家彼憐君子與已同病故使妾
以餘藥活之也言訖不見

余友人丘行素貢士嗜飲一夜思酒而無可行沽
輾轉不可復忍因思代之以醋謀諸婦啗之丘
固強之乃煨醢以進壺既盡始解衣甘寢次日竭
壺酒之資遣僕代沽道遇伯弟襄宸詰知其故固

疑嫂不肯爲兄謀酒。僕言夫人云：「家中蓄醋無多，昨夜已盡其半，恐再一壺則醋根斷矣。」聞者皆笑之。不知酒興初濃，即毒藥猶甘之。況醋乎？此亦可以傳矣。

鵝頭

諸生王文，東昌人，少誠篤，薄遊於楚，過六合，休於旅舍，偶步門外，遇里戚趙東樓，大賈也，嘗數年不歸，見王，相執甚歡，便邀臨存。至其所有，美人坐室中，愕怪

却步趙曳之又隔牕呼妮子去王乃入趙具酒饌話
溫涼王問此何處所答云此是小拘欄余因久客暫
假床寢話間妮子頻來出入王跼促不安離席告別
趙強捉令坐俄見一少女經門外過望見王秋波頻
轉眉目含情儀容嫵婉實神仙也王素方直至此惘
然若失便問麗者何人趙曰此媼次女小字鴟頭年
十四矣纏頭者屢以重金唱媼女執不願致母鞭楚
女以齒穉哀免今尚待聘耳王聞言俛首嘿然痴坐

酬應悉乖。趙戲之曰：「君倘垂意，當作冰斧。」王憮然曰：「此念所不敢存。然日向西絕，不言去。」趙又戲請之。王曰：「雅意極所感佩，囊橐奈何？」趙知女性激烈，必當不允，故許以十金為助。王拜謝趨出。罄資而至，得五數。強趙致媼，果少之。鴟頭言於母曰：「母日責我不作錢樹子，今請得如母所願。」我初學作人，報母有日，勿以區區放却財神去。媼以女性拘執，但得允從，即甚歡喜，遂諾之。使婢邀王，即趙難中悔，即加金付媼。王

與女歡愛甚至。既謂王曰：妾烟花下流，不堪匹敵。既蒙繾綣，義即至重。君罄囊博此一宵歡，明日如何？王泫然悲哽。女曰：無悲。妾委風塵，寔非所願。願未有敦篤可托如君者，請以宵遁。王喜遽起。女亦起，聽譙鼓已三下矣。女急易男裝，草屨出叩主人扉。王故從雙衛，托以急務，命僕便發。女以符繫僕股，並驢耳上，縱轡急馳，目不容啓。耳後但聞風鳴。平明至漢口，稅屋而止。王驚其異。女曰：言之得毋懼乎？妾寔非人，乃

狐耳母貪淫日遭虐逼心所積懣今幸脫苦海百里
外即非所知可幸無患王畧無疑畏從容曰室對芙
蓉家徒四壁實難自慰恐終見棄置女曰何為慮此
今市僦皆可居三數日淡薄亦足自給可鬻驢以作
資本王如言即於門前設小肆王與僕公同操作賣
酒販漿其中女作披肩刺荷囊日獲贏餘顧瞻甚優
積年餘漸能蓄婢媼王自是不着犢鼻但課督而已
女一日悄然忽悲曰今夜合有難作奈何王問之女

曰、母已知妾消息、必見凌逼、若遣姊來、吾無憂、恐母自至耳、夜已央、女自慶曰、不妨、阿姊來矣、居無何、妮子排闥入、女笑逆之、妮子罵曰、婢子不羞、隨人逃匿、老母令我縛去、即出索子繫女頸、女怒曰、從一者得何罪、妮子益忿、捽女斷衿、家中婢媼皆集、妮子懼、奔出、女曰、姊歸、母必自至、大禍不遠矣、可速作計、乃急辦裝、將更播遷、媼忽掩入、怒容可掬、曰、我固知婢子無禮、須自來也、女迎跪哀啼、媼不言、揪髮提去、王徘徊

徊愴惻、眠食都廢、急詣六合、冀得賄贖、至則門庭如
故、人物已非、問之居人、俱不知其所徙、悼喪而返、於
是俵散客旅、囊資東歸、後數年、偶入燕都、遇育嬰堂、
見一兒七八歲、僕人怪似其主、反覆凝注之、王問看
兒何為、僕咲以對、王亦笑、細視兒風度磊落、自念乏
嗣、因其肖已、愛而贖之、詰其姓字、自稱王孜、王曰、子
棄之襁褓、何知姓氏、曰、本師嘗言得我時、胸前有字、
書山東王文之子、王大駭曰、我即王文也、烏得有子、

念必同己姓名者、心竊喜、甚愛惜之、及歸、見者不問而知、爲王生子、孜漸長、孔武有力、喜田獵、不務生產、樂鬪好殺、王亦不能箝制之、又自言能見鬼狐、悉不之信、會里中有患狐者、請孜往覘之、至則指狐隱處、令數人隨指處擊之、即聞狐鳴、毛血交落、由是人益異之、王一日遊市廛、忽遇趙東樓、中袍不整、形色枯黯、驚問所來、趙慘然請問、王乃偕歸、命酒、趙曰、媼得鴟頭、橫施楚掠、既北徙、又欲奪其志、女矢死不二、因

囚置之生一男、棄諸曲巷、聞在育嬰堂、想已長成、此君遺體也、當往訪之、王出涕曰、天幸孽兒已歸、因述本末、又問趙曰、君何落拓至此、趙嘆曰、今而知青樓之好、不可過認真也、夫何言、先是媼北徙、趙以負販從之、貨重難遷、者悉以賤售、途中脚直供億、煩費不資、因大虧損、妮子索取尤奢、數年萬金蕩然、媼見床頭金盡、旦夕加白眼、妮子漸寄貴家宿、恒數夜不歸、趙憤激、亦無奈之何、適媼他出、顰頭自窓中呼趙曰、

拘欄中原無情好、所綢繆者錢耳、君依戀不去、將掇
奇禍、趙懼、如夢初醒、臨行竊往視女、授書使達王、
趙乃歸、因以此情爲王述之、即出鴟頭書、云、知孜
兒已在膝下矣、妾之厄難、東樓君自能緬悉、前世之
孽、夫何可言、妾幽室之中、暗無天日、鞭創裂膚、饑火
煎心、易一晨昏、如歷年歲、君如不忘漢上雪夜、單衾
遙互煖抱時、當與兒謀、必能脫妾於厄、母姊雖忍、要
皆骨肉、但囑勿致傷殘、是所願耳、王讀之、不覺泣下、

乃以金帛贈趙而去。時孜年十八矣。王爲述前後。因示母書。孜怒皆欲裂。即日趨裝赴都。詢吳媼。至則車馬盈門。孜直入。媼子方與湖客飲。望見孜愕立變色。孜驟進殺之。賓客大駭。以爲寇。及視女尸。已化爲狐。孜持刀逕入。見媼督婢作羹。孜奔進室門。媼忽不見。孜四顧。急抽矢望屋梁射之。一狐貫心而墜。遂決其首。尋得母所。投石破扉。母子相見。哭各失聲。母問媼姊。曰。已誅之矣。母怒曰。兒何不聽吾言。因命葬郊野。

攷偽諾之、剥其皮而藏之、檢媼箱篋、盡捲金貨奉母而歸、夫婦重諧、悲喜交至、既問媼姊、攷言在吾囊中、驚問之、出兩革以獻、母怒罵曰、忤逆兒何得如是、號慟自撾、轉側欲死、王極力撫慰、叱兒奠革、攷忽曰、今得安樂所、頓忘捷楚耶、母益怒、涕不止、攷奠皮返命、始稍懌、王自女歸、家益盛、心德趙、報以巨金、趙始知媼母子皆孤也、攷承奉甚孝、然誤觸之、則惡聲暴吼、女謂王曰、兒有拘筋、不刺去之、終當殺身傾產、夜俟

孜睡、潛繫其手足、孜醒曰、我無罪、母曰、將醫爾虐、其勿苦、孜大叫、轉側不可開、女以巨針刺踝骨側、三四分許、用力掘斷、崩然有聲、又於肘間腦際並如之、已乃釋縛、拍令安卧、天明奔侯父母、涕泣曰、兒早夜憶昔所行、都非人類、父母大喜、從此溫和不如處女、鄉里賢之。

異史氏曰、妓盡狐也、不謂有狐而妓者、至狐而鵠、則獸而禽矣、滅理傷倫、其何足怪、至百折千磨之

死靡他。此人類所難，而乃於狐也得之乎。唐太宗謂魏徵饒更斌媚，吾於鸛頭亦云。

封三娘

范十一娘，曉城祭酒之女，少艷美，騷雅尤絕。父母鍾愛之，求聘者輒令自擇。女恒少所可。會上元日，水月寺中諸尼作盂蘭盆會，是日遊女如雲，女亦詣之。方隨喜間，一女子步趨相隨，屢望顏色，似欲有言。審視之，二八絕代姝也。悅而好之，轉目眴注。女子微笑曰：

姊非范十一娘乎。答曰然。女子曰。久聞芳名。人言果
不虛謬。十一娘亦審里居。女笑言妾封氏第三。近在
鄰村。把臂歡笑。詞致溫婉。於是大相愛悅。依戀不舍。
十一娘問何無伴侶。曰。父母早逝。家中止一老嫗。留
守門戶。故不得來。十一娘將歸。封凝眸欲涕。十一娘
亦惘然。遂邀過從。封曰。娘子朱門繡戶。妾素無葭莩。
親慮致譏嫌。十一娘固邀之。答俟異日。十一娘乃脫
金釵一股。贈之。封亦摘髻上綠簪為報。十一娘既歸。

傾想殊切、出所贈簪、非金非玉、家人都不之識、甚異之、日望其來、悵然遂病、父母訊得故、使入於近村、諮訪之、並無知者、時值重陽、十一娘羸頓無聊、倩侍兒強扶、窺園設褥、東籬下、忽一女子攀垣來窺、覘之、則封女也、呼曰、接我以力、侍兒從之、驀然遂下、十一娘驚喜頓起、曳坐褥間、責其負約、且問所來、答云、妾家去此尚遠、時來舅家作耍、前言近村者、緣舅家耳、別後懸想頗苦、然貧賤者與貴人交、足未登門、先懷慚

作恐為僕婢下眼覷是以不果來耳適經牆外過聞
女子語便一攀望冀是小姐今果如願十一娘因述
病源封亦泣下如雨因曰妾來當須秘密恐造言生
事者飛短流長所不堪受十一娘諾偕歸同榻快與
傾懷病尋愈訂為姊妹衣服履舄輒互易着見人來
則隱匿夾幙間積五六月公及夫人頗聞之一日兩
人方對奕夫人掩入諦視驚曰真吾兒友也因謂十
一娘閨中有良友吾兩人所歡胡不早白十一娘因

連封意。夫人顧謂三娘曰：「伴吾兒極所欲慰，何昧之封？羞暈滿頰，嘿然拈帶而已。」夫人去，封乃告別。十一娘苦留之，乃止。一夕自門外匆皇奔入，泣曰：「我固謂不可留，今果遭此大辱。」驚問之，曰：「適出更衣，一少年丈夫橫來相干，幸而得逃。如此復何面目？」十一娘細詰形貌，謝曰：「勿須怪，此妾痴兄，曾告夫人杖責之。」封堅辭欲去。十一娘請待天曙，封曰：「舅家咫尺，但須一梯度我過牆耳。」十一娘知不可留，使兩婢踰垣送之。

行半里許、辭謝自去、婢返、十一娘伏床悲泣、如失伉儷、後數月、婢以故至東邨、暮歸、遇封女從老嫗來、婢喜拜問、封亦惻、訊十一娘興居、婢捉袂曰、三姑遇我、家姑、盼欲死、封曰、我亦思之、但不樂使家人知、歸啓園門、我自至、婢歸、告十一娘、十一娘喜從其言、則封已在園中矣、相見各道間濶、綿、不寐、視婢子熟眠、乃起、移與十一娘同枕、私語曰、妾固知小姐未字、以才色門第、何患無貴介婿、然紉袴兒教不足

數如欲得佳偶、請無以貧富論。十一娘然之。封又曰、舊年邂逅處、今復作道場、明日再煩一往、當令見一如意郎君、妾少讀相人書、頗不參差。昧爽、封即去。約侯蘭若、十一娘果往。封已先在、眺覽一周。十一娘便約同車、携手出門。見一秀才、年可十七八、布袍不飾、而儀容俊偉。封潛指曰、以翰苑才也。十一娘畧睨之。封別曰、小姐先歸。我即繼至。入暮果至。曰、我適物色甚詳、其人即同里孟安仁也。十一娘知其貧、不以為

可封曰、娘子何亦墮世情哉、此人苟長貧賤者、當扶我眸子去、不復相天下士矣、十一娘曰、且為奈何、封曰、願得一物、持與訂盟、十一娘曰、姊何草、父母在不遂如何、封曰、妾此為正、恐其不遂耳、志若堅、生死何可奪也、十一娘必不可、封曰、娘子姻緣已動、而魔劫未消、所以故來報前好耳、請即以所贈金鳳釵、矯命贈之、十一娘方謀更商、封已出門去、時孟生貧而多才、意將擇偶、故十八猶未聘也、是日忽睹兩艷歸

涉冥想一更向盡封三娘款門而入燭之識為日中所見喜致詰問曰妾封氏范十一娘之女伴也生大悅不暇細審遽前擁抱封拒曰妾非毛遂乃曹邱生十一娘願締永好請倩冰也生愕然不信封乃以釵示生喜不自己矢曰勞眷注若此僕不得十一娘為婦寧終鰥耳封遂去生詰旦浼鄰媪詣范夫人夫人負之竟不商女立使却去十一娘知之心失所望深怨封之悞已也而金釵難返只須以死矢之又數

日有某紳為子求婚、恐不諧、晚邑宰作伐、時某方居
權要、范公心畏之、以問十一娘、十一娘不樂、母詰之、
默、不言、但有涕泪、使人潜告夫人、非孟生死不嫁、
公聞益怒、竟許某紳家、且疑十一娘有私意於生、遂
涓吉速成禮、十一娘忍不食、日惟耽卧、至親迎之前
夕、忽起攬鏡自妝、夫人竊喜、俄侍女奔白、小姐自經、
死、舉宅驚涕、痛悔無所復及、三日遂葬、孟生自鄰媼
返命、憤恨欲絕、然遙、探訪、妄冀復成、察知佳人有

主忽火中燒萬慮俱斷矣未幾聞玉瘞香埋愴然悲
喪恨不從麗人俱死向晚出門意將乘昏夜一哭於
十一娘之墓歎有一人來近之則封三娘向生曰喜
姻好可就矣生泫然曰卿不知十一娘亡耶封曰我
所謂可就者正以其亡可急喚家人發塚我有異藥
能令甦生從之發墓破棺復掩其穴生自負尸與三
娘俱歸置榻上授以藥踰時而甦顧見三娘問此何
所封指生曰此孟安仁也因告以故始如夢醒封懼

漏洩相將去五十里、避匿山村、封欲辭去、十一娘泣
留作伴、使別院居、因貨殉葬之飾、用為資度、亦稱小
有、封每遇生來輒避去、十一娘從容曰、吾姊妹骨肉
不啻也、然終無百年聚計、不若效英皇、封曰、妾少得
異訣、吐納可以長生、故不願嫁耳、十一娘笑曰、世傳
養生術、汗牛充棟、而效者誰也、封曰、妾所得非人世
所知、世傳並非真訣、惟華陀五禽圖、差為不妄、凡修
煉家、無非欲血氣流通耳、若得厄逆症、作虎形立止、

非其驗耶。十一娘陰與生謀，使偽為遠出者。入夜，強勸以酒。既醉，生潛入污之。三娘醒曰：「妹子害我矣！」倘色戒不破，道成當升第一天。今墮奸謀，命也。乃起告辭。十一娘告以誠意而哀謝之，封曰：「寔相告，我乃狐也。緣瞻麗容，忽生愛慕，如繭自纏，遂有今日。此乃情魔之劫，非關人力。再留，則魔更生，無底止矣。娘子福澤正遠，珍重自愛，言已而逝。」夫妻驚嘆久之。逾年，生鄉會果捷，官翰林，投刺謁范公，愧悔不見，固請之。

乃見生入執子婿禮、伏拜甚恭、公愧怒、疑生儼薄、生請問、具道情事、公不深信、使人探諸其家、方大驚喜、陰戒勿宣、懼有禍變、又二年、某紳以關節發覺、父子充遼海軍、十一娘始歸寧焉。

狐夢

余友畢怡菴、個儻不羣、豪縱自喜、貌豐肥多髭、士林知名、嘗以故至叔刺史公之別業、休憩樓上、傳言樓上故多狐、畢每讀青鳳傳、心輒向往、恨不一遇、因於

樓上攝想凝思、既而歸齋、日已抵暮、時暑月燠、熱當戶而寢、睡中有人搖之、醒而却視、則一婦人、年逾不惑、而風雅猶存、畢驚起、問其誰、曰我狐也、蒙君注念、心竊感納、畢聞而喜、投以嘲謔、婦笑曰妾齒加長矣、縱人不見惡、先自慚沮、有小女及笄、可侍巾櫛、明宵無寓人於室、當即來、言已而去、至夜焚香坐伺、婦果携女至、態度嫺婉、曠世無匹、婦謂女曰、畢卽與有夙緣、卽須畱止、明旦早歸、勿貪睡也、畢乃握手入幃、款

曲備至、事已、笑曰、肥郎痴重、使人不堪、未明即去、既夕、自來曰、姊妹輩將為我賀新郎、明日即屈同去、問何所、曰、大姊作筵主、此去不遠也、果候之、良久不至、身漸倦惰、終伏案頭、女忽入曰、勞君久伺矣、乃握手而行、奄至一處、有大院落、直上中堂、則見燈燭熒熒、燦若星點、俄而主人至、年近二旬、淡妝絕美、歛衽稱賀已、將踐席、婢入白、二娘子至、見一女子入、年可十八九、笑向女曰、妹子已破瓜矣、新郎頗如意否、女以

扇擊背、白眼視之。二娘曰：「記兒時與妹相撲為戲，妹畏人數脇骨，遠呵手指，即笑不可耐，便怒謂我當嫁焦僥國小王子。我謂婢子他日嫁多髭郎，刺破小吻，今果然矣。」大娘笑曰：「無怪三娘子怒詛也。新郎在側，直爾慙跳。頃之合尊促坐，晏笑甚歡。忽一小女抱一猫至，年可十二三，雛髮未燥，而艷媚入骨。」大娘曰：「四妹，亦要見姊丈也。」此無坐處，因提抱膝頭，取肴果餌之。移時轉置二娘懷中，曰：「壓我脛骨酸痛。」二姊曰：

婢子許大身、如百鈞重、我脆弱不堪、既欲見姊丈、姊丈故壯偉、肥膝耐坐、乃捉置畢懷、入懷香炙、輕若無人、畢抱與同杯飲、大娘曰、小婢勿過飲、醉失儀容、恐姊丈所笑、小女孜、展笑以手弄猫、戛然鳴、大娘曰、尚不拋却、抱走蚤虱矣、二娘曰、請以狸奴為令、執箸交傳、鳴處則飲、衆如其教、至畢輒鳴、畢故豪飲、連舉數觥、乃知小女子故捉令鳴也、因大喧笑、二姊曰、小妹子歸休、壓煞郎君、恐三姊怨人、小女郎乃抱猫

去。大姊見畢善飲，乃摘髻子貯酒以勸。視髻僅容升許，然飲之覺有數斗之多。比乾，視之則荷蓋也。二娘亦欲相酬，畢辭不勝酒。二娘出一口脂盒子，大於彈丸。酌曰：「既不勝酒，聊以示意。」畢視之，一吸可盡。接吸百口，更無乾時。女在旁，以小蓮杯易盒子去，曰：「勿為奸人所算。」置盒案上，則一巨鉢。二娘曰：「何預汝事？」三日，即君便如許親愛。耶畢持杯向口立盡，把之膩軟，審之非杯，乃羅襪一勾。襯飾工絕。二娘奪罵曰：「猾婢。」

何時盜人履子去、怪足冰冷也、遂起入室易舄、女約離席告別、女送出村、使畢自歸、瞥然醒寤、竟是夢景、而鼻口醺々、酒氣猶濃、異之、至暮女來曰、昨宵未醉而死耶、畢言方疑是夢、女曰、姊妹怖君狂譟、故托之夢、寔非夢也、女每與畢奕、畢輒負、女笑曰、君日嗜此、我謂必大高着、今視之、只平平耳、畢求指誨、女曰、奕之爲術、在人自悟、我何能益君、朝夕漸染、或當有異、居數月、畢覺稍進、女試之、笑曰、尚未、尚未、畢出與所常

共奕者游、則人覺其異、咸竒之、畢為人坦直、胸無宿物、微洩之、女已知、責曰、無惑乎同道者不交狂生也、屢囑慎密、何尚爾、怫然欲去、畢謝過不遑、女乃稍解、然由此來寢踈矣、積年餘、一夕來兀坐相向、與之奕、奕不變、與之寢、不寢、悵然良久曰、君視我孰如青鳳、曰殆過之、曰我自慚弗如、然聊齋與君文字交、請煩作小傳、未必千載下無愛憶如君者、曰夙有此志、曩遵舊囑、故秘之、女曰向為是囑、今已將別、復何諱、問

何往。曰妾與四妹、為西王母徵作花鳥使、不復得來矣。畢求贈言、曰盛氣平、過自寡、遂起捉手曰、君送我行、至里許、洒涕分手、曰彼此有志、未必無會期也。乃去。康熙二十一年、臘月十九日、畢子與余抵足綽然堂、細述其異、余曰、有狐若此、則聊齋之筆墨有榮光矣。遂誌之。

聊齋誌異卷之十

般陽蒲松齡柳泉甫著

布客

長清某販布為業，客於泰安。聞有術人工星命之學，詣問休咎。術人推之曰：「運數大惡，可速歸。」某懼，囊資北下。途中遇一短衣人，似是隸胥，漸漬與語，遂相知。悅，屢市餐飲，呼與共啜。短衣人甚德之。某問所營幹，答言：「將適長清，有所勾致。」問為何人，短衣人出牒示。

令自審第一即已姓名、駭曰、何事見勾、短衣人曰、我乃蒿里人、東四司隸役、想子壽數盡矣、某出涕求救、鬼曰、不能、然牒上名多、拘集尚須時日、子速歸、處置後事、我最後相招、此即所以報交好耳、無何至河際、斷絕橋梁、行人艱涉、鬼曰、子行死矣、一文亦將不去、請即建橋利行人、雖頗煩費、然於子未必無小益、某然之、某歸告妻子、作周身具、尅日鳩工建橋、久之鬼竟不至、心竊疑之、一日鬼忽來曰、我已以建橋事上

報城隍轉達冥司矣。謂此一節可延壽命。今牒名已除。敬以報命。某喜感謝。後再至太山。不忘鬼德。敬贊楮錠。呼名酹奠。既出。見短衣人匆遽而來曰。子幾禍我。適司君方蒞事。幸不聞之。不然奈何。送之數武曰。後勿復來。倘有事北往。自當迂道過訪。遂別而去。

農人驅狐

有農人耕於山下。婦以陶器為餉。食已。置器隴畔。向暮視之。器中餘粥盡空。如是者屢。心疑之。因睨注以

覘之、有狐來探首器中、農人荷鋤潛往力擊之、狐驚
竄走、器囊頭苦不得脫、狐顛蹶觸器碎落出首、見農
人、竄益急、越山而去、後數年山南有貴家女、苦狐纏
祟、勅勒無靈、狐謂女曰、紙上符咒能奈我何、女給之
曰、汝道術良深、可幸永好、願不知生平亦有所畏者
否、狐曰、我固所怖、但十年前在北山時、嘗竊食田畔、
被一人戴濶笠、持曲項兵、幾為所戮、至今猶悸、女告
父、父思投其所畏、但不知姓名居里、無從問訊、會僕

以故至山村、向人偶道、旁一人驚曰、此與曩年事適相符、將無向所逐狐、今能為怪耶、僕異之、歸告主人、主人喜、即命僕馬招農人來、敬白所求、農人笑曰、曩所遇誠有之、願未必即為此物、且既能怪變、豈復畏一農人、貴家固強之、使披戴如爾日狀、入室、以鋤卓地、咤曰、我日覓汝、不可得、汝乃逃匿在此耶、今相值、決殺不宥、言已、即聞狐鳴於室、農人益作威怒、狐即哀言乞命、農人叱曰、速去、釋汝、女見狐捧頭鼠竄而

去自是遂安。

章阿端

衛輝戚生、少年蘊藉、有氣敢任、時大姓有巨第、白晝見鬼、死亡相繼、願以賤售、生廉其直、購居之、而第潤人稀、東院樓亭、蒿艾成林、亦姑廢置、家人夜驚、輒相譁以鬼、兩月餘、喪一婢、無何生妻以暮至樓亭、既歸得病、數日尋斃、家人益懼、勸生他徙、生不聽、而塊然無偶、僚慄自傷、婢僕輩又時以怪異相聒、生怒、盛氣

襖被獨卧荒亭中、留燭以覘其異、久之無他、亦竟睡去、忽有人以手探被、反覆捫擦、生醒視之、則一老大婢、攣耳蓬頭、擁腫無度、生知其鬼、捉臂推之、笑曰、尊範不堪承教、婢慚歛手蹀躞而去、少頃一女卽自西北隅出、神情婉妙、闐然至燈下、罵曰、何處狂生、居然高卧、生起笑曰、小生此間之第主、侯卿討房稅耳、遂裸而捉之、女急遁、生先趨西北隅、阻其歸路、女計窮、便坐床上、近臨之、對燭如仙、漸擁諸懷、女笑曰、狂生

不畏鬼耶。將禍爾死，生強解裙襦，則亦不甚抗拒，已而自白曰：妾章氏，小字阿端，悞適蕩子，剛愎不仁，橫加折辱，遂憤悒天逝，葬此廿餘年矣。此宅下皆坟墓也。問老婢為誰，曰：亦一故鬼。從妾服役，上有生人居，則鬼不安於夜室，適令驅君耳。問捫擦何為，女笑曰：此婢三十年未經人道，其情可憫，然亦太不自諒矣。要之餒怯者，鬼益侮弄之，剛腸者不敢犯也。聽遠鐘響，斷着衣下床曰：如不見猜，夜當復至。入夕果來，綢

繆益歡生曰室人不幸殂謝感悼不釋於懷卿能為
我致之否女聞之慨然曰妾死二十年誰一致念者
君誠多情妾當極力然聞投生有地矣不知尚在冥
司否逾夕告生曰娘子將生貴人家以生前失環撻
婢自縊死此案未結以故遲留今尚寄藥王廊下
有監守者妾使婢往行賄或將來也生問卿何閒散
曰凡枉死鬼不自投見閻羅天子不及知也二鼓向
盡老婢果引生妻而至生執手大悲妻含涕不能言

女別去曰、兩人可話契濶、另夜請相見也、生問婢死
事、妻曰、無妨、行結矣、上床偎抱、歎若平生之歡、由此
遂以為常、後五日、妻忽泣曰、明日將赴山東、乖離苦
長奈何、生聞言、揮涕流離、哀不自勝、女勸曰、妾有一
策、可得暫聚、共收涕詢之、女請以紙錢十提、焚南堂
杏樹下、持賄押生者、俾緩時日、生從之、至夕妻至、曰、
幸賴端娘、今得十日聚、生喜、禁女勿去、留與連床、暮
以暨曉、惟恐歡盡、過七八日、生以限期將滿、夫妻終

夜涕泣、問計於女、女曰、勢難再謀、然試為之、非冥資
百萬不可、生焚之如數、女來喜曰、妾使人與押生者
關說、初難之、既見多金、心始搖、今已以他鬼代生矣、
自此白日亦不復去、令生塞戶牖、燈燭不絕、如是年
餘、女忽病、瞢悶懊懷、恍惚如見鬼狀、妻撫之曰、此為
鬼病、生曰、端娘已鬼、又何鬼之能病、妻曰、不然、人死
為鬼、死為輦、鬼之畏輦、猶人之畏鬼也、生欲為聘
巫醫、曰、鬼何可以人療、鄰媼王氏、今行術於冥間、可

往召之、然去此十餘里、妾足弱不能行、煩君焚芻馬、生從之、馬方熟、即見婢女牽赤騮授綏庭下、轉瞬已杳、少頃、與一老嫗疊騎而來、繫馬廊柱、嫗入、切女十指、既而端坐、首獨俛作態、仆地移時、蹶而起曰、我黑山大王也、娘子病大篤、幸遇小神、福澤不淺哉、此孽鬼為殃、不妨不妨、但是病有瘳、須厚我供養、金百錠、錢百貫、盛筵一設、不得少缺、妻一一嚟應、嫗又仆而蘇、向病者呵叱乃已、既而欲去、妻送諸庭外、贈之以

馬忻然而去、入視女郎、似稍清醒、夫妻大悅、撫問之、女忽言曰、妾恐不得再履人世矣、合目輒見冤鬼、命也、因泣下、越宿、病益沉殆、曲體戰栗、妄有所睹、拉生同卧、以首入懷、似畏撲捉、生一起則驚叫不寧、如此六七日、夫妻無所為計、會生他出、半日而歸、聞妻哭聲、驚問、則端娘已斃床上、委脫猶存、啟之、白骨儼然、生大慟、以生人禮葬於祖墓之側、一夜妻夢中嗚咽、搖而問之、答云、適夢端娘來、言其夫為聲鬼、怒其改

節、泉下啣恨索命去、祈我作道場以懺之、生早起、即將如教、妻止之曰、度鬼非君所可與力也、乃起去、踰刺而來曰、余已命人邀僧侶、當先焚錢紙作用度、生從之、日方落、僧衆畢集、金鏡法鼓一如人世、妻每謂其聒耳、生殊不聞、道場既畢、妻又夢端娘來謝、言冤已解矣、將生作城隍之女、煩為轉致、生與妻居三年、家人初聞而惧、久之漸習、生不在則隔窓啟稟、一夜向生啼曰、前押生者、今情弊漏洩、按責甚急、恐不能

久聚矣。數日果疾。曰：情之所鍾，本願長死，不樂生也。今將永訣，得非數乎？生惶遽求策。曰：是不可爲也。問：受責乎？曰：薄有所責。然偷生之罪大，偷死之罪小。言訖不動。細審之，面龐形質漸就漸滅矣。生每獨宿亭中，冀有他遇。終亦寂然。人心遂安。

花姑子

安幼輿，陝之拔貢生。爲人揮霍好義，喜放生。見獵者獲禽獸，輒不惜重直買釋之。會舅家喪葬，往助執紼。

暮歸路經華嶽迷竄山谷中心大恐一矢之外忽見燈火趨投之數武中歛見一叟偃偻曳杖斜徑疾行安停足方欲致問叟先詰誰何安以迷途告且言燈火處必是山村將以投止叟曰此非安樂鄉幸老夫來可從去茆廬可以下榻安大悅從行里許覩小村叟叩荆扉一嫗出啟閤曰郎子來耶叟曰諾既入則舍宇湫隘叟挑燈促坐便命隨便具食又謂嫗曰此非他是我恩主婆子不能行步可喚花姑子來釀酒

俄女郎以饌具入立叟側秋波斜盼安視之芳容韶齒殆類天仙叟頷令煨酒房西隅有煤爐女郎入房撥火安問此公何人答曰老夫章姓年七十止有此女田家少婢僕以君非他人故敢出妻兒子幸勿哂也安問婿家何里答云尚未安贊其慧麗稱不容口叟方謙挹忽聞女郎驚號叟奔入則酒沸火騰叟乃救止訶曰老大婢濡猛不知耶回首見爐旁有鬻心挿紫姑未竟又訶曰髮蓬、許、絕如嬰兒持向安曰

貪此生涯致酒沸騰、蒙君子獎譽、豈不羞死、安審諦之、眉目袍服製甚精工、贊曰、雖近兒戲、亦見慧心、斟酌移時、女頻來行酒、嫣然含笑、殊不羞澹、安注目情動、忽聞嫗呼、叟便去、安覩無人、謂女曰、睹仙容使我魂失、欲通媒妁、恐其不遂、如何、女抱壺向火、嘿若不聞、屢問不對、生漸入室、女起厲色曰、狂郎入闥、將欲何為、生長跪哀之、女奪門欲去、安暴起要遮、狎接臆、女顫聲疾呼、叟匆遽入問、安釋手而出、殊切愧懼、

女從容向父曰、酒復涌沸、非卽君來、壺子融化矣、女聞女言、心始安妥、益德之魂魄顛倒、喪所懷來、於是偽醉離席、女亦遂去、叟設裯褥、闔扉乃出、安不能寐、未曙呼別、至家、卽浼交好者、造廬求聘、終日而返、竟莫得其居里、安遂命僕馬、尋途自往、至則絕壁崦嵫、竟無村落、訪諸近里、此姓絕少、失望而歸、並忘食寢、由此得昏瞶之疾、強啖湯粥、則噎噤欲吐、潰亂中輒呼花姑子、家人不解、但終夜環伺之、氣勢貼危、一夜

守者困怠並寐、生朦朧中、覺有人揣而抗之、畧開眸、則花姑子立床下、不覺神氣清醒、熟視女郎、潛、涕墮、女傾頭笑曰、痴兒何至此耶、乃登榻坐、安股、以兩手為按太陽穴、安覺腦麝奇香、穿鼻沁骨、按數刻、忽覺汗滿天庭、漸達肢體、小語曰、室中多人、我不便住、三日後當復相望、又於繡袿中、出數蒸餅、置床頭、悄然遂去、安至中夜、汗已思食、捫餅啗之、不知所包何料、甘美非常、遂盡三枚、又以衣覆餘餅、懵懵酣睡、晨

分始醒、如釋重負、三日餅盡、精神倍爽、乃遣散家人、
又慮女來、不得其門而入、潛出齋庭、悉脫扃鍵、未幾、
女果至、笑曰、痴郎子不謝巫耶、安喜極、抱與綢繆、恩
愛甚至、已而曰、妾冒險蒙垢、所以故來報重恩耳、寔
不能永諧琴瑟、幸早別圖、安嘿、良久、乃問曰、素昧
生平、何處與卿家有舊、寔所不憶、女不言、但云、君自
思之、生固求永好、女曰、屢、夜奔固不可、常諧伉儷
亦不能、安聞言悵、而悲、女曰、必欲相諧、明宵請臨

妾家安乃收悲以忻。問曰：道路遼遠，卿織屨之步，何遂能來？曰：妾固未歸，東頭聾媪我姨行，為君故淹留至今。家中恐所疑怪，安與同衾，但覺氣息肌膚無處不香。問曰：熏何薌澤，致侵肌骨？女曰：妾生來便爾，非由熏飾。安益奇之。女早起言別，安慮迷途，女約相候於路。安抵暮馳去，女果伺待，偕至舊所。叟媪歡逆，酒肴無佳品，雜具藜藿。既而請安寢，女子殊不瞻顧，頗涉疑念。更既深，女始至，曰：父母絮々不寢，致勞久待。

浹洽終夜。謂安曰：今宵之會，乃百年之別。安驚問之。
答曰：父母以小村孤寂，故將遠徙，與君好合。盡此夜
耳。安不忍釋，俯仰悲愴，依戀之間，夜色漸曙。叟忽聞
然入，罵曰：婢子玷我清門，使人愧怍欲死。女失色，草
以奔出。叟亦出，且行且詈。安驚辱，還怯，無以自容。潛
奔而歸。數日徘徊，心境殆不可遇。因思夜往，踰墻以
伺其便。叟固言有恩，即令事洩，當無大譴。遂乘夜竄
往，揲捫山中，迷悶不知所往。大懼，方覓歸途，見谷中

隱有舍宇、喜詣之、則閑閑高壯、似是世家、重門尚未
扃也、安向門者、詢章氏之居、有青衣出問、昏夜何人
詢章氏、安曰、是吾親好、偶迷居向、青衣曰、男子無問
章也、此是渠姪家、花姑今即在此、容傳白之、入未幾、
即出邀安、纔登廊舍、花姑趨出迎、謂青衣曰、安即奔
波中夜、想已困殆、可同床寢、少間攜手入帷、安問姪
家何別、無人、女曰、姪他出、留妾代守、幸與郎遇、豈非
夙緣、然偎傍之際、覺甚腥羶、心疑有異、女抱安頸、遽

以舌舐鼻孔徹腦如刺、安駭絕、急欲逃脫、而身若巨
綆之縛、少時惘然不覺矣、安不歸、家中覓者窮人跡、
或言暮遇於山徑者、家人入山尋之、則裸死危崖下、
驚怪莫察其由、昇歸、衆方聚哭、一女卽來弔自門外、
噉啣而入、撫尸捺鼻、涕洟其中、呼曰、天乎天乎、何愚
冥至此、痛哭聲嘶、移時乃已、告家人曰、停以七日勿
殮也、衆不知何人、方將啟問、女傲不為禮、含涕徑出、
留之不顧、尾其後、轉瞬已杳、群疑為神、謹遵所教、至

夜又來，哭如昨。及七夜，安忽甦，反側以呻。家人盡駭，女子入，相向嗚咽。安舉手揮衆令去。女出青草一束，燂湯升許，即床頭進之。頃刻能言，嘆曰：「再殺之，惟卿再生之，亦惟卿矣。」因述所遇。女曰：「此蛇精冒妾也。前迷道時，所見燈光，即是物也。」安曰：「卿何能起死人而肉白骨也？」母乃仙乎？女曰：「久欲言之，恐致驚怪。」君五年前，曾於華山道上，買獵獐而放之否？曰：「然，其有之。」曰：「是即妾父也。前言大德，蓋以此故。君前日已生西。」

村王主政家，妾與父訟諸閭摩王。王弗善也，父願壞道，代卽死。哀之七日，始得當。今之邂逅幸耳。然君雖生，必且痿痺不仁，得蛇血和酒飲之，病乃可除。生卽恨切齒，而慮其無術可以擒之。女曰：「不難，但多殘生，命累我百年，不得飛昇，其穴在老崖中，可於晡時聚茆焚之，外以強弩戒備，妖物可得。」言已，別曰：「妾不能終事，寔所哀憐，然為君故，業行已損其七，幸憫宥也。」月來，覺腹中震動，恐是孽根，男與女歲後當相寄耳。

流涕而去。安經宿覺腰下盡死。爬抓無所痛痒。乃以女言告家人。家人往如其言。熾火穴中。有巨白蛇。冲焰而出。數弩齊發。射殺之。火熄入洞。蛇大小數百頭。皆焦而死。家人歸。以蛇血進。安服三日。兩股漸能轉側。半年始起。後獨行谷中。遇老嫗。以綳席抱嬰兒授之。曰。吾女致意。即君安。方欲問訊。瞥不復見。啓繻視之。男也。抱歸。竟不復娶。

異史氏曰。人之所以異於禽獸者幾希。此非定論。

也。蒙恩啣結，至於沒齒，則人有慚於禽獸者矣。至於花姑，始而寄慧於慙，終而寄情於恕，乃知慙者慧之極，恕者情之至也。仙乎仙乎。

武孝廉

武孝廉石某，囊資赴都，將求銓叙。至德州，暴病唾血不起，長卧舟中。僕募金亡去，石大恚，病益加，資糧斷絕。榜人謀委棄之，會有女子乘船夜來臨泊，聞之，自願以舟載石。榜人悅，扶石登女舟。石視之，婦四十餘。

被服燦麗、神采猶都、呻以感謝、婦臨審曰、君夙有療根、今魂魄已遊墟墓、石聞之、噉然哀哭、婦曰、我有丸藥能起死、苟病瘳、勿相忘、石洒泣矢盟、婦乃以藥餌石、半日覺少痊、婦即榻供甘旨、殷勤過於夫婦、石益德之、月餘病良已、石膝行而前、敬之如母、婦曰、妾焚獨無依、如不以色衰見憎、願侍巾櫛、時石三十餘、喪偶經年、聞之喜慚過望、遂相燕好、婦乃出藏金、使入都營幹、相約返與同歸、石赴都、黃緣、遂得本省司閫、

餘金市輿馬，冠蓋赫奕。陰念婦臘已高，終非良偶，因以百金聘王氏女為繼室。心中悚怯，恐婦聞知，遂避德州道，迂途履任年餘，不通音耗。有石中表偶至德州，與婦為鄰。婦知之，詣問石況。某以寔對。婦大罵，因告以情。某亦代為不平，慰解曰：「或署中務冗，尚未暇遑，乞修尺一書，為嫂寄之。」婦如其言。某敬以達石。石殊不置意。又年餘，婦自往歸石，止於旅舍，託官署司賓者通姓氏。石令絕之。一日方燕飲，聞喧呶聲，釋杯。

凝聽則婦已塞簾入矣。石大駭，面色如土。婦指罵曰：「薄情郎安樂耶？試思富若貴何自來？我與汝情分不薄，即欲置婢妾，相謀何害？石累足屏氣，不能復作聲。久之，長跪自投，詭辭求宥。婦氣稍平。石與王氏謀，使以妹禮見婦。王氏雅不欲，石固哀之，乃往。王拜，婦亦答拜。曰：「妹勿懼，我非悍妬者。曩事實是人情所不堪，即妹亦當不願有是。郎遂為王緬述本末，王亦忿恨，因與交詈。石不能自為地，惟求自贖，遂相安帖。初婦

之未入也、石戒閹人勿通、至此怒閹人、陰詰讓之、閹人固言管鑰未發、無入者、不服、石疑之、而不敢問婦、兩雖言笑、而終非所好也、幸婦嫻婉不爭、夕三餐後、掩闥早眠、並不問良人夜宿何所、王初猶自危、見其如此、益敬之、晏旦往朝、如事姑嫜、婦御下寬和有體、而明察若神、一日石失印綬、合署沸騰、屑、往還無所為計、婦笑言無憂、竭井可得、石從之、果得焉、叩其故、輒笑不言、隱約間似知盜者之名姓、然終不肯洩、

居之終歲，察其行多異。石疑其非人，常於寢後使人
瞰聽之。但聞牀上終夜作振衣聲，亦不知其何為。婦
與王極相憐愛，一夕石以赴臬司未歸，婦與王飲，不
覺過醉，就卧席間，化而為狐。王憐之，覆以錦褥。未幾，
石入，王告以異。石欲殺之，王曰：「即狐何負於君？」石不
聽，急覓佩刀，而婦已醒，罵曰：「虺蜥之行，而豺狼之心，
必不可與久居。」曩時啖藥，乞賜還也。即唾石面，石覺
森寒如澆冰水，喉中習々作痒，嘔出則丸藥如故。婦

拾之、忽然逕出、追之已杳、石中夜舊症復作、血嗽不止、半載而卒、

異史氏曰、石孝廉翩翩若書生、或言其折節能下士、語人如恐傷、壯年殂謝、士林悼之、至聞其負狐婦一事、則與李十郎何以少異、

西湖主

陳生弼、教字明允、燕人也、家貧、從副將軍賈綰作記室、泊舟洞庭、適猪婆龍浮水面、賈射之中背、有魚啣

龍尾不去。並獲之。鎖置桅間。奄存氣息。而龍吻張翕。似求援拯。生惻然心動。請於賈而釋之。携有金瘡藥。戲敷患處。縱之水中。浮沉踰刻而沒。後年餘。生北歸。復經洞庭。大風覆舟。幸扳一竹簾。漂泊終夜。絙木而止。援岸方升。有浮尸繼至。則其僮僕。力引出之。已就斃矣。慘怛無聊。坐石憇息。但見小山聳翠。細柳搖青。行人絕少。無可問途。自遲明以及夜後。悵々靡之。忽僮僕肢體微動。喜而捫之。無何嘔水數斗。醒然頓甦。

相與曝衣石上、近午始燥可着、而枵腸轆、饑不可堪、於是越山疾行、冀有村落、終至半山、聞鳴鏑聲、方凝聽間、有二女郎乘駿馬來、騁如撒菽、各以紅綃抹額、髻插雉尾、著小袖紫衣、腰束綠錦、一挾彈、一臂青鞵、度過嶺頭、則數十騎獵於榛莽、並皆姝麗、裝束若一、生不敢前、有男子步馳、似是馭卒、因就問之、答曰、此西湖主獵首山也、生述所來、且告之餒、馭卒解裹糧授之、囑云、宜即遠避、犯駕當死、生懼、疾趨下山、茂

林中隱有殿閣，謂是蘭若。近臨之，粉垣圍沓，溪水橫流，朱門半啟，石橋通焉。攀扉一望，則臺榭環雲，擬於上苑。又疑是貴家園亭，逡巡而入，橫藤碍路，香花撲人。過數折曲欄，又是別一院宇，垂楊數十株，高拂朱簷。山鳥一鳴，則花片亂飛；深花微風，則榆錢自落。怡目快心，殆非人世。穿過小亭，有鞦韆一架，上與雲齊，而罽索沉沉，杳無人跡。因疑地近閨閣，恒怯未敢深入。俄聞馬騰打門，似有女子笑語，生與僮潛伏花叢。

中、未幾笑聲漸近、聞一女子曰、今日獵興不佳、獲禽
絕少、又一女曰、非是公主射得雁落、幾空勞僕馬也、
無何紅妝數輩、擁一女即至亭上坐、禿袖戎裝、年可
十四五、鬟多歛霧、腰細驚風、玉蕊瓊英、未足方喻、諸
女子猷茗熏香、燦如堆錦、移時女起、歷階而下、一女
曰、公主鞍馬勞頓、尚能鞦韆否、公主笑諾、遂有駕肩
者、捉臂者、褰裙者、挽扶而上、公主舒皓腕、躡利屐、輕
如飛燕、蹴入雲霄、已而扶下、群曰、公主真仙人也、喜

笑而去。生睨良久。神志飛揚。迨人聲既寂。出詣鞦韆
下。徘徊凝想。見籬下有紅巾。知為群美所遺。喜納袖
中。登其亭。見案上設有文具。遂援筆題巾曰。雅戲何
人擬。半仙分明瓊女散金蓮。廣寒隊裡恐相妬。莫信
凌波上九天。題已。吟誦而出。復尋故徑。則重門扃錮
矣。踟躕罔計。返而樓閣亭台。涉歷殆盡。一女掩入。驚
問何得來此。生揖之曰。失路之人。幸乞垂拯。女問拾
得紅巾否。生曰有之。然已玷染。奈何。因出之。女大驚。

曰、汝死無所矣、此公主所常御、塗鴉若此、何能為地、
生失色、哀求脫免、女曰、竊窺宮儀、罪已不赦、念汝儒
冠蘊藉、欲以私意相全、今孽乃自作、將何為計、遂皇
皇持巾去、生心悸肌慄、恨無翅翎、惟延頸俟死、久之
女復來、潛賀曰、子有生望矣、公主看巾三四遍、輒然
無怒容、或當放君去、宜姑耐守、勿得攀樹鑽垣、發覺
不宥矣、日已寢暮、凶祥不能自必、而餓焰中燒、憂煎
欲死、無何女子挑燈至、一婢提壺榼、出酒食餉生、生

急問消息、女云、適我乘間、言園中秀才、可恕則放之、不然、餓且死、公主沉思云、深夜教渠何之、遂命餽君食、此非惡耗也、生徊徨終夜、危不自安、良刻向盡、女子又餉之、生哀求緩頰、女曰、公主不言放、亦不言殺、我輩下人、何敢屑、瀆告、既而斜日西轉、眺望方殷、女子至、身急奔而入曰、殆矣、多言者洩其事於王妃、妃展巾抵地、大罵狂僇、禍不遠矣、生大驚、面如灰土、長跪請教、忽聞人語紛拏、女搖手避去、數人持索、洵

沟入戶內一婢熟視曰將謂何人陳郎耶遂止持索者曰且勿且勿待白王妃來返身急去少間來曰王妃請陳郎入生戰惕從之經數十門戶至一宮殿碧箔銀鈎即有美姬揭簾唱陳生至上一麗者袍服炫冶生伏地稽首曰萬里孤臣幸恕餘生妃急起曳之曰我非君子無以有今日婢輩無知致忤佳客罪何可贖即設華筵酌以餞盃生茫然不解其故妃曰再造之恩恨無所報息女蒙題巾之愛當是天緣今夕

即遣奉侍。生意出非望。神惝恍而無着。日方暮。一婢前白。公主嚴妝已竟。妃命引生就帳。忽而笙管教曹。階下悉踐花。門當藩溷處。皆籠燭數十。妖姬扶公主交拜。麝蘭之氣。充溢殿庭。既而相將入幃。兩相傾愛。生曰。羈旅之臣。生平不省拜侍。玷汚芳巾。得免斧鑕。幸矣。反賜姻好。寔非所望。公主曰。妾母湖君妃子。乃揚江王女。舊歲歸寧。偶游湖上。為流矢所中。蒙君脫免。又賜刀圭之藥。一門戴佩。常不去心。即勿以

非類見疑、妾從龍君得長生訣、願與卽共之、生乃悟
爲神人、因問婢子何以相識、曰、爾日洞庭舟上、曾有
小魚啣尾、卽此婢也、又問既不見誅、何遲、不賜縱
脫、笑曰、寔憐君才、但不得自主、顛倒終夜、他人不及
知也、生嘆曰、卿我鮑叔也、餽食者誰、曰、阿念亦妾腹
心、生曰、何以報德、笑曰、侍君有日、徐圖塞責、未晚耳、
生問大王何在、曰、從闕聖征、蚩尤未歸、居數日、生慮
家中無耗、懸念綦切、乃先以平安書遣僕歸、家中聞

洞庭舟覆，妻子縲經已年餘矣。僕歸始知不死，而音問梗塞，終恐漂泊難返。又半載，生忽至，裘馬甚都，囊中金寶充盈，由此富有巨萬，聲色豪奢，世家所不能及。七八年間，生子五人，日日宴集賓客，宮室飲饌之奉窮極豐盛，或問所遇，言之無少隱諱。有童稚之交梁子俊者，宦遊南服十餘年，歸過洞庭，見一画舫，雕檻朱牕，笙歌幽細，緩蕩烟波，時有美人推窓凭眺，梁注目舫中，見一少年丈夫，科頭疊股其上，傍有二八

妹麗、接莎交摩、念必楚襄貴官、而騶從殊少、凝眸審諦、則陳明允也、不覺凭檻酣呌、生聞呼、罷棹出臨、鷁首、邀梁過舟、見残肴滿案、酒霧猶濃、生立命徹去、頃之美婢三五、進酒烹茗、山海珍錯、目所未睹、梁驚曰、十年不見、何富貴一至於此、笑曰、君小覷窮措大、不能發跡耶、問適共飲何人、曰、山荆耳、梁又異之、問携家何往、答將西渡、梁欲再詰、生遽命歌以侑酒、一言甫畢、早雷聒耳、肉竹嘈雜、不復可聞、言笑梁見佳麗

滿前乘醉大言曰、明允公、能令我真果消魂否、生笑云、足下醉矣、然有一美妾之資、可贈故人、遂命侍兒進明珠一顆、曰、綠珠不難再購、明我非吝惜者、乃趨別曰、小事忙迫、不能與故人久聚、遂送梁歸舟、開纜徑去、梁歸探諸其家、則生方與客飲、因問昨在洞庭何歸之速、答曰、無之、梁乃追述所見、一坐盡駭、生笑曰、君誤矣、僕豈有分身術耶、衆異之、而究莫解其故、後八十一歲而終、迨殯、訝其棺輕、開之、則空棺耳、

異史氏曰。竹簾不沉。紅巾題句。此其中具有鬼神。而要之皆惻隱之一念所通也。迨宮室妻妾。一身而兩享其奉。即又不可解矣。昔有願嬌妻美妾。貴子賢孫。而兼長生不死者。僅得其半耳。豈仙人中亦有汾陽季倫耶。

孝子

青州東香山之前。有周順亭者。事母至孝。母股生巨疽。痛不可忍。晝夜嘔呻。周撫肌進藥。至忘寢食。數月。

不痊。周憂煎無以爲計。夢父告曰。母疾賴汝孝。然此瘡非人膏塗之不能愈。徒勞焦惻也。醒而異之。乃起以利刃割脇肉。脫落覺不甚苦。急以布纏腰際。血亦不注。於是烹肉持膏敷母患處。痛截然頓止。母喜。問何藥而靈效如此。周詭對之。母瘡尋愈。周每掩護割處。即妻子亦不知也。既痊。有巨痕如掌。妻詰之。始得其情。

異史氏曰。刳股爲傷生之事。君子不貴。然愚夫婦

何知傷生之爲不孝哉、亦行其心之所不自己者而已、有斯人而知孝子之真、猶在天壤、司風教者、重務良多、無暇彰表、則闡幽明微、賴茲芻蕘、

閔王

李常久臨朐人、壺榼於野、見旋風蓬、而來、敬酌奠之、後以故他適、路傍有廣第、殿閣弘麗、一青衣人自內出、邀李、固辭、青衣要遮甚殷、李曰、素不識荆、得毋誤耶、青衣云、不悞、便言李姓字、問此誰家第、云入

自知之、入進一層、見一女子、手足釘扉上、近視之、其嫂也、大駭、李有嫂、臂生惡疽、不起者年餘矣、因自念何得至此、轉疑招致意惡、畏阻却步、青衣促之、乃入、至殿下、上一人冠帶如王者、氣象威猛、李跪伏、莫敢仰視、王者命曳起之、慰之曰、勿懼、我以曩昔擾子、杯酌欲一見相謝、無他故也、李心始安、然終不知其故、王者又曰、汝不憶田野酹奠時乎、李頓悟、知其為神、頓首曰、適見嫂氏受此嚴刑、骨肉之情、寔愴於懷、乞

王憐宥。王者曰。此甚悍妬。宜得是罰。三年前汝兄妾
盤腸而產。彼陰以針刺腸上。俾至今臟腑常痛。此豈
有人理者。李固哀之。乃曰。便以子故宥之。當歸勸悍
婦改行。李謝而出。則扉上無人矣。婦視嫂。卧榻上。
瘡血殷席。時以妾拂意故。方致詬罵。李遽勸曰。嫂勿
復爾。今日惡苦。皆平日忌嫉所致。嫂怒曰。小郎若個
好男兒。又房中娘子賢似孟姑。任郎君東家眠。西
家宿。不敢一作聲。自當是小郎大乾綱。到不得代哥

子降伏老嫗、李微哂曰、嫂勿怒、若言其情、恐欲哭不
暇矣、曰、便曾不盜得王母羅中綫、又未與玉皇案前
吏一眨眼、中懷坦々、何處可用哭者、李小語曰、針刺
人腸、宜何罪、嫂勃然色變、問此言之因、李告之故、嫂
戰惕不已、涕泗流離而哀鳴曰、吾不敢矣、啼泪未乾、
覺疼頓止、旬日而瘡由是力改、前輒遂稱賢淑、後妾
再產、腸復墮、針宛然在焉、拔去之、腸痛乃瘳、

異史氏曰、或謂天下悍妬如某者、正復不少、恨陰

網之漏多也。余謂不然。冥司之罰未必無甚於釘扉者。但無回信耳。

土偶

沂水馬姓者娶妻王氏琴瑟甚篤。馬早逝。王父母欲奪其志。王矢節不他。姑憐其少亦勸之。王不聽。母曰。汝志良佳。然齒太幼。兒又無出。每見有免強於初而貽羞於後者。固不如早嫁。猶恒情也。王正容以死自誓。母乃任之。女命塑工肖夫像。每食酬獻如生時。一

夕將寢，忽見土偶人欠伸而下，駭心愕頽，即已暴長如人，真其夫也。女懼呼母，鬼止之曰：「勿爾，感卿情好，幽壤酸心。一門有忠貞，數世祖宗皆有光榮，吾父生有損德，應無嗣，遂至促我茂齡，冥司念爾苦節，故令我歸與汝生一子，以承桃緒。」女亦沾襟，遂燕好如平生。雞鳴，即下榻去。如此月餘，覺腹微動，鬼乃泣曰：「限期已滿，從此永訣矣。」遂絕。女初不言，既而腹漸大，不能隱，陰以告母，疑涉妄，然窺女無他，大惑不解。十

月果舉一男、向人言之、聞者罔不匿笑、女亦無以自伸、有里正故與馬有卻、告諸邑令、拘訊鄰人、並無異言、令曰、聞鬼子無影、有影者僞也、抱兒日中、影淡淡如輕烟然、又刺兒指血付土偶上、立入無痕、取他偶塗之、一拭便去、以此信之、及長、口鼻言動、無一不肖馬者、群疑始解、

長治女子

陳歡樂、潞之長治人、有女慧美、有道士行乞、睨之而

去。由是日托鉢近村間。適一瞽人自陳家出。道士追與同行。問何來。瞽云。適遇陳家推造命。道士曰。聞其家有女郎。我中表親。欲求姻好。但未知其甲子。瞽爲之述之。道士乃別而去。居數日。女繡於房。忽覺足麻痺。漸至股。又漸至腰腹。俄而暈然傾仆。踰刻始恍惚能立。將尋告父母。及出門。則見茫茫黑波中。一路如綫。駭而却退。門舍居廬。已被黑水滄沒。又視路上行人絕少。惟一道士緩步於前。遂遙尾之。冀見同鄉。一

相告語、走數里以來、忽睹里舍、視之、則已家門、大駭
曰、奔馳如許、固猶在村中、何向來迷惘若此、欣然入
門、父母尚未歸、復仍至已房、所繡業履猶在榻上、自
覺奔波殆極、就榻憇坐、道士忽入、女大驚欲遁、道士
捉而捺之、女欲號、則瘖不能聲、道士急以利刃剖女
心、女覺魂飄、離殼而立、四顧家舍全非、惟有崩崖
若覆、視道士以已心血點木人上、又復疊指詛咒、女
覺木人遂與已合、道士囑曰、自此當聽差遣、勿得違

誤、遂佩戴之、陳氏失女、舉家惶惑、尋至牛頭山、始聞
村人傳言、嶺下一女子剖心而死、陳奔馳、果其女也、
泣以訴宰、拘嶺下居人、拷掠幾徧、迄無端緒、姑收
群犯、以待覆勘、道士去數里外、坐路旁柳樹下、忽謂
女曰、今遣汝第一差、往偵邑中審獄狀、去當隱身煖
閣上、倘見官宰用印、即當趨避、切記勿忘、限汝辰去
已來、遲一刻、即以一針刺汝心中、令作急痛、二刻刺
二針、三刻則使汝魂魄消滅矣、女聞之、四體驚悚、飄

然遂去。瞬息至官廨。如言伏閣上。一時嶺下人羅跪堂下。尚未訊詰。適將鈐印公牒。女未及避。而印已出匣。女覺身體重炙。紙格似不能勝。暴然作响。滿堂愕。顧宰命再舉。响如前三舉。翻墮地下。衆悉聞之。宰起祝曰。如是冤鬼。當便直陳。為汝昭雪。女哽咽而前。歷言道士殺已狀。遣已狀。宰差役馳去。至柳下。道士果在。捉還。一鞠而服。人犯乃釋。宰問汝冤雪何歸。女曰。將從大人。宰曰。吾署中無處可容。不如暫歸汝家。女

良久曰、官署即吾家、我将入矣、宰又問、音响已寂、退入宅中、則夫人生女矣、

義犬

路安某甲、父陷獄、將死、搜括囊蓄、得百金、將詣郡、關說、跨驃出、則所養黑犬從之、呵逐使退、既走、則又從之、鞭逐不返、從行數十里、某下騎趨路側、私焉、既乃以石投犬、始奔去、某既行、則犬忽然復來、嚙驃尾、某怒鞭之、犬鳴吠不已、忽躍在前、憤齧驃首、似欲阻

其去路、某以為不祥、益怒、回騎馳逐之、視犬已遠、乃返轡急馳、抵郡已暮、及捫腰橐、金亡其半、涔、汗下、魂魄都失、輾轉終夜、頃念犬吠有因、侯闕出城、細審來途、又自計南北衝衢、行人如蟻、遺金寧有存理、遂巡至下騎所、見犬斃草間、毛汗濕如洗、提耳起視、則封金儼然、感其義、買棺葬之、人以為義犬塚云、

伍秋月

秦郵王鼎、字仙湖、為人慷慨有力、廣交遊、年十八未

娶、每遠遊、恒經歲不返、兄勸江北名士、友于甚篤、勸弟勿遊、將為擇偶、生不聽、命舟抵鎮江訪友、他出、因稅居於逆旅閣上、江水澄波、金山在目、心甚快之、次日友來、請生移居、辭不去、居半月餘、夜夢一女即來、年可十四五、容華端妙、上床與合、既寤而遺、頗怪之、亦以為偶、入夜又夢之、如是三四夜、心大異之、不敢熄燭、身雖偃卧、惕然自警、終交睫、夢女復來、方狎、忽自驚寤、急開目、則見少女如仙、儼然猶在抱也、見

生醒、頗自愧怯、生雖知非人、意亦甚得、無暇問訊、直與馳驟、女若不堪、曰、狂暴如此、無怪人不敢明告也、生始詰之、答云、妾伍氏、秋月、先父名儒、邃於易數、常珍愛妾、但言奇不永、故不許字人、後十五歲、果夭歿、即攢葬閣東、令與地平、亦無塚誌、惟立片石於棺側、曰、伍秋月、葬無塚、三十年、嫁王鼎、今已三十年、君適至、心喜、亟欲自薦、寸心羞怯、故假之夢寐耳、王亦喜、復求訖事、曰、妾少須陽氣、欲求復生、寔不禁此風雨、

後日好合無限、何必今宵、遂起而去。次夕復至、坐對
笑謔、懽若平生。滅燭登床、無異生人。但女既起、則遺
洩流離、沾染裊裊、一夕月明、瑩澈小步庭中、問女冥
中亦有城郭否、答曰、與陽等耳、冥間城府、不在此處、
去此可三四里、但以夜為晝、問生人能見之否、答云
亦可、生請往觀、女諾之、乘月去、女飄忽若風、王極力
追隨、歛至一處、女言不遠矣、生瞻望殊罔所見、女以
唾塗其兩眦、啓之、明倍於常、視夜色不殊、白晝、頓見

雉堞在杳藹中、路上行人如趨墟市、俄二皂繫三四
人過、末一人怪類其兄、趨近之、果兄、駭問兄那得到
此、兄見皂、潜然零涕曰、自不知何事強被拘囚、生怒
曰、我兄秉禮君子、何至縲紲如此、便請二皂幸且寬
釋、皂不肯、殊大傲睨、生恚欲與爭、兄止之曰、此是官
命、亦合奉法、但余乏用度、索賄良苦、弟歸宜措置、生
把兄臂哭失聲、皂怒、猛掣項索、兄頓顛蹶、生見之、忿
火填胸、不能制止、即解佩刀立決皂首、一皂喊嘶、生

又決之。女大驚曰：「殺官使罪不宥，遲則禍及，請即覓舟北發。」歸家，勿摘提攜，杜門絕出入七日，保無慮也。生乃挽兄，夜買小舟，火急北渡。歸見弔客在門，知兄果死，閉門下鑰。始入視兄，已渺。入室則亡者已蘊，便呼餓死矣。可急備湯餅，時死已二日。家人盡駭。生乃備言其故。七日啓閤去喪，播人始知其復甦。親友集問，但僞對之。轉思秋月，想念頗煩，遂復南下。至舊閣，秉燭久待，女竟不至。朦朧欲寢，見一姬來，曰：「秋月小。」

娘子致意郎君、前以公役被殺、凶犯逃亡、捉得娘子去、現在監押、一役遇之虐、日、盼郎君、當謀作經紀、生悲憤、便從嫗去、至一城都、入西郭、嫗指一門曰、小娘子即寄此間、王入見房舍頗繁、寄頓囚犯甚多、並無秋月、又進一小扉、斗室中有燈火、王近窓以窺、則秋月坐榻上、掩袖鳴泣、二役在側、撮頤捉履、引以嘲戲、女啼益急、一役挽頸曰、既罪犯、尚守貞耶、王怒不暇語、持刀直入、一役一刀、摧斬如麻、篡取女郎而出、

幸無覺者。終至旅舍。驀然即醒。方怪幻夢之凶。見秋月含涕而立。生驚起曳坐。告之以夢。女曰真也。非夢也。生驚曰。且為奈何。女嘆曰。此有定數。妾待月盡。始是生期。今已如此。急何能待。當速發瘞處。載妾同歸。日頻喚妾名。三日可活。但未滿時日。骨要足弱。不能為君任井臼耳。言已。草草欲出。又返身曰。妾幾忘之。冥追若何。生時父傳我符書。言三十年後可佩。今其時矣。乃索筆夜書兩符。曰。一君自佩。一粘妾背。送之。

出誌其沒處、掘尺許即見棺木、亦已敗腐、側有小碑、
果如女言、發棺視之、女顏色如生、抱入房中、衣裳隨
風盡化、粘符已、以被褥嚴裹、負至江濱、呼舟急渡、偽
言妹急病、將送歸其家、幸南風大競、甫曉已達里門、
抱女安置、始告兄嫂、一家驚顧、亦莫敢直言其惑、生
啟衾長呼秋月、夜輒擁尸而寢、日漸溫煖、三日竟甦、
七日能步、更衣拜嫂、盈々然神仙不殊、但十步之外、
須人而行、不則隨風搖曳、屢欲傾側、見者以為身有

此病轉更增媚、每勸生曰、君罪孽太深、宜積德誦經、以懺之、不然、奇恐不永也、生素不佞佛、至此歸依、甚虔、後亦無恙、

異史氏曰、余每欲上言、定律凡殺公役者、罪減平人三等、蓋此輩無有不可殺者也、故能誅鋤蠹役者、即為循良、即稍苛之、不可謂虐、況冥中原無定法、倘有惡人、刀鋸鼎鑊、不以為酷、若人心之所快、即冥王之所善也、豈罪致冥追、遂可幸而逃哉、

蓮花公主

膠州竇旭字曉暉、方晝寢、見一褐衣人立榻前、逡巡惶顧、似欲有言、生問之、答云、相公奉屈、生問相公何人、曰、近在鄰境、從之而出、轉過墻屋、導至一處、疊閣重樓、萬椽相接、曲折而行、覺萬戶千門、迥非人世、又見宮人女官、往來甚夥、都向褐衣人問曰、竇郎來乎、褐衣人諾、俄一貴官出迎、見生甚恭、既登堂、生啓問曰、素既不叙、遂踈叅謁、過蒙寵接、頗生疑念、貴官曰、

寡君以先生清族世德、傾風結慕、深願思晤焉。生益
駭、問王何人、荅云、少間自悉、無何二女官至、以双旌
導生、行入重門、見殿上一王者、見生入、降階而迎、執
賓主禮、已踐席、列筵豐盛、仰視殿上一扁曰、桂府、
生跼蹙不能致詞、王曰、忝近芳鄰、緣即至深、便當暢
懷、勿致疑畏、生唯々、酒數行、笙歌作於下、鉦鼓不鳴、
音声幽細、稍間、王忽左右顧曰、朕一言煩卿等、屬對、
才人登桂府、四座方思、生即應云、君子愛蓮花、王大

悅曰、奇哉、蓮花乃公主小字、何適合如此、寧非夙分、
傳語公主、不可不出一晤君子、移時珮環聲近、蘭麝
香濃、則公主至矣、年十六七、妙好無雙、王命向生展
拜、曰、此即蓮花小女也、拜已而去、生睹之、神情搖動、
木坐凝思、王舉觴勸飲、目竟罔睹、王似微察其意、乃
曰、息女宜相匹敵、但自慚不類如何、生悵然若痴、即
又不聞、近坐者躡之曰、王揖君未見、王言君未聞耶、
生茫乎若失、慙懼自慚、離席曰、臣蒙優渥、不覺過醉、

儀節失次。幸王垂宥。然日旰君勤。即告出也。王起曰。既見君子。寔愜心好。何倉卒而便言離也。卿既不住。亦無敢於強。若煩縈念。更當再邀。遂命內官導之出。途中內官語生曰。適王為可匹敵。似欲附為婚姻。何嘿不一言。生頓足而悔。步。追恨。遂至己家。忽然醒寤。則返照已殘。冥坐觀想。歷。在。目。晚齋滅燭。冀舊夢可以復尋。而邯鄲路渺。悔嘆而已。一夕與友人共榻。忽見前內官來。傳王命相召。生喜從去。見王伏謁。

王曳起、延止隅坐曰、別後知勞思眷、謬以小女子奉
裳衣、想不遇嫌也、生即拜謝、王命學士大臣、陪侍宴
飲、酒闌、宮人前白、公主妝竟、俄見數十宮女、擁公主
出、以紅錦覆首、凌波微步、挽上繡綸、與生交拜成禮、
已而送歸館舍、洞房溫清、窮極芳膩、生曰、有卿在目、
真使人樂而忘死、但恐今日之遭、乃是夢耳、公主掩
口曰、明、妾與君、那得是夢、詰旦方起、戲為公主勻
鉛黃、已而以帶圍腰、布指度足、公主笑問君顛耶、曰

臣屢為夢悞，故細志之。倘是夢時，亦足動懸想耳。調笑未已，忽一宮女馳入曰：妖入宮門。王避偏殿，凶禍不遠矣。生大驚，趨見王，執手泣曰：君子不棄方圖永好，詎期孽降自天。國祚將覆，且復奈何？生驚問何說。王以案上一章授生，啓讀。章曰：含香殿大學士臣黑翼為非常怪異，祈早遷都以存國脈。事據黃門報稱。自五月初六日來，一千丈巨蟒盤踞宮外，吞噬內外臣民一萬三千八百餘口。所過宮殿盡成丘墟等

因臣奮勇前窺、確見妖蟒、頭如山岳、目等江海、昂首則殿閣齊吞、伸腰則樓垣盡覆、真千古未見之亮、萬代不遭之禍、社稷宗廟、危在旦夕、乞皇上早率宮眷、速遷樂土云云、生覽畢、面如灰土、即有宮人奔奏妖物至矣、閣殿哀呼、慘無天日、王倉遽不知所為、但泣頤曰、小女已累先生、速回避難、生至息而返、公主方與左右抱首哀鳴、見生入、牽袂曰、郎馬置妾、生愴惻欲絕、乃捉腕思曰、小生貧賤、慚無金屋、有茅廬三四

間姑同竄匿可乎。公主含涕曰：急何能擇？乞携速往。生乃挽扶而出。未幾至家。公主曰：此大安宅。勝故國多矣。然妾從君來，父母何依？請別築一舍，當舉國相從。生難之。公主曰：不能急人之急，安用卽也？生畧慰解，卽已入室。公主伏床悲泣，不可勸止。焦思無術，頓然而醒。始知夢也。而耳畔啼聲嚶々，未絕。審聽之，殊非人聲。乃蜂子二三頭，飛鳴枕上，大呌怪事。友人詰之，乃以夢告。友人亦詫爲異，共起視蜂，依々裳袂間。

拂之不去。友人勸爲營巢。生如所請。督工構造。方豎
兩堵。而羣蜂自牆外來。絡繹如繩。頂尖未合。飛集盈
斗。跡其所自。則鄰翁之舊圃也。圃中蜂一房。三十餘
年矣。生息頗繁。或以生事告翁。覘之。蜂戶寂然。發
其壁。則蛇據其中。長丈許。捉而殺之。乃知巨蟒即此
物也。蜂入生家。滋息更盛。亦無他異。

綠衣女

于生名璟。字小宋。益都人。讀書醴泉寺。夜方披誦。忽

一女子在窗外贊曰、于相公勤讀哉、生念深山何處
得女子、方疑思間、女已推扉笑入、曰勤讀哉、于驚起
視之、綠衣長裙、婉妙無比、于知非人、因詰里居、女曰、
君視妾當非能咋噬者、何勞窮問、于心好之、遂與寢
處、羅襦既解、腰細殆不盈掬、更籌方盡、翩然遂去、由
此無夕不至、一夕共酌、談吐間妙解音律、于曰、卿聲
嬌細、倘度一曲、必能銷魂、女笑曰、不敢度曲、恐銷君
魂耳、于固請之、女曰、妾非吝惜、恐為他人所聞、君必

欲之、請便獻醜、但只微聲示意可耳、遂以蓮鉤輕點
床足、歌云、樹上烏、白鳥、黠奴中夜散、不怨繡鞋濕、祇
恐郎無伴、殺細如蠅、纔可辨認、而靜聽之、宛轉滑烈、
動耳搖心、歌已、啟門窺曰、防窓外有人、透屋周視、乃
入、生曰、卿何疑、惧之深、笑曰、諺云、偷生鬼子常畏人、
妾之謂矣、既而就寢、惕然不喜、曰、生平之分、殆止此
乎、于急問之、女曰、妾心動、妾祿盡矣、于慰之曰、心動
眼睜、蓋是常也、何遽此云、女稍憚、復相綢繆、更漏既

歇披衣下榻方將啟閤徘徊復返曰不知何故提慚
心怯祈送我出門于果起送諸門外女曰君竚望我
我踰垣去君方歸于曰諾視女轉過房廊寂不復見
方欲歸寢聞女號救甚急于奔往四顧無跡殺在簷
間舉首細視則一蛛大如彈搏捉一物哀鳴殺斯于
破網挑下去其縛纏則一綠蜂奄然將斃矣捉歸室
中置案頭停蘓移時始能行步徐登硯池自以身投
墨汁出伏几上走作謝字頻展雙翼已乃穿窻而去

自此遂絕。

黎氏

龍門謝中條者、挑達無行、三十餘喪妻、遺二子一女、晨夕啼號、縈累甚苦、謀聘繼室、祇昂未就、暫僱傭媼以撫子女、一日翔步山途、忽一婦人出其後、斜以窺覘、是好女子、年二十許、心悅之、戲曰、娘子獨行、不畏怖耶、婦走不對、又曰、娘子纖步、山徑殊難、婦仍不顧、謝四望無人、近身側遽掌其腕、遂曳入幽谷、將以強

合婦怒呼曰、何處強人橫來相侵、謝牽挽而行、更不休止、婦步履趺蹶、困窘無計、乃曰、燕婉之求、乃若此耶、緩我當相就耳、謝從之、偕入靜壑、野合既已、遂相歡愛、婦問其里居姓氏、謝以寔告、繼亦問婦、言妾黎氏、不幸早寡、姑又殞歿、塊然一身、無所依倚、故常至母家耳、謝曰、我亦鰥也、能相從乎、婦問君有子女無也、謝曰、寔不相欺、若論枕席之事、交好者亦頗不乏、祇是兒啼女哭、令人不耐、婦籌蹕曰、此大難事、觀

君衣服襪履款樣亦只平平。我自謂能辦。但繼母難作。恐不勝諂讓耳。謝曰。請勿疑阻。我自不言。人何干焉。婦亦微納。轉而慮曰。肌膚已沾。有何不從。但有悍伯。每以我為奇貨。恐不允諧。將復何如。謝亦憂皇。謀與逃竄。婦曰。我亦思之。爛熟所慮。家人一洩。兩非所便。謝云。此即細事。家中惟一老嫗。立便遣去。婦喜。遂與同歸。先匿外舍。謝即入。遣嫗訖。掃榻迎婦。備極歡好。婦便操作。兼為兒女補綴。辛勤甚至。謝得婦。嬖愛

異常日惟閉門相對更不通客月餘適以公事出反
閤乃去及歸則中門嚴閉扣之不應排闥而入渺無
人跡方至寢室一巨狼衝門躍出幾驚絕入視子女
皆無鮮血殷地惟三頭存焉返身追狼已不知所之
矣

異史氏曰士則無行報亦慘矣再娶者皆引狼入
室耳況將於野合逃竄中求賢婦哉斷絃者宜三
復之

荷花三娘子

湖州宗湘若，士人也。秋日巡視田壠，見禾稼茂密處，振搖甚動，疑之。越陌往覘，則有男女野合，一笑將返。即見男子醜然結帶，草草逕去。女子亦起，細審之，雅甚媚好，心悅之，欲就綢繆，寔慚鄙惡。乃畧近拂拭曰：「桑中之游樂乎？」女笑不語。宗近身啓衣，膚膩如脂，於是按莎上下幾徧。女笑曰：「腐秀才要如何便如何耳。」狂探何為，詰其姓氏，曰：「春風一度，即別東西，何勞審。」

究豈將留名字作貞坊耶。宗曰：野田草露中，乃山村牧豬奴所為，我不習慣。以卿麗質，即私約亦當自重，何至屑！如此，女聞言極意嘉納。宗言：荒齋不遠，請過留連。女曰：我出已久，恐人所疑，夜分可耳。問宗門戶物誌甚悉，乃趨斜徑疾行而去。更初果至宗齋，殫雨尤雲，備極親愛，積有月日，密無知者。會一番僧卓錫村寺，見宗驚曰：君身有邪氣，曾何所遇？答言：無之。過數日，悄然忽病。女每夕携佳果餌之，殷勤撫問，如

夫妻之好、然卧後必強宗與合、宗抱病頗不耐之心、疑其非人、而亦無術絕使去、因曰、曩和尚謂我妖惑、今果病、其言驗矣、明日屈之來、便求符咒、女慘然色變、宗益疑之、次日遣人以情告僧、曰、此狐也、其技尚淺、易就束縛、乃書符二道付囑曰、歸以靜壘一事置榻前、即以一符貼壘口、待狐竄入、急覆以盆、再以一符貼盆上、投金湯烈火烹煮、少頃斃矣、家人歸、並如僧教、夜深女始至、探袖中金橘、方將就榻問訊、忽

壘口風飄一骸女已吸入家人暴起覆口貼符方欲就煮宗見金橘散滿地上因追念情好愴然感動遽命釋之揭符去覆女子自壘中出狼狽頗殆稽首曰大道將成一旦幾為灰燼君仁人也誓必相報遂去數日宗益沉綿若將隕墜家人趨市為購材木途中遇一女子問曰汝是宗湘若紀綱否答云是曰宗卽是我表兄聞病沉篤將便省視適有故不得去靈藥一裹芳寄致之家人受歸宗念中表迄無姊妹知是

狐報服其藥果大瘳旬日平復心德之禱諸虛室願
一再覲一夜開戶獨酌忽聞彈指敲窓拔閤出視則
狐女也大悅把手稱謝延止共飲女曰別來耿耿思
無以報高厚今為君覓一良匹聊足塞責否宗問何
人女曰非君所知明日辰刻早越南湖如見有採菱
女着冰縠帔者當急趣之苟迷所往即視堤邊有短
幹蓮花隱葉底便採歸以蠟火焚其蒂當得美婦兼
致修齡宗謹受教既而告別宗固挽之女曰自遭厄

劫頓悟大道、即奈何以衾裯之愛、取人仇怨、厲色辭去、宗如言至南湖、見荷蕩中佳麗頗多、中一垂髻人、衣冰縠、絕代也、促舟劇逼、忽迷所往、即撥荷叢、果有紅蓮一枝、幹不盈尺、折之而歸、入門置几上、削蠟於旁、將以爇火、一回顧、化為姝麗、宗驚喜伏拜、女曰、痴生、我是妖狐、將為君祟矣、宗不聽、女曰、誰教子者、答曰、小生自能識卿、何待教、捉臂牽之、隨手而下、化為怪石、高尺許、面玲瓏、乃携供案上、焚香再拜而祝。

之入夜杜門塞竇、惟恐其亡、平旦視之、即又非石、紗
帔一襲、遙聞薌澤、展視領衿、猶存餘膩、宗覆衾擁之
而卧、暮起挑燈、既返、則垂髻人在枕上、喜極、恐其復
化、哀祝而後就之、女笑曰、孽障哉、不知何人饒舌、遂
教風狂兒屑碎欲死、乃不復拒、而歎洽間若不勝任、
屢乞休止、宗不聽、女曰、如此我便化去、宗惧而罷、由
是兩情甚諧、而金帛常盈箱篋、亦不知所自來、女見
人喏、似口不能道辭、生亦諱言其異、懷孕十餘月、

計日當產、入室囑宗、杜門禁歎者、自乃以刀剖臍、下取子出、令宗裂帛束之、過宿而愈、又六七年、謂宗曰、夙孽償滿、請告別也、宗聞泣下曰、卿歸我時、貧苦不自立、賴卿小阜、何忍遽離、過且卿又無邦族、他日兒不知母、亦一恨事、女亦悵悒曰、聚必有散、固是常也、兒福相、君亦期頤、更何求、妾本荷氏、倘蒙思眷、抱妾舊物而呼曰、荷花三娘子、當有見耳、言已、解脫曰、我去矣、驚顧間、飛去已高於頂、宗躍起、急曳之、捉得履

履脫及地化為石燕色紅於丹硃內外瑩徹若水晶
然拾而藏之檢視箱中初來時所着冰縠帔尚在每
一憶念抱呼荷花三娘子則宛然女郎懽容笑黛並
肖生平但不語耳

友人云花如解語還多事石不能言最可人放翁
佳句可為此傳寫照

采薇翁

明鼎革干戈逢起於陵劉芝生先生聚衆數萬將南

渡忽一肥男子詣柵門、廠衣露腹、請見兵主、先生延入、與語大悅之、問其姓名、自號采薇翁、劉留參帷幄、贈以刃、翁言我自有利兵、無須矛戟、問兵何在、翁乃捋衣露腹、臍大可容雞子、忍氣鼓之、忽臍中塞膚嗤然突出劍跗、握而抽之、白刃如霜、劉大驚、問止此乎、笑指腹曰、此武庫也、何所不有、命取弓矢、又如前狀、出雕弓一具、畧一閉息、則一矢飛墮、其出不窮、已而斂挿臍中、即都不見、劉神之、與同寢處、敬禮甚備、時

營中號令雖嚴而烏合之群時出剽掠翁曰兵貴紀律今統數萬之衆而不能鎮懾人心此敗亡之道劉善之於是糾察卒伍有掠取婦女財物者梟以示衆軍中稍肅而終不能絕翁不時乘馬出遨遊部伍間而軍中悍將驕卒輒首自墮地不知何因、共疑翁前進嚴飭之策兵士已畏惡之至此益相憾怨諸部領譖於劉曰采薇翁妖術也自古名將止聞以智不聞以術浮雲白雀之徒終致滅亡今無辜將士往

自失其首、人情洵惧、將軍與處、亦危道也、不如圖之、
劉從其言、謀俟其寢而誅之、使覘翁、坦腹方卧、鼻
息如雷、衆大喜、以兵繞舍、兩人持刀入、斷其頭、及舉
刀、頭已復合、息如故、大驚、又砍其腹、裂無血、其中
戈矛森聚、盡露其顙、衆益駭、不敢近、遙擲以稍、而鉄
弩大發、射中數人、衆驚散、白劉、急詣之、已杳矣、

鹿啣艸

關外山中多鹿、土人戴鹿首、伏莽中、捲葉作聲、鹿即

群至、然壯少而牝多、牝交群牝、千百必偏、既偏遂死、
衆牝嗅之、知其死、分走谷中、啣異草置吻旁以熏之、
頃刻復甦、急鳴金施銃、群鹿驚走、因取其草、可以回
生、

小棺

天津有舟人某、夜夢一人教之曰、明日有載竹筴賃
舟者、索之千金、不然勿渡也、某醒不以為信、既寐復
夢、且書願願願三字於壁、囑云、倘渠各價、當即書此

示之、某異之、但不識其字、亦不解何意、次日留心行旅、日向西、果有一人、驅驢載筭來問舟、某如夢索價、其人笑之、反復良久、某牽手以指書前字、其人大愕、即刻而滅、搜其裝載、則小棺數萬餘、每具僅長尺許、各貯滴血而已、某以三字傳示遐邇、並無知者、未幾吳逆叛謀既露、黨羽盡誅、陳尸幾如棺數焉、徐白山云、

李生

商河李生好道。村外里餘有蘭若。築精舍三楹。趺坐其中。遊食緇黃。往來寄宿。輒與傾談。供給不厭。一日大雪嚴寒。有老僧擔囊借榻。其詞元妙。信宿將行。固挽之。留數日。適生以他故歸。僧喁早至。意將別。生雞鳴而往。扣關不應。踰垣入。見室中燈火熒然。疑其所作。潛窺之。僧趺裝矣。一瘦驢繫燈架上。細審不類真驢。頗似殉葬物。然耳尾時動。氣味。然俄而裝成。放戶牽出。生潛尾之。山門外故有大池。僧繫驢池樹。裸

入水中、徧體掬濯、已而著衣、牽驢入亦濯之、既而加裝趨乘、行絕駛、生始呼之、僧但遙拱致謝、語不及聞、而去已遠矣、此王梅菴言之、李其友人、曾至其家、見堂上一匾、書待死堂、亦達士也、

蔣太史

蔣太史超、記前世為峨嵋僧、數夢到故居、菴前潭邊濯足、為人篤嗜內典、一意台宗、雖早登禁林、嘗有出世之想、假歸江南、抵秦陟、不欲歸、子哭挽之弗聽、遂

入蜀居成都金沙寺久之又至峨嵋居伏虎寺示疾
袒化自書偈云翛然猿鶴自來親老衲無端墮業塵
妄向鑊湯求避熱那從大海去翻身功名傀儡場中
物妻子骷髏隊裏人只有君親無答報生々常自祝
能仁

王阮亭曰蔣金壇人金壇故名金沙又其字虎臣
卒沒於峨嵋伏虎寺名皆巧合亦奇予壬子典試
蜀中蔣在峨嵋寄予書云身是峨嵋老僧故萬里

歸骨於此，尋化去。余有挽詩云：西風三十載，九病一遷官。忽憶峨眉好，真忘蜀道難。法雲晴浩蕩，春雪氣高寒。萬里堪埋骨，天成白玉棺。蓋用書中語也。

澂俗

澂人多化物類，出院求食。有客寓旅店，時見群鼠入米盎，驅之即遁。客伺其入，驟覆之瓢水，貫注其中，頃之盡斃。主人全家暴卒，惟一子在訟客。官原而宥之。

聊齋誌異卷之十一

般陽蒲松齡柳泉甫著

郭生

郭生邑之東山人少嗜讀但山村無所就正年二十餘字畫多訛先是家中患狐服食器用輒多亡失深患苦之一夜讀卷置案頭狐塗鴉甚狼籍不辨行墨因擇其稍潔者輯讀之僅得六七十首心恚憤而無如何又積窓課二十餘篇待質名流晨起見翻攤案

上墨汁濃泚殆盡恨甚會王生者以故至山素與郭善登門造訪見汚本問之郭具言所苦且出殘課示王、諦玩之其所塗留似有春秋又復視浣卷類冗襍可刪訝曰狐似有意不惟無患當即以爲師過數月回視舊作頓覺所塗良確於是改作兩題置案上以觀其異比曉又塗之積年餘不復塗但以濃墨洒作巨點淋漓滿紙郭異之持以白王、閱之曰狐真爾師也佳幅可售矣是歲果入邑庠郭以是德狐恒

置雞黍備狐啗飲。每市房書名稿，不自選擇，但決於狐。由是兩試俱列前名。入闈中副車時，葉繆諸公稿風雅艷麗，家傳而戶誦之。郭有抄本，愛惜臻至，忽被傾濃墨，椀許於上，污蔭幾無餘字。又擬題構作，自覺快意，悉浪塗之。於是漸不信狐，無何葉公以正文體被收。又稍，服其先見。然每作一文，經營慘澹，輒被塗污，自以屢拔前茅，心氣頗高，以是益疑狐妄。乃錄向之洒點多者試之，狐又盡泚之。乃笑曰：是真妄矣。

何前是而今非也、遂不為狐設饌、取讀本鎖箱麓中、
但見封錮儼然、啟視則卷面塗四畫粗於指、第一章
畫五、二章亦畫五、後即無有矣、自是狐竟寂然、後郭
一次四等、兩次五等、始知其兆已寓意於畫也、
異史氏曰、滿招損謙受益、天道也、名小立、遂自以
為是、執葉繆之故習、狃而不變、勢不至大敗塗地
不止也、滿之為害如是夫、

金生色

金生色、晉寧人也。娶同村木姓女。生一子。方週歲。金忽病。自分必死。謂妻曰。我死。子必嫁。勿守也。妻聞之。甘詞厚誓。期以必死。金搖手呼母曰。我死。勞看阿保。勿令守也。母哭應之。既而金果死。木媼來哭。已謂金母曰。天降凶憂。婿遽遭殞命。女太幼弱。將何為計。母悲悼。中聞媼言。不勝憤激。盛氣對曰。必以守。媼慚而罷。夜伴女寢。私謂女曰。人盡夫也。以兒好手足。何患無良匹。小兒女不早作人家。耽守此襁褓物。寧非

痴子、倘必令守、不宜以面目好相向、金母遇、頗聞絮語、益恚、明日謂媼曰、亡人有遺囑、本不教婦守也、今既急不能待、乃必以守、媼怒而去、母夜夢子來、涕泣相勸、心異之、使人言於木、約殯後、聽婦所適、而詢諸術家、本年墓向不利、婦思自銜以售、縗經之中、不忘塗澤、居家猶素妝、一歸寧則蘄然新艷、母知之心弗善也、以其將為他人婦、亦隱忍之、於是婦益肆、村中有無賴子、董貴者、見而好之、以金啗金鄰媼、求通殷

勤於婦、夜分由媼家踰垣以達婦所、因與會合往來、
積有旬日、醜殺四塞、所不知者惟母耳、婦室夜惟一
小婢、婦腹心也、一夕兩情方洽、聞棺木震响、殺如爆
竹、婢在外榻見亡者自幃後出、帶劍入寢室去、俄聞
二人駭詫聲、少頃董裸奔出、無何金粹婦髮亦出、大婦
嘯、母驚起、見婦赤体走出、方將啟閤、問之不答、出門
追視、寂不聞聲、竟迷所往、入婦室、燈火猶亮、卧榻前
見男子屨、呼婢、始戰惕而出、具言其異、相與駭怪、

而已。董竄過隣家團伏牆隅。移時聞人聲漸息。始起身。無寸縷。苦寒戰栗。將假衣於媪。視院中一室。双扉虛掩。因而暫入。暗摸榻上。觸女子足。知為鄰子婦。頓生淫心。乘其寢。潛就私之。婦醒。問汝來乎。應曰諾。婦竟不疑。狎褻備至。先是鄰子以故赴北村。囑妻掩戶。以待其歸。既返。聞室內有聲。疑而審聽。音態絕穢。大怒。搦戈入室。董惧竄於床下。鄰子就戮之。又欲殺妻。妻泣而告。以悞。乃釋之。但不知床下何人。呼母起共。

火之僅能辨認視之奄有氣息詰其所來猶自供吐而亦傷數處血溢不止少頃已死媼倉皇失措謂子曰捉姦而單戮之子且奈何子不得已遂又殺妻是夜木翁方寢聞戶外拉雜之聲出窺則火熾於簷而縱火人猶徬徨未去翁大呼家人畢集幸火初燃尚易撲滅命人操兵弩搜縱火者見一人趨捷如猿竟越垣去垣外乃翁家桃園中四繞周墉皆峻固數人登梯以望踪跡殊杳惟墻下塊然微動問之不應

射之而更放扉往驗則女子白身卧矢貫胸腦細燭之則翁女而金婦也駭告主人翁媼驚惕欲絕不解其故女合眸面色灰敗口氣細於屬絲使人拔腦矢不可出足踏頂而後出之女嚶然一聲血暴注氣亦隨絕翁大惧計無所出既曙以寔情白金母長跪哀乞而金母殊不怨怒但告以故令自營葬金有叔兄生光怒登翁門詬數前非翁慚沮賂令罷歸而終不知婦所私者何人俄鄰子以執奸自首既薄責釋訖

而婦兄馬彪素健訟具詞控妹冤官拘媼，懼悉供
顛末又喚金母，托疾遣生光代質具陳底裏於是
前狀並發牽木翁夫婦盡出一切盡得其情木以誨
女嫁坐縱淫笞使自贖家產蕩焉鄰媼導淫杖之斃
案乃結。

異史氏曰金氏子其神乎諄囑醮婦抑何明也一
人不殺而諸恨並雪可不謂神乎隣媼誘人婦而
反淫已婦木媼愛女而卒以殺女嗚呼欲知後日

因當前作者是報更速於來生矣。

彭海秋

萊州諸生彭好古讀書別業離家頗遠中秋未歸岑寂無偶念村中無可共語惟丘生是邑名士而素有隱惡彭常鄙之月既上倍益無聊不得已折簡邀丘飲次有剥啄者齋僮出應門則一書生欲謁主人彭離席肅客入相揖環坐便詢族居客曰小生廣陵人與君同姓字海秋值此良夜旅邸倍苦聞君高雅遂

乃不介而見、視其人布衣潔整、談笑風流、彭大喜曰、是我宗人、今夕何夕、邁此佳客、即命酌、歎若夙好、察其意似甚鄙丘、仰與攀談、輒傲不為禮、彭代為之慚、因撓亂其辭、請先以俚歌侑飲、乃仰天再咳、歌扶風豪士之曲、相與歡笑、客曰、僕不能韻、莫報陽春倩代者可乎、彭言如教、客問萊城有名妓無也、彭答云無、客嘿良久、謂齋僮曰、適喚一人在門外、可導入之、僮出、果見一女子、逡巡戶外、引之入、年二八以來、宛然

若仙彭驚絕掖坐、衣柳黃帔、香溢四座、客便慰問、千里頗煩跋涉也、女含笑唯、彭異之、便致研詰、客曰、貴鄉苦無佳人、適於西湖舟中、喚得來、謂女曰、適舟中所唱薄倖、即曲大佳、請試反之、女歌云、薄倖、即牽馬洗春沼、人散遠、馬靨香、江天高山月小、掉頭去、不歸、庭中空白曉、不怨別離多、但愁歡會少、眠何處、勿作隨風絮、便是不封侯、莫向臨卽去、客於襪中出玉笛、隨聲便串、曲終笛止、彭驚嘆不已、曰、西湖至此、何

止千里。咄嗟招來得非仙乎？客曰：仙何敢言，但視萬里猶庭戶耳。今夕西湖風月，猶勝曩時，不可不一觀也。能從遊否？彭留心以覘其異，諾言幸甚。客問舟乎？騎乎？彭思舟坐爲逸，荅言願舟。客曰：此處呼舟較遠，天河中當有渡者，乃以手向空中招曰：船來！我等要西湖去，不吝價也。無何彩船一隻，自空飄落，烟雲繞之，衆俱登見。一人持短棹，末密排修翎，形類羽扇，一搖則清風習習，舟漸上入雲霄，望南遊行，其快如

箭踰刻舟落水中。但聞絃管教嘈鳴。行嗅聒出舟一望。月印烟波。遊船若市。榜人罷棹。任其自流。細視之。真西湖也。客於艙後。取異肴佳釀。歡然對酌。少間。一樓船漸近。相傍而行。隔窓一窺。中有三兩人圍棋。喧笑。客飛一觥向女。曰。飲此送君行。女飲間。彭依戀徘徊。惟恐其去。蹴之以足。女斜波送盼。彭益動。請要後期。女曰。如相見。愛但問娟娘名字。無不知者。客即以彭綾巾授女。曰。我為若代訂三年之約。即起托女於

掌中曰、仙乎仙乎、乃扳鄰窓捉女入、窓目如盤、女伏身蛇遊而進、殊不覺隘、俄聞鄰舟曰、娟娘醒矣、舟即盪去、遙見舟已就泊、舟中人紛々並去、遊興頓消、遂與客言、欲一登岸、畧同眺矚、緣作商確、舟已自擺、因而離舟翔步、覺有里餘、客後至、牽一馬來、令彭捉之、即復去曰、待再假兩騎來、久之不至、行人已稀、仰視斜月西轉、天色向曙、丘亦不知何往、捉馬營々進退無主、振轡至泊舟所、則人船俱失、念腰橐空匱、倍益

憂惶天大明見馬上有小錯囊探之得白金三四兩買食凝待不覺向午計不如暫訪娟娘可以徐察丘耗比詢娟娘名字並無知者興轉蕭索次日遂行馬調良幸不蹇劣半月始歸方三人之乘舟而上也齋僮婦白主人已仙去舉家哀涕謂其不返彭婦繫馬而入家人驚喜集問彭始具白其異因念已獨還鄉井恐丘家聞而致詰戒家人勿播語次道馬所由來衆以仙人所遺便悉詣廐驗視及至則馬頓渺但有

丘生以草韁繫櫪邊，駭極呼彭出視。見丘垂首棧下，面色灰死，問之不言。兩眸啟閉而已。彭大不忍，解扶榻上，若喪魂魄。灌以湯飴，稍能咽。中夜少蘇，急欲登廁，扶掖而往。下馬糞數枚，又少飲，啜始能言。彭就榻研問之。丘云：下船後，彼引我閒語，至空處，戲拍項領，遂迷悶顛踣，伏定少刻，自顧已馬心，亦醒悟，但不能言耳。是大辱耻，誠不可以告妻子。乞勿洩也。彭諾之。命僕馬馳送歸。彭自是不能忘情於媚娘。又三年。

以姊丈判揚州、因往省視、州有梁公子與彭通家、開筵邀飲、即席有歌妓數輩、俱來祇謁、公子問娟娘家、人白以病、公子怒曰、婢子聲價自高、可將索子繫之來、彭聞娟娘名、驚問其誰、公子云、此娼女、廣陵第一妓、緣有微名、遂倨而無禮、彭疑名字偶同、然笑、自急極、欲一見之、無何娟娘至、公子盛氣排數、彭諦視、真中秋所見者也、謂公子曰、是與僕有舊、幸垂原恕、娟娘向彭審顧、似亦錯愕、公子未遑深問、即命行觴、

彭問薄倖卽曲猶記之否。娟娘更駭目注移時始度舊曲聽其声宛似當年中秋時酒闌公子命侍客寢彭捉手曰三年之約今始踐耶。娟娘曰昔日從人泛西湖飲不數卮忽若醉矇矓間被一人携去置一村中一僮引妾入席中三客君其一焉。後乘船至西湖送妾自窓櫺歸把手殷々每所凝念謂是幻夢而綾巾宛在今猶什襲藏之。彭告以故共相嘆詫。娟娘縱體入懷哽咽而言曰仙人已作良媒君勿以風塵可

棄遂舍此苦海人彭曰舟中之約一日未嘗去心卿
倘有意則瀉囊貸馬所不惜耳又稱貸於別駕千金
與公子合謀削其籍携之以歸偶至別業猶能識當
年飲處云

異史氏曰馬而人必其為人而馬者也使為馬正
恨其不為人耳獅象鶴鵬悉受鞭策何可謂非神
人之仁愛乎即訂三年約亦渡苦海也

堪輿

沂州宋侍郎字君楚素尚堪輿即閨閣中亦能讀其書解其理宋公卒兩公子各立門戶為父卜兆聞有善青鳥術者不憚千里爭羅致之於是兩門術士召致盈百日日連騎徧郊野東西分道出入如兩旅經月餘各得牛眠地此言封侯彼云拜相兄弟兩不相下因負氣不相謀各營壽域錦棚彩幢兩處俱備靈輦至岐路兄弟各率其屬以爭自晨至於日昃不能決賓客盡引去舁夫凡十易肩困憊不舉相與委柩

路側因止不葬。鳩工構廬以蔽風雨。兄建舍於旁。留後居守。弟亦如之。三年而成村焉。積多年。兄弟繼逝。嫂與娣始合謀。力破前人水火之議。並車入野。視所擇兩地。並言不佳。遂同修聘。贅請術人另相之。每得一地。必具圖呈閨闈。判其可否。日進數圖。悉疵摘之。旬餘始卜一域。嫂覽圖喜曰。可矣。示娣。娣曰。是地當先發一武孝廉。葬後三年。公長孫果以武庠領鄉薦。異史氏曰。青鳥之術。或有其理。而癖而信之。則痴。

矣。况負氣相爭、委樞路側、其於孝弟之道不講、奈何。冀以地理福兒孫哉。如閨中宛若、真雅而可傳者矣。

竇氏

南三復、晉陽世家也。有別墅、去所居十里餘。每馳騎一日詣之。適遇雨、途中有小村、見一農人家、門內寬敞、因投止焉。近村人故皆威重、南少頃、主人出邀、跼蹐甚恭、入其舍、斗如客。既坐、主人始操篲殷勤洒掃。

既而潑蜜爲茶、命之坐、始敢坐、問其姓名、自言廷章、姓竇、未幾進酒烹雞、給奉周至、有筭女行炙、時止戶外、稍露其丰體、年十五六、端妙無比、南心動、雨歇既歸、繫念綦切、越日具粟帛往酹、借此階進、是後常一遇竇、時携肴酒相與留連、女漸稔、不甚忌避、輒奔走其前、睨之則低鬟微笑、南益惑焉、無三日不往者、一日值竇不在、坐良久、女出應客、南捉臂狎之、女慚急、峻拒曰、奴雖貧、要嫁、何責倨凌人也、時南失偶、便

揖之曰、倘獲憐眷、定不他娶、女要誓、南指矢天日、以
堅永約、女乃允之、自此為始、瞰竇他出、即過繾綣、女
促之曰、桑中之約、不可長也、日在幷幪之下、倘肯賜
以姻好、父母必以為榮、當無不諧、宜速為計、南諾之、
轉念農家、豈堪匹偶、姑假其詞、以因循之、會媒來為
議、姻於大家、初尚籌躇、既聞貌美財豐、志遂決、女以
體孕、催併益急、南竟絕跡不往、無何女臨蓐、產一男、
父怒、榜女、女以情告、且言南要我矣、竇乃釋女、使人

問南、立却不承、竇乃棄兒、益扑女、女暗哀鄰婦、告南以苦、南亦置之、女夜亡、視棄兒猶活、遂抱以奔南、歎閨而告閨者曰、但得主人一言、我可不死、彼即不念我、寧不念兒耶、閨人具以達南、戒勿入、女倚戶悲啼、五更始不復聞、至明視之、女抱兒坐僵矣、竇忿訟之上官、悉以南不義欲罪南、懼以千金行賂得免、大家夢女披髮抱子而告曰、必勿許負心郎、若許我、必殺之、大家貪南富、卒許之、曉親迎、奩妝豐盛、新

人亦媚好。然善悲。終日未嘗睹歡容。枕席之間。時復有涕洟。問之亦不言。過數日。婦翁至。入門便泣。南未遑問。故相將入室。見女而駭曰。適於後園見吾女。縊死桃樹上。今房中誰也。女聞言。色暴變。仆然而死。視之。則竇女。急至後園。新婦果自經死。駭極。往報竇。竇發女塚。棺啟。尸亡。前忿未蠲。倍益恠怒。復訟於官。因其情幻。擬罪未決。南又厚餌竇。哀令休結。官亦受其賕。囑乃罷。而南家自此稍替。又以異迹傳播。數年。

無敢字者、南不得已、遠於百里外聘曹進士女、未及成禮、會民間訛傳、朝廷將選良家女充掖庭、以故有女者、悉送歸夫家去、一日有姬、導一輿至、自稱曹家送女者、扶女入室、謂南曰、選嬪之事已急、倉卒不能如禮、且送小娘子來、問何無客、曰、薄有奩妝、相從在後耳、姬草々逕去、南視亦風致、遂與諧笑、女俛頸引帶、神情酷類竇女、心中作惡、第未敢言、女登榻、引被幃首而眠、亦謂新人常態、弗為意、日歛昏、曹人不至、

始疑將被問女、而女亦奄然永絕、驚怪莫知其故、馳
呼告曹、竟無送女之事、相傳為異、時有姚孝廉女
新葬、隔宿為盜所發、破材失尸、聞其異、詣南所徵之、
果其女、啟衾一視、四體裸然、姚怒、質狀於官、因南
屢行無理、惡之、坐發塚見尸、論死、

異史氏曰、始亂之而終成之、非德也、况誓於初而
絕於後乎、撻於室、聽之、哭於門、仍聽之、抑何其忍、
而所以報之者、亦比李十即恠矣、

馬介甫

楊萬石、大名諸生也。生平有季常之懼。妻尹氏，奇悍。少忤之，輒以鞭撻從事。楊父年六十餘而鰥，尹以齒奴隸教。楊與弟萬鍾常竊餌翁，不敢令婦知。然衣敗絮，恐貽訕笑，不令見客。萬石四十無子，納妾王，旦夕不敢通一語。兄弟候試，郡中見一少年，容服都雅，與語，悅之。詢其姓字，自云介甫，馬姓。由此交日密。焚香為昆季之盟。既別，約半載。馬忽携僮僕過楊，值楊翁

在門外曝陽捫虱、疑為傭僕、通姓氏、使達主人、翁披
絮去、或告馬、此即其翁也、馬方驚訝、楊兄弟岸幘出
迎、登堂一揖、便請朝父、萬石辭以偶恙、促坐笑語、不
覺向夕、萬石屢言具食、而終不見至、兄弟迭互出入、
始有瘦奴持壺酒來、俄頃飲盡、坐伺良久、萬石頻起
催呼、額頰間熱汗蒸騰、俄瘦奴以饌具出、脫粟、失飪、
殊不甘旨、食已、萬石草草便去、萬鍾襆被來伴客寢、
馬責之曰、曩以伯仲高義、遂同盟好、今老父寔不溫

飽行道者羞之。萬鍾泣然曰：「在心之情，卒難申致。家門不吉，蹇遭悍嫂尊長，細弱橫被摧殘，非瀝血之好。此醜不敢揚也。」馬駭嘆移時，曰：「我初欲早旦而行，今得此異聞，不可不一目見之。」請假閒舍，就便自炊。萬鍾從其教，即除室為馬安頓。夜深竊饋蔬稻，惟恐婦知。馬會其意，力却之。且請楊翁與同食。寢自詣城肆，市布帛為易袍袴。父子兄弟皆感泣。萬鍾有子喜兒，方七歲，夜從翁眠。馬撫之曰：「此兒福壽過於其父，但

少年孤苦耳、婦聞老翁安飽、大怒輒罵、謂馬強預人家事、初惡聲尚在閨闥、漸近馬居、以示瑟歌之意、楊兄弟汗體徘徊、不能制止、而馬若弗聞也者、妾王體姪五月、婦始知之、褫衣慘掠已、乃喚萬石跪受巾幘、操鞭逐出、值馬在外、慚懼不前、又追逼之始出、婦亦隨出、叉手頓足、觀者填溢、馬指婦叱曰去去、婦即返奔、若被鬼逐、袴履俱脫、足纏縈繞於道上、徒跣而歸、面色灰死、少定、婢進襪履着已、嚔啣大哭、家無敢問

者、馬曳萬石、為解巾幘、萬石聳身定息、如恐脫落、馬強脫之、而坐立不寧、猶惧以私脫加罪、探婦哭已、乃敢入、次且而前、婦殊不發一語、遽起、入房自寢、萬石意始舒、與弟竊竒馬家人皆以為異、相聚偶語、婦微有聞、意羞怒、徧撻奴婢呼妾、創劇不能起、婦以為偽、就榻撈之、崩注墮胎、萬石於無人處對馬哀啼、馬慰解之、呼僮具牢饌、更籌再唱、不放萬石去、婦在閨中、恨夫不歸、方大恚忿、聞撓扉聲、急呼婢、則室門已

闢有巨人入影蔽一室、猙獰如鬼、俄又有數人入、各執利刃、婦駭絕欲號、巨人以刀刺頸曰、號便殺却、婦急以金帛贖命、巨人曰、我實曹使者、不要錢、但取悍婦心耳、婦益惧、自投敗簏、巨人乃以利刃畫婦心而數之曰、如某事謂可殺否、即一畫、凡一切凶悍之事、責數殆盡、刀畫膚革、不啻數十、末乃曰、妾生子亦爾宗緒、何忍打墮、此事必不可宥、乃令數人反接其手、剖視悍婦心腸、婦叩頭乞命、但言知悔、俄聞中門啟

閉曰、楊萬石來矣、既已悔過、姑留餘生、紛然盡散、無
何萬石入、見婦赤身、綳繫心頭、刀痕縱橫、不可數解、
而問之、得其故、大駭、竊疑馬、明日向馬述之、馬亦駭、
由是婦戚漸斂、經數月、不敢出一惡語、馬大喜、告萬
石曰、寔告君、幸勿宣洩、前以小術惧之、既得好合、請
暫別也、遂去、婦每日暮、挽留萬石作侶、懽笑而承迎
之、萬石生平不解此樂、遽遭之、覺坐立皆無所可、婦
一夜憶巨人狀、瑟縮搖戰、萬石思媚婦意、微露其假、

婦遽起苦致窮詰萬石自覺失言而不能諱遂寔告之婦勃然大罵萬石懼長跪床下婦不顧哀至漏三下欲得婦我恕須以刀畫汝心頭若干數此恨始消乃起捉厨刀萬石大惧而奔婦逐之犬吠雞騰家人盡起萬鍾不知何故但以身左右翼兄婦乃詬詈忽見翁來睹袍服倍益烈怒即就翁身條々割裂批頰而摘翁髭萬鍾見之怒以石擊婦中顙顙蹙而斃萬鍾曰我死而父兄得生何憾遂投井中救之已死移時

婦蘓聞萬鍾死，怒亦遂解。既殯，弟婦戀兒，矢不嫁。婦唾罵，不與食，醢去之。遺孤兒，朝夕受鞭楚，俟家人食訖，始啗以冷塊，積半歲。兒尪羸，僅存氣息。一日，馬忽至，萬石囑家人勿以告婦。馬見翁褴褛如故，大駭。又聞萬鍾殯謝，頓足悲哀。兒聞馬至，便來依戀，前呼馬叔。馬不能識，審顧始辨，驚曰：「兒何憔悴至此！」翁乃囑需具道情事。馬忽然謂萬石曰：「我曩道兄非人，果不謬。兩人止此一綫，殺之將奈何？」萬石不言，唯伏首帖。

耳而泣坐語數刻婦已知之不敢自出逐客但呼萬石入批使絕馬含涕而出批痕儼然馬怒之曰兄不能威獨不能斷出之耶歐父殺弟安然忍受何以爲人萬石欠伸似有動容馬又激之曰如渠不去須以威劫便却勿懼僕有二三知交都居要地必合極力保無虧也萬石諾負氣疾行奔而入適與婦遇叱問何爲萬石惶遽失色以手據地曰馬生教余出婦益恚頽尋刀杖萬石懼而却走馬唾之曰兄真不可

教也已。遂開篋出刀圭藥。合水授萬石。飲曰：「此丈夫再造散。所以不輕用者。以能病人故耳。今不得已。暫試之。」飲下少頃。萬石覺忿氣填胸。如烈焰中燒。刻不容忍。直抵閨闥。叫喊雷動。婦未及詰。萬石一足騰起。婦顛去數尺有咫。即復握石成拳。擂擊無算。婦體幾無完膚。嘲詈猶罵。萬石於腰中出佩刀。婦罵曰：「出刀敢殺我耶？」萬石不語。割股上肉大如掌。擲地上。方欲再割。婦哀鳴乞恕。萬石不聽。又割之。家人見萬石凶。

狂相集死力掖出馬迎去捉臂相用慰勞萬石餘怒未息屢欲奔尋馬止之少間藥力漸消嗒焉若喪馬囑曰兄勿餒乾綱之振在此一舉夫人之所以懼者非朝夕之故其所由來者漸矣譬昨死而今生須從此滌故更新再一餒則不可為矣遣萬石入探之婦股慄心惛倩婢扶起將以膝行止之乃已出語馬生父子交賀馬欲去父子共挽之馬曰我適有東海之行故便道相遇還時可復會耳月餘婦起賓事良人

久覺黔驢無技，漸狎，漸嘲，漸罵。居無何，舊態全作矣。翁不能堪，宵遁。至河南，隸道士籍。萬石亦不敢尋。年餘，馬至，知其狀，怫然責數已，呼兒至，置驢子上，驅竟去。由此鄉人皆不齒萬石。學使按臨，以劣行黜名。又四五年，遭回祿，居室財物悉為煨燼，延燒鄰舍。村人執以告郡，罰鍰煩苛。於是家產漸盡，至無居廬。近村相戒，無以舍。萬石尹氏兄弟，怒婦所為，亦拒絕之。萬石既窮，質妻於貴家，偕妻南渡。至河南界，資斧已

絕婦不肯從。聒夫再嫁。適有屠而鰥者。以錢三百貨去。萬石一身。丐食於遠村近郭間。至一朱門。閤人呵拒。不聽前。少間一官人出。萬石伏地啜泣。官人熟視久之。畧詰姓名。驚曰。是伯父也。何一貧至此。萬石細審。知為喜兒。不覺大哭。從之入。見堂中金碧煥映。俄頃父扶童子出。相對悲哽。萬石始述所遭。初馬携喜兒至此。數日。即出尋楊翁來。使祖孫同居。又延師教讀。十五歲入邑庠。次年領鄉薦。始為完婚。乃別欲去。

祖孫泣留之。馬曰：「我非人，寔孤仙耳。道侶相候已久，遂去。」孝廉言之，不覺惻楚。因昔與庶伯母同受酷虐，倍益傷感，遂以輿馬賣金贖王氏歸。年餘生一子，因以為嫡。尹從屠半載，狂悖猶昔。夫怒以屠刀孔其股，穿以毛綆懸梁上。荷肉竟出，號極聲嘶。鄰人始知，解縛抽綆，一抽則呼痛之聲，震動四鄰。以是見屠來，則骨毛皆豎。後脛創雖愈，而斷芒遺肉內，終不良於行。猶夙夜服役，無敢少懈。屠既橫暴，每醉歸，則撻詈不

情至此始悟昔之施於人者亦猶是也。一日楊夫人及伯母燒香普陀寺。近村農婦並來參謁。尹在中。悵立不前。王氏故問此伊誰家人。進白張屠之妻。便呵使前。與太夫人稽首。王笑曰。此婦從屠。當不乏肉食。何羸瘠乃爾。尹愧恨歸。欲自經。綆弱不得死。屠益惡之。歲餘屠死。途遇萬石。遙望之。以膝行。淚下如縻。萬石礙僕。未通一言。歸告姪。欲謀珠還。姪固不肯。婦為里人所唾棄。久無所歸。依群乞以食。萬石猶時就尹。

廢寺中、姪以為玷、陰教群乞窘辱之、乃絕、此事余不知其究竟、後數行乃畢、公權撰成之。

異史氏曰、內懼天下之通病也、然不意天壤之間、乃有楊郎、寧非變異、余嘗作妙音經之續言、謹附錄以博一噱。

妙音經跋

竊以天道化生萬物、重賴坤成、男兒志在四方、尤須內助、同甘獨苦、勞爾十月、呻吟就濕、移乾苦矣。

三年頻笑此傾宗祧而動念君子所以有伉儷之
求。瞻井臼而懷思古人所以有魚水之愛也。始而
不遜之聲或大施而小報繼則如賓之敬竟有往
而無來祇緣兒女深情遂使英雄短氣床上夜叉
坐任金剛亦須低眉釜底毒烟生即鉄漢無能強
項秋砧之杵可掬不擣夜之衣麻姑之爪能搔輕
試蓮花之面小受大走直將代孟母投梭婦唱夫
隨翻欲起周婆制禮婆婆娑娑跳擲停觀滿道行人嘲

嗫鳴嘶撲落一群嬌鳥惡乎哉呼天籲地忽爾披
髮向銀床醜矣夫轉目搖頭猥欲投環延玉頸當
是時也地下已多碎胆天外更有驚魂北宮黝未
必不逃孟施舍焉能無懼將軍氣同雷電一入中
庭頓歸無何有之鄉大人面若冰霜比到寢門遂
有不可問之處豈果脂粉之氣不勢而威胡乃骯
髒之身不寒而慄猶可解者魔女翹鬟來月下何
妨俯伏皈依最冤枉者鳩盤蓬首到人間也要香

花供養、聞怒獅之吼、則双孔撩天、聽牝雞之鳴、則
五體投地、登徒子淫而忘醜、回波詞憐而成嘲、設
為汾陽之婿、立致尊榮、媚卿、良有故、若贅外黃
之家、不免奴役、拜僕、將何求、彼窮鬼自覺無顏、
任其斫樹催花、止求包荒、於怨婦如錢、可云有勢、
乃亦櫻鱗犯制、不能借重於方兄、豈縛遊子之心、
惟茲鳥道、抑消霸王之氣、恃此鴻溝、然死同穴、生
同衾、何嘗教吟白首、而朝行雲、暮行雨、輒欲獨占

巫山恨煞池水清、空按紅牙玉板、憐爾妾命薄、獨
支永夜寒更、蟬殼鷺灘喜、驪龍之方睡、犢車塵尾、
恨驚馬之不奔、榻上共卧之人、撻去方知為舅、床
前久繫之客、牽來已化為羊、需之殷者、僅俄頃毒
之流者、無盡藏買笑纏頭而成、自作之孽、太甲必
曰難違、俯首帖耳而受無妄之刑、李陽亦謂不可、
酸風凜冽、吹殘綺閣之春、醋海汪洋、淹斷藍橋之
月、又或盛會忽逢、良朋即坐、斗酒藏而不設、且由

房出逐客之書，故人疎而不來，遂自我廣絕交之
論，甚而雁影分飛，涕空沾於荆樹，鸞膠再覓，變遂
起於蘆花，故飲酒陽城，一堂中惟有兄弟，吹竽商
子，七旬內並無室家，古人爲此有隱痛矣。嗚呼，百
年鴛偶，竟成附骨之疽，五兩鹿皮，或買剥床之痛，
髯如戟者如是，胆似斗者何人，故不敢於馬棧下
斷絕禍胎，又誰能向蚕室中斬除孽本，娘子軍肆
其橫暴，苦療妬之無方，胭脂虎噉盡生靈，幸渡迷

之有揖。天香夜爇，全澄湯鑊之波。花雨晨飛，盡滅劍輪之火。極樂之境，彩翼双棲。長舌之端，青蓮並蒂。拔苦惱於優婆之國立道場，於愛河之濱。噴願此幾章貝葉文，洒為一滴楊枝水。

絳妃

癸亥歲，余館於畢刺史公之綽然堂。公家花木最盛，暇輒從公杖履，得恣遊賞。一日眺覽既歸，倦極思寢，解屨登床，夢二女郎，被服艷麗，近請曰：「有所奉托，敢

請移玉余愕然起問誰相見召曰絳妃耳恍惚不解
所謂遽從之去俄睹殿閣高接雲漢下有石階層
而上約盡百餘級始至巔頭見朱門洞敞又有二三
麗者趨入通客無何詣一殿外金鈎碧箔光明射眼
內一女人降階出環珮鏘然狀若貴嬪方思展拜妃
便先言敬屈先生理湏首謝呼左右以毯貼地若將
行禮余惶悚無以為地因啟曰草莽微賤得辱寵召
已有餘榮況敢分庭抗禮益臣之罪折臣之福妃命

撤毯設宴、對筵相向、酒數行、余辭曰、臣飲少輒醉、懼有愆儀、教命云何、幸釋疑慮、妃不言、但以巨杯促飲、余屢請命、乃曰、妾花神也、合家細弱、依棲於此、屢被封家婢子橫見摧殘、今欲背城借一、煩君屬檄草耳、余皇然起奏、臣學陋不文、恐負重託、但承寵命、敢不竭肝膈之愚、妃喜、即殿上賜筆札、諸麗者拭案拂座、磨墨濡毫、又一垂髫人折紙為範、置腕下、畧寫一兩句、便二三輩疊背相窺、余素遲鈍、此時覺文思若湧、

少間稿脫爭持去啟呈絳妃、展開一過頗謂不疵、
遂復送余歸醒而憶之情事宛然但檄詞強半遺忘、
因足而成之、

謹按封氏飛揚成性忌嫉為心濟惡以才妬同醉
骨射人於暗奸類含沙昔虞帝受其狐媚英皇不
足解憂反借渠以解愠楚王蒙其蠱惑賢才未能
稱意惟得彼以稱雄沛上英雄雲飛而思猛士茂
陵天子秋高而念佳人從此怙寵日恣因而肆狂

無忌怒、踰萬竅、響碎玉於王宮、澎湃中宵、弄寒聲
於秋樹、忽向山林叢裡、假虎之威、時於灩澦堆中
生江之浪、且也簾鉤頻動、發高閣之清商、簷鈇忽
敲、破離人之幽夢、尋帷下榻、反同入幕之賓、排闥
登堂、竟作翻書之客、不曾於生平識面、直開門戶
而來、若非是掌上留裙、幾掠妃子而去、吐紅絲於
碧落、乃敢因月成闌、翻柳浪於青郊、謬說為花寄
信、賦歸田者、歸途絕就飄飄、吹薜荔之衣、登高臺

者高興方濃輕、落茱萸之帽、蓬梗卷兮上下、三
秋之羊角搏空、箏聲入乎雲霄、百尺之鳶絲斷繫、
不奉太后之詔、欲速花開、未絕座客之纓、竟吹燈
滅、甚則揚塵播土、吹平李賀之山、叫雨呼雲、捲破
杜陵之屋、馮夷起而擊鼓、少女進而吹笙、蕩漾以
來、草皆成偃、吼奔而至、瓦欲為飛、未施搏水之威、
浮水江豚時出拜、陡出障天之勢、書天雁字不成
行、助馬當之輕帆、彼有取爾、韋瑤台之翠帳、於意

云何、至於海鳥有靈、尚依魯門以避、但使行人無
恙、願喚尤、卽以歸、古有賢豪、乘而破者、萬里、世無
高士、御以行者、幾人、駕駁車之狂雲、遂以夜、卽自
大恃、貪狼之逆氣、漫以河伯為尊、姊妹俱受其催、
殘彙族、悉為其蹂躪、紛紅駭綠、掩苒何窮、擘柳鳴
條、蕭騷無際、雨零金谷、綴為藉客之裊、露冷華林、
去作沾泥之絮、埋香瘞玉、殘妝卸而翻飛、朱榭雕
闌、雜珮紛其零落、戒春光於旦夕、萬點正飄愁、覓

殘紅於東西、五更非錯恨、翩翩江漢女、弓鞋漫躋
春園、寂寞玉樓人、珠勒徒嘶芳草、斯時也、傷春者
有難乎爲情之怨、尋勝者作無可奈何之歌、爾乃
趾高氣揚、發無端之蹕厲、摧蒙振落、動不已之欄
珊、傷哉綠樹猶存、蔽之者繞牆自落、久矣朱幡不
駐、娟之者實涕誰憐、墮溷沾籬、畢芳魂於一日、朝
榮夕悴、免荼毒於何年、怨羅裳之易開、罵空於子
夜、訟狂伯之肆虐、章來報於天庭、誕告芳鄰、學作

蛾眉之陣、凡屬同氣、群興草木之兵、莫言蒲柳無能、但須籬籬有志、且看鶯儔燕侶、公覆奪愛之仇、請與蝶友蜂媒、共發同心之誓、蘭橈桂楫、可教戰於昆明、桑蓋柳旌、用觀兵於上苑、東籬處士、亦出茅廬、大樹將軍、應懷義憤、殺其氣焰、洗千年粉黛之冤、穢爾豪強、銷萬古風流之恨、

河間生

河間某生、塲中積麥、穰如丘、家人日取為薪、洞之、有

孤居其中、常與主人相見、老翁也。一日、屈主人飲、拱
生入洞、生難之、強而後入、入則廊舍華好、即座、茶酒
芳烈、但日色蒼黃、不變中夕、筵罷既出、景物俱杳、翁
每夜往、風歸、人莫能跡、問之、則言及朋招飲、生請與
俱、翁不可、固請之、翁始諾、挽生臂、疾如乘風、可炊黍
時、至一城市、入酒肆、見座客良多、聚飲頗嘩、乃引生
登樓上、下視飲者、几案肴殮、可以指數、翁自下樓、任
意取案上酒果、杯來供生、筵中、曹莫之禁、移時、生視

一朱衣人前列金橋命翁取之翁曰此正人不可近
生嘿念狐與我游必我邪也自今以往我必正方一
注想覺身不自主眩墜樓下飲者大駭相譁以妖生
仰視竟非樓上乃梁間耳以寔告衆衆審其情確贈
而遣之問其處乃魚台去河間千里云

雲翠仙

梁有才故晉人流寓於濟作小負販無妻子田產從
村人登岱：四月交香侶雜沓又有優婆夷塞率衆

男子以百十雜跽神座下視香炷為度名曰跪香才
視衆中有女郎年十七八而美悅之詐為香客近女
即跪又偽為膝困無力狀故以手據女郎足女回首
似嗔膝行而遠之才又膝行近之少間又據之女郎
覺遽起不跽出門去才亦起亦出履其跡不知所往
心無望快々而行途中見女郎從媼似為女也母者
才趨之媼女行且語媼云汝能恭禮娘々大好事汝
又無弟妹但獲娘々冥加護々汝得快婿但能相孝順

都不必貴公子富王孫也。才竊喜漸漬詰媼。自言
為雲氏女名翠仙其出也家西山四十里才曰山路
瀟母如此蹢躅妹如此纖纖何能使至曰日已晚將
寄舅家宿耳才曰適言相壻不以貧嫌不以賤鄙我
又未婚頗當母意否媼以問女。不應媼數問女曰
渠寡福又蕩無行輕薄之心還易翻覆兒不能為過
伎兒作婦才聞朴誠自表切矢皦日媼喜竟諾之女
不樂轉然而口母又強拍咤之才殷勤手於橐覓山

兜二、昇媼及女、已步從若為僕、過隘輒呵兜夫、不得
顛搖、意良殷、俄抵村舍、便邀才同入舅家、舅出翁、矜
出媼也、雲兄之嫂之、謂才吾壻、日適良、不須別擇、便
取今夕、舅亦喜、出酒肴、餌才、既嚴妝、翠仙出、拂榻促
眠、女曰、我固知、即不義、迫母命、漫相隨、即若人也、當
不須憂、偕活、才唯々聽受、明日早起、母謂才宜先去、
我以女繼至、才歸、掃戶闥、媼果送女至、入視室中、虛
無有、便云、似此何能自給、老身速歸、當小助汝辛苦、

遂去。次日有男女數輩，各携服食器具，布一室滿之。不飯俱去，但留一婢。才由此坐溫飽，惟日引里中無賴朋飲競賭，漸盜女簪珥佐博。女勸之不聽，頗不耐之。惟嚴守箱奩，似防寇。一日博黨歛門訪才，窺見女適，然驚問曰：子大富貴，何憂貧耶？才問故。答曰：曩見夫人實仙人也，適於子家，道不相稱，貨為媵。金可得百，為妓可得千，金在室而聽飲博，無資耶？才不言而心然之。歸輒向女歛歛時，言貧不可度，女不

頌才頻擊桌拋匕箸罵婢作諸惡態。一夕女沽酒與飲。忽曰。卽以貧故。日焦心。我又不能御窮。分卽憂中懷耿々。豈不愧怍。但無長物。止有此婢。鬻之可稍佐經營。才搖首曰。其直幾何。又飲少時。女曰。妾與卽有何不相承。但力竭耳。念一貧如此。便死相從。不過均此百年苦。有何發跡。不如以妾鬻貴家。而所便益得直。或較婢多。才故愕言。何得此。女固言之。色作莊才喜曰。容再計之。遂緣中貴人貨。隸樂籍。中貴人

親詣才見女大悅恐不能即得立券八百緡事瀕就
矣女曰母日以壻家貧常縈念今義斷矣我將暫
歸省且即與妾絕何得不告母才慮母阻女曰我願
自樂之保無差貸才從之夜將半始抵母家搥闥入
見樓舍華好婢僕輩往來憧憧才日與女居每請詣
母女輒止之故為甥館年餘曾未一臨岳家至此大
駭以其家巨恐媵妓所不甘也女引才登樓上媼驚
問夫妻何來女怨曰我固道渠不義今果然乃於衣

底出黃金二錠置几上曰幸不為小人賺脫仍以還
母。駭問故女曰渠將鬻我故藏金無用處乃指才
罵曰豺鼠子曩日負肩擔面沾塵如鬼初近我熏
作汗腥膚垢欲傾塌足手皴一寸厚使人終夜惡自
我歸汝家安坐餐飯鬼皮始脫母在前我豈誣耶才
垂首不敢少出氣女又曰自顧無傾城姿不堪奉貴
人似若輩男子我自謂猶相匹有何虧負遂無一念
香火情我豈不能起樓宇買良沃念汝儂薄骨乞丐

相終不是白頭侶、言次婢姬連衿臂、旋、圍繞之間、女責數、便都唾罵、共言不如殺却、何須復云云、才大惧、據地自投、但言知悔、女又盛氣曰、鬻妻子已大惡、猶未便是劇、何忍以同衾人賺作娼、言未已、衆皆裂、悉以銳簪剪刀股、攢刺脇踝、才大踣、悲哀乞命、女止之曰、可暫釋却、渠便無仁義、我不忍其骸、乃率衆下楼去、才坐聽移時、語聲漸寂、思欲潛遁、忽仰視見星漢、東方已白、野色蒼莽、燈亦尋滅、並無屋宇、身坐

削壁上、俯瞰絕堅深無底、駭絕惧墮、身稍移、塌然一聲、隨石崩墜、壁半有枯藤橫焉、冒不得墮、以枯受腹、手足無着、下視茫茫、不知幾何尋丈、不敢轉側、嗥怖聲嘶、一身盡腫、眼耳鼻舌身力俱竭、日漸高、始有樵人望見之、尋縵來、縋而下、取置崖上、奄將溘斃、舁歸其家、至則門洞廠家荒、如敗寺、床簾什器俱杳、惟有繩床敗案、是已家舊物、零落猶存、嗒然自卧、飢時日一乞食於鄰、既而腫潰為癩、里薄其行、悉唾棄之、

才無計、賃屋而穴居、行乞於道、以刀自隨、或勸以刀
易餌、才不肯、曰野居防虎狼、用自衛耳、後遇向、勸鬻
妻者於途、近而哀語、遽出刀擊而殺之、遂被收、官廉
得其情、亦未忍酷虐之、繫獄中、尋瘐死、

異史氏曰、得遠山芙蓉、與共四壁、與以南面王、豈
易哉、已則非人、而怨逢惡之友、故為友者不可不
知戒也、凡狹邪子、誘人淫博、為諸不義、其事不敗、
雖則不怨、亦不德、迨於身無襦、婦無袴、千人所指、

無疾將死、窮敗之念、無時不繫於心、窮敗之恨、無時不切於齒、清夜牛衣中、輾轉不寐、夫然後歷々想未落時、歷々想將落時、又歷々想致落之故、而因以及發端致落之人、至於此、弱者起擁絮坐詛、強者忍凍裸行、篝火索刀、霍々磨之、不待終夜矣、故以善規人、如贈橄欖、以惡誘人、如饋漏脯也、聽者固當省言者、可勿惧哉、

大力將軍

查伊璜，浙人。清明飲野寺中，見殿前有古鐘，大於兩石甕，而上下土痕手迹，滑然如新，疑之。俯窺其下，有竹筐，受八升許，不知所貯何物。使數人掘耳力掀舉之，無少動。益駭，乃坐飲以伺其人。居無何，有乞兒入，携所得糗糒，堆累鐘下。乃以一手起鐘，一手掬餌置筐內，往返數四，始盡。已復合之，乃去。移時復來，採取食之。食已，復探，輕若啟櫝。一座盡駭。查問若男兒，胡行乞，答以咱噉多，無傭者。查以其健，勸投行伍。乞人

愀然慮無階，查遂携婦，餌之，計其食畧倍五六人，為易衣履，又以五十金贈之行。後十餘年，查猶子令於閩，有吳將軍六一者，忽來通謁，款談間，問伊璜，是君何人？答言為諸父行，與將軍何處有素？曰：是我師也。十年之別，頗復憶念，煩致先生一賜臨也。漫應之。自念叔名賢，何得武弟子？會伊璜至，因告之。伊璜茫不記憶，因其問訊之殷，即命僕馬投刺於門。將軍趨出，逆諸大門之外，視之，殊昧生平，竊疑將軍悞。將軍偃

倭益恭肅客入深啟三四闕忽見女子往來知為私
解屏足立將軍又揖之少間登堂則捲簾者移座者
並皆少姬既坐方擬展問將軍頗少動一姬捧朝服
至將軍遽起更衣查不知其何為衆姬捉袖整襟訖
先命數人捺查座上不使動而後朝拜如覲君父查
大愕莫解所以拜已以便服侍坐笑曰先生不憶舉
鐘之乞人耶查乃悟既而華筵高列家樂作於下酒
闌群姬列侍將軍入室請社闔扉乃去查醉起遲將

軍已於寢門外三問矣。查不自安，辭欲返。將軍投轄下，鑰錮閉之。見將軍日無他作，惟點姬婢、養廝卒及騾馬服用器具，督造記籍，戒無遺漏。查以將軍家政故未深叩。一日執籍謂查曰：「不才得有今日，悉出高厚之賜。一婢一物，所不敢私。敢一半奉先生。查愕然不受。將軍不聽，出藏鏹數萬，亦兩置之。按籍點照，古玩床几，堂內外羅列幾滿。查固止之。將軍不顧，稽婢僕姓名已，即令男為治裝，女為歛器，且囑敬事先生。

百聲悚應。又親視姬婢登輿。廐卒捉馬驟闐咽並發。乃返。別查後查以修史一案株連被收。卒得免。皆將軍力也。

異史氏曰。厚施而不問其名。真俠烈古丈夫哉。而將軍之報亦慷慨豪爽。尤千古所僅見。如此胸襟。自不應老於溝瀆。以是知兩賢相遇。非偶然也。

白蓮教

白蓮盜首徐鴻儒。得左道之書。能役鬼神。小試之觀。

者盡駭走門下者如驚於是陰懷不軌因出一鏡言能鑑人終身懸於庭令人自照或襜頭或紗帽繡衣貂蟬現形不一人益怪愕由是道路搖播踵求鑑者揮汗相屬徐乃宣言凡鏡中文武貴官皆如來佛註定龍華會中人各宜努力勿得退縮因以鏡對衆自照則冕旒龍袞儼然王者衆相視而驚大衆齊伏徐乃建旗秉鉞固不歡躍相從冀符所照不數月聚黨以萬計滕嶧一帶望風而靡後大兵進勦有彭都司者

長山人藝勇絕倫、寇出二垂髻女與戰、女俱双刃、利如霜、騎大馬噴嘶甚怒、飄忽盤旋、自晨達暮、彼不能傷彭、亦不能捷也、如此三日、彭覺筋力俱竭、哮喘而卒、迨鴻儒既誅、捉賊党械問之、始知刃乃木刀、騎乃木橈也、假兵馬死真將軍亦奇矣、

顏氏

順天某生家貧、值歲飢、從父之洛、性鈍、年十七、裁不能成幅、而丰儀秀美、能雅謔、善尺牘、見者不知其中

之無有也。無何父母繼歿。孑然一身。受童蒙於洛汭。時村中顏氏有孤女。名士裔也。少慧。父在時嘗教之讀。一過輒記不忘。十數歲學父吟咏。父曰。吾家有女學士。惜不弁耳。鍾愛之。期擇貴壻。父卒。母執此志。三年不遂。而母又卒。或勸適佳士。女然之。而未就也。適鄰婦踰垣來。就與攀談。以字紙裏繡綫。女啟視。則某手翰寄鄰生者。反覆之。而好焉。鄰婦窺其意。私語曰。此翩翩一美少年。孤與卿等。年相若也。倘能垂意。妾

囑渠媒合之。女脉、不語。婦歸，以意授夫。鄰生故與生善，告之。大悅。有母遺金鷄鐙，託妻致焉。刺日成禮。魚水甚懽。及睹生文，笑曰：「文與卿似是兩人。」如此何日可成？朝夕勸生研讀，嚴如師友。斂昏，先挑燭據案，自哦。為丈夫率聽漏三下乃已。如是年餘，生制藝頗通，而再試再黜，身名蹇落，饔飧不給，撫情寂寞，罄、悲泣。女訶之曰：「君非丈夫，負此弁耳，使我易髻而冠，青紫直芥視之。」生方懊喪，聞妻言，睽暘而怒曰：「閨中

人身不到場屋、便以功名富貴、似汝在厨下汲水、炊白粥、若冠加於頂、亦猶人耳、女笑曰、君勿怒、俟試期、妾請易裝相代、倘落拓如君、當不敢復藐天下士矣、生亦笑曰、卿自不知藥苦、真宜使嘗試之、但恐綻露、為鄉鄰笑耳、女曰、妾非戲語、君嘗言燕有故廬、請易裝從君、歸、偽為弟、君以襁褓出、誰得辨其非、生從之、女入房、巾服而出、曰、視妾可作男兒否、生視之、儼然一顧影少年也、生喜、徧辭里社、交好者、薄有餽遺、買

一羸蹇、御妻而歸、生叔兄尚在、見而弟如冠玉、甚喜、晨夕卹頤之、又見宵旰攻苦、倍益愛敬、僱一剪髮雛奴、為供給使、暮後輒遣去之、鄉中弔慶、兄自出周旋、弟惟下帷讀、居半年、罕有睹其面者、客或請見、兄輒代辭、讀其文、瞠然駭異、或排闥而迫之、一揖便亡去、客睹丰采、又共傾慕、由此名大譟、世家爭願贅焉、叔兄商之、惟輟然笑、再強之、則言矢志青雲、不及第不婚也、會學使按臨、兩人並出、兄又落第、以冠軍應試、

中順天第四、明年成進士、授桐城令、有吏治、尋遷河南道掌印御史、富埒王侯、因托疾乞骸骨、賜歸田里、賓客填門、乞謝不納、又自諸生以及顯貴、並不言娶、人無不怪之者、歸後漸置婢、或疑其私、嫂察之、殊無苟且、無何明鼎革、天下大亂、乃告嫂曰、實相告、我小卽婦也、以男子蒞葺、不能自立、負氣自爲之、深恐播揚、致天子召問、貽笑海內耳、嫂不信、脫靴而示之足、始愕、視靴中則敗絮滿焉、於是使生承其銜、仍閉門

而雌伏矣。而生平不孕，遂出資購妾，謂生曰：凡人置身通顯，則買姬媵以自奉，我宦蹟十年，猶一身耳。君何福澤，坐享佳麗？生曰：面首三十人，請卿自置耳。相傳為笑。是時生父母屢受覃恩，笑縉紳拜往，尊生以侍御禮，生羞褻閨銜，惟以諸生自安。終身未嘗與蓋云。

異史氏曰：翁姑受封於新婦，可謂奇矣。然侍御而夫人也，何時無之？但夫人而侍御者少耳。天下冠

儒冠稱丈夫者，皆愧死矣。

木偶戲

商人白有功，言在灤口河上，見一人荷竹簾，牽巨犬，
二於簾中出，木雕美人，高尺餘，手目轉動，艷妝如生，
又以小錦韉被犬身，便令跨坐，安置已，叱犬疾奔，美
人自起，學解馬作諸劇，銜而腹藏，腰而尾贅，跪拜起
立，靈變不訛，又作昭君出塞，別取一木雕兒，挿雉尾，
披羊裘，跨犬從之，昭君頻，回顧羊裘兒，揚鞭追逐。

真如生者。

邵士梅

邵進士士梅、濟寧人、初授登州教授、有二老秀才投刺、覩其名似甚熟識、凝思良久、忽悟前身、便問齋夫某生居某村否、又言其丰範、一一昭合、俄而生入、執手傾語、歡若平生、談次問高東海况、二生答瘦死二十餘年矣、今一子尚存、此鄉中細民、何以見知、邵笑云、我舊戚也、先是高東海素無賴、然性豪爽、輕財好

義有負租而鬻女者、傾囊代贖之、私一娼、坐隱盜、
官捕甚急、逃匿高家、官知之、收高、備極撻掠、終不服、
尋死獄中、其死之日、即邵生辰、後邵至某村、恤其妻
子、遠近皆知其異、此高少宰言之、即高公子冀良同
年也、

王阮亭曰、邵前生為棲霞人、與其妻三世為夫婦、
事更奇也、高東海以病死、非瘞死、邵自述甚詳、

邵臨淄

臨淄某翁之女、太學李生妻也、未嫁時、有術士推其
造、決其必受官刑、翁怒之、既而笑曰、妄言一至於此、
無論世家女、必不至公庭、豈一監生不能庇一婦乎、
既嫁、悍甚、捶罵夫壻、以為常、李不堪其虐、忿鳴於官、
邑宰卽公准其詞、簽役立勾、翁聞之大駭、率子弟登
堂、哀求寢息、弗許、李亦自悔求罷、公怒曰、公門內豈
作輟盡由爾耶、必拘質審、既到、畧詰一二言、便曰、真
悍婦、杖責三十、臀肉盡脫、

異史氏曰。公豈有傷心於閨闈耶。何怒之暴也。然邑有賢宰。里無悍婦矣。誌之以補循吏傳之所不及者。

狂生

劉學師言。濟寧有狂生某。善飲。家無儋石。而得錢輒沽。殊不以厄窮為意。值新刺史蒞任。善飲。無對。聞生名。招與飲。而悅之。時共談宴。生恃其狎。凡有小訟求直者。輒受薄賄。為之緩頰。刺史每可其請。生習為常。

刺史心厭之。一日早衙，持刺登堂。刺史覽之，微笑。生厲聲曰：「公如所請可之，不如所請否之？何笑也？」聞之士可殺不可辱，他固不能相報，豈一笑不能報耶？言已大笑，聲震堂壁。刺史怒曰：「何敢無禮？」寧不聞滅門令尹耶？生掉臂竟下，大聲曰：「生員無門之可滅！」刺史益怒，執之，訪其家居，則並無田宅，惟携妻住城堞上。刺史聞而釋之，但遂不令居城垣。朋友憐其狂，為買數尺地，購斗室焉，入而居之。嘆曰：「今而後畏令尹矣。」

異史氏曰、士君子奉法守禮、不敢劫人於市、南面者奈我何哉、然仇之猶得而加者、徒以有門在耳、夫至無門可滅、則怒者更無以加之矣、噫嘻、此所謂貧賤驕人者耶、獨是君子雖貧、不輕千人、乃以口腹之累、喋公堂、亦品斯下矣、雖然、其狂不可及也、

遼陽軍

沂水某、明季充遼陽軍、會遼城陷、為亂兵所殺、頭雖

斷猶不甚死、至夜一人執簿來、按點諸鬼、至某、謂其不宜死、使左右續其頭而送之、遂共取頭安項上、群扶之、風聲簌簌、行移時、置之而去、視其地則故里也、沂令聞之、疑其竊逃、拘訊而得其情、頗不信、又審其頸、無少斷痕、將刑之、某曰、言之無可憑信、但請寄獄中、頭斷可假、陷城不可假、設遼陽無恙、然後即刑、未晚也、令然之、數日、遼信至、時日一如所言、遂釋之、

張貢士

安邱張貢士寢疾、仰卧床頭、忽見心頭有小人出、長
僅半尺、儒冠儒服、作俳優狀、唱崑山曲、音調清澈、說
白自道名貫、一興已同、所唱節末、皆其生平所遭、四
折既畢、吟詩而沒、張猶記其梗概、為人述之、

阮亭云、豈杞園耶、大奇、

孫必振

孫必振渡江、值大風雷、舟船蕩搖、同舟大恐、忽見金
甲神立雲中、手持金字牌、下示諸人、共仰視之、上書

孫必振三字甚真。衆謂孫必振有犯天譴，請自為一舟，勿相累。孫尚無言。衆不待其肯可，視旁有小舟，共推置其上。孫既登舟，回視則前舟覆矣。

元寶

廣東臨江、山崖崢嶸，常有元寶嵌石上。崖下波湧，舟不可泊。或蕩槳近摘之，則牢不可動。若其人數應得此，則一摘即落，回首已復生矣。

龍

袁宣四言在蘓州、值陰晦、霹靂大作、衆見龍垂雲際、
鱗甲張動、瓜中搏一人頭、鬚眉畢現、移時入雲而沒、
後亦未聞有失其頭者、

硯石

王仲超言洞庭君山間有石洞、高可容舟、深暗不測、
湖水出入其中、嘗秉燭泛舟而入、見兩壁皆黑石、其
色如漆、按之而軟、出刀割之、如切硬腐、隨意製為硯、
既出見風、則堅硬過於他石、試之墨大佳、估舟游楫、

往來甚衆、中有佳石、不知取用、亦賴好奇者之品題也、

武夷

武夷山有削壁千仞、人每於下拾沉香玉塊焉、太守聞之、督數百人作雲梯、將造頂以覘其異、三年始成、太守登之、將及巔、見大足伸下、一拇粗於搗衣杵、大轂曰、不下將墮矣、大驚疾下、纔至地、則架木朽折、崩墜無遺、

大鼠

萬歷間、宮中有鼠、大與猫等、為害甚劇、徧求民間、佳猫捕制之、輒被噉食、適異國來貢獅猫、毛白如雪、抱投鼠室、闔其扉、潛窺之、猫蹲良久、鼠逡巡自穴中出、見猫怒奔之、猫避登几上、鼠亦登、猫則躍下、如此往復、不啻百次、衆咸謂猫怯、以為是無能為者、既而鼠跳躑漸遲、腹碩似喘、蹲地上少休、猫即疾下、爪掬項毛、口齧首領、展轉爭持間、猫聲鳴、鼠聲啾、啟扉

急視則鼠首已碎矣、然後知毛之避非怯也、待其情也、彼出則歸、彼歸則復、用此智耳、噫、匹夫按劍何異鼠乎、

張不量

賈人某至直隸界、忽大雨雹、伏禾中、聞空中云、此張不量田、勿傷其稼、賈私念張氏何人、既云不良、何反祐祐、既而雹止、賈行入村、訪之果有其人、因告所見、且問取名之義、蓋張素積粟、家甚富、每春間貧民皆

就貸焉。償時多寡不較。悉內之。未嘗執概取盈。故鄉人名之不量。衆趨田中。見木穗。催折如麻。獨張氏諸田無恙。

牧豎

西牧豎入山。至狼穴。有小狼二。謀分捉之。各登一樹。相去數十步。少頃大狼至。入穴失子。意甚倉皇。豎於樹上扭小狼耳蹄。故令嗥。大狼聞聲仰視。怒奔樹下。號且爬抓。其一豎又在彼樹。致小狼鳴急。狼輟聲。

四顧始望見之、乃舍此趨彼、跑號如前狀、前樹又鳴、又轉奔之、足無停趾、口無停聲、數十往復、奔漸遲、聲漸弱、既而奄奄僵卧、久之不動、豎下視之、氣已絕矣、今有豪強子、怒目按劍、若將搏噬、為所怒者、乃闔扉去、豪力盡、聲嘶、更無敵者、豈不暢然自雄、不知此禽獸之威、人故弄之以為戲耳、

富翁

富翁某、商賈多貸其貲、一日出、有少年從馬後、問之、

亦假本者、翁諾之、既至家、適几上有錢數十、少年無事、以手疊錢、高下堆壘之、翁謝去、竟不與貲、或問故、曰、此必善博、非端人也、所熟之技、不覺形於手足矣、訪之果然、

王司馬

新城王大司馬霽、字鎮北、邊時、常使匠人鑄一大桿刀、濶盈尺、重百鈞、每按邊、輒使四人扛之、鹵簿所止、則置地上、故令北人捉之力、撼不可少動、司馬陰以

桐木依樣為刀，寬狹大小無異，貼以銀箔，時於馬上舞動，諸部落望見，無不震悚。又於邊外埋葦箔為界，橫斜十餘里，狀若籬籬，揚言曰：此吾長城也。北兵至，悉拔而火之。司馬又置之，既而三火，乃以礮石伏机其下。北兵焚箔，藥石盡發，死傷甚衆。既遁去，司馬設箔如前。北兵遙望，皆却走，以故帖服若神。後司馬既老，乞骸歸，塞上復警，召再起。時司馬八十有三，力疾陞辭，上慰之曰：但煩卿卧治耳。於是司馬復至邊，每

止處輒卧幃中。北人聞司馬至，皆不信，因假議和，將
驗真偽。啟簾見司馬坦卧，皆望榻伏拜，擣舌而退。
阮亭曰：今撫順東北，哈達城東，插柳以界蒙古。南
至朝鮮，西至山海，長亘千里，名柳條邊。私越者置
重典，著為令。

11

聊齋誌異卷之十二

般陽蒲松齡柳泉甫著

杜翁

杜翁沂水人、偶自市中出、坐墻下以候同游、覺少倦、忽若夢、見一人持牒攝去、至一府署、從來所未經、一人戴瓦隴冠自內出、則青州張某、其故人也、見杜驚曰、杜大哥何至此、杜言不知何事、但有勾牒、張疑其悞、將為查驗、乃囑曰、謹立此勿他適、恐一迷失、將難

救挽遂去久之不出。惟持牒人來自認其誤。釋令歸。杜別而行。途中遇六七女郎。容色娟好。悅而尾之下。道趨小徑。行十數步。聞張在後大呼曰。杜大哥汝將何往。杜迷戀不已。俄見諸女入一圭竇。心識爲王賣酒者之家。不覺探身門內。畧一窺瞻。即見身在筵中。與諸小猥同伏。豁然自悟已化豕矣。而耳中猶聞張呼。大惧急以首觸壁。聞人言曰。小豕癩癩矣。還顧已復爲人。速出門。則張侯於途。責曰。固囑勿他往。何不

聽信、幾至壞事、遂把手送至市門、乃去。杜忽醒、則身猶倚壁間、詣王氏問之、果有一豕自觸死云。

小謝秋容

渭南姜部郎第、多鬼魅、常惑人、因徙去、留蒼頭門之而死、數易皆死、遂廢之。里有陶生望三者、夙侑儻、好携妓酒、闌輒去。友人故使妓奔就、亦笑納、不拒。而實終夜無所沾染。常宿部郎家、有婢夜奔、生堅拒、不亂。部郎以是契重之。家素貧、又有鼓盆之戚、茆屋數椽。

溽暑不堪其熱、因請部卽假廢第、部卽以其凶故却之、生因作續無鬼論獻部卽、且曰鬼何能爲、部卽以其請之堅、諾之、生往除廳事、溽暑置書其中、返取他物、則書已亡、怪之、仰卧榻上、靜息以伺其變、食頃聞步履聲、睨之、見二女自房中出、所亡書送還案上、一約二十、一可十七八、並皆姝麗、逡立榻下、相視而笑、生寂不動、長者翹一足踣生腹、少者掩口匿笑、生覺心搖、若不自持、卽急肅然端坐、卒不顧、女近以

左手捋髭、右手輕批頤頰、作小响、少者益笑、生驟起、叱曰、鬼物敢爾、二女駭奔而散、生恐夜為所苦、欲移、歸、又耻其言不掩、乃挑燈讀、暗中鬼影憧々、畧不顧、瞻、夜將半、燭而寢、始交睫、覺人以細物穿鼻、奇痒大、嚏、但聞暗處隱々作笑聲、生不語、假寐以伺之、俄見、少女以紙條撚細股、鶴行鷺伏而至、生暴起、訶之、飄、竄而去、既寢、又穿其耳、終夜不堪其擾、鷄既鳴、乃寂、無聲、生始酣眠、終日無所睹聞、日既下、恍惚出現、生

遂夜炊，將以達旦。長者漸曲肱几上，觀生讀。既而掩生卷，生怒捉之，即已飄散。少間又掩之，生以手按卷讀。少者潛於腦後，交兩手掩生目，瞥然去，遠立以哂。生指罵曰：「小鬼頭，捉得便都殺却。」女子即又不懼，因戲之曰：「房中縱送，我都不解，纏我無益。」二女微笑，轉身向灶，析薪搜米，為生執爨。生頷而獎曰：「兩卿此為不勝慙。」跳耶俄頃，粥熟，爭以匕箸陶碗置几上。生曰：「感卿服役，何以報德？」女笑云：「飯中搜合砒酖矣。」生曰：

與卿夙無嫌怨、何至以此相加、啜已復盛爭、為奔走、
生樂之、習以為常、日漸稔、接坐傾語、審其姓名、長者
云、妾秋容、喬氏、彼阮家小謝也、又研問所由來、小謝
笑曰、痴郎尚不敢一呈身、誰要汝問門第作嫁娶耶、
生正容曰、相對麗質、寧獨無情、但陰冥之氣、中人必
死、不樂與居者、行可耳、樂與居者、安可耳、如不見愛、
何必玷兩佳人、如果見愛、何必死一狂士、二女相顧、
動容、自此不甚虐弄之、然時而探手於懷、捋袴於地、

亦置不為怪。一日錄書未卒業而出，返則小謝伏案頭，操管代錄。見生擲筆睨笑，近視之，雖劣不成書，而行列踈整。生贊曰：卿雅人也。苟樂此，僕教卿為之。乃擁諸懷，把腕而教之。畫秋容自外入，色乍變，意似妬。小謝笑曰：童時常從父學書，久不作，遂如夢寐。秋容不語，生喻其意，偽為不覺者，遂抱而授以筆，曰：我視卿能此否？作數字而起曰：秋娘大好筆力。秋容乃喜。生於是折兩紙為範，俾共臨摹。生另一燈讀，竊喜其

各有所事、不相侵擾、做畢、祇立几前、聽生月旦、秋容
素不解讀、塗鴉不可辨認、花判已、自顧不如小謝、有
慚色、生獎慰之、顏始霽、二女由此師事生、坐為抓背、
卧為按股、不惟不敢侮、爭媚之、踰月、小謝書居然端
好、生偶贊之、秋容大慚、粉黛淫、淚痕如綫、生百端
慰解之、乃已、因教之讀、穎悟非常、指示一過、無再問
者、與生競讀、常至終夜、小謝又引其弟三郎來、拜生
門下、年十五六、姿容秀美、以金如意一鈎為贄、生令

與秋容執一經滿堂呶唔生於此設鬼帳焉却即聞之喜以時給其薪水秋容與三郎皆能詩時相酬唱小謝陰囑勿教秋容生諾之秋容陰囑勿教小謝生亦諾之一日生將赴試二女涕泪持別三郎曰此行可以托疾免不然恐履不吉生以告疾為辱遂行先是生好以詩詞譏切時事獲罪於邑貴介日思中傷之陰賂學使誣以行檢淹禁獄中資斧絕乞食於囚人自分已無生理忽一人飄忽而入則秋容也以饌

具餽生相向悲咽曰、三郎慮君不吉、今果不謬、三郎與妾同來赴院申理矣、數語而出、人不之睹、越日部院出、三郎遮道聲屈、收之、秋容入獄、報生返身往偵之、三日不返、生悲餓無聊、度一日如年、歲忽小謝至、愴惋欲絕、言秋容歸、經由城隍祠、被西廊黑判強攝去、逼充媵御、秋容不屈、今亦幽囚、妾馳百里、奔波頗殆、至北郭、被老棘刺透足心、痛徹骨髓、恐不能再至矣、因示之足、血殷淩波、馬出金三兩、授生、跛躄而沒、

部院勘三郎素非瓜葛、無端代控、將杖之、撲地遂滅、異之、覽其狀、情詞悲惻、提生面鞠三郎何人、生偽為不知、部院悟其冤、釋之、既歸、竟夕無一人、更闌小謝始至、慘然曰、三郎在部院被廨神押赴冥司、冥王以三郎義、令托生富貴家、秋容久錮、妾以狀投城隍、又被按閣不得入、且復奈何、生忿曰、黑老魅何敢如此、明日仆其像、踐踏為泥、數城隍而責之、案下吏暴橫如此、渠在醉夢中耶、悲忿相對、不覺四漏將殘、秋容

飄然忽至、兩人驚喜急問、秋容泣下曰、今爲萬苦矣、判日以刀杖相逼、今夕忽放妾歸、曰我無他、原以愛故、既不願、固亦不魯污玷、煩告陶秋曹、勿見譴責、生聞少歡、欲與同寢、曰今日願爲卿死、二女戚然曰、向受開導、頗知義理、何忍以愛君者殺君乎、執不可、然挽頸傾頭、情均伉儷、二女以遭難故、妬念全消、會一道士塗遇生、願謂身有鬼氣、生以言異、具告之、道士曰、此鬼大好、不宜負他、因書二符付生、曰、歸授兩鬼、

任其福命。如聞門外有哭女者，吞符急出，先到者可活。生拜受，歸囑二女。後月餘，果聞有哭女者，二女爭奔而去。小謝忙急，忘吞其符，見有喪輦過，秋容直出，入棺而沒。小謝不得入，痛哭而返。生出視，則富室郝氏殯其女，共見一女子入棺而去。方共驚疑，俄聞棺中有聲，息肩發驗，女已頓蘇。因暫寄生齋外，羅守之。忽開目，問陶生。郝氏研詰之，荅云：我非汝女也。遂以情告。郝未深信，欲舁歸。女不從，竟入生齋，偃卧不起。

郝乃識壻而去。生就視之，面龐雖異而光艷不減。秋容喜慙，過望。殷叙平生，忽聞鳴，鬼泣，則小謝哭於暗。取心甚憐之，即移燈往，寬譬哀情，而衿袖淋浪，痛不可解。近曉始去。天明，郝以婢媪齎送香奩，居然翁婿矣。暮入帷房，則小謝又哭如此。六、七夜，夫婦俱為慘動，不能成合。邈之禮，生憂思無策。秋容曰：「道士仙人也，再往求，倘得憐救，生然之跡。」道士所在，叩伏自陳。道士力言無術，生哀不已。道士笑曰：「癡生好纏人。」

合與有緣請竭吾術、乃從生來、索靜室掩扉坐、戒勿相問、凡十餘日、不飲不食、潛窺之、瞑若睡、一日晨興、有少女褰簾入、明眸皓齒、光艷照人、微笑曰、跋履終夜、憊極矣、被汝糾纏不了、奔馳百里外、始得一好廬舍、道人載興俱來矣、待見其人、便相交付耳、斂昏小謝至、女遽起迎抱之、翕然合為一體、仆地而僵、道士自室中出、拱手逕去、拜而送之、及返、則女已蘊、扶置床上、氣體漸舒、但把足呻言、趾股痠痛、數日始能起、

後生應試得通籍、有蔡子經者、與同譜、以事過生、留數日、小謝自鄰舍歸、蔡望見之、疾趨相躡、小謝側身、敏避、心竊怒其輕薄、蔡告曰、有一事深駭物聽、可相告否、詰之、答曰、三年前少妹夭殞、經兩夜而失其尸、至今疑念、適見夫人、何相似之甚也、生笑曰、山荆陋劣、何足以方君妹、然既係同譜、義即至切、何妨一獻、妻孥乃入內、使小謝衣殉裝出、蔡大驚曰、真吾妹也、因而泣下、乃具述本末、蔡喜曰、妹子未死、吾將速歸、

用慰嚴慈。遂去。過數日，舉家皆至，後往來如郝焉。
異史氏曰：絕世佳人，求一而難之，何處得兩哉？事
千古而一見，惟不私奔女者能遇之也。道士其仙
耶？何術之神也？苟有其術，醜鬼可交耳。

林氏

濟南戚安期，素佻達，喜狎妓，妻婉戒之，不聽。妻林氏
美而賢，會北兵入境，被俘去。暮宿途中，欲相犯，林偽
諾之。適兵佩刀繫床頭，急抽刀自剄死。兵舉而委諸

野次日拔舍去。有人傳林死。戚痛悼而往。視之有微
息。負而歸。目漸動。稍々頓呻。扶其項。以竹管滴瀝灌
飲。能咽。戚撫之曰。卿萬一能活。相負者必遭凶折。半
年。林平復如故。但首爲頸痕所牽。常若左顧。戚不以
爲醜。爰戀逾於平昔。曲巷之游。從此絕跡。林自覺形
穢。將爲置媵。戚執不可。居數年。林不育。因勸納婢。戚
曰。業誓不二。鬼神寧不聞之。即嗣續不承。亦吾命耳。
若未應絕。卿豈老不能生者耶。林乃托疾。使戚獨宿。

遣婢海棠、襖被卧其床下。既久，陰以宵情問婢。婢言：無之。林不信。至夜，戒婢勿往。自詣婢所卧。少間，聞床上睡息已動，潛起登床，捫之。戚醒，問誰。林耳語曰：我海棠也。戚却拒曰：我有盟誓，不敢更也。若似曩年，尚須汝奔就耶？林乃下床去。戚自是孤眠。林使婢托已往就之。戚念妻生平，曾未肯作不速之客，疑焉，摸其項，無痕，知為婢。又咄之。婢慚而退。既明，以情告林。使速嫁婢。林笑云：君亦不必過執。倘得一丈夫子，亦幸。

甚戚曰苟背盟誓鬼責將及尚望延宗嗣乎林翌日
笑語戚曰凡農家者流苗與秀不可知播種常例不
可違晚間耕耨之期至矣戚笑會之既夕林滅燭呼
婢使卧已衾中戚入就榻戲曰個人至矣深愧錢鏐
不利負此良田婢不語既而舉事婢小語曰私處小
腫顛猛不任戚體意溫恤之事已婢偽起溺以林易
之自此時值落紅輒一為之而戚不知也未幾婢腹
震林每使靜坐不令給役於前故謂戚曰妾勸內婢

而君弗聽。設爾日冒妄時，君悞信之，交而得孕，將復如何？戚曰：留犢驚母。林乃不言。無何，婢舉一子，林暗買乳媪，抱養母家。移四五年，又產一子一女，長子名長生，已七歲，就外祖家讀。林半月輒托歸寧，一往省視。婢年益長，戚時促遣之。林輒諾。婢日思兒女，林從其願，竊為上鬟，送詣母。所謂戚曰：日謂我不嫁海棠，母家有義男，業配之。又數年，子女俱長成。值戚初度林先期治具，為候賓友。戚嘆曰：歲月驚過，忽已半。

世幸各强健家亦不至凍餒所關者膝下一點林曰君執拗不從妾言夫誰怨然欲得男兩亦非難何況一也戚解顏曰既言不難明日便索兩男林言易耳易耳早起命駕至母家嚴妝子女載與俱歸入門令雁行立呼父叩祝千秋拜已而起相顧嬉笑戚駭怪不解林曰君索兩男妾添一女始為詳述本末戚喜曰何不早告曰早告恐絕其母今子已成立尚可絕乎戚感極泣不自禁乃迎婢歸偕老焉古有賢姬如

林者可謂聖矣。

胡大姑

益都岳於九家有狐祟、布帛器具輒被拋擲鄰堵、蓄
細葛、將取作服、見捆卷如故、解視則邊寔而中虛、悉
被剪去、諸如此類、不堪其苦、亂詬罵之、岳戒止、云恐
狐聞、狐在梁上曰、我已聞之矣、由是祟益甚、一日夫
妻卧未起、狐攝衾服去、各白身蹲床上、望空哀祝之、
忽見好女子自窗入、擲衣床頭、視之不甚修長、衣絳

紅外襲雪花比甲、岳着衣揖之曰、上仙有意垂顧、即勿相擾、請以為女如何、狐曰、我齒較汝長、何得妄自尊、又請為姊妹、乃許之、於是命家人皆呼以胡大姑、時顏鎮張八公子家有狐居樓上、恒與人語、岳問識之否、答云、是吾家喜姨、何得不識、岳曰、彼喜姨曾不擾人、汝何不效之、狐不聽、擾如故、猶不甚崇他人、而專崇其子婦、履襪簪珥、往々棄道上、每食、輒於粥碗中埋死鼠、或糞穢、婦輒擲碗罵騷狐、並不禱免、岳祝

曰、兒女輩皆呼汝姑、何畧無尊長體耶、狐曰、教汝子
出若婦、我為汝媳、便相安矣、子婦罵曰、淫狐不自慚、
欲與人爭漢子耶、時婦坐衣笥上、忽見濃烟出尻下、
熏熟如籠、啟視藏裳俱燼、剩一二事、皆姑服也、又使
岳子出其婦、子不應、過數日、又促之、仍不應、狐怒、以
石擊之、額破裂、血流幾斃、岳益患之、西山李成、交善
符水、因幣聘之、李以泥金寫紅絹作符、三日始成、又
以鏡縛槌上、捉作柄、徧照宅中、使童子隨視、有所見

即急告至一處童言牆上若犬伏李即戟手書符其處既而禹步庭中咒移時即見家中犬豕並來帖耳戢尾若聽教命李揮曰去即紛然魚貫而去又咒群鴨即來又揮去之已而鷄至李指一鷄大叱之他鷄俱去此鷄獨伏交翼長鳴曰予不敢矣李曰此物是家中所作紫姑也家人並言不魯作李曰紫姑今尚在因共憶三年前曾為此戲怪異即自爾日始也徧搜之見芻偶猶在廐梁上李取投火中乃出一酒甌

三咒三叱、鷄起竟去、聞瓶口言曰、岳四狼哉、數年後當復來、岳乞付之湯火、李不可、或見其壁間掛數十瓶、塞口者皆狐也、言其以次縱之出、為祟、因此獲聘金、居為奇貨云、

細侯

昌化滿生、設帳於餘杭、偶涉塵市、經臨街閣下、忽有荔殼墜肩頭、仰視、一雛姬凭閣上、妖姿婉妙、不覺目注、發狂、姬俯哂而入、詢之、知為娼樓賈氏女、細侯也、

其聲價頗高、自顧不能適願、歸齋瞑想、終宵不枕、明日往投以刺、相見言笑甚懽、心志益迷、托故假貸同人、斂金如千、携以赴女、歟洽臻至、即枕上口占一絕、贈云、膏膩銅盤夜未央、床頭小語麝蘭香、新鬟明日重妝鳳、無復行雲夢楚王、細侯蹙然曰、妾雖污賤、每願得同心而事之、君既無婦、視妾可當家否、生大悅、即叮嚀堅相約、細侯亦喜曰、吟咏之事、妾自謂無難、每於無人處、欲倣作一首、恐未能便佳、為觀聽所譏、

倘得相從、幸教妾也。因問生家田產幾何。答曰：薄田半頃、破屋數椽而已。細侯曰：妾歸君後、當長相守、勿復設帳為也。四十畝聊足自給、十畝可以種黍、織五疋絹、納太平之稅有餘矣。閉戶相對、君讀妾織、暇則詩酒遣懷。千戶侯何足貴。生曰：卿身價畧可幾多。曰：依媼貪志、何能盈也。多不過二百金足矣。可恨妾齒穉、不知重資財。得輒歸母、所私蓄者區區無多。君能辦百金、過此即非所慮。生曰：小生之落窶、卿所知也。

百金何能自致、有同盟友、令於湖南、屢相見、招僕以
道遠、故憚於行、今為卿故、當往謀之、計三四月可以
歸復、幸耐相候、細侯諾之、生既棄館南游、至則令已
免官、以墨悞居民舍、宦囊空虛、不能為禮、生落魄難
返、就邑中授徒焉、三年莫能歸、偶答弟子、弟子自溺
死、東翁痛子而訟其師、因被逮、囹圄幸有他門人憐
師無過、時致餽遺、以是得無苦、細侯自別生、杜門不
交一客、母詰知故、而志不可奪、亦姑聽之、有富賈某、慕細

侯名托媒於媼，務在必得，不靳直。細侯不可，賈以負。販詣湖南，敬偵生耗。時獄已將解，賈以金賂當事吏，使久錮之。歸告媼，云生已瘐死。細侯疑其信不確。媼曰：「無論滿生已死，縱或不死，與其從窮措大以椎布終也，何如衣錦而饜梁肉乎？」細侯曰：「滿生雖貧，其骨清也，守齷齪商，誠非所願。且道路之言，何足憑信。」賈又轉囑他商，假作滿生絕命書，寄細侯以絕其望。細侯得書，惟朝夕哀痛。媼曰：「我自幼於汝撫育，良劬。汝

成人二三年所得報者日亦無多。既不願隸籍。即又不嫁。何以謀生活。細侯不得已。遂嫁賈。衣服簪珥。供給豐侈。年餘生一子。無何生得門生。力昭雪而出。始知賈之錮已也。然念素無卻。反復不得其由。門人義助資斧以歸。既聞細侯已嫁。心甚激楚。因以所苦托市媼賣漿者達細侯。細侯大悲。方悟前此多端悉賈之詭謀。乘賈他出。殺抱中兒。携所有亡婦滿。凡賈家服飾。一無所取。賈歸。怒質於官。原其情。置不問。

嗚呼、壽亭侯之歸漢、亦復何殊、願殺子而行、亦天下之忍人也、

狼三則

有屠人貨肉、歸日已暮、歛一狼來、瞰担中肉、似甚垂涎、步亦步、尾行數里、屠惧、示之以刃、則稍却、既走、又從之、屠無計、默念狼所欲者肉、不如姑懸諸樹、而早取之、遂鈎肉、翹足掛樹間、示以空、狼乃止、屠即竟歸、昧爽往取肉、遙望樹上懸巨物、似人縊死狀、大駭、

逡巡近之則死狼也、仰首審視、見口中含肉、鉤刺狼腭、如魚吞餌、時狼革價昂、直十餘金、屠小裕馬、緣木求魚、狼則罹之、亦可笑已、

一屠晚歸、担中肉盡、止有剩骨、途中兩狼綴行甚遠、惧投以骨、一狼得骨止、一狼仍從、復投之、後狼止而前狼又至、骨已盡、而兩狼之並驅如故、屠大窘、恐前後受其敵、顧野有麥場、主積薪其中、苫蔽成丘、屠乃奔倚其下、弛担持刀、狼不敢前、眈眈相向、少時一

狼竟去。其一大坐於前。久之。目似瞑。意暇甚。屠暴起。以刀劈狼首。又數刀斃之。方欲行。轉視積薪後。一狼洞其中。意將隧入以攻其後也。身已半入。止露尻尾。屠自後斷其股。亦斃之。乃悟前狼假寐。蓋以誘敵。狼亦黠矣。而頃刻兩斃。禽獸之變詐。幾何哉。止益增笑耳。

一屠暮行。為狼所逼。道旁有夜耕者所遺行室。奔入伏焉。狼自苫中探爪入。屠急捉之。令不可去。顧無計。

可以死之。惟有小刀本盈寸，遂割破爪下皮，以吹猪之法吹之。極力吹移時，覺狼不甚動，方縛以帶，出視則狼脹如牛，股直不能曲，口張不得合，遂負之以歸。非屠烏能作此謀哉！三事皆出於屠，則屠人之殘殺狼亦可用也。

劉亮采

聞濟南懷利仁言，劉公亮采狐之後身也。初太翁居南山，有叟造其廬，自言胡姓，問所居，曰只在此山中。

閒處人少、惟我兩人、可與數晨夕、故來相拜識、因與接談、詞旨便利、悅之、治酒相歡、醺而後去、越日復來、愈益款厚、劉云、自蒙下交、分即最深、但不識家何里、馬敢問里居、胡曰、不敢諱、寔山中之老狐也、與若有夙因、故敢內交門下、固不能為君福、亦不敢為翁禍、幸相信勿駭、劉亦不疑、更相契重、即叙年齒、胡作兄、往來如昆季、有小休咎、亦以告、時劉乏嗣、叟忽云、公勿憂、我當為君後、劉訝其言怪、胡曰、僕筭數已盡、投生

有期矣、與其他適、何如生故人家、劉曰、仙壽萬年、何
遂及此、叟搖首云、非汝所知、遂去、夜果夢叟來曰、我
今至矣、既醒、夫人生男、是為劉公、既長、身短、言詞
敏諧、絕類狐、少有才名、壬辰成進士、為人任俠、急人
之急、以故秦楚燕趙之客、趾錯於門、貨酒賣餅者、門
前成市焉、

蕙芳

馬二混居青州東門內、以貨麵為業、家貧無婦、與母

共作苦。一日媼獨居，忽有美人來，年可十六七，稚而甚朴，而光華照人。媼驚顧窮詰，女笑曰：「我以賢郎誠篤，願委身母家。」媼益驚曰：「娘子天人，有此一言，則折我母子數年壽。」女固請之，意必為族門亡人，拒益力。女乃去。越三日復來，留連不去，問其姓氏，曰：「母肯納我。」乃言：「不然，固無庸問。」媼曰：「貧賤傭保，得婦如此，不稱亦不祥。」女笑坐床頭，戀々殊殷。媼辭之，言：「娘子宜速去，勿相禍。」女乃出門，視之西去。又數日，西巷

中呂媼來謂馬曰、鄰女董蕙芳、孤而無依、自願為賢
郎婦、胡弗納、馬以所疑慮具白之、呂曰、烏有此耶、如
有乖謬、咎在老身、馬大喜、諾之、呂既去、媼掃室布席、
將待子婦往、取之、日將暮、女飄然自至、入室、參母、起
拜盡禮、告媼曰、妾有兩婢、未得母命、不敢進也、媼曰、
我母子守窮廬、不解役婢僕、日得蠅頭利、僅足自給、
今增新婦一人、嬌嫩坐食、尚恐不溫飽、益之二婢、豈
吸風所能活耶、女笑曰、婢來亦不費母度支、皆能自

得食、問婢何在、乃呼秋月、秋松聲未及已、忽如飛鳥
墮、二婢已立於前、即令伏地叩母、既而馬婦迎告
之、馬喜入室、見翠棟雕梁、侔於宮殿、中設几屏簾幙、
光耀奪目、驚極不敢入、女下床迎笑、睹之若仙、益駭
却退、女挽之坐、與溫語、馬喜出非分、形色若不相屬、
即起欲出行、沽、女止曰、勿須、因命二婢治具、秋月出
一革袋、執向扉後格、搖擺之、已而一手探入、壺盛
酒、碗盛炙、觸類重騰、飲已而寢、則花罽錦褥、溫膩非

常天明出門、則茅廬依舊、母子共奇之。媼詣呂所、將
跡所由、入門先謝其媒合之德。呂訝云：「久不拜訪、何
鄰女之曾託乎？」媼益疑其言端委。呂大駭、即同媼來
視新婦。女笑逆之、極道作合之義。呂見其慧麗、愕眙
良久、即亦不辭、唯「而已」。女贈白木搔具一事、曰：「無
以報德。」姑奉此為姥。爬背耳。呂受而歸、審視則化
為白金。馬自得婦、頓更舊業。門戶一新。笥中貂錦無
數、任馬取着、而出室門、則為布素。但輕煖耳。女所自

衣亦然。積四五年。忽曰。我謫降人間十餘載。因與子
有緣。遂暫留止。今別矣。馬苦留之。女曰。請別擇良偶。
以承廬墓。我歲月當一至焉。忽不見馬。乃娶秦氏。後
三年七夕。夫妻方共語。女忽入笑曰。新偶良歡。不念
故人耶。馬驚起。愴然曳坐。便道衷曲。女曰。我適送織
女渡河。乘間一相望耳。而相依。語無休止。忽空際
有人呼蕙芳。女急起作別。馬問其誰。曰。余適同雙成
姊來。彼不耐久。伺矣。馬送之。女曰。子壽八旬。至期我

來收爾骨、言已遂逝、今馬六十餘矣、其人但朴訥、無他長、

異史氏曰、馬生其名混、其業藝、蕙芳奚取哉、於此見仙人之貴朴訥誠篤也、余嘗謂友人、若我與爾、鬼狐且棄之矣、所差不愧於仙人者、惟混耳、

蕭七

徐繼長、臨淄人、居城東之磨房莊、業儒未成、去而為吏、偶適姻家、道出于氏殯宮、薄暮醉歸、過其處、見樓

閣繁麗、一叟當戶坐、徐酒渴思飲、揖叟求漿、叟起邀客入、升堂授飲、已、叟曰、曛暮難行、姑留宿、早旦而發如何也、徐亦疲殆、樂遵所請、叟命家人具酒奉客、即謂徐曰、老夫一言、勿嫌孟浪、即君清門令望、可附婚姻、有幼女未字、欲充下陳、幸垂援拾、徐踟躇不知所對、叟即遣僮告其親族、又傳語令女妝束、頃之、莪冠博帶者四五輩、先後並至、女郎亦炫妝出、姿容絕俗、於是交坐宴會、徐神魂眩亂、但欲速寢、酒數行、堅辭

不任、乃使小鬟引夫婦入幃、館同爰止、徐問其族姓、女自言蕭姓、行七、又復細審門閥、女曰、身雖賤陋、配吏胥、當不辱、寧何苦、研窮徐溺其色、歎、睡備至、不復他疑、女曰、此處不可為家、審知汝家姊、甚平善、或不拘阻、歸除一舍、行將自至耳、徐應之、既而加臂於身、奄忽就寐、既覺、則抱中已空、天色大明、松陰翳曉、身下藉衾、穰尺許厚、駭嘆而歸、告妻、戲為除館、設榻其中、閤門出曰、新娘子今夜至矣、因與共笑、日既

暮、妻戲曳徐啟門曰、新人得毋已在室耶、既入、則美人華妝坐榻上、見二人入、屣起逆之、夫妻大愕、女掩口局、而笑、叅拜恭謹、妻乃治具、爲之合歡、女早起操作、不待驅使、一日謂徐曰、姊姨輩俱欲來吾家一望、徐慮倉卒無以應客、女曰、都知吾家不饒、將先賫饌具來、但煩吾家姊、烹飪而已、徐告妻、諾之、晨炊後、果有人荷酒馘來、釋肩而去、妻爲職庖人之役、晡後六、七女卽至、長者不過四十以來、圍坐並飲、喧

笑盈室。徐妻伏窓以窺。惟見夫及七姐相向坐。他客皆不可睹。北斗挂屋角。歡然始去。女送客未返。妻入視案上杯棹俱空。笑曰。諸婢想俱餓。遂如狗舐砧。少間女還。殷、相勞。奪罷。自滌。促嫡安眠。妻曰。客臨。吾家。使自備飲饌。亦大笑。談明日。合另邀致。逾數日。徐從妻言。使女復召客。至。恣意飲。散。惟留四簋。不加匕箸。徐問之。群笑曰。夫人謂吾輩惡。故留以待調人。坐間一女。年十八九。素烏縞裳。云是新寡。女呼爲六。

姊情態妖艷、善笑能口、與徐漸洽、輒以諧語相嘲、行觴政、徐為錄事、禁笑謔、六姊頻犯、連飲十餘爵、酡然竟醉、芳體嬌懶、荏弱難持、无何亡去、徐燭而覓之、則酣寢暗幃中、近接其吻、亦不覺、以手探袴、私處墳起、心旌方搖、席中紛喚徐郎、乃急理其衣、見袖中有綾巾、竊之而出、迨於夜央、眾客離席、六姊未醒、七姐入、搖之始呵欠而起、繫裙理髮、從眾去、徐拳心懷念、不釋於心、將於空處展玩遺巾、而覓之已渺、疑送客時

遺落途間、執燈細照階除、都復烏有、意瑣々不自得、女問之、徐漫應之、女笑曰、勿誑語、巾子人已將去、徒勞心目、徐驚以實告、且言懷思、女曰、彼與君無夙分、緣止此耳、問其故、曰、彼前身曲巷中女、君為士人、見而悅之、為兩親所阻、志不得遂、感疾帖危、使人語之曰、我已不起、但得若來、獲一捫其肌膚、死無憾、彼感此意、諾如所請、適以冗羈未遽往、過夕而至、則病者已殞、是前世與君有一捫之緣也、過此即非所望、後

設筵再招諸女。惟六姊不至。徐疑女妬。頗有怨懟。女一日謂徐曰。君以六姊之故。妄相見罪。彼實不肯至。抗我何尤。今八年之好。行將別矣。請為君極力一謀。用解從前之惑。彼雖不來。寧禁我不往。登門就之。或人定勝天。不可知。徐喜從之。女握手飄若履虛。頃刻至其家。黃甌廣堂。門戶曲折。與初見時無少異。岳父母並出曰。拙女久蒙溫煦。老身以殘年衰慵。有疎省問。或當不怪耶。即張筵作會。女便問諸姊妹。母云。各

歸其家、惟六姐在耳、即喚婢請六娘子來、久之不出、女入曳之以出、俯首蘭麝、不似前此之諧、少時、媿媼辭去、女謂六姊曰、姐、高自重、使人怨我、六姊微哂曰、輕薄、即何宜相近、女執兩人殘卮、強使易飲、曰、叻已接矣、作態何為、少時、七姐亡去、室中止餘二人、徐遽起相逼、六姊宛轉撐拒、徐牽衣長跪而哀之、色漸和、相携入室、纔緩襦結、忽聞喊嘶動地、火光射闥、六姊大驚、推徐起曰、禍事忽臨、奈何、徐忙迫不知所為、

而女即已竄避無迹矣。徐悵然少坐，屋宇並失。獵者十餘人，按鷹操刃而至，驚問何人。夜伏於此，徐托言迷途，因告姓字。一人曰：適逐一狐，見之否？答言不見，細認其處，乃于氏殯宮也。怏怏而歸。猶冀七姐復至，晨占雀喜，夕卜燈花，而竟無消息矣。董玉珰談。

亂離二則

學師劉芳輝，京都人，有妹許聘戴生。出閣有日矣，值北兵入境，父子恐細弱為累，謀妝送戴家，修飾未竟。

亂兵紛入、父子分竄、女爲牛录俘去、從之數日、殊不
少狎、夜則卧之別榻、飲食供奉甚殷、又掠一少年來、
年與女相上下、儀采都雅、牛录謂之曰、我無子、將以
汝繼統緒、肯否、少年唯唯、又指女謂曰、如肯、即以此
爲汝婦、少年喜、願從所命、牛录乃使同榻、浹洽甚樂、
既而枕上各道姓氏、則少年即戴生也、

陝西某公任鹽秩、家累不從、值姜瓖之變、故里陷爲
盜藪、音信隔絕、後亂平、遣人探問、則百里絕烟、無處

可尋消息、會以復命入都、有老班役喪偶、貧不能娶、公賁數金使買婦、時大兵凱旋、俘獲婦、口無笑、挿標市上、如賣牛馬、遂携金就擇之、自分金少、不敢問少艾、一媼甚整潔、遂贖以歸、媼坐床上、細認曰、汝非某班役耶、問所自知、曰、汝從我兒服役、胡不識、班役大駭、急告公、公視之、果母也、因而痛哭、倍償之、班役以金多、不屑謀媼、見一婦年三十餘、風範超脫、因贖之、既行、婦且走、且顧曰、汝非某班役耶、又驚問之、曰、汝

從我夫服役、如何不識、班役蓋駭、導見公、視之、真其夫人、又悲失聲、一日而母妻重聚、喜不可已、乃以百金為班役娶美婦焉、意必公有大德、所以鬼神為之感應、惜言者忘其姓字、秦中或有能道之者、

異史氏曰、炎崑之禍、玉石不分、誠然哉、若公一門、是以聚而傳者也、董思白之後、僅有一孫、今亦不得奉其祭祀、亦朝士之責也、悲夫、

菱菡

胡大成楚人其母素奉佛成就塾師讀道由觀音祠
母囑過必入叩一日至祠有少女挽兒遊戲其中髮
綖掩額而丰致娟然時成年十四心好之問其姓氏
女笑云我祠西焦画工女菱蒲也問將何為成又問
有婿家否女酡然曰無也成言我為若婿好否女慚
云我不能自主而眉目澄々上下睨成意似欣屬焉
成乃出女追而遙告曰崔爾成吾父所善用為媒無
不諧成曰諾因念其慧而多情益傾慕之歸向母寔

白心願、母止此兒、常恐拂之、即浼崔作冰、焦責聘財、奢事已不就、崔極言清族才美、焦始許之、成有伯父、老而無子、授教職於湖北、妻卒、任所、母遣成往奔其喪、數月將歸、伯又病亦卒、淹留既久、適大寇據湖南、家耗遂隔、成竄民間、弔影孤惶而已、一日有媪、年四十八九、縈田村中、日昃不去、自言離亂罔歸、將以自鬻、或問其價、言不屑為人奴、亦不願為人婦、但有母我者則從之、不較直、聞者皆笑、成往視之、面目間有

一二頗肖其母、觸於懷而大悲、自念隻身無縫紉者、遂邀婦執子禮焉、炊飯織屨、劬勞若母、拂意輒譴之、而少有疾苦、則濡煦過於所生、忽謂曰、此處太平、幸可無虞、然兒長矣、雖在羈旅、大倫不可廢、三兩日當為兒娶之、成泣曰、兒自有婦、但間隔南北耳、媼曰、大亂時人事翻覆、何可株守、成又泣曰、無論結髮之盟、不可背、且誰以嬌女付萍梗人、媼不答、但為治簾幌、衾枕甚周備、亦不知所自來、一日日既夕、戒成曰、燭

坐勿寐、我往視新婦來也未、遂出門去、三更既盡、媼不返、心大疑、俄聞門外喧譁、出視則一女子坐庭中、蓬首啜泣、驚問何人、亦不語、良久乃言曰、娶我來、即亦非福、但有死耳、成大驚、不知其故、女曰、我少受聘於胡大成、不意湖北去、音信斷絕、父母強以我歸汝家、身可致、志不可奪也、成聞而哭曰、即我是胡某卿菱蒲耶、女收涕而駭、不信、相將入室、即燈審、頤曰、得毋寧耶、於是轉悲為喜、相道離苦、先是亂後、湖南百

里、滌地無噍類、焦携家竄長沙之東、又受周生聘、亂中不能成禮、期以是夕送諸其家、女泣不盥櫛、家人強置車中、至途次、女顛墜車下、遂有四人荷肩輿至、云是周家迎女者、即扶升輿、疾行若飛、至是始停、一老姥曳之入曰、此汝夫家、但入勿哭、汝家婆、旦晚將至矣、乃去、成詰知情事、始悟媼神人也、夫妻焚香共禱、願得母子復聚、母自我馬戒嚴、同僦人婦、奔伏澗谷、一夜諛言寇至、即並張皇四匿、有童子以騎授

母、急不暇問、扶肩而上、輕迅剽遡、瞬息至湖上、馬踏水奔騰、蹄下不波、無何扶下、指一戶云、此中可居、母將拜謝、回視其馬、化為金毛吼、高丈餘、童子超乘而去、母以手搥門、豁然啟扉、有人出問、怪其音熟、視之成也、母子抱哭、婦亦驚起、一門歡慰、疑媼為大士現身、由此持觀音經咒、益虔、遂流寓湖北、治田廬焉、

餓鬼

馬永、齊人、為人貪無賴、家卒屢空、鄉人戲而名之餓

鬼年三十餘、日益寡、衣百結、鵲兩手交其肩、在市上攫食、人盡棄之、不以齒、邑有朱叟者、少携妻居於五都之市、操業不雅、暮歲歸其鄉、大為士類所口、而朱潔行為善、人始稍、禮貌之、一日值馬攫食不償、為肆人所苦、憐之、代給其直、引歸、贈以數百、俾作本、馬去、不肯謀業、坐而食、無何資復匱、仍蹈舊轍、而常懼與朱遇、去之臨邑、暮宿學宮、冬夜凜寒、輒摘聖賢顛上旒而煨其板、學官知之、怒欲加刑、馬哀免、願為先

生生財、學官喜、縱之去、馬探某生殷富、登門強索資、故挑其怒、乃以刀自剗、誣而控諸學、官勒取重賂、始免申黜、諸生因而共憤、公質縣尹、廉得實、笞四十、梏其頸、三日斃焉、是夜朱叟夢馬冠帶而入曰、負公大德、今來相報、既寤、妾舉子、叟知爲馬、名以馬兒、少不慧、喜其能讀、二十餘、竭力經紀、得入邑庠、後考試寓旅邸、晝卧床上、見壁間悉糊舊執視之、有犬之性、四句題、心畏其難、讀而誌之、入場適是此題、錄之

得優等食餼馬六十餘補臨邑訓導官數年曾無一道義交惟袖中出青蚨則作鸕鷀笑不則睫毛一寸長稜、若不相識偶大令以諸生小故判令薄懲輒酷掠如治盜賊有訟士子者即富來叩門矣如此多端諸生不復可耐而年近七旬擁腫聾瞶每向人物色黑鬚藥有某生素狂剗齒根給之天明共視如廟中所塑靈官狀大怒拘生、已早夜亡去以此憤氣中結數月而死士林快之

考槃司

聞人生、河南人、抱病經日、見一秀才入、伏謁床下、謙抑盡禮、已而請生少步、把臂長語、刺々且行、數里外、猶不言別、生竚足、拱手致辭、秀才云、更煩移趾、僕有一事相求、生問之、答云、吾輩悉屬考槃司轄、司主名虛肚鬼王、初見之、例應割髀肉、浼君一緩頰耳、生驚問何罪而至於此、曰、不必有罪、此是舊例、若豐於賄者可贖也、然而我貧、生曰、我素不稔鬼王、何能效力、

曰、君前世是伊大父行、宜可聽從、言次已入城郭、至
 一府署、解字不甚弘、殿惟一堂高廣、堂下兩碣東西
 立、綠書大於栲栳、一云孝弟忠信、一云禮義廉恥、踏
 階而進、見堂上一扁、大書考槃司、楹間板雕翠字、一
 聯云、曰校曰序曰庠、兩字德行陰教化、上士中士下
 士、一堂禮樂鬼門生、游覽未已、官已出、鬢髮鮐背、若
 數百年人、而鼻孔撩天、唇外傾、不承其齒、從一主簿
 吏、虎首人身、又十餘人列侍、半獐惡若山精、秀才曰、

此鬼王也、生駭極欲却退、鬼王已睹、降階揖生上、便問興居、生但諾々、又問何事見臨、生以秀才意具白之、鬼王色變曰、此有成例、即父命所不敢承、氣象森凜、似不可入一詞、生不敢言、驟起告別、鬼王側行送之、至門外始返、生不歸、潛入以觀其變、至堂下、則秀才已與同輩數人、交臂歷指、儼然在微纒中、一獍人持刀來、裸其股、割片肉、可駢三指許、秀才大嗥欲噉、生少年負義憤、不自持、大呼曰、慘々如此、成何世界、

鬼王驚起、暫命止割、驕履逆生、忽然已出、徧告市人、將控上帝、或笑曰、迂哉、藍蔚蒼々、何處覓上帝而訴之、冤也、此輩惟與閻羅近、呼之或可應耳、乃示之途、趨而往、果見殿陛威赫、閻羅方坐、伏階號屈、王召訊已、立命諸鬼綰綆提鎚而去、少頃鬼王及秀才並至、審其情確、大怒曰、憐爾夙世攻苦、暫委此任、候生貴家、今乃敢爾、其去若善筋、增若惡骨、罰令生々世々不得發迹也、鬼乃箠之仆地、顛落一齒、以刀割指

端抽筋出、亮白如絲、鬼王呼痛、聲類斬豕、手足並抽、訖、有二鬼押去、生稽首而出、秀才從其後、感荷殷、挽送過市、見一戶垂朱簾、內一女子露半面容、妝絕美、生問誰家、秀才曰、此曲巷也、既過、生低徊不能舍、遂堅止秀才、秀才曰、君為僕來、而令踟、以去、心何忍、生固辭乃去、生望秀才去遠、急趨入簾內、女接見喜形於色、入室促坐、相道姓名、女自言柳氏、小字秋華、一姬出為具肴酒、闌入帷、歡愛殊濃、切、訂

婚嫁既曙，嫗入曰：「薪水告竭，要耗郎君金資，奈何？」生頓念腰橐空虛，惶愧無聲。久之曰：「我寔不曾携得一文，宜署券保，歸即奉酬。」嫗變色曰：「曾聞夜度娘索逋欠耶？」秋華頻蹙，不作一語。生暫解衣為質，嫗持笑曰：「此尚不能償酒直耳。」呶々不滿志，與女俱入。生慚移時，猶冀女出展別，再訂前約。久候無音，潛入窺之，見嫗與秋華自肩以上化為牛鬼，目睖々相對立，大懼，趨出欲歸，則百道歧出，莫知所從。問之市人，並無知

其村名者、徘徊塵肆之間、歷兩昏曉、淒意含酸、響腸
鳴餓、進退無以自決、忽秀才過、望見之、驚曰、何尚未
歸、而簡褻若此、生覩顏莫對、秀才曰、有之矣、得毋為
花夜叉所迷耶、遂盛氣而往曰、秋華母子、何遽不少
施面目耶、去少時、即以衣來付生曰、淫婢無禮、已叱
罵之矣、送生至家、乃別而去、生暴絕三日始甦、歷
為家人言之、

大人

長山李孝廉質君、詣青州、途中遇六、七人、語音類燕、審視兩頰、俱有癰、大如錢、異之、因問何病之同、客自述舊歲客雲南、日暮失道、入大山中、絕壑、峽、巖、不可得出、谷中有大樹一章、條數尺、綿々下垂、蔭廣畝餘、諸客計無所之、因共繫馬解裝、傍樹棲止、夜既深、虎豹鴉鵂、次第嗥動、諸客抱膝相向、不能寐、忽見一大人來、高以丈許、客團伏、莫敢息、大人至、以手攬馬而食、六、七匹頃刻都盡、既而折樹上長條、捉人首穿腮、

如貫魚狀、貫訖、提行數步、條毳折有聲、大人似恐墜落、乃屈條之兩端、壓以巨石而去、客覺其去遠、出佩刀、自斷貫條、負痛疾走、未數武、見大人又導一人俱來、客懼、伏叢莽中、見後來者更巨、至樹下、往來尋視、似有所求而不得已、乃聲啁啾似巨鳥鳴、意甚怒、蓋怒大人之紿已也、因以掌批其頰、大人偃倮順受、無敢少爭、俄而俱去、諸客始倉皇出、荒竄良久、遙見嶺頭有燈火、群趨之、至則一男子居石室中、客入環拜、

兼告所苦、男子曳令坐曰、此物殊可恨、然我亦不能
箝制、待舍妹歸、可與謀也、居無何、一女子荷兩虎自
外入、問客何得至、^此諸客叩伏而告、以故、女子曰、久知
兩個為孽、不圖凶頑若此、當即除之、於石室中出銅
錘、重三四百斤、出門遂逝、男子煮虎肉餉客、肉未熟、
女子已返、曰、彼見我欲遁、追之數十里、斷其一指而
還、因以指擲地、大於脛骨焉、衆駭極、問其姓氏、即亦
不言、少間肉熟、客創痛不食、女以藥屑徧糝之、痛頓

止、既明、女子送客至樹下、行李俱在、各負裝行十餘里、經昨夜鬪處、女子指示之、石窪中殘血尚存、盆許、出山、女子始別而返、

向杲

向杲、字初旦、太原人、與廢兄晟、友于最敦、晟狎一妓、名波斯、有割臂之盟、以其母取直奢、所約不遂、適其母欲出籍、為良、願先遣波斯、有莊公子者、素善波斯、請贖為妾、波斯謂母曰、既願同離水火、是欲出地獄

而登天堂也。若妾媵之相去幾何矣。肯從奴志。向生其可。母諾之。以意達晟。時晟喪偶未婚。喜竭資聘波。斯以歸。莊聞。怒晟之奪所好也。途中偶逢。便大詬罵。晟不服。遂嗾從人折箠笞之。垂斃乃去。杲聞奔視。則兄已死。不勝哀恫。具造赴郡。莊廣行賄賂。使其理不得伸。杲隱恹中結。莫可控訴。惟思要路刺殺莊。日懷利刃。伏於山徑之莽。久之。机漸洩。莊知其謀。出則戒備甚嚴。聞汾州有焦桐者。勇而善射。以多金聘為衛。

杲計無所施、然猶日伺之。一日方伏、雨暴作、上下沾濡、寒戰頗苦、既而烈風四塞、冰雹繼至、身忽々然痛痒不能復覺、嶺上舊有山神祠、強起奔赴、既入廟、則所識道士在焉、先是道士嘗行乞村中、杲輒飯之、道士以故識杲、見杲衣服濡濕、乃以布袍授之、曰、姑易此、杲易衣、忍凍蹲若犬、自視則毛革頓生、身化為虎、道士已失所在、心中驚恨、轉念得仇人而食其肉、計亦良得、下至舊伏處、見已尸卧叢莽中、始悟前身已

死、猶恐葬於烏鳶、時、邏守之、越日莊適經此、虎暴出、於馬上撲莊落、齧其首咽之、焦桐返馬而射、中虎腹、蹙然遂斃、杲在錯楚中、恍若夢醒、又經宵始能行步、厭、以歸、家人以其連夕不返、方共駭疑、見之喜、相慰問、杲但卧蹇澁不能語、少間聞莊信、爭即床頭慶告之、杲乃自言、虎即我也、遂述其異、由此播傳、莊子痛父之死也、慘聞而惡之、因訟杲、官以事誕而無據、置不理焉、

異史氏曰、壯士志酬、必不生返、此千古所悼恨也、
惜人之殺、以為生、仙人之術、何神哉、然天下事之、
指人髮者多矣、使怨者、嘗為人恨、不令暫作虎耳、

董公子

青州董尚書、可畏、家庭森肅、內外男女、不敢通一語、
一日有婢及僕、調笑於中門之外、為公子所窺、怒叱
之、各奔而去、及夜、公子偕僮卧齋中、時方盛暑、室門
洞敞、更既深、僮聞床上有聲甚厲、方驚醒、月影中見

前僕提一物出門去、以其家人故弗深怪、遂復寐、忽聞靴聲訇然、一偉丈夫、赤面長髯、似壽亭侯像、捉一人頭入、僮惧、蛇行入床下、但聞床上支々格格、如振衣、如摩腹、移時始罷、靴聲又响、乃去、僮伸頭漸出、見櫺上有曉光、以手捫床上、着手粘湿、嗅之血腥、大呼公子、公子方醒、告而火之、血盈枕席、大駭、不得其故、忽有官役叩門、公子出見之、役愕然、但言怪事、詰之、告曰、適衙前一人、神色迷罔、大聲自言曰、我殺主人

矣。衆見其衣有血污，執而白之官，審知爲公子家人。彼言已殺公子，埋首於關帝廟側，往驗之，穴土猶新，而首則無之。公子駭異，趨赴公庭，見其人即前狎婢者也，因述其異，官甚惶惑，重責而釋之。公子不欲結怨於小人，以前婢配之，令去。積數日，其鄰堵者夜聞僕房中一聲振响，若崩裂，急起呼之，不應，排闥入視，見夫婦及寢床皆截然斷而爲兩，木肉上俱有削痕，似一刀所斷者。關公之靈蹟最多，蓋未有奇於此者。

也。

周三

泰安張太華、富吏也。家有狐、擾不可堪。遣制罔效。陳其狀於州尹。亦不能為力。時州之東亦有狐。居村民家。人共見之。一白髮吏云。吏與居人通弔慶。一如人世禮。自言行二。都呼之胡二爺。適有諸生謁尹。問道其異。尹為吏策。使往問吏。時東村人有作隸者。吏即其家訪之。事果不誣。便與俱往。即隸家設筵招胡。

胡至、揖讓酬酢、無異常人、吏因告以所求、胡言我固
悉之、但不能為君效力、僕友人周三、僑居岳廟、宜可
降伏、當代求之、吏喜、欠抑申謝、胡臨別、與吏約、明日
張筵於岳廟之東、吏如其教、胡果導周至、周虬髯鐵
面、服袴褶、飲數^行、向吏曰、適胡二弟致尊意、事已盡悉、
但此輩實繁有徒、不可善諭、難免用武、請即假館君
家、微勞所不敢辭、吏聞之、自念去一狐得一狐、是以
暴易暴也、游移不敢、即應、周已知之、曰、得毋相畏耶、

我非他比。且與君有喜緣。請勿疑。吏諾之。周又囑明
日偕家人闔戶坐室中。幸無譁。吏既歸。悉聽教言。俄
聞庭中攻擊刺鬪之聲。踰時始定。啟閤出視。血點、
盈階上。墀中有小狐首數枚。大如椀。玦焉。又視所除
舍。則周危坐其中。拱手笑曰。蒙重托。妖類已蕩滅矣。
自是館於其家。相見如主客焉。

鴿異

鴿類甚繁。晉有坤星。魯有鶴秀。黔有腋蝶。梁有翻跳。

越有諸尖、皆異種也。又有靴頭點子、大白、黑石、夫婦、雀、花狗眼之類、名不可屈、以指、惟好事者能辨之也。鄒平張公子、幼量癖好之。按經而求、務盡其種、其養之也、如保嬰兒。冷則療以粉草、熱則投以鹽顆。鴿善睡、太甚、有病麻痺而死者。張在廣陵、以十金購一鴿、體最小、喜走、置地上、盤旋無已時、不至於死不休也。故常須人把握之。夜置群中、使驚諸鴿、可已痺股之病。是名夜遊。齊魯養鴿家、無如公子最。公子亦以

出狀類常鴿、而毛純白、飛與簷齊、且鳴且鬪、每一撲必作勛斗、少年揮之以肱、連翼而去、復撮口作異聲、又有兩鴿出、大者如鷺、小者繞如拳、集階上學鶴舞、大者延頸立、張翼作屏、宛轉鳴跳若引之、小者上下飛鳴、時集其頂、翼翩、如燕子落蒲葉上、聲細碎、類鼗鼓、大者伸頸不敢動、鳴愈急、聲變如磬、兩、相和、間雜中節、既而小者飛起、大者又顛倒引呼之、張嘉歎不已、自覺汪洋可愧、遂揖少年乞求分愛、少年不

許。又固求之。少年乃叱鴿去。仍作前聲招二白鴿來。以手把之曰。如不嫌憎。以此塞責。接而玩之。睛映月作琥珀色。兩目通透。若無隔闕。中黑珠圓如椒粒。啟其翼。脇肉晶瑩。臟腑可數。張甚奇之。而意猶未足。詭求不已。少年曰。尚有兩種未獻。今不敢復請觀矣。方競論間。家人燎麻炬。入尋主人。回視少年。化白鴿。大如雞。冲霄而去。又目前院宇都渺。蓋一小墓。樹二栢焉。與家人抱鴿。駭歎而歸。試使飛馴。異如初。雖未拔

尤人世亦絕少矣。於是愛惜臻至，積二年，育雌雄各三，雖戚好求之弗得也。會父執某公爲貴官，一日見公子，問畜鴿幾許。公子唯々以退，疑某意愛好之也。思所以報而割愛良難，又念長者之求不可重拂，且不敢以常鴿應。選二白鴿籠送之，自以千金之贈不啻也。他日見某公頗有德色，而某殊無一申謝語，心不能忍。問前禽佳否，答云亦肥美。張驚曰：烹之乎？曰：然。張大驚曰：此非常鴿，乃俗所稱韃靼者也。某回思

曰、味亦殊無異處、張嘆恨而返、至夜夢白衣少年來責之曰、我以君能愛之、故遂托以子孫、何以明珠暗投、致殘鼎鑊、今率^若輩去矣、言已化為鵠、所養白鵠皆從之、飛鳴逕去、天明視之、果俱亡矣、心甚恨之、遂以所畜分贈知交、數日而盡、

異史氏曰、物莫不聚於所好、誠然也、葉公好龍、則真龍入室、而況學士之於良友、賢君之於良臣乎、而獨阿堵之物、好者更多、而聚者特少、亦以見鬼

神之怒貪而不怒痴也、

向有友人饋朱鯽於孫公子禹年、家無慧僕、以老傭往、及門、傾水出魚、索枰而進之、迨達主所、魚已枯斃、公子但笑不言、以酒犒傭、即烹魚以饗、既歸、主人問公子得魚頗歡慰否、答言歡甚、問何以知、曰公子見魚、便欣然有笑容、立命賜酒、且烹數尾、以犒小人、主人駭甚、自念所贈頗不粗劣、何至烹賜下人、因責之曰、必汝蠢頑無禮、故公子遷怒耳、

傭揚手力辯曰、我國陋拙、遂以為非人耶、登公子門、小心如許、猶恐簞斗不文、敬索样出一一勻排而後進之、有何不周詳也、主人罵而遣之、

靈隱寺僧某、以茶得名、鐫曰皆精、然所蓄茶有數種、恒視客之貴賤、以為烹餼、其最上者、非貴客及知味者、不以奉也、一日有貴官至、僧伏謁甚恭、出佳茶、手自烹進、冀得稱譽、而貴官殊無一語、僧惑甚、又出最上一等、細烹煎而後進之、飲已將盡、

猶無贊語、急不能待、鞠躬曰、茶何如、貴官執錢一拱曰、甚熟、此兩事、可與張公子贈鵠、同一笑也、

聶政

懷慶潞王有昏德、時行民間、窺見好女子、輒奪之、有王生妻、爲王所睹、遣輿馬直入其第、女子號涕不伏、強舁而出、生亡去、隱身聶政之墓、與妻經此、過得、一遙訣、無何妻至、望見丈夫、大哭投地、生惻動心、懷不覺失聲、從人知其王生、執之、將加榜掠、忽墓中一丈

夫出、手握白刃、氣象威猛、厲聲曰、我聶政也、良家子、豈容強占、念汝輩非所自由、姑且宥恕、寄語無道主、若不改行、不日將決其首、衆大駭、棄車而走、丈夫亦入墓中而沒、夫妻叩墓、歸猶惧王命復臨、過十餘日、竟絕消息、心始安、王自此淫威亦少殺云、

異史氏曰、余讀刺客傳、而獨服膺於軹深井里也、其銳身而報知己、有豫之義、白晝而屠卿相、有鱗之勇、面皮自刑、不累骨肉、有曹之智、至於荊軻、力

不足以謀無道秦、遂使絕裾而去、自取滅亡、輕借
樊將軍之頭、何日可能還也、此千古之所恨、而聶
政之所嗤者矣、聞之野史、其墓見掘於羊左之鬼、
果爾、則生不成名、死猶喪義、其視聶之抱義憤而
懲荒淫者、其爲人之賢不肖、何如哉、噫、聶之賢於
此益信、

冷生

平城冷生者、少最鈍、年二十餘、未能通一經、後忽有

狐來與之燕處、每聞其終夜語、即兄弟詰之、亦不肯泄一字、如是多日、忽得狂易病、每爲文時、得題則閉門枯坐、少時譁然大笑、往窺之、則手不停草、而一執成矣、既而脫稿、文思精妙、是年入泮、明年食餼、每逢場作笑、响徹堂壁、由此笑生之名大譟、幸學使退休、不聞、後值某學使、規矩嚴肅、終日危坐堂上、忽聞笑聲、怒執之、將以加責、執事官代白其顛、學使怒稍息、釋之、而黜其名、從此佯狂詩酒、著有顛草四卷、超拔

可誦、

異史氏曰、閉門一笑、與佛家頓悟時何殊、間哉、大笑成文、亦一快事、何至以此褫革、如此主司、寧非悠、

昔學師孫景夏先生、往訪友人、至其窓外、不聞人語、但聞笑聲、嗤然、頃刻數作、意其與人戲耳、入視、則居之獨也、怪之、始大笑曰、適無事、殆默溫笑談耳、

邑宮生者家畜一驢性蹇劣每途中逢獨行之客拱手謝曰適忙遽不遑下騎勿罪言未已驢已蹙然伏道上屢試不爽宮大慚恨因與妻謀使偽作客自乃跨驢而周於庭向妻拱手作遇客語驢果伏便以利錐毒刺之適有友人相訪方欲款關聞宮言於內曰不遑下騎勿罪少頃又言之中大怪異叩扉而問其故以實告相與捧腹此二則可附冷生之笑以傳矣

藥僧

濟寧某偶拉野寺外見一遊僧向陽捫虱杖挂葫蘆似賣藥者因戲曰和尚亦賣房中丹否僧曰有弱者可強微者可巨立刻而效不俟經宿某喜求之僧解衲角出藥一丸如黍大令吞之約半炊時下部暴長踰刻自捫增於舊者三之一心猶未滿窺僧起遺窈窕解衲拈二三丸並吞之俄覺膚若裂筋若抽項縮腰驟而陽長不已大惧無術僧返見其狀驚曰子必竊

吾藥矣、即與一九、始覺休止、解衣自視、則幾與兩股
鼎足而三矣、縮頸蹣跚而歸、父母皆不能識、從此為
廢物、日卧街上、多見之者、

皂隸

萬歷間、歷城令夢城隍索人服役、即以皂隸八人、書
姓名於牒、焚廟中、至夜八人皆死、廟東有酒肆、主
故與一隸有素、會夜來沽酒、問歟何客、答云僚友甚
多、沽一尊、少叙姓名耳、質明見他役、始知其人已死、

入廟啟扉、則瓶在焉、貯酒如故、歸視所與錢、皆紙灰、
令肖八像於廟、諸役得差、皆先酬之、乃行、不然、必遭
管譴、

紅毛毯

紅毛國舊許與中國相貿易、邊帥見其衆、不聽登岸、
紅毛人固請、但賜一毯之地足矣、帥思一毯所容無
幾、許之、其人置毯岸上、僅容二人、扯之容四五人、且
扯且登、頃刻毯大畝許、已數百人矣、短刃並發出、於

不意被掠數里而去。

抽腸

萊陽民某晝卧、見一男子與婦人握手入、婦黃腫腰、粗欲仰、意象愁苦、男子促之曰來、某意其苟合者、因假睡以窺所為、既入、似不見榻上有人、又促曰速之、婦便自袒胸懷、露其腹、大如鼓、男子出屠刀一口、用力刺入、從心下直剖至臍、蚩、有聲、某大惧、不敢喘息、而婦人攢眉忍受、未嘗少呻、男子口啣刀、入

手扞腹、捉腸挂肘際、且挂且抽、頃刻滿臂、乃以刀斷之、舉置几上、還復抽之、几既滿懸、椅上、椅又滿、乃肘數十盤、如漁人舉網狀、望某首邊一擲、覺一陣熱腥、面目喉舌、覆壓無縫、某不能復忍、以手推腸、大號起奔、腸墮榻前、兩足被繫、冥然而倒、家人趨視、但見身繞猪臟、既入審顧、則初無所有、衆各自謂目眩、未嘗駭異、及某述所見、始共竒之、而室中並無痕迹、惟數日血腥不散、

牛飛

邑人某購一牛頗健、夜夢牛生兩翼飛去、以為不祥、疑有喪失、牽市中損價售之、以巾裹金、纏臂上、歸至半途、見一鷹食殘兔、近之甚馴、遂以巾頭繫鷹股臂、之鷹屢擺撲、把捉稍踈、帶巾騰去、某每謂定數不可逃、而不知不疑夢、不拾遺、走者何遽能飛哉、

聊齋誌異卷之十三

般陽蒲松齡柳泉甫著

狐懲媼

某生者購新第、常患狐、凡一切服物多為所毀、又時以塵土置湯餌中、一日有友過訪、值生他適、至暮不歸、生妻備饌具供客、已而偕婢啜食餘餌、生素不羈、好蓄媚藥、不知何時狐以藥置粥中、婦食之、覺有腦麝氣、問婢、答不知、食訖、覺慾焰上熾、不可暫忍、強

自按抑、燥渴愈急、籌思家中無可奔者、獨有客在、遂往叩齋、客問其誰、實告之、問何作、不答、客謝曰、我與若夫道義交、不敢為此獸行、婦尚留連、客叱罵曰、某兄文章品行、被汝喪盡矣、隔窓唾之、婦大慚、乃退、因自念我何為若此、忽憶腕中香、得毋媚藥耶、檢包中藥果狼籍滿案、盞戔中皆是也、稔知冷水可解、因就飲之、頃刻心下清醒、愧恥無以自容、輾轉既久、更漏已殘、愈恐天曉、無以見人、乃解帶自經、婢覺救之、氣

已漸絕、晨後始有微息、客夜間已遁、生晡後方歸、見妻卧、問之不言、但含清涕、婢以狀告、大驚、苦詰之、妻遣婢去、始以寔陳、生嘆曰、此我之淫報也、於卿何尤、幸有良友、不然、何以為人、遂從此痛節、往行、狐亦遂絕、

異史氏曰、居家者相戒勿蓄砒鴆、從無有相戒不蓄媚藥者、亦猶人之畏兵刃而狎床第也、寧知其毒有甚於砒鴆者哉、願蓄之、不過以媚內耳、乃至

見嫉於鬼神、况人之縱淫、有過於蓄藥者乎、

某生赴試自郡中歸、日已暮、携有蓮實菱藕入室、並置几上、又有簾津偽器一事、水浸盎中、諸鄰人以其新婦、携酒登堂、生倉卒置床下而出、令內子經營供饌、與客薄飲、已入內、急燭床下、盎水已空、問婦、曰、適與菱藕並出供客、何尚尋也、生回憶肴中有黑條雜錯、舉座不知何物、乃失笑曰、痴婆子、此何物事、可供客耶、婦亦疑曰、我方怨子不

言烹法、其狀可醜、又不知何名、只得糊塗齏切耳、
生乃告之、相與大笑、今某生貴矣、相狎者猶以為
戲、

山市

奘山、市邑景之一也、然數年恒不一見、孫公子禹
年、與同人飲樓上、忽見山頭有孤塔聳起、高插雲冥、
相顧驚疑、念近中無此禪院、無何見宮殿數十所、碧
瓦飛甍、始悟為山市、未幾高垣睥睨、連亘六七里、居

然城郭矣、中有樓若者、堂若者、坊若者、歷々在目、以億萬計、忽大風起、塵氣莽々然、城市依稀而已、既而風定天清、一切烏有、惟危樓一座、直接霄漢、樓五架、窓扉皆洞開、一行有五點明處、樓外天也、層々指數、樓愈高則明漸小、數至八層、纔如星點、又其上則黯然飄渺、不可計其層次矣、而樓上人往來屑々、或凭或立、不一狀、踰時樓漸低、可見其頂、又漸如常樓、又漸如高舍、倏忽如拳如豆、遂不可見、又聞有早行者、

見山上人烟市肆、與世無別、故又名鬼市云、

江城

臨江高生、名蕃、少慧、儀容秀美、十四歲入邑庠、富室爭女之、生選擇良苛、屢梗父命、父仲鴻、年六十、止此子、寵惜之、不忍少拂、初東村有樊翁者、授童蒙於市肆、携家僦生屋、翁有女小字江城、與生同甲、時皆八九歲、兩小無猜、日共嬉戲、後翁徙去、積四五年、不復聞問、一日生於隘巷中、見一女、即、艷美絕俗、從一小

鬟僅六七歲、不敢傾頤、但斜睨之、女停睇若欲有言、細視之、江城也、頓大驚喜、各無所言、相視呆立、移時始別、兩情戀々、生故以紅巾遺地而去、小鬟拾之、喜以授女、々入袖中、易以已巾、偽謂鬟曰、高秀才非他人、勿得諱其遺物、可追還之、小鬟果追付生、々得巾大喜、歸見母、請與論婚、母曰、家無半間屋、南北流移、何足匹偶、生言我自欲之、固當無悔、母中心攄拒不自決、以商仲鴻、々執不可、生聞之、悶然嗔不容粒、母

大憂之、謂高曰、樊氏雖貧、亦非狙僮無賴者比、我請
過諸其家、倘其女可偶也、即亦何害、高諾之、母托燒
香黑帝廟、詣之、見女明眸秀齒、居然媚好、心大愛悅、
遂以金帛厚贈之、實告以意、樊媼謙抑而後受盟、歸
述其情、生始解顏為笑、逾歲擇吉迎女、婦、夫妻相得
甚歡、而女善怒、反眼若不相識、詞舌嘲啁、常聒於
耳、生以愛故、悉含忍之、翁嫗稍有所聞、心弗善也、潛
責其子、為女所聞、大恚、詬罵彌加、生稍、反其惡聲、

女益怒、撻逐出戶、闔其扉、生留、門外不敢叩、關抱、膝宿簷下、女自是視若仇、其初長跪、猶可以解、漸至屈膝無靈、而丈夫益苦矣、翁姑薄讓之、女牴牾不可言狀、翁姑忿怒、逼令大婦、樊慚惧、浼交好者請於仲鴻、不許、年餘、生出遇岳、把袂邀歸其家、謝罪不遑、妝女出見、夫婦相對、不覺惻楚、樊乃沽酒款婿、酬勸甚殷、無何日暮、堅止宿留、掃別榻、使夫婦並寢、既曙辭歸、不敢以情告父母、惟掩飾而彌縫之、由此三

五日輒一寄岳家宿、而父母不知也、樊一日自詣仲
鴻、初不見、迫而後見之、樊膝行而請、高不承、諉諸其
子、樊言婿昨夜宿僕家、不聞有異言、高驚問何時寄
宿、樊具以告、高赧謝曰、我固不之知耳、彼愛之、我獨
何仇乎、樊既去、高呼子而罵、生但俛首、不少出氣、言
間樊已送女至、高曰、我不能為兒女任過、不如各立
門戶、即煩主析爨之盟、樊勸之、不聽、遂別院居之、遣
一婢給役焉、月餘頗相安、翁媪竊慰、未幾女漸肆生

面上時有指爪痕。父母明知之，亦忍置不問。一日生不堪撻楚，奔避父所，芒々然如鳥雀之被鷂毆者。翁媼方怪問，女已橫槌追入，竟即翁側捉而箠之。翁姑沸噪，畧不顧瞻。撻至數十，始倖々以去。高逐子曰：「我惟避囂，故析爾々，固樂此，又焉逃乎？」生被逐，徙倚殊無所歸。母恐其挫折行死，令獨居而給之食。又召樊來使教其女。樊入室，開諭萬端，女終不聽，反以惡言相苦。樊拂衣而行，誓相絕。無何樊翁憤生病，與媼相

繼死、女恨之、亦不臨弔、惟日隔壁譟罵、故使翁姑聞、
高悉置不較、生自獨居、若離湯火、但覺淒寂、暗以金、
啗媒媼、李氏納妓齋中、往來皆以夜、久之女微聞知、
詣齋、嫚罵生、力白其誣、矢以天日、女始歸、自此日伺、
生隙、李媼自齋中出、適為所遭、急呼之、媼神色變異、
女益疑、謂媼曰、明告所作、或可宥免、若猶隱秘、撮毛、
盡矣、媼戰而告曰、半月來、惟拘欄李雲娘過此、兩度、
耳、適公子言、曾於玉筍山見陶家婦、愛其双翹、囑奴、

招致之、渠雖不貞、亦未便作夜度娘、成否固未必也、女以其言誠、姑從寬恕、媼欲行、又強止之、日既昏、呵之曰、可先往滅其燭、便言陶家至矣、媼如其言、女即遽入、生喜極、挽臂促坐、具道飢渴、女默不語、生暗中索其足曰、自山上一覲仙容、介々獨戀是耳、女終不語、生曰、夙昔之願、今始得遂、何可覲面而不識也、躬自促火、一照、則江城也、大惧失色、墮燭於地、長跪、齧齧若兵在頸、女摘耳提歸、以針刺兩股、殆徧、乃卧以

床下醒則數罵之、生以此畏若虎狼、即偶假以顏色、枕席之上、亦震懼不能為人、女批頰而叱去之、益厭棄不以人齒、生日在蘭麝之鄉、如狎狴中人、仰獄吏之尊也、女有兩姊、俱適諸生、長姊平善、訥於口、常與女不相洽、二姊適葛氏、為人狡黠善辨、顧影弄姿、貌不及江城、而悍妬與埒、姊妹相逢無他語、惟各以閭威自鳴得意、以故二人最善、生適戚友、女輒嗔怒、惟適葛所、知之不禁也、一日飲葛所、既醉、葛嘲曰、子何

畏之甚。生笑曰：「天下事顧多不解，我之畏、其美也，乃有美不及內人，而畏與僕等者，惑不滋甚哉？」葛大慚，不能對。婢聞以告二姊，二姊怒，操杖遽出。生察其狀，兇，跣屣欲走，杖起已中腰脅，三杖三蹙，而不能起。悞中顙，血流如潘。二姊乃去。生蹣跚而歸。妻驚問之，初以迂姨故，不敢遽告。再三研詰，始具陳之。女以帛束生首，忿然曰：「人家男子，何煩他撻楚耶？」更短袖裳，懷木杵，携婢逕去，抵葛家。二姊笑語承迎，女不語，以

杆擊之仆、裂袴而痛楚焉、齒落唇缺、遺矢溲便、女既返、二姊羞忿、遣夫赴愬於高、生趨出、極意溫卹、葛私語曰、僕此來不得不爾、悍婦不仁、幸假手而懲創之、我兩人何嫌焉、女已聞之、遽出指罵曰、齷齪賊、妻子虧苦、反竊之、與外人交好、此等男子、不宜打殺耶、疾呼覓杖、葛大窘、奪門竄去、生由此往來全無一所、同窓王子雅過之、宛轉留飲、以問以閨閣相詭、頗涉狎褻、女適窺客、伏聽盡悉、暗以巴豆投湯中而進之、未

幾吐利不可堪、奄存氣息、女使婢問之曰、再敢無禮否、始悟病之所自來、呻吟而哀之、則菜豆湯已儲待矣、飲之乃止、從此同人相戒、莫敢飲於其家、王有酤肆、中多紅梅、設宴招其曹侶、生托文社稟白而往、日暮既酣、王生曰、適有南昌名妓流寓此間、可以呼來共飲、衆大悅、惟生離座興辭、群曳之曰、聞中耳目雖長、亦聽睹不至於此、因相笑緘口、生乃復坐、少間妓果出、年十七八、玉佩玎冬、雲鬟掠削、問其姓、云謝

氏小字芳蘭、出詞吐氣、備極風雅、舉坐若狂、而芳蘭
猶屬意生、屢以色授、爲衆所覺、故曳兩人連肩坐、芳
蘭陰把生手、以指書掌作宿字、生於此時、欲去不忍、
欲留不敢、心如亂絲、不可言喻、而傾頭耳語、醉態益
狂、榻上胭脂虎亦並忘之、少旋、聽更漏已動、肆中酒
客愈稀、惟遙座一美少年、對燭獨酌、有小僮捧巾侍
焉、衆竊議其高雅、無何、少年罷飲出門去、僮反身入
向生曰、主人相候一語、衆都不知何誰、惟生顏色慘

變、不遑告別、匆々便去、蓋少年乃江城、僮即其家婢也、生從至家、伏受鞭扑、從此益禁錮之、弔慶皆絕、文宗下學、生以誤講降為青、一日與婢語、女疑與私、以酒罈囊婢首而撻之、已而縛生及婢、以繡剪々腹間肉互補之、釋縛令其自束、月餘、補處竟合為一云、女每以白足踏餅、拋塵土中、叱生撫食之、如是種々、母以憶子故、偶至其家、見子柴瘠、既歸、痛哭欲死、夜夢一叟告之曰、勿須憂煩、此是前世因、江城原靜業和

尚所養長生鼠、公子前身爲士人、偶游其寺、悞斃之、
今作惡報、不可以人力回也、每早起、虔心誦觀音咒
一百遍、必當有效、醒而述於仲鴻、異之、夫妻咸遵
其教、兩月餘、女橫如故、益之狂縱、聞門外鉦鼓、輒握
髮出、慙然引眺、千人共指、不爲怪、翁姑共恥之、然不
能禁、腹誹而已、忽有老僧、在門外宣佛果、觀者如堵、
僧吹鼓上、華作牛鳴、女奔出、見人衆無隙、命婢移行
床、踈登其上、衆目集視之、女爲弗覺也者、踰時、僧數

衍將畢、索清水一盂、持向女而宣言曰、莫要嗔、莫要
嗔、前世也、非假、今世也、非真、吐鼠子縮頭去、勿使猫
兒尋、宣已、吸水、噴射女面、粉黛淫、下沾襟袖、衆大
駭、意女暴怒、女殊不語、拭面自歸、僧亦遂去、女入室
癡坐、嗒然若喪、終日不食、掃榻遽寢、中夜忽喚生醒、
疑其將遺、捧進溺盆、女却之、暗把生臂、曳入衾、生承
命、四體驚悚、若奉丹詔、女慨然曰、使君若此、何以為
人、乃以手撫捫生體、每至刀杖痕、嚶嚶泣、輒以指

甲自掐、恨不即死、生見其狀、意良不忍、所以慰藉之、良厚、女曰、妾思和尚必是菩薩化身、清水一洒、若更肺腑、今回憶曩昔所為、都如隔世、妾向時得毋非人耶、有夫婦而不能歡、有姑嫜而不能事、是誠何心、明日可移家去、仍與父母同居、庶便定省、絮語終夜、如話十年之別、昧爽即起、搥衣斂罷、婢携簾、躬襆被、促生前往叩扉、母出駭問、告以意、母遲迴有難色、女已偕婢入、母從入、女伏地哀泣、但求免死、母察其意誠、

亦泣曰、吾兒何遽如此、生爲細述前狀、始悟曩昔之夢驗也、喜喚厮僕、爲除舊舍、女自是承顏順志、遇於孝子、見人則覲如新婦、或戲述往事、則紅漲於頰、且勤儉、又善居積、三年、翁姑不問家計、而富稱巨萬矣、生是歲鄉捷、女每謂生曰、當日一見芳蘭、今猶憶之、生以不受荼毒、願已至足、妄念所不敢萌、唯々而已、會以應舉入都、數月乃返、入室見芳蘭、方與江城對奕、驚而問之、則女以數百金出其籍云、余於浙邸得

晤王子雅、言之竟夜甚詳、

異史氏曰、人生業果、飲啄必報、而惟果報之在房中者、如附骨之疽、其毒尤慘、每見天下賢婦十之一、悍婦十之九、亦以見人世之能修善業者少也、觀自在願力宏深、何不將盂中水、洒大千世界耶、

孫生

余鄉孫生者、娶故家女辛氏、初入門、為窮袴多其帶、渾身糾纏甚密、拒男子不與共榻、床頭常設錐簪之

罷以自衛、孫屢被刺、割、因就別榻眠、月餘不敢問、
即白晝相逢、女未嘗假以言笑、同窓某知之、私謂孫
曰、夫人能飲否、答云少飲、某戲之曰、僕有調停之法、
善而可行、問何法、曰以迷藥入酒、給使飲焉、則惟君
所欲矣、孫笑之、而陰服其策、良、詢之醫家、敬以酒煮
烏頭置案上、入夜、孫醺別酒、獨酌數觥而寢、如此三
夕、妻終不飲、一夜孫卧移時、視妻猶寂坐、孫故作勦
聲、妻乃下榻、取酒煨爐上、孫竊喜、既而滿飲一杯、又

復酌、約盡半杯許、以其餘仍內壺中、拂榻遂寢。久之
無聲、而燈煌々、尚未滅也、疑其尚醒、故大呼錫藥鎔
化矣、妻不應、再呼仍不應、白身往視、則醉睡如泥、啟
衾潛入層々、斷其縛結、妻固覺之、不能動、亦不能言、
任其輕薄而去、既醒惡之、投環自縊、孫夢中間喘吼
聲起、而奔視、舌已出兩寸許、大驚、斷索扶榻上、踰時
始蘇、孫自此殊厭恨之、夫妻避道而行、相逢則俛其
首、積四五年、不交一語、妻或在室中、與他人嬉笑、見

夫至則色立變凜如霜雪孫嘗寄宿齋中恒經歲無
歸時即強之歸亦面壁移時嘿然即枕而已父母甚
憂之一日有老尼至其家見婦極加贊譽母不言但
有浩嘆尼詰其故具以情告尼曰此易與耳母喜曰
倘能回婦意當不靳酬也尼窺室無人耳語曰請購
春宮一幀三日後為若魔之尼既去母從其教購以
待之三日尼果來囑曰此須慎秘勿令夫婦知乃剪
下圖中人又針三枚艾一撮並以素紙包固外繪數

畫如蚓狀、使母賺婦出、竊取其枕、開其縫而投之、已而仍合之、返歸故處、尼乃去、至晚、母強子歸宿、傭媼知其情、竊往伏聽、二更將殘、聞婦呼孫小字、孫不答、少間婦復語、孫厭氣作惡聲、質明、母入其室、見夫婦面首相背、知尼之術誣也、呼子於無人處、委諭之、孫聞妻名、便怒切齒、母怒罵之、不顧而去、越日尼來、告之罔效、尼大疑、媼因述所聽、尼笑曰、前言婦憎夫、故偏魘之、今婦意已轉、所未轉者男耳、請作兩制之法、

必有驗、母從之、索子枕如前、緘置訖、又呼令歸寢、更餘、猶聞兩榻上皆有轉側聲、時作咳、都若不能寐、久之、聞兩人在一床上唧唧語、但隱約不可辨、將曙、猶聞戲笑吃吃、不絕、媼以告母、母喜、尼來厚饋之、由是琴瑟好合、今皆三十餘矣、生一男兩女、十餘年、從無角口之事、同人私問其故、笑曰、前此碩影生怒、後此間散而喜、自亦不解其何心也、

異史氏曰、移憎而愛、術不亦神哉、然能令人喜者、

亦能令人怒、術人之神、正術人之可畏也、先哲云、
六婆不入門、有見矣夫、

八大王

臨洮馮生、傳者忘其名字、蓋貴介裔而凌夷矣、有漁
蟹者、負其債不能償、得蟹輒獻之、一日獻巨蟹、額有
白點、生以其狀異、放之後、自婿家歸、至恒河之側、日
已就昏、見一醉者、從二三僮、顛跛而至、遙見生、便問
何人、生漫應行道者、醉人怒曰、寧無姓名、胡言行道

者、生馳驅心急、置不答、竟過之、醉人益怒、捉袂使不得行、酒臭熏人、生益不耐、然力解、莫能脫、問汝何名、囁然而對曰、我南都舊令尹也、將何為、生曰、世間有此等令尹、辱寞世界矣、幸是舊令尹、假新令尹、將無途人耶、醉人怒甚、勢將用武、生大言我馮某非受人搥打者、醉人聞之、變怒為歡、踉蹌下拜曰、是我恩主、唐突勿罪、起喚從人、先歸治具、生辭之不得、握手行數里、見一小村、既入、則廊舍華好、似貴人家、醉人醒

稍解、生始詢其姓字、曰言之勿驚、我洮水八大王也、適西山青童招飲、不覺過醉、有犯尊顏、實切愧悚、生知其妖、以其情詞殷渥、遂不畏怖、俄而設筵豐盛、促坐、懽飲、大王^飲最豪、連舉數觥、生恐其復醉、再作縈擾、偽醉求寢、大王已喻其意、笑曰、君得毋畏我狂耶、但請勿懼、凡醉人無行、謂隔夜不復記憶者、欺人耳、酒徒之不德、故犯者十九、僕雖不齒於儕偶、顧未敢以無賴之行施之長者、何遂見拒如此、生乃復坐、正容

而諫曰、既自知之、何勿改行、大王曰、老夫為令尹時、
 沉湎尤過於今日、自觸帝怒、謫歸島嶼、力反前轍者
 十餘年矣、今老將就木、潦倒不能橫飛、故態復作、我
 自不解耳、茲敬聞命矣、傾談遠鐘已動、大王起捉臂
 曰、相聚不久、蓄有一物、聊報厚德、此不可以久佩、如
 願後當見還也、口中吐一小人、僅寸餘、因以爪掐生
 臂、痛苦膚裂、急以小人按捺其上、釋手已入革裏、甲
 痕尚在、而漫漶墳起、類痰核狀、驚問之、笑而不答、但

曰、君宜行矣、送生出、大王自返、回顧村舍全渺、惟一
巨蟹、蠢々入水而沒、錯愕久之、自念所獲必蟹寶也、
由此目最明、凡有珠寶之處、黃泉下皆可見、即素所
不知之物、亦隨口而出其名、於寢室中掘得藏錐數
百、用度頗充、後有貨故宅者、生視其中有藏錐無筭、
遂以重金購居之、由此與王公埒富、火齊木難之類
皆蓄焉、得一鏡、背有鳳鈕、環水雲湘妃之圖、光射里
餘、鬚眉皆可數、佳人一炤、則影留其中、磨之不能滅、

也、若改妝重炤、或更一美人、則前影消矣、時肅府第
三主絕美、雅慕其名、會主遊崆峒、乃往伏山中、伺其
下輿、炤之而歸、設置案頭、審視之、見美人在中、拈巾
微笑、口欲言而波欲動、喜而藏之、年餘為妻所洩、聞
之肅府、王怒收之、追鏡去、擬斬、生大賂中貴人、使言
於王曰、王如見赦、天下之至寶不難致也、不然、有死
而已、於王誠無所益、王欲籍其家而徙之、三主曰、彼
已窺我、十死亦不足解此玷、不如嫁之、王不許、主閉

戶不食、妃子大憂、力言於王、乃釋生囚、命中貴以
意示生、辭曰、糟糠之妻不下堂、寧死不敢承命、王
如聽臣自贖、傾家可也、王怒、復逮之、妃召生妻入宮、
將鵠之、既見妻、以珊瑚鏡台納妃、詞意溫惻、妃悅之、
使叅主、亦悅之、訂為姊妹、轉使諭生、告妻曰、王
候之女、不可以先後論嫡庶也、妻不聽、歸修聘幣、納
王邸、賁送者以千人、珍石寶玉之屬、王家亦不能知
其名、王大喜、釋生歸、以主嬪焉、主仍懷鏡歸、生一夕

獨寢夢大王軒然入曰、所贈之物當見還也、佩之既久、耗人精血、損人壽命、生諾之、即留宴飲、大王辭曰、自矜藥石、戒杯中物已三年矣、乃以口啣生臂、痛極而醒、視之、則核塊消矣、後此遂如常人、

異史氏曰、醒則猶人、而醉則猶蟹、此酒人之大都也、碩蟹雖日習於酒、狂乎、而不敢忘恩、不敢無禮於長者、蟹不過人遠哉、若夫某氏、則醒不如人、而醉不如蟹矣、古人有龜鑑、盍以爲蟹鑑乎、乃作酒

人賦

賦曰、有一物焉、陶情適口、飲之則醺、騰、厥名
為酒、其名最多、為功已久、以宴嘉賓、以速父舅、以
促膝而為歡、以合盃而成偶、或以為釣詩鈎、又以
為掃愁帚、故麴生頻來、則騷客之金蘭友、醉鄉深
處、則愁人之逋逃藪、糟丘之臺既成、鴟夷之功不
朽、齊臣遂能一石、學士亦稱五斗、則酒固以人傳、
而人或以酒醜、若夫落帽之孟嘉、荷鍾之伯倫、山

公之倒其接羅、彭澤之漉以葛巾、酣眠乎美人之側也、或察其無心、濡首於墨汁之中也、自以為有神、井底卧乘船之士、槽邊縛珥玉之臣、甚至效鰲因而玩世、亦猶非害物而不仁、至如雨宵雪夜、月旦花晨、風定塵短、客舊妓新、履舄交錯、蘭麝香沉、細批薄抹、低唱淺斟、忽清商兮一奏、則寂若兮無人、雅謔則飛花粲齒、高吟則戛玉猷金、搃陶然而大醉、亦魂清而夢真、果爾、即一朝一醉、當亦名教

之所不嗔、爾乃嘈雜不韻、俚詞並進、坐起謹譁、呶
呶成陣、涓滴忌爭、勢將投刃、伸頸攢眉、引杯吸鵠、
傾瀋碎觥、拂燈滅燼、綠醕葡萄、狼籍不靳、病葉狂
花、觴政所禁、如此情懷、不如勿飲、又有酒隔咽喉、
間不盈寸、吶、呢、猶譏主恣、坐不言行、飲復不
任、酒客無品、於斯為甚、有狂藥下、客氣粗、努石
稜、磔鬚鬚、袒兩背、躍双趺、塵蒙、今滿面、哇浪、
今沾裾、口信、今亂吠、髮蓬、今若奴、其顛地而

呼天也、似李郎之嘔其肝腸、其揚手而擲足也、如蘇相之裂於牛車、舌底生蓮者、不能窮其狀、燈前取影者、不能爲之圖、父母前而受忤、妻子弱而難扶、或以父執之良友、無端受罵於灌夫、婉言以警、倍益眩暝、此名酒凶、不可救拯、惟有一術、可以解酩、厥術維何、祇須一槌、繫其手足、與斬豕等、止困其臀、勿傷其頂、捶至百餘、豁然頓醒、

羅祖

羅祖即墨人也、少貧縱、族中應出一丁戍北邊、即以羅往、羅居邊數年、生一子、駐防守備、雅厚遇之、會守備遷陝西、叅將欲携與俱去、羅乃托妻子於其友李某者、遂西、自此三年不得返、適叅將欲致書北塞、羅乃自陳、請以便道省妻子、叅將從之、羅至家、見妻子無恙、良慰、然床下有男子遺舄、心疑之、既而詣李申謝、李置酒殷勤、妻又道李恩義、羅感激不勝、明日謂妻曰、我往致主命、暮不能歸、勿伺也、出門跨馬去、匿

身近處、更定却歸、聞妻與李卧語、大怒破扉、二人懼、
膝行乞死、羅抽刃出、已復韜之、曰、我始以汝爲人也、
今若此、殺之污吾刀耳、與汝約、妻子而受之、籍名亦
而充之、馬匹器械具在我逝矣、遂去、鄉人共聞之、於
官、答李、以實告、而事無驗、見莫可執憑、遠近搜
羅、則絕匿名跡、官疑其因奸致殺、益械李及妻、逾年
並桎梏以死、乃送其子歸、即墨後石匣、營有樵人入
山、見一道士坐洞中、未嘗求食、衆以爲異、賫糧供之、

或有識者、蓋即羅也、餽遺滿洞、羅終不食、意似厭囂、以故來者漸寡、積數年、洞外蓬蒿成材、或潛窺之、則坐處不曾少移、又久之、見其出游山上、就之、已杳、往瞰洞中、則衣上塵蒙如故、益竒之、更數日而往、則玉柱下垂、坐化已久、土人爲之建廟、每三月間、香楮相屬於道、其子往、人皆呼以小羅祖、香稅悉歸之、今其後人猶歲一往、收稅金焉、沂水劉宗玉、向予言甚詳、予笑曰、今世諸檀越、不求爲聖賢、但望成佛祖、請徧

告之、若要立地成佛、須放下刀子去、

劉姓

邑劉姓虎而冠者也、後去淄居沂、習氣不除、鄉人咸畏惡之、有田數畝、與苗某連隴、苗勤、田畔多種桃、初寔子往攀摘、劉怒驅之、指為已有、子啼而告諸父、父方駭怪、劉已詬罵在門、且言將訟、苗笑慰之、怒不鮮、忿而去、時有同邑李翠石、作典商於沂、劉持狀入城、適與之遇、以同鄉故相熟、問作何幹、劉以告、李笑

曰、子聲望衆所共知、我素識苗某甚平善、何敢占騙、
將毋反言之耶、乃碎其詞紙、曳入肆、將與調停、劉恨
恨不已、竊肆中筆、復造狀藏懷中、期以必告、未幾苗
至、細陳所以、因哀李爲之解免、言我農人、半世不見
官長、但得罷訟、數株桃何敢執爲已有、李呼劉出、告
以退讓之意、劉猶指天畫地、叱罵不休、苗惟和色卑
詞、無敢少辨、既罷、踰四五日、見其村中人傳劉已死、
李爲驚嘆、翼日他適、見杖而來者儼然劉也、比至、殷

殷問訊、且請顧臨、李遂巡問曰、日前忽聞凶訃、一何
妄也、劉不答、但挽入村、至其家、羅漿酒焉、乃言前日
之傳、非妄也、曩出門、見二人來、捉見官府、問何事、但
言不知、自思出入衙門數十年、非怯見官長者、亦不
畏怖、從去、至公廨、見南面者有怒容、曰、汝即劉某耶、
罪惡貫盈、不自悛悔、又以他人之物占為己有、此等
橫暴、合置鎗鼎、一人稽簿曰、此人有一善、合不死、南
面者閱簿、色稍霽、便云、暫送他去、數十人齊聲呵逐、

余曰、因何事勾我來、又因何事遣我去、還祈明示、吏持簿下、指一條示之、上記崇禎十三年、用錢三百、救一人、夫妻完聚、吏曰、非此則今日命當絕、宜墮畜生道、駭極、乃從二人出、二人索賄、怒告曰、不知劉某出入公門二十年、端勒人財者、何得向老虎討肉喫耶、二人乃不復言、送至村、拱手曰、此役不啻噉得一口水、二人既去、入門遂甦、時氣絕已隔日矣、李聞而異之、因詰其善行顛末、初崇禎十三年歲大凶、人相食、

劉時在淄為主捕隸、適見男女哭甚哀、問之、答云、夫婦聚絕年餘、今歲荒不能兩全、故悲耳、少時在油肆前復見之、似有所爭、近詰之、肆主馬姓者便云、伊夫婦餓將死、日向我討麻醬以為活、今又欲賣婦於我、我家中已買十餘口矣、此何緊要、賤則售、否則已耳、如此可笑、生來纏人、男子因言今粟貴如珠、自度非三百數、不足供逃亡之費、本欲兩生、若賣妻而不免於死、何取焉、非敢言直、但求作陰陽行之耳、劉憐之、

便問馬出幾何、馬言今日婦口止直百許耳、劉請勿短其數、且願助以半價之資、馬執不可、劉少負氣、便謂男子彼鄙瑣不足道、我請如數相贈、若能逃荒、又全夫婦、不更佳耶、遂發囊與之、夫妻泣拜而去、劉述此事、李大加獎嘆、劉自此前行頓改、今七旬猶健、去年李詣周村、遇劉與人爭、衆圍勸不^能解、李笑呼曰、汝又欲訟桃樹耶、劉茫然改容、咄、斂手而退、異史氏曰、李翠石兄弟、皆稱素封、然翠石尤醇謹

喜為善，未嘗以富自豪，抑然誠篤君子也。觀其解
紛勸善，其生平可知矣。古云：為富不仁，吾不知翠
石先仁而後富者耶，抑先富而後仁者耶。

邵九娘

柴廷賓，太平人，妻金氏不育。又奇妬，柴百金買妾，金
暴遇之，經歲而死。柴恣出獨宿，數月不踐閨闥。一日
柴初度，金卑詞莊禮，為丈夫壽。柴不忍拒，始通言笑。
金設宴內寢，招柴，辭以醉。金華妝自詣柴所，曰：妾

竭誠終日、君即醉、請一琰而別、柴乃入、酌酒話言、妻
從容曰、前日誤殺婢子、今甚悔之、何便仇忌、遂無結
髮情耶、後請納金釵十二、妾不汝瑕疵也、柴益喜、燭
盡見拔、遂止宿焉、由此敬愛如初、金便呼媒媼來、囑
為物色佳媵、而陰使遷延、勿報、已則故督促之、如是
年餘、柴不能待、徧囑戚好、為之購致、得林氏之養女、
金一見、喜形於色、飲食共之、脂澤花釧、任其所取、然
林故燕產、不習女紅、繡履之外、須人而成、金曰、我家

素勤儉、非似王侯家買作畫圖看者、於是授美錦使
學製、若嚴師誨弟子、初猶訶罵、繼以鞭撻、柴痛切於
心、不能為地、而金之憐愛林、尤倍於昔、往、自為妝
束、勻鉛黃焉、但履跟稍有褶痕、則以鉄杖擊双彎、髮
少亂、則批兩頰、林不堪其虐、自經死、柴悲恻心目、頗
致怨懟、妻怒曰、我代汝教娘子、有何罪過、柴始悟其
奸、因復反目、永絕琴瑟之好、陰於別業修房闥、思購
麗人而別居之、荏苒半載、未得其人、偶會友人之妻、

見二八女郎、光艷溢目、停睇神馳、女怪其狂顧、秋波斜轉之、詢諸人、知為邵氏、邵貧士、止此女、少聰慧、教之讀、過目能了、尤喜讀內經、及冰鑑書、父愛溺之、有議婚者、輒令自擇、而貧富皆少所可、故十七歲猶未字也、柴得其端木、知不可圖、然心低徊之、又冀其家貧、或可利動、謀之數媼、無敢媒者、遂亦灰心、無所復望、忽有賈媼者、以貨珠過柴、告所願、賂以重金、曰、但求一通誠意、其成與否、所勿責也、萬一可圖、千金

不惜媼利其有、諾之、登門、故與邵妻絮語、睹女、驚贊
曰、好個美姑、假到昭陽院、趙家姊妹何足數得、又
問壻家阿誰、邵妻答尚未、媼言若個娘子、何愁無王
侯作貴客也、邵妻嘆曰、王侯家所不敢望、只要個讀
書種子、便是佳耳、我家小孽冤、翻復遴選、十無一當、
不解是何意向、媼曰、夫人勿須煩怨、恁個麗人、不知
前身修何福澤、才能消受得、昨一大笑事、柴家郎君
云、於某家塋邊、望見顏色、願以千金為聘、此非餓鴟

作天鵲想耶、早被老身訶斥去矣、邵妻微哂未答、媼曰、便是秀才家難與較計、若在別箇、失尺而得丈、宜若可為矣、邵妻復笑不言、媼撫掌曰、果爾、則為老身計亦左也、日蒙夫人愛、登堂便促膝、賜漿酒、若得千金、出車馬、入樓閣、老身再到門、則閹者呵叱及之矣、邵妻沉吟良久、起而去、與夫語移時、喚其女又移時、三人並出、邵妻笑曰、婢子竒特、多少良匹、悉不就、聞為賤媵、則就之、但恐為儒林笑也、媼曰、倘入門得一

小哥子、大夫人便如何耶、言已、告以別居之謀、邵益喜、喚女曰、試同賈姥言之、此汝自主張、勿後悔、致懟父母、女覲然曰、父母安享厚奉、則養女有濟矣、况自顧命薄、若得佳偶、必減壽數、少受折磨、未必非福、前見柴郎亦福相、子孫必有興者、媼大喜、奔告柴、喜出非望、即置千金、備輿馬、娶女於別業、家人無敢言者、女謂柴曰、君之計、所謂燕巢於幕、不謀朝夕者也、塞口防舌、以冀不漏、何可得乎、請不如早歸、猶速發

而禍小、柴慮摧殘、女曰、天下無不可化之人、我苟無
過、怒何由起、柴曰、不然、此非常之悍、不可情理動者、
女曰、身為賤婢、摧折亦自分耳、不然、買日為活、何可
長也、柴以為是、終籌蹶而不敢決、一日柴他往、女青
衣而出、命蒼頭控老牝馬、一姬携襜從之、竟詣嫡所、
伏地自陳、妻始而怒、既念其自首可原、又見容飾謙
卑、氣亦稍平、乃命婢子出錦衣、之曰、彼薄倖人、播
惡於衆、使我橫被口語、其實皆男子不義、諸婢無行、

有以激之、汝試念背妻而立家室、豈復是人矣、女曰、細察渠亦稍悔之、但不肯下氣耳、諺云、大者不伏小、以禮論、妻之於夫、猶子之於父、庶之於嫡也、夫人若肯假以詞色、則積怨可以盡捐、妻云、彼自不來、我何與焉、即命婢媪為之除舍、心雖不樂、亦暫安之、柴聞女歸、驚惶不已、竊意羊入虎群、狼籍已不堪矣、疾奔而至、見家中寂然、心始穩貼、女迎門而勸、令詣嫡所、柴有難色、女泣下、柴意少納、女往見妻曰、即適婦、自

慚無以見夫人、乞夫人往一嫫笑之也、妻不肯行、女
曰、妾已言之、夫之於妻、猶嫡之於庶、孟光舉案、而人
不以為諂、何哉、分在則然耳、妻乃從之、見柴曰、汝狡
兔三窟、何歸為、柴俛不對、女肘之、柴始強顏為笑、妻
色稍霽、將返、女推柴從之、又囑庖人備酌、自是夫妻
復和、女早起、青衣往朝、盥已授帨、執婢禮甚恭、柴入
其室、苦辭之、十餘夕始肯一納、妻亦心賢之、然自愧
弗如、積慚成忌、但女奉侍謹、無可蹈瑕、或薄施訶譴、

女惟順受、一夜夫妻小有反唇、曉妝猶含盛怒、女捧鏡、墮破之、妻益恚、握髮裂眦、女懼、長跪哀免、怒不解、鞭之至數十、柴不能忍、盛氣奔入、曳女出、妻啾、逐擊之、柴怒、奪鞭反扑、面膚綻裂、始退、由此夫妻若仇、柴禁女勿往、女弗聽、早起、膝行伺幕外、妻推床怒罵、叱去、不聽、前日夜切齒、將伺柴出、而後洩忿於女、柴知之、謝絕人事、杜門不通、弔慶妻無如何、惟日撻婢媼以寄其恨、下人皆不可堪、自夫妻絕好、女亦莫

敢當夕、柴於是孤眠、妻聞之、意亦稍安、有大婢素狡黠、偶與柴語、妻疑其私、暴之尤苦、婢輒於無人處、疾首怨罵、一夕輪婢值宿、女囑柴禁勿往、曰婢面有殺機、叵測也、柴如其言、招之來、詐問何作、婢驚惧無所措、詞柴益疑之、檢其衣、得利刃焉、婢無言、惟伏地乞死、柴欲撻之、女止之曰、恐夫人聞知、此婢必無生理、彼罪固不赦、然不如鬻之、既全其生、我亦得直焉、柴然之、會有買妾者、急貨之、妻以其不謀、故罪柴、益遷

怒女、詬罵益毒、柴忿、頷女曰、皆汝自取、前此殺却、烏有今日、言已而走、妻怪其言、徧詰左右、並無知者、問女、女亦不言、心益悶怒、捉裾浪罵、柴乃返、以寔告妻、妻大驚、向女溫語、而心轉恨其言之不早、柴以為嫌、卻盡釋、不復作防、適遠出、妻乃召女而數之曰、殺主者罪不赦、汝縱之何心、女造次不能以詞自達、妻燒赤鉄烙女面、欲毀其容、婢媼皆為之不平、每踈痛一聲、則家人盡哭、願代受死、妻乃不烙、以針刺脇二十餘

下始揮去之、柴婦見面創、大怒、欲往尋之、女捉襟曰、妾明知火坑、而故蹈之者、當嫁君時、豈以君家為天堂耶、亦自顧命薄、聊以洩造化之怒耳、安心忍受、尚有滿時、若再觸焉、是坎已填而復掘之也、遂以藥糝患處、數日尋愈、忽攬鏡喜曰、君今日宜為妾賀、彼烙斷我晦紋矣、朝夕事嫡一如往日、金前見衆哭、自知身同獨夫、畧有愧悔之萌、時、呼女共事、詞色平善、月餘忽病逆^晚、害飲食、柴恨其不死、畧不顧問、數日腹

脹如鼓、日夜浸困、女侍伺不遑眠食、金益德之、女以醫理自陳、金自覺疇昔遇慘、疑其怨報、故謝之、金爲人持家嚴整、婢僕悉就約束、自病後、皆散誕無操作者、柴躬自紀理、劬勞甚苦、而家中米鹽、不食自盡、由是慨然興中饋之思、聘醫藥之、金對人輒自言爲氣盡、以故醫脉之無不指爲氣鬱者、凡易數醫卒罔效、亦瀕危矣、又將烹藥、女進曰、此等藥百累無益、祇增劇耳、金不信、女暗撮別劑易之、藥下、食頃三遺、病若

失遂益笑女言妄、呻而呼曰、女華陀今如何也、女及群婢皆笑、金問故、始寔告之、泣曰、妾日受子之覆載、而不知也、今而後請雖家政聽子而行、無何病痊、柴整設為賀、女捧壺侍側、金自起奪壺、曳與連坐、愛異常情、更闌、女托故離席、金遣二婢曳還之、強與連榻、自此事必商、食必偕、即姊妹無其和也、無何女產一男、產後多病、金親為調視、若奉其母、後金患心痲、痛起則面目皆青、但欲覓死、女急市銀針數枚、比至則

氣息瀕盡、按穴刺之、晝然痛止、十餘日復發、復刺、過六七日又發、雖應手奏效、不至大苦、然心常惴、恐其復萌、夜夢至一處、似廟宇、殿中鬼神皆動、神問汝金氏耶、汝罪過多端、壽數合盡、念汝改悔、故僅降災、以示微譴、前殺兩姬、此其宿報、至邵氏何罪、而慘毒至此、鞭撻之刑、已有柴生代報、可以相準、所欠一烙二十三針、今三次止償零數、便望病根除耶、明日又當作矣、醒而大惧、猶冀妖夢之誣、食後果病、其痛倍

苦女至刺之、隨手而瘥、疑曰、技止此矣、病本何以不
拔、請再灼之、此非爛燒不可、但恐夫人不能忍受、金
憶夢中語、以故無難色、然呻吟忍受之際、嘿思欠此
十九針、不知作何變症、不如一朝受盡、庶免後苦、炷
盡、求女再針、女笑曰、針豈可以泛常施耶、金曰、不必
論穴、但煩一十九刺、女笑不可、金請益堅、起跪榻上、
女終不忍、寔以夢告、女乃約畧經絡、刺之如數、自此
平復、果不復病、彌自懺悔、臨下亦無戾色、子名曰俊、

秀慧絕倫、女每曰、此子翰苑相也、八歲有神童之目、十五歲以進士授翰林、是時柴夫婦年四十、如夫人三十有三耳、與馬歸寧、鄉里榮之、邵翁自鬻女後、家暴富、而士林羞與為伍、至是始有通往來者、

異史氏曰、女子狡妬、其天性然也、而為妾媵者、又復炫美弄機、以增其怒、嗚呼、禍所由來矣、若以命自安、以分自守、百折而不移其志、此豈擬刃所能加乎、乃至於再拯其死、而始有悔悟之萌、嗚呼、豈

人也哉。如數以償而不增之息，亦造物之恕矣。願以仁術作惡報，不亦慎乎。每見愚夫婦抱疴終日，即招無知之巫，任其刺肌灼膚而不敢呻，心嘗怪之，至此始悟。

閩人有納妾者，夕入妻房，不敢便去，偽解屨作登榻狀。妻曰：去休，勿作態。夫尚徘徊，妻正色曰：我非似他家妬忌者，何必爾。夫乃去。妻獨卧，輾轉不得寐，遂起往伏門外，潛聽之。但聞妾聲隱約，不甚

了、惟卽罷二字、畧可辨識、卽罷、閨人呼父也、妻
聽踰刻、疾厥而踣、首觸扉作聲、夫驚起、啟戶、尸倒
入、呼妾火之、則其妻也、急扶灌之、目畧開、卽呻曰、
誰家卽罷被汝呼、妬情可哂、

鞏仙

鞏道人無名字、亦不知何里人、嘗求見魯王、閨人不
爲通、有中貴人出、揖求之、中貴見其鄙陋、逐去之、已
而復來、中貴怒、且逐、且扑、至無人處、道人笑出黃金

百兩煩逐者、覆中貴、為言我亦不要見王、但聞後苑
花木樓臺、極人間佳勝、若能導我一遊、生平願足矣
又以白金賂逐者、其人喜、反命、中貴亦喜、引道人自
厚載門入、諸景俱歷、又從登樓上、中貴方凭窓、道人
一推、但覺身墮樓外、有細葛綳腰、懸於空際、下視則
高深暈目、葛隱々作斷殺、惧極大蹠、無何數監至、大
駭、見其去地絕遠、登樓共視、則葛端繫樞上、欲解援
之、則葛細不堪用力、徧索道人已杳矣、束手無計、奏

知魯王、詣視大奇之、命樓下籍茅鋪絮、因而斷之、鋪墊甫畢、葛崩然自絕、去地乃不咫耳、相與失笑、王命訪道士所在、聞館於商秀才家、往問之、則出遊未復、既遇於途、遂見王、賜宴坐、便請作劇、道士曰、臣草野之夫、無他傭能、既承優寵、敢獻女樂為大王壽、遂探袖中、出美人置地上、向王稽拜已、道士命扮瑤池宴本、祝王萬年、女子弔場數語、道士又出一人、自言王母、少間董雙成、許飛瓊、一切仙姬、次第俱出、末

有織女來謁、獻天衣一襲、金彩絢爛、光映一室、王意其偽、索觀之、道士急言不可、王不聽、卒觀之、果無縫之衣、非人工所能製也、道士不樂曰、臣竭誠以奉大王、暫而假諸天孫、今為濁氣所染、何以還故主乎、王又意歌者必皆仙姬、思欲留其一二、細視之、則皆宮中樂妓耳、轉疑此曲非所夙諳、問之果茫然不自知、道士以衣置火燒之、然後納諸袖中、再搜之、則已無矣、王於是深重道士、留居府內、道士曰、野人之性、視

宮殿如藩籠、不如秀才家得自由也。每至中夜、必還其所、時而堅留、亦遂宿止、輒於筵間顛倒四時花木為戲。王問曰、聞仙人亦不能忘情、果否。對曰、或仙人然耳。臣非仙人、故心如枯木矣。一夜宿府中、王遣少妓往試之、入其室、數呼不應、燭之、則暝坐榻上、搖之、眸一閃即復合、再搖之、勦殺作矣。推之、則隨手而倒、酣卧如雷、彈其額、硬迂指、作鉄金釵、返以白王、使刺以針、弗入、推之重不可搖、加十餘人舉擲床下、

若千觔石墮地者、旦而視之、仍眠地上、醒而笑曰、一場惡睡、墮床下不覺耶、後女子輩、每於其坐卧時、按之以為戲、初按猶軟、再按則鉄石矣、道士舍秀才家、恒中夜不歸、尚鎖其戶、及旦啟扉、道士已卧室中、初尚與曲妓惠哥善、矢志嫁娶、惠雅善歌、絃索傾一時、魯王聞其名、召入供奉、遂絶情好、每繫念之、苦無由通、一夕問道士見惠哥否、答言諸姬皆見、但不知其誰何、尚述其貌、道其年、道士乃憶之、尚求轉寄一語、

道士笑曰、我世外人、不能為君塞鴻、尚哀之不已、道士展其袖曰、必欲一見、請入此中、尚窺之、中大如屋、伏身入、則光明洞徹、寬若廳堂、几案床榻、無物不有、居其內、殊無悶苦、道士入府、與王對奕、望惠哥至、陽以袍袖拂塵、惠哥已納袖中、而他人不之睹也、尚方獨坐凝想、忽有美人自簷間墮、視之惠哥也、兩相驚喜、綢繆臻至、尚曰、今日奇緣、不可不誌、請與卿聯句、書壁上曰、侯門似海久無踪、惠續云、誰識蕭郎今又

逢尚曰、袖裡乾坤真個大、惠曰、離人思婦盡包容、書甫畢、忽有五人入、八角冠、淡紅衣、認之都與無素、嘿然不言、捉惠哥去、尚驚駭不知所由、道士既歸、呼之出、問其情事、隱諱不以盡言、道士微笑、解衣反袂示之、尚審視、隱隱有字跡、細繞如蟻、蓋即所題句也、後十數日、又求一入、前後凡三入、惠哥謂尚曰、腹中震動、妾甚憂之、常以繫帛束腰際、府中耳目較多、倘一朝臨蓐、何處可容兒啼、煩與鞏仙謀、見妾三叉腰時、

便一拯救、尚諾之、歸見道士、伏地不起、道士曳之曰、所言予已了、但請勿憂、君宗祧賴此一綫、何敢不竭綿薄、但自此不必復入、我所以報君者、原不在情私也、後數月、道士自外入、笑曰、携得公子至矣、可速把襁褓來、尚妻最賢、年近三十、數胎而存一子、適生女、盈月而殤、聞尚言、驚喜自出、道士探袖出嬰兒、酣然若寐、臍梗猶未斷也、尚妻接抱、始呱、而泣、道士解衣曰、產血濺衣、道家最忌、今為君故、二十年故物、

一旦棄之、尚爲易衣、道士囑曰、舊物勿棄却、燒錢許
可療難產墮死胎、尚從其言、居之又久、忽告尚曰、所
藏舊衲、當留少許自用、我死後亦勿忘也、尚謂其言
不祥、道士不言而去、入見王曰、臣欲死、王驚問之、曰
此有定數、亦復何言、王不信、強留之、手談一局、急起
王又止之、請就外舍、從之、道士趨卧、視之已死、王具
棺木、以禮葬之、尚臨哭盡哀、始悟曩言蓋先告之也、
遺衲用催產應如响、求者踵接於門、始猶以汚袖與

之既而剪領襟固不效、及聞所囑、疑妻必有產厄、斷
血布如掌、珍藏之、會魯王有愛妃、臨盆三日不下、醫
窮於術、或有以尚生告者、立召入、一劑而產、王大喜、
贈白金綵緞良厚、尚悉辭不受、王問所欲、曰臣不敢
言、再請之、頓首曰、如推天惠、但賜舊妓惠哥足矣、王
召之來、問其年、曰妾十八入府、今十四年矣、王以其
齒加長、命徧呼群姬、任尚自擇、尚一無所好、王笑曰、
痴哉書生、十年前訂婚嫁耶、尚以實對、乃盛備輿馬、

仍以所辭綵緞、爲惠哥作妝送之出、惠所生子名之
秀生、秀者袖也、是時年十一矣、日念仙人之恩、清明
則上其墓、有久客川中者、逢道人於途、出書一卷曰、
此府中物、來時倉猝、未暇璧返、煩寄去、客歸、聞道人
已死、不敢達王、尚代奏之、王展視、果道士所借、疑之、
發其塚、空棺耳、後尚子少殤、賴袖生承繼、益服華仙
之前知云、

異史氏曰、袖裡乾坤、古人之寓言耳、豈真有之耶、

抑何其奇也、中有天地、有日月、可以娶妻生子、而
又無催科之苦、人事之煩、則衲中蟣虱、何殊桃源
雞犬哉、設容人常住、老於是、鄉可耳、

二商

苦人商姓者、兄富而弟貧、鄰垣而居、康熙間歲大凶、
弟朝夕不自給、一日、向午、尚未舉火、枵腹蹠蹠、無
以為計、妻令往告兄、商曰、無益、脫兄憐我貧也、當早
有以處此矣、妻固強之、商使其子往、少頃空手而返、

商曰何如哉、妻詳問阿伯云何、子曰、伯籌蹰目視伯母、伯母告我曰、兄弟析居、有飯各食、誰復能相顧也、夫妻無言、暫以殘盞敗榻、少易糠粃而生、里中三四惡少、窺大商饒足、夜踰垣入、夫妻驚寤、鳴盥器而號、鄰共嫉之、無援者、不得已疾呼二商、聞嫂鳴、欲赴救、妻止之、大穀對嫂曰、兄弟析居、有禍各受、誰復能相顧也、俄盜破扉、執大商及婦、炮烙之、呼穀綦慘、二商曰、彼固無情、焉有坐視兄死而不救者、率子越垣、

大殺疾呼、二商父子故武勇、人所畏懼、又恐驚致他
援、盜乃去、視兄嫂兩股焦灼、扶榻上、招集婢僕乃歸、
大商雖被創、而金帛無所亡失、謂妻曰、今所遺留、悉
出弟賜、宜分給之、妻曰、汝有好兄弟、不受此苦矣、商
乃不言、二商家絕食、謂兄必有報、久之寂不聞、婦不
能待、使子捉囊往從貸、得斗粟而返、婦怒其少、欲反
之、二商止之、踰兩月、貧餒愈不可支、二商曰、今無術
可以謀生、不如鬻宅於兄、恐我他去、或不受券而

卹焉未可知、縱或不然、得十餘金亦可存活、妻以為然、遣子操券詣大商、告婦曰、弟即不仁、我手足也、彼去則我孤立、不如反其券而周之、妻曰不然、彼言去挾我也、果爾則適隨其謀、世間無兄弟者便都死却耶、我高葺墻垣、亦足自固、不如受其券從所適、亦可以廣吾宅、計定、令二商押署券尾、付直而去、二商於是徙居鄰村、鄉中不逞之徒、聞二商去、又攻之、復執大商、榜楚並兼、桔毒叅至、所有金資悉以贖命、盜

臨去、開廩呼村中貧者恣所取、頃刻都盡、次日二商始聞、及奔視、則兄已昏憤不能語、開眸見弟、但以手抓床席而已、少頃遂死、二商忿訴邑宰、盜首逃竄、莫可緝獲、盜粟者百餘人、皆里中貧民、州守亦莫如何、大商遺幼子纔五歲、家既貧、往往自投叔所、數日不歸、送之、歸則涕不止、二商婦頗不加青眼、二商曰、渠父母不義、其子何罪、因市蒸餅數枚、自送之、過數日、又避妻子陰負斗粟於嫂、使養兒、如此以為常、又數

年大商賣其舊宅、母子得直足自給、二商乃不復至、
後歲大飢、道饑相望、二商食指益繁、不能他顧、姪年
十五、徃弱不能操作、使携籃從兄、貨胡餅、一夜夢兄
至、顏色慘戚、曰、余惑於婦言、失手足之義、弟不念前
嫌、增我汗羞、所賣故宅、今尚空閒、宜僦居之、屋後蓬
顆下藏有害金、發之以小阜、使醜兒相從、長舌婦余
甚憾之、勿顧也、既醒異之、以重直啗、第主始得就、果
發得五百金、從此棄賤業、使兄弟設肆塵間、姪頗慧、

記美無訛。又誠慤。凡出入一鎰銖必告。二商益愛之。一日泣為母請粟。商妻欲勿與。二商念其孝。按月廩給之。數年家益富。大商婦病死。二商亦老。乃析姪家貲。割半與之。

異史氏曰。聞大商一介不輕取。子亦狷潔自好者也。然婦言是聽。憤不置一詞。恕情骨肉。卒以怙死。嗚呼。亦何怪哉。二商以貧始。以素封終。為人何所長。但不甚遵閭教耳。嗚呼。一行不同。而人品遂

異、

沂水秀才

沂水秀才某、課業山中、夜有二美人入、含笑不語、各以長袖拂榻相將坐、衣更無釵、少間一美人起、以白綾巾展几上、有草書三四行、亦未審其何詞、一美人置白金一錠、可三四兩許、秀才掇納袖中、美人取巾握手笑出曰、俗不可耐、秀才捫金、則其中烏有矣、麗人在坐、授以芳澤、置不顧而金是取、是乞兒相也、

尚可耐哉、狐子可兒、雅態可想、友人言此、因並思不可耐事附誌之、

對酸俗客、市井人作文語、富貴態狀、

秀才裝名士、信口謊言不掩、揖坐

苦讓上下、旁觀諂態、財奴哭窮、

歪詩文強人觀聽、醉人歪纏、作滿洲

調、任憨兒登筵抓肴果、市井惡謔、

體氣苦逗人語、歪科甲談時文、語次

頻稱貴戚、

假人餘威裝模樣、

梅女

封雲亭、太行人偶至郡、晝卧寓所、時年少喪偶、岑寂之下、頗有所思、凝視間、見牆上有女子影、依稀如畫、念必意想所致、而久之不動、亦不滅、異之、起視、轉真、再近之、儼然少女、容麗舌伸、索環綉領、驚顧未已、冉冉欲下、知為縊鬼、然以白晝壯胆、不大畏怯、語曰、娘子如有奇冤、小生可以極力、影居然下、曰、萍水之人、

何敢遽以重務挽君子、但泉下槁骸、舌不得縮、索不得除、求斷屋梁而焚之、思同山岳矣、諾之、遂滅呼主人來、問所見狀、主人言此十年前梅氏故宅、夜有小人偷入室、為梅所執、送詣典史、典史受盜錢五百、誣其女與通、將拘審、驗女聞自經、後梅夫妻相繼卒、宅歸於余、客往、見怪異、而無術可以靖之、封以鬼言告主人、計毀舍易楹、費不資、故難之、封乃協力助作、既就而復居之、梅女夜至、展謝已、喜氣充溢、姿態嫣然、

封愛悅之、欲與為歡、瞞然而慚曰、陰恠之氣、非但不
為君利、若此之為、則生前之垢、西江不能濯矣、會合
有時、今日尚未、問何時、但笑不言、封問飲乎、答言不
飲、封曰、坐對佳人、悶眼相看、亦復何味、女曰、妾生平
戲技、惟諳打馬、但兩人寥落、夜深又苦無局、今長夜
莫遣、聊與君為交綫之戲、封從之、促膝戟指、翻變良
久、封迷亂不知所從、女輒口道而頤指之、愈出愈幻、
不窮於術、封笑曰、此閨房之絕技也、女曰、此妾自悟、

但有雙綫、即可成文、人自不之察耳、更闌頗怠、強使就寢、曰我陰人不寐、請君自休、妾少解按摩之術、願盡技能、以侑清夢、封從其言、女疊掌為之輕按、自頂及踵、皆遍、手所經骨若醉、既而握指細插、如以團絮相觸、狀體暢舒、不可言、插至腰、口目皆慵、至股則沉沉睡去矣、及醒日已向已、覺骨節輕活、殊於往日、心益愛慕、遶屋而呼之、並無響應、日夕女始至、封曰卿居何所、使我呼欲遍、曰鬼無常所、要在地下、問地下

有隙可容身乎、曰鬼不見地、猶魚不見水也、封握腕
曰、使卿而活、當破產購致之、女笑曰、勿須破產、戲至
半夜、封苦逼之、女曰、君勿纏我、有浙娼愛卿者、新寓
北鄰、頗極風致、明夕招與俱來、聊以自代、若何、封允
之、次夕果與一少婦同至、年近三十以來、眉目流轉、
隱含蕩意、三人狎坐、打馬為戲、局終、女起曰、嘉會方
殷、我且去、封欲挽之、飄然已逝、兩人登榻、于飛甚樂、
詰其家世、則含糊不以盡道、但曰、即如愛妾、當以指

彈北壁、微呼曰、壺盧子、即至、三呼不應、可知不暇、勿更招也、天曉、入北壁隙中而去、次日女來、封問愛卿、女云、被高公子招去、侑酒、以故不得來、因而剪燭共話、女每欲有所言、吻已啟而輒止、封固詰之、終不肯言、歛歛而已、封強與作戲、四漏始去、自此二女頻來、笑殺常徹宵旦、因而城社悉聞、典史某亦浙之世族、嫡室以私僕被黜、繼娶顧氏、深相愛好、期月天殂、心甚悼之、聞封有靈鬼、欲以問冥世之緣、遂跨馬造封、

封初不肯承、某力求不已、封設筵與坐、諾為之招鬼
妓、日既曛、叩壁而呼、三殺未已、爰卿驟入、舉頭見客、
色變欲走、封以身橫阻之、某審視大怒、投以巨碗、盪
然而滅、封大驚、不解其故、方將致詰、俄暗室中一老
嫗出、大罵曰、貪鄙賊、壞我家錢樹子、三十貫索要償
也、以杖擊某中顙、某抱首而哀曰、此顧氏我妻也、少
年而殞、方切哀痛、不圖為鬼不貞、於姥乎何與、嫗怒
曰、汝本浙江一無賴賊、買得條烏角帶、鼻骨倒豎矣、

汝居官有何黑白、袖有三百錢、便而翁也、神怒人怨、死期已迫、汝父母代哀、冥司願以愛媳入青樓、代汝償貪債、不知耶、言已、又擊某、婉轉哀鳴、方驚詫無從救解、旋見梅女自房中出、張目吐舌、顏色變異、近以長簪刺其耳、封驚極、以身幃客、女憤不已、封勸曰、某即有罪、倘死於寓所、則咎在小生、請少存投鼠之忌、女乃曳姬曰、暫假餘息、為我領封郎也、某張皇鼠竄而去、至署、患腦痛、中夜遂斃、次夜女出笑曰、痛快惡、

氣出矣。問何仇怨。女曰。曩已言之。受賄誣奸。啣恨已
久。每欲浼君一為昭雪。自愧無纖毫之德。故將欲言
而輒止。適聞紛拏。竊以伺聽。不意其仇人也。封訝曰。
此即誣卿者耶。曰。彼典史於此十有八年。妾冤歿十
六寒暑矣。問姬為誰。曰。老娼也。又問愛卿。曰。卧病耳。
因輟然曰。妾昔謂會合有期。今真不遠矣。君常願破
家相贖。猶記否。封曰。今日猶此心也。女曰。實告君。妾
歿日。已投生延安展孝廉家。徒以大怨未伸。故遷延

於是請以新帛作鬼囊、俾妾得附君以往。就展氏求婚、計必允諧。封慮勢分懸殊、恐將不遂。女曰：「但去無憂。」封從其言。女囑云：「途中甚勿相喚。待合卺之夕、以囊掛新人首。」急呼曰：「勿忘勿忘。」封諾之。纔啟囊、女跳身已入。携至延安、訪之。果有展孝廉生一女、貌極端好。但病痴、又常以舌出唇外。類犬喘。日年十六歲、無問名者。父母憂念成癖。封到門投刺、具通族閭。既退、託媒展喜贅封於家。女痴絕、不知為禮。使兩婢扶曳。

婦所群婢既去、女解襟露乳、對封慙笑、封覆囊而呼之、女停眸審顧、似有疑思、封笑曰、卿不識小生耶、舉囊而示之、女乃悟、急掩襟、喜共燕笑、詰旦封入謁岳、展慰之曰、痴女無知、既承青春、君倘有意、家中慧婢不乏、僕不靳相贈、封力辨其不痴、展疑之、無何女至、舉止皆佳、因大驚異、女但掩口微笑、展細詰之、女進退而慚於言、封為畧述梗概、展大喜、愛悅逾於平時、使子大成與婿同學、供給豐備、年餘大成漸厭薄之、

因而即舅不相能、廝僕亦刻疵其短、展惑於浸潤、禮稍懈、女覺之、謂封曰、岳家不可久居、凡久居者盡蕝茸也、及今未大決裂、宜速歸、封然之、告展、欲留女、女不可、父兄盡怒、不給輿馬、女自出妝資、贖馬歸、後展招令歸寧、女固辭不往、後封舉孝廉、始通慶好、異史氏曰、官卑者愈貪、其常情然乎、三百誣奸、夜氣之牯亡盡矣、奪佳偶入青樓、卒用暴死、吁可畏哉、

康熙甲子、貝邱典史最貪詐、民咸怨之、忽其妻被
狡者誘與偕亡、或代懸招狀云、某官因自己不慎、
走失夫人一名、身無餘物、止有紅綾七尺、包裹元
寶一枚、翹邊細紋、並無闕壞、亦風流之小報也、

梁彥

徐州梁彥、患鼾嚏、久而不已、一日方卧、覺鼻竒癢、遽
起大嚏、有物突出落地、狀類屋上瓦、狗約指頂大、又
嚏、又一枚落、四嚏凡落四枚、蠢然而動、相聚互嗅、俄

而强者啗弱者以食、一枚則身暴長、瞬息吞并、止存其一、大於鼯鼠矣、伸舌周匝、自舐其吻、梁大愕、踏之物緣襪而上、漸至股際、捉衣而撼、擺之、粘據不可下、頃入襟底、爬抓腰脅、大惧、急解衣擲地、捫之物已貼伏腰間、推之不動、掐之則痛、竟成贅疣、口眼已合、如伏鼠然、

聊齋誌異卷之十四

般陽蒲松齡柳泉甫著

郭秀才

東粵士人郭某、暮自友人歸、入山迷路、竄榛莽中、約更許、聞山頭笑語、急趨之、見十餘人藉地飲、望見郭、閔然曰、坐中正欠一客、大佳大佳、郭既坐、見諸客半儒巾、便請指迷、一人笑曰、君真酸腐、舍此明月不賞、何求道路耶、即飛一觥來、郭飲之、芳香射鼻、一引遂

盡、又一人持壺傾注、郭故善飲、又復奔馳、吻燥、一舉
十觴、衆人大贊曰、豪哉、真吾友也、郭放達善謔、能學
禽語、無不酷肖、離坐起、溲、竊作燕子鳴、衆疑曰、夜半
何得此耶、又效杜鵑、衆益疑、郭坐但笑不言、方紛議
間、郭回首、為鸚鵡鳴曰、郭秀才醉矣、送他歸也、衆驚
聽、寂不復聞、少頃、又作之、既而悟其為郭、始大笑、皆
撮口從學、無一能者、一人曰、可惜青娘子未至、又一
人曰、中秋還集於此、郭先生不可不來、郭敬諾、一人

起曰、客有絕技、我等亦獻踏肩之戲、若何、於是譁然並起、前一人挺身矗立、即有一人飛登肩上、亦矗立、累至四人、高不可登、繼至者攀肩踏臂、如緣梯狀、十餘人頃刻都盡、望之可接霄漢、方驚、顏間、挺然倒地、化為修道一綫、郭駭立良久、遵道得歸、翌日腹大痛、溺綠色似銅青、着物能染、亦無溺氣、三日乃已、往驗故處、則肴骨狼籍、四圍叢莽、並無道路、至中秋郭欲赴約、朋友諫止之、設斗胆再往、一會青娘子、必更有

異惜乎其見之搖也。

阿英

甘玉、字璧人、廬陵人、父母早喪、遺弟珏、字雙璧、始五歲、從兄鞠養、玉性友愛、撫弟如子、後珏漸長、丰姿秀出、又慧能文、玉益愛之、每曰、吾弟表、不可以無良匹、然簡拔過刻、姻卒不就、適讀書匡山僧寺、夜初就枕、聞窗外有女子、殺窺之、見三四女郎、席地坐、數婢陳肴酒、皆殊色也、一女曰、秦娘子、恁良宵、阿英何不

來下座者曰、昨自函谷來、被惡人傷右臂、不能同游、
方用恨、一女曰、前宵一夢大惡、今猶汗悸、下座者
搖手曰、莫道莫道、今夕姊妹歡會、言之嚇人不快、女
笑曰、婢子何胆怯爾、便有虎狼啣去耶、若要勿言、
須歌一曲、為娘行侑酒、女低吟曰、閒堦桃花取次開、
昨日踏青小約、未應乖、囑咐東鄰女伴、少待、莫相催、
着得鳳頭鞋子、即當來、吟罷、一座無不嘆賞、談笑間、
忽一偉丈夫、岸然自外入、鵲睛焚、其貌猙獰、衆啼

曰、妖至矣、倉卒闕然、殆如鳥散、惟歌者嬰娜不前、被執哀啼、強與支撐、丈夫吼怒、齧手斷指、就便嚼食、女即踣地若死、玉憐惻不可復忍、乃急抽劍拔開、出揮之中股、落、負痛逃去、扶女入室、面如塵土、血淋襟袖、驗其手則右拇斷矣、裂帛代裹之、女始呻曰、拯命之德、將何以報、玉自初窺時、心已隱為弟謀、因告以意、女曰、狼疾之人、不能操箕帚、當別為賢仲圖之、詰其姓氏、答言秦氏、玉乃展衾、俾暫休養、自乃襆被他

所曉而視之、則床上已空、意其自歸、而訪察近村、殊少此姓、廣託戚朋、並無確耗、歸與弟言、悔恨若失、玨一日偶遊塗野、遇一二女郎、姿致娟、頷之微笑、似將有言、因以秋波四顧、而後問曰、君甘家二郎否、曰然、曰君家尊魯與妾有婚姻之約、何今日欲背前盟、另訂秦家、玨曰、小生幼孤、夙好都不曾聞、請言族閥、歸當問兄、女曰、無須細道、但得一言、妾當自至、玨以未稟兄命為辭、女笑曰、驀郎君、遂如此怕哥子耶、

既如此，妾陸氏居東山望村，三日內當候玉音，乃別而去。珏歸述諸兄嫂，兄曰：「此大謬語，父歿時我二十餘歲，倘有是說，那得不聞？」又以其獨行曠野，遂與男兒交語，愈益鄙之。因問其貌，珏紅徹面頸，不出一言。嫂笑曰：「想是佳人。」玉曰：「童子何辨妍媸？縱美必不及秦。」待秦氏不諧，圖之未晚。珏嘿而退，踰數日，玉在途見一女子，零涕前行，垂鞭按轡而微睨之。人世殆無其匹，使僕詰焉。答曰：「我舊許甘家二郎，因家貧遠徙，

遂絕耗問、近方歸、復聞卽家二三其德、背棄前盟、往
問伯、甘璧人焉、置妾也、甘驚喜曰、甘璧人卽我是
也、先人曩約、寔所不知、去家不遠、請卽歸謀、乃下騎
授轡、步御以歸、女自言小字阿英、家無昆季、惟外姊
秦氏同居、始悟麗者所言、卽其人也、玉欲告諸其家、
女固止之、竊喜弟得佳婦、然恐其佻達、招議久之、女
殊矜莊、又嬌婉善言、母事嫂、亦雅愛慕之、值中秋、
夫妻方狎宴、嫂苦招之、珥意悵惘、女遽招者先行、約

以繼至、而端坐笑言、良久殊無去志、玳恐嫂待久、故促之、女但笑卒不復去、質旦晨妝甫竟、嫂自來撫問、夜來相對、何爾快、女微哂之、玳覺有異、質對參差、嫂大駭、苟非妖物、何得有分身術、玳亦惧、隔簾而告之曰、家世積德、曾無怨仇、如其妖也、請速行、幸勿殺吾弟、女覲然曰、妾本非人、祇以阿翁夙盟、故秦家姊以此勸駕、自分不能育男女、常欲辭去、所以戀、者、為兄嫂待我不薄耳、今既見疑、請從此訣、轉眼化為

鸚鵡、翩然逝矣。初甘翁在時、蓄一鸚鵡、甚慧、嘗自投餌、珏時四五歲、問飼鳥何為、父戲曰、將以為汝婦、間慮鸚鵡乏食、則呼珏云、不將餌去、餓煞媳婦矣、家人亦皆以此相戲、後斷鎖亡去、始悟舊約蓋謂此也、然珏明知非人、而思之不置、嫂懸情尤切、旦夕啜泣、珏悔之而無如何、後二年、為弟聘姜氏女、意終不自得、有表兄為粵司李、珏往省之、久不歸、適土寇為亂、近村里落、半為邱墟、珏大惧、率家人避難山谷、山上男

女頗雜，都不知其誰何。忽聞女子小語，絕類英。嫂促
珏近聽之。果英。珏喜極，捉臂不釋。女乃謂同行者曰，
姊且去。我望嫂來。既至，嫂望見悲哽。女慰勸再三，
又謂此非樂土，因勸令歸。衆惧寇至，女固言不妨，乃
相將俱歸。女撮土攔戶，囑安居勿出，坐數語，反身欲
去。嫂急握其腕，又令兩婢捉左右足。女不得已，止焉。
然不甚歸私室。珏訂之三四，始為之一往。嫂每謂新
婦不能當叔意。女遂早起，為姜理妝，梳竟，細勻鉛黃。

人視之、艷增數倍、如此三日、居然麗人、嫂竒之、因言
我又無子、欲購一妾、姑未遑暇、不知婢輩可塗澤否、
女曰、無人不可轉移、但質美者易為力耳、遂徧相諸
婢、惟一黑醜者有宜男相、乃喚與洗濯、已而以濃粉
雜藥末塗之、如是三日、面色漸黃、四七後、脂澤沁入
肌裏、居然可觀、日惟閉門作笑、並不計及兵火、一夜
諒殺四起、舉家不知所謀、俄聞門外人馬鳴動、紛々
俱去、既明、始知村中焚掠殆盡、盜縱群隊窮搜、凡伏

匿岩穴者悉被殺擄，遂益德女，目之以神女。忽謂嫂曰：妾此來，徒以嫂義難忘，聊分離亂之憂。阿伯行至，妾在此，如諺所云：非李非奈，可笑人也。我姑去，當乘間一相望耳。嫂問行人無恙乎？曰：近中有大難，此無與他人事。秦家姊受恩奢，意必報之，固當無妨。嫂挽之過宿，未明已去。王自東粵歸，聞亂兼程進，途遇寇主僕棄馬，各以金束腰間，潛身叢棘中。一秦吉了飛集棘上，展翼覆之，視其足缺一指，心異之。俄而群盜

四合、繞莽殆徧、似尋之、二人氣不敢息、盜既散、烏始
翔去、既歸、各道所見、始知秦吉了即所救麗者也、後
值玉他出不歸、英必暮至、計玉將歸、則蚤去、玉或會
於嫂所、間邀之、則諾而不赴、一夕玉他往、珏意阿英
必至、潛伏候之、未幾英果來、暴起要遮而歸、於室、女
曰、妾與君情緣已盡、強合之恐為造物所忌、少留有
餘、時作一面之會如何、珏不聽、卒與狎、天明詣嫂、
怪之、女笑云、中途為強寇所劫、勞嫂懸望矣、數語趨

出居無何有巨狸啣鸚鵡經寢門過嫂駭絕固疑是英時方沐輟洗急蹕羣起譟擊始得之左翼沾血奄存餘息抱置膝頭撫摩良久始漸醒自以喙理其翼少旋飛遶室中呼曰嫂、別矣吾怨珏也振翼遂去不復來、

橘樹

陝西劉公為興化令有道士來獻盆樹視之則小橘細絛如指擯弗受劉有幼女時六七歲適值初度道

士云、此不足供大人清玩、聊祝女公子福壽耳、乃受之、女一見不勝愛悅、寘諸閨闥、朝夕護之、惟恐傷劉任滿、橘盈把矣、是年初結實、簡裝將行、以橘重贄、謀棄去、女抱樹嬌啼、家人給之曰、幾日而不復來、女信之、涕始止、又恐為大力者負之而去、立視家人移栽墀下、乃行、女歸、受莊氏聘、莊丙成登進士、釋褐為興化令、夫人大喜、竊意十餘年橘不復存、及至則樹已十圍、實纍纍、以千計、問之故、役皆云、劉公去後、橘甚

茂而不實，此其初結也。更奇之，莊任三年，繁實不懈。第四年，憔悴無少華。夫人曰：「君任此不久矣。」至秋果解任。

異史氏曰：「橘其有夙緣於女與？何遇之巧也！其寔也似威恩，其不華也似傷離，物猶如此，而況於人乎？」

牛成章

牛成章，江西之布商也。娶鄭氏，生子女各一，牛三十

三歲病死，子名忠，時方十二，女八九歲而已。母不能
貞，貨產入囊，改醮而去，遺兩孤難以存濟。有牛從嫂，
年已六，衰貧寡無歸，遂與居處。數年，嫗死，家益替。而
忠漸長，思繼父業，而苦無資。妹適毛姓，毛富賈也。女
哀，婿假數十金付兄，從人適金陵。途中遇寇，資斧
盡喪，飄蕩不能歸。偶趨典肆，見主肆者絕類其父，出
而潛察之。姓字皆符，駭異，不喻其故。惟日流連其傍，
以窺意旨。而其人亦畧不顧問。如此三日，覘其言笑

舉止、真父無訛、即又不敢拜識、乃自陳於羣小、求以同鄉之故、進身為傭、立券已、主人視其里居姓名、似有所動、問所從來、忠泣訴父名、主人悵然若失、久之、問而母無恙乎、忠又不敢謂父死、婉應曰、我父六年、前經商不返、母醮而去、幸有伯母撫育、不然、塋溝瀆久矣、主人慘然曰、我即是汝父也、於是握手悲哀、又導入叅其後母、後母姬年三十餘、無出、得忠喜、設宴寢門、牛終歛、歛不樂、即欲一歸故里、妻慮肆中乏人、

故止之。牛乃率子紀理肆務。居之三月。乃以諸籍委子。趣裝西歸。既別。忠實以父死告母。姬乃大驚。言彼負販於此。曩所與交好者。留作當商。娶我已六年矣。何言死耶。忠又細述之。相與疑念。不喻其由。踰一晝夜。而牛已返。携一婦入。頭如蓬葆。忠視之。則其所生母也。牛摘耳頓罵。何棄吾兒。婦懼伏。不敢少動。牛以口齧其項。婦呼忠曰。兒救吾。兒救吾。忠大不忍。橫身蔽隔其間。牛猶忿怒。婦已不見。衆大驚。相譁以鬼旋。

視牛顏色慘變、委衣於地、化爲黑氣、亦尋滅矣。母子
駭嘆、舉衣冠而瘞之、忠席父業、富有萬金、後歸家、問
之、則嫁母於是日死、一家皆見牛成章云。

青娥

霍桓、字匡九、晉人也、父官縣尉、早卒、遺生最幼、聰慧
絕人、十一歲、以神童入泮、而母過於愛惜、禁不令出
庭戶、年十三、尚不能辨伯叔甥舅焉、同里有武評事
者、好道、入山不返、有女青娥、年十四、美異常倫、幼時

竊讀父書、慕何仙姑之為人、父既隱、立志不嫁、母無
奈之、一日生於門外、瞥見之、童子雖無知、祇覺愛之、
極而不能言、直告母、使委禽焉、母知其不可、故難之、
生鬱々不自得、母恐拂兒意、遂託往來者致意、武果
不諧、生行思坐籌、無以為計、會有一道士在門、手握
小鏡、長裁尺許、生借閱一過、問將何用、答云、此劖藥
之具、物雖小、堅石可入、生未深信、道士即以斫牆上
石、應手落如腐、生大異之、把玩不釋於手、道士笑曰、

公子愛之，即以奉贈。生大喜，酌之以錢，不受而去。持
歸，歷試磚石，畧無隔闕。頓念穴牆，則美人可見，而並
不知其非法也。更定踰垣而出，直至武第。凡穴兩重，
垣始達中庭，見小廂中尚有燈火，伏窺之，則青娥卸
晚妝矣。少頃燭滅，寂無聲。穿墉入，女已熟眠，輕解雙
履，悄然登榻。又恐女郎驚覺，必遭訶逐，遂潛伏綉衾
之側，畧聞香息，心願竊慰。而半夜經營，疲殆頗甚，少
一合眸，不覺睡去。女醒，聞鼻氣休，開目見穴隙亮。

入大駭急起、暗搖婢醒、拔開輕出、敲窗喚家人婦、共
執火操杖以往、則見一總角書生、酣眠繡榻、細審識
為霍生、抗之始覺、遽起、目灼灼如流星、似亦不大畏
懼、但覩然不作一語、衆指為賊、恐呵之、始出涕曰、我
非賊、寔以愛娘子故、願一近芳澤耳、衆又疑穴數重、
垣非童子所能者、生出鏡以言其異、共試之、駭絕、訝
為神授、將共告諸夫人、女俛首沉思、意似不以為可、
衆窺知女意、因曰、此子散名門第、殊不辱玷、不如縱

之使去、俾復求媒焉、詰旦假盜以告夫人如何、女不
答、衆乃促生行、生索鏡、共笑曰、騃兒童猶不忘凶器、
耶、生覩枕邊有鳳釵一股、陰納袖中、已為婢子所窺、
急白之、女不言、亦不怒、一媼拍頸曰、莫道他騃、若小
意念乖絕也、乃曳之、仍自竇中出、既歸、不敢實告母、
但囑母復媒致之、母不忍顯拒、惟徧托媒氏、急為別
覓良姻、青娥知之中情、皇急、陰使腹心者風示媼、
悅、託媒往、會小婢漏泄前事、武夫人辱之、不勝恚憤、

媒至、益觸其怒、以杖畫地、罵生並及其母、媒懼竄歸、具述其狀、生母亦怒曰、不肖所為、我都慊、何遂以無禮相加、當交股時、何不將蕩兒姪女一並殺却、由是見其親屬、輒便披訴、女聞媿欲死、武夫人大悔、而不能禁之使勿言也、女陰使人婉致生母、且矢之以不他、其詞悲切、母感之乃不復言、而論親之謀亦遂輟矣、會秦中歐公宰是邑、見生文深器之、時召入內署、極意優寵、一日問生婚乎、答言尚未、詰之對曰、夙

與故武評事女、小有盟約、後以微嫌、遂致中寢、問猶願之否、生靦然不言、公笑曰、我當為子成之、即委縣尉教諭、納幣於武夫人、夫人喜、婚乃定、踰歲、娶女歸、女入門、乃以鏡擲地曰、此寇盜物、可將去、生笑曰、勿忘媒妁、珍佩之、恒不去身、女為人溫良寡嘿、一日三朝其母、餘惟閉門寂坐、不甚留心家務、母或以弔慶他往、則事、經紀、罔不井、二年餘、生一子孟仙、一切委之乳保、似亦不甚顧惜、又四五年、忽謂生曰、歡

爰之緣、於茲八載、今離長會短、可將奈何、生驚問之、
即已嘿々、盛妝拜母、返身入室、追而詰之、則仰眠榻
上而氣絕矣、母子痛悼、購良材而葬之、母已衰邁、每
抱子思母、如摧肺肝、由是溝疾、遂憊不起、逆害飲
食、但思魚羹、而近地無魚、百里外始可購致、時廝騎
皆被差遣、生性純孝、急不可待、懷貲獨往、晝夜無停
趾、返至山中、日已沉冥、兩足跛踣、步不能咫、後一叟
至、問曰、足得母泡乎、生唯々、叟便曳坐路側、猷石取

火以紙裹藥末重生兩足訖。試使行。不惟痛止。兼益矯健。感極申謝。叟問何事汲。答以母病因歷道所由。叟問何不另娶。答云未得佳者。叟遙指山村曰。此處有一佳人。倘能從我去。僕當為君作伐。生辭以母病待魚。姑不遑暇。叟乃拱手約以異日。入村但問老王。乃別而去。生歸烹魚獻母。畧進數日。尋瘳。乃命僕馬往尋叟。至舊處。迷村所在。惆悵移時。夕暉漸墜。山谷甚雜。又不可以極望。乃與僕分上山頭。以瞻里

落而山徑崎嶇、不可復騎、跋履而上、昧色籠烟矣、蹠
蹠四望、更無村落、方將下山、而歸路已迷、心中燥火
如燒、荒竄間、真墮絕壁、幸數尺下有一綫荒臺、墜卧
其上、濶僅容身、下視黑不見底、惧極不敢少動、又幸
崖邊皆生小樹、約體如欄、定移時、見足傍有小洞口、
心竊喜、以背着石、螭行而入、意稍穩、與天明可以呼
救、少頃、深處有光如星點、漸近之、約二三里許、忽睹
廊舍、並無缸燭、而光明若晝、一麗人自房中出、視之

則青娥也。見生驚曰：「即何能來？」生不暇陳，把袂嗚慟。女勸止之，問母及兒，生悉述苦況。女亦慘然。生曰：「卿死年餘，此得毋冥間耶？」女曰：「非也。此乃仙府，曩實非死，所瘞一竹杖耳。即今來，仙緣有分也。」因導令朝父，則一修髯丈夫坐堂上。生趨拜。女白霍，即來。翁驚起握手，畧道平素。曰：「婿來大好，分當留此。」生辭以母望，不能久留。翁曰：「我亦知之，但遲三數日，即亦何傷。」乃餌以肴酒，即令婢設榻於西堂，施錦褥焉。生既退，約

女同寢女却之曰此何處可容狎褻生捉臂不捨窓
外婢子笑殺嗤然女益慚方爭拒間翁入叱曰俗骨
污吾洞府宜即去生素負氣愧不可忍作色曰兒女
之情人所不免長者何當窺伺我無難即去但令女
須便將隨翁無詞招女隨之啟後戶送之賺生離門
父子闔扉去回頭則峭壁崢嶸無少隙縫隻影斃
罔所歸適視天斜月高揭星斗已稀悵々良久悲已
而恨面壁叫號迄無應者憤極腰中出鏡鑿石攻進

且攻且罵、瞬息洞入三四尺許、隱、聞人語曰、孽障
哉、生奮力鑿益急、忽洞底豁開二扉、推青娥出曰、可
去可去、壁即復合、女怨曰、既愛我為婦、豈有待丈人
如此者、是何處老道士授汝凶器、將人纏混欲死、生
得女、意願已慰、不復置辨、但憂路險難歸、女折兩枝、
各跨其一、即化為馬、行且駛、俄頃至家、時失生已七
日矣、初生之與僕相失也、覓之不得、歸而告母、遣
人窮搜山谷、並無踪緒、正憂惶間、聞子自歸、懽喜承

迎舉首見婦、幾駭絕、生畧述之、母益欣慰、女以形跡詭異、慮駭物聽、求母播遷、母從之、異郡有別業、刻期徙往、人莫之知、偕居十八年、生一女、適同邑李氏、後母壽終、女謂生曰、吾家茅田中雉抱八卵、其地可葬、汝父子扶櫬歸窆、兒已成立、宜即留守廬墓、無庸復來、生從其言、葬後自返、月餘、孟仙往省之、而父母俱杳、問之老奴、則云赴葬未還、心知其異、浩歎而已、孟仙文名甚譔、而困於場屋、四旬不售、後以拔貢入北

闡遇同號生年可十七八神采俊逸愛之視其卷註
順天廩生霍仲仙瞪目大駭因自道姓名仲仙亦異
之便問鄉貫孟仙悉告之仲仙喜曰弟赴都時父囑
文場中如逢山右霍姓者吾族也宜與款接今果然矣
顧何以名字相同如此孟仙因詰高曾並嚴慈姓諱
已而驚曰是我父母也仲仙疑年齒不類孟仙曰我
父母皆仙人何可以貌信其年歲乎因述往跡仲仙
始信場後不暇休息命駕同歸纔到門家人迎告是

夜失太翁及夫人所在。兩人大驚。仲仙入而詢諸婦。婦言昨夕尚共杯酌。母謂汝夫婦少不更事。明日大哥來。吾無慮矣。早旦入室。則閭無人矣。兄弟聞之。頓足悲哀。仲仙猶欲追覓孟仙。以為無益。乃止。是科仲仙領鄉薦。以晉中祖墓在從兄而歸。猶冀父母尚居人間。隨在探訪。而終無踪跡矣。

異史氏曰。鑽穴眠榻。其意則痴。鑿壁罵岳。其行則狂。仙人之撮合之者。惟欲以長生報其孝耳。然既

混跡人間、狎生子女、則居而終焉、亦何不可、乃三
十年而屢棄其子、抑獨何哉、異已、

鏡聽

益都鄭氏兄弟、皆文學士、大鄭早知名、父母嘗遇愛
之、又因子並及其婦、二鄭落拓、不甚為父母所歡、遂
惡次婦、至不齒禮、冷煖相形、頗存芥蒂、次婦每謂二
鄭等男子耳、何遂不能為妻子爭氣、遂擯不與同宿、
於是二鄭感憤、勤心銳思、亦遂知名、父母稍、優顧

之。然終殺於兄。次婦望夫綦切。是歲大比。竊於除夜以鏡聽卜。有二人初起。相推為戲云。汝也涼。去。婦歸。凶吉不可解。亦置之。闌後兄弟皆歸。時暑氣猶盛。兩婦在厨下。炊飯餉耕者。其熱正苦。忽有騎登門。報大鄭捷。母入厨。喚大婦曰。大男中式矣。汝可涼。去。次婦憤惻泣。且炊。俄又有報二鄭捷者。次婦力擲餅杖而起曰。儂也涼。去。此時中情所激。不覺出之於口。既而思之。始知鏡聽之言驗也。

異史氏曰、貧窮則父母不子、有以也哉、庭幃之中、固非憤激之地、然二鄭婦激發男兒、亦與怨望無賴者、殊不同科、投杖而起、真千古之快事也、

牛痘

陳華封、蒙山人、以盛暑煩熱、枕籍野樹下、忽一人奔波而來、首着圍領、疾趨樹陰、掬石為座、揮扇不停、汗下如流、潘、陳起坐笑曰、若除圍領、不扇可涼、客曰、脫之易、再着難也、就與傾談、頗極蘊藉、既而曰、此時無

他想、但得水浸涼醞、一道冷芳、度下十二重樓、暑氣可清一半、陳笑云、此願易遂、僕當爲君償之、因握手曰、寒舍伊邇、請即迂步、客笑而從之、至家出藏酒於石洞、其涼震齒、客大悅、一舉十觴、日已就暮、天忽雨、於是張燈於室、客乃解除領巾、相與磅礴、語次見客腦後時漏燈光、疑之、無何客酩酊眠榻上、陳移燈窺之、見耳後有巨穴、如錢大、數道厚膜、間隔如櫺、外更革垂蔽、中似空、駭極、潛抽髻簪、撥膜覘之、有

一物狀類小牛，隨手飛出，破窓而去，益駭不敢復撥。方欲轉步，而客已醒，驚曰：子窺見吾隱矣。放牛羶出，將爲奈何？陳拜詰其故。客曰：今已若此，尚復何諱？實相告：我六畜瘟神耳。適所縱者牛羶，恐百里內牛無種矣。陳故以養牛爲業，聞之大恐，拜求術解。客曰：余且不免於罪，其何術之能解？惟苦參散最效。其廣傳此方，勿存私念可也。言已，謝別出門。又掬土堆壁龕中，曰：每用一合，亦效。拱手，即不復見。居無何，牛果病。

瘟疫大作、陳欲專利、秘其方不肯傳、惟傳其弟、試之神驗、而陳自剉啖牛、殊罔所效、有牛二百蹄、蹶倒斃殆盡、遺老牝牛四五頭、亦逡巡就死、中心懊惱、無所用力、忽憶龕中掬土、念未必效、姑妄投之、經夜牛乃盡起、始悟藥之不靈、乃神罰其私也、後數年、牝牛繁育、漸復其故、

金姑夫

會稽有梅姑祠、神故馬姓、族居東莞、未嫁而夫早死、

遂矢志不醮。三旬而卒。族人祠之。謂之梅姑。丙申。上虞金生赴試。經此。入廟徘徊。頗涉冥想。至夜夢青衣來傳梅姑命。招之從去。入祠。梅姑立候簷下。笑曰。蒙君寵顧。實切依戀。不嫌陋拙。願以身為姬侍。金唯。梅姑送之曰。君且去。設座成。當相近耳。醒而惡之。是夜居人夢梅姑曰。上虞金生。今為吾婿。宜塑其像。詰旦村人語夢悉同。族長恐玷其貞。以故不從。未幾一家俱病。大惧。為肖像於左。既成。金生告妻子曰。梅姑

迎我矣。衣冠而死。妻痛恨詣祠。指女像穢罵。又升座批頰數四乃去。今馬氏呼為金姑夫云。

異史氏曰。未嫁而守。不可謂不貞矣。為鬼數百年。而始易其操。抑何其無恥也。大抵貞魂烈魄。未必即依於土偶。其廟貌有靈。驚世而駭俗者。皆鬼狐憑之耳。

仙人島

王勉字黽齋。靈山人。有才思。累冠文場。心氣頗高。善

誚罵多所凌折。偶遇一道士。視之曰。子相極貴。然被輕薄孽。折除幾盡矣。以子智慧。若反身修道。尚可登仙籍。王嗤曰。福澤誠不可知。然世上豈有仙人。道士曰。子何見之卑。無他求。即我便是仙耳。王益笑其誣。道士曰。我何足異。能從我去。真仙數十。可立見之。問在何處。曰。咫尺耳。遂以杖夾股間。即以一頭授生。令如已狀。囑合眼。呵曰。起。覺杖粗於五斗囊。凌空翕飛。潛捫之。鱗甲齒。馬駭。惧不敢復動。移時又呵曰。止。

即抽杖去、落巨宅中、重樓延閣、類帝王居、有台高丈
餘、台上殿十一楹、宏麗無比、道士曳客上、即命僮子
設筵招賓、殿上列數十筵、鋪張炫目、道士易盛服以
俟、少頃諸客自空中來、所騎或龍或虎或鸞鳳、不一
其類、又各携樂器、有女子、有丈夫、皆赤其兩足、中獨
一麗者、跨彩鳳、宮樣妝束、有侍兒代抱樂器、長五尺
以來、非琴非瑟、不知何名、酒既行、珍肴雜錯、入口甘
芳、並異常饅、王嘿然寂坐、惟目注麗者、心愛其人而

又欲聞其樂竊恐其終不一彈也。酒闌一叟倡言曰：蒙崔真人雅召，今日可云盛會，自宜盡歡，請以器之同者共隊為曲。於是各合配旅，絲竹之聲響徹雲漢，獨有跨鳳者，樂伎無偶。群聲既歇，侍兒始啟繡囊，橫陳几上。女乃舒玉腕，如搗箏狀，其亮數倍於琴。烈足開胸，柔可蕩魄。彈半炊許，合殿寂然。無有歎者。既闕，鏗爾一聲，如擊清磬。共贊曰：雲和夫人絕調哉！大眾皆起告別。鶴唳龍吟，一時並散。道士設寶榻錦衾，備

生寢處。王初睹麗人。心情已動。聞樂之後。涉想尤勞。念已才調。自合拾芥青紫。富貴後何求弗得。頃刻百緒。亂如蓬麻。道士似已知之。謂曰。子前身與我同學。後緣意念不堅。遂隨塵網。僕不自它。於君寔欲拔出。惡濁。不料迷悔已深。夢不可提悟。今當送君行。未必無復見之期。然作天仙。須再劫矣。遂指階下長石。令閉目坐。堅囑勿視。已乃以鞭驅石。飛起。風聲灌耳。不知所行幾許。忽念下方景界。未審何似。將兩眸

微開一綫則見大海茫々、渾無邊際、大惧即復合、而身已隨石俱墮、砰然一響、汨沒若鷗、幸夙近海、畧諳泅浮、聞人鼓掌曰、美哉跌乎、危殆方急、一女子援登舟上、且曰、吉利吉利、秀才中濕矣、視之年可十七八、顏色艷麗、王出水寒慄、求火燎衣、女子曰、從我至家、當為處置、苟適意、勿相忘、王曰、是何言哉、我中原才子、偶遭狼狽、過此圖以身報、何但不忘、女子以棹催艇、疾如風雨、俄已近岸、於艙中携所採蓮花一握、引

與俱去。半里入村，見朱戶南開，進歷數重門。女子先馳入，少間一丈夫出，是四十許人，揖王升階，命侍者取冠袍襪履，為王更衣。既詢邦族，王曰：「某非相，欺才名畧可聽聞。」崔真人切，眷愛，招昇天闕，自分功名反掌，以故不願棲隱。丈夫起敬曰：「此名仙人，島遠絕人世。」文若姓桓，世居幽僻，何幸得覲名流，因而殷勤置酒。又從容而言曰：「僕有二女，長者芳雲，年十六矣，抵今未適良匹，欲以奉侍高人如何？」王意必採蓮人。

離席稱謝。桓命於鄰党中，招二三齒德來，顧左右立
喚女郎，無何異香濃麝，美姝十餘輩，擁芳雲出，光艷
明媚，若芙蕖之映朝日。拜已，即坐。群姝列侍，則採蓮
人亦在焉。酒數行，一垂髻女自內出，僅十餘齡，而姿
態秀曼，笑依芳雲肘下。秋波流動，桓曰：「女子不在閨
中，出作何務？」乃顧客曰：「此綠雲，即僕幼女，頗慧，能記
墳典，因令對客吟詩，遂誦竹枝詞三章，嬌婉可聽，便
令傍姊隅坐。桓因謂王郎：「天才，宿構必富，可使鄙人

得聞教否。王慨然誦近體一作頌盼自雄中二句云。
一身剩有鬚眉在、小飲能令塊磊消。鄰叟再三誦之。
芳雲低告曰、上句是孫行者離火雲洞、下句是豬八
戒過子母河也。一座撫掌。桓請其他。王述水鳥詩云。
潄頭鳴格磔、忽忘下句。甫一沉吟、芳雲向妹咕、耳
語、遂掩口而笑。綠雲告父曰、渠為姊夫續下句矣。云
狗腴响彌巴、合席粲然。王有慙色。桓頌芳雲、怒之以
目。王色稍定。桓復請其文。執王意、世外人必不知八

股業乃炫其冠軍之作。題為孝哉。閔子騫二句。破云。聖人贊大賢之孝。綠雲顧父曰。聖人無字門人者。孝哉一句。即是人言。王聞之。意興索然。桓笑曰。童子何知。不在此。只論文耳。王乃復誦。每數句姊妹必相耳語。似是月旦之詞。但嚅囁不可辨。王誦至佳處。兼述文宗評語。有云字。痛切。綠雲告父曰。姊云宜刪切字。衆都不解。桓恐其語嫚。不敢研詰。王誦畢。又述搃評。有云羯鼓一搥。則萬花齊落。芳雲又掩口語。妹兩

人皆笑不可仰。綠雲又告曰：姊云羯鼓當是四搥，衆又不解。綠雲啟口欲言。芳雲忍笑訶之曰：婢子敢言打殺矣。衆大疑，互有猜論。綠雲不能忍，乃曰：去切字，言痛則不通。鼓四搥，其聲云不通又不通也。衆大笑。桓怒訶之，因而自起，泛卮謝過不遑。王初以才名自詡，目中寔無千古。至此神氣沮喪，徒有汗淫。桓諛而慰之曰：適有一言，請席中屬對焉。王子身邊無有一點，不似玉；衆未措想。綠雲應聲曰：龜翁頭上，再着半

夕即成龜、芳雲失笑、呵手扭脇肉數四、綠雲解脫而
走、回顧曰、何預汝事、汝罵之頻、不以為非、寧他人
一句便不許耶、桓咄之、始笑而去、鄰叟辭別、諸婢導
夫妻入內寢、燈燭屏榻、陳設精備、又視洞房中、牙籤
滿架、靡所不有、畧致問難、響應無窮、王至此始覺望
洋堪羞、女喚明璫、則採蓮者趨應、由是始識其名、屢
受誚辱、自恐不見重於閨闥、幸芳雲語言雖謔、而房
幃之內、尤相愛好、王安居無事、輒復吟哦、女曰、妾有

良言不知肯嘉納否。問何言。曰：從此不作詩，亦藏拙之一法也。王大慚，遂絕筆。久之，與明璫漸狎，告芳雲曰：明璫與小生有拯命之德，願少假以辭色。芳雲許之。每作房中之戲，招與共事，兩情益篤。時色授而手語之，芳雲微覺責詞重疊。王惟喋喋，強自解免。一夕對酌，王以為寂，勸招明璫。芳雲不許。王曰：卿無書不讀，何不記獨樂樂數語。芳雲曰：我言君不通，今益驗矣。句讀尚不知耶。獨要乃樂與人要，問樂孰要乎。曰：

不、一、笑、而、罷、適、芳、雲、姊、妹、赴、鄰、女、之、約、王、得、間、急、引、
明、璫、綢、繆、備、至、當、晚、覺、小、腹、微、痛、已、而、前、陰、盡、縮、
大、惧、以、告、芳、雲、笑、曰、必、明、璫、之、恩、報、矣、王、不、敢、隱、
寔、供、之、芳、雲、曰、自、作、之、殃、寔、無、可、以、方、療、既、非、痛、痒、
聽、之、可、矣、數、日、不、瘳、憂、悶、寡、歡、芳、雲、知、其、意、亦、不、問、
訊、但、凝、視、之、秋、水、盈、朗、若、曙、星、王、曰、卿、所、謂、胸、中、
正、則、眸子、瞭、馬、芳、雲、笑、曰、卿、所、謂、胸、中、不、正、則、眸子、
眊、焉、蓋、沒、有、之、沒、俗、讀、似、眸、故、以、此、戲、之、也、王、失、笑、

哀求方劑曰君不聽良言前此未必不疑妾為妬不知此婢原不可近曩寔相愛而君若東風之吹馬耳故唾棄不相憐無已為若治之然醫師必審患處乃探衣而咒曰黃鳥黃鳥無止于楚王不覺大笑已而瘳踰數月王以親老子幼每切懷思以意告女女曰歸即不難但會合無日耳王泣下交頤哀與同歸女籌思再三始許之桓翁張筵祖餞綠雲提籃入曰姊遠別莫可持贈恐至海南無以為家夙夜代營

宮室勿嫌草創。芳雲拜而受之。近而審諦。則用細草製為樓閣。大如椽。小如櫛。約二十餘座。梁棟椳題。歷歷可數。其中供帳床榻。類麻粒焉。王兒戲視之。而心竊嘆其工。芳雲曰。寔與君言。我等皆是地仙。因有夙分。遂得陪從。本不欲踐紅塵。徒以君有老父。故不忍違待父天年。須復還也。王敬諾。桓問陸耶。舟耶。王以風濤險。願陸出。則車馬已候於門。謝別言邁。行蹤驚駛。俄至海岸。王心慮其無途。芳雲出素練一疋。望南

拋去、化為長堤、其濶盈丈、瞬息馳過、堤亦漸收、至一處、潮水所經、四望遼邈、芳雲止、勿行、下車、取籃中草具、偕明璫數輩、佈置如法、轉眼化為巨第、並入解裝、則與島中無少差殊、洞房內几榻宛然、時已昏暮、因止宿焉、早旦命生迎養、生命騎趨詣故里、至則居宅已屬他姓、問之里人、始知母及妻皆已物故、惟老父尚存、子善博、田產並盡、祖孫莫可棲止、暫僦居於西村、王初歸、尚有功名之念、不悲於懷、及聞此況、沉痛

大悲念富貴縱可携取、與空花何異、驅馬至西村、見父衣服垢敝、衰老堪憐、相見哭各失聲、問不肖子、則出賭未歸、王乃載父而還、芳雲朝拜已、燂湯請浴、進以錦裳、寢以香舍、又邀致故老、與之談讌、享奉過於世家、子一日尋至其處、王絕之不聽入、但與以甘金、使人傳語曰、可持此買婦以圖生業、再來則鞭撻立斃矣、子泣而去、王自歸、不甚與人通禮、然故人偶至、必延接盤桓、撫抑過於平時、獨有黃子介、夙與同門

學亦名士之坎坷者。王留之甚久。時與秘語。賂遺甚厚。居三四年。王翁卒。王萬錢卜兆。營葬盡禮。時子已娶婦。東男子嚴子賭亦少間矣。是日臨喪。始得拜識姑嫜。芳雲一見。許其能家。賜三百金為田產之費。翌日黃及子同往省視。則舍宇全渺。不知所在。

異史氏曰。佳麗所在。人且於地獄中求之。況享壽無窮乎。地仙許携姝麗。恐帝闕下虛無人矣。輕薄減其祿籍。理固宜然。豈仙人遂不之忌哉。彼婦之

口、抑何其虐也、

閻羅薨

巡撫某公、父先為南服總督、殂謝已久、公一夜夢父來、顏色慘慄、告曰、我生平無多孽、愆祇有鎮師一旅、不應調而誤調之、途逢海寇、全軍盡覆、今訟於閻君、刑獄酷毒、寔可畏凜、閻羅非他、明日有經歷解糧至、魏姓者是也、當代哀之、勿忘、醒而異之、意未深信、既寐、又夢父讓之曰、父罹厄難、尚弗鏤心、猶妖夢置之、

耶公大異之明日留心審閱果有魏經歷轉運初至
即刻傳入使兩人捺坐而後起拜如朝參禮拜已長
跼漣湏而告以故魏初不自任公伏地不起魏乃云
然其有之但陰曹之法非若陽世懜懜可以上下其
手即恐不能為力公哀之益切魏不得已諾之公又
求其速理魏籌迴慮無靜所公請為糞除賓辭許之
公乃起又求一往窺聽魏不可強之再四囑曰去即
勿聲且寘刑雖慘與世不同暫置若死其寔非死如

有所見。無庸駭怪。至夜潛伏。屏側見階下囚人。斷頭折臂者。紛雜無數。墀中置火。鐺油。鑊數人。熾薪其下。俄見魏冠帶出。升座。氣象威猛。迥與曩殊。群鬼一時都伏。齊鳴冤苦。魏曰。汝等命戕於寇。冤自有主。何得妄攀官長。衆鬼譁言曰。例不應調。乃被妄檄。前來。遂遭凶害。誰貽之冤。魏又曲為解脫。衆鬼嗥冤。其聲訕動。魏乃喚鬼役。可將某官赴油鼎。畧入一煤。於理亦當。察其意。似欲借此一洩衆忿。言一出。即有牛首執

公父至，即以利刃刺入油鼎，公見之，中心慘怛，痛不可忍，不覺失聲一號，而庭中寂然，萬形俱滅矣。公嘆宅而歸，及明視魏，則已死於廨中。松江張禹定言之，以非佳名，故諱其人。

顛道人

顛道人不知姓名，寓蒙山寺，歌哭不常，人莫之測。或見其煮石為飯者，會重陽，有邑貴載酒登臨，輿蓋而往，宴畢過寺，甫及門，則道人赤足着破衲，自張黃蓋。

作警蹕聲而出、意近玩弄、邑貴慚怒、揮僕輩逐罵之、道人笑而却走、遂急棄蓋、共毀裂之、片片化為鷹隼、四散群飛、衆始駭、蓋柄轉成巨蟒、赤鱗耀目、衆譁欲奔、有同游者止之曰、此不過翳眼之幻術耳、烏能噬人、遂操刃直前、蟒張吻、怒逆吞客、嚥之、衆益駭、擁貴人急奔、息於三里之外、使數人逡巡往探、漸入寺、則人蟒俱無、方將返報、聞老槐內喘急如驢、駭甚、初不敢前、潛踪移近之、見樹朽中空、有竅如盤、試一攀窺、

則闢蟒者倒值其中。而孔大僅容兩手。無術可以出之。急以刀劈樹。比樹開而人已死。踰時少蘓。昇婦道。士不知所之矣。

異史氏曰。張蓋游山。厭氣浹拉骨髓。仙人游戲三昧。一何可笑。

余鄉殷生文屏。畢司農之妹丈也。為人玩世不恭。章邱有周生者。以寒賤起家。出必駕肩而行。亦與司農有瓜葛之舊。值太夫人壽。殷料其必來。先候

於道着猪皮靴。公服持手本。俟周輿至。鞠躬道左。唱曰。淄川生員接章邱生員。周慚下輿。畧致數語而別。少間同聚於司農之堂。冠裳滿座。視其服色。無不竊笑。殷傲睨自若。既而筵終出門。各命輿馬。殷亦大聲呼。殷老爺獨龍車何在。有二健僕橫扁杖於前。騰身跨之。致聲拜謝。飛馳而去。殷亦仙人之流亞也。

胡四娘

程孝思、劍南人、少慧能文、父母俱早喪、家赤貧、無衣食業、求傭為胡銀臺司筆札、胡公試使文、大悅之、曰：「此不常貧、可妻也。」銀臺有三子四女、皆祿中論親於大家、止有少女四娘、孳出、母早亡、笄年未字、遂贅程、或非笑之、以為憐髦之亂命、而公弗之顧也、除館、生、供備豐隆、群公子鄙不與同食、婢僕咸抑揄焉、生嘿、不較短長、研讀甚苦、衆從旁厭譏之、程讀弗輟、群又以鳴鉦鐙聒其側、程携卷去、讀於閨中、初四娘

之未字也、有神巫知人貴賤、徧觀之都、無諛詞、惟四娘至、乃曰、此真貴人也、及贅程、諸姊妹皆呼之貴人、以嘲笑之、而四娘端重寡言、若罔聞知、漸至婢媼亦相率呼、四娘有婢名桂兒、意頗不平、大言曰、何知吾家郎君、便不作貴官耶、二姊聞而嗤之、曰、程郎如作貴官、當挾我眸子去、桂兒怒而言曰、到爾時、恐不捨得眸子也、二姊有婢春香、曰、二娘食言、我以兩睛代之、桂兒益恚、擊掌為誓、曰、管教兩丁盲也、二姊忿其

語侵立批之。桂兒踴譁。夫人聞知。即亦無所可否。但微哂焉。桂兒譟訴四娘。四娘方績。不怒亦不言。績自若。會公初度。諸壻皆至。壽儀充庭。大婦嘲四娘曰。汝家祝儀何物。二婦曰。兩肩荷一口耳。四娘坦然。殊無慚怍。人見其事。類痴。愈益狎之。獨有公愛妾李氏。三姊所自出也。恒禮重四娘。往來相顧恤。每謂三娘曰。四娘內慧外朴。聰明渾而不露。諸婢子皆在其包羅中。而不自知。況程郎晝夜攻苦。夫豈久為人下者。

汝勿效尤、宜善之、他日好相見也、故三娘每歸寧、輒加意相懽、是年程以公力得入邑庠、明年學使科試、士而公適薨、程懷哀如子、未得與試、既離苦塊、四娘贈以金、使趨入遺才籍、囑曰、曩久居所以不被呵逐者、徒以有老父在、今萬分不可矣、倘能吐氣、庶回時尚有家耳、臨別、李氏及三娘賂遺優厚、程入闈、砥志研思、以求必售、無何放榜、竟落孫山、願乖氣結、難於旋里、幸囊資小泰、携卷入都、時妻黨多任京秩、恐見

謂訕、乃易舊名、詭托里居、求潛身於大人之門、東海
李蘭臺見而器之、收諸幕中、資以膏火、爲之納貢、使
應順天舉、連戰皆捷、授庶吉士、自乃寔言其故、李公
假千金、先使紀綱赴劍南、爲之治第、時胡大郎以父
亡空匱、貸其沃墅、因購馬、既成、然後鸞輿馬往迎、四
娘先是程擢第後、有郵報者、舉宅皆惡聞之、又審其
名字不符、叱去之、適三郎完婚、戚眷登堂、爲餽姊妹
諸姑戚在、惟四娘不見、招於兄嫂、忽一人馳入、呈程

寄四娘函信、兄弟發視、相顧失色、筵中諸眷客、始請見四娘、姊妹惴惴、惟恐四娘啣恨不至、無何翩然竟來、申賀者、促坐者、寒暄者、喧雜滿屋、耳有聽、四娘目有視、四娘口有道、四娘也、而四娘凝重如故、衆見其靡所短長、稍就安帖、於是爭把殘酌、四娘方宴笑間、門外啼號甚急、群致怪問、俄見春香奔入、面血沾染、共詰之、哭不對、二娘訶之、始泣曰、桂兒逼索眼睛、非解脫幾扶去矣、二娘大慚、汗粉交下、四娘漠

然合座寂無一語。客始告別。四娘盛妝獨拜李夫人及三姊出門登車而去。衆始知買墅者即程也。四娘初至墅。什物多闕。夫人及諸郎各以婢僕器具相贈。遺四娘一無所受。惟李夫人贈一婢。受之。居無何程假歸展墓。車馬扈從如雲。詣岳家禮公柩。次叅李夫人。諸郎衣冠既竟已升輿矣。胡公歿。群公子日競貨財。柩置不問。故數年靈寢漏敗。漸將以華屋作山丘矣。程睹之悲憤。竟不謀於諸郎。刻期營葬。事盡禮。

殯日冠蓋相屬、里中咸嘉嘆焉。程十餘年歷秩清顯、凡遇鄉黨厄急、罔不周給。二郎適以人命被逮、直指巡方者為程同譜、風規甚烈、免婦翁王觀察函致之、殊無裁答。蓋惧欲往求妹、而自覺無顏、乃持李夫人手書往、至都不敢遽進、覩程入朝而後詣之。冀四娘念手足之義、而忘睚眦之嫌。閹人既通、即有舊媼出、導入廳事、具酒饌亦頗草。食畢、四娘出、顏色溫霽、問大哥人事大忙、萬里何暇枉顧。大郎五體投地泣。

述所來、四娘扶而笑曰、大哥好男子、此何大事、直得
爾、妹子一女流、幾曾見鳴、向人、大郎乃出、李夫
人書、四娘曰、諸兄家娘子都是天人、各求父兄、即亦
可了、何至奔波到此、大郎無詞、但固哀之、四娘作色
曰、我以為跋涉來省妹子、乃以大訟來求責人耶、拂
袖逕入、大郎慚憤而出、歸家詳述、大小罔不詬詈、李
夫人亦謂其忍、逾數日、二郎釋放寧家、衆大喜、方笑
四娘之徒取怨謗也、俄白四娘遣介候李夫人、喚入、

僕陳金幣言夫人爲二舅事遣發甚急未遑字覆聊寄微儀以代函信衆始知二郎之歸乃程力也後三娘家漸貧程施報踰於常格又以李夫人無子迎養若母焉

僧術

黃生故家子才情頗瞻夙志高騫村外蘭若有居僧某素與分深既而僧雲遊去十餘年復歸見黃嘆曰謂君騰達已久今尚白紵耶想福命固薄耳請爲君

賄冥中主者、能置十千否、答言不能、僧曰、請勉辦其半、餘當代假之、三日為約、黃諾之、竭力典質如數、三日僧果以五千來付黃、家舊有汲井、水深不竭、云通河海、僧命束置井邊、戒曰、約我到寺、即推墮水中、候半炊時、有一錢泛起、當拜之、乃去、黃不解何術、轉念效否未定、而十千可惜、乃匿其九、而以一千投之、少間巨泡突起、鏗然而破、即有一錢浮出、大如車輪、黃大驚、既拜、又取四千投焉、落下擊觸有聲、為大錢

所隔不得沉。日暮僧至，譙讓之曰：「胡不盡投？」黃云：「已盡投矣。」僧云：「冥中使者止將一千去，何乃妄言也？」黃寔告之。僧嘆曰：「鄙吝者必非大器。此子之命，合以明經終，不然科甲立致矣。」黃大悔，求再禳之。僧固辭而去。黃視井中錢猶浮，以綆釣上。大錢乃沉。是歲黃以副榜准貢，卒如僧言。

異史氏曰：「豈冥中亦開捐納之科耶？十千而得一第，值亦廉矣。然一千准貢，猶昂貴耳。明經不第，何

值一錢。

柳生

周生順天宦裔也。與柳生善。柳得異人傳精袁許之術。嘗謂周曰。子功名無分。萬鍾之資。尚可以人謀。然尊閭薄相。恐不能佐君成業。未幾婦果亡。家室蕭條。不可聊賴。因詣柳。將以卜姻。入客舍坐良久。柳歸內。不出。呼之再三始出。曰。我日為君物色佳偶。今始得之。適在內作小術。求月老繫赤繩耳。周喜問之。答曰。

甫有一人携囊出、遇之否、曰遇之、襁褓若丐、曰此君
岳翁、宜敬禮之、周曰緣相交好、遂謀隱密、何相戲之
甚也、僕即式微、猶是世裔、何至下婚於市僧、柳曰不
然、犁牛尚有子、何害、周問曾見其女耶、曰未也、我素
與無舊、姓名亦問訊知之、周笑曰、尚未識犁牛、何知
其子、柳曰、我以數信之、其人兇而賤、然當生厚福之
女、但強合之、必有大厄、容復禳之、周既歸、未肯以言
為信、諸方覓之、迄無一成、一日柳忽至、曰有一客我

已代折簡矣、問爲誰、曰、但勿問、宜速作、忝、周不諭其
故、如命治具、俄客至、蓋傅姓營卒也、心內不合、陽浮
道譽之、而柳生承應甚恭、少間酒肴既陳、柳起告客、
公子嚮慕已久、每托某代訪、曩夕始得晤、又聞不日
遠征、立刻相邀、可謂倉卒主人矣、飲間、傅憂馬病不
可騎、柳亦俛首爲之籌思、既而客去、柳讓周曰、千金
不買此友、何乃視之漠漠、借馬騎歸、因假周命、登門
持贈、傅周既知、稍不快、已無如何、過歲將如江西、

投臬司幕、詣柳問卜。柳言大吉。周笑曰：「我意無他，但薄有所獵，當購佳婦，幾幸前言之不驗也。」能否？柳云：「並如君願。」乃至江西，值大寇叛亂，三年不得歸。後稍平，逕日遵路，中途為土寇所掠，同難七八人，皆劫其金貲，釋令去。惟周被擄至巢，盜首詰其家世，因曰：「我有息女，欲奉箕帚，當即無辭。」周不答。盜怒，立命梟斬。周惧，思不如暫從其請，因從容而棄之。遂告曰：「小生所以跼蹐者，以文弱不能從戎，恐益為丈人累耳。如

使夫婦相將俱去、恩莫厚焉、盜曰、我方憂女子累人、此何不可從也、引入內、妝女出見、年可十八九、蓋天人也、當夕合卺、深遇所望、細審姓名、乃知其父即當年荷囊人也、因述柳言、為之感嘆、遇三四日、將送之行、忽大軍掩至、全家皆就執縛、有將官三員監視、已將婦翁斬訖、尋次及周、自分已無生理、一員審視曰、此非周某耶、蓋傳卒已以軍功授副將軍矣、謂僚曰、此吾鄉世家名士、安得為賊、解其縛、問所從來、周

詭曰、適江臬娶婦而歸、不意途陷盜窟、幸蒙拯救、德戴二天、但室人離散、求借洪威、更賜瓦全、傳命列諸俘、令其自認、得之、餉以酒食、助以資斧、曰、曩受解驂之惠、旦夕不忘、但搶攘間、不遑修禮、請以馬二匹、金五十兩、助君北旋、又遣二騎持信矢護送之、途中女告周曰、痴父不聽忠告、母氏死之、知有今日久矣、所以偷生旦暮者、以少時曾為相者所許、異他日能收親骨耳、某所窖藏巨金、可以發贖父骨、餘者携歸、尚

足謀生產、囑騎者候於途、兩人至舊處、廬舍已燼於
灰火中、取佩刀掘尺許、果得金、盡裝入橐、乃返、以百
金賂騎者、使瘞翁尸、又引拜母塚始行、至直隸界、厚
贈騎者而去、周久不歸、家人謂其已死、恣意侵冒、粟
帛器具、蕩無存者、聞主人婦大惧、閤然盡逃、祇有一
嫗一婢一老奴在焉、周以出死得生、不復追問、及訪
柳、則不知所適矣、女持家踰於男子、擇醇篤者、授以
資本而均其息、每諸商會計於簷下、女垂簾聽之、盤

中悞下一珠、輒指其訛、內外無敢欺、數年夥商盈百、家數十百萬矣、乃遣人移親骨厚葬之、

異史氏曰、月老可以賄、囑無怪媒妁之同於牙儈矣、乃盜也而有是女耶、培塿無松柏、此鄙人之論耳、婦人女子猶失之、況以相天下士哉、

冤獄

朱生陽穀人、少年佻達、喜詆謔、因喪偶往求媒媼、遇其鄰人之妻、睨之美、戲謂媼曰、適睹尊鄰雅妙麗、若

為我求鳳渠可也。媼亦戲曰：請殺其男子。我為若圖之。朱笑曰：諾。更月餘，鄰人出責負，被殺於野。邑令拘鄰保，血膚取寔，究無端緒。惟媒媼述所戲謔之詞，以此疑朱。捕至，百口不承。令又疑鄰婦與私，榜掠之。五毒參至，婦不能堪，誣服。又訊朱，曰：細嫩不任苦刑，所言皆妄。既使冤死，而又加以不節之名，縱鬼神無知，予心何忍乎？我寔供之可矣。欲殺夫而娶其婦，皆我之為，婦寔不之知也。問何憑？荅言血衣可証。及使

人搜諸其家、竟不可得、又掠之、死而復蘇者再、朱乃云、此母不忍出証據死我耳、待自取之、因押婦告母曰、予我衣死也、即不予亦死也、均之死、故遲也不如其速也、母泣入室、移時取衣出付之、令審其迹確、擬斬、再駁再審、無異詞、經年餘、決有日矣、令方據囚、忽一人直上公堂、努目視令而大罵曰、如此慣、何足臨民、隸役數十輩將共執之、其人振臂一揮、頽然並仆、令惧欲逃、其人大言曰、我關帝前周將軍也、昏官

若動、即便誅、却令戰懼、聽其人曰、殺人者乃宮標也、於朱某何與、言已倒地、氣若絕、少頃而甦、面無人色、及問其名、則宮標也、榜之盡服其罪、蓋宮素不逞、知某討負而歸、意腰橐必富、及殺之、竟無所得、問朱誣服竊自幸、是日身入公門、殊不自知、令問朱血衣所自來、朱亦不之知、喚其母鞠之、則割臂所染、驗其左臂、刀痕猶未平也、令亦愕然、後以此被叅、揭免官、罰贖、羈留而死、年餘、鄰母欲嫁其婦、威朱義遂嫁。

之。

異史氏曰。訟獄乃居官之首務。培陰隲、滅天理、皆在於此。不可不慎也。燥急汙暴、固乖天和。淹滯因循、亦傷民命。一人興訟、則數農違時。一案既成、則十家蕩產。豈故之細哉。余嘗謂為官者不濫受詞訟。即是盛德。且非重大之情。不必羈候。若無疑難之事。何用徘徊。即或鄉里愚民、山村豪氣。偶因鵲鴨之爭。致有雀角之忿。此不過借官宰之一言。以

為平定而已、無用全人、祇須兩造、笞杖立加、葛籐
悉斷、所謂神明之宰、非耶、每見今之聽訟者、矣、一
票既出、若故忘之、攝牒者入手未盈、不令消見官
之票、承刑者潤筆不飽、不肯懸聽審之牌、蒙蔽因
循、動經歲月、不及登長吏之庭、而皮骨已盡矣、而
儼然而民上也者、偃息在床、漠若無事、寧知水火
獄中、有無數冤魂、伸頸延息、以望拔拯耶、在奸民
之凶頑、固無足惜、而在良民之株累、亦復何堪、况

且無辜之干連往々奸民少而良民多而良民之
受害且更倍於奸民何以故奸民難慮而良民易
欺也皂隸之所歐罵胥徒之所需索皆相良者而
施之暴身入公門如陷湯火早結一日之案則早
安一日之生有何大事而顧奄々堂上若死人似
恐谿壑之不遽飽而故假之以歲時也者雖非酷
暴而其實厥罪維均矣嘗見一詞之中其急要不
可少者不過三數人其餘皆無辜之赤子安被羅

織者也。或平昔以睚眦開嫌，或當前以懷璧致罪，故興訟者，以其全刀謀正案，而以其餘毒復小仇，帶一名於帝尾，遂成附骨之疽，受萬罪於公門，竟屬切膚之痛。人跪亦跪，狀若鳥集，人出亦出，還同猱繫，而究之官問不及，吏詰不至，其寔一無所用，祇足以破產傾家，飽蠹役之貪囊，鬻子質妻，洩小人之私憤而已。深願為官者，每投到時，畧一審詰，當逐之不當逐，艾之不過一濡毫，一動腕之間。

耳、便保全多少身家、培養多少元氣、從政者曾不一念及此、又何必析楊刀鋸能殺人哉、

農婦

邑西磁窯塢、有農人婦、勇健如男子、輒為鄉中排難解紛、與夫異縣而居、夫家高苑、距淄百餘里、偶一來信、宿便去、婦日赴顏山、販陶器為業、有贏餘則施丐者、一夕與鄰婦語、忽起曰、小腹微痛、想孽障欲離身也、遂去、天明往探之、則見肩荷釀酒巨甕二、方將入

門隨至其室、則有嬰兒、綳卧、駭問之、蓋婉後已負重
歸里矣、故與北庵尼善、訂為姊妹、後聞尼有穢行、忿
然操杖、將往撻楚、衆苦勸而止、一日遇尼於途、遽批
之、問何罪、亦不答、拳石交施、至不能號、乃釋而去、
異史氏曰、世言女中丈夫、猶自知非丈夫也、婦並
忘其為巾幗矣、其豪爽自快、與古劍仙何以少殊、
母亦其夫亦磨鏡者流耶、

安期島

長山劉中堂青嶽先生、同武弁某出使朝鮮、聞安期
島神仙所居、欲命舟往遊、國中臣僚僉謂不可、令待
小張、蓋安期不與世通、惟有弟子小張、歲輒一兩至、
欲至島者、須先自白、如以為可、則一帆可至、否則颶
風覆舟、踰一二日、國王召見、入朝、見坐上一人、佩劍
冠棕笠、年三十許、儀容修潔、問之、即小張也、劉因自
述嚮往之意、小張許之、但言副使不可行、又出徧視
從人、惟二人可以從遊、遂命舟導劉俱往、水程不知

遠近、但覺微風習々、如駕雲霧、移時已抵其境、時方
嚴寒、既至則氣候溫煦、山花徧岩谷、導入洞府、見三
吏趺坐、東西者睹客入、漠若罔知、惟中座者起逆客、
相為禮、既坐呼茶、有僮將盤去、洞外石壁有鉄錐、銳
沒石中、僮拔錐、水即溢射、以琖承之、滿復塞之、既而
托至、其色淡碧、試之、其涼震齒、劉畏寒不飲、吏顧僮
顧示之、僮取琖去、呬其殘者、仍於故處拔錐、溢取而
返、則芳烈蒸騰、如初出於鼎、竊異之、問以休咎、笑曰、

世外人歲月不知、何解人事、問以却老術、曰此非富貴人所能為者、劉興辭、小張仍送之、歸、既至朝鮮、備述其異、國王嘆曰、惜未飲其冷者、是先天玉液、一瓊可延百齡、劉將歸、王贈一物、紙帛重裹、囑近海勿開視、既離海、急取拆視、去盡數百重、始見一鏡、審之、則蛟宮龍族、歷歷在目、方凝注間、忽見潮頭高於樓閣、洶々已近、大駭、極馳、潮從之、疾若風雨、大惧、以鏡投之、潮乃頓落、

沅俗

李季霖攝篆沅江、初蒞任、見猫犬盈堂、訝之、僚屬曰、此鄉中百姓瞻仰風采者、少間人畜已半、移時都復為人紛々並去、一日出謁客、肩輿在途、忽一夫急呼曰、小人吃害矣、即倩役代荷、伏地乞假、怒訶之、役不聽、疾奔而去、遣人尾之、役奔入市、覓得一叟、便求按視、叟相之曰、是汝吃害矣、乃以手揣其膚肉、自上而下、力推之、推至少股、見皮肉墳然、以利刃破之、取出

石子一枚、曰愈矣、乃奔而返、後聞其俗、有身卧室中、手即飛出、入人房闥、竊取財物、設被主覺、繫不令去、則此人一臂無用矣、

蛤

東海有蛤、飢時浮岸邊、兩殼開張、中有小蟬、赤綫繫之、出離殼數尺、獵食既飽、乃歸、殼始合、或潛斷其綫、兩物皆死、亦物理之奇也、

陵縣狐

陵縣李太史家、每見瓶鼎古玩之物、移列案邊、勢危將墜、疑廝僕所為、輒怒譴之、僕輩稱寃、而亦不知其由、乃嚴扃齋扉、天明復然、心知其異、暗覘之、一夜光明滿室、訝為盜、兩僕近窺、則一狐卧櫬上、光自兩眸出、晶瑩四射、恐其逃、急入捉之、狐齧腕肉、欲脫、僕持益堅、因共縛之、舉視、則四足皆無骨、随手搖、若帶垂焉、太史念其通靈、不忍殺、覆以柳器、狐不能出、戴器而走、乃數其罪而放之、怪遂絕、

彭二掙

禹城韓公甫自言與邑人彭二掙並行於途忽回首不見之惟空蹇隨行但聞號救甚急細聽則在被囊中近視囊內纍然雖則偏重亦不得墮欲出之則囊口縫紉甚密以刀斷綫始見彭犬卧其中既出問何以入亦茫不自知蓋其家有狐為祟事如此類甚多云。

聊齋誌異卷之十五

般陽蒲松齡柳泉甫著

甄后

洛城劉仲堪少鈍而淫於典籍恒杜門攻苦不與世通一日方讀忽聞異香滿室少間珮聲甚繁驚顧之有美人入簪珥光彩從者皆宮妝劉驚伏地下美人扶之曰子何前倨而後恭也劉益惶恐曰何處天仙未嘗拜識前此幾時有侮美人笑曰相別幾何遂爾

二
惜。危坐磨磚者非子耶。乃展錦韉。設瑤漿。促坐對
飲。與論古今事。博洽非常。劉茫。不知所對。美人曰。
我止赴瑤池一回宴耳。子歷幾生。聰明頓盡矣。遂命
侍者。以湯沃水晶膏進之。劉受飲訖。忽覺心神澄徹。
既而曛暮。從者盡去。息燭解襦。曲盡歡好。未曙。諸姬
已復集。美人起。妝容如故。髣髴修整。不再理也。劉依
苦詰姓字。答曰。告即不妨。恐益君疑耳。妾甄氏。君
公幹後身。當日以妾故罹罪。心寔不忍。今日之會。亦

聊以報情痴也。問魏文安在，曰：「丕不過賊父之庸子耳。」妾偶從遊戲富貴者數載，過此即不復置念。彼曩以阿瞞故，久滯幽冥，今未聞知，反是陳思為帝典籍時一見之，旋見龍輿止於庭中，乃以玉脂盒贈劉作別。遂登車，雲擁霧覆而去。劉自是文思大進，然追念美人，凝思若癡，歷數月，漸近羸殆。母不知其故，憂之。家一老嫗忽謂劉曰：「即君意頗有所思否？」劉以其言微中，不能隱，應曰：「唯。」嫗言：「即作尺一書，我能郵致。」

之劉驚喜曰、子有異術、向日昧於物色、果能之、不敢忘也、折簡為函、付姬便去、半夜而返、曰、幸不悞事、初至門、者以我為妖、欲加繫繫、出即君書、乃將去、少頃喚入、夫人亦歛歔、自言不能復會、便欲裁答、我言即君羸億、非一字所能瘳也、夫人少沉思、乃釋筆云、煩先報劉郎、當即送一佳婦去、臨行又囑、適所言乃百年之計、但無妄傳、便能永久、劉喜伺之、明日果有老姥、率一女、即詣母所、容色絕世、自言陳氏女、其所

出名司香、願求作婦、母愛之、議聘、更不索貲、坐待成禮而去、惟劉心知其異、陰問女係夫人何人、荅云、妾銅雀故妓也、劉疑其為鬼、女曰、非也、妾與夫人俱隸仙籍、偶以罪過、謫墮人間、夫人已復舊位、妾謫限未滿、夫人請之天曹、暫使給役、去留皆在夫人、故得長侍床簀耳、一日有瞽媼牽黃犬、丐食其家、拍板俚歌、女出窺、立未定、犬斷索咋女、駭走、羅衿已斷、劉以杖逐擊之、犬猶怒、齧斷幅、頃刻碎嚼如麻、瞽媼捉領

毛縛之去。劉入視女，驚顏未定，曰：卿仙人，何乃畏犬？女曰：君自不知，犬乃老瞞所化，蓋怒妾不守分，香戒也。劉欲買犬杖斃之，女曰：不可，上帝所罰，何得擅誅？居二年，見者皆驚其艷，而審所從來，殊涉恍惚。於是共疑為妖。母詰劉，亦微道其異。母大惡，戒使絕之。劉不聽。母陰覓術士來作法，於庭方規地為壇。女慘然曰：本期白首，今老母見疑，分義絕矣。要我去亦復匪難，而要豈禁咒所能譴耶？乃束薪爇火，拋堦下，瞬

息烟迷房屋、對面相失、有聲震擊如雷、已而烟滅、見術士七竅流血而死、入室則女已渺、呼嫗問之、亦不知所之矣、劉始告母、嫗蓋狐也、

異史氏曰、始於袁、終於曹、而復注意於公幹、仙人不應若是、然平心而論、奸瞞之篡子、何必有貞婦哉、夫睹故妓、應大悟分香賣履之痴、固猶然妬之耶、嗚呼、奸雄不暇自哀、而後人哀之矣、

宦娘

溫如春、秦之世家也、少癖嗜琴、雖逆旅未嘗暫舍、客
晉、經由古寺、繫馬門外、將暫憩止、入則有布衲道人
趺坐廊間、筇杖倚壁、花布囊琴、溫觸所好、因問亦善
此耶、道人云、願不能工、願就善者學之耳、遂脫囊授
溫、視之、紋理佳妙、畧一勾撥、清越異常、喜為撫一
短曲、道人微笑、似未許可、溫乃竭盡所長、道人哂曰、
亦佳亦佳、但未足為貧道師也、溫以其言誇、轉請之、
道人接置膝上、繞撥動、覺和風自來、又頃之、百鳥群

集庭樹為滿溫驚極拜請受業道人三覆之溫側耳傾心稍會其節奏道人試使彈點正踈節曰此塵間已無對矣由是溫精心刻畫遂稱絕技後歸程離家數十里日已暮暴雨莫可投止路旁有小邨趨之不遑審擇見一門匆遽入登其堂間若無人俄一女即出年十七八貌類神仙舉首見客驚而走入溫時未偶繫情殊深俄一老媪出問客溫道姓名兼求寄宿媪言宿當不妨但少床榻不嫌屈體便可藉藁

少旋以燭來，展草鋪地，意良殷。問其姓氏，答云趙姓。又問女郎何人，曰此宦娘，老身之猶子也。溫曰：「不揣寒陋，欲求援繫，何如？」媼顰蹙曰：「此即不敢應命。」溫詰其故，但云難言。悵然遂罷。媼既去，溫視藉草腐，溫不堪卧處，因危坐鼓琴，以消永夜。雨既歇，冒夜遂歸。邑有林下，却郎葛公，喜文士，溫偶詣之，受命彈琴。簾內隱約有眷客窺聽，忽風動簾開，見一及笄人，麗絕一世。蓋公有一女，小字良工，善詞賦，有艷名。溫心動，歸

與母言、媒通之、而葛以溫勢式微、不許、然女自聞琴
以後、心竊傾慕、每冀再聆雅奏、而溫以姻事不諧、志
乖意沮、絕跡於葛氏之門矣、一日女於園中、拾得舊
箋一折、上書惜餘春詞云、因恨成痴、轉思作想、日、
為情顛倒、海棠帶醉、楊柳傷春、同是一般懷抱、甚得
新愁舊愁、刻畫還生、便如青草、自別離、只在奈何天
裏、度將昏曉、今日個、蹙損春山、望穿秋水、道棄了已
拚棄了、芳衾如夢、玉漏驚魂、要睡何能睡好、漫說長

宵似年、儂視一年比更猶少。過三更已是三年。更有何人不老。女吟咏數四、心悅好之。懷歸出錦箋、莊書一通置案間、踰時索之不可得、竊意為風飄去。適葛經閨門、拾之、謂良工作、惡其詞蕩、火之而未忍言。欲急醮之。臨邑劉方伯之子適來問名、心善之、而猶欲一睹其人。公子盛服而至、儀容秀美、葛大悅、歎筵優渥。既而告別、座下遺女舄一鈎、心頓惡其儂薄。因呼媒而告以故。公子亟辨其誣。葛弗聽。卒絕之。先是葛

有綠菊種、各不傳、良工以植閨中、溫庭菊忽有一二
株化為綠、同人聞之、輒造廬觀賞、溫亦寶之、凌晨起
視、於畦畔得箋、寫惜餘春詞、反復披讀、不知其所自
至、以春為己名、益惑之、即案頭細加丹黃、評語褻嫚、
適葛聞溫菊變綠、訝之、躬詣其齋、見詞便取展讀、溫
以其評褻、奪而按莎之、葛僅讀一兩句、蓋即閨門所
拾者也、大疑、並綠菊之種、亦猜為良工所贈、歸告夫
人、使逼詰良工、良工涕欲死、而事無驗見、莫可取實、

夫人恐其跡彰、計不如以女歸溫、葛然之、遙致溫、
喜極、是日招客為綠菊之宴、焚香彈琴、良夜方罷、既
歸寢齋、僅聞琴自作聲、初以為僚僕之戲也、既知其
非人、始白溫、溫自詣之、果不妄、其聲梗澁、似將效已
而未能者、爇火暴入、杳無所見、溫携琴去、則終夜寂
然、因意為狐、固知其願狎門牆也者、遂每夕為奏一
曲、而設絃任操、若為師、夜、潛伏聽之、至六七夜、居
然成曲、雅足聽聞、溫既親迎、各述曩詞、始知締好之

由而終不知所由來、良工聞琴鳴之異、往聽之、曰此
非狐也、調悽楚有鬼聲、溫未深信、良工因言其家有
古鏡、可鑑魑魅、翌日遣人取至、伺琴聲既作、握鏡遽
入火之、果有女子、倉惶室隅、莫能復隱、細審之、趙氏
之宦娘也、大駭、窮詰之、泫然曰、代作蹇修、不為無德、
何相逼之甚也、溫請去鏡、約勿避、諾之、乃囊鏡、女遙
坐曰、妾太守之女、死百年矣、少喜琴、箏、已頗能諳
之、獨此技未得嫡傳、重泉猶以為憾、惠顧時得聆雅

奏傾心嚮往。又恨以異物不能奉裳衣。陰為君彫合佳耦。以報眷顧之情。劉公子之女。歸。惜餘春之俚詞。皆妄為之也。酬師者不可謂不勞矣。夫妻咸拜謝之。宦娘曰。君之業。妾思過半矣。但未盡其神理。請為妾再鼓之。溫如其請。又曲陳其法。宦娘大悅。曰。妾已盡得之矣。乃起辭欲去。良工故善箏。聞其所長。願一披聆。宦娘不辭。其調其譜。並非塵世所能。良工擊節。轉請受業。女命筆為繪譜十八章。又起告別。夫妻挽之。

良苦。宦娘悽然曰：君琴瑟之好，自相知音，薄命人烏有此福？如有緣，再世可相聚耳。因以一卷授溫曰：此妾小像，如不忘媒妁，當懸之臥室，快意時焚香一炷，對鼓一曲，則妾身受之矣。出門遂沒。

阿繡

海州劉子固，十五歲時，至蓋省其舅，見雜貨肆中一女子，姣麗無雙，心愛好之。潛至其肆，托言買扇，女子便呼其父，出。劉意沮，故折閱之而返，遙睹其父他

往又詣之、女將覓父、劉止之曰、無須、但言其價、我不
靳直耳、女如言、故昂之、劉不忍爭、脫貫竟去、明日復
往、又如之、行數武、女追呼曰、返來、適偽言耳、價奢過
當、因以半價返之、劉益感其誠、蹈隙輒往、由是益熟、
女問即君何所以實對、轉詰之、自言姚氏臨行、所市
物、女以紙代裹完好、已而以舌舐粘之、劉懷歸不敢
復動、恐亂其舌痕也、積半月、為僕所窺、陰與舅立要
之、婦意倦、不自得、以所市香帕脂粉等類、密置一

篋無人時輒闔戶自檢一過觸類凝想次年復至蓋
裝甫解即趨女所至則肆宇閤焉失望而返猶意偶
出未復蚤又詣之閤如故問諸鄰始知姚原廣寧人
以貿易無重息故暫歸去又不審何時可復來神志
乖喪居數日怏怏而歸爲之卜婚劉屢梗母議母怪
怒之僕私以曩情告母益防閑之蓋之途由是絕
劉忽々遂減眠食母憂思無計念不如從其志於是
刻日辦裝使如蓋轉寄語舅謀合之舅承命詣姚踰

時而返、謂劉曰、事不諧矣、阿繡已字廣寧人、劉低頭喪氣、心灰望絕、既歸、捧篋啜泣、而徘徊痴念、冀天下有似之者、適媒來、艷稱復州黃氏女、劉恐不確、命駕至、復入西門、見北向一家、兩扉半開、內一女、即怪似阿繡、再屬目之、且行且眇、而入、真是無訛、劉大動、因就居東鄰、細詰知為李氏、反覆疑念、天下寧有如此酷肖者耶、居數日、莫可夤緣、惟日眈、候其門、以冀女或覆出、一日、方夕、女果出、忽見劉、即返身掩扉、

以手指其後、又覆掌及額而入、劉喜極、但不能解、凝思移時、信步詣舍後、見荒園寥廓、西有短垣、畧可及肩、豁然頓悟、遂蹲伏露草中、久之、有人自牆上露其首、小語曰、來乎、劉諾而起、細視真阿繡也、因大恫涕、墮如縲、女隔堵探身、以巾拭其泪、深慰之、劉曰、百計不遂、自謂今生已矣、何期復有今夕、願卿何以至此、曰、李氏妾表叔也、劉請踰垣、女曰、君先歸、遣從人他宿、妾當自至、劉如言坐伺之、少間、女悄然入、妝飾不

甚炫麗、袍襪猶昔、劉挽坐、備道艱苦、因問卿已字、何未醮也、女曰、言妾受聘者妾也、家君以道里賒遠、不願附公子婚、此或託舅氏詭詞、以絕君望耳、既就枕席、宛轉萬態、款接之歡、不可言喻、四更遽起、過牆而去、劉自是不復措意黃氏矣、旅居忘返、經月不歸、一夜僕起飼馬、見室中燈猶明、窺之、見阿繡大駭、顧不敢詰主人、旦起訪諸市肆、始返而詰劉曰、夜與往還者何人也、劉初諱之、僕曰、此地岑寂、鬼狐之藪、公子

宜自愛彼姚家女郎何爲而至此劉始覲然曰西鄰
是其表叔有何疑沮僕言我已訪之最審東鄰止一
孤媼西家一子尚幼別無密戚所遇當是鬼魅不然
焉有數年之衣尚未易者且其面色過白兩頰少瘦
咲處無微渦不如阿繡美劉反復回思乃大惧曰然
且奈何僕謀伺其來操兵入共擊之至暮女至謂劉
曰知君見疑然妾亦無他不過了此夙分耳言未已
僕排闥入女呵之曰可棄兵速具酒來當與若主別

僕便自投。若或奪焉。劉益恐。強設酒饌。女談笑如常。舉首向劉曰。君心事。方將圖效。綿薄何竟。伏戎妾雖非阿繡。頗自謂不亞。君視之。猶昔否耶。劉毛髮俱豎。噤不語。女聽漏三下。把盞一呷。起立曰。我且去。待花燭後。再與新婦較優劣也。轉身遂杳。劉信狐言。竟如蓋怨舅之誑已也。不舍其家。寓近姚氏。托媒自通。啗以重賂。姚妻乃言。小郎為覓婿廣寧。若翁以是故去。就否未可知。須旋日。方可計較。劉聞之。徬徨無以自

主、惟堅守以俟其歸、踰十餘日、忽聞兵警、猶疑訛傳、久之信益急、乃趨裝行、中途遇亂、主僕相失、為偵者所掠、以劉文弱、疎其防、盜馬亡去、至海州界、見一女子、蓬髻垢耳、步履蹉跎、不可堪、劉馳過之、女遽呼曰、馬上人非劉郎乎、劉停鞭審顧、則阿繡也、心仍訝其為狐、女問何為出此言、劉述所遇、女曰、妾真阿繡也、父携妾自廣寧歸、遇兵被俘、授馬屢墮、忽一女子握腕、趨遁荒竄、軍中亦無詰者、女子健步若飛隼、苦不

能從百步而屢屢褪焉。久之聞號嘶漸遠，乃釋手曰：別矣。前皆坦途，可緩行。爰汝者將至，宜與同歸。劉知爲狐，感之，因述其留蓋之故。女言其叔爲擇婿於方氏，未委禽而亂適作。劉始知舅言非妄，携女馬上，疊騎而歸。入門，則老母無恙，大喜，繫馬入，俱道所由。母亦喜，爲女盥濯，妝竟，容光煥發。母撫掌曰：無怪痴兒魂夢不置也。遂設裋褥，使從已宿。又遣人赴蓋，寓書於姚。不數日，姚夫婦俱至。卜吉成禮，乃去。劉出藏篋，

封識儼然、有粉一函、啟之、化為赤土、劉異之、女掩口
曰、數年之盜、今始發覺矣、爾日見、卽任妾包裹、更不
審及真偽、故以此相戲耳、方嬉笑間、一人舉簾入曰、
快意如此、當謝蹇修否、劉視之、又一阿繡也、急呼母、
及家人悉集、無有能辨識者、劉回眸亦迷、注目移
時、始揖而謝之、女子索鏡自照、赧然趨出、索之已杳、
夫婦感其義、為位於室而祀之、一夕劉醉歸、室暗無
人、方自挑燈、而阿繡至、劉挽問何之、笑曰、醉臭熏人、

使人不堪。如此盤詰，誰作桑中逃耶？劉笑捧其頰，女曰：「即視妾與狐姊孰勝？」劉曰：「卿過之。」然皮相者不辨也。已而閤扉相狎，俄有叩門者。女起笑曰：「君亦皮相者也。」劉不解，趨啟門，則阿繡入。大愕，始悟適與語者狐也。暗中猶聞咲聲。夫妻望空而禱，祈求現像。狐曰：「我不願見阿繡。」問何不另化一貌？曰：「我不能。」問何故不能？曰：「阿繡吾妹也。前世不幸夭殂，生時與余從母之天宮，見西王母，心竊愛慕，歸即刻意效之。妹較我」

慧一月神似我學三月而後成然終不及妹今已隔世自謂遇之不意猶昔耳我感汝兩人誠故時復一至今去矣遂不復言自此三五日輒一來一切疑難悉決之值阿繡歸寧嘗數日住家人皆惧避之每有亡失則華妝端坐插玳瑁簪長數寸朝家人而莊語之所竊物夜當送至某所不然頭痛大作悔無及天明果拉某所獲之三年後絕不復來偶失金帛阿繡效其妝赫家人亦屢效焉

小翠

王太常、越人、總角時晝卧榻上、忽陰晦、巨霆暴作、一物大於猫來、伏身下、展轉不離、移時晴霽、物即逕出、視之、非猫、始怖、隔房呼兄、聞喜曰、弟必大貴、此狐來避雷霆劫也、後果少年登進士、以縣令入為侍御、生一子名元豐、絕痴、十六歲不能知牝牡、因而鄉黨無與為婚者、王憂之、適有婦人率少女登門、自請為婦、視其女、嫣然展笑、真仙品也、喜問姓名、自言虞氏

女小翠年二八矣、與議聘金、曰是從我糠覈不得飽、
一旦置身廣廈、役婢僕、厭梁肉、彼意適我、願慰矣、豈
賣菜也而索直乎、夫人悅、優厚之、婦即命女拜王及
夫人、囑曰、此爾翁姑、奉侍宜謹、我大忙且去、三數日
當復來、王命僕馬送之、婦言里巷不遠、無煩多事、遂
出門去、小翠殊不悲戀、便即奩中翻取花樣、夫人亦
愛樂之、數日婦不至、以居里問女、亦慙然不能言
其道路、遂治別院、使夫婦成禮、諸戚黨聞拾得貧家

見作新婦、共姍咲之、見女皆驚、群議始息、女又甚慧、能窺翁姑喜怒、王公夫婦寵惜、過於常情、然惕、焉惟恐其憎子痴、而女殊歡笑、不為嫌、第善謔、刺布作圓、蹋蹴為笑、著小皮靴、蹴去數十步、給公子奔拾之、公子及婢恒流汗相属、一日王偶過、圓矍然來、直中面目、女與婢俱歛跡去、公子猶踴躍奔逐之、王怒、投之以石、始伏而啼、王以告夫人、夫人往責女、俛首微笑、以手刈席、既退、慙跳如故、以脂粉塗公子作花

面如鬼。夫人見之怒甚。呼女詬罵。女倚几弄帶。不惧。亦不言。夫人無奈。因杖其子。元豐大號。女始色變。屈膝乞宥。夫人怒頓解。釋杖去。女咲拉公子入室。代撲衣上塵。拭眼淚。摩挲杖痕。餌以棗栗。公子乃收涕。以忻。女閣庭戶。復裝公子作霸王。作沙漠人。已乃艷服束細腰。娑娑作帳下舞。或髻插雉尾。撥琵琶。丁丁綫。然喧笑一室。日以為常。王公以子痴。不忍過責婦。即微聞焉。亦若置之。同巷有王給諫者。相隔十餘戶。

然素不相能。時值三年大計，吏忌公握河南道篆，思中傷之。公知其謀，憂慮無所為計。一夕早寢，女冠帶飾冢宰狀，剪素絲作濃髭，又以青衣飾兩婢為虞候，竊跨廐馬而出。戲云：將謁王先生。馳至給諫之門，即以鞭撻從人，大言曰：我謁侍御王，寧謁給諫王耶？回轡而歸。比至家門，者誤以為真，奔白王公，急起承迎。方知為子婦之戲，怒甚。謂夫人曰：人方蹈我之瑕，反以閨閣之醜登門而告之，余禍不遠矣。夫人

怒奔女室，詬讓之。女惟笑聽，並不一置詞。撻之不忍，出之則無家。夫妻懊怨，終夜不寐。時冢宰某公赫甚，其儀采服從與女偽妝，無少殊別。王給諫亦誤為真，屢偵公門。中夜而客未出，疑冢宰與公有陰謀。次日早朝，見而問曰：「夜相公至君家耶？」公疑其相譏，慚顏唯々，不甚回答。給諫愈疑謀，遂寢。由此益交歡。公探知其情，竊喜而陰囑夫人勸女改行。女笑應之。逾歲，首相免，適有以私函致公者，誤投給諫。給諫大喜。

先托善公者往假萬金，公拒之。給諫自詣公所，公覓巾袍並不可得。給諫伺候久，怒公慢，忿將行，忽見公子衮衣旒冕，有女子自門內推之以出，大駭，已而笑撫之，脫其服冕，襪之而去。公急出，則客去已遠。聞其故，驚顏如土，大哭曰：「此禍水也，指日赤吾族矣！」與夫人操杖往，女已知之，閤扉任其詬詈。公怒斧其門，女在內含笑而告曰：「翁無怒，有新婦在，刀鋸斧鉞，婦自受之，必不令貽害。復親翁若此，是欲殺婦以滅口耶。」

公乃止。給諫歸。果抗疏。揭王不軌。衮冕作據。上驚駭之。其旒冕乃梁黠心所製。袍則敗布黃袂也。上怒其誣。又召元豐至。見其慙狀。可掬。笑曰。此可以作天子耶。乃下之法司。給諫又訟公家有妖人。法司嚴詰。臧獲。並言無他。惟顛婦痴兒。日事戲笑。鄰里亦無異詞。案乃定。以給諫充雲南軍。王由是竒女。又以母久不至。意其非人。使夫人探詰之。女但笑不言。再復窮問。則掩口曰。兒玉皇女。母不知耶。無何。公擢京卿。五十

餘每患無孫女居三年、夜、與公子異寢、似未嘗有所私、夫人舁榻去、囑公子與婦同寢、過數日、公子告母曰、借榻去、悍不還、小翠夜、以足股加腹上、喘氣不得、又慣搯人股裏、婢媼無不粲然、夫人呵拍令去、一日女浴於室、公子見之、欲與偕、女笑止之、諭使姑待、既出、乃更瀉熱湯於甕、解其袍袴、與婢扶入之、公子覺蒸悶、大呼欲出、女不聽、以衾蒙之、少時無聲、啟視已絕、女坦笑不驚、曳置床上、拭體乾潔、加複被焉、

夫人聞之哭而入罵曰狂婢何殺吾兒女蹶然曰如此痴兒不如無有夫人益恚以首觸女婢輩爭曳勸之方紛譟間一婢告曰公子呻矣夫人輟涕撫之則氣息休々而大汗浸淫沾浹茵褥食頃汗已忽開目四顧徧視家人似不相識曰我今回憶往昔都如夢寐何也夫人以其言不痴大喜如獲異寶至晚還榻故處更設衾枕以覘之公子入室盡遣婢去早窺之則榻虛設自此痴顛皆不復作而琴瑟靜好如形影

馬年餘公爲給諫之黨奏劾免官小有墨誤舊有廣西中丞所贈玉瓶價累千金將出以賄當路女愛而把玩之失手墮碎慚而自投公夫婦方以免官不快聞之怒交口呵罵女忿而出謂公子曰我在汝家所保全者不止一瓶何遂不少存面目寔與君言我非人也以母遭雷霆之劫深受而翁庇翼又以我兩人有五年夙分故以我來報曩恩了夙願耳身受唾罵擢髮不足以數所以不即行者以五年之愛未盈今

何可以暫止乎。盛氣而出，追之已杳。公爽然自失而悔無及矣。公子入室，睹其賸粉遺鈎，痛哭欲死，寢食不甘。日就羸悴。公大憂，急為膠續以解之。而公子不樂，惟求良工畫翠小像，日夜澆禱其下。幾二年，偶以故自他里歸，明月已皎，村外有公家園亭，騎馬經墻外，過聞笑語聲，停轡使廐卒捉鞍，登鞍一望，則二女卽遨戲其中。雲月昏蒙，不甚可辨，但聞一翠衣者曰：「婢子當逐出門。」一紅衣者曰：「汝在吾家園亭，反逐阿。」

誰翠衣人曰、婢子不羞、不能作婦、被人驅遣、猶冒認物產耶、紅衣人曰、索勝老大婢無主顧者、聽其音酷類小翠、疾呼之、翠衣人去曰、姑不與若爭、汝漢子來矣、既而紅衣人來、果翠、喜極、女令登垣、承接而下之、曰、二年不見、骨瘦一把矣、公子握手泣下、具道相思、女言妾亦知之、但無顏復見家門、今與大姊遊戲、又相邂逅、足知前因不可逃也、請與同歸、不可、請止園中、許之、公子遣僕奔白夫人、夫人驚起、駕肩而往、啟

鑰入亭。女趨下迎拜。夫人捉臂流涕。力白前過。幾不自容。曰。若不少記。榛梗請偕歸。慰我遲暮。女峻辭。不可。夫人慮野亭荒寂。謀以多人服役。女曰。我諸人悉不願見。惟前兩婢朝夕相從。不能無眷注耳。外惟一老僕應門。餘都無所復須。夫人悉如其言。托公子養疴園中。日供食用而已。女每勸公子別婚。公子不從。後年餘。女眉目音聲漸與曩異。出像質之。迥若兩人。大怪之。女曰。視妾今日。何如疇昔美。公子曰。今日美。

則美矣。然較疇昔則似不如。女曰噫。妾老矣。公子曰。二十餘歲。何得速老。女笑而焚圖。救之已燼。一日謂公子曰。昔在家時。阿翁謂妾抵死不作繭。今親老君孤。妾寔不能產育。恐悞君宗嗣。請娶婦於家。早晚奉侍翁姑。君往來於兩間。亦無所不便。公子然之。納幣於鍾太史之家。吉期將近。女為新人製衣履。賫送母所。及新人入門。則言貌舉止。與小翠無毫髮之殊。大奇之。往至園亭。則女已不知所在。問婢。婢出紅巾曰。

娘子暫歸寧、留此貽公子、展巾則結玉玦一枚、心知其不返、遂携婢俱歸、雖頃刻不忘小翠、幸而對新人如睹舊好、始悟鍾氏之姻、女預知之、故先化其貌、以慰他日之思云、

異史氏曰、一狐也、以無心之德、而猶思所報、而身受再造之福者、顧失聲於破甑、何其鄙哉、月缺重榮、從容而去、始知仙人之情、亦更深於流俗也、

金和尚

金和尚、諸城人。父無賴，以數百錢鬻於五蓮山寺。小頑鈍，不能肄清業。牧猪赴市，若傭保。後本師死，稍有遺金，捲懷離寺，作負販去。飲羊登壟，計最工。數年暴富，買田宅水坡里，弟子繁有徒，食指日千計。繞里膏田千百畝，里中起第數十處，皆僧無人，即有亦貧無業。携妻子就屋佃田者也。每一門內，四繚連屋，皆此輩列而居。僧舍其中，前有廳事，梁楹節稅，繪金碧射人眼。堂上几屏，晶光可鑑。又其後為內寢，朱簾繡幙。

蘭麝充溢噴人、螺鈿雕檀為床、上錦茵褥、褶疊厚
尺有咫、壁上美人山水諸名跡、懸粘幾無隙處、一聲
長呼、門外數十人轟應如雷、細纓革靴者皆烏集鵠
立、受命皆掩口語、側耳以聽、客倉卒至、十餘筵可吐
嗟辨、肥醴蒸薰紛々、狼籍如霧霈、但不敢公然蓄歌
妓、而狡童十數輩、皆慧黠能媚人、皂紗纏頭、唱艷曲、
聽覩亦頗不惡、金若一出、前後數十騎、腰弓矢相摩
戛、奴輩呼之皆以爺、即邑之人民、或祖之、伯叔之、不

以師、不以上人、不以禪號也。其徒出、稍、殺於金、而風髻霧鬘、亦畧與貴公子等。金又廣結納、即千里外呼吸亦可通、以此挾方面長短、偶氣觸之、輒惕、自惧、而其為人鄙不文、頂趾無雅骨。生平不奉一經、持一咒、跡不履寺院、室中亦未嘗蓄鐃鼓。此等物門人輩弗及見、並弗及聞。凡僦屋者、婦女浮麗如京都、脂澤金粉、皆取給於僧、亦不之靳。以故里中不田而農者、以百數。時而惡佃、決僧首瘞床下、亦不甚窮詰。

但逐去之、其積習然也、金又買異姓兒、私子之、延儒
師教帖括業、兒聰慧能文、因令入邑庠、旋援例作太
學生、未幾赴北闕、領鄉薦、由是金之名以太公噪、向
之爺之者太之、膝席者皆垂手執兒孫禮、無何太公
僧薨、孝廉縗經卧苦塊、北向稱孤、諸門人釋杖滿床
榻、而靈幃後嚶々細泣、惟孝廉夫人一而已、士大夫
婦咸華妝來、舉帷弔唁、冠蓋輿馬塞道路、殯日棚閣
雲連、播幢翳日、殉葬芻靈、飾以金帛、輿蓋儀仗數十

事馬千匹、美人百袂、皆如生、方弼方相、以紙殼製巨
人、皂帕金鎧、空中而橫、以木架、納活人入、負之行、設
机轉動、鬚眉飛舞、目光燦閃、如將叱咤、觀者驚怪、或
小兒女遙望之、輒啼走、真宅壯麗如宮闕、樓閣房廊、
連垣數十畝、千門萬戶、入者迷不可出、祭品象物多
難持名、會葬者蓋相摩、上自方面、皆偃倭入、起拜如
朝儀、下至貢監簿史、則手據地以叩、不敢勞公子、勞
諸師叔也、當是時、傾國瞻仰、男女喘汗、屬於道、携婦

襁兒呼兄覓妹者聲鼎沸、襍以鼓樂喧阗、百戲鞞鞞、
人語都不可聞、觀者自肩以下皆隱不見、惟萬頂攢
動而已、有孕婦痛急欲產、諸女伴張裙為幄、羅守之、
但聞兒啼、不暇問雌雄、斷幅綳懷中、或扶之、或曳之、
蹙蹙以去、竒觀哉、葬後、以金所遺資產、瓜分而二之、
子一、門人一、孝廉得半、而居第之南、之北、之東西、盡
緇、皆兄弟叙痛痒、猶相關云、

異史氏曰、此一派也、兩宗未有、六祖無傳、可謂獨

闢法門者矣、抑聞之、五蘊皆空、六塵不染、是謂和
尚、口中說法、座上參禪、是謂和樣、鞋香楚地、笠重
吳天、是謂和撞、鼓鉦鐃聒、笙管教曹、是謂和唱、狗
苟鑽緣、蠅營淫賭、是謂和幃、金也者、尚耶、樣耶、唱
耶、撞耶、抑地獄之幃耶、

役鬼

山西楊醫、善針灸之術、又能役鬼、一出門則捉騾操
鞭者皆鬼物也、嘗夜自他歸、與友人同行、途中見二

人來修偉異常、友人大駭、楊便問何人、答云、長脚王、大頭李、敬迓主人、楊曰、為我前驅、二人旋踵而行、蹇緩、則立候之、若奴隸然、

細柳

細柳娘、中都之士人女也、或以其飄娘可愛、戲呼之、細柳云、柳少慧、解文字、喜讀相人書、而生平簡默、未嘗言人臧否、但有問名者、必求一親、窺其人、閱人甚多、俱言未可、而年十九矣、父母怒曰、天下迄無良匹、

汝將以了角老耶、女曰、我寔欲以人勝天、願久而不就、亦吾命也、今而後請惟父母之命是聽、時有高生者、世家名士、聞細柳之名、委禽焉、既醮、夫婦甚得、生前室有遺孤、小字長福、時五歲、女撫養周至、女或歸寧、福輒號啼從之、呵譴所不能止、年餘、女產一子、名之長怙、生問命名之義、荅言無他、但望其長依膝下耳、女於女紅、踈畧、常不留意、而於畝之南、東、稅之多寡、按籍而問、惟恐不詳、久之、謂生曰、家中事請置勿

碩待妾自爲之、不知可當家否、生如言、半載而家無廢事、生亦賢之、一日生赴鄰村飲酒、適有追捕賊者、過門而諄、遣奴委之不去、乃趨童招生歸、隸既去、生笑曰、細柳、今始知慧女不若痴男耶、女聞之、俛首而哭、生驚挽而勸之、女終不樂、生不忍以家政累之、仍欲自任、女不肯、晨興夜寐、經紀彌勤、每先一年、即儲來歲之賦、以故終歲未嘗見催租者、一至其門、又以此法計衣食、由此用度益舒、於是生乃大喜、嘗戲之

曰、細柳何細哉、眉細腰細、凌波細、且喜心思更細、女對曰、高即誠高矣、品高志高、文字高、但願壽數尤高、村中有貨美材者、女不惜重價致之、價不能足、又多方乞貸於戚里、生以其不急之物、固止之、卒弗聽、蓄之年餘、富室有喪者、以倍資贖諸其門、生因利而謀諸女、不可、問其故、不語、再問之、瑩、欲涕、心異之、然不忍重拂焉、乃罷、又逾歲、生年二十五、女禁不令遠遊、歸稍晚、童僕招請者相屬於道、於是同人咸戲

謗之一日生如友人飲覺體不快而歸至中途墜馬遂卒時方溽暑幸衣衾皆所夙備里中始共服細柳娘智福年十歲始學爲文父既歿嬌情不肯讀輒亡去從牧兒遨譙訶不改繼以夏楚而冥頑如故母無奈之何因呼而諭之曰既不願讀亦復何能相強但貧家無冗人便更若衣使與僮僕共操作不然鞭撻無悔於是衣以敗絮使牧豕歸則自掇陶器與諸僕啗飯粥數日苦之泣跪庭下願仍讀母返身向壁置

不聞不得已執鞭啜泣而出、析無衣、足無履、令雨沾濡、縮頭如丐、里人見而憐之、納繼室者、皆引細柳娘為戒、責有煩言、女亦稍聞之、而漠不為意、福不堪其苦、棄豕逃去、女亦任之、殊不追問、積數月、乞食無術、憔悴自歸、不敢遽入、哀求鄰媪往白母、女曰、若能受百杖可來見、不然、早復去、福聞之、驟入痛哭、願受杖、母問、今知改悔乎、曰、悔矣、曰、既知悔、無須撻楚、可安分牧豕、再犯不宥、福大哭曰、願受百杖、請復讀、女

不聽鄰姬慙怨之。始納焉，濯髮授衣，令與弟怙共師。勤身銳慮，大異往昔。三年遊泮，中丞楊公見其文而器之。月給常廩以助燈火。怙最鈍，讀數年不能記姓名。母令棄卷而農。怙游閒憚於作苦，母怒曰：「四民各有本業，既不能讀，又不能耕，寧不溝瘠死耶？」立杖之。由是率奴輩耕作，一朝晏起，則詬罵之，而衣服飲食，母輒以美者歸兄。怙雖不敢言，而心竊不能平。農工既畢，母出貲使學。負販怙淫賭，入手喪敗，詭托盜賊。

連數以欺其母，覺之杖責瀕死，福長跪哀乞，願以身代，怒始解。自是一出門，母輒探察之。怙行稍斂，而非其心之所得已也。一日請諸母，將從諸賈入洛，寔借遠遊以快所欲，而中心惕，惟恐不遂。所請，母聞之殊無疑慮，即出碎金三十兩為之具裝束，又以鑊金一枚付之曰：「此乃祖宦囊之遺，不可用去，聊以壓裝備急可耳。且汝初學跋涉，亦不敢望重息，只此三十金，得無虧負足矣。」臨行又囑之，怙諾而出，欣意。

自得至洛、謝絕客侶、宿名娼李姬之家、凡十餘夕、散金漸盡、自以巨金在橐、初不以空匱自慮、及取而斫之、則偽金耳、大駭失色、李媼見其狀、冷語侵客、怙心不自安、然囊空無所向往、猶冀姬念夙好、不即絕之、俄有二人握索入、驟繫項領、驚惧不知所為、哀問其故、則姬已竊偽金去、首公庭矣、至官不能置辭、拷掠幾死、收獄中、又無資斧、大為獄吏所虐、乞食於囚、苟延餘息、初怙之行也、母謂福曰、記取二十日後、當遣

汝之洛、我事繁、恐忽忘之、福請所謂、黯然欲悲、不敢復請而退、過二十日而問之、嘆曰、汝弟今日之浮蕩、猶汝昔日之廢學也、我不冒惡名、汝何以有今日、人皆謂我忍、但泪浮枕簟、而人不知耳、因泣下、福侍立敬聽、不敢研詰、泣已、乃曰、汝弟蕩心不死、故授之偽金以挫折之、今度已在縲紲中矣、中丞待汝厚、汝往求焉、可以脫其死難、而生其愧悔也、福立刻而發、比入洛、則怙被逮已三日矣、即獄中而望之、怙奄然面

如鬼見、兄涕不可仰、福亦哭、時福為中丞所寵異、故遐邇皆知其名、邑宰知為怙兄、急釋之、怙至家、猶恐母怒、膝行而前、母頷曰、汝願遂耶、怙零涕不敢復作聲、福亦同跪、母始叱之起、由是痛自悔、家中諸務、經理維勤、即偶情、母亦不呵問之、凡數月、並不與言商賈、怙欲自請而不敢、以意告兄、母聞而喜、並力質貸而付之、半載而息倍焉、是年福秋捷、又三年登第、貨殖累巨萬矣、邑有客洛者、窺見太夫人、年四旬、猶若

三十許人、而衣妝朴素、類常家云、

異史氏曰、黑心符出、蘆花變生、古與今如一邱之貉、良可哀也、或有避其謗者、又每矯枉過正、至坐視兒女之放縱、而不一置問、其視虐遇者幾何哉、獨是日撻所生、而人不以為暴、施之異腹兒、則指摘從之矣、夫細柳非獨忍於前子也、然使所出賢、亦何能出此心、以自白於天下、而乃不引嫌、不辭謗、卒使二子一貴一富、表、於世、此無論閨闈、當

亦丈夫之錚々者矣。

畫馬

臨清崔生家屢貧，園垣不修，每晨起輒見一馬卧露草間，黑質白章，惟尾毛不整，似火燎斷者，逐去，夜復來，不知其所自至。崔有善友官於晉，每欲往就之，而苦無健步，遂捉馬施勒，乘之而去。囑家人曰：「倘有尋馬者，當如晉以告。」既就途，馬驚駛，瞬息百里，夜不甚啖芻豆，意其病。次日緊啣，不令馳，而馬蹄嘶噴沫，健

怒如昨、復縱之、午已達晉、時騎於市廛、觀者無不稱嘆、晉王聞之、以重直購之、崔恐為失者所尋、以故不敢售、居半年、家中無耗、遂以八百金貨於晉邸、乃自市健驃以歸、後王以急務、遣校尉騎赴臨清、馬逸追至崔之東鄰、入門不可復見、索諸主人、主人魯姓寔莫之覩、及入其堂、見壁間画子、昂畫馬一幀、內一匹毛色渾似、尾處為香炷所燒、始悟馬画妖也、校尉難復王命、因訟魯、時崔得馬資、居積盈萬、自願以其直

代魯付校尉而去。魯甚德之，而不知即當年之售主也。

局詐三條

某御史家人偶立市間，有一人衣冠華好，近與攀談。漸問主人姓字，又審官闕。家人並告之。其人自言王姓，貴主家之內史也。語漸款洽，因曰：「官途險惡，顯者皆附於貴戚之門，尊主人所托何人也？」答言：「無之。」王曰：「此所謂惜小費而忘大禍者也。」家人曰：「何托而可？」

王曰、公主待人以禮、又能覆翼人、某侍郎亦僕階進、倘不惜千金贄、見公主當亦非難、家人喜、問其居止、便指一門曰、日同巷不知耶、家人歸告御史、御史喜、即張盛筵、使家人往邀王、欣然來、筵間道公主情性、及起居瑣事甚詳、且言非同巷之誼、即賜百金賞、不肯效牛馬、御史益佩戴之、臨別訂約、王曰、公但備物、僕乘間言之、旦晚當有以報命、越數日始至、騎駿馬甚都、謂御史曰、可速治裝行、公主事大煩、投謁者

踵日相接、自晨及夕、常不得一閒、今得少隙、宜急往、
誤則相見無期矣、御史乃出、兼金重幣、從之而去、曲
折十餘里、始至公主第、下騎祇候、王先持贊入、久之
出、宣言主召某御史、即有數人接遞傳呼、御史偃倭
而入、見高堂上坐麗人、姿貌如仙、服飾炳耀、侍姬皆
著錦衣、羅列成行、御史伏謁盡禮、傳命賜坐簷下、金
椀進茗、主畧致溫旨、御史肅而退、自內傳賜緞靴貂
帽、既歸、深德王持刺謁謝、則門閤無人、疑其侍主未

復三日三詣終不復見使人詢諸貴主之門則高扉
扃錮訪之居人並言此間從無貴主前有數人僦屋
而居今去已三日矣使反命主僕喪氣而已

副將軍某負貲入都將圖握篆苦無階一日有裘馬
者謁之自言內兄爲天子近侍茶已請問云目下有
某處將軍缺倘不吝重金僕囑內兄游揚聖主之前
此任可致大力者不能奪也某疑其唐突涉妄其人
曰此無煩踟躕某不過欲抽小數於內兄將軍錙銖

無所望、言定若干數、署券為信、待召見後、方求寔給、不效則汝金尚存、誰將懷中而攫之耶、某乃喜、諾之、次日復來、引某去、見其內兄、云姓田、烜赫如侯家、某叅謁、殊傲睨不甚、為禮、其人持券向某曰、適與內兄議、率非萬金不可、請即署券尾、某從之、田曰、人心叵測、事後慮有翻覆、其人笑曰、兄慮之過矣、既能予之、寧不能奪之耶、且朝中將相、有願納交而不可得者、將軍前程方遠、應不喪心至此、某亦力矢而出、其人

送之曰三日即覆公命逾兩日方西數人吼奔而入曰聖上坐待矣某驚甚疾趨入朝見天子坐殿上爪牙森立某拜舞已上命賜坐慰問殷勤顧左右曰聞某武烈非常今見之真將軍才也因曰某處險要地今已委卿勿負朕意候封有日耳某拜恩出即有前日裘馬者從至客邸依券兌付而去於是高枕待授日誇榮於親友過數日探訪之則前缺已有人矣大怒忿爭於兵部之堂曰某承帝簡何得授之他人

司馬怪之、及述寵遇、半如夢境、司馬怒、執下廷尉、始供其引見者之姓名、則朝中並無此人、又耗萬金、始得革職而去、異哉、武弁雖驍、豈朝門亦可假耶、疑其
中有幻術存焉、所謂大盜不操矛弧者也、

李生、嘉祥人、喜琴、偶適東郊、見工人掘土、得古琴、遂以賤直得之、拭之有異光、安絃而操、清烈非常、喜極、若獲拱璧、貯以錦囊、藏之密室、雖至戚不以示也、邑丞程氏、新蒞任、投刺謁李、故寡交遊、而以其先施

故報之。遇數日，又招飲，固請乃往。程為人風雅絕俗，議論瀟灑，李悅焉。越日，折柬酬之，歡笑益洽。由是月夕花晨，未嘗不相共也。年餘，偶於承辭中，見繡囊裏琴置几上，李便展玩。程問亦諳此否？李言非所長，而生平好之。程訝曰：「知交非一日，絕技胡不一聞？」撥爐焚沉香，請為小奏。李敬如教程曰：「大高手，願獻薄技，勿笑小巫也。」遂鼓御風曲，其聲泠泠然，有絕世出塵之意。李更傾倒，願師事之。自此二人以琴交，情分益

篤年餘盡傳其技。然程每詣李，但以常琴供之，未肯洩所藏也。一夕薄醉，丞曰：「某新肄一曲，兄願聞之乎？」為奏湘妃^曲，怨若泣。李極贊之。丞曰：「可恨無良琴，若得良琴，音調益勝。」李欣然曰：「僕蓄一琴，頗異凡品，今遇鍾期，何敢終秘。」乃啟櫝負囊而出。程以袍袂拂塵，憑几載鼓，剛柔應節，工妙入神。李聞之，擊節不置。丞曰：「區區拙技，負此良琴，若得荆人一奏，當有一兩聲可聽者。」李驚曰：「公閨中亦精之耶？」丞笑曰：「適此操

乃傳自細君者。李曰：恨在閨閣，小生不及聞耳。丞曰：我輩通家，原不以形跡相限。明日請携琴去，當使隔簾為君奏之。李悅。次日抱琴而往。丞即治具歡飲。少間將琴入，旋出即坐。俄見簾內隱隱有麗妝，頃之香流戶外。又少時絃聲細作，聽之不知何曲，但覺蕩心媚骨，令人魂魄飛越。曲終便來窺簾，竟二十餘絕代之姝也。丞以巨白勸醺，內復改絃為閒情之賦。李神形益惑，傾飲過醉，離席辭謝，即便索琴。丞曰：醉後懼

有蹉跌、請明日復臨、當令閨人盡其所長、李乃歸、次日詣之、則廨舍寂然、惟一老隸應門、問之、云五更携眷去、不知何作、言往復可三日耳、如期往伺之、日既暮、並無音耗、吏皂皆疑、以白令、破扃而窺其室、盡空、惟几榻猶存耳、達之上台、並不測其何說、李喪琴、寢食俱廢、不遠數千里訪諸其家、丞故楚產、三年前以捐貲授嘉祥丞、執其姓名、詢其里居、楚中並無其人、或言有道士程姓者、善鼓琴、又傳其有點金之術、

三年前忽去不復見、疑即其人、又細審年甲容貌、吻合不謬、乃知道士之納官、皆為琴也、知交年餘、並不言及音律、漸而出琴、漸而獻技、又漸而惑以佳麗、浸漬三年、得琴而去、道士之癖、更甚於李生也、天下之騙机多端、若道士者、猶騙中之風雅者矣、

鍾生

鍾慶餘、遼東名士也、應濟南鄉舉、聞藩邸有道士知人休咎、心嚮往之、二場後至趵突泉、適相值、年六十

餘鬚長過胸、一皤然、道人也、集問、灾祥者如堵、道士
悉以微詞授之、於衆中見生、忻與握手曰、君心術德
行可敬也、挽登閣上、屏人語、因問、莫欲知將來否、曰
唯、曰、子福命至薄、然今科鄉舉可望、但榮歸後、恐
不復見尊堂矣、鍾生至孝、聞之涕下、遂欲不試而歸、
道士曰、若過此一往、一榜亦不可得矣、生云、母死不
見、且不可復為人貴、為卿相、何加焉、道士曰、某夙世
與君有緣、今日必合盡力、乃以一丸授之、曰、可遣人

夙夜將去、服之可延七日、場畢而行、母子猶及見也、
生藏之、匆々而出、神志喪失、因計終天有期、早歸一
日、則多得一日之奉養、携僕貫驢、即刻東邁、馳里許、
驢忽返奔、鞭之不馴、控之則蹶、生無計、燥汗如雨、僕
勸止之、生不聽、又貫他驢、又如之、日已啣山、莫知為
計、僕又勸曰、明日即完場矣、何爭此一朝夕乎、請即
先主而行、計亦良得、不得已從之、次日草々竣事、立
時遂發、不遑啜息、星馳而歸、則母病綿惓、下丹藥漸

就痊可、入視之、就榻泣泣、母搖手止之、執手喜曰、適夢至陰司、見王者顏色霽和、謂稽爾生平、無大罪惡、今念汝子純孝、賜壽一紀、生亦喜、歷數日、果平健如故、未幾聞捷、辭母如濟、因賂內監、致意道士、道士欣然出、生便伏謁、道士曰、君既高捷、太夫人又增壽數、此皆盛德所致、道人何力焉、生又訝其預知、因而拜問、終身、道士云、君無大貴、但得耄耄足矣、君前身與我為僧侶、以石投犬、誤斃一蛙、今已投生為驢、論前

定數、君當橫折、今孝德感神、已有解星入命、固當無恙、但夫人前世、爲婦不貞、數應少寡、今君以德延壽、非其所偶、恐歲後瑤台傾也、生惻然良久、問繼室所在、曰在中州、今十四歲矣、臨別囑曰、倘遇危急、宜奔東南、後年餘、妻病果死、生舅令於江西、毋遣往省、即以便途過中州、將應繼室之讖、偶適一村、值臨河優戲、士女甚雜、方欲整轡趨過、有一失勒牡駟、隨之而行、致驟蹄跌、生回首以鞭擊駟耳、駟驚大奔、時有王

世子方六七歲、乳媪抱坐堤上、驢冲過、扈從不及防、擠墮河中、衆大譁欲執之、生縱驪絕馳、頓憶道士言、極力趨東南、約三十餘里、入一山村、有叟在門下、騎揖之、叟邀入、自言方姓、便詰所來、生叩伏在地、具以情告、叟言不妨、請即寄居此間、當使徼者去、至晚得耗、始知為世子、叟大駭曰、他家可以為力、此真爱莫能助矣、生哀不已、叟籌思曰、不可為也、請過宵聽其緩急、或可再謀、生愁怖終夜不枕、次日偵聽、則已行

牒訊察、收藏者棄市。叟有難色，無言而入。生疑懼，無以自安。中夜，叟來叩扉入，少坐，便問夫人年幾何矣。生以鰥對。叟喜曰：「吾謀濟矣。」問之，答云：「姊夫慕道，挂錫南山，姊又謝世，遺有孤女，從僕鞠養，亦頗慧，以奉箕箒，何如？」生喜符道士之言，而又異親戚密邇，可以得其周謀，曰：「小生誠幸矣，但遠方罪人，深恐貽累丈人。」叟曰：「此即為君謀也。姊夫道術頗神，但久不與人事矣。合卺後，自與甥女籌之，必合有計，生益喜，贅焉。」

女十六歲、艷絕無雙、生每對之、欵欵女云、妾即陋、何
遂遽見嫌惡、生謝曰、娘子仙人、相偶為幸、但有禍患、
恐致乖違、因以寔告、女怨曰、舅乃非人、此彌天之禍、
不可為謀、乃不明言、而陷我於坎窞、生長跪曰、是小
生以死命哀舅、慈悲而窮於術、知卿能生死人而
肉白骨也、某誠不足稱好述、然家門幸不辱、冥倘得
再生、香花供養有日耳、女嘆曰、事已至此、夫復何辭、
然父自削髮招提、兒女之愛已絕、無已同往、哀之恐

擔挫辱不淺也、乃一夜不寐、以毡綿厚作蔽膝、夫妻
隱著衣底、然後喚肩輿入南山、十餘里、山徑拗折、絕
險不復可乘、下輿、女跬步甚艱、生挽臂曳扶、竭蹶始
得上達、不遠即見山門、共坐少憩、女喘汗淫、粉黛
交下、生見之情不可忍、曰為某事、遂使卿罹此苦、女
愀然曰、恐此尚未是苦、困少蘓、相將入蘭若、禮佛而
進、曲折入禪堂、見老僧趺坐、目若瞑、一童執拂侍之、
方丈中掃除光潔、而坐前悉布沙礫、密如星宿、女不

敢擇入跪其上。生亦從諸其後。僧開眸一視。即復瞑去。女叅白久不定省。今女已嫁。故偕婿來。僧久之啟視曰。妮子大累人。即不復言。夫妻跪良久。筋力俱殆。沙礫將壓入骨。痛不可支。又移時。乃言曰。將驀來未。女答言未。曰。夫妻即去。可速將來。二人拜而起。狼狽而行。既歸。謹如其命。不解其意。但伏聽之。過數日。相傳罪人已得。伏誅訖。夫妻相慶。無何山中遣僮來。以斷杖付生云。代死者此君也。便囑葬祭。以解竹木之

冤生視之、斷處有血痕焉、乃祝而葬之、夫妻不敢久居、星宿歸遼陽、

醫術

張氏者、沂之貧民、途中遇一道士、善風鑑、相之曰、子當以術業富、張曰、宜何從、又顧之曰、醫可也、張曰、我僅識之無耳、烏能是、道士笑曰、迂哉、名醫何必多識字乎、但行之耳、既歸、貧無業、乃捃拾海上方、即市廛中、除地作肆、設魚牙蜂房、謀升斗於口舌之間、而人

亦未之奇也。會青州太守病嗽，牒檄所屬徵醫。沂故山僻，少醫工，而令惧無以塞責，因責里中使自報。於是共舉張，令立召之。張方痰喘不能自療，聞命大惧，固辭，令弗聽。卒郵送之去。路經深山，渴極，咳愈甚，入村求水，而山中水價與玉液等，徧乞之，無與者。見一婦漉野菜，多水寡，盎中濃濁如涎。張燥急難堪，便乞餘瀡飲之，少間渴解，嗽亦頓止。陰念殆良方也。比至郡，諸邑醫工已先施治，並未痊減。張入求密所，偽

作藥目、傳示內外、復遣人拉民間索諸藜藿、如法淘汰訖、以汁進太守、一服病良已、太守大悅、賜賚甚厚、旌以金匾、由此名大譟、門常如市、應手無不悉效、有病傷寒者、言症求方、張適醉悞、以瘧劑予之、醒而悟、不敢以告人、三日後有盛儀造門而謝者、問之、則傷寒之人、大吐大下而愈矣、此類甚多、張由此稱素封、益以聲價自重、聘者非重貲安輿不至焉、

益都韓公、名醫也、其未著時、貨藥於四方、暮無宿

所投止一家、則其子傷寒將死、因請施治、韓思不治、則去此莫適、而治之誠無術、往復跣度、以手搓體、而汗垢成片、捻之如丸、頓思以此給之、當亦無所害、曉而不愈、已賺得寢食安飽矣、遂付之、中夜主人搥門甚急、意其子死、恐被侵辱、驚起踰垣疾遁、主人追之數里、韓無所逃、始止、乃知病者汗出而愈矣、挽回、款宴豐隆、臨行厚贈之、

鴻

天津弋人得一鴻其雄者隨至其家哀鳴翱翔抵暮始去次日弋人早出則鴻已至飛蹠從之既而集其足下弋人將並捉之見其伸頸俛仰吐出黃金半錠弋人悟其意乃曰是將以贖婦也遂釋雌兩鴻徘徊若相悲喜遂雙飛而去弋人稱金得二兩六錢噫禽鳥何知而鍾情若此悲莫悲於生離別物亦然耶

象

廣中有獵獸者挾矢入山偶卧憇息不覺沉眠被象

鼻攝而去、自分必遭殘害、未幾釋置大樹下、頓首一
鳴、群象紛至、四面旋繞、若有所求、前象伏樹下、仰視
樹而俛視人、似欲其登、獵者會意、即以足踏象背、攀
援而升、雖至樹巔、亦不知其意向所存、少間有狻猊
來、衆象皆伏、狻猊擇一肥者、意將搏噬、象戰栗無敢
逃者、惟共仰樹上、似求憐拯、獵者因望狻猊發一弩、
狻猊立殪、諸象瞻空、意若拜舞、獵者乃下、象復伏、以
鼻牽衣、似欲其乘、獵者遂跨身其上、象乃行至一處、

以蹄穴地得脫牙無筭獵人下束置已象乃負送出山始返。

周克昌

淮上貢生周天儀年五旬止一子名克昌愛暱之至十三四歲丰姿益秀而性不喜讀輒逃塾從羣兒戲恒終日不返周亦聽之一日既暮不歸始尋之殊竟烏有夫妻號跳幾不欲生年餘昌忽自至言為道士迷去幸不見害值其他出得逃歸周喜極亦不追問

及教以讀。慧悟倍於曩時。踰年文思大進。既入郡庠。試遂知名。世族爭婚。昌頗不願。趙進士女有姿。周強爲娶之。既入門。夫妻調笑甚歡。而昌恒獨宿。若無所私。逾年秋戰而捷。周益慰。然年漸暮。日望抱孫。故常隱諷昌。昌漠若不解。母不能忍。朝夕多絮語。昌變色出曰。我久欲亡去。所不遽舍者。願復之情耳。寔不能探討房帷以慰所望。請仍去。彼順志者。且復來矣。追曳之。已踣。衣冠如脫。大駭。疑昌已死。是必其鬼也。悲。

嘆而已。次日昌忽僕馬而至，舉家惶駭，近詰之，亦言
為惡人掠賣於富商之家，商無子，得昌後，忽生
一子，昌思家，遂送之歸，問所學，則頑鈍如昔，乃知此
為真昌。其入泮鄉捷者，鬼之假也。然竊喜其事未泄，
即使襲孝廉之名，入房婦甚狎熟，而昌覲然有忤色，
似新婚，甫周年生子矣。

異史氏曰：古言庸福人，必鼻口眉目之間有少庸，
而後福隨之，其精光陸離者，鬼所棄也。庸之所在，

桂籍可以不入關而通、佳麗可以不親迎而致、而況少有憑借、益之鑽窺者乎、

王貨郎

濟南業酒某翁、遣子小二如齊河索貫價、出西門見兄阿大、時大死已久、二驚問哥那得來、答云、冥府一疑案、須第一証之、二作色怨訕、大指後一人如皂狀者曰、官役在此、我豈自由耶、但引手招之、二不覺從去、盡夜狂奔、至泰山下、忽見官衙、方將並入、見群眾

紛出、皂拱問事何如矣、一人曰勿須復入、結矣、皂乃
釋二令歸、大憂弟無資斧、皂思良久、即引二去、走二
三十里、入村、至一家檐下、囑云、如有人出、便使相送、
如其不肯、便道王貨郎言之矣、遂去、二冥然而僵、既
曉、第主出、見一人死門外、大駭、守移時、微蘇、扶入、餌
之、始言里居、即求資送、主人難之、二如皂言、主人驚
絕、急賃騎送之、歸、償之不受、問其故、亦不言而別、

罷龍

膠州王侍御出使琉球、舟行海中、忽自雲際墮一巨龍、激水高數丈、龍半浮半沉、仰其首、以舟承領、睛半啟、嗒然若喪、闔舟大恐、停橈不敢少動、舟人曰、此天上行雨之疲龍也、王懸勅於上、焚香共祝之、移時悠然遂逝、舟方行、又一龍墮如前狀、日凡三四、又踰日、舟人命多備白米、戒曰、去清水潭不遠矣、如有所見、但糝米於水、寂無譁、俄至一處、水清徹底、下有群龍、五色如盆如瓮、條々盡伏、有蜿蜒者、其鱗鬣爪牙、歷

歷可數衆神魂俱喪閉息合眸不惟不敢窺並不能動惟舟人握米自撒久之見海底深黑始有呻者因問擲米之故答云龍畏蛆恐入其甲白米類蛆故龍見輒伏舟行其上可無害也

馮木匠

撫軍周有德改創故藩邸為部院衙署時方鳩工有木作匠馮明寰直宿其中夜方就寢忽見紋窗半開月明如晝遙見短牆上立一紅雞注目問雞已飛搶

至地、俄一少女露半身來相窺、馮疑為同輩所私、靜聽之、衆已熟眠、私心怔忡、竊望其悞投也、少間女果越窓、過、逕入已懷、馮喜嘿、不一言、歡畢、女亦遂去、自此夜、至、初猶自隱、後遂明告、女曰、我非悞就、敬相投耳、兩人情日密、既而工滿、馮欲歸、女已候於曠野、馮所居村、離郡不甚遠、女遂從去、既入室、家人皆莫之睹、始知其非人、迨數月、精神漸減、心益惧、延師鎮驅、卒無少驗、一夜女艷妝來向馮曰、世緣俱有定數、

當來推不去、當去亦挽不住、今與子別矣、遂去、

某甲

某甲私其僕婦、因殺僕內婦、生二子一女、閱十九年、巨寇破城、刦掠一空、一少年賊持刀入甲家、甲視之酷類死僕、自嘆曰、吾合休矣、傾囊贖命、迄不顧、亦不一言、但搜人而殺、共殺一家男女二十七口而去、甲頭未斷、寇去少蘓、猶能言之、三日尋斃、嗚呼、果報之不爽、可畏也哉、

衢州三怪

張握仲從戎衢州，云衢州夜靜時，人莫敢獨行，鐘樓上有鬼，頭上一角，象貌猙獰，聞人行聲即下，人駭奔，鬼亦遂去，而見之輒病，多死者。又城中一塘，夜出白布一疋，如匹練橫地上，過者拾之，即捲入水，又有鴨鬼，夜既定，塘邊寂無一物，若聞鴨聲即病。

拆樓人

何問卿，平陰人，初令秦中，一賣油者有薄罪，其言慙，

何怒、杖斃之。後仕至銓司、家豐富饒、建一樓、上梁日、親賓稱觴為賀、忽見賣油者入、陰自駭疑、俄報妾生子、愀然曰、樓工未成、折樓人已至矣、人謂其戲、而不知其寔有所見也、後子既長、最頑蕩、其家傭為人役、每得錢數文、輒買香油食之、

大蝎

明彭將軍宏、征寇入蜀、至深山中、有大禪院、云已百年、無僧、詢之土人、則謂寺中有妖、入者輒死、彭恐伏

寇率兵斬茅而入、前殿中有皂鵬、奪門飛去、中殿無異、又進之、則佛閣、周視亦無所見、而入者皆頭痛、不能禁、彭親入亦然、少頃有大蝎如琵琶、自板上蠢、而下、一軍驚走、彭遂火其寺、

司扎吏

遊擊官某妻妾甚衆、最諱其小字、呼年曰歲、生曰硬、馬曰大駝、又諱安為放、敗為勝、雖簡扎往來不甚避忌、而家人道之則怒、一日司扎吏白事悞犯、大怒、以

硯擊之立斃。三日後醉卧。見吏持刺入。問何為。吏白馬子安來拜。忽悟其鬼。急起拔刀揮之。吏微笑擲刺。几上泯然而沒。取刺視之。書云。歲家眷硬大駝子放勝。暴謬之夫。為鬼揶揄。可笑甚已。

牛首山一僧。自名鉄漢。又名鉄屎。有詩四十首。見者無不絕倒。自鏤印章二。一曰混賬行子。一曰老寔潑皮。秀水王司直梓其詩。名曰牛山四十屁。歟。云。混賬行子老寔潑皮放。不必讀其詩。其標名已

足解頤

聊齋誌異卷之十六

般陽蒲松齡柳泉甫著

嫦娥

太原宗子美、從父遊學、流寓廣寧、父與紅橋下林姬有素、一日父子過紅橋、遇之、因請過諸其家、淪茗共話、有女在旁、殊色也、翁極贊之、姬顧宗曰、大郎溫婉如處子、福相也、若不鄙棄、便奉箕帚如何、翁笑促子離席、使拜姬曰、一言千金矣、先是姬獨居、女忽自至、

告訴孤苦，問其小字，則名嫦娥。媼愛而留之，寔將奇貨居之也。是時宗年十四，睨女竊喜，意翁必媒定之。而翁歸若忘，心灼熱，以白母。翁聞而笑曰：「曩與貧婆子戲耳，彼不知將賣萬金幾何矣。此何可易言？」踰年，翁媼並卒。子美不能忘情嫦娥，服將闋，託人示意林媼。媼初不承，宗忿曰：「我生平不輕折腰，何媼視之不值一錢？若負前盟，須見還也。」媼乃云：「曩或與而翁戲，約容有之，但無成言，即都忘却。今既云，我豈留嫁？」

天王耶。要日、收束寔望易千金、今請半焉可乎。宗自度難辦、亦遂置之。適有寡媼、僦居西鄰、有女及笄、小名顛當、偶窺之、雅麗不減嫦娥、向慕之、每以饋遺。階進久之、漸熟、往、送情以目、而欲語無間。一夕踰垣乞火、宗喜挽之、遂相燕好、約為嫁娶、辭以兄負販未歸。由此蹈隙往來、影跡周密。一日偶經紅橋、見嫦娥適在門內、疾趨過之。嫦娥望見、招之以手、宗駐足。女又招之、遂入。女以背約讓宗、述其故、女便入室。

取黃金一錠付之、宗不受、辭曰、自分永與卿絕、遂他有所要、受金而為卿謀、是負人也、受金而不為卿謀、是負卿也、誠不敢有所負、女嘿良久曰、君所約妾、願知之、其事必無成、即令成之、妾不怨君之負心也、其速行、媼將至矣、宗倉卒無以自主、受之而歸、心緒勃亂、進退罔知所從、隔夜以告顓當、顓當深然其言、但勸宗揣意嫦娥、宗不語、顓當願下之、宗乃悅、即遣媒納金林姬、無詞以嫦娥歸宗、入門後、悉述顓當言、

嫦娥微笑、陽慙、思之、宗喜、急欲一白顛當、而顛當跡
久絕、嫦娥知其為已、因暫歸寧、故與之間、囑宗竊其
佩囊、已而顛當果至、與商所謀、但言勿急、既而解襟
狎笑、脇下有紫荷囊、將便摘取、女覺之、變色起曰、君
與人一心、而與妾二、負心、即請從此絕、宗屈意挽解、
不聽、竟去、一日過門、探察之、已另有吳客僦居其中、
蓋顛當子母徙去已久、影滅跡絕、莫可問訊、怨嘆而
已、宗自娶嫦娥、家暴富、連閣長廊、彌亘街路、嫦娥善

諧謔適見美人画卷宗曰吾自謂如卿天下無兩但不曾見飛燕楊妃耳女咲曰若欲見之即亦不難乃執卷細審一遍便趨入室對鏡修妝效飛燕舞風既又學楊妃帶醉長短肥瘦隨時變更風情意態對卷逼真方作態時有婢自外至不復能識驚問其僚既而審注恍然始咲宗喜曰吾得一美人而千古之美人皆在床闥矣一夜方熟寢數人撬扉而入火光射壁女急起驚言盜入宗初醒即欲嗚呼一人以白刃

加頸、懼不敢喘。又一人掠婦娥、負背上、闕然而去。宗始號、家役畢集、室中珍玩無少亡者。宗大悲、惘然失圖、無復情地。告官追捕、殊無音息。荏苒三四年、鬱、常不聊賴。因假赴試入都、居半載、占驗詢察、靡計不施。偶遇姚巷、值一女子、垢面羸衣、匡褰如丐、停趾相之。顛當也。駭曰：「卿何憔悴至此？」答曰：「別後南遷、老母即世、為惡人掠賣、旂下撻辱凍餒、所不忍言。」宗泣下、問可贖否。曰：「難矣。恐耗費繁多、不能為力。」宗曰：「寔告

卿年來頗稱小有，惜客中資斧有限，傾裝貸馬，所不敢辭。如所需過奢，當歸家營辦之。女約明日出西城，相會叢柳下，囑獨往，勿以人從。宗諾之。次日早往，則女先在，袿衣鮮明，大非前狀。驚問之，笑曰：曩試君心耳。幸綈袍之意猶存，請至敝廬，誼必得當一報。北行步武，即至其家，遂出肴酒，相與談讌。宗約與俱歸。女曰：妾多俗累，不能終從。嫦娥消息，固頗聞之。宗急詢何所。女曰：其行踪縹緲，妾亦不能深悉。西山有老尼，

一目眇、問之當自知、遂止宿其家、天明示以徑、宗至其處、有古寺、周墉盡額、叢竹內有茅屋半間、老尼綴衲其中、睹客至、漫不為禮、宗揖之、尼始舉頭致問、因告姓氏、即白所求、尼曰、八十老瞽、與世睽絕、何處知佳人消息、宗固求之、氣益下、乃曰、我寔不知、有二三戚屬來夕相遇、或小女子輩識之、未可知、汝明夕可來、宗乃出、次日再至、則尼他出、敗扉扃焉、伺之既久、更漏已摧、明月高揭、夜烏悲啼、恒惧無所復之、方徘徊

徊間遙見二三女郎自外入則嫦娥在焉宗喜極哭起急攬其袂嫦娥曰莽郎君嚇煞妾矣可恨顛當饒舌乃教情欲纏人宗曳坐拱手歎曲歷訴艱難不覺惻楚女曰寔相告妾寔嫦娥被謫浮沉俗間其限已滿托為寇劫所以絕君望耳尼亦王母守府者妾初謫時蒙其收恤故暇時常一臨存君如釋妾當為代致顛當宗不聽垂首隕涕女遙頷曰姊妹輩來矣宗方回顧而嫦娥已杳宗大哭失聲不欲復活因解帶

自縊恍惚覺神已出舍、俵、靡之、俄見嫦娥來、捉而
提之、足離於地、入寺、取樹上尸、推擠之、喚曰、痴、即痴
郎、嫦娥在此、忽若夢醒、少定、女恚曰、顛當賤婢、害妾
而殺郎君、我不能恕之也、下山賃輿而歸、既命家人
治裝、乃返身出西城、詣謝顛當、至則舍宇全非、愕嘆
而返、竊幸嫦娥不知、入門、嫦娥迎笑曰、君見顛當耶、
宗愕然不能答、女曰、君背嫦娥、烏得顛當、請坐待之、
當自至、未幾顛當果至、倉皇伏榻下、嫦娥疊指彈之、

曰、小鬼頭陷人不淺哉、顛當叩頭、但求賒死、嫦娥曰、推人坑中、而欲脫身天外耶、廣寒十一姑不日下嫁、須綉枕百幅、履百雙、可從我去、相共操作、顛當恭白、但求分工、按時賚送、女不許、謂宗曰、君若緩頰、即便放却、顛當目宗、笑不語、顛當目怒之、乃乞還告家人、許之、遂去、宗問其生平、乃知其西山狐也、買輿待之、次日果來、遂俱歸、或有問者、宗詭對之、然嫦娥重來、恒持重不輕諧笑、宗強使狎戲、惟密教顛當為之、

顛當慧絕工媚、嫦娥樂獨宿、每辭不當夕、一夜漏三下、猶聞顛當房中吃、不絕、使婢竊聽之、婢還不以告、但請夫人自往、伏窓一窺、則見顛當凝妝作已狀、宗擁抱呼以嫦娥、女哂而退、未幾顛當心暴痛、急褫衣、曳宗詣嫦娥所、入門便伏、嫦娥曰、我豈醫巫魘勝者耶、汝自欲捧心效西子耳、顛當頓首、但言知罪、女曰、愈矣、遂起、失咲而去、顛當私謂宗曰、吾能使娘子學觀音、宗不信、因戲相賭、嫦娥每愛趺坐、眸含若暝、

顛當俏以玉瓶挿柳置几上、自乃垂髮合掌侍立其側、櫻唇半啟、瓠犀微露、睛不少瞬、宗笑之、嫦娥開眸始問、顛當曰、我學龍女侍觀音耳、嫦娥咲罵之、罰使學童子拜、顛當束髮、遂四面朝、參之、伏地翻轉、呈諸變態、左右側折、襪能磨乎其耳、嫦娥解頤坐而蹴之、顛當仰首、口啣鳳鈎、微觸以齒、嫦娥方嬉笑間、忽覺媚情一縷、自足趾而上、直達心舍、意蕩思淫、若不能自主、乃急斂神、呵曰、狐奴當死、不擇人而惑之耶、顛

當釋口投地、嫦娥又厲責之、衆都不解、嫦娥謂宗曰、
顛當狐性不改、適間幾為其所迷、若非夙根深者、墮
落何難矣、自是見顛當、每嚴御之、顛當慚惧、告宗曰、
妾於娘子一肢一體、無不親愛、之極、不覺媚之甚、
謂妾有異心、不惟不敢抑、不忍、宗因以告嫦娥、嫦娥
遇之如初、然以嬉戲無節、數戒宗、不能從、因而大
小婢婦競相狎戲、一日二人扶一婢、效作楊妃、二人
以目會意、賺婢懈骨作酣態、兩手遽釋、婢暴顛墜下、

聲若傾堵，衆方大譁，近撫之，而妃子已作馬嵬薨矣。衆惧，急白主人，嫦娥驚曰：「禍作矣，我言何如哉？」往驗之，已不可救，使人告諸其父。某甲素無行，號奔而至，負尸入廳事，叫罵萬端。宗閉戶，惴恐莫知所措。嫦娥自出，責之曰：「主即虐婢至死，律無償法，且邂逅暴殂，烏知其不再甦？」甲譟言：「四肢已冰，焉有生理？」嫦娥曰：「勿譁，縱不活，自有官在。」乃入廳撫尸，而婢已蘊曳之，隨手而起。嫦娥反身責曰：「幸婢不死，賊奴何得無」

狀、可以草索繫送官府、甲無詞、長跪哀免、嫦娥曰、汝既知罪、暫免究處、但小人無賴、反覆何常、留汝女終為禍胎、宜即將去、原價若干數、當速為措置、遣人押出、俾免二三村老券証、署券已、乃喚婢至前、使甲自問之、無恙乎、答云無恙、而後付之以去、已乃朝諸婢、數責徧朴、又呼顛當為之厲禁、謂宗曰、今而知為人上者、一咲一頓亦不可輕、謔端開之自妾、而流弊遂不可止、凡哀者屬陰、樂者屬陽、極陰生、此循環之定

數婢子之禍是鬼神告之以漸也。荒迷不悟，則傾覆及之矣。宗敬聽之，顛當泣求拔脫。嫦娥乃摘其耳，逾刻釋手。顛當惘然為問，忽若夢醒，據地自投，歡喜欲舞。由此閨閣清肅，無敢譁者。婢至其家，無疾暴死。甲以贖金莫償，浼村老代求憐恕，許之。又以服役之情，施以材木而去。宗常患無子，嫦娥腹中忽聞兒啼，遂以刀破左脇出之。果男，無何復有身，又破右脇而出。一女，男酷類父，女酷類母，皆論婚於世家。

異史氏曰、陽極陰生、至言哉、然室有仙人、幸能極
我之樂、消我之災、長我之生、而不我之死、是鄉樂
老焉可矣、而仙人顧憂之耶、夫循環之數、理固宜
然、而世之長困而不一亨者、又何以為解哉、昔宋
人有求仙不得者、每曰、作一日仙人而死亦無憾、
我不復能笑之也、

褚生

順天陳孝廉、十六七歲時、嘗從塾師讀於僧寺、徒侶

綦繁內有褚生、自言東山人、攻苦講求、晷不暇息、且寄宿齋中、未嘗一見其婦、陳與最善、因詰之、答曰、僕家貧、辦束金不易、即不能惜寸陰、而加以夜半、則我二日、可當人三日、陳感其言、欲携榻來與共寢、褚止之曰、且勿且勿、我視先生學、非吾師也、阜城門有呂先生、年雖髦、可師、請與俱遷之、蓋都中設帳者多以月計、月終束金完、任其留止、於是兩生同詣呂、越之宿儒、落魄不能歸、因授童蒙、寔非其志也、得兩生

甚喜而褚又最慧過目輒了故尤器重之兩人情好
款密晝同几夜亦共榻月終褚忽假歸十餘日不復
至共疑之一日陳有故至天寧寺遇褚廊下劈榛淬
硫作火具焉見陳忸怩不自安陳問何遽廢讀褚握
手請問戚然曰寔相告家貧無以遺先生必半月販
始能一月讀陳感慨良久曰但往讀自合極力命從
人收其業同歸塾戒陳勿洩但托故以告先生陳父
固肆賈居物致富陳輒竊父金代褚遺師父以亡金

責陳，寔告之。父以為痴，遂使廢學。褚大慚，別師欲去。呂知其故，讓之曰：「子既貧，胡不早告？乃悉以金反。」陳父止褚讀如故，與共饗飧。若子焉。陳雖不入館，然每邀褚過酒家飲。褚固以避嫌不往，而陳要之彌堅。往，泣下。褚不忍絕，遂與往來無間。逾二年，陳父死，復求受業。呂感其誠，內之。而廢學既久，較褚懸絕矣。居半年，呂長子自越來丐食尋父。門人輩歛金助裝。褚惟洒涕依戀而已。呂臨別，囑陳師事褚。陳從之。館。

褚於家未幾陳入邑庠即以遺才應試陳慮不能終幅褚請代之至期褚偕一人來云是表兄劉天若囑陳暫從去陳方出褚忽自後曳之身欲踣劉急挽之而去覽眺一過相携宿於其家無婦女即館客於內舍居數日忽已中秋劉曰今日李皇親園中游人甚夥當往一豁積悶相便送君歸使人荷茶鼎酒具而往但見水肆梅亭喧啾不得入過水關則老柳之下橫一画橈相將登舟酒數行苦寂劉顧僮曰梅花

館近有新妓、不知在家否、僮去少時、與姬俱來、蓋构欄李過雲也、李都中名妓、工詩善歌、陳曾與友人一飲其家、故識之、相見畧道溫涼、姬戚々有憂容、劉命之歌、為歌蒿里、陳不悅曰、主客即不當卿意、何至對生人歌死曲、姬起謝、強顏為笑、乃歌艷曲、陳喜捉腕曰、卿向日浣溪紗、讀之數過、今並忘之、姬吟曰、泪眼盈盈對鏡台、寥簾忽見小姑來、低頭轉側看弓鞋、強解綠蛾開笑靨、頻將紅袖拭香腮、小心猶恐被人猜、

陳反覆數四、已而泊舟、過長廊、見壁上題咏甚多、即命筆記詞其上、日已薄暮、劉曰、闌中人將出矣、遂送陳歸、入門即別去、陳見室暗無人、俄延問褚生已入、細審之、却非褚、方自驚疑、客遽近身而仆、家人曰、公子憊矣、共扶曳之、轉覺仆者非他、即已也、既起、見褚生在旁、惚々若夢、屏人而研究之、褚曰、告之勿驚、我寔鬼也、久當投生、所以因循於此者、高誼所不能忘、故附君體以代捉刀、三場畢、此願了矣、陳復求赴春

閤曰君先世福薄慳吝之骨誥贈所不戡也問將何適曰呂先生與僕有父子分繫念常不能置表兄劉為冥司典簿求白地府主者或當有說遂別而去陳異之天明訪妓將以問泛舟之事則姬死數日矣又至皇親園見題句猶存而淡墨依稀若將沒滅始悟題者為魂作者為鬼至夕褚喜而至曰所謀幸成敬與君別遂伸兩手命陳書褚字於上以誌之陳將置酒為餞搖手曰勿須君如不忘舊好放榜後勿憚修

阻、陳揮涕送之、見一人伺候於門、褚方依、其人以手按其頂、随手而匾、掬入囊、負之而去、過數日、陳果捷、於是治裝如越、呂妻斷育幾十年、五旬餘、忽生一子、兩手握固、不可開、陳至、請相兒、便謂掌中當有文、曰褚、呂不深信、兒見陳、十指自開、視之果然、驚問其故、具告之、共相嘆異、陳厚貽之、乃返、後呂以歲貢試入都、舍於陳、則兒十三歲已入泮矣、

異史氏曰、呂日教門人、而不知即自教其子、嗚呼、

作善於人而降祥於已、一間也哉、褚生者、未以身報師、而先以魂報友、其志其行、可貫日月、豈以其鬼故竒之與、

霍女

朱大興、彰德人、家富有、而吝嗇已甚、非兒女婚嫁、座無賓、厨無肉、然桃達喜漁色、所在沉費、不惜、每夜踰垣過村、從蕩婦眠、一夜遇少婦獨行、知為亡者、強脇之、引與俱歸、燭之美絕、自言霍氏、細致研詰、女不

悅曰、既加收齒、何復盤察、如恐相累、不如早去、朱不敢問、留與寢處、顧女不能安粗糲、又厭見肉臃、必燕窩或雞心魚肚白作羹湯、始能飫飽、朱無奈、竭力奉之、又善病、自言日須參湯一碗、朱初不肯、女呻吟垂絕、不得已投之、病若失、遂以為常、女衣必錦繡、數日即厭其故、如是月餘、計所費不貲、朱漸不供、女啜泣不食、但求復去、朱惧、又委曲順承之、每苦悶、輒令十數日、一招優伶為戲、時朱設瓷簾外、抱兒坐觀之、

女以無客、數相誚罵、朱亦不甚分解、居二年、家漸落、向女婉言求少貶、女許之、用度皆損其半、久之、仍不給、女不得已、以面縻相安、又漸而不珍、亦御矣、朱竊喜、忽一夜、啟後閣、亡去、朱怡悵若失、徧訪之、乃知在鄰村何氏家、何大姓世胄也、豪縱好客、燈火達旦、忽有麗人、半夜入閨、閨詰之、則朱家之逃妾也、朱為人何素貌之、又悅女美、遂竟納焉、綢繆數日、益惑之、窮極奢欲、供奉一如朱、得耗坐索之、何殊不為意、朱

質於官、以其姓名來歷都不分曉、置不理、朱貨產
行賕、乃准拘質、女謂何曰、妾在朱家、亦非采禮媒定
者、胡畏之、何喜、將與質成、座客顧生、獨云、不可、謂收
納逃逋、已干國紀、況此女入門、日費無度、即千金之
家、何能久也、何大悟、罷訟、以女歸朱、過一二日、女又
逃、有黃生者、故貧士、無偶、女叩扉入、自言所來、黃懷
刑自愛、艷麗忽投、驚懼不知所為、固却之、女不去、應
對間、嬌婉無那、黃心動、留之、而慮其不能安貧、女早

起躬操家苦劬勞遇舊室焉黃為人蘊藉瀟灑工於
內媚恨相得晚止恐風聲露洩為歡不久而朱自訟
後家益貧又度女終不能安遂置不究女從黃數歲
親愛綦篤一日忽欲歸寧要黃御送之黃曰何言無
家何前後之舛也曰曩漫言之妾鎮江人昔從蕩子
流落江湖遂至於此妾家亦頗裕君竭貲而往必無
相虧黃從其言賃輿同去至楊州境泊舟江際女適
凭窓有巨商子過驚其艷反舟綴之而黃不知也女

忽曰、君家素貧、今有一療貧之方、不知能從否、黃詰
之、女曰、妾相從數年、未能為君育男女、亦一不了事、
妾雖陋、幸未老髦、有能以千金相贈者、便鬻妾去、此
中妻室田廬皆備焉、此計如何也、黃失色、不知何因、
女笑曰、君勿急、天下固多佳人、誰肯以千金買妾者、
其戲言於外、以覘有無、賣不賣固自在君耳、黃不肯、
女自與榜人婦言之、婦目黃、漫應焉、婦去無幾、返
言、鄰舟有商人子、願出八百、黃故搖首以難之、未幾

復來、便言如命、即請過船交兌、黃微哂、女曰、教渠姑待、我囑黃郎即令去、女謂黃曰、妾日以千金軀事君、今始知耶、黃問以何詞遣之、女曰、請即往署券、去不去固自在我耳、黃不可、女偪促之、黃不得已、詣焉、立刻兌付、黃令封誌之、曰、結髮之情、遂以貧故、遽相割捨、倘室人必不肯從、仍以原金璧趙方、運金至舟、則見女已從榜人婦、從舟尾已登商舟、遙顧作別、並無悽戀、黃驚魂離舍、噤不能言、俄商舟解纜去、如箭激。

黃大弼欲追之、榜人不從、開舟南渡矣、瞬息達鎮江、
運賢上岸、榜人急解舟去、黃守裝悶坐、無所適歸、望
江水之滔々、如萬鏑之叢體、方掩泣間、忽聞嬌聲呼
黃郎、愕然四顧、則女已在前途、喜極、負裝從之、問卿
何處得來、女笑曰、再遲數刻、則君有疑心矣、黃乃疑
其非常人、固詰其情、女咲曰、妾生平於客者則破之、
於邪者則誑之也、若寔與君謀、君必不肯、何處可致
千金者、錯囊充牣、而合浦珠還、君幸足矣、窮問何為、

乃僱役荷裝相將俱去。至水門內，一宅南向，徑入。俄而翁媼男婦紛出相迎，皆曰：黃郎來也。黃入，叅公姥。有兩少年揖坐與語，是女兄弟大郎三郎也。筵間味無多品，玉柈四枚，方几已滿，雞蟹鰻魚皆鱸為箇，少年以巨碗行酒，談吐豪放。已而引入別院，俾夫婦同處。衾枕滑爽，而床則以熟革代棕簾焉。日有婢媼餽致三餐，女或時竟日不至。黃獨居頗覺悶苦，屢言歸，女固止之。一日謂黃曰：今為君謀，請買一人為子嗣。

計然買婢媵則價奢、當偽為妾也。兄者使父與論婚、良家子不難致、黃不可。女弗聽。有張貢士之女新寡、議聘金百緡。女強為娶之。新婦小名阿美、亦頗婉妙。女嫂呼之、黃瑟跼不自安。而女殊坦、他日謂黃曰、妾將與大姊至南海一省阿姨、月餘可返。請夫婦安居、遂去。夫婦獨居一院、按時給食飲、亦甚隆備。然自入門後、曾無人復至其室。每晨阿美入覲媼、一兩言輒退。姊如在旁、惟相視一笑、即留連久坐、亦不款曲。

黃見翁亦如之。偶值諸郎聚語，黃至即都寂然。黃疑悶，莫可告語。阿美覺之，詰曰：「君既與諸郎伯仲，何以月來都如生客？」黃倉猝不能致對。吃、兩言曰：「我十年於外，今始歸耳。」美又細審翁姑閨閥，及妯娌里居。黃大窘，不能復隱。底裏盡露。女泣曰：「妾家雖貧，無作賤媵者。無怪諸宛若鄙不齒數矣。」黃惶怖失守，莫知籌計。惟長跼而前，一聽女命。美收涕挽之，轉請所處。黃曰：「僕何敢他謀。計惟孑身自去耳。」女曰：「既嫁復歸，

於情何忍、渠雖先從私也、妾雖後至公也、不如姑俟
其歸、問彼既出此謀、將何以置妾也、居數月、女竟不
返、一夜聞客舍誼飲、黃潛往窺之、見二客戎裝上坐、
一人裹豹皮巾、凜若天神、東首一人、以虎頭鞞作瓠
年、虎口啣額、鼻耳悉具、馬驚異而返、以告阿美、竟莫
測霍父子何人、夫婦疑懼、謀欲僞寓他所、又恐生其
猜度、黃曰、寔告卿、即南海人還折証一定、僕亦不能
家此也、今欲携卿去、又恐尊大人別有異言、不如姑

別二年中當復至、卿能待、之、如他適者亦自任也、
阿美欲告父母而從之、黃不可、阿美流涕、要以信誓、
乃別而歸、黃入辭公姥、時諸郎皆他出、翁挽留以待
其歸、黃不聽而行、登舟淒然、形神喪失、至瓜州、忽回
首見片帆來、駛如飛、漸近、則船頭按劍而坐者、霍大
郎也、遙謂曰、君欲遄返、胡再不謀、遺夫人去、二三年
誰復能待也、言次舟已逼近、阿美自舟中出、大郎挽
登黃舟、跳身逕去、先是阿美既歸、方向父母泣訴、忽

大即將興登門、按劍相脅、逼女風走、一家惴息、莫敢
遮問、女述其狀、黃不辭何意、而得美良喜、開舟遂發、
至家、出貲營業、頗稱富有、阿美懸念父母、欲黃一往
探之、又恐以霍女來、嫡庶復有參差、居無何、張公訪
至、見屋宇修整、心頗慰、謂女曰、汝出門後、遂詣霍探
問、見門戶已扃、第主亦不之知、半年竟無消息、汝母
日夜零涕、謂被奸人賺去、不知流離何所、今幸無恙
耶、黃寔告以情、因相猜為神、後阿美生子、取名仙賜、

至十餘歲、母遣詣鎮江、至揚州界、休於旅舍、從者皆出、有女子來、挽兒入他室、下簾抱諸膝上、笑問何名、兒告之、問取名何義、答云不知、女言、婦問汝父當自知、乃為挽髻、自摘髻上花代簪之、出金釧束腕上、又以黃金內袖中、曰、將去買書讀、兒問其誰、曰、兒不知、更有一母耶、婦告汝父、朱大興死、無棺木、當助之、勿忘也、老僕婦舍失少主、尋至他室、聞與人語、窺之、則故主母、簾外微嗽、將有咨白、女推兒榻上、恍惚已杳、

問之舍主、並無知者、數日自鎮江歸、語黃、又出所贈、黃感嘆不已、及詢朱、則死纔三日、露尸未葬、厚恤之、異史氏曰、女其仙耶、三易其主、不為貞、然為吝者、破其慳、為淫者、速其蕩、女豈無心者耶、然破之、則不必其憐之矣、貪淫鄙吝之骨、溝壑何惜焉、

司文郎

平陽王平子、赴試北闈、賃居報國寺、中有餘杭生、先在、王以比屋居、投刺焉、生不之答、朝夕遇之多無

狀王怒其狂悖、交往遂絕。一日有少年游寺中、白服
裙帽、望之僂然、近與接談、言語諧妙、心愛敬之。展問
邦族、云登州宋姓、因命蒼頭設座、相對噱談。餘杭生
適過、共起遜坐、生居然上座、更不撓挹、率然問宋、爾
亦入闡者耶、答云非也、駑駘之才、無志騰驤久矣。又
問何省、宋告之、生曰、竟不進取、足知高明。山左右並
無一字通者、宋曰、北人固少通者、然不通者未必是
小生、南人固多通者、然通者亦未必是。足下言已鼓

掌、王和之、因而闕堂、生慚忿、軒眉攘腕而大言曰、敢當前命題一較文、孰乎、宋他顧而哂曰、有何不敢、便趨寓所、取經授王、王、隨手一翻、指曰、闕堂童子將命、生起求筆札、宋曳之曰、口占可也、我破已成、於賓客往來之地、而見一無所知之人焉、王捧腹大笑、生怒曰、全不能文、徒事嫚罵、何以為人、王力為排難、請另命佳題、又翻曰、殷有三仁焉、宋立應曰、三子者不同道、其超一也、夫一者何也、曰仁也、君子亦仁而已矣、

何必同，生遂不作，起曰：其爲人也，小有才，遂去。王以此益重宋，邀入寓室，歎言：移晷盡出所作質宋，流覽絕疾，踰刻已盡百首，曰：君亦深沉於此道者，然命筆時無求必得之念，而尚有冀幸得之心，即此已落。下乘遂取閱過者一，詮說王大悅，師事之，使庖人以蔗糖作水角，宋啗而甘之，曰：生平未解此味，頗異。日更一作也，由此相得甚懽，宋三五日輒一至，王必爲之設水角焉。餘杭生時一遇之，雖不甚傾談，而傲

睨之氣頓減。一日以憲執示宋。見諸友圈贊已濃。目一過。推置案頭。不作一語。生疑其未閱。復請之。答已覽竟。生又疑其不解。宋曰。有何難解。但不佳耳。生曰。一覽丹黃。何知不佳。宋便誦其文。如夙讀者。且誦且訾。生跼蹐汗流。不言而去。移時宋去。生入。堅請王作。王拒之。生強搜得。見文多圈點。笑云。此大似水角子。王故朴訥。覷然而已。次日宋至。王具以告。宋怒曰。我謂南人不復反矣。傖楚何敢乃爾。當有以報之。王

力陳輕薄之戒以勸之。宋深感佩。既而場後以文示宋。頗相許。偶與涉歷殿閣。見一瞽僧坐廊下。設藥賣醫。宋訝曰。此奇人也。最能知文。不可不一請教。因命歸寓取文。遇餘杭生。遂與俱來。王呼師而叅之。僧疑其問醫者。便詰症候。王具白請教之意。僧笑曰。是誰多口。無目何以論文。王請以耳代目。僧曰。三作兩千餘言。何暇久聽。不如焚之。我視以鼻可也。王從之。每焚一作。僧嗅而領之曰。君初法大家。雖未逼真。亦

近似矣。我適受之以脾。問可中否。曰亦中得。餘杭生未深信。先以古大家文燒試之。僧再嗅曰妙哉此文。我心受之矣。非歸胡何解辦此。生大駭。始焚已作。僧曰適領一執未窺全豹。何忽另易一人來也。生托言朋友之作。止彼一首。此乃小生作也。僧嗅其餘灰。咳逆數聲曰。勿再投矣。格々而不能下。強受之以膈。再焚則作惡矣。生慚而退。數日榜放。生竟領荐。王下第。宋與走告僧。嘆曰僕雖盲於目。不盲於鼻。簾中人

並鼻盲矣。俄餘杭生至，意氣發舒曰：「盲和尚，汝亦啖人水角耶？今竟何如？」僧笑曰：「我所論者文耳，不謀與君論命。君試尋試官之文，各取一首焚之，我便知孰為爾師。」生與王並搜之，止得七八人。生曰：「如有舛錯，以何為罰？」僧曰：「剗我盲瞳去。」生焚之。每一首都言非是。至第六篇，忽向壁大嘔，下氣如雷。衆皆粲然。僧拭目向生曰：「此真汝師也。初不知而驟嗅之，剗於鼻，棘於腹，膀胱所不能容，直從下部出矣。」生大怒去，曰：「明

日自見、勿悔、勿悔、越二三日竟不至、已移去矣、乃知
即某門生也、宋慰王曰、凡吾輩讀書人、不當尤人、但
當克己、不尤人則德益弘、能克己則學益進、當前踧
落、固是數之不偶、平心而論文、亦未便登峰、其由此
砥礪天下自有不盲之人、王肅然起敬、又聞次年再
行鄉試、遂不歸、止而受教、宋曰、都中薪桂米珠、勿憂
資斧、舍後有窖錫、可以發用、即示之處、王謝曰、昔竇
范貧而能廉、今某幸能自給、敢自污乎、王一日醉眠、

僕及庖人竊發之。王初覺，聞舍後有聲，出窺則金堆地上。情見事露，並相懼服。方訶責間，見有金爵類多鐫款，審視皆大父字諱。蓋王祖曾為南部郎，入都寓此，暴病而卒，金其所遺也。王乃喜，秤得金八百餘兩。明日告宋，且示之爵，欲與瓜分。固辭乃已，以百金往贈瞽僧，已去。積數月，敦習益苦。及試，宋曰：「此戰不捷，始真是命矣。」俄以犯規被黜。王尚無言，宋大哭，不能自止。王反慰解之，宋曰：「僕為造物所忌，困頓至於

終身。今又累及良友，其命也夫。其命也夫。王曰：萬事
固有數在。如先生乃無志進取，非命也。宋拭泪曰：久
欲有言，恐相驚怪。某非生人，乃飄泊之遊魂也。少負
才名，不得志於場屋，佯狂至都，冀得知我者傳諸著
作。甲申之年，竟罹於難。歲々飄蓬，幸蒙相愛，故極力
爲他山之攻。生平未酬之願，寔欲借良友以快之耳。
今文字之厄若此，誰復能漠然哉？王亦感泣，問何淹
滯。曰：去年上帝有命，委宣聖及閻羅王核查劫鬼。上

者備諸曹任用、餘者即俾轉輸、賤名已錄所未投到者、欲一見飛黃之快耳、今請別矣、王問所考何職、曰梓潼府中、缺一司文郎、暫令聾僮署篆、文運所以顛倒、萬一倖得此職、當使聖教昌明、日忻、而至曰、願遂矣、宣聖命作性道論、視之喜、謂可司文、閻羅稽簿、欲以口孽見棄、宣聖爭之、乃得就、某伏謝已、又呼近案下囑云、今以憐才、拔充清要、宜洗心供職、勿蹈前愆、此可知真中重德行、更甚於文學也、君必修行

未至、但積善勿懈可耳。王曰：果爾，餘杭生其德行何在？曰：此即不知。要實司賞罰，皆無少爽，即前日瞽僧亦一鬼也。是前朝名家，以生前拋棄字紙過多，罰作瞽。彼自欲醫人疾苦，以贖前愆，故托游塵肆耳。王命置酒，宋曰：勿須終歲之擾，盡此一刻，再為我設水角足矣。王悲愴不食，坐令自噉。頃刻已過三盛，捧腹曰：此餐可飽三日。吾以誌君德耳。向所食都在舍後，已生菌矣。藏作藥餌，可益兒慧。王問後會，曰：既官責當

引嫌也。又問梓潼祠中以相酬祝，可能達否？曰：此都無益。九天甚遠，但潔身力行，自有地司牒文相報，則某必與知之。言已作別而沒。王視舍後果生紫菌，采而藏之。旁有新土墳起，則水角宛然在焉。王歸，彌自刻厲。一夜夢宋興蓋而至，曰：君向以小忿，誤殺一婢，削去祿籍，今篤行已折除矣。然命薄不足仍仕進也。是年捷於鄉，明年春闈又勝，遂不復仕，生二子，其一絕鈍，啖以菌，遂大慧。後以故詣金陵，遇餘杭生於旅。

次極道契濶深自降抑然髮毛班矣

異史氏曰餘杭生公然自詡意其為文未必盡無可觀而驕誑之意態顏色遂使人頃刻不可復忍天人之厭棄已久故鬼神皆玩弄之脫能增修厥德則簾內之刺鼻棘心者遇之正易何所遭之僅也

醜狐

穆生長沙人家清貧冬無絮衣一夕枯坐有女子入

衣服炫麗而顏色黑醜笑曰得毋寒乎生驚問之曰我狐仙也憐君枯寂聊與共溫寒榻耳生惧其狐而又厭其醜大誅女以元寶置几上曰若諧以此相贈生悅而從之床無裯褥女代以袍將曉起而囑曰所贈可急市軟綿作卧具餘者絮衣作饌皆足矣倘得永好勿憂貧也遂去生告妻、亦喜即市帛為之縫紉女夜至見卧具一新喜曰君家娘子劬勞哉遂留金以酬之從此至無虛夕每去必有所遺年餘屋廬

修潔、內外皆衣文繡、居然素封、女賂貽漸少、生由此
心厭之、聘術士至、画符於門、女來嚙折而棄之、入指
生曰、背德負心、至君已極、然此奈我何、若相厭薄、我
自去耳、但情義既絕、受於我者、須當償也、忽然而去、
生惧、以告術士、術士作坛、陳設未已、忽顛地下、血流
滿頰、視之則割去一耳、衆大惧奔散、術士亦掩耳竄
去、室中擲石如盆、門窓金甌無復全者、生伏床下、搗
縮駭汗、俄見女抱一物入、猫首猓尾、置床下、嗾之曰、

嘻、可嚼、奸人足、物即齧履齒、利於足、生大惧、將屈藏之、四肢不能少動、物嚼指、爽脆有聲、生痛極、哀祝女曰、所有金珠、盡出無隱、生應之、女曰呵、物乃止、生不能起、但告以處、女自往搜括、珠鈿衣服之外、止得二百餘金、女少之、又曰嘻、物復嚼、生哀鳴求恕、女限十日償金六百、生諾之、女乃抱物去、久之家人漸至、從床下曳生出、足血淋漓、喪其二指、視室中財物俱空、惟當年破被存焉、遂以覆生令卧、又惧十日

復來、乃貸鬻田產以盈其數、至期女果至、急付之、無
言而去、自此遂絕、生足瘡醫藥半年始愈、而家清貧
如初矣、狐適近村于氏、于農家不中資、三年間援例
納粟、夏屋連蔓、所衣華服、半生家物、生見之亦不敢
問、偶適野、遇女於途、長跼道左、女無言、但以素巾裹
五六金、遙擲之、返身逕去、後于氏早卒、女猶時至其
家、中金帛輒亡去、于子睹其來、拜恭之、遙祝曰、父
即去世、兒輩皆若子、縱不撫恤、何忍坐令貧也、女遂

去不復至。

異史氏曰、邪物之來、殺之亦壯、而既受其德、即鬼物不可負也、既責而殺趙孟、則賢豪非之矣、夫人非其心之所好、即萬鍾何動焉、現其見金色喜、其亦利之所在、喪身辱行而不惜者、與傷哉貪人、卒取殘敗。

呂無病

洛陽孫公子、名麒、娶蔣太守女、甚相得、二十夭殂、悲

不自勝、離家居山中別業、適陰雨晝卧、室無人、忽見
複室簾下露婦人足、疑而問之、有女子牽簾出、年約
十八九、衣服潔而微黑、多麻類、貧家女、意必村中僦
屋者、呵曰、所須宜白家人、何得輕入、女微笑曰、妾非
村中人、祖籍山東呂姓、父文學士、妾小字無病、從父
客遷、早離、願復慕公子世家名士、願為康成文婢、孫
笑曰、卿意良佳、然僕輩雜居、寔所不便、容旋里後、當
與聘之、女次且曰、自揣陋劣、何敢遂望、敬體、聊備案

前驅使、當不至倒捧冊卷。孫曰：「納婢亦須吉日。」乃指架上、使取通書第四卷、蓋試之也。女翻檢得之、先自涉覽而後進之、笑曰：「今日河魁不曾在房。」孫意少動、留匿室中。女閒居無事、為之拂几、整書、焚香、拭鼎、滿室光潔。孫悅之。至夕、遣僕他宿。女俛眉承睫、殷勤臻至、命之寢。始持燭去。中夜睡醒、則床頭似有卧人、以手探之、知為女、捉而撼焉。女驚寤、起立榻下。孫曰：「何不別寢。」床頭豈汝卧處。女曰：「妾善惧。」孫憐之、俾施枕。

床內忽聞氣息之來、清如蓮蕊、異之、呼與共枕、不覺心蕩、漸與同衾、大悅之、念避匿非策、又恐同歸招議、孫有母姨、近隔十餘門、謀令遁諸其家、而後與致之、女稱善、便言阿姨妾熟識之、無容先達、請即去、孫送之、踰垣而去、孫母姨寡媼也、凌晨啟戶、女掩入、媼詰之、答云、若甥遣問阿姨、公子欲歸、路賒乏騎、晉奴暫寄此耳、媼信之、遂止焉、孫歸、矯謂姨家有婢欲相贈、遣人舁之而還、坐卧皆以從、久益嬖之、納為小妻、世

家論婚皆勿許、殆有終焉之志、女知之、苦勸另娶、乃娶於許、而終嬖愛無病、許甚賢、畧不爭夕、而無病事許益恭、以此嫡庶諧好、許舉一子阿堅、無病愛抱如己出、兒甫三歲、輒離乳媪、從無病宿、許喚之不去也、無何許病尋卒、臨訣囑孫曰、無病最愛兒、即令子之可也、即正位焉亦可也、既葬、孫將踐其言、告諸宗黨、僉謂不可、女亦固辭、遂止、邑有王天官女新寡、來求姻、孫雅不欲娶、王再請之、媒道其美、宗族仰其勢、共

慙患之、孫惑焉、又娶之、色果艷、而驕已甚、衣服器用
多厭嫌、輒加毀棄、孫以愛敬故、不忍有所拂、入門數
月、擅寵崇房、而無病至前、笑啼皆罪、時怒遷夫壻、數
相閉閤、孫患苦之、以故多獨宿、婦又怒、孫不能堪、托
故之都、逃婦難也、婦又以遠遊咎無病、無病鞠躬屏
氣、承望顏色、而婦終不快、夜使直宿床下、兒奔與俱、
每喚起給使、兒輒啼、婦厭罵之、無病急呼乳媪來抱、
之不去、強之益踈、婦怒起、毒撻無算、始從乳媪去、兒

以是病悸不食、婦禁無病、不令見之、兒終日啼、婦叱
媼使棄諸地、兒氣竭聲嘶、呼而求食、婦戒勿與、日既
暮、無病窺婦不在、潛飲兒、見之、棄水捉襟、噉啣不
止、婦聞之意氣洶、而出、兒聞聲輒啼、一躍遂絕、無
病大哭、婦怒曰、賤婢醜態、豈以兒死脇我耶、無論孫
家襁褓物、即殺王府世子、王天官女亦能任之、無病
乃抽息忍涕、請為葬具、婦不許、立命棄之、婦既去、窺
撫兒四體猶溫、隱語媼曰、可速將去、少待於野、我常

繼至其死也共棄之活也共撫之媼曰諾無病入室
携簪珥出追及之共視兒已甦二人喜謀趨別業往
依姨媼慮其纖步爲累無病乃先趨以示之疾若飄
風媼力奔始能及約二更許兒病危不復可前遂斜
行入村至田叟家侍門待曉扣扉借室出簪珥易貲
巫醫並治病卒不瘳女掩泣曰媼好視兒我往尋其
父也媼方驚其謬妄而女已杳矣駭詫不已是日孫
在都方憇息床上女悄然入孫驚起曰纔眠已入夢

耶女握手哽咽頓足不能出聲久之方失聲而言曰
妾歷千辛與兒逃於楊句未終聲縱大哭倒地而滅
孫駭絕猶疑為夢喚從人共視衣履宛然大異不解
即刻趨裝星馳而歸既聞兒死妾遁撫膺大悲語侵
婦、反唇相稽孫忿出白刃婢嫗遽救不得近遙擲
之刀脊中額、破血流披髮嗥叫而出將以奔告其
家孫捉還杖撻無數衣皆若縷傷痛不可轉側孫命
舁諸房中護養之將待其瘥而後出之婦兄弟聞之

怒率多騎登門、孫亦集健僕械禦之、兩相叫罵、竟日始散、王未快意、訟之、孫捍衛入城、自詣質審、訴婦惡狀、宰不能屈、送廣文懲戒以悅王、廣文朱先生世家子、剛正不阿、廉得情、怒曰、堂上公以我為天下之齷齪教官、勒索傷天害理之錢、以吮人癰痔者耶、此等乞丐相、我所不能、竟不受命、孫公然歸、王無奈之、乃示意朋好、為之調停、欲生一謝、過其家、孫不肯、十返不能決、婦創漸平、欲出之、又恐王氏不受、因循而安

之妾亡子死、夙夜傷心、思得乳媪一問其情、因憶無病言逃於楊、近村有楊家、瞳疑其在、是往問之、並無知者、或言五十里外有楊谷、遣騎詣訊、果得之、兒漸平復、相見各喜、載與俱歸、兒望見父、嗷然大啼、孫亦泪下、婦聞兒尚存、盛氣奔出、將致誚罵、兒方啼、開目見婦、驚投父懷、若求藏匿、抱而視之、氣已絕矣、急呼之、移時始甦、孫恚曰、不知何如酷虐、遂使吾兒至此、乃立離婚書、送婦歸、王果不受、又舉還孫、不得已、

父子別居一院、不與婦通、乳媪乃備述無病情狀、孫始悟其為鬼、感其義、葬其衣履、題碑曰、鬼妻呂無病之墓、無何婦產一男、交手於項而死、孫益忿、復出婦之墓、無何婦產一男、交手於項而死、孫益忿、復出婦王又昇還之、孫無所為計、具狀控諸上臺、皆以天官故置不理、後天官卒、孫控不已、乃判令大歸、孫由此不復娶、納婢焉、婦既歸、悍名譟甚、居三四年、無問名者、婦頓悔而已、不可復挽、有孫家舊媪適至其家、婦優待之、對之流涕、揣其情、似念故夫、媪歸告孫、孫笑

置之。又年餘，婦母又卒，孤無所依。諸姊如頗厭嫉之，婦益失所，日輒涕零。一貧士喪偶，兄議厚其奩妝而遣之。婦不肯，每陰托往來者致意孫，泣告以悔。孫不聽，終置之。一日，婦率一婢，竊馭跨之，竟奔孫，方自內出，迎跪堦下，泣不可止。孫欲去之，婦牽衣復跪之。孫固辭曰：「如復相聚，常無間言則已耳。一朝有他，汝兄弟如虎狼，再求離邊，其可復得？」婦曰：「妾竊奔而來，萬無還理，留則留之，否則死之。且妾自二十一歲從

君二十三歲被出、誠有十分惡、寧無一分情、乃脫一
腕釧並兩足而束之、袖覆其上曰、此時香火之誓、君
寧不憶之耶、孫乃焚眦欲泪、使人挽扶入室、而猶疑
王氏詐護、欲得其兄弟一言為證據、婦曰、妾私出、何
顏復求兄弟、如不相信、妾藏有死具在此、請斷指以
自明、遂於腰中出利刃、就床邊伸左手一指斷之、血
溢如湧、孫大駭、急為束縛、婦容色痛變、而更不呻吟、
笑曰、妾今日黃梁之夢已醒、特借斗室為出家計、何

用相猜、孫乃使子及妾另居一所、而已朝夕往來於
西間、又日求良藥醫指創、月餘尋愈、婦由此不如葦
酒、閉戶誦佛而已、居久之、見家政廢弛、謂孫曰、妾今
此來、本欲置他事於不問、今見如此用度、恐子孫有
孱餓者矣、無已再覲顏、以經紀之、乃集婢媼、按日責
其績織、家人以其自投也、慢之、無人時、竊相誚訕、而
婦若罔聞知、既而課工惰者、鞭撻不貸、衆始惧、又垂
簾課主計僕、綜理微密、孫乃大喜、使兒及妾皆朝見

之阿堅已九歲、婦每加意溫恤、朝入塾、常留甘餌以
待其歸、兒亦漸親愛之、一日兒以石投雀、婦適遇、中
顱而仆、踰刻不語、孫大怒、撻兒、婦勉力止之、且喜曰、
妾昔虐兒、中心每不自釋、今幸消一罪案矣、孫益嬖
愛之、婦每拒使就妾宿、居數年、屢產屢傷、曰此昔日
殺兒之報也、阿堅既娶、遂以外事委兒、內事委媳、一
日曰、妾某日當死、孫不信、婦自理葬具、至日更衣入
棺而卒、顏色如生、異香滿室、既殮、香始漸減、

異史氏曰、心之所好、原不在妍媸也、毛嫱西施、焉知非自愛之者、美之乎、然不遭悍妬、其賢不彰、幾令人與嗜痴者並笑矣、至錦屏之人、其夙根原厚、故豁然一悟、立證菩提、若地獄道中、皆富貴而不經艱難者也、

錢卜巫

夏商河間人、其父東陵、豪富侈汰、每食包子、輒棄其角、狼籍滿地、人以其肥重、呼之丟角太尉、暮年家棊

貧日不給餐、而肱瘦垂革如囊、人又呼募庄僧、謂其挂袋也、臨終謂商曰、余生平暴殄天物、上千天怒、遂至飢凍以死、汝當惜福力行、以蓋父愆、商恪遵治命、誠朴無二、躬耕自給、鄉人咸愛敬之、富人某翁哀其貧、假以貲、使學負販、輒虧其母、愧無以償、請為傭、翁不肯、商瞿然不自安、盡貨其田宅往酬翁、詰得情、益直之、強為贖還舊業、又益貸以重金、俾作賈、商辭曰、十數金尚不能償、奈何結來生駟馬債也、翁乃招

他賈與偕數月而返。僅能不虧。翁不收其息。使復之。年餘。貨墳盈輦。歸至江。遭颶。舟幾覆。物半喪失。歸計所有。畧可償主。遂語賈曰。天之所負。誰能救之。此皆我累君也。乃稽簿付賈。奉身而退。翁再強之。必不可。躬耕如故。每自嘆曰。人生世上。皆有數年之享。何遂落拓如此。會有外來巫。以錢卜。悉知人運數。敬詣之。巫老嫗也。寓室精潔。中設神座。香氣常薰。商入朝拜訖。巫便索貲。商授百錢。巫盡納木笥中。執跪坐下。掇

响如祈狀已而起傾錢入手而後於案上次第擺之其法以字為否幕為亨數至五十八皆字以後則盡幕矣遂問庚申幾何答二十八歲巫搖首曰早矣早矣官人現行者先人運非本身運五十八歲方交本身運始無盤錯也問何謂先人運曰先人有善其福未盡則後人享之先人有不善其禍未盡則後人亦受之商屈指曰再二十年齒已老髦行就木矣巫曰五十八以前便有回閨畧可營謀然僅免飢寒耳五

十八之年，當有巨金自來，不須力求。官人生無過行，再世享之不盡也。別巫而返，疑信半焉。然安貧自守，不敢妄求。後至五十三歲，留意聽之。時方東作，病疴不能耕。既痊，天大旱，早禾盡枯。近秋方雨，家無別種，田數畝，悉以種谷。既而又旱，蕎麥半死，惟穀無恙。後得雨勃發，其豐倍焉。來春大饑，得以無餒。商以此信巫，從翁貸貲，小權子母，輒小獲。或勸作大賈，商不肯。迨五十七歲，偶葺墻垣，掘地得鉄釜，揭之，白氣如絮。

俱不敢發。移時氣盡，白鏹滿瓮。夫妻共運之，秤計一千三百二十五兩。竊議巫術小舛，隣人妻入商家，窺見之，歸告夫，忌焉。潛告邑宰，最貪，拘商索金。妻欲隱其半，商曰：「非所宜得。」留之賈禍，盡獻之。宰得金，恐其漏匿，又追貯器，以金寔之，滿焉。乃釋商，居無何，宰遷南昌。同知踰歲，商以懋遷至南昌，則宰已死。妻子將歸，貨其粗重，有桐油若干簍，商以直賤買之。以歸，既抵家，器有滲漏，瀉注他器，則內白金二錠，徧探

皆然。克之適得前掘錙之數。商由此暴富。益贍貧窮。忼慨不吝。妻勸積貽子孫。商曰。此即所以遺子孫也。鄰人赤貧至焉。欲有所求。而心自愧。商聞而告之曰。昔日事乃我時數未至。故鬼神假子手以敗之。於汝何尤。遂周給之。鄰人感泣。商壽八十。子孫承繼。數世不衰。

異史氏曰。汰侈已甚。王侯不免。況庶人乎。生暴天物。死無含飯。可哀矣哉。幸而鳥死鳴哀。子能幹蠱。

窮敗七十年。卒以中興。不然。父孽累子。復累孫。不至乞丐相傳不止矣。何物老巫。遂發先天之秘。嗚呼怪哉。

姚安

姚安。臨洮人。美丰標。同里宮姓。有女字綠娥。艷而知書。擇偶不嫁。母語人曰。門族丰采。必如姚某。始字之。姚聞。給妻窺井。擠墮之。遂娶綠娥。雅甚親愛。然以其美也。故疑之。閉戶相守。步輦綴馬。女欲歸寧。則以西

肘支袍、覆翼以出、入與封誌、而後馳隨其後、越宿促
與俱歸、女心不能善、忿曰、若有桑中約、豈瑣々所能
止也、姚以故他往、則扃女室中、女益厭之、俟其去、故
以他鑰置門外、以疑之、姚見大怒、問所自來、女忿言
不知、姚愈疑、伺察彌嚴、一日自外至、潛聽久之、乃開
鎖啟扉、惟恐其响、悄然掩入、見一男子貂冠卧床上、
忿怒、取刀奔入、力斬之、近視、則女畫眠畏寒、以貂覆
面也、大駭、頓足自悔、宮翁忿質於官、收姚、褫衿苦

械姚破產、以巨金賂上下、得不死、由此精神迷惘、若有所失、適獨坐、見女與髯丈夫狎褻榻上、惡之、操刀而往、則沒矣、反坐、又見之、怒甚、以刀擊榻、席褥斷裂、憤然執刀、近榻以伺之、見女面立、視之而笑、遽斫之、立斷其首、既坐、女不移處、而笑如故、夜間滅燭、則聞淫溺之聲、褻不可言、日、如是、不可復忍、於是鬻其田宅、將卜居他所、至夜、偷兒穴壁入、劫金而去、自此貧無立錐、忿恚而死、里人藁葬之、

異史氏曰、愛新而殺其舊、忍乎哉、人止知新鬼為厲、而不知故鬼之奪其魄也、嗚呼、截指而適其屨、不亡何待、

崔猛

崔猛字勿猛、建昌世家子、性剛毅、幼在塾中、諸童蒙稍有犯、輒奮拳毆擊、師屢戒不悛、名字皆先生所賜也、至十六七、強武絕倫、又能持長杆躍登夏屋、喜雪不平、以是鄉人共服之、求訴稟白者盈階滿室、崔

抑強扶弱、不避怨嫌、稍忤之、石杖交加、肢體為殘、每
盛怒無敢勸者、惟事母孝、母至則解、母譴責備至、崔
唯々聽命、出門輒忘、比鄰有悍婦、日虐其姑、餓瀕死、
子竊啖之、婦知、詬厲萬端、聲聞四院、崔怒、踰垣而過、
鼻耳唇舌盡割之、立斃、母聞之大駭、呼鄰子極意溫
卹、配以少婢、事乃寢、母憤泣不食、崔惧、跣請受杖、且
告以悔、母泣不顧、崔妻周亦與並跪、母乃杖子、而又
以針刺其背、作十字紋、朱塗之、俾勿滅、崔並受之、母

乃食。母喜。飯僧道往。饜飽之。適一道士在門。崔遇之。道士目之曰。即君多凶橫之氣。恐難保其令終。積善之家。不宜有此。崔新受母戒。聞之。起敬曰。某亦自念之。但一見不平。苦不自禁。力改之。或可免否。道士笑曰。姑勿問。可免不可免。請先自問。能改不能改。但當痛自抑。如有萬分一。我告君以解救之術。崔平生不信魘禳。但笑不言。道士曰。我固知君不信。但我所言。不類巫覡。行之亦盛德事。即其不效。亦不足有所

妨崔請之、乃曰、適門外一後生、宜厚結之、即犯死罪、
此子能活之也、呼崔出、指示其人、蓋趙氏兒、名僧哥、
趙南昌人、以歲祲饑、僑寓建昌、崔由是深相結、請趙
館於其家、供給優厚、僧哥年十二、登堂拜母、約為昆
弟、踰歲東作、趙携家去、音問遂絕、崔母自鄰婦死、戒
子益切、有赴訴者、輒擯斥之、一日崔母弟卒、從母往
弔、途遇數人、繫一男子、呵罵促步、加以捶扑、觀者塞
途、輿不得進、崔問之、識崔者、競相擁告、先是有巨紳

子某甲者、豪橫一鄉、窺李某妻有色、欲奪之道無由、命家人誘與博賭、貸以貲而重其息、要使署妻於券、貲盡復給、終夜負債數千、半年計子母三十餘千、李不能償、強以多人篡取其妻、李哭諸其門、某怒、拉繫樹上、榜笞刺剝、逼立無悔狀、崔聞之、氣湧如山、鞭馬前向、意將用武、母褰簾而呼曰、惜、又欲爾耶、崔乃止、既弔而歸、不語亦不食、兀坐直視、若有所嗔、妻詰之不答、至夜和衣卧榻上、輾轉達旦、次夜復然、忽啟戶

出輒又還卧如此三四妻不敢詰惟惛息以聽之既而遲久乃返掩扉熟寢矣是夜有人殺某甲於床上剖腹流腸李妻亦裸尸床下官疑李捕治之橫被殘酷踝骨皆見卒無詞積年餘不能堪誣服論辟會崔母死既殯告妻曰殺某甲者寔我也徒以有老母在故不敢泄今大事已了奈何以一身之罪殃他人我將赴有司死耳妻驚挽之絕裾而去自首於庭官愕然械送獄釋李不可堅以自承官不能決兩收之

戚屬皆誚讓李，曰：公子所為，是我欲為而不能者，彼代我為之，而忍坐視其死乎？今日即謂公子未出，也可，孰不異詞？固與崔爭，久之，衙門皆知其故，強出之，以崔抵罪，濱就決矣。會卹刑官部郎案臨，閱囚至崔名，屏人而喚之。崔入，仰視堂上，僧哥也，悲喜寔訴。趙徘徊良久，仍令下獄。卒善視之，尋以自首減等，充雲南軍。李為服役而去。未期年，援赦而歸，皆趙力也。既歸，李終從不去，代為紀理生業，予之貲不受。緣種

技擊之術、頗以關懷、崔厚遇之、買婦受田焉、崔由此
力改前行、每撫臂上刺痕、泫然流涕、以故鄉鄰有事、
李輒矯命排解、不相承稟、有王監生者、家豪富、四方
無賴不仁之輩、出入其門、邑中殷寔者多被劫掠、或
忤之、輒遣盜殺諸途、子亦淫暴、王有寡孀、父子俱烝
之、妻仇氏屢沮王、王縊殺之、仇兄弟質諸官、王賕囑
以告者坐誣、兄弟怨憤莫伸、詣崔求訴、李絕之使去、
過數日、客至適無使、李淪茗、李嘿而出、告人曰、我

與崔猛朋友耳、從徙萬里、不可謂不至矣、魯無廩給、而役同廝養、所不甘也、遂忿而去、或以告崔、訝其改節、而亦未之奇也、李忽訟於公堂、謂崔三年不給傭價、崔大異之、親與對狀、李忿相爭、官不直之、責逐而去、又數日、李忽夜入王家、將其父子孀婦並殺之、粘紙於壁、自書姓名、及追捕之、則亡命無跡、王家疑崔主使、官不信、崔始悟前之訟、蓋恐殺人之累已也、閭行附近州邑、追捕甚急、會閭賊犯順、其事遂寢無

何明鼎革、李携家歸、復與崔善如初、時土寇嘯聚、王有從子得仁、集叔所招無賴、據山為盜、焚掠村疇、一夜傾巢而至、以覆仇為名、崔適他出、李破扉始覺、越牆伏暗中、賊搜崔李不得、擄崔妻、括財物而去、李歸止、有一僕、忿急不能為地、乃斷繩數十段、以短者付僕、長者自懷之、囑僕越賊巢、登半山、以火焚繩、散挂荆棘、即返、勿顧、僕諾而去、李窺賊皆腰束紅帶、帽繫紅纓、遂效其裝、有老牝馬、初生駒、賊棄諸門外、李乃

縛駒跨馬、啣枚而去、直至賊巢、賊據一大村、李繫馬村外、踰垣入、見賊紛紜操戈未釋、李竊問諸賊、知崔妻在王某所、俄聞傳令、俾各休息、轟然噉應、忽一人報東山有火、衆賊共望之、初猶一二點、既而多類星宿、李岔息亟呼、東營有警、王大驚、束裝率衆而出、李乘間漏出其後、反身入內、見兩賊守帳、給之曰、王將軍遺佩刀、兩賊競覓、李自後斫之、一賊踣、其一回顧、李又斬之、竟負崔妻越垣而出、解馬授轡曰、娘子不

知途縱馬可也。馬戀駒奔駛，李從之，出一隘口。李灼火於繩，徧懸之，乃歸。次日崔還，以為大辱，形神跳躁。欲單騎往平賊，李諫止之。集村人而謀之，衆恒怯莫敢應。解諭再四，得敢往二十餘人。又苦無兵，適於得仁族姓家獲奸細二，崔欲殺之。李不可，命二十人各持白梃，具列於前，乃割其耳而縱之。衆怨曰：「此等兵旅方懼知，而反示之，脫其傾隊而來，閭村不保矣。」李曰：「吾正欲其來也。」執匿盜者誅之，遣人四出，各假弓

矢火銃、又詣邑借巨炮二、日暮率壯士至隘口、置炮當其衝、使二人匿火而伏、囑見賊乃發、又至谷東口、伐樹置堦上、已而與崔各率十餘人、分岸伏之、一更向盡、遙聞馬嘶、暗覘之、賊果大至、絡繹不絕、俟盡入谷、乃推墮樹木以斷歸途、俄而炮發、喧騰號叫之聲、震動山谷、賊驟退、自相踐踏、至東口、不得出、集無隙地、兩岸銃矢夾攻、勢如風雨、斷頭折足、枕籍溝中、遺二十餘人、長跼乞命、乃遣人繫送以歸、乘勝直抵其

穴守巢者聞風奔竄、搜其輜重而返、崔大喜、問其設火之謀、曰：「設火於東、恐其西追也；短欲其速盡、恐偵知其無人也；既而設於谷口、甚隘、一夫可以斷之、彼即追來、見火必惧、皆一時犯險之下策也。」取賊鞠之、果追入谷、見火驚退、二十餘賊盡剗刖而放之、由此威聲大震、遠近避亂者從之如市、得土團三百餘人、各處強寇無敢犯、一方賴之以安。

異史氏曰：快牛必能破車、崔之謂哉！志氣慷慨、蓋

鮮儷矣、然欲使天下無不平之事、寧非意過其中者與、李某一介細民、遂能濟美、緣幢飛入、剪禽獸於深閨、斷路夾攻、蕩么麼於隘谷、使得假五丈之旗、為國效命、烏在不南面而王哉、

噴水鬼

萊陽宋玉叔先生為部曹時、所僦第甚荒落、一夜二婢奉太夫人宿廳上、聞院內唳々有聲、如縫工之噴水者、太夫人促婢起、穴窓窺視、見一老嫗、短身駝背、

白髮如帚、冠一髻長二尺許、周院環走、悚急作鶴步、行、且行且噴、水出不窮、婢愕返白、太夫人亦驚、兩婢扶窓下聚觀之、嫗忽逼窓直噴、櫺內、窓紙破裂、三人盡仆、而家人不之知也、東曦既上、家人畢集、叩門不應、方駭、撬扉入、見一主二婢、並死一室、一婢膈下猶溫、扶灌之、移時而醒、乃述所見、先生至、哀憤欲死、細窮沒處、掘深三尺餘、漸露白髮、又掘之、得一尸、如所見狀、面肥腫如生、令擊之、骨肉皆爛、皮內盡清水、

王阮亭云、王叔禰祿失恃、此事恐屬傳聞之訛、

鷹虎神

郡城東嶽廟在南郭、大門左右神高丈餘、俗名鷹虎神、猙獰可畏、廟中道士任姓、每雞鳴輒起焚誦、有偷兒預匿廊間、伺道士起、潛入寢室、搜括財物、奈室無長物、惟於薦底得錢三百、納腰中、拔關而出、將登千佛山、南竄許時、方至山下、見一巨丈夫自山上來、左臂蒼鷹、適與相遇、近視之、面銅青色、依稀似廟門中

所習見者、大恐、蹲伏而戰、神詫曰、盜錢安往、偷兒益
惧、叩不已、神揪令還入廟、使傾所盜錢跪守之、道士
課畢、回顧駭愕、盜歷々自述、道士收其錢而遣之、

金世成

金世成、長山人、素不檢、忽出家作頭陀、類顛、喑不潔
以為美、犬羊遺穢於前、輒伏噉之、自號為佛、愚民婦
異其所為、執弟子禮者以千萬計、金訶食矢、無敢違
者、創殿閣、所費不資、人咸樂輸之、邑令南公惡其怪、

執而笞之、使修聖廟、門人競相告曰、佛遭難、爭募救之、宮殿旬月而成、其金錢之集、尤捷於酷吏之追呼也、

異史氏曰、予聞金道人、皆就其名而呼之、謂為今世成佛、夫佛品至啗穢極矣、笞之不足辱、罰之適有濟、南令公處法何良也、然學宮圯而煩妖道、亦士大夫之羞矣、

聊齋誌異卷之十七

般陽蒲松齡柳泉甫著

詩讞

青州居民范小山、販筆為業、行賈未歸、四月間妻賀、獨宿、為人所殺、是夜微雨、泥中遺詩扇一握、乃王晟之贈吳蜚卿者、晟不知何人、吳益都之素封、與范同里、平日頗有佻達之行、故里黨共信之、郡縣拘質、堅不服、而慘被械梏、遂以成案、駁解往復、歷十餘官、更

無異議。吳亦自分必死，囑其妻罄竭所有，以濟焚獨。有向其門誦佛千者，給以絮袴；萬者絮襖。於是乞丐如市，佛號聲聞十餘里。因而家驟貧，惟日賃田產，以給資斧。陰賂監者，市鴟。夜夢神人告之曰：子勿死。曩日外邊凶，目下裏邊吉矣。再睡，又言：於是不果死。無何，周元亮先生分守是道，錄囚至吳。若有所思，因問吳某殺人有何確據。范以扇對。先生熟視扇，便問：王晟何人？並云不知。又將爰書細審一過，立命脫其死。

械自監移至倉、范力爭之、怒曰、而欲妄殺一人便了、却耶、抑將得仇人而甘心耶、衆疑先生私吳、即莫敢言、先生標朱簽立拘南郭某肆主人、主人惧、罔知所以、至則問曰、肆壁有東莞李秀才詩、何時題耶、答自舊歲提學案臨、有二三秀才飲醉題留、不知所居何里、遂遣人至日照、坐拘李秀才、數日秀才至、怒之曰、既作秀才、奈何謀殺人、秀才頓首錯愕、但言無之、先生擲扇下、令其自視、曰、明係而作、何詭托王晟秀才

審視云、詩真某作、字寔非某書、曰既知汝詩、當即汝友、誰書者、秀才曰、跡似沂州王佐、乃遣役關拘王佐、佐至呵之一如詰李狀、佐言此益都鉄商張誠索某書者、云晟其表兄也、先生曰、盜在是矣、執誠至、一訊遂伏、先是誠窺賀氏美、欲挑之、恐不諧、念托於吳、必人所共信、故偽為吳扇執而往、諧則自認、不諧則嫁禍於吳、而寔不期至於殺也、踰垣入逼婦、以獨居、常以刀自衛、既覺捉誠衣、操刀而起、誠惧奪其刀、婦

力挽令不得脫且號誠益窘遂殺之委扇而去三年
冤獄一朝而雪無不誦神者吳始悟裏邊吉乃周字
也然終莫解其故後邑紳乘間請之笑曰此甚易知
細閱爰書賀被殺在四月上旬是夜陰雨天氣猶寒
扇乃不急之物豈有忙迫之時反携此以增累者其
嫁害可知向避雨南郭見題壁詩與箋頭之作口角
相類故妄度李生果因是而得真盜幸中耳聞者嘆
服

異史氏曰、天下事入之深者、當其無事、常為有事之用、詞賦文章、華國之具也、而先生以相天下士、稱孫陽馬、豈非入其中者深乎、而不謂相士之道、移於折獄、易曰、知幾其神、先生有之矣、

邢子儀

滕有楊某、從白蓮教黨、得左道之術、徐鴻儒誅後、楊幸漏脫、遂挾術以遨、家中田園樓閣、頗稱富有、至泗上某紳家、幻法為戲、婦女出窺、楊睨其女美、既歸、謀

攝取之、其繼室朱氏、亦風韻、飾以華裝、偽為仙姬、又授木鳥、教之作用、乃自樓頭推墮之、朱覺身輕如葉、飄々然凌雲而行、無何至一處、雲止不前、知已至矣、是夜月明清潔、俯視甚了、取木鳥投之、鳥振翼飛去、直達女室、女見彩禽翔入、喚婢撲之、鳥自冲簾出、女追之、鳥墮地作鼓翼聲、近逼之、撲入裙底、展轉間、負女飛騰、直冲霄漢、婢大號、朱在雲中言曰、下界人勿須驚怖、我月府姮娥也、渠是王母第九女、偶謫塵世、

王母日切懷念、暫招去一相會聚、即送還耳、遂與結襟而行、方及泗水之界、適有放飛爆者、斜觸鳥翼、鳥驚墮、牽朱亦墮、落一秀才家、秀才邢子儀、赤貧而性方梗、曾有鄰婦夜奔、拒不納、婦啣憤去、譖諸其夫、誣以挑引、夫固無賴、晨夕登門詬辱之、邢因貨產、僦居別村、聞相士顧某、善決人福壽、踵門叩之、顧望見笑曰、君富足千鍾、何着敗絮見人、豈謂某無瞳耶、邢嗤妄之、顧細審曰、是矣、雖固蕭索乎、然金穴不遠矣、邢

又妄之、顧曰不惟暴富、且得麗人、邢終不以為信、顧
推之出曰、且去、且去、聽後方索謝耳、是夜獨坐月下、
忽二女自天降、視之皆麗姝、詫為妖、因致詰問、初不
肯言、邢將號召鄰里、朱惧始以寔告、且囑勿洩、顧終
從焉、邢思世家女、不與妖人婦等、遂遣人告諸其家、
其父母自女飛昇、零涕惶惑、忽得報書、驚喜過望、立
刻命輿馬、星馳而去、報邢百金、携女歸、邢得艷妻、方
憂四壁、得金甚慰、往謝顧、又審曰、尚未、尚未、泰運

已交百金何足言、遂不受謝、先是紳婦請於上官捕
楊、預遁不知所之、遂籍其家、發牒追朱、懼、牽邢
飲泣、邢亦計窘、姑賄承牒者、賃車騎携朱詣紳、哀求
解脫、紳感其義、為極力營謀、得贖免、留夫妻於別館、
懽如戚好、紳女幼受劉聘、劉一時顯秩也、聞女寄邢
家信宿、以為辱、反姻書與女絕婚、紳將議姻他族、女
告父母誓從邢、聞之喜、朱亦喜、自願下之、紳憂邢
無家、時楊居從官貨、因代購之、夫妻遂歸、出囊金粗

治器具、蓄婢僕、旬日間耗費已盡、但異女來、當復得其資助、一夕朱謂邢曰、孽夫楊某、曾以千金埋樓下、惟妾知之、適視其處、磚石依然、或窖藏無恙、未可知、往共發之、果得金、因信願術之神、厚報之、後女于歸、裝貲豐盈、不數年富甲一郡矣、

異史氏曰、白蓮殲滅、而楊獨不死、又附益之、幾疑恢、者踈而近於漏矣、而孰知天之留之也、蓋為邢也、不然、邢雖否極而泰、亦惡能倉卒起樓閣、累

巨金哉、不愛一色、而天輒報之以兩、嗚呼、造物無言、而意可知矣、

陸押官

趙公、湖廣武陵人、官宮詹、致仕歸、有少年同門下、求司筆札、公召入、見其人秀雅如書生、詰其姓名、自言陸押官、不索傭價、公留之、慧遇凡僕、往來牋奏、輒任意裁答、無不工妙、又主人與客奕、陸睨之、指點輒勝、趙由是益優寵之、諸僚僕見其得主人青顧、咸相戲、

索俾作筵押官諾、因問僚屬幾何、會別業主計者皆至、約三十餘人、衆悉告之數以難之、押官云、此大易、但客多倉卒不能遽辦、肆中可也、遂徧邀諸侶、赴臨街店、既坐、酒甫行、有按壺起者曰、諸君姑勿酌、請問今日東道誰主、宜先出貲爲質、始可放情飲噉、不然一舉數千、闕然都散、於何取償也、衆悉目押官、押官笑曰、得毋謂我無錢耶、我固有錢、乃起向盆中捻濕麵如拳、碎指置几上、隨擲隨化爲鼠、竄動滿案、押官

任捉一頭、裂之、啾然、腹破得小金、再捉亦如之、頃刻
鼠盡、碎金滿前、乃告衆曰、是不足吾飲耶、衆異之、乃
共恣飲、既畢、會直三兩餘、衆秤金、適符其數、衆思、白
其異於主人、遂索一枚懷之、既歸、告趙、命取金、搜
之、已亡、返質肆主、則償貲悉化蒺藜、僕還白趙、詰
之、押官曰、我非賺酒食者、某村麦穰中、再一簸揚、可
得麦二石、足償酒價有餘也、因挽一人同去、某村主
計者將歸、遂與偕往、至則淨麦數斛、已堆場中矣、衆

以此益奇押官。一日趙赴友筵，堂中有盆蘭甚茂，愛之。既歸，猶贊嘆之。押官曰：「誠愛此蘭，無難致者。」趙猶未信。凌晨至齋，忽聞異香蓬勃，則有蘭花一盆，箭葉多寡，宛如所見。因疑其竊，故審之。押官曰：「臣家所蓄不下千百，何須竊為？」趙妄之。適某友至，見蘭驚曰：「何酷似寒家物也？」趙曰：「余適購之，亦不識所自來。」但君今出門時，見蘭花尚在否？某曰：「我寔不曾至齋，有無故不可知。」然何以至此？趙視押官，押官曰：「此無難辨。」

公家盆破有補綴處，此盆無也。驗之始信。夜告主人曰：向言某家花卉頗多，都疑妄謬。今屈玉趾，乘月往觀，但諸人皆不可從，惟阿鴨無害。鴨宮詹之僮僕也，遂如所請。既出，已有四人荷肩輿，伏候道左。趙乘之，疾如奔馬，俄頃入山。但聞奇香沁骨，無何至一洞府，見舍宇華耀，迥異人間。隨處皆設花石，精盆佳卉，流光散馥，即蘭花一種，約有數十餘盆，無不茂美。觀已，如前命駕歸，押官從趙十餘年，後趙無疾終，遂與阿

鴨俱出、不知所往、

顧生

江南顧生、客稷下、眼暴腫、晝夜呻吟、罔所醫藥、十餘日痛少減、而合眼時輒睹巨宅、凡四五進、門皆洞闢、最深處有人往來、但遙睹不可細認、一日方凝注之、忽覺身入宅中、三歷門戶、絕無人跡、有南北廳事、內以紅毡貼地、畧窺之、見滿屋嬰兒、坐者、卧者、膝行者、不可數計、愕疑間、一人自舍後出、見之、曰、小王子謂

有遠客在門、果然、便邀之、頷不敢入、強之乃入、問此何所、曰、九王世子居、世子瘡病初瘥、今日親賓作賀、先生有緣也、言未已、有奔至者、督促速行、俄至一處、雕榭朱欄、一殿北向、凡九楹、歷階而升、則客已滿座、見一少年北面坐、知是王子、便伏堂下、滿堂盡起、王子曳頤東向坐、酒既行、鼓樂暴作、諸妓升堂、演華封祝、纔過三折、逆旅主人及僕僮進午膳、就床頭頻呼之耳、聞甚真心、恐王子知、然並無聞者、遂托更衣而

出、仰視日之中夕、則見僕立床前、始悟未離旅邸、心
悵、猶欲急返、因遣僕闔扉去、甫交曉、見宮舍依然、
急循故道而入、路經前嬰兒處、並無嬰兒、有數十蓬
首鮐背、坐卧其中、望見頤、出惡聲曰、誰家無賴子來
此窺伺、頤驚惧、不敢置辨、疾趨後庭、升殿即坐、見王
子領下添髻尺餘矣、見頤笑問何往、劇本遇七折矣、
因以巨觥示罰、移時曲終、又呈齣目、頤點彭祖娶婦、
妓即以椰瓢行酒、可容五斗許、頤離席辭飲、言臣目

疾不敢過醉。王子曰：君患目，有太醫在此，便合診視。東座一客，即離座來，兩指啟双眥，以玉簪點白膏如脂，囑合眸少睡。王子命侍兒引入複室令卧，片時覺床帳香熏，因而熟眠。居無何，忽聞鳴鉦鏗聒，即復驚醒，疑是優戲未畢，開目視之，則旅舍中狗舐油鐺也。然目病若失，再開之一無所睹矣。

陳錫九

陳錫九，邳人。父子言，為邑名士，富室周某仰其聲望，

訂為婚姻、陳累舉不第、而家蕭索、游學於秦、數年無
耗、陰有悔心、以少女適王孝廉為繼室、王聘儀豐盛、
僕馬甚都、以此益憎錫九、貧、堅意絕昏、問女、不從、
周怒、以惡服飾遣歸、錫九日不舉火、周亦不甚顧、卹、
一日使傭媪以榼餉女、入門向母曰、主人使某視小
姑、餓死否、女恐母慚、強笑以亂其詞、因出榼中肴
餌列母前、媪止之曰、無須爾、自小姑入人家、何曾交
換出一杯溫凉水、吾家物料、姥亦無顏啗、噉得、母

大恚聲色俱變、媼不服、惡語相侵、紛紜間錫九自外入、訊知大怒、撮毛批頰、撻逐出門而去、次日周來逆女、不肯歸、明日復來、增其人數、衆口呶々、如將尋鬪、母強勸女去、女潜然拜母、登車而去、過數日、又使人來逼索離婚書、母強錫九與之、惟望子言歸、以圖別處、周家有人自西安來、久知子言已死、陳母哀念成疾、尋卒、哀迫之中、猶冀妻臨、久之渺然、悲憤益切、薄田數畝、鬻治葬具、葬已、乞食赴秦、以求父骨、至西

安、徧訪居人、或言數年前有書生死於逆旅、葬之東郊、今塚已沒、錫九無策、惟朝丐市廛、暮宿野寺、真有知者、會晚經叢葬處、有數人遮道、逼索飯價、錫九曰、我異鄉人、乞食城郭、何處少人飯價、共怒、摔之仆地、以敗絮塞其口、力盡聲嘶、漸就危殆、忽共驚曰、何處官府至矣、釋手寂然、俄有車馬至、便問卧者何人、即有數人扶至車下、車中人曰、是吾兒也、孽鬼何敢爾、可悉縛來、勿致漏脫、錫九覺有人去其塞、少定、細認、

真其父也。太哭曰：我爲父骨良苦，今固尚在人間耶？父曰：我非人，太行搃管也。此來亦爲吾兒。錫九哭益哀。父稍々慰諭之。錫九泣述岳家離婚。父曰：無憂。今新婦亦在母所。母念兒甚，可暫一往，遂與同車。馳如風雨。移時至一官署。下車入重門，則母在焉。錫九痛欲絕。父止之。錫九啜泣聽命。見妻在母側。問母曰：兒婦在此，得毋泉下物耶？母曰：非也。是汝父接將來待汝。婦後當便送去。錫九曰：兒侍父母，不願歸矣。母曰：

辛苦跋涉而來、爲父骨耳、汝不歸、初志云何也、且汝孝行已達天帝、賜汝金萬斤、夫妻享受正遠、何言不歸、錫九垂泣、父數促行、錫九哭失聲、父怒曰、汝不行耶、錫九惧、收泪始詢葬所、父挽之曰、子行、我告之處、去叢葬處百餘步、有子母白榆是也、挽之甚急、竟不遑別母、門外有健僕、捉馬待之、既起乘、父囑曰、日所宿處有少資斧、可速辦裝歸、向岳索婦、不得婦勿休也、錫九諾而行、馬絕駛、鷄鳴至西安、僕扶下、方將

拜致父母，而人馬已杳。尋至舊宿處，倚壁假寐，以待天明。坐處有卷石碍股，曉而視之，白金也。市棺賃輿，尋雙榆下，得父骨而歸。合厝既畢，家仍四壁。幸里中憐其孝，共飯之。將往索婦，自度不能用武，與族兄十九往及門，皆絕之。十九素無賴，出詞穢褻，周使人勸錫九歸，願即送女去。錫九乃還初女之歸也。周對之罵婿及母，女不語，但向壁零涕。陳母死，亦不使聞。得離書，擲向女曰：「陳家出汝矣。」女曰：「我不曾悍逆出。」

我何爲也、欲歸質其故、又禁閉之後、錫九如西安、遂造凶訃以絕女志、此信一播、遂有杜中翰來議姻、竟許之、親迎有日、女始知、遂泣不食、以被韜面、氣如游縵、周正無所方計、忽聞錫九至、發語不遜、意料女必死、遂舁婦、錫九意將待女死、以洩其忿、錫九婦而送女者已至、猶恐錫九見其病而不納、甫入門、委之而去、鄰里代憂、共謀舁還、錫九不聽、扶置榻上、而氣已絕、始大恐、正惶迫間、周子率數人持械入、門窗盡毀、

錫九逃匿、苦搜之、鄉人盡為不平、十九糾十餘人、銳身急難、周子兄弟皆被夷傷、始鼠竄而去、周益怒、訟於官、捕錫九十九等、錫九將行、以女尸囑鄰媼、忽聞榻上若息、近視之、秋波微動矣、少時已能轉側、大喜、詣官自陳、宰怒、周訟誣、周惧、啗以重賂、始得免、錫九歸、夫妻相見、悲喜交并、先是女絕食奄卧、自矢必死、忽有人提起曰、我陳家人也、速從余去、夫妻可以相見、不然無及矣、不覺身已出門、兩人扶登肩輿、頃刻

至官廨、見翁姑俱在、問此何所、母言不必問、容當送
汝歸、一日見錫九至、竊喜、一見遽別、心頗疑怪、翁不
知何事、恒數日不歸、昨夕忽歸曰、我在武彞遲歸二
日、難為保兒矣、可速送兒婦去、遂以輿馬送女、忽見
家門、遂如梦醒、女與錫九共述曩事、相與驚喜、由此
夫妻相聚、但朝夕無以自給、錫九於村中設童蒙帳、
兼自攻苦、每私語曰、父言天賜黃金、今四堵空、豈
訓讀所能發跡耶、一日自塾中歸、遇二人問之曰、君

陳某耶、錫九然之、二人即出鉄索繫之、錫九不辭其故、少間村人畢集、共詰之、始知為郡盜所牽、衆憐其冤、醵錢賂役、以是途中得無苦、至郡見太守、歷數家世、太守愕然曰、此名士之子、溫文爾雅、烏能作賊、命脫縲紲、取盜戢、酷之始、供為周某賄囑、錫九又訴翁婿反面之由、太守益怒、立刻拘提、即廷錫九至署、與論世好、蓋太守舊邳宰、韓公之子、故子言受業門人也、贈燈火之費、以百金、又以二騾代步、使不時趨郡

以課文執轉於各上官游揚其孝、自摠制而下皆有
餽遺、錫九裘馬而歸、夫妻慰甚、一日妻母哭至、見女
伏地不起、女孩問之、始知周已被械在獄矣、女哀哭
自咎、但欲覓死、錫九不得已、詣郡為之緩頰、太守釋
令自贖、罰谷一百石、批賜孝子陳錫九、既歸、出倉粟
雜糠粃而輦運之、錫九謂女曰、而翁以小人之心度
君子矣、烏知我必受之、而瑣、雜糠竅也、因笑却之、
錫九家雖少有、而墻垣陋敝、一夜群盜入、僕覺大號、

止竊兩驟而去、後半年餘、錫九夜讀、聞搥門聲、問之、寂然、呼僕起共視之、門一啟、兩驟躍入、則向所亡也、直奔櫪下、咻、汗喘、燭之、各負革囊、解視則白鎗滿中、大異、不知其所自來、後聞是夜大寇劫周、盈裝出、適防兵追急、委其捆載而去、驟誌故主、遂奔至也、周自獄中歸、刑創猶劇、又遭盜劫、大病尋卒、女夜夢父囚繫而至曰、吾生平所為、悔之不及、今受冥譴、非若翁莫能解脫、為我代求婿、致一函焉、醒而鳴泣、詰之、

具以告、錫九久欲一詣太行、即日遂發、既至、備牲物
酹祝之、露宿其處、異有所見、終夜無異、遂歸、周死、子
母益貧、仰給於次婿、王孝廉考補縣尹、以墨敗、舉家
徙瀋陽、益無所歸、錫九時顧卹之、

異史氏曰、善莫大於孝、鬼神通之、理固宜然、使為
尚德之達人也者、即終貧、猶將取之、烏論後此之
必昌哉、或以膝下之嬌女、付諸頌白之叟、而揚、
曰、某貴官吾東床也、嗚呼、宛々嬰々者如故、而金

龜僭以諭葵婦其慘已甚矣而況以少婦從軍乎
可慨也夫

于去惡

北平陶聖俞名下士順治間赴鄉試寓居郊郭偶出
戶見一人負笈偃懷似卜居未就者畧詰之遂釋負
於道相與傾談言論有名士風陶大悅之請與同居
客喜携囊入遂同棲止客自言順天人姓于字去惡
以陶差長兄之于性不喜游曠常獨坐一室而案頭

無書卷、陶不與談、則嘿卧而已、陶疑之、搜其囊篋、則
筆硯之外、更無長物、怪而問之、笑曰、吾輩讀書、豈臨
渴始掘井耶、一日就陶借書去、閉戶抄甚疾、終日五
十餘紙、亦不見其摺疊成卷、竊窺之、則每一稿脫、輒
燒灰吞之、愈益怪焉、詰其故、曰、我以此代讀耳、便誦
所抄書、頃刻數篇、一字無訛、陶悅、欲傳其術、于以為
不可、陶疑其吝、詞涉誚讓、于曰、兄誠不諒我之深矣、
欲不言、則此心無以自剖、驟言之、又恐驚為異物、奈

何陶固謂不妨。予曰：我非人寔鬼耳。今冥中以科目授官。七月十四日奉詔考簾官。十五日士子入闈。月盡榜放矣。陶問考簾官何為。曰：此上帝慎重之意。無論烏吏鰲官皆考之。能文者以內簾用。不通者不得與焉。蓋陰之有諸神。猶陽之有守令也。得志諸公。目不睹墳典。不過少年持馱門磚。獵取功名。門既開。則棄去。再司簿書十數年。即文學士。胸中尚有字耶。陽世所以陋劣倖進。而英雄失志者。惟少此一考耳。陶

深然之由是益加敬畏一日自外來有憂色嘆曰僕
生而貧賤自謂死後可免不謂迎遭先生相從地下
矣陶請其故曰文昌奉命都羅國封王簾官之考遂
罷數十年遊神耗鬼雜入衡文吾輩寧有望耶陶問
此輩皆誰何人曰即言之君亦不識畧舉一二人大
概可知樂正師曠司庫和嶠是也僕自念命不可憑
文不可恃不如休耳言已快遂將治任陶挽而慰
之乃止至中元之夕謂陶曰我將入閤煩於昧爽時

持香炷於東野三呼去惡我便至乃出門去陶沽酒烹鮮以待之東方既白敬如所囑無何于偕一少年來問其姓字于曰此方子晉是我良友適與場中相遇聞兄盛名深欲拜識同至寓秉燭為禮少年亭似玉意度謙婉陶甚愛之便問子晉佳作當大快意于曰言之可笑闡中七則作過半矣細審主司姓名裏具選出奇人也陶扇爐進酒因問闡中何題去惡魁解否于曰書執經論各一夫人而能之策問自古

邪僻固多、而世風至今日、奸情醜態、愈不可名、不惟十八獄所不得盡、抑非十八獄所能容、是果何術而可、或謂宜量加一二獄、然殊失上帝好生之心、其宜增與否與、或別有道以清其源、爾多士其悉言勿隱、弟策雖不佳、頗謂痛快、表擬天魔殄滅、賜羣臣龍馬天衣有差、次則瑤台應制詩、西池桃花賦、此三種自謂場中無兩、言已鼓掌、方笑曰、此時快心、放兄獨步矣、數辰後、不痛哭始為男子也、天明方欲辭去、陶留

與同寓、方不可、但期暮至、三日竟不復來、陶使于往尋之、于曰無庸、子晉拳、非無意者、日既夕、方果至、出一卷授陶曰、三日失約、敬錄舊執百餘作、求一品題、陶捧讀大喜、一句一贊、畧盡一二首、遂藏諸笥、談至更深、方遂留、與于共榻寢、自此為常、方無夕不至、陶亦無方不歡也、一夕倉皇而入、向陶曰、地榜已揭、于五兄落第矣、于方卧、聞言驚起、泫然流涕、二人極意慰籍、涕始止、然相對嘿、殊不可堪、方曰、適聞大

巡環張桓侯將至、恐失志者之造言也、不然、文場尚有翻覆、于聞之色喜、陶詢其故、于曰、桓侯翼德、三十年一巡陰曹、三十五年一巡陽世、兩間之不平、待此老而一消也、乃起拉方俱去、兩夜始返、方謂陶曰、君不賀五兄耶、桓侯前夕至、裂碎地榜、上名字、止存三之一、徧閱遺卷、得五兄甚喜、荐作交南巡海使、旦晚輿馬可到、陶大喜、置酒稱賀、酒數行、于問陶曰、君家有閒舍否、問將何為、曰、子晉孤無鄉土、又不忍恣

然於兄弟意欲假館相依、陶喜曰、如此為幸多矣、即無多屋宇、同榻何碍、但有嚴君、須先關白、于曰、審知尊大人慈厚可依、兄場闈有日、子晉如不能待、先歸如何、陶留伴逆旅、以待同歸、次日方暮、有車馬至門、接于蒞任、于起握手曰、從此別矣、一言欲告、又恐阻銳進之志、問何言、曰、君命淹蹇、生非其時、此科之分十之一、後科桓侯臨世、公道初彰、十之三、科始可望也、陶聞欲中止、于曰、不然、此皆天数、即明知不可、

而註定之艱苦、亦要歷盡耳。又顧方曰、勿淹滯、今朝年月日時皆良、即以輿蓋送君歸。僕馳馬自去。方忻然拜別。陶中心迷亂、不知所屬、但揮涕送之。見輿馬分途、頃刻都散。始悔子晉北旋、未致一字而已無及矣。三場畢、不甚滿志、奔波而歸。入門問子晉、家中並無知者。因為父述之。父喜曰、若然、則客至久矣。先是陶翁晝卧、夢輿蓋止於其門。一美少年自車中出、登堂展拜、訝問所來。答云、大哥許假一舍、以入闈、不得

偕來、我先至矣、言已請入拜母、翁方謙却、適家媼入、白、夫人產公子矣、恍然而醒、大奇之、是日陶言適與夢符、乃知兒即子晉後身也、父子各喜、名之小晉、兒初生善夜啼、母苦之、陶曰、倘是子晉、我見之啼當止、俗忌客忤、故不令陶見、母患啼不可止、乃呼陶入、陶鳴之曰、子晉勿爾、我來矣、兒啼正急、聞聲輒止、停睇不瞬、如審顧狀、陶摩頂而去、自是竟不復啼、數月後、陶不敢見之、一見則折腰索抱、走去則啼不可止、陶

亦狎愛之、四歲離母、輒就兄眠、兄他出、則假寐以俟、其婦兄於枕上教毛詩、誦穀呢喃、夜盡四十餘行、以子晉遺文授之、欣然樂讀、過口成誦、試之他文、不能也、七八歲眉目朗澈、宛然一子晉矣、陶兩入闈皆不第、丁酉文場事發、簾官多遭誅譴、貢舉之途一肅、乃張巡環力也、陶下科中副車、尋貢、遂反志前途、隱居教弟、常語人曰、吾有此樂、翰苑不易也、

異史氏曰、余每至張夫子廟堂、瞻其鬚眉凜凜、有

生氣又其生平喑啞如霹靂殺矛馬所至無不大快、出人意料、世以將軍好武、遂置與絳灌伍、寧知文昌事繁、需候固多哉、嗚呼、三十五年來何暮也、王阮亭曰、數科來關節公行、非噉名即壘斷、脫有桓侯亦無如何矣、悲哉、

鳳仙

劉赤水、平樂人、少穎秀、十五入郡庠、父母早亡、遂以遊蕩自廢、家不中貲、而性好修飾、衾榻皆精美、一夕

被人招飲、忘滅燭去、酒數行、始憶之急、返聞室中小語、伏窺之、見少年擁麗者、眠榻上、宅臨貴家廢第、恒多怪異、心知其狐、即亦不恐、入而叱曰、卧榻豈容鼯睡、二人惶遽抱衣、赤身遁去、遺紫紉袴、一帶上繫針囊、大悅、恐其竊去、藏衾中而抱之、俄一蓬頭婢自門罅入、向劉索取、劉笑要償、婢請遺以酒、不應、贈以金、又不應、婢笑而去、旋返曰、大姑言如賜、還當以佳耦為報、劉問伊誰、曰、吾家皮姓、大姑小字八仙、共卧者

胡郎也、二姑水仙、適富川丁官人、三姑鳳仙、較兩姑尤美、自無不當意者、劉恐失信、請坐待好音、婢去久之、復返曰、大姑寄語官人、好事豈能猝合、適與之言、反遭詬厲、但緩時日以待之、吾家非輕諾寡信者、劉付之、過數日、渺無信息、薄暮自外歸、閉門甫坐、忽双扉自啟、兩人以被承女郎、手提四角而入曰、送新人至矣、咲置榻上而去、近視之、酣睡未醒、酒氣猶芳、顏醉態傾絕、人褰喜極、為之捉足解襪、抱體緩裳、而

女已微醒、開目見劉、四肢不能自主、但恨曰、八仙淫
婢賣我矣、劉狎抱之、女嫌膚冰、微笑曰、今夕何夕、見
此涼人、劉曰、子兮子兮、如此涼人何、遂相歡愛、既而
曰、婢子無耻、玷人牀寢、而以妾換袴耶、必小報之、從
此靡夕不至、綢繆甚殷、袖中出金釧一枚曰、此八仙
物也、又數日、懷繡履一双來、珠嵌金繡、工巧絕倫、且
囑劉暴揚之、劉出誇示親賓、求觀者皆以貲酒為贄、
由此奇貨居之、女夜來忽作別語、怪問之、答云、姊以

履故恨妾、欲携家遠去、隔絕我好、劉惧願還之、女云
不必、彼方以此挾我、如還之、中其机矣、劉問何不獨
留、曰父母遠去、一家十餘口、俱托胡郎經紀、若不從
去、恐長舌婦造黑白也、從此不復至、逾二年、思念綦
切、偶在途中、遇女郎騎款段馬、老僕鞚之、磨肩過、反
啟幃紗相窺、丰姿艷絕、頃一少年後至、曰女子何人、
似頗佳麗、劉亟贊之、少年拱手笑曰、太過獎矣、此即
山荆也、劉惶愧謝過、少年曰、此何妨、但南陽三葛、君

得其龍區，者又何足道。劉疑其言，少年曰：君不認
竊眠卧榻者耶？劉始悟為胡，叙僚婿之誼，嘲謔甚歡。
少年曰：岳新婦將以省覲，可同行否？劉喜，從入縈山。
山上故有邑人避亂之宅，女下馬入，少間數人出望。
曰：劉官人亦來矣。入門謁見翁嫗，又一少年先在，靴
袍炫美。翁曰：此富川丁婿，並揖即坐。少時酒炙紛紜，
談笑頗洽。翁曰：今日三婿並臨，可稱佳集。又無他人，
可喚兒輩來作一團圓之會。俄姊妹俱出，翁命設座。

各傍其婿、八仙見劉、惟掩口而笑、鳳仙輒與嘲弄、水仙貌少亞、而沉重溫文、滿座傾談、惟把酒含笑而已、於是履舄交錯、蘭麝熏人、飲酒樂甚、劉視床頭樂具畢備、遂取玉笛請為翁壽、翁喜、命善者各執一藝、因而合座爭取、惟丁與鳳仙不取、八仙曰、丁郎不諳可也、汝寧指屈不伸者、因以拍板擲鳳仙懷中、便串繁响、翁悅曰、家人之樂極矣、兒輩俱能歌舞、何不各盡所長、八仙起捉水仙曰、鳳仙從來金玉其音、不敢相

勞我兩人可歌洛妃一曲、二人歌舞方已、適婢以金盤進菜、都不知其何名、翁曰、此自真臘携來、所謂田婆羅也、因掬數枚送丁前、鳳仙不悅曰、婿豈以貧富爲愛憎耶、翁微哂未言、八仙曰、阿爹以丁郎異縣、故是客耳、若論長幼、豈獨鳳妹、有拳大酸婿耶、鳳仙終不快、解華妝、以鼓拍授婢、唱破窰一折、聲泪俱下、既闕、拂袖徑去、一座爲之不歡、八仙曰、婢子喬性、猶昔、乃追之、不知所往、劉無顏亦辭而歸、至半途見鳳

仙坐路旁呼與並坐曰君一丈夫不能為床頭人吐氣耶黃金屋自在書中願好為之舉足云出門匆遽棘刺破複履矣所贈物在身邊否劉出之女取而易之劉乞其儆者輟然曰君亦大無賴矣幾見自己衾枕之物亦要懷藏者如相見愛一物可以相贈遂出一鏡付之曰欲見妾當於書卷中覓之不然相見無期矣言已不見惆悵自歸視鏡則鳳仙背立其中如望去人於百步之外者因念所囑謝客下帷一日見

鏡中人忽現正面、盈々欲笑、益愛重之、無人時輒一
共對、月餘銳志漸衰、遊恒忘返、歸見鏡影、慘然若涕、
隔日再視、則背立如初矣、始悟爲己之廢學也、乃閉
戶研讀、晝夜不輟、月餘則影復向外、自此驗之、每有
事荒廢、則其容戚、數日攻苦、則其容咲、於是朝夕懸
之、如對師保、如此二年、一舉而捷、喜曰、今可以對我
鳳仙矣、覽鏡視之、見畫黛彎長、瓠犀微露、喜容可掬、
宛在目前、愛極停睇不已、忽鏡中人咲曰、影裏情郎、

畫中愛寵、今之謂矣。驚喜四顧、則鳳仙已在座後、握手問翁媼起居、曰：妾別後、不曾歸家、伏處岩穴、聊與君分苦耳。劉赴宴、郡中女請與俱、共乘而往。人對面不相窺、既而將歸、陰與劉謀、偽為娶於郡也者。女既歸、始出見客、經理家政、人皆驚其美、而不知其狐也。劉屬富川令門人往謁之、遇丁殷、邀至其家、款禮優渥、言岳父母近、又他徙、內人歸寧、將復當寄信往、并詣申賀。劉初疑丁亦狐、及細審邦族、始知富川大

賈子也、初丁自別業暮歸、遇水仙獨步、見其美、微睨之、女請附驥以行、丁喜載至齋、與同寢處、櫺隙可入、始知為狐、女言即勿見疑、妾以君誠篤、故願托之、丁嬖之、竟不復娶、劉歸假貴家廣宅、備客燕寢、洒掃光潔、而苦無供帳、隔夜視之、則陳設煥然矣、過數日、果有三十餘人、賁旗采酒禮而至、輿馬繽紛、填溢街巷、劉揖翁及丁胡入客舍、鳳仙逆、姬與兩姨入內寢、八仙曰、婢子今貴、不怨冰人矣、釧履猶存否、女搜付之、

曰履則猶是也。而被千人看破矣。八仙以履擊背曰。捷汝寄語劉郎。乃投諸火。祝曰。新時如花開。舊時如花卸。珍重不曾着。姮娥來相借。水仙亦代祝曰。曾經籠玉笋。看出萬人稱。若使姮娥見。應憐太瘦生。鳳仙撥灰曰。夜々上青天。一朝去所歡。留得纖々影。徧與世人看。遂以灰捻样中。堆作十餘分。望見劉來。托以贈之。但見繡履滿样。悉如故款。八仙急出。推样墜地。地上猶有一二隻存者。又伏吹之。其跡始滅。次日丁

以道遠、夫婦先歸、八仙貪與妹戲、翁及胡屢督促之、
停午始出、與衆俱去、初來儀從甚盛、觀者如市、有兩
寇窺見麗人、魂魄喪失、因謀劫諸途、偵其離村、尾之
而去、相隔不盈一矢、馬極奔不能及、至一處、兩崖夾
道、輿行稍緩、追及之、持刀吼咤、人衆都奔、下馬啟簾、
則老嫗坐馬、方疑悞掠其母、纔他顧、而兵傷右臂、頃
已被縛、凝眸視之、崖並非崖、乃平樂城門也、輿中則
李進士母、自鄉中歸耳、一寇後至、亦被斷馬足而繫

之門丁執送太守、一訊而伏、時有大盜未獲、詰之即其人也、明春劉及第、鳳仙以招禍故、悉辭內戚之賀、劉亦更不他娶、及為郎官、納妾生二子、

異史氏曰、嗟乎、冷煖之態、仙凡固無殊哉、少不努力、老大徒傷、惜無好勝佳人、作鏡影、悲笑耳、吾願恒河沙數仙人、并遣嬌女、婚嫁人間、則貧窮海中、少苦衆生矣、

佟客

董生徐州人、好擊劍、每忼慨自負、偶在途中遇一客、
跨蹇同行、與之語、談吐豪邁、詰其姓字、云遼陽佟姓、
問何往、曰余出門二十年、適自海外歸耳、董曰、君遨
遊四海、閱人綦多、曾見異人否、佟問異人何等、董乃
自述所好、恨不得異人之傳、佟曰、異人何地無之、要
必忠臣孝子、始得傳其術也、董又奮然自許、即出佩
劍、彈之而歌、又斬路側小樹、以矜其利、佟掀髯微笑、
因便借觀、董授之、展玩一過、曰、此鉄甲所鑄、為汗臭

所蒸最爲下品、僕雖未聞劍術、然有一劍頗可用、遂
於衣底出短刃尺許、以削薑劍、毳如瓜瓠、應手斜斷
如馬蹄、董駭極、亦請過手、再三拂拭而後反之、邀佟
過諸其家、堅留信宿、叩以劍法、謝不知、董按膝雄談
惟敬聽而已、更既深、忽聞隔院紛拏、隔院爲生父居、
心驚疑近壁凝聽、但聞人作惡聲曰、教汝子速出、即
刑、便赦汝、少頃似加撈掠、呻吟不絕者、真其父也、生
提戈欲往、佟止之曰、此去恐無生理、宜審萬全、生惶

然請教佟曰、盜坐名相索、必將甘心焉、君無他骨肉、
宜囑後事於妻子、我啟戶爲君警廝僕、生諾、入告其
妻、牽衣泣、生壯念頓消、遂共登樓、尋弓覓矢、以備
盜攻、倉皇未已、聞佟在樓簷上笑曰、賊幸去矣、燭之
已杳、遂巡出、則見翁赴鄰飲、籠燭始歸、惟庭前多編
管遺灰焉、乃知佟異人也、

異史氏曰、忠孝人之血性、古來臣子、而不能死君
父者、其初豈遂無提戈壯往時哉、要皆一轉念誤、

之耳。昔解大紳與方孝儒相約以死，而卒食其言。安知矢約歸家後，不聽床頭人鳴泣而止哉。

邑有快役某，每數日不歸，妻遂與里中無賴通。一日歸，適值少年自房中出，大疑，苦詰其妻，堅不服。既於床頭得少年遺物，妻窘無詞，惟長跣哀乞。某怒甚，擲以繩，逼令自經。妻請妝服而死，許之。妻乃入室理粧，某自酌以待之。呵叱頻摧，俄妻炫服出，含涕拜曰：「君果忍令奴死耶？」某盛氣咄之。妻返

走入房、方將結帶、某擲盞鏘然曰、哈、返矣、一頂綠頭巾、或不能壓人死耳、遂為夫婦如初、此亦大紳者類也、一笑、

愛奴

河間徐生、設教於恩、臘初、歸途遇一叟、審視曰、徐先生、徹帳矣、明歲授教何所、應曰、仍舊、叟曰、敬業、姓施、有舍甥、延求明師、適托某至東、曠聘呂子廉、渠已受贄、稷門君如苟就、東儀請倍於恩、徐以成約為辭、叟

曰、信行君子也、然去新歲尚遠、敬以黃金一錠為贄、暫留教之、明歲另議何如、徐可之、叟下騎呈禮函、且曰、敝里不遙矣、宅綦隘、飼畜為艱、請即遣僕馬去、散步亦佳、徐從之、以行李寄叟馬上、行三四里許、日既暮、始抵其宅、漚釘獸環、宛然世家、呼生出拜、十三四歲童子也、叟曰、妹夫蔣南川、舊為指揮使、止遺此兒、頗不鈍、但嬌慣耳、得先生一月善誘、當勝十年、未幾設筵備極豐美、而行酒下食、皆以婢媼、一婢執壺侍

立年十五六以來、風致韻絕、心竊動之、席既終、叟命安置床寢、始辭而去、天未明、兒出就學、徐方起、即有婢來捧巾侍盥、即執壺人也、日給三餐、悉此婢、至夕又來掃榻、徐問何無僮僕、婢但笑不言、布衾徑去、次夕復至、入以游語、婢笑不拒、遂與狎、因告曰、吾家並無男子、外事則托施舅、妾名愛奴、夫人雅敬先生、恐諸婢不潔、故以妾來、今日但須緘密、恐發覺而無顏也、一夜共寢忘曉、為公子所遭、徐慚忤不自安、至夕

婢來曰、幸夫人重君、不然敗矣、公子入告、夫人急掩其口、若恐君聞、但戒妾勿得久留齋館而已、言已遂去、徐甚德之、然公子不喜讀、訶責之、則夫人輒爲緩頰、初猶遣婢傳言、漸親出、隔戶與先生語、往々零涕、願每晚必問公子日課、徐頗心厭、作色曰、既從兒懶、又責兒工、此等師我不慣作、請辭、夫人遣婢謝、過徐乃止、自入館以來、每欲一出登眺、輒錮閉之、一日醉中快悶、呼婢問故、婢言無他、恐廢學耳、如必欲出、但

請以夜。徐怒曰：「受人數金，便當掩禁死耶？教我夜竄何之乎？」久以素餐為耻，贄固猶在囊中耳。遂出金置几上。治裝欲行，夫人出，脉脉不語。惟掩袂哽咽，使婢反金。啟鑰送之。徐覺門戶逼仄，走數步，日光射入，則身自陷塚中。出，四望荒涼，一古墓也。大駭，而心感其義，乃賣所賜金，封堆植樹而後去之。過歲復經其處，展拜而行。遙見施叟，笑致溫涼，邀之殷切，心知其鬼，而欲一問夫人起居，遂相將入村，沽酒共酌，不覺日

暮叟起償酒價、便言寒舍不遠、舍妹亦適、歸寧望移
玉趾、為老夫祓除不祥、出村數武、又一里落、叩扉入、
秉燭、向客、俄蔣夫人自內出、始審視之、蓋四十許、麗
人也、拜謝曰、式微之族、門戶零落、先生澤及枯骨、真
無計可以償之、言已泣下、既而呼愛奴向徐曰、此婢
妾所憐愛、今以相贈、聊慰客中寂寞、凡有所須、渠亦
畧能解意、徐唯々、少間、兄妹俱去、婢留侍寢、鷄初唱、
叟即來促裝送行、夫人亦出、囑婢善事先生、又謂徐

曰、從此尤宜謹密、彼此遭逢詭異、恐好事者造言也、徐諾而別、與婢共騎至館、獨處一室、與同棲止、或客至、婢不避人、亦不之窺也、偶有所欲、意一萌而婢已致之、又善巫、一按莎而疴立愈、清明歸、至墓所、婢辭而下、徐囑代謝夫人、諾之、遂沒、數日返、方擬展墓、見婢華妝坐樹下、因與俱發、終歲往返、如此為常、欲携同歸、執不可、歲杪辭館歸、相訂後期、婢送至前坐處、指石堆曰、此妾墓也、夫人未出閣時、便從服役、天殂

瘞此如再過以炷香相弔當得復會既別而歸懷思頗苦敬往祝之殊無影响乃市櫬發塚意將載骨歸葬以寄戀慕穴開自入則見顏色如生然膚雖未朽而衣敗若灰頭上玉飾金釧都如新製又視腰間裹黃金數銚卷懷之始解袍覆尸抱入棺木賃輿載歸停諸別第飾以繡裳獨宿其旁冀有靈應忽愛奴自外入笑曰劫墳賊在此耶徐驚喜慰問婢曰向從夫人往東昌三日既歸則舍宇已空頻蒙相邀所以不

肯相從者、以少受夫人重恩、不忍離湯耳、今既劫我
來、即速瘞葬、便見厚德、徐問古人有百年復生者、今
芳體如故、何不效之、嘆曰、此有定數、世傳靈蹟、半涉
幻妄、要欲復起動履、亦復何難、但不能遂類生人、故
不必也、乃啟棺入尸、即自起、亭、可愛、探其懷、則冷
若冰雪、遂將入棺、復卧、徐強止之、婢曰、妾過蒙夫人
寵眷、主人自異域來、得黃金數萬、妾竊取之、亦不甚
追問、後濱危、又無戚屬、遂藏以自殉、夫人痛妾天謝、

又以寶飾入殮，身所以不朽者，不過得金寶之餘氣耳。若在人世，豈能久乎？必欲如此，切勿強以飲食，若使靈氣一散，則游魂亦消矣。徐乃搆精舍，與共寢處，笑語一如常人，但不食不息，不見生人耳。年餘，徐飲薄醉，執殘瀝，強灌之，立刻倒地，口中血水流溢，終日而尸已變，哀悔無及，遂厚葬之。

異史氏曰：夫人教子，無異人世，而所以待師者何厚也，豈不亦賢乎？余謂艷尸不如雅鬼，乃以措大

之俗莽致靈物不享其年惜哉

章邱朱生性剛鯁設帳於某貢士家每譴子弟內輒遣婢媼出爲乞免頗不聽之一日親詣窓外與朱閑說朱怒操戒方大罵而出婦惧而奔朱追之自後橫擊脣股鏘然作皮肉聲一何可笑

長山某翁每歲延師必以一年束金合終歲之盈虛計每日得若干數又以師離齋歸齋之日詳記爲籍歲終則公同按日而乘除之馬生館其家初

見操珠盤來得，故甚駭。既而暗生一術，反嗔為喜，聽其扣筭不少較。翁於是大悅，堅訂來歲之約。馬假辭以故，有某生跣垂謬，馬因荐以自代。既就館，動輒詬罵。翁無奈，悉含忍之。歲杪携珠盤至，生勃然忿不可支。姑聽其筭，翁又以途中日盡，歸於西。生不受，撥珠歸東，兩爭不決。操戈相向，兩人破頭爛額而赴公庭焉。

單父宰

青州民某、五旬繼娶少婦、二子恐其復育、乘父醉、割
畢丸而藥糝之、父覺、托病不言、久之、創漸平、忽入室、
刀縫綻裂、血溢不止、尋斃、妻知其故、訟於官、械其
子、果伏、駭曰、余今為單父宰矣、並誅之、

邑有王生者、娶月餘而出其妻、父訟之、時辛公
宰淄、問王何故出妻、答云、不可說、固詰之、曰、以其
不能產育耳、公曰、妄哉、月餘新婦、何知不能產、怛
怛久之、告曰、其陰甚偏、公笑曰、是則偏之為害、而

家之所以不齊也。此可與單父宰並傳一笑。

邑人

邑有鄉人素行無賴。一日晨起有二人攝之去。至市頭見屠人以半猪懸架上。二人便極力推擠之。遂覺身與肉合。二人亦逕去。少間屠人賣肉。操刀斷割。遂覺一刀一痛。徹於骨髓。後有鄰公來市肉。苦爭低昂。添脂搭肉。片片碎割。其苦更慘。肉盡乃尋途歸。時日已向暮。家人謂其晏起。乃細述所遭。呼鄰問之。則

市南方婦言其片數斤數毫髮不爽崇朝之間已受
凌遲一度不亦奇哉

岳神

揚州提同知夜夢岳神召之詞色憤怒仰見一人侍
神側少為緩頰醒而惡之早詣岳廟默作祈禳既出
見藥肆一人絕肖所見問之知為醫生既婦暴病特
遣人聘之既至出方為劑暮服之中夜而卒或言閭
羅王與東岳天子日遣侍者男女十萬八千衆分布

天下作巫醫、名勾魂使者、用藥者不可不察也。

小梅

蒙陰王慕貞、世家子也、偶遊江浙、見媼哭於途、詰之、言先夫止遺一子、今犯死刑、誰有能出之者、王素忼慨、誌其姓名、出橐中金為之幹旋、竟釋其罪、其人出、聞王之救已也、而茫然不解其故、訪諸旅邸、感泣謝問、王言無他、即憐汝老母耳、其人大駭、自言母故已久、王亦異之、抵暮媼來申謝、王咎其謬誣、媼曰、寔相

告我東山老狐也。二十年前，曾與兒父有一夕之好，故不忍其兒之餒也。王悚然起敬，再欲詰之，已失所在。先是王妻賢而好佛，不如葷酒，治潔室，懸觀音像，以無子嗣，日焚禱其中，而神又最靈，輒示夢教人趨避，以故家中事皆取決焉。後有疾，綦篤，移榻其中，又別設錦裯於內室，而扃其戶，若有所伺。王以為惑，而以其疾勢昏瞽，不忍傷之，卧病二年，惡罵常屏人獨宿，潛聽之，似與人語，啟門視之，則寂然矣。病中他

無所慮、有女十四歲、惟日推治妝、遣嫁既醮、呼王至榻前執手曰、今訣矣、初病時菩薩告我、命當速死、念不了者、幼女未嫁、因賜少藥、俾延息以待、去歲菩薩將回南海、畱案前侍女小梅、為妾服役、今將死、薄命人又無所出、保兒妾所憐愛、恐娶悍妬之婦、令其子母失所、小梅姿容秀美、又溫淑、即以為繼室可也、蓋王有妾、生一子名保兒、王以其言荒唐、曰卿素敬者神、今出此言、不已褻乎、答云、小梅事我年餘、相忘形

體我已婉求之矣。問小梅何處。曰室中非耶。方欲再詰。瞑目已逝。王夜守靈幃。聞室中隱々啜泣。大駭。疑為鬼。喚諸婢妾啟鑰視之。則二八麗人。縗服在室。衆以為神。共羅拜之。女歛涕扶掖。王凝注之。俛首而已。王曰。如果亡室之言。非妄。請即上堂受兒女朝謁。如其不可。僕亦不敢妄想。以取罪過。女靦然出。竟登北堂。王使婢為設座南向。王先拜。女亦答拜。下而長幼卑賤。以次伏叩。女莊容坐受。惟妾至則挽之。自夫人

卧病、婢情奴偷、家久替、衆叅已肅、列侍、女曰、我感夫人誠意、羈留人間、又以大事相委、汝輩宜各洗心為主効力、從前愆尤、悉不較計、不然莫謂室無人也、共視座上、真如懸觀音圖像、時被微風吹動者、聞言悚惕、闕然並諾、女乃排撥喪務、一切井井、由是大小無敢懈者、女終日經紀內外、王將有作、亦稟白而行、然雖一夕數見、并不交一私語、既殯、王欲申前約、不敢徑告、囑妾微示意、女曰、妾受夫人諄囑、義不容辭、

但匹配大禮、不得草草、年伯黃先生、位尊德重、求使
主秦晉之盟、則惟命是聽、時沂水黃太僕致仕閒居、
於王為父執、往來最善、王即親詣以寔告、黃竒之、即
與同來、女聞、即出展拜、黃一見、驚為天人、遜謝不敢
當禮、既而助妝優厚、成禮乃去、女餽遺枕履、若奉舅
姑、由此交益親、合卺後、王終以神故、褻中帶肅、時研
詰菩薩起居、女笑曰、君亦太愚、焉有正直之神、而下
婚塵世者、王力審所自、女曰、不必研窮、既以為神、朝

夕供養、自無殃咎、女御下常寬、非笑不語、然婢賤戲狎時、遙見之、則嘿々無聲、女笑諭曰、豈爾輩尚以我為神耶、我何神哉、寔為夫人姨妹、少相交好、姊病見思、陰使南村王姥招我來、第以日近姊夫有男女之嫌、故托為神道、閉內室中、其寔何神、衆猶不信、而日侍其傍、見其舉動不少異於常人、浮言漸息、然即頑鈍之婢、王素撻楚所不能化者、女一言無不樂於奉命、皆云並不自知、寔非畏之、但睹其貌則心自柔、故

不忍拂其意耳、以此百廢具舉、數年中田地連阡、倉廩萬石矣、又數年妾產一女、舉一子、生左臂有朱點、因字小紅、彌月、女使王盛筵招黃、賀儀豐渥、但辭以髦、不能遠涉、女遣兩媼強邀之、黃始至、抱兒出、袒其左臂、以示命名之意、又再三問其吉凶、黃笑曰、此喜紅也、可增一字名喜紅、女大悅、更出展拜、是日鼓樂充庭、貴戚如市、黃留三日始去、忽門外有輿馬來、逆女歸寧、向十餘年並無瓜葛、共議之、而女若

不聞理妝竟抱子於懷要王相送王從之至二三十里許寂無行人女停輿呼王下騎屏人語曰王卽王卽會短離長謂可悲否王驚問其故女曰君謂妾何人也答以不知女曰江南拯一死罪有之乎曰有曰哭於路者吾母也感義而思所報乃因夫人好佛附為神道寔將以妾報君也今幸生此襁褓物此願已慰妾視君悔運將來此兒在家恐不能育故借歸寧解兒厄難君記取家有死口時當於晨雞初唱詣西

河柳堤上、見有挑葵花燈來者、遮道苦求、可免災難、王諾之、因問婦期、女曰不可預定、要當牢記吾言、後會亦不遠也、臨別執手、愴然交涕、俄登輿疾若風、王望之不見、始返、經六七年、絕無音問、忽四鄉瘟疫流行、死者甚衆、一婢病三日死、王念曩囑、頗以關心、是日與客飲、大醉而睡、既醒、聞鷄鳴、急起、至堤頭、見燈光閃爍、適已過去、急追之、止隔百步許、益追益遠、漸不可見、懊恨而返、數日暴病尋卒、王族多無賴、共憑

凌其孤寡、田禾樹木、公然伐取、家日凌替、踰歲保兒
又殤、一家更無所主、族人益橫、割裂田產、廐中牛馬
俱空、又欲瓜分第宅、以妾居故、遂將數人來、強奪鬻
之、妾戀幼女、母子環泣、慘動鄰里、方危難間、俄聞門
外有肩輿入、共覘之、則女引小郎自車中出、四顧人
紛如市、問此何人、妾哭訴其由、女顏色慘變、便喚從
來僕役、關門下鑰、衆欲抗拒、而手足若痿、女令一一
收縛、繫諸廊柱、日與薄粥三甌、即遣老僕奔告黃公、

然後入堂哀泣、已、謂妾曰、此天数也已期前月來、適以母病耽延、遂至於今、不謂轉盼間已成丘墟、問舊時婢媼、則皆被族人掠去、又益歔歔、越日婢僕聞女至、悉自遁歸、相見無不流涕、所繫族人、共譟兒非慕貞體胤、女亦不置辨、既而黃公至、女引兒出迎、黃握兒臂、便將左袂、見朱記宛然、因袒示衆人、以証其確、乃細審失物、登簿記名、親詣邑令、拘無賴輩、各笞四十、械禁嚴追、不數日田地牛馬、并歸故主、黃將

婦女引兒泣拜曰、妾非世間人、叔父所知也、今以此子委叔父矣、黃曰、老夫一息尚在、無不悉為區處、黃去、女盤查就緒、託兒於妾、乃具饌為夫婦祭掃、半日不返、視之、則杯饌猶陳、而人杳矣、

異史氏曰、不絕人嗣者、人亦不絕其嗣、此人也而寔天也、至座有良朋、車裘可共、迨宿莽既滋、妻子凌夷、則車中人望、然去之矣、死友而不忍忘、感思而思所報、獨何人哉、狐乎、倘爾多財、吾為爾宰、

于中丞

于中丞成龍按部至高郵適巨紳家將嫁女妝奩甚富夜被穿窬席捲而去刺史無術公令諸門盡閉止留一門放行人出入吏目守之嚴搜裝載又出示諭闔城戶口各歸第宅候次日查點搜掘務得贓物所在乃陰囑吏目設有城門中出入至再者捉之過午得二人一身之外並無行裝公曰此真盜也二人詭辨不已公令解衣搜之見袍服內着女衣二襲皆奩

中物也、蓋恐次日大搜、急於移置、而物多難携、故密着而屢出之也、

又公為宰時、至鄰邑、早旦經郭外、見二人以床舁病人、覆大被、枕上露髮、上簪鳳釵一股、側眠床上、有
三四健男夾隨時更番以手擁被令壓身底、似恐風入、少頃息肩路側、又使二人更相為荷、于公過、遣隸
回問之、云是妹子垂危、將送歸夫家、公行二三里、又
遣隸回、視其所入何村、隸尾之、至一村舍、兩男子迎

之而入、還以白公、謂其邑宰、城中得毋有劫寇否、
宰云無之、時功令嚴、上下諱盜、故即被盜賊、劫殺亦
隱忍而不敢言、公就館舍、囑家人細訪之、果有富室、
被強寇入家、炮烙死矣、公喚其子來、詰其狀、子固不
承、公曰、我已代捕巨寇在此、非有他也、子乃頓首哀
泣、求為死者雪恨、公叩閤往見邑宰、差健役四鼓離
城、直至村舍、捕得八人、一鞠盡伏其罪、詰其病婦何
人、盜供是夜同在構欄、故與妓女合謀、置金床上、令

抱卧至窩頓處始瓜分耳。共服于公之神。或問所以能知之故。公曰。此甚易解。但人不關心耳。豈有少婦在床。而容入手衾底者。且易肩而行。其勢甚重。交手護之。則知其中之有物矣。若病婦昏瞶而至。必有婦人倚門而迎。止見男子。並不驚問一言。是以確知為盜也。

績女

紹興有寡媪夜績。忽一少女推扉入。笑曰。老姥無乃

勞乎、視之年十八九、儀容秀美、袍服炫麗、媼驚問何來、女曰、憐媼獨居、故來相伴、媼疑為候門亡人、苦相詰、女曰、媼無惧、妾之孤亦猶媼也、我愛媼潔、故相就、兩免岑寂、固不佳耶、媼又疑為狐、嘿然猶豫、女竟升床、代績、曰、媼無憂、此等生活、妾優為之、定不以口腹相累、媼見其溫婉可愛、遂安之、夜深謂媼曰、携來衾枕、尚在門外、出淒時、煩代捉入、媼出、得衣一裹、女解陳榻上、不知是何錦繡、香滑無比、媼亦設布被與之

共榻羅衾甫解、異香滿室、既寢、媼私念遇此佳人、可惜身非男子、女於枕上咲曰、姥七旬猶妄想耶、媼云無之、女曰、既不要想、奈何欲作男子、媼益知為狐、大惧、女又笑曰、願作男子何心、而又惧我耶、媼益恐、股戰、搖床、女曰、嗟哉、胆如此大、還欲作男子、寔相告、我真仙人、然非禍汝者、但須謹言、衣食自足、媼早起、拜於床下、女出臂挽之、臂膩如脂、熱香噴溢、肌一着人、覺皮膚鬆快、媼心動、復涉遐想、女哂曰、婆子戰慄、終

止心又何處去矣、使作丈夫、當為情死、媼曰、使是丈夫、今夜那得不死、由是兩心浹洽、日同操作、視所績、勻細生光、織為布、晶瑩如錦、價較常三倍、媼出則扃其戶、有訪媼者、輒於他室應之、居半載、無知者、後媼漸洩於所親、里中姊妹行、皆托媼以求見、女讓曰、汝言不慎、我將不能久居矣、媼悔失言、深自責、而人之求見者、日益衆、至有以勢迫媼者、媼涕泣自陳、女曰、若諸女伴、見亦無妨、恐有輕薄兒、將見狎侮、媼復哀

懇始許之。越日，老嫗少女香烟相屬於道。女厭其煩，無貴賤悉不交語，惟嘿然端坐，以聽朝參而已。鄉中少年聞其美，神魂傾動，嫗悉絕之。有費生者，邑之名士，傾其產以重金啗嫗，諾為之請。女已知之，責曰：「汝賣我耶？」嫗伏地自投。女曰：「汝貪其賂，我感其痴，可以一見，然而緣分盡矣。」嫗又伏叩。女約以明日。生聞之喜，具香燭而往。入門，長揖。女簾內與語，問君破產相見，將何以教妾也？生曰：「寔不敢他有所干，祇以毛

嬌西子、徒得傳聞、如不以冥頑見棄、俾得一濶眼界、
下顧已足、若休咎自有定數、非所樂聞、忽見簾幙之
中、容光射露、翠黛朱櫻、無不畢現、似無簾幙之隔者、
生意眩神馳、不覺傾拜、已而起、則厚幙沉沉、聞聲
不見矣、悵悵間、竊恨未睹下體、俄見簾下繡履雙跣、
瘦不盈指、生又拜、簾中語曰、君歸休、妾體情矣、媼延
生別室、烹茶為供、生題南鄉子一調於壁云、隱約画
簾前、三寸凌波玉笋尖、點地分明蓮瓣落、纖纖、再着

重台更可憐、花襯鳳頭灣、入握應知軟似綿、但願化
為蝴蝶去裙邊、一嗅餘香死亦甘、題畢而去、女覽題
不快、謂媼曰、我言緣分已盡、今不妄矣、媼伏地請罪、
女曰、罪不盡在汝、我偶墮情障、以色身示人、遂被淫
詞污褻、此皆自取、於汝何尤、若不速遷、恐陷身情窟、
轉劫難出矣、遂襍被出、媼追挽之、轉瞬已失、

司訓

教官某甚聾、而與一狐善、狐耳語之、即能聞、每見上

官亦與狐俱、人不知其重聽也。積五六年、狐別而去、
囑曰、君如傀儡、非挑弄之、則五官俱廢、與其以聾取
罪、不如早自高也。某戀祿不能從其言、應對屢乖、學
使欲逐之、某又求當道者爲之緩頰、一日執事文場、
唱名畢、學使退、與諸教官燕坐、教官各捫籍靴中、呈
進、閱說已、而學使笑問、貴學何獨無所呈進、某茫乎
不解、近坐者肘之、以手入靴示之勢、某爲親戚寄賣
房中偽器、輒藏靴中、隨在求售、因學使笑語、疑索此

物、鞠躬起對曰、有八錢者最佳、下官不敢呈進、一坐匿笑、學使叱出之、遂免官、

異史氏曰、平原獨無、亦中流之砥柱也、學使而求呈進、固當奉之、以此、由是得免、冤哉、

朱公子青耳錄云、東萊一明經、遲某、司訓沂水、性顛痴、凡同人咸集時、皆嘿無語、遲坐片時、不覺五官俱動、笑啼並作、傍若無人焉者、若聞人笑聲、則頓止、日儉鄙自奉、積金百餘兩、自理齋房、妻子亦

不使知、一日獨坐、忽手足自動、少刻云、作惡結怨、
受凍忍飢、好不容易積蓄者、今在齋房、倘有人知、竟
如何、如此再四、一鬥斗在傍、殊亦不覺、次日遲出、
鬥斗入掘取而去、過二三日、心不自寧、發穴驗視、
則已空、頓足撫膺、嘆恨欲死、教職中可云千態
萬狀矣、

黑鬼

膠州李提鎮買二黑鬼、其黑如漆、足革粗厚、立刃為

塗往來其上、毫無所損、搃鎮配以娼婦、生子而白、僚僕戲之、謂非其種、黑鬼亦自疑、因殺子、骨則盡黑、始悔焉、公每令兩鬼對舞、神情亦可觀也、

土化兔

張靖逆候勇、鎮蘭州時、出獵獲兔甚多、中有半身或兩股尚為土質、故一時秦中爭傳土能化兔、此亦物理不可解者、

聊齋誌異卷之十八

般陽蒲松齡柳泉甫著

張鴻漸

張鴻漸、永平人、年十八為郡名士、時盧龍令趙某貪暴、人民共苦之、有范生被杖斃、同學忿其冤、將鳴部院、求張為刀筆之詞、約其共事、張許之、妻方氏美而賢、聞其謀、諫曰、大凡秀才作事、可以共勝、而不可以共敗、勝則人貪天功、一敗則紛然瓦解、不能成聚、

今勢力世界、曲直難以理定、君又孤、脫有反覆、急難者誰也、張服其言、悔之、乃婉謝諸生、但爲創詞而去、質審一過、無所可否、趙以巨金納大僚、諸生坐結黨、被收、又追捉刀人、張惧亡去、至鳳翔界、資斧斷絕、日既暮、踟躕曠野、無所歸宿、歛睹小村、趨之、老嫗方出、闔扉見之、問所欲爲、張以寔告、嫗曰、飲食牀榻、此都細事、但家無男子、不便留客、張曰、僕亦不敢過望、但容寄宿門內、得避虎狼足矣、嫗乃令入、閉門、授以草

薦囑曰、我憐客無歸、私容止宿、未明宜早去、恐吾家
小娘子聞知、將便怪罪、嫗去、張倚壁假寐、忽有籠灯
晃耀、見嫗導一女即出、張急避暗處、微窺之、二十許
麗人也、及門睹草薦、詰嫗、寔告之、女怒曰、一門細
弱、何得容納匪人、即問其人馬往、張惧出伏階下、女
審詰、邦族、色稍霽曰、幸是風雅士、不妨相留、然老奴
竟不關白、此等草、豈所以待君子、命嫗引客入舍、
俄頃羅列酒漿品物精潔、既而設錦裯於榻、張甚德

之、因私詢其姓氏、嫗言吾家施氏、太翁夫人俱謝世、止遺三女、適所見長姑、舜華也、嫗既去、張視几上有南華經註、因取就枕上、伏榻翻閱、忽舜華推扉入、張釋卷、搜覓冠履、女即搦捺坐曰、無須無須、因近榻坐、覷然曰、妾以君風流才士、欲以門戶相托、遂犯爪履之嫌、得不相遐棄否、張皇然不知所對、但云不敢相誑、小生家中固有妻耳、女笑曰、此亦見君誠篤、願亦不妨、既不嫌憎、明日當煩媒妁、言已欲去、張探身挽

之女亦遂留。未曙即起，以金贈張曰：「君持作臨眺之資。」向暮宜晚來，恐傍人所窺。張如其言，早出晏歸，半年以爲常。一日，歸頗早，至其處，村舍全無，不勝驚怪。方徘徊間，聞嫗云：「來何早也？」一轉盼，則院落如故，身固已在室中矣。益異之。舜華自內出，笑曰：「君疑妾耶？寔對君言，妾狐仙也。與君固有夙緣，如必見怪，請即別。」張戀其美，亦安之。夜謂女曰：「卿既仙人，當千里一息耳。小生離家三年，念妻孥不去心，能携我一歸乎？」

女似不悅、謂琴瑟之情、妾自分於君、爲篤、君守此念、彼是相對綢繆者、皆妄也、張謝曰、卿何出此言、諺云、一日夫妻百年恩義、後日歸念卿時、亦猶今日之念彼也、設得新忘舊、卿何取焉、女乃笑曰、妾有褊心、於妾願君之不忘、於人願君之忘之也、然欲暫歸、此復何難、君家固咫尺耳、遂把袂出門、見道路昏暗、張遂巡不前、女曳之、走無幾時、曰至矣、君歸妾且去、張停足細認、果見家門、踰堦垣入、見室中燈火猶熒、近以

兩指彈扉、內問為誰、張具道所來、內秉燭啟關、真方氏也、兩相驚喜、握手入帷、見兒卧床上、慨然曰、我去時兒纔及膝、今身長如許矣、夫婦偎倚、恍如夢寐、張歷述所遭、問及訟獄、始知諸生有瘐死者、有遠徙者、益服妻之遠見、方縱體入懷曰、君有佳耦、想不復念孤衾中有零涕人矣、張曰、不念胡以來也、我與彼雖云情好、終非同類、獨其恩義難忘耳、方曰、君以我何人也、張審視竟非方氏、乃舜華也、以手探兒、一竹夫

人耳。大慚無語。女曰：君心可知矣。分當自此絕交。猶幸未忘恩義。差足自贖。過二三日。忽曰：妾思痴情戀人。終無意味。君日怨我不相送。今適欲至都。便道可以同去。乃向床頭取竹夫人共跨之。令閉兩眸。覺離地不遠。風聲颼々。移時尋落。女曰：從此別矣。方將訂囑。女去已渺。悵立少時。聞村犬鳴吠。蒼茫中見樹木。屋廬皆故里景物。循途而歸。踰垣叩戶。宛若前狀。方氏驚起。不信。夫婦詰証確實。始挑燈嗚咽而出。既相

見涕不可仰、張猶疑舜華之幻弄也、又見床頭見卧、一如昨夕、因笑曰、竹夫人又携入耶、方氏不解、變色曰、妾望君如歲、枕上啼痕固在也、甫能相見、全無悲戀情、何以為心矣、張察其情真、始執臂款款、具言其詳、問訟案所結、並如舜華言、方相感慨、聞門外有履聲、問之不應、蓋里中有惡少、久窺方艷、是夜自別村歸、遙見一人踰垣入、謂必赴淫約者、尾之而入、甲故不甚識張、但伏聽之、及方氏亟問、乃曰、室中何人也、

方諱言無之。甲言竊聽已久，敬將執姦耳。方不得已，以寔告。甲曰：張鴻漸大案未結，即使歸家，亦當縛送官府。方苦哀之。甲詞益狎逼，張忿火中燒，不可制止。把刀直出，剝甲中顱。甲踣猶蹠，又連剝之，遂斃。方曰：事已至此，罪益加重。君速逃，妾請任其辜。張曰：丈夫死則死耳，焉肯辱妻累子以求活耶？卿無顧慮，但令此子勿斷書香，目即瞑矣。天漸明，赴縣自首。趙以欽件中人姑薄懲之，尋由郡解都，械禁頗苦。途中遇女。

子跨馬過、一老嫗捉鞭、蓋舜華也、張呼嫗欲語、泪隨聲墮、女返轡、手啟幃紗、訝曰、此表兄也、何至此、張畧述之、女曰、依兄平昔、便當掉頭不顧、然余不忍也、寒舍不遠、即邀公役同臨、亦可少助資斧、從去二三里、見一山村、樓閣高整、女下馬入、令嫗啟舍延客、既而酒炙豐美、似所夙備、又使嫗出曰、家中適無男子、張官人即向公役多勸數觴、前途倚賴多矣、遣人措辦數十金、為官人作費、兼酬兩客、尚未至也、二役竊喜

縱飲不復言行。日漸暮，二役徑醉矣。女出以手指械，械立脫。曳張共跨一馬，駛如飛。少時促下曰：「君止此，妾與妹有青海之約，又為君逗留一晌，久勞盼注矣。」張問後會何時，女不答。再問之，推墮馬下而去。既曉，問其地，太原也。遂至郡，賃屋授徒。馬托名宮子，遷居十年。訪知捕亡浸怠，乃復逡巡東向。既近里門，不敢遽入。俟夜深而後入，及門則墻垣高固，不復可越。只得以鞭撾門，久之，妻始出問。張低語之，喜極納入。作

呵叱聲曰。都中少用度。即當早歸。何得遣汝半夜來。入室各道情事。始知二役逃亡未返。言次簾外一少婦頻來。張問伊誰。曰兒婦耳。問兒安在。曰赴郡大比未歸。張涕下曰。流離數年。兒已成立。不謂能繼書香。卿心血殆盡矣。話未已。子婦已溫酒炊飯。羅列滿几。張喜慰過望。居數日。隱匿房榻。惟恐人知。一夜方卧。忽聞人語騰沸。捶門甚厲。大惧並起。聞人言曰。有後門否。益惧。急以門扇代梯。送張度垣而出。然後詣門。

問故、乃報新貴者也、方大喜、深悔張遁、不可追挽、張是夜越莽穿榛、急不擇途、及明困殆已極、初念本欲向西、問之途人、則去京都通衢不遠、遂入鄉村、意將質衣而食、見一高門、有報條粘壁上、近視知爲許姓、新孝廉也、頃之一翁自內出、張迎揖而告以情、翁見儀貌都雅、知非賺食者、延入相款、因詰所往、張托言設帳都門、歸途遇寇、翁留誨其少子、張畧問官闕、乃京堂林下者、孝廉其猶子也、月餘、孝廉携一同榜歸、

云是永平張姓、十八九少年也、張以鄉譜俱同、暗中疑是其子、然邑中此姓良多、姑嘿之、至晚解裝出、齒錄急借披讀、真子也、不覺泪下、共驚問之、乃指名曰、張鴻漸即我是也、備言其由、張孝廉抱父大哭、許姪慰勸、始收悲以喜、許即以金帛函字致告各憲、父子乃同歸、方自聞報、日以張在亡為悲、忽白孝廉歸、感傷益痛、少時父子并入、駭如天降、詢知其故、始共悲喜、甲父見其子貴、禍心不敢復萌、張益厚遇之、又

歷述當年情狀。甲父感愧。遂相交好。

太醫

萬曆間。孫評事少孤。母十九歲守柏舟之節。孫舉進士。而母已死。常語人曰。我必博誥命。以光泉壤。始不負萱堂苦節。忽得暴病。綦篤。素與太醫善。使人招致之。使者出門而疾益劇。張目曰。生不能揚名顯親。何以見老母地下乎。遂卒。目不瞑。無何太醫至。聞哭聲。即入臨弔。見其狀。異之。家人告以故。太醫曰。欲得誥

贈即亦不難、今皇后旦晚臨盆矣、但活十餘日、誥命
可得、立命取艾灸尸一十八處、炷將盡、床上已呻、急
灌以藥、居然復生、囑曰、切記勿食熊虎肉、共誌之、然
以此物不常有、頗不關意、既而三日平復、仍從朝賀、
過六七日、果生太子、召賜羣臣、宴中使出異品、徧賜
文武、白片朱絲、甘美無比、孫啖之、不知何物、次日訪
諸同僚、曰熊脯也、大驚失色、即刻而病、至家遂卒、

王子安

王子安、東昌名士、困於場屋、入闈後、期望甚切、近放榜時、痛飲大醉、歸卧內室、忽有人白報馬來、王踉蹌起曰、賞錢十千、家人因其醉、誑而安之曰、但請自睡、已賞之矣、王乃眠、俄又有入者曰、汝中進士矣、王自言尚未赴都、何得及第、其人曰、汝忘之耶、三場畢矣、王大喜、起而呼曰、賞錢十千、家人又誑之曰、請自睡、已賞之矣、又移時、一人急入曰、汝殿試翰林、長班在此、果見二人拜床下、衣冠修潔、王呼賜酒食、家人又

給之、暗笑其醉而已、久之、王自念不可不出耀鄉里、大呼長班、凡數十聲、無應者、家人笑曰、暫卧、候尋他去、又久之、長班果復來、王推床頓足、大罵鈍奴、馬往、長班怒曰、措大無賴、向與爾戲耳、而真罵耶、王怒、驟起撲之、落其帽、王亦傾跌、妻入扶之曰、何醉至此、王曰、長班可惡、我故懲之、何醉也、妻笑曰、家中只有一媼、晝為汝炊、夜為汝溫足耳、何處長班、伺汝窮骨、子女粲然皆笑、王醉亦稍解、忽如夢醒、始知前此之妄、

然猶記長班帽落，尋至門後，得一纓帽如琰大，共異之。自笑曰：昔人為鬼揶揄，吾今為狐奚落矣。

異史氏曰：秀才入闈，有七似焉。初入時，白足提籃，似丐；唱名時，官呵吏罵，似囚；其歸號舍也，孔孔伸頭，房房露脚，似秋末之冷蜂；其出闈場也，神情恹恹，恍恍，天地異色，似出籠之病鳥；迨望報也，草木皆驚，夢想亦幻；時作一得意想，則頃刻而樓閣俱成；作一失意想，則瞬息而骸骨已朽。此際行坐難安，則

似被繫之猿、忽然而飛、騎傳人報條無我、此時神色猝變、嗒然若死、則似餌毒之蠅、美之亦不覺也、初失志心灰意敗、大罵司衡無目、筆墨無靈、勢必舉案頭物而盡、炬之不已而碎、踏之踏之不已而投之濁流、從此披髮入山、面向石壁、再有以且夫嘗謂之文進我者、定當操戈逐之、無何日漸遠、氣漸平、技又漸癢、遂似破卵之鳩、只得啣木營巢、從新另抱矣、如此情況、當局者痛哭欲死、而自

旁觀者視之、其可笑孰甚焉。王子安方寸之中、頃刻萬緒、想鬼狐竊笑已久、故乘其醉而玩弄之、牀頭人醒、寧不啞然自笑哉。願得志之況味、不過須臾、詞林諸公、不過經兩三須臾耳。子安一朝而盡嘗之、則狐之恩與薦師等。

刁姓

里有刁姓者、家無生產、每出賣許負之術、寔無術也。而數月一歸、則金帛盈橐、共異之。會里人有客於外、

者遙見高門內一人冠華陽巾、言語啁啾、衆婦叢繞之、近視則刁、因從旁微窺之、少間有問者曰、吾等衆中有一夫人能辨之乎、蓋有一貴人婦微服其中、將以驗其術也、里人代為之窘、刁從容望空橫指曰、此何難辨、試觀貴人頂上、自有雲氣環繞、衆婦不覺集視一人、覘其雲氣、刁乃指其人曰、此真貴人、衆驚服、羣以為神、里人歸述其詐、慧然後知、雖小道亦必有過人之才、不然亦烏能欺耳目、賺金錢、無本而殖哉、

金陵乙

金陵賣酒人某乙，每釀成，投水而置毒焉。即善飲者，不過數琰，便醉如泥。以此得中山之名，富致巨金。早起，見一狐醉卧槽邊，縛其四股。方將覓刃，狐已醒，哀曰：「勿見害，請如所求，遂釋之。」輾轉已化為人。時巷中孫氏，其長婦患狐為祟，因以問之。答云：「是即我也。」乙窺婦娣尤美，求狐携往。狐難之，乙固求之。狐邀乙去，入一洞中，取褐衣授之，曰：「此先兄所遺，着之當可去。」

既服而歸。家人皆不之見。襲常衣而出。始見之。大喜。與狐同詣孫氏家。見牆上貼巨符。畫蜿蜒如龍。狐懼。曰。和尚大惡。我不往矣。遂退而去。乙後巡近之。則真龍盤壁上。昂首欲飛。大惧。亦出。蓋孫覓一異域僧。爲之厭勝。授符先歸。僧猶未至也。次日僧來。設壇作法。鄰人共觀之。乙亦襍處其中。忽變色急奔。狀如被捉。至門外。踏地化爲狐。四體猶着人衣。將殺之。妻子叩請。僧命牽去。日給飲食。數月尋斃。

郭安

孫五粒、有僮僕獨宿一室、恍惚被人攝去、至一宮殿、見閻羅在上、視之曰、悞矣、此非是因遣送還、既歸、大悞、移宿他所、遂有僚僕郭安者、見榻上空閒、因就宿焉、又一僕李祿、與僮有夙怨、久將甘心、是夜操刀入、捫之以為僮也、竟殺之、郭父鳴於官、時陳其善為邑宰、殊不苦之、郭哀號、言半生止此子、今將何以聊生、陳即判李祿為之子、郭含冤而退、此不奇於僮之見

鬼而奇於陳之折獄也。

王阮亭曰、新城令陳端庵、性仁柔無斷、王生與哲、典居宅於人、久之不給直、訟之官、陳不能決、但曰、毛詩有云、維鵲有巢、維鳩居之、生為鵲可也、

今日濟之西邑有殺人者、其婦訟之邑、令怒、立拘凶犯至、拍案罵曰、人家好、夫婦、直令寡耶、即以汝配之、亦令汝妻寡守、遂判合之、此等明決、皆是甲科所為、他途不能也、而陳亦爾、何途無才、

折獄

邑之西墪莊有賈某、被人殺於途、隔夜其妻亦自經死、賈弟鳴於官、時浙江費公禕祉令淄、親詣驗之、見布袱裏銀五錢、尚在腰中、知非為財也者、拘兩村鄰保、審質一過、殊少端緒、並未榜掠、釋放歸農、但命約地細察、十日一關白而已、踰半年事漸懈、賈弟怨公仁柔、上堂屢噪、公怒曰、汝既不能指名、欲我以桎梏加良民耶、呵逐而出、賈弟無所伸訴、憤葬兄嫂、一日

以賦役故逮數人至內一人周成惧責上言錢糧措辦已足即於腰中出銀袱稟公驗視公驗已便問汝家何里答云某村又問去西壩幾里答云五六里問去年被殺賈某係汝何親答云不識其人公勃然曰汝殺之尚云不識耶周力辨不聽嚴梏之果伏其罪先是賈妻王氏將詣姻家慚無釵飾聒夫使假於鄰夫不肯自假之頗甚珍重歸途卸而裹諸袱內袖中既至家探袖已亡不敢告夫又無力償鄰懊惱欲死

是日周適拾之、知爲賈妻所遺、窺賈他出、半夜踰垣、將執以求合、時溽暑、王氏卧庭中、周潜就淫之、王氏覺、大號、周急止之、留袂納釵、事已、婦囑曰、後勿來、吾家男子惡、犯恐俱死、周怒曰、我挾构欄、數宿之資、寧一度可償耶、婦慰之曰、我非不願相交、渠常善病、不如從容以待其死、周乃去、於是殺賈、夜詣婦曰、今某已被人殺、請如所約、婦聞大哭、周惧而逃、天明婦死矣、公廉得情、以周抵罪、共服其神、而不知所以能察

之故公曰事無難辨要在隨處留心耳初驗尸時見銀袱刺萬字文周袱亦然是一手也及詰之又云無舊詞貌詭變是以確知其情也

異史氏曰世之折獄者非悠悠置之則縲繫數十人而狼籍之耳堂上肉鼓吹喧闐旁午遂頻蹙曰我勞心民事也雲板三獻則聲色並進難決之詞不復置諸念慮端待升堂時禍桑樹以烹老龜耳嗚呼民情何由得哉余每謂智者不必仁而仁者

則必智。蓋用心苦則机関出也。隨在留心之言。可以教天下之宰民社者矣。

邑人胡成與馮安同里。世有卻。胡父子強。馮屈意交。惟胡終猜之。一日共飲薄醉。頗傾肝胆。胡大言勿憂。負百金之產。不難置也。馮以胡家不豐。故嗤之。胡正色曰。寔相告。昨途遇大商。載厚裝來。我顛越於南山。智井中矣。馮又笑之。時胡有妹夫鄭倫。託為說合田產。寄數百金於胡家。遂盡出以炫馮。信之。既散陰。

以狀報邑令。拘胡對勘。胡言其實。問鄭及產主皆不
訛。乃共驗諸智井。一役繼下。則果有無首之尸在焉。
胡大駭。莫可置辨。但稱冤苦。公怒。擊喙數十曰。確有
証據。尚叫屈耶。以死囚具械制之。尸戒勿出。惟曉示
諸村。使尸主投狀。逾日有婦人抱狀言。為亡者妻。言
夫何甲。揭數百金出作貿易。被胡殺死。公曰。井有死
人。恐未必即是汝夫婦。執言甚堅。公又命出尸於井。
視之。果不妄。婦不敢近。却立而號。公曰。真犯已得。但

骸軀未全、汝暫歸、待得死者首、即招報、令其抵償、遂自獄中喚胡出、呵曰、明日不將頭至、當械折股、役押去、終日而返、詰之、但有號泣、乃以梏具置前、作刑勢、即又不刑、曰、想汝當夜扛尸、忙迫、不知墜落何處、奈何、不細尋之、胡哀免、祈容急覓、公乃問婦子女幾、何、答言無之、問甲有何戚屬、但言有堂叔一人、慨然曰、少年喪夫、伶仃如此、其何以為生矣、婦乃哭叩求憐、憫、公曰、殺人之罪已定、但得全尸、此案即消、案後

速醮可也。汝少婦勿復出入此門。婦感泣叩頭而下。公即票示里人代覓其首。經宿即有同村王五報稱已獲。問驗既明。賞以千錢。喚甲叔至曰。大案已成。然人命重大。非積歲不能得結。姪既無出。少婦亦難存活。早令適人。此後亦無他務。但有上臺檢駁。止須汝應聲耳。甲叔不肯。飛兩籤下。再辨又一籤下。甲叔懼。應之而出。婦聞詣公謝恩。公極意慰諭之。又諭有買婦者當堂關白。既下。即有投婚狀者。蓋即報人頭之

王五也。公喚婦上曰：殺人之真犯，汝知之乎？答以胡成。公曰：非也。汝與王五乃真犯耳。二人大駭，力辨冤誣。公曰：我久知其情，所以遲、而發者，恐有萬一之屈耳。尸未出井，何以確信為汝夫？蓋先知其死矣。且甲死猶衣敗絮，數百金何所自來？又謂王五曰：頭之所在，汝何知之熟也？所以如此，其急者，意在速合耳。兩人驚顏如土，不能強置一詞，並械之。果吐其寔。蓋王五與婦私已久，謀殺其夫，而適值胡成之戲也。乃

釋胡罪、馮以誣告重答、徒三年、事既結、並未妄刑一人、

異史氏曰、我夫子有仁愛名、即此一事、亦以見仁人之用心苦矣、方宰淄時、松總弱冠、遇蒙器許、而鴛鴦不才、竟以不舞之鶴、為羊公辱、是我夫子生平有不哲之一事、則某寔貽之也、悲夫、

義犬

周村有賈某、貿易蕪湖、獲重貲、賃舟將歸、見堤上有

屠人縛犬、倍價贖之、養舟上、舟人固積寇也、窺客
裝豐、蕩舟入莽、操刀欲殺、賈哀賜金尸、盜乃以毡裹
置江中、犬見之、哀鳴投水、口啣裹具、與共沉浮、流蕩
不知幾遠、淺擱乃止、犬泅出、至有人處、狺、哀鳴、或
以爲異、從之而往、見毡束水中、引出、斷其繩、客固未
死、始言其情、復哀舟人載還、燕湖將以伺盜船之歸、
登舟失犬、心甚悼焉、抵閩三四日、估楫如林、而盜船
不見、適有同鄉賈將携俱歸、忽犬自來、望客鳴、嗥、喚、

之却走。客下舟，趣之。犬奔上一舟，嚙人脛股，撻之不
解。客近呵之，則所嚙即前盜也。衣服與舟皆易，故不
得而認之矣。縛而搜之，則囊金猶在。嗚呼！一犬也而
報恩如是，世無心肝者，其亦愧此犬也夫。

楊大洪

大洪楊先生漣，微時為楚名儒，自命不凡。科試後，聞
報優等者，時方食，含哺出問：有楊某否？答以無有，不
覺嗒然自喪。咽食入隔，遂成病塊，噎阻甚苦。衆勸駕

令赴遺才錄、公患無資、衆醵十金送之行、乃強就道、夜夢一人告之云、前途有人能愈君疾、宜苦求之、臨去贈以詩、有江邊柳下三弄笛、拋向江心莫嘆息之句、明日途次果見道士坐柳下、因便叩請、道士笑曰、子悞甚矣、我何能療病乎、請為三弄可也、因出笛吹之、公觸所夢、拜求益切、且傾囊獻之、道士接金擲諸江流、公以所來不易、啞然驚惜、道士曰、君未能惔然耶、金在江邊、請自取之、公詣視果然、又益竒之、呼為

仙道士漫指曰、我非仙、彼處仙人來矣、賺公回顧、力拍其頂曰、俗哉、公受拍、張吻作聲、喉中嘔出一物、墮地、培然、俯而破之、赤絲中裹飯、猶存、病若失、回視道士已杳。

異史氏曰、公生為河嶽、沒為日星、何必長生、乃為不死哉、或以未能免俗、不作天仙、因而為公悼惜、余謂天上多一仙人、不如世上多一聖賢、解者必不議余說之僞也。

查牙山洞

章邱查牙山，有石窟如井，深數尺許。北壁有洞門，伏而引領望見之。會近村數輩，九日登臨，飲其處，共謀入探之。三人受燈繩而下。洞高，厰與夏屋等，入數武稍狹，即忽見底。際一竇，蛇行始可入。燭之漆々然，暗深不可測。兩人餒而却退，一人奪其火而嗤之。銳身塞而進，幸隘處僅厚於堵，即又頓高頓濶，乃立乃行。頂上石參差，危將墜不墜，兩壁嶙々峴々然，類寺

廟山塑、都成鳥獸人鬼形、鳥若飛、獸若走、人若坐、若立、鬼魅魍魎、示現忿怒、奇、怪、類多醜、少妍、心凜然作怖畏喜徑夷、無少陂、逡巡幾百步、西壁開石室、門左一怪石、鬼面人身而立、目怒口箕、張齒舌、猙獰、左手作拳、觸腰際、右手叉五指、欲撲人、心大恐、毛森森以立、遙望門中有藝灰、知有人曾至、馬者、乃稍壯、強入之、見地上列碗、殘泥垢其中、然皆近代物、非古、窰也、傍植錫壺四、心利之、解帶縛項繫腰間、即又旁

瞞一尸卧西隅、兩肱及股四布以橫、駭極、漸審之、足
躡銳屣、梅花刻底猶存、知是少婦、人不知何里、斃不
知何年、衣色黧敗、莫辨青紅、髮蓬々似筐許、亂絲粘
着髑髏上、目鼻孔各二、瓶犀兩行白峽、意是口也、存
想首顛、當有金寶珠飾、以火近腦、似有口氣、噓燈々
搖々、無定、纁黃、衣動掀々、大惧、手搖顫、燈即頓滅、憶
路急奔、不敢手索壁、恐觸鬼物也、頭觸石仆、即復起、
冷濕浸額頰、知是血、不覺痛、抑不敢呻、岔息奔至寶、

方將伏似有人捉髮住、暈然遂絕、衆坐井上候久、疑之、又縋二人下、探身入竇、見髮罥石上、血滯、尸僵、二人失色不敢入、兀坐愁嘆、俄井上又使二人下、中有勇者始健進、曳之以出、置山上、半日方甦、言之、縷縷所恨未窮其底、極窮之必更有佳境也、後章令閭之以泥丸封竇、不可復入矣、

康熙二十六年、養母峪之南、石崖崩現洞口、望之、鍾乳林立、如密笋然、深險無敢入者、忽有道

士至、自稱鍾離弟子、言師遣先至糞除洞府、居人供以膏火、道士携之而下、墜石笋上、貫腹而死、報令、封其洞、其中必有奇境、惜道士尸解、無回音矣、

雲蘿公主

安大業盧龍人、生而能言、母飲以犬血、始止、既長、韶秀、顧影無儔、又慧能讀、世家爭婚之、母夢曰、兒當尚主、信之、至十五六、迄無驗、亦漸自悔、一日安獨坐、忽

聞異香、俄一美婢奔入曰、公主至、即以長氍貼地、自
門外直至榻前、方駭疑間、一女即扶婢肩入、服色榮
光、映照四堵、婢即以繡墊設榻上、扶女即坐、安倉皇
不知所為、鞠躬便問、何處神仙、勞降玉趾、女即微笑、
以袍袖掩口、婢曰、此聖后府中雲蘿公主也、聖后屬
意即君、欲以公主下嫁、故使自來相宅、安驚喜不知
置詞、女亦俛首、相對寂然、安故好奕、楸枰常置座側、
一婢以紅巾拂塵、移諸案上曰、主日耽此、不知與粉

侯孰勝、安移坐近案、主笑從之、甫三十餘着、婢竟亂之曰、駙馬負矣、歛子入盒曰、駙馬當是俗間高手、主僅能讓六子、乃以六黑子寔局中、主亦從之、主坐次輒使婢伏座下、以背受足、左足踏地、則更一婢右伏、又兩小鬟夾持之、每值安凝思時、輒曲一時伏肩上、局未結、小鬟笑云、駙馬又負矣、婢進曰、主情宜且退、女乃傾身與婢耳語、婢出、少頃而還、以千金置榻上、告生曰、適主言居宅湫鄙、煩以此少致修飾、落成相

會也。一婢曰：此月犯天刑，不宜建造。月後吉。女起，生
瘕，止閉門。婢出一物，狀類皮排，就地鼓之，雲氣突出。
俄頃四合，冥不見物。索之已杳。母知疑，以為妖而生。
神馳夢想，不能復捨。急於落成，無暇禁忌。刻日敦迫。
廊舍一新。先是有灤州生袁大用，僑寓鄰坊。投刺於
門。生素寡交托，他出。又視其亡而報之。後月餘，門外
適相值。二十許少年也。宮絹單衣，絲帶烏履，意甚雅。
畧與傾談，頗甚溫謹。悅之，揖而入，請與對奕。互有盈

虧已而設酒流連談笑大歡明日邀生至其寓所珍肴雜進相待殷渥有小童十二三許拍板清歌又跳擲作劇生大醉不能行便令負之生以其纖弱恐不勝袁強之僮綽有餘力荷送而歸生奇之次日攜以金再辭乃受由此交情款密三數日輒一過從袁為人簡嘿而慷慨好施市有負債鬻女者解囊代贖無吝色生以此益重之過數日詣生作別贈楠珠象箸等十餘事白金五百用助興作生反金受物報以束

帛後月餘、樂亭有仕宦而歸者、橐資充牣、盜夜入執
主人、燒鉄鉗灼、刼掠一空、家人識袁、行牒追捕、鄰院
屠氏與生家積不相能、因其土木大興、陰懷疑忌、適
有小僕竊象箸賣諸其家、知袁所贈、因報大尹、以
兵遶舍、值生主僕他出、執母而去、母哀邁受驚、僅存
氣息、二三日不復飲食、尹釋之、生聞母耗、急奔而歸、
則母病已篤、越宿遂卒、收殮甫畢、為捕役執去、尹見
其年少溫文、竊疑誣枉、故恐喝之、生寔述其交往之

由尹問何以暴富，生曰：母有藏鏹，因欲親迎，故治婚室耳。尹信之，具牒解郡。鄰人知其無事，以重金賂監者，使殺諸途。路經深山，被役曳近削壁，將推墮之計。逼情危，時方急難，忽一虎自叢莽中出，啣二役皆死。啣生去，至一處，重樓疊閣，虎入置之，見雲蘿扶婢出，淒然慰弔曰：妾欲留君，但母喪未卜窀穸，可懷牒去。到郡自投保，無恙也。因取生胸前帶，連結十餘扣，囑云：見官時拈此結而解之，可以弭禍。生如其教，詣郡。

自投太守喜其誠信、又稽牒知其枉、銷名令歸、至中途遇袁、下騎執手、備言情況、袁忽然作色、嘿不一語、生曰、以君風采、何自污也、袁曰、某所殺皆不義之人、所取皆非義之財、不然、即遺於路者不拾也、君教我固自佳、然如君家鄰、豈可留在人間耶、言已、起乘而去、生歸、殯母已、杜門謝客、忽一夜盜入鄰家、父子十餘口盡行殺戮、止留一婢、席卷貨物、與僮分携之、臨去、執灯謂婢曰、汝認之、殺人者我也、與他人無涉、並

不啟閤、飛簷越壁而去、明日告官、疑生知情、又捉生去、邑宰詞色俱厲、生上堂握帶、且辨且辭、宰不能屈、又釋之、既歸、益自韜晦、讀書不出、一跛嫗執炊而已、服既闋、日掃堦庭、以待好音、一日異香滿院、登閣視之、內外陳設煥然矣、悄揭画簾、則公主凝妝坐、急拜之、女挽手曰、君不信、數遂使土木為災、又以苦塊之戚、遲我三年琴瑟、是急之而反以得緩、天下事大抵然也、生將出、墮治具、女曰、勿復湏、婢探櫝、肴羞如新、

出於鼎。酒亦芳冽。酌移時。日已投暮。足下踏婢。漸都
亡去。女四肢嬌惰。足股曲伸。似無所着。生狎抱之女。
曰。君暫釋手。今有兩道。請君自擇。生攬項問故。曰。若
為棋酒之交。可得三十年聚首。若作床第之歡。可六
年諧和耳。君焉取。生曰。六年後再商之。女乃嘿然。遂
相燕好。女曰。妾固知君不免俗道。此亦數也。因使生
蓄婢媼。別居南院。炊爨紡績。以作生計。北院中並無
烟火。惟棋枰酒具而已。戶常闔。生推之。則自開。他人

不得入也。然南院人作事勤惰，女輒知之。每使生往
譴責，無不具服。女無繁言，無响笑，與有所談，但俛首
微哂。每駢肩坐，喜斜倚人。生舉而加諸膝上，輕如抱
嬰。生曰：「卿輕若此，可作掌上舞。」曰：「此何難？但婢子之
為，所不屑耳。」飛燕原九姊侍兒，屢以輕佻獲罪，怒謫
塵間。又不肯守女子之貞，今已幽之矣。閣上以錦薦
布滿，冬未嘗寒，夏未嘗熱。女嚴冬皆着輕縠，生為製
鮮衣，強使着之。踰時解去，曰：「塵濁之物，幾於壓骨成。」

癆一日抱諸膝上、忽覺沉倍、曩時異之、笑指腹曰、此中有俗種矣、過數日、顰黛不食、曰、近病惡阻、頗思烟火之味、生乃為具甘旨、從此飲食遂不異於常人、一日曰、妾質單弱、不任生產、婢子樊英頗健、可使代之、乃脫裘服衣英、閉諸室、少頃聞兒啼、啟扉視之、男也、喜曰、此兒福相、大器也、因名大器、綳納生懷、俾付乳媪、養諸南院、女自娩身腰細如初、不食烟火矣、忽辭生欲暫歸寧、問返期、答以三日、鼓皮排如前狀、遂不

見至期不來、積年餘信音全渺、亦已絕望、生鍵戶下
闌、遂領鄉荐、終不肯娶、每獨宿北院、沐其餘芳、一夜
輾轉在榻、忽見燈火射窓、門亦自開、群婢擁公主入、
生喜起、問爽約之故、女曰、妾未愆期、天上二日半耳、
生得意自詡、告以秋捷、意主必喜、女愀然曰、烏用是
僅來者為、無足榮辱、止折人壽數耳、三日不見、入俗
幃、又深一層矣、生由是不復進取、過數月、又欲歸寧、
生殊悽戀、女曰、此去定早還、無煩穿望、且人生合離、

皆有定數。樽節之則長，恣縱之則短也。既去月餘，即返。從此一年半載，輒一行往，數月即還，生習為常，亦不之怪。又生一子，女舉之曰豺狼也。立命棄之，生不忍而止，名曰可棄。甫周歲，急為卜婚。諸媒接踵問其甲子，皆謂不合，曰：吾欲為狼子治一深圈，竟不可得。當令傾敗六七年，亦數也。囑生曰：記取四年後。侯氏生女，左脇有小贅疣，此乃兒婦當婚之，勿較其門第也。即令書而誌之。後又歸寧，竟不復返。生每以所

囑告親友。果有侯氏女。生有贅疣。侯賤而行惡。衆咸不齒。生竟媒定焉。大器十七歲及第。娶雲氏。夫妻皆孝友。父鍾愛之。可棄。漸長。不喜讀。輒偷與無賴博賭。恒盜物償戲債。父怒撻之。卒不改。相戒隄防。不使有所得。遂夜出。小為穿窬。為主所覺。縛送邑宰。審其姓氏。以名刺送之。歸。父兄共繫之。楚掠慘棘。幾於絕氣。兄代哀免。始釋之。父忿怒得疾。食銳減。乃為二子立析產書。樓閣沃田。悉歸大器。可棄怨怒。夜持刀入。

室將殺兄，悞中嫂。先是主有遺袴，絕輕，炙雲拾作寢衣，可棄斫之。火星四射，大惧奔去。父知病益劇，數月尋卒，可棄聞父死，始歸。兄善視之，而可棄益肆。年餘所分田產畧盡，赴郡訟兄。官審知其人，斥逐之。兄弟之好遂絕。又踰年，可棄二十有三，女十五矣。兄憶母言，欲急為婚娶，召至家，除佳宅與居，迎婦入門，以父遺良田，悉登籍交之，曰：「數頃薄產，為若蒙死守之。今悉相付，吾弟無行，寸草與之皆棄也。此後成敗在於」

新婦能令改行、無憂凍餒、不然、兄亦不能填無底壑也、侯雖小家女、然固慧麗、可棄雅畏愛之、所言無敢違、每出限以晷刻、過期則詬厲不與飲食、可棄以此少歛、年餘生一子、婦曰、我以後無求於人矣、膏腴數頃、母子何患無溫飽、無夫馬亦可也、會可棄盜粟出賭、婦知之、彎弓於門以拒之、大惧避去、窺婦入、遂巡亦入、婦操刀起、可棄返奔、婦遂斫之、斷幅傷臂、血沾襪履、忽極往訴兄、不禮焉、寃慚而去、過宿復至、跣

嫂哀泣、求先容於婦、決絕不納、可棄怒、將往殺婦、兄不語、可棄忿起、操戈直出、嫂愕然欲止之、兄目禁之、俟其去、乃曰、彼故作此態、寔不敢歸也、使人覘之、已入家門、兄始色動、將奔赴之、而可棄已坐息返、蓋可棄入家、婦方弄兒、望見之、擲兒床上、覓得厨刀、可棄惧、曳戈反走、婦逐出門外、始返、兄已得其情、故詰之、可棄不言、惟向隅泣、目盡腫、兄憐之、親率之去、婦乃納之、俟兄出、罰使長跪、要以重誓、而後以瓦盆賜

之食、自此改行爲善、婦持籌握筭、日致豐盈、可棄仰成而已、後年七旬、子孫滿前、婦猶時捋白鬚、使膝行焉。

異史氏曰、悍妻妬婦、遭之者如疽附於骨、死而後已、豈不毒哉、然砒附天下之至毒也、苟得其用、瞑眩大瘳、非參苓所能及也、而非仙人洞見臟腑、又烏敢以毒藥貽子孫哉、

章邱李孝廉善遷、少通僮不泥、絲竹詞曲之屬皆

精之、兩兄皆登甲榜、而孝廉益佻脫、娶夫人謝、稍
稍禁制之、遂亡去、三年不返、徧覓不得、後得之、臨
清构欄中、家人入、見其南向坐、少姬十數、左右侍、
蓋皆學音藝、而拜門牆者也、臨行積衣累笥、悉諸
妓所貽、既歸、夫人閉置一室、投書滿案、以長繩繫
榻足、引其端自牖內出、貫以巨鈴、繫諸厨下、凡有
所需、則躡繩、動鈴、响則應之、夫人躬設典肆、垂
簾、納物、估其值、左持籌、右握管、老僕供奔走而已、

由此居積致富、每耻不及諸姒貴、錮閉三年而孝廉捷、喜曰、三卯兩成、吾以汝為報矣、今亦爾耶、又耿進士崧生、亦章邱人、夫人每以績火佐讀、績者不輟、讀者不敢息也、或朋舊相詣、輒竊聽之、論文則淪茗作黍、若恣諧謔、則惡聲逐客矣、每試得平等、不敢入室門、超等始笑逆之、設帳得金悉內獻、絲毫不聽隱匿、故東主餽遺恒面較錙銖、人或非笑之、而不知其銷笑良難也、後婦翁延教內弟、

是年遊泮，翁謝儀十金，耿受榼返金。夫人知之曰：彼雖固親，然舌耕何為也？追之返而受之，耿不敢爭，而心終歉焉。思暗償之，於是每歲館金皆短其數以報夫人。積二年餘，得如干數，忽夢一人告之曰：明日登高，金數即滿。次日試一臨眺，果拾遺金，恰符缺數。遂償岳，後成進士。夫人猶訶譴之。耿曰：今一行作吏，何得復爾？夫人曰：謗云水長則船亦高，即為宰相便大耶。

鳥語

中州境有道士募食鄉村，食已聞鸛鳴，因告主人使慎火。問故，荅曰：鳥云大火難救，可怕。衆笑之，竟不備。明日果火，延燒數家，始驚其神。好事者追及之，稱爲仙。道士曰：我不過知鳥語耳。何仙爲？適有皂花雀鳴樹上，衆問何語，曰：雀言初六養之，初六養之，十四十六殤之。想此家雙生矣。今日爲初十，不出五六日，當俱死也。詢之果生二子，無何並死。其日悉符，邑令聞

其奇、招之、延為客、時群鴨過、因問之、對曰、明公內室
必相爭也、鴨云罷、偏向他、令大服、蓋妻妾反唇、令
適被喧聒而出也、因留居署中、優禮之、時辨鳥言多
奇中、而道士朴野多肆言、輒無所忌、令最貪、一切供
用諸物、皆折為錢以入之、一日方坐、群鴨復來、令又
詰之、答曰、今日所言、不與前同、乃為明公會計耳、問
何計、曰、彼云蠟燭一百八、銀硃一千八、令慚、疑其相
譏、道士求去、令不許、踰數日宴客、忽聞杜宇、客問之、

答曰、烏云丟官而去、衆愕然失色、令大怒、立逐而出、未幾、令果以墨敗、嗚呼、此仙人儆戒之、而惜乎危厲、薰心者不之悟也、

齊俗呼蟬曰稍遷、其色綠者曰都了、邑有父子俱青社生、將赴歲試、忽有蟬落襟上、父喜曰、稍遷吉兆也、一僮視之曰、何物稍遷、都了而已、父子不悅、已而果皆被黜、

天宮

郭生京都人、年二十餘、儀容秀美。一日薄暮、有老嫗
貽尊酒、怪其無因。嫗笑曰、無須問、但飲之、自有佳境。
遂逕去。揭尊微嗅、冽香四射。遂飲之、忽大醉、冥然罔
覺。及醒、則與一人並枕卧、撫之膚膩如脂、麝蘭噴溢。
蓋女子也。問之不答。遂與交、已、以手捫壁、皆石。
陰、有土氣、酷類墳塚。大驚、疑爲鬼迷。因問女子、卿
何神也。女曰、我非神、乃仙耳。此是洞府、與卿有夙緣。
勿相訝、但安心居之。再入一重門、有漏光處、可以漉

便既而女起、閉戶而去。久之腹餒、遂有女僮來、餉以
麵餅、鴨臠、便捫索而啖之。黑漆不知昏曉、無何女子
來寢、始知夜矣。郭曰：「晝無天日、夜無灯火、食炙不知
口處、常々如此、則姮娥何殊於羅刹、天堂何別於地
獄哉？」女笑曰：「為爾俗中人、多言喜洩、故不欲以形色
相見。且暗中摸索、妍媸亦當有別。何必灯燭？」居數日、
憂悶異常、屢請暫歸。女曰：「來夕與君一游天宮、便即
為別。」次日忽有小鬟籠灯入曰：「娘子伺即久矣、從之。」

出星斗光中、但見樓閣無數、經幾曲画廊、始至一處、堂上垂珠簾、燒巨燭如晝、入則美人華妝南向坐、年約二十許、錦袍炫目、頭上明珠、翹顫四垂、地下皆設短燭、裙底皆焰、誠天人也、郭迷亂失次、不覺屈膝、女令婢扶曳入坐、俄頃八珍羅列、女行酒曰、飲此以送君行、郭鞠躬曰、向覲面不識仙人、寔所惶惑、如容自贖、願收為沒齒不二之臣、女頷婢微笑、便命移席臥室、中流蘊繡帳、衾褥香軟、使郭就榻坐、飲次女屢

言君離家久、暫歸亦無所妨、更盡一籌、郭不言別、女
喚婢籠烛送之、郭不言、偽醉眠榻上、抗之不動、女使
諸婢扶裸之、一婢私囑曰、箇男子容貌溫雅、此物何
不文也、舉置床上、大笑而去、女亦寢、郭乃轉側、女問
醉乎、曰、小生何醉、甫見仙人、神志顛倒耳、女曰、此是
天宮、未明宜早去、如嫌洞中快悶、不如早別、郭曰、今
有人夜得名花、聞香捫幹、而苦無灯燭、此情何以能
堪、女笑允給灯火、漏下四點、呼婢籠烛抱衣而送之、

入洞見丹堊精工、寢處褥華棕毡尺許厚、卽解履擁
衾、婢徘徊不去、卽凝視之、風致娟好、戲曰、謂我不文
者、卿耶、婢笑以足蹴枕曰、子宜僵矣、勿復多言、視履
端嵌珠如巨椒、捉而曳之、婢仆於懷、遂相狎、而呻楚
不勝、卽問年幾何矣、答云十七、問處子亦知情乎、曰
妾非處子、然荒踈已三年矣、卽研詰仙人姓氏、及其
清貫尊行、婢曰、勿問、卽非天上、亦異人間、若必知其
確耗、恐覓死無地矣、卽遂不敢復問、次夕女果以燭

來相就寢食以此為常。一夜女入曰：期以永好，不意人情乖阻，今將糞除天宮，不能復相容矣。請以卮酒為別。郭泣下，請得脂澤為愛女，不許，贈以黃金一斤。珠百顆，三瓊既盡，忽已昏醉。既醒，覺四體如縛，糾纏甚密，股不得伸，首不得出。極力轉側，暈墮床下，出手摸之，則錦被囊裏細繩束焉。起坐凝思，畧見窓牖，始知為已齋中。時離家已三月，家人謂其已死。郭出，初不敢明言，惧被仙譴。然心疑怪之，竊問一告知交莫。

有測其故者、被置床頭、香盈一室、拆視則湖綿雜香屑、爲之因珍藏焉、後某達官聞而詰之、笑曰、此賈后之故智也、仙人烏得如此、雖然、此事宜慎秘、洩之族矣、有巫嘗出入貴家、言其樓閣形狀、絕似嚴東樓家、郭聞之大惧、携家亡去、未幾、嚴伏誅、始歸。

異史氏曰、高閣迷離、香盈綉帳、雛奴蹀躞、履綴明珠、非權奸之淫縱、豪勢之驕奢、烏有此哉、顧淫等一擲、金屋變而長門、唾壺未乾、情田鞠爲茂草、空

床傷臆、暗燭銷魂、含顰玉臺之前、凝眸寶幄之內、
遂使糟丘臺上路入天宮、溫柔鄉中、人疑仙子、儻
楚之帷簿、固不足羞、而廣田自荒者、亦足戒已、

喬女

平原喬生、有女黑醜、竚一鼻、跛一足、年二十五六、無
間名者、邑有穆生、四十餘妻死、貧不能續、因聘焉、三
年生一子、未幾穆生卒、家亦索、大困、則乞憐其母、
頗不堪之、女亦忽不復返、惟以紡績自給、有孟生喪

耦遺一子名烏頭、纔周歲、以乳哺乏人、急於求配、然媒數言、輒不當意、忽見女、大悅之、陰使人風示女、辭焉、曰、饑凍如此、從官人得溫飽、夫寧不願、然殘醜不如人、所可自信者德耳、又事二夫、官人何取焉、孟益賢之、向慕尤殷、使媒者函金加幣而說其母、悅、自詣女所、固要之、女志終不奪、母慚、願以少女字孟、家人皆喜、而孟殊不願、居無何、孟暴卒、女往臨哭、盡哀、孟故無戚黨、死後村中無賴輩、悉憑凌之、家具携

取一空、方謀瓜分其田產、家人亦各草竊以去、惟一
嫗抱兒哭帷中、女問得故、大不平、聞林生與孟善、乃
踵門而告曰、夫婦朋友人之大倫也、妾以奇醜為世
不齒、獨孟生能知我、前雖固拒之、然固已心感之矣、
今身死子幼、自當有以報知己、然存孤易、禦侮難、若
無兄弟父母、遂坐視其子死家滅而不一救、則五倫
中可以無朋友矣、妾無所多需於君、但以片紙告邑
宰、撫孤則妾不敢辭、林曰諾、女別而歸、林將如其所

教無賴輩怒，咸欲以白刃相仇。林大惧，閉戶不敢復行。女聽之，數日寂無音。及問之，則孟氏田產已盡矣。女怒甚，銳身自詣官，詰女係孟何人。女曰：公宰一邑，所憑者理耳。如其言妄，即至戚無所逃罪。如非妄，即道路之人可聽也。官怒其言慙，訶逐而出。女冤忿無以自伸，哭訴於縉紳之門。某先生聞而義之，代剖於宰。按之果真窮，治諸無賴，盡反所取。或議留女居孟第，撫其孤。女不肯，扃其戶，使嫗抱烏頭從與俱。

婦、另舍之。凡烏頭日用所需、輒同姬啟戶出粟、為之營辦。已、錙銖無所沾染。抱子食貧、一如曩日。積數年、烏頭漸長、為烏頭延師教讀。已子則使學操作。姬勸使並讀。女曰、烏頭之費、其所自有。我耗人之財、以教已子、此心何以自明。又數年、為烏頭積粟數百石。乃聘於名族、治其第宅。析令婦、烏頭泣、要回同居。女乃從之。然紡績如故。烏頭奪其具。女曰、我母子坐食、心何安矣。遂早暮為之經理、使其子巡行阡陌、若為傭。

然烏頭夫婦少有過輒斥譴不少貸稍不悛則怫然欲去夫妻跼道悔詞始止未幾烏頭入泮又辭欲歸烏頭不可捐聘幣為穆子完婚女乃析子令歸烏頭留之不得陰使人於近村為市恒產百畝而後遣之後女疾求歸烏頭不聽病益篤囑曰必以我歸葬烏頭諾既卒陰以金啗穆子俾合葬於孟及期棺重三十人不能舉穆子忽仆七竅出血自言曰不肖兒何得遂賣汝母烏頭惧拜祝之始愈乃復停數日修治

穆墓已始合厝焉。

異史氏曰、知己之感、許之以身、此烈男子之所為也、彼女子何知、而奇偉如是、若遇九方臯、直牡視之矣。

劉夫人

廉生者、彰德人、少篤學、然早孤、家綦貧、一日他出、暮歸失途、入一村、有媼來問曰、廉公子何之、夜得毋深乎、生方惶惧、更不暇問其誰何、便求假榻、媼引去、入

一大第。有双鬟籠灯，導一婦人出。年四十餘，舉止大家。媼迎白：「廉公子至。」生趨拜。婦喜曰：「公子秀發，何但作富家翁乎？」即設筵，婦側坐，勸酬甚殷。而自己舉杯未嘗飲，舉箸亦未嘗食。生惶惑，屢審閱，笑曰：「再盡三爵，告君知。」生如命飲。已，婦曰：「亡夫劉氏，客江右，遭變遽殞。未亡人獨居荒僻，日就零落。雖有兩孫，非鴟鵂即鴛鴦耳。公子雖異姓，亦三生骨肉也。且至性純篤，故遂覩然相見。無他煩，薄藏數金，欲倩公子持泛。」

江湖分其贏餘亦勝案頭螢枯死也。生辭以少年書痴恐負重托。婦曰讀書之計先於謀生公子聰明何之不可遣婢運貲出交兌八百餘兩。生惶恐固辭。婦曰妾亦知公子未慣貿遷但試為之當無不利。生慮重金非一人可任謀合商侶。婦云勿須但覓一誠慤諳練之僕為公子服役足矣。遂輪織指以卜之曰伍姓者吉。命僕馬囊金送生出曰臘盡滌殘候洗寶裝矣。又顧僕曰此馬調良可以乘御即贈公子勿須將

回生歸、夜終四鼓、僕繫馬自去。明日多方覓役、果得
伍姓、因厚價招之。伍老於行旅、又為人慇拙、不苟貲
財、悉倚付之。往涉荆襄、歲杪始得歸、計利三倍。生以
得伍力多、於常格外另有餽賞、謀同飛洒、不令主知。
甫抵家、婦已遣人將迎、遂與俱去。見堂上華筵已設、
婦出、備極慰勞。生納貲訖、即呈簿籍。婦置不顧、少頃
即席歌舞、鞞鞞。伍亦賜筵外舍、盡醉方歸。因生無家
室、留守新歲。次日又求稽盤。婦笑曰：「後無須爾。」妾會

計久矣、乃出冊示生、登誌甚悉、並給僕者亦載其上、生愕然曰、夫人真神人也、過數日、館穀豐盛、待若子姪、一日堂上設席、一東面、一南面、堂下一筵西向、謂生曰、明日財星臨照、宜可遠行、今為主价粗設祖帳、以壯行色、少間伍亦呼至、賜坐堂下、一時鼓鉦鳴聒、女優進呈曲目、生命唱陶朱婦笑曰、此先兆也、當得西施作內助矣、宴罷、仍以全金付生曰、此行不可以歲月計、非獲巨萬勿歸也、妾與公子、所憑者在福命、

所信者在腹心、勿勞計筭、遠方之盈絀、妄自知之、生
唯々而退、往客淮上、進身為鹺賈、踰年利又數倍、然
生嗜讀、操籌不忘書卷、所與遊者皆文士、所獲既盈、
隱思止足、漸謝任於伍、桃源薛生與最善、適過訪之、
薛一門俱適別業、昏暮無所復之、閤人延生入、掃榻
作炊、細詰主人起居、蓋是時方訛傳朝廷欲選良家
女犒邊庭、民間騷動、聞有少年無婦者、不通媒妁、竟
以女送諸其家、至有一夕而得兩婦者、薛亦新婚於

大姓猶恐輿馬喧動、為大令所聞、故暫遷於鄉。生既留、初更向盡、方將拂榻就寢、忽聞數人排闥入、閤人不知何語、但聞一人云、官人既不在家、秉燭者何人、閤人答是廉公子、遠客也。俄而問者已入、袍帽光潔、畧一舉手、即詰邦族、生告之、喜曰、吾同鄉也。岳家誰氏、答云無之、益喜趨出、即招一少年同入、敬與為禮。卒然曰、寔告公子、某慕姓、今夕此來、將送舍妹於薛官人、至此方知無益、進退維谷之際、適逢公子、寧非

數乎、生以未悉其人、故躊躇不敢應、慕竟不聽其致
詞、急呼送女者、少間二媼扶女郎入、坐生榻上、睨之、
年十五六、佳妙無雙、生喜、始整巾向慕展謝、又囑閤
人行沽、畧盡款洽、慕言先世彰德人、母族亦世家、今
凌夷矣、聞外祖遺有兩孫、不知家況何似、生問伊誰、
曰外祖劉、字暉若、聞在郡北三十里、生曰僕郡城東
南人、去北里頗遠、年又最少、無多知交、郡中此姓最
繁、止知郡北有劉荊卿、亦文學士、未審是否、然貧矣、

慕曰、某祖墓尚在彰郡、每欲扶兩櫬歸葬故里、以資
斧耒、辦姑猶遲、今妹子從去、歸計益決矣、生聞之、
銳然自任、二慕俱喜、酒數行辭去、生却僕移灯、琴瑟
之愛、不可勝言、次日薛已知之、趨入城、除別院館生、
生詣淮交盤已、留伍居肆、裝資返桃源、同二慕啟岳
父母骸骨、兩家細小、載與俱歸、入門安置已、囊金詣
主、前僕已候於途、從去、婦逆見色喜曰、陶朱公載得
西子來矣、前日為客、今日吾甥婿也、置酒迎塵、倍益

親愛生服其先知、因問夫人與岳母遠近、婦云勿問、久自知之、乃堆金案上、瓜分爲五、自取其二、曰吾無用處、聊貽長孫、生以過多辭不受、悽然曰、吾家零落、宅中喬木、被人伐作薪、孫子去此頗遠、門戶蕭條、煩公子一營辦之、生諾、而金止受其半、婦強內之、送生出、揮涕而返、生疑怪間、回視第宅、則爲墟墓、始悟婦即妻之外祖母也、既歸、贖墓田一頃、封植偉麗、劉有二孫、長卽荆卿、次玉卿、飲博無賴、皆貧、兄弟詣生申

謝生悉厚贈之。由此往來最稔。生頗道其經商之由。玉卿竊意塚中多金。夜合博徒數輩。發墓搜之。剖棺露齒。竟無少獲。失望而散。生知墓被發。以告荆卿。詣生同驗之。入壙。見案上累累。前所分金具在。荆卿欲與生共取之。生曰。夫人原留此以待兄也。荆卿乃囊運而歸。告諸邑宰。訪緝甚嚴。後一人賣坎中玉簪。獲之。窮訊其黨。始知玉卿為首。宰將治以極刑。荆卿代哀。僅得賒死。墓內外兩家並力營繕。較前益堅美。由

此廉劉皆富、惟玉卿如故、生及荆卿常河潤之、而終不足供其博賭、一夜盜入生家、執索金贖、生所藏金、皆以千五百為個、發示之、盜取其二、止有鬼馬在廐、用以運之而去、使生送諸野、乃釋之、村衆望盜火未遠、譟逐之、賊驚遁、共至其處、則金委路側、馬已倒為灰燼、始知馬亦鬼也、是夜止失金釧一枚而已、先是盜執生妻、悅其美、將就淫之、一盜帶面具、力呵止之、声似玉卿、盜釋生妻、但脫腕釧而去、生以是疑玉卿、

然心竊德之。後盜以剗質賭，為捕役所獲，詰其黨，果有玉卿。宰怒，備極五毒。兄與生謀，欲以重賄脫之。謀未成，而玉卿已死。生猶時恤其妻子。生後登賢書，數世皆素封焉。嗚呼！貪字之點畫形象，甚近乎貧。如玉卿者，可以鑒矣。

公孫夏

保定有國學生某，將入都納質，謀得縣尹，方趨裝而病，月餘不起。忽有僮入白客至，某亦自忘其病，趨出。

逆客、華服類貴者、三揖入舍、叩所自來、客曰、僕公
孫夏、十一皇子座客也、聞治裝將圖縣秩、既有是志、
太守不更佳耶、某遜謝、但言貲薄、不敢有奢願、客請
效力、俾出半貲、約於任所取盈、某喜求策、客曰、督撫
皆某昆季之交、暫得五千緡、其事濟矣、目前正定缺
員、便可急圖、某訝其本省、客笑曰、君迂矣、但有孔方
在、何問吳越、桑梓耶、某終躊躇、疑其不經、客曰、無須
疑惑、寔相告、此真中城隍缺也、君壽終已注死籍、乘

此營辦尚可以致冥貴。即起告別曰：君且自謀。三日當復會。遂出門跨馬去。某忽開眸，與妻子永訣。命出藏鏹，市楮錠萬提。郡中是物為空，堆積庭中，雜芻靈鬼馬，日夜焚之。灰高如山。三日客果至。某出貨交兌。客即導至部署。見貴官坐殿上。某便伏拜。貴官畧審姓名，便勉以清廉謹慎等語。乃取憑文，喚至案前。與之某稽首出署。自念監生卑賤，非車服炫耀，不足震懾曹屬。於是益市輿馬，又遣鬼役，以采輿逐其美妾。

區畫方已、正定鹵簿已至、途百餘里、一道相屬、意甚得、忽前導者鉦息旗靡、驚疑間、騎者盡下、悉伏道周、人小徑尺、馬大如狸、車前者駭曰、闕帝至矣、某懼、下車亦伏、遙見帝君從四五騎、緩轡而至、鬚多繞頰、不似世所模肖者、而神采威猛、目長幾近耳際、馬上問此何官、從者答正定守、帝君曰、區、一郡、何直得如此、張皇、某聞之、洒然毛悚、身暴縮、自顧如六七歲兒、帝君令起、隨馬跡行、道傍有殿宇、帝君入南向坐、命

授筆札、俾自書鄉貫姓名、某書已呈進、帝君視之、怒曰、字訛誤、不成形象、此市僧耳、何足以任民社、又命稽其德籍、傍一人跪奏、不知何詞、帝君厲聲曰、干進罪小、賣爵罪重、旋見金甲神綰鎖去、遂有二人捉某、褫去冠服、笞五十、脣肉幾脫、逐出門外、四顧車馬盡空、痛不能步、偃息草間、細認其處、離家尚不甚遠、幸身輕如葉、一晝夜始抵家、豁若夢醒、床上呻吟、家人集問、但言股痛、蓋瞑然若死者已七日矣、至是始寤。

便問阿憐何不來、蓋妾小字也、先是阿憐方坐談、忽曰、彼為正定太守、差役來接我矣、乃入室嚴妝、而卒、繞隔夜耳、家人述其異、某悔恨爬胸、命停尸勿葬、冀其復還、數日杳然、乃葬之、某病漸瘳、但股創大劇、半年始起、每曰官貲盡耗、而橫被冥刑、此尚可忍、但愛妾不知昇向何所、清夜所難堪耳、

異史氏曰、市僧固不足南面哉、冥中既有綫索、恐夫子馬跡所不及到、作威福者正不勝誅耳、

吾鄉郭華野先生傳有一事、與此頗類、亦人中之神也、先生以清鯁受主知、再起、摠制荆楚、行李蕭然、惟四五人從之、衣履皆敝陋、途中人竟不知為貴官也、適有新令赴任、道與相值、駝車二十乘、前車數十騎、騶從以百計、先生亦不知其何官、時先之時、後之時、以數騎雜其伍、彼前馬者怒其擾、輒訶却之、先生亦不顧瞻、無何至一巨鎮、兩俱休止、乃使人潛訪之、則一國學生加納、赴任湖南者

也、乃遣一介召之使來、令聞呼駭疑、反詰官闕始
知為先生、悚惧無以為地、冠帶匍匐而前、先生問
汝即某縣、尹耶、答曰然、先生曰、蕞爾一邑、何能
養如許騶從、履任則一方塗炭矣、不可使殃民社、
可即旋歸、勿前矣、令叩首曰、下官尚有文憑、先生
即令取憑、審驗已、曰此亦細事、代若繳之可耳、令
伏拜而出、歸途不知何以為情、而先生行矣、世有
未蒞任而已受考成者、寔所創聞、先生奇人、故信

其有此快舉耳。

鬼隸

歷城二隸奉邑宰韓承宣命營幹他郡歲暮方歸途中遇二人服裝亦類公役同行半日近與話言二人自稱郡役隸曰濟城快皂相識者十有八九二君殊昧生平其人云寔相告我乃城隍之鬼隸也今將以公文投東岳隸問函中何事答云濟南大劫所報者殺人之名數也驚問其數曰亦不甚悉恐近百萬隸

益駭。因問其期。答以正朔。二隸相顧計到郡則歲已除。恐罹於難。遲之。懼貽譴責。鬼曰。違悞限期罪小。入逢劫數禍大。宜他避。姑無往。隸從之。各趨岐路。迺歸。無何北兵大至。屠濟南。扛尸百萬。二人亡匿得免。

果報

安邱某生。通卜筮之術。而其為人邪蕩不檢。每有鑽穴踰牆之行。則卜之。一日忽病。藥之不藥。曰。吾寔有所見。冥中怒我狎褻天數。將重譴矣。藥何能為。亡何

目暴瞽、兩手無故自折、

某甲者伯無嗣、利其有、願為之後、伯既死、田產悉為
所有、遂背前盟、又有一叔家頗裕、亦無子、甲又父之、
叔卒、又背之、於是併三家之產、稱富一鄉、忽暴病若
狂、自言曰、汝欲享富厚而生耶、遂以利刃自割肉片、
片擲地、又曰、汝絕人後、尚欲有後耶、剖腹流腸、遂斃、
未幾其子亦死、產業歸他人矣、果報如此、可畏也夫、

聊齋誌異卷之十九

般陽蒲松齡柳泉甫著

真生

長安士人賈子龍偶過鄰巷見一客風度洒如問之則真生咸陽僦寓者也心慕之明日往投刺適值某亡凡三謁皆不遇乃陰使人窺其在舍而後過之真走避不出賈搜之始出促膝傾談大相知悅賈就逆旅遣僮行沽真又善飲能雅謔樂甚酒欲盡真搜篋

出飲罷。玉卮無當，注杯酒其中，盎然已滿。以小盞挹取入壺，并無少減。賈異之，堅求其術。真曰：「我不願相見者，君無他短，但貪心未淨耳。此乃仙家隱術，何能相授？」賈曰：「寃哉！我何貪？」問：「萌奢想者，徒以貧耳。」一笑而散。由是往來無間。形骸盡忘，每值乏窘，真輒出黑石一塊，吹咒其上，以磨瓦礫，立刻化為白金，便以贈生，僅足所用。未嘗贏餘。賈每求益，真曰：「我言君貪，如何如何？」賈思明告，必不可得。將乘其醉睡，竊石而要。

之一日飲既卧、賈潛起、搜諸衣底、真覺之曰、子真喪心、不可處矣、遂辭別移居而去、後年餘、賈游河干、見一石黝然瑩潔、絕類真生物、拾之珍藏若寶、過數日、真忽至、瞭然若有所失、賈慰問之、真曰、君前所見、乃仙人點金石也、曩從抱真子游、彼憐我介、以此相貽、醉後失去、隱卜當在君所、如有還帶之恩、不敢忘報、賈笑曰、僕生平不敢欺朋友、誠如所卜、但知管仲之貧者莫如鮑叔、君且奈何、真請以百金為贈、賈曰、百

金非少、但授我口訣、一親試之、無憾矣、真恐其寡信、
賈曰、君自仙人、豈不知賈某寧失信於朋友者、真授
其訣、賈頷砌上有巨石、將試之、真掣其肘、不聽前、賈
乃俯掬半磚、置砧上曰、若此者、非多耶、真乃聽之、賈
不磨磚而磨砧、真變色欲與爭、而砧已化為渾金、反
石於真、嘆曰、業如此、復何言、然妄以福祿加人、必
遭天譴、如逭我罪、施材百具、絮衣百領、肯之乎、賈曰、
僕所以欲得錢者、原非欲窖藏之也、君尚視我為守

財虜耶、真喜而去、賈得金且施且買、不三年施數已滿、真忽至、握手曰、君信義人也、別後被福神奏帝、削去仙籍、蒙君博施、今幸以功德消罪、願勉之勿替也、賈問真係天上何曹、曰我乃有道之狐耳、出身褻微、不堪孽累、故生平自愛一毫不敢妄作、賈為設酒、遂與歡飲如初、賈至九十餘、狐猶時至其家、

長山某賣解信藥、即垂危灌之無不活、然秘其方、即戚好不傳也、一日以株累被逮、妻弟餉食獄中、

二
隱置信焉。坐待食已而後告之。甲不信。少頃腹中
潰動。始大驚。罵曰。畜產速行。家中雖有藥末。恐道
遠難俟。急於城中物色。薜荔為末。清水一瓊。速將
來。妻弟如其教。迨覓至某已嘔瀉欲死。急投之。立
刻而安。其方自此遂傳。此亦猶狐之秘其石也。

布商

布商某至青州境。偶入廢寺。見其院宇零落。嘆悼不
已。僧在側曰。今如有善信。暫起山門。亦佛面之光。客

慨然自任、僧喜、邀入方丈、款待殷勤、既而舉內外殿閣、並請裝修、客辭以不能、僧固強之、詞色悍怒、客惧、請即傾囊、於是倒裝而出、悉授僧、將行、僧止之曰、君竭貲寔非所願、得毋甘心於我乎、不如先之、遂握刀相向、客哀之切、弗聽、請自經、許之、逼置暗室而迫促之、適有防海將軍經寺外、遙自缺牆中、望見一紅裳女子入僧舍、疑之、下馬入寺、前後冥搜、竟不可得、至暗室所、嚴扃雙扉、僧不肯開、托以妖異、將軍怒、斬關

入、則見客縊梁上、救之、片時復甦、詰得其情、又械問女子所在、寔屬烏有、蓋神佛現化也、殺僧、財物仍以歸客、益募修廟宇、由此香火大盛、趙孝廉豐原、言之最悉、

何仙

長山王公子瑞亭、能以乩卜、乩神自稱何仙、為純陽弟子、或謂是呂祖所跨鶴云、每降輒與人論文作詩、李太史質君師事之、丹黃課莛、理緒明切、太史揣摩

成、賴、何、仙、力、居、多、因、之、文、學、士、多、皈、依、之、然、為、人、中、
疑、難、事、多、憑、理、不、甚、言、休、咎、辛、未、歲、朱、文、宗、案、臨、
南、試、後、諸、友、請、決、等、第、何、仙、索、試、執、悉、月、旦、之、座、
有、與、樂、陵、李、忞、相、善、者、李、固、好、學、深、思、之、士、衆、屬、
之、因、出、其、文、代、為、之、請、此、註、云、一、等、少、間、云、適、評、
生、據、文、為、斷、然、此、生、運、數、大、晦、應、犯、夏、楚、異、哉、文、
數、適、不、相、符、豈、文、宗、不、論、文、耶、諸、公、少、待、試、一、往、
之、少、頃、又、書、云、我、適、至、提、學、署、中、見、文、宗、公、事、旁、

所焦慮者殊不在文也。一切置付幕客、六七人、粟生例監都在其中。前世全無根氣、大半餓鬼道中游魂、乞食於四方者也。曾在黑暗獄中八百年、損其目之精氣、如人久在洞中、乍出則天地異色、無正明也。中有一二為人身所化者、閱卷分曹、恐不能適相值耳。衆問挽回之術、書云其術至寔、人所共曉、何必問衆、會其意以告李。李懼、以文質孫太史子未、且訴以兆。太史贊其文、因解其惑。李以太史海內宗匠、心益

壯此語不復置懷、後案發竟居四等、太史大駭、取其
文復閱之、殊無疵謫、評云、石門公祖素有文名、必不
悠謬至此、是必幕中醉漢、不識句讀者所為、於是衆
益服何仙之神、共焚香祝謝之、此書曰、李生勿以暫
時之屈、遂懷慚怍、當多寫試卷、益暴之、明歲可得優
等、李如其教、久之署中頗聞懸牌特慰之、次歲果列
前名、其靈應如此、

異史氏曰、幕中多此輩客、無怪京都醜婦巷中、至

夕無閒床也、嗚呼、

神女

米生者閩人、傳者忘其郡邑名字、偶入郡、醉過市廛、聞高門中簫鼓如雷、問之居人、云是開壽筵者、然門庭亦殊清寂、聽之笙歌繁響、醉中雅愛樂之、並不問其何家、即街頭市祝儀投晚生刺焉、或見其衣冠朴陋、便問君係此翁何親、答言無之、或言此流寓者、僑居於此、不審何官、甚貴倨也、既非親屬、將何求生、聞

而悔之、而刺已入矣、無何兩少年出逆客、華裳炫目、
丰采都雅、揖生入、見一叟南向坐、東西列數筵、客六
七人皆似貴胄、見生至盡起為禮、叟亦杖而起、生久
立待與周旋、而叟殊不離席、兩少年致詞曰、家君衰
邁、起拜良艱、愚兄弟代謝高賢之見枉也、生遜謝而
罷、遂增一筵於上、與叟接席、未幾女樂作於下、座後
設琉璃屏、以幃內眷、鼓吹大作、座客不復可以傾談、
筵將終、兩少年起、各以巨杯勸客、杯可容三斗、生有

難色、然見客受亦受、頃刻四顧、主客盡醺、生不得已、亦强盡之、少年復斟、生覺憊甚、起而告退、少年强挽其裾、生大醉、暈地、但覺有人以冷水洒面、恍然若寤、起視賓客盡散、惟一少年捉臂送之、遂別而歸、後再過其門、則已遷去矣、自郡歸、偶適市、一人自肆中出、招之飲、視之不識、姑從之入、則座上先有里人鮑莊在焉、問其人乃諸姓、市中磨鏡人也、問何相識、曰前日上壽者君識之否、生言不識、諸言予出入其門最

稔翁傳姓、但不知何籍何官、先生上壽時、我方在墀下、故識之也、日暮飲散、鮑莊夜死於途、鮑父不識諸執名訟生、檢得鮑莊體有重傷、生以謀殺論死、備歷械梏、以諸未獲罪、無申証、項繫之年餘、直指巡方廉知其冤、出之、家中田產蕩盡、而衣巾革褫、冀其可以辨復、於是携囊入郡、日將暮、步履頗殆、休於路側、遙見小車來、二青衣夾隨之、既過、忽命停輿、車中不知何言、俄一青衣問生、君非米姓乎、生驚起諾之、問何

貧窶至此、生告以故、又問安之、又告之、青衣去向車中語、俄復返、請生至車前、車中以纖手褰簾、微睨之、乃絕代佳人也、謂生曰、君不幸得無妄之禍、聞之太息、今日學使署中、非白手可出入者、途中無可解贈、乃於髻上摘珠花一朵授生曰、此物可鬻百金、請緘藏之、生下拜、欲問官闕、車行甚疾、其去已遠、不解何人、執花懸想、上綴明珠、非凡物也、珍藏而行、至郡投狀、上下勒索甚苦、出花展視、不忍置去、遂歸、而無

家依於兄嫂、幸兄賢為之經紀、貧不廢讀、過歲赴郡、應童子試、誤入深山、會清明節、游人甚衆、有數女騎來、內一女即、即曩年車中人也、見生停驂、問其所往、生具以對、女驚曰、君衣頂尚未復耶、生慘然於衣下出珠花曰、不忍棄此、故猶童子也、女郎暈紅上頰、既囑坐待路隅、歛段而去、久之、一婢馳馬來、以裹物授生曰、娘子言今日學使之門如市、贈白金二百、為進取之資、生辭曰、娘子惠我多矣、自分掇芹、非難、重金

所不敢受，但告以姓名，繪一小像，焚香供之，足矣。婢不顧，委地下而去。生由此用度頗充，然終不屑夤緣。後入邑庠，第一，以金授兄，善居積，三年舊業盡復。適閩中巡撫為生祖門人，優恤甚厚，兄弟稱巨家矣。然生素清鯁，雖屬大僚通家，而未嘗有所干謁。一日有客裘馬至門，都無識者，出視，則傅公子也，揖而入。各道間濶，治具相款，客辭以冗，然亦不竟言去，已而肴酒既陳，公子起而請問，相將入內，拜伏於地，生驚

問何事、愴然曰、家君適罹大禍、欲有求於撫台、非兄不可、生辭曰、渠雖世誼、而以私干人、生平所不爲也、公子伏地哀泣、生厲色曰、小生與公子一飲之知交耳、何遂以喪節強人、公子大慚、起而別去、越日方獨坐、有青衣人入、視之即山中贈金者、生方驚起、青衣曰、君忘珠花否、生曰唯、不敢忘、曰昨公子即娘子胞兄也、生聞之竊喜、僞曰此難相信、若得娘子親見一言、則油鼎可蹈耳、不然不敢奉命、青衣出、馳馬而

去、更盡復返、扣扉入曰、娘子來矣、言未已、女卽慘然入、向壁而哭、不作一語、生拜曰、小生非卿、無以有今日、但有驅策、敢不惟命、女曰、受人求者、常驕人、求人者、常畏人、中夜奔波、生平何解此苦、祇以畏人故耳、亦復何言、生慰之曰、小生所以不遽諾者、恐遇此一見、爲難耳、使卿夙夜蒙露、吾知罪矣、因挽其袂、隱抑搔之、女怒曰、子誠敝人也、不念疇昔之義、而欲乘人之厄、予遇矣、予遇矣、忽然而出、登車欲去、生追出謝

過長跼而要遮之、青衣亦為緩頰、女意稍解、就車中
謂生曰、寔告君、妾非人、乃神女也、家君為南岳都理
司、偶失禮於地官、將達帝聽、非地都人官印信不可
解也、君如不忘舊義、以黃紙一幅為妾求之、言已、車
發遂去、生歸、悚惧不已、乃假驅崇言於巡撫、巡撫謂
其事近巫蠱、不許、生以厚金賂其腹心、諾之、而未得
其便也、既歸、青衣候門、生具告之、嘿然退去、意似怨
其不忠、生追送之曰、婦告娘子、如事不諧、我以身命

殉之、既歸、終夜輾轉、不知計之所出、適院署有寵姬、購珠、乃以珠花獻之、姬大悅、竊印為之、籤紙、生懷歸、青衣適至、笑曰、幸不辱命、然數年來、貧賤乞食、所不忍鬻者、今還為主人棄之矣、因告以情、且曰、黃金拋置、我都不惜、寄語娘子、珠花須要償也、踰數日、傅公子登堂申謝、納黃金百兩、生作色曰、所以然者、為令妹之惠我、無私耳、不然、即萬金豈足易名節哉、再強之、生色益厲、公子慚而去、曰、此事殊未了、翌日、青衣

奉女郎命、進明珠百顆、曰：此足以償珠花耶？生曰：重
花者非貴珠也、設當日贈我萬鎰之寶、直須賣作富
家翁耳、什襲而甘貧賤、何為乎？娘子神人、小生何敢
他望、幸得報洪恩於萬一、死無憾矣。青衣置珠案間、
生朝拜而後却之。越數日、公子又至、生命治肴酒、公
子使從人入厨下自行烹調、相對縱飲、歡若一家、有
客餽苦糯、公子飲而美之、引盡百琰、面頰微赭、乃謂
生曰：君貞介士、愚兄弟不能早知君、有愧裙釵多矣。

家君感大德無以相報、欲以妹子附為婚姻、恐以幽明見嫌也、生喜懼非常、不知所對、公子辭而出曰、明夜七月初九、新月鉤辰、天孫有少女下嫁、吉期也、可備青廬、次夕果送女郎至、一切無異常人、三日後、女自兄嫂以及僕婢、皆有餽賞、又最賢、事嫂如姑、數年不育、勸納副室、生不肯、適兄賈於江淮、為買少姬而歸、姬碩姓、小字博士、貌亦清婉、夫婦皆喜、見髻上插珠花、甚似當年故物、摘視果然、異而詰之、答云、昔有

巡撫愛妾死、其婢盜出鬻於市、先人廉其直、買而歸、
妾愛之、先人無子、生妾一人、故所求無不得、後父死、
家落、妾寄養於顧媼之家、顧妾姨行、見珠屢欲售去、
妾投井覓死、故至今猶存也、夫婦嘆曰、十年之物、復
歸故主、豈非數哉、女另出珠花一朵曰、此物久無偶
矣、因並賜之、親為簪於髻上、姬退、問女即家世甚悉、
家人皆諱言之、陰告生曰、妾視娘子非人間人也、其
眉目間有神氣、昨簪花時、得以近視、其美麗出於肌

裏非若凡人以黑白位置中見長耳。生笑之。姬曰：君勿言，妾將試之。如其神，但有所需，無人處焚香以求，彼當自知。女即繡襪精工，博士愛之而未敢言，乃即閨中焚香祝之。女早起，忽檢篋中出襪，遣婢贈博士。生見之而笑，女問故，以寔告。女曰：黠哉婢乎！因其慧，益憐愛之。然博士益恭，昧爽時必熏沐以朝。後博士一舉兩男，兩人分字之，生年八十，女貌猶如處子。生抱病，女鳩匠為材，全寬大倍於尋常。既死，女不哭，男

女他適，則女已入材中死矣。因並葬之。至今傳為大材塚云。

異史氏曰：女則神矣，博士而能知之，是遵何術與？乃知人之慧固，有靈於神者矣。

湘裙

晏仲，陝西延安人，與兄伯同居。友愛敦篤。伯三十而卒，無嗣。妻亦繼亡。仲痛悼之，每思生二子，則以一子為兄後。甫舉一男，而仲妻又死。仲恐繼室不恤其子。

將購一妾、鄰村有貨婢者、仲往相之、畧不稱意、情緒
無聊、被友人留酌、醺醉而歸、途中遇故窻友梁生、握
手殷々、邀過其家、醉中忘其已死、從之而去、入其門
並非舊第、疑而問之、答云新移此耳、入而謀酒、則家
釀已竭、囑仲坐待、絜甌往沽、仲出立門外以俟之、見
一婦人控驢而過、有童子隨之、年可八九歲、面目神
色絕類其兄、心惻然動念、急尾綴之、便問童子何姓、
答云姓晏、仲益驚、又問汝父何名、答言不知、言次已

至其門、婦人下驢入、仲執童子曰、汝父在家否、童諾而入、頃刻一媼出窺、真其嫂也、訝叔何來、仲大悲、隨之而入、見廬落亦復整頓、因問兄何在、曰責負未歸、問跨驢者何人、曰此汝兄妻甘氏、生兩男矣、長阿大赴市未返、汝所見者阿小、坐久酒漸解、始悟所見皆鬼、以兄弟情切、即亦不惧、嫂溫酒治具、仲急欲見兄、促阿小覓之、良久哭而歸曰、李家負欠不還、反與父開、仲聞之、與阿小奔而去、見有兩人、方擗兄地上、仲

怒奮拳直入。當者盡踣。急救兄起。敵已俱奔。追捉一人。捶楚無算。始執兄手。頓足哀泣。兄亦泣。既歸。舉家慰問。乃具酒食。兄弟相慶。居無何。一少年入。年約十六七。伯呼阿大。令拜叔。仲挽之哭。向兄曰。大哥地下有兩男子。而坟墓不掃。弟又子少而鰥。奈何。伯亦悽惻。嫂謂伯曰。遣阿小從叔去。亦得。阿小聞之。依叔肘下。眷戀不去。仲撫之。倍益酸辛。問汝樂從去否。答云。樂從。仲念鬼雖非人。慰情亦勝無也。因為解顏。伯曰。

從去但無嬌慣、宜啖以血肉、驅向日中曝之、午過乃已、六七歲兒、歷春及夏、骨肉更生、可以娶妻育子、但恐不壽耳、言間有少女在門外窺聽、意致溫婉、仲疑為兄女、便以問兄、曰、此名湘裙、吾妾妹也、孤而無歸、寄養十年矣、問已字否、伯云尚未、近有媒議東村田家、女在窓外小語曰、我不嫁田家牧牛子、仲頗有動於中、而未便明言、既而伯起設榻於齋、止弟宿、仲雅不欲留、而意戀湘裙、將設法以窺兄意、遂別兄就

榻時方初春氣候猶寒齋中夙無烟火森然栗栗對
燭冷坐思得小飲俄而阿小推扉入以杯羹斗酒置
案上仲喜極問誰之為答云湘姨酒將盡又以灰覆
盆火擲床下仲問爺娘寢乎曰睡已久矣汝寢何所
曰與湘姨共榻耳阿小俟叔眠乃掩門去仲念湘裙
慧而解意益愛慕之又以其能撫阿小欲得之心益
堅輾轉床頭終夜不寐早起告兄曰弟子然無偶煩
大哥留意焉伯曰吾家非一瓢一担者物色當自有

人地下即有佳麗、恐於弟無所利益、仲曰、古人亦有鬼妻、何害、伯似會意、便言湘裙亦佳、但以巨針刺人迎血出不止者、便可為生人妻、何得草下、仲曰、得湘裙撫阿小亦得、伯但搖首、仲求之不已、嫂曰、試捉湘裙強刺驗之、不可乃已、遂握針出門外、遇湘裙、急捉其腕、則血痕猶濕、蓋聞伯言時、早自試之矣、嫂釋手而笑、反告伯曰、渠作有意喬才久矣、尚為之代慮耶、妾聞之怒、趨近湘裙、以指刺眶而罵曰、淫婢不羞、欲

從阿叔奔去耶。我定不如其願。相裙愧憤。哭欲覓死。舉家騰沸。仲乃大慚。別兄嫂。率阿小而出。兄曰。弟姑去。阿小勿使復來。恐損其生氣也。仲諾之。既歸。偽增其年。托言兄賣婢之遺腹子。衆以其貌酷類。亦信爲伯遺體。仲教之讀。輒遣抱一卷。就日中誦之。初以爲苦。久而漸安。六月中。几案灼人。而兒戲且讀。殊無少怨。兒甚慧。日盡半卷。夜與叔抵足。恒背誦之。仲甚慰。又以不忘湘裙。故不復作燕樓想矣。一日。雙媒來。爲

阿小議姻中饋無人心甚燥急忽甘嫂自外入曰阿叔勿怪吾送湘裙至矣緣婢子不識羞我故挫辱之叔如此表裏而不相從更欲從何人者見湘裙立其後心甚歡悅肅嫂坐具述有客在堂乃趨出少間復入則甘氏已去湘裙卸妝入厨下刀砧盈耳矣俄而有馘羅列烹飪得宜客去仲入見湘裙凝妝坐室中遂與交拜成禮至晚女仍欲與阿小共宿仲曰我欲以陽氣溫之不可離也因置女別室惟晚間杯酒一

往歡會而已。湘裙撫前子如已出。仲益賢之。一夕夫婦款洽。仲戲問陰世有佳人否。女思良久。答言未見。惟鄰女歲靈仙。群以為美。碩貌亦猶人。要善修飾耳。與妾往還最久。心中竊鄙其蕩也。如欲見之。頃刻可致。但此等人未可招惹。仲急欲一見。女把筆似欲作書。既而擲管曰。不可不可。強之再四。乃曰。母為所惑。仲諾之。遂裂紙作數畫。若符。於門外焚之。少時簾動。鉤鳴。吃々作笑聲。女起曳入。高髻雲翹。殆類畫圖。扶

坐床頭、酌酒相叙、間濶、初見仲、猶以紅袖掩口、不甚
縱談、數琰後、嬉狎無忌、漸伸一足壓仲衣、仲心迷亂、
不知魂之所舍、目前惟碍湘裙、湘裙又故防之、頃刻
不離於側、歲靈仙忽起、褰簾而出、湘裙從之、仲亦從
之、歲靈仙輒握仲手、趨入他室、湘裙甚恨而無可如
何、忿然歸室、聽其所為而已、既而仲入、湘裙責之曰、
不聽我言、後恐却之不得耳、仲疑其妬、不樂而散、次
夕、歲靈仙不召自來、湘裙甚厭見之、傲不為禮、仙竟

與仲相將而去、如此數夕、女望其來、則詬辱之、而亦不能却也、月餘、仲病不起、始大悔、喚湘裙與共寢處、冀可避之、晝夜防稍懈、則人鬼已在陽台、湘裙操杖逐之、鬼忿與爭、湘裙荏弱、手足皆為所傷、仲寢以沉困、湘裙泣曰、吾何以見吾姊乎、又數日、仲冥然遂死、初見二隸執牒入、不覺從去、至途、患無資斧、邀隸便道遇兄所、兄見之、驚駭失色、問弟近何作、仲曰、無他、但有鬼病耳、寔告之、兄曰、是矣、乃出白金一裹、謂隸

曰姑笑納之、吾弟罪不應死、請釋歸、我使豚兒從去、或無不諧、便喚阿大陪隸飲、反身入家、便告以故、乃令甘氏隔壁喚歲靈仙、俄至、見仲欲遁、伯揪返罵曰、淫婢生為蕩婦、死為賤鬼、不齒群眾久矣、又祟吾弟耶、立批之、雲鬢蓬飛、妖容頓減、久之、一嫗來伏地哀懇、伯又責嫗縱女宣淫、訶詈移時、始令與女俱去、伯乃送仲出、飄忽間已抵家門、直達臥室、豁然若寤、始知適間之已死也、伯責湘裙曰、我與若姊謂汝賢能、

故使從吾弟、反欲促吾弟死耶、設非名分之嫌、便當
撻楚、湘裙慚惧、啜泣望伯、伏謝、伯頷阿小喜曰、兒居
然生人矣、湘裙欲出作黍、伯辭曰、弟事未辦、我不遑
暇、阿小年十三、漸知戀父、見父出、零涕從之、父曰、從
叔最樂、我行復來耳、轉身遂逝、自此不復通聞問矣、
後阿小娶婦、生一子、亦年三十而卒、仲撫其孤如姪、
生時、仲年八十、其子二十餘矣、乃析之、湘裙無所出、
一日謂仲曰、我先驅狐狸於地下可乎、盛妝上床而

歿、仲亦不哀、半年尋卒、

異史氏曰、天下之友愛如仲幾人哉、宜其不死而益之以年也、陽絕陰嗣、此皆不忍死兄之誠心所格、在人無此理、在天寧有此數乎、地下生子、願承前業者、想亦不少、恐承絕產之賢兄弟、不肯收恤耳、

三生

湖南某能記前生三世、一世為令尹、開場入簾、有名

士興於唐被黜落憤懣而卒至陰司執卷訟之此狀一投其同病死者以千萬計推興爲首聚散成羣某被攝去相與對質閻羅便問某既衡文何得黜佳士而進凡庸某辨言上有總裁某不過奉行之耳閻羅即發一簽往拘主司久之勾至閻羅即述某言主司曰某不過總其大成雖有佳章而房官不荐吾何由而見之也閻羅曰此不得相諉其失職均也例合答方將施刑興不滿志戛然大號兩墀諸鬼萬聲鳴和

閻羅問故、興抗言曰、笞罪太輕、是必抉其双睛、以爲不識文之報、閻羅不肯、衆呼益厲、閻羅曰、彼非不欲得佳文、特其所見鄙耳、衆又請剖其心、閻羅不得已、使人褫其袍服、以白刃剗胸、兩人瀝血鳴嘶、衆始大快、皆曰、吾輩抑鬱泉下、未有能一伸此氣者、今得興先生、怨氣都消矣、閻然遂散、某受剖已、押投陝西、爲廢人子、年二十餘、值土寇大作、陷入賊中、有兵巡道往平賊、俘擄甚衆、某亦在中、心猶自揣非賊、冀可辨

釋及見堂上官亦年二十餘，細視乃興生也。驚曰：「吾合盡矣。」既而俘者盡釋，惟某後至，不容置辨，竟斬之。某至陰司，投狀訟興。閻羅不即拘，待其祿盡，遲之三十年。興始至，面質之。興以草菅人命，罰作畜。稽某所為，曾撻其太父母，其罪維均。某恐來生再報，請為大畜。閻羅判為大犬，興為小犬。某生於北順天府市肆中，一日卧街頭，有客自南中來，携一金毛犬，大如狸。某視之興也，心易其小，齧之。小犬齧其喉下，繫綴如

鈴、大犬擺撲、嗥竄、市人解之、不得、俄頃俱斃、並至冥
司、互有爭論、閻羅曰、冤、相報何時可已、今為若解
之、乃判興來世為某婿、某生慶雲、二十八舉於鄉、生
一女、嫺靜媚好、世族爭委禽焉、某皆弗許、偶過臨郡、
值學使發落諸生、其第一卷李姓、寔興也、遂挽至旅
舍、優厚之、問其家適無偶、遂訂姻好、人皆謂其憐才、
而不知有夙因也、既而娶女去、相得甚歡、然婿恃才、
輒侮翁、恒隔歲不一至其門、翁亦領之、後婿中歲淹

蹇苦不得售，翁百計為之營謀，始得志於名場。由此和好如父子焉。

異史氏曰：一被黜而三世不解，怨毒之甚至此哉！閻羅之調停固善，然墀下千萬衆如此紛々，勿亦天下之愛憎皆冥中之悲鳴號動者耶？

長亭

石太璞，泰山人，好厭禳之術。有道士遇之，賞其慧，納為弟子，啟牙籤出二卷，上卷驅狐，下卷驅鬼，乃以下

卷授之曰、虔奉此書、衣食佳麗皆有之、問其姓名、曰
吾汴城北村元帝觀王赤城也、留數日盡傳其訣、石
由此精於符籙、委贄者踵接於門、一日有叟來自稱
翁姓炫、陳幣帛、謂其女鬼病已殆、必求親詣、石聞病
危、辭不受贄、姑與俱往、十餘里入山村、至其家、廊舍
華好、入室見少女卧縠幃中、婢以鉤掛幃、望之年十
四五許、文綴於床、形容已槁、近臨之、忽開目云、良醫
至矣、舉家皆喜、謂其不語已數日矣、石乃出、因詰病

狀、叟言白晝見少年來、與共寢處、捉之已杳、少間復至、意其為鬼、石曰、其鬼也、驅之、匪難、恐其是狐、則非余所敢知、叟云、必非、必非、石授以符、是夕宿於其家、夜分有少年入、衣冠整肅、石疑是主人眷屬、起而問之、曰、我鬼也、翁家畫狐、偶悅其女紅、亭姑止焉、鬼為狐祟、陰隲無傷、君何必離人之緣而護之也、女之姊長亭、光艷尤絕、敬留金壁、以待高賢、彼如許字、方可為之施治、爾時我當自去、石諾之、是夜少年不復至、

女頓醒、天明、叟喜以告石、請石入視、石焚舊符、乃坐
診之、見繡幕有女郎、麗若天人心、知其長亭也、診已、
索水洒幃、女即急以碗水付之、蹀躞之間、意動神流、
石生此際、心殊不在鬼矣、出辭、叟托製藥去、數日不
返、鬼益肆、除長亭外、子婦婢女俱被淫惑、又以僕馬
招石、托疾不赴、明日叟自至、石故作病股狀、扶杖
而出、叟拜問故、曰、此鰥之難也、曩夜婢子登榻傾跌、
墮湯、夫人泡兩足耳、叟問何久不續、石曰、恨不得清

門如君者、叟嘿而出、石走送曰、病瘥當自至、無煩玉趾也、又數日、叟復來、石跛而見之、叟慰問三數語、便曰、頃與荆人言、君如驅鬼去、使舉家安枕、小女長亭、年十七矣、願遣奉事君子、石喜、頓首於地、乃謂叟雅意若此、病軀何敢復愛、立刻出門、並騎而去、入視祟者既畢、石恐背約、請與媼盟、媼遽出曰、先生何見疑也、即以長亭所挿金簪、授石為信、石朝拜之、已乃徧集家人、悉為袪除、惟長亭深匿無跡、遂寫一佩符、使

人持贈之。是夜寂然，鬼影盡滅。惟紅亭呻吟未已，投以法水，所患若失。石欲辭去，叟挽止。殷懇至晚，肴核羅列，勸酬殊切。漏二下，主人乃辭客去。石方就枕，聞叩扉甚急，起視，則長亭掩入，辭氣倉皇，言：「吾家欲以白刃相仇，君可急遁。」言已，返身竟去。石戰惧無色，越垣急竄。遙見火光，疾奔而往，則里人夜獵者也。喜待獵畢，乃與俱歸。心懷怨忿，無之可伸，思欲之汴，尋赤城而家。有老父，病廢已久，日夜籌思，莫決進止。忽一

日雙輿至門，則翁媼送長亭至，謂石曰：曩夜之歸，胡再不謀？石見長亭，怨恨都消，故亦隱而不發。媼促兩人庭拜訖，石將設筵，辭曰：我非閒人，不能坐享甘旨。我家老子昏髦，倘有不悉，即肯為長亭一念老身，為幸多矣。登車遂去。蓋殺婿之謀，媼不之聞，及追之不得而返，媼始知之，頗不能平。與叟日相詬誶，長亭亦飲泣不食。媼強送女來，非翁意也。長亭入門，詰之始知其故。遇兩三月，翁家取女歸寧，石料其不返，禁止。

之女自此時一涕零、年餘生一子、名慧兒、買乳媪哺之、然兒善啼、夜必歸母、一日翁家又以輿來、言媪思女甚、長亭益悲、石不忍復留之、欲抱子去、石不可、長亭乃自歸、別時以一月為期、既而半載無耗、遣人往探之、則向所僦宅久空、又二年餘、望想都絕、而兒啼終夜、寸心如割、既而石父病卒、倍益哀傷、因而病憊、苦次彌留、不能受賓朋之弔、方昏瞶間、忽聞婦人哭入、視之、則縗絰者長亭也、石大悲、一慟遂絕、婢驚呼、

女始輟泣、撫之良久、始漸甦、自疑已死、謂相聚於冥中、女曰、非也、妾不孝、不能得嚴父心、尼、婦三載、誠所負心、適家人由東海經此、得翁凶聞、妾遵嚴命而絕兒女之情、不敢循亂命而失翁媳之禮、妾來時、母知而父不知也、言間、兒投懷中、女撫之、泣曰、我有父、兒無母矣、兒亦噉啣、一室掩泣、女起、經理家政、柩前牲盛潔備、石乃大慰、而病久急切不能起、女乃請石外兄、歛洽弔客、喪既閉、石始杖而能起、相與營謀齋奠、

葬已、女欲辭歸、以受背父之譴、夫挽兒號、隱忍而止、未幾有人來告母病、乃謂石曰、妾為君父來、君不為妾母放令去耶、石許之、女使乳媪抱兒他適、涕洟出門而去、後數年不返、石父子漸亦忘之、一日昧爽、啟扉、則長亭飄入、石方駭問、女戚然坐榻上、嘆曰、生長閨閣、視一里為遙、今一日夜而奔千里、殆矣、細詰之女、欲言復止、請之不已、哭曰、今為君言、恐妾之所悲而君之所快也、邇年徙居晉界、僦居趙縉紳之第、

主客交最善、以紅亭妻其公子、公子數逋蕩、家庭頗不相安、妹歸告父、留之半年、不令還、公子忿恨、不知何處聘一惡人來、遣神綰鎖縛老父去、一門大駭、頃刻四散矣、石聞之、笑不自禁、女怒曰、彼雖不仁、妾之父也、妾與君琴瑟數年、止有相好而無相尤、今日人亡家敗、百口流離、即不為父傷、寧不為妾弔乎、聞之、忤舞、更無片語相慰藉、何不義也、拂袖而出、石追謝之、亦已渺矣、悵然自悔、拚已決絕、過二三日、媼與

女俱來、石喜慰問、母子俱伏驚而詢之、母子俱哭、女曰、妾負氣而去、今不能自堅、又欲求人、復何顏矣、石曰、岳固非人、母之惠、卿之情、所不忘也、然聞禍而樂、亦猶人情、卿何不能暫忍、女曰、頃於途中遇母、始知繫吾父者、蓋君師也、石曰、果爾、亦大易、然翁不歸、則卿之父子離散、恐翁歸、則卿之夫泣兒悲也、媼天以自明、女亦誓以相報、石乃即刻治任如汴、詢至元帝觀、則赤城歸未久、入而叅之、便問何來、石視厨下一

老狐孔前股而繫之、笑曰、弟子之來、為此老魅、赤城詰之、曰、是吾岳也、因以寔告、道士謂其狡詐、不肯輕釋、固請乃許之、石因備述其詐、狐聞之、塞身入灶、似有慚狀、道士笑曰、彼羞惡之心、未盡亡也、石起、牽之而出、以刀斷索、抽之、狐痛極、齟齬、然、石不據抽而頓挫之、笑問曰、翁痛乎、勿抽可也、狐睛睽閃、似有愠色、既釋、搖尾出觀而去、石辭歸、三日前已有人報叟信、媼先去、留女待石、至、女逆而伏、石挽之曰、卿如

不忘琴瑟之情、不在感激也。女曰、今復遷還故居矣、村舍鄰邇、音問可以不梗、妾欲歸省、三日可旋、君信之否、曰、兒生而無母、未便殤折、我日、鰥居、習已成慣、今不似趙公子、而反德報之、所以為卿者盡矣、如其不還、在卿為負義、道里雖近、當亦不復過問、何不信之與、有女次日去、二日即返、問何速、曰、父以君在汴、曾相戲弄、未能忘懷、言之絮、妾不欲復聞、故早來也、自此閨中之往來無間、而翁婿間尚不通問訊

云、

異史氏曰、狐情反覆、詭詐已甚、悔婚之事、兩女而一轍、詭可知矣、然要而婚之、是啟其悔者已在初也、且婿既愛女而救其父、止宜置昔怨而仁化之、乃復狎弄於危急之中、何怪其沒齒不忘也、天下之有水玉而不相能者、類如此、

席方平

席方平、東安人、其父名廉、性慇拙、因與里中富室羊

姓有卻羊先死數年、廉病垂危、謂人曰、羊某今賄囑
冥使撈我矣、俄而身赤腫、號呼遂死、席慘怛不食、曰、
我父朴訥、今見凌於強鬼、我將赴地下、代伸冤氣耳、
自此不復言、時坐時立、狀類痴、蓋魂已離舍矣、席覺
初出門、莫知所往、但見路有行人、便問城邑、少旋入
城、其父已收獄中、至獄門遙見父卧簷下、似甚狼狽、
舉目見子、潛然涕流、便謂獄吏悉受賕囑、日夜撈掠、
脛股摧殘、席怒大罵獄吏、父如有罪、自有王章、豈汝

等死魅所能操也。遂出抽筆爲詞，值城隍早衙，喊冤以投。羊惧，內外賄通，始出質理。城隍以所告無據，頗不直席，忿氣無所復伸。冥行百餘里至郡，以官役私狀告之。郡司遲之半月，始得質理。郡司扑席，仍批城隍復案。席至邑，備受械梏，慘冤不能自舒。城隍恐其再訟，遣役押送歸家。役至門辭去，席不肯入，遁赴冥府。訴郡邑之酷貪，冥王立拘質對。二官密遣腹心與席關說，許以千金。席不聽。過數日，逆旅主人告曰：

君負氣已甚、官府求和而執不從、今聞於王前、各有
函進、恐事殆矣、席以道路之口、猶未深信、俄有皂衣
人喚入升堂、見冥王有怒色、不容置詞、命笞二十、席
厲聲問小人何罪、冥王漠若不聞、席受笞喊曰、受笞
允當、誰教我無錢耶、冥王益怒、命置火床、兩鬼擗席
下、見東墀有鉄床、熾火其下、床面通赤、鬼脫席衣、掬
置其上、反覆揉捺之、痛極、骨肉焦黑、苦不得死、約一
時許、鬼曰可矣、遂扶起、促使下床看衣、猶幸跛而能

行、復至堂上、冥王問敢再訟乎、席曰、大怨未伸、寸心不死、若言不訟、是欺王也、必訟、又問訟何詞、席曰、身所受者皆言之耳、冥王又怒、命以鋸解其體、二鬼拉去、見立木高八九尺許、有木板二、仰置其上、下凝血模糊、方將就縛、忽堂上大呼、席某、二鬼即復押回、冥王又問尚敢訟否、答云必訟、冥王命捉去速解、既下、鬼乃以二板夾席縛木上、鋸方下、覺頂腦漸闢、痛不可禁、顧亦忍而不號、聞鬼曰、壯哉此漢、鋸隆々然

尋至胸下、又聞一鬼云、此人大孝無辜、鋸令稍偏、勿損其心、遂覺鋸鋒曲折而下、其痛倍苦、俄頃半身闕矣、板解、兩身俱仆、鬼上堂大聲以報、堂上傳呼、令合身來見、二鬼即推令復合、曳使行、席覺鋸縫一道、痛欲復裂、半步而踣、一鬼於腰間出絲帶一條、授之曰、贈此以報汝孝、受而束之、一身頓健、殊無少苦、遂升堂而伏、冥王復問如前、席恐再罹酷毒、便答不訟矣、冥王立命送還陽界、隸率出北門、指示歸途、反身遂

去。席念陰曹之暗昧，尤甚於陽間，奈無路可達。帝聽世傳灌口二郎，為帝勲戚，其神聰明正直，訴之當有靈異。竊喜二隸已去，遂轉身南向，奔馳間有二人追至，曰：「王疑汝不歸，今果然矣。」捧面復見真王，竊疑真王益怒，禍必更慘。而王殊無厲容，謂席曰：「汝志誠孝，但汝父冤我已為若雪之矣。今已往生富貴家，何用汝嗚呼為？今送汝歸，予以千金之產，期頤之壽。汝願足乎？」乃註籍中，籍以巨印，使席親視之。席謝而下，鬼

與俱出、至途驅而罵曰、奸猾賊類、翻覆使人奔波、欲死再犯、當捉入大磨中細細研之、席張目叱曰、鬼子胡為者、我性禁刀鋸、不禁撻楚耶、請反見王、令我自歸、亦復何勞相送、乃返奔、二鬼惧、溫語勸回、席故蹇緩、行數步輒憩路側、鬼含怒不敢復言、約半日至一村、一門半闢、鬼引與共坐、席便據門闕、二鬼乘其不備、推入門中、驚定自視、身已生為嬰兒、憤啼不乳、三日遂殤、魂搖々不忘灌口、約奔數十里、忽見

羽葆來，旛戟橫路，越道避之。因犯鹵簿，為前馬所執，繫送車前。仰見車中一少年，丰儀瑰瑋，問席何人。席寃憤正無所出，且意是必巨官，或當能作威福。因緬訴毒苦。車中人命釋其縛，使隨車行。俄至一處，官府十餘員迎謁道左。車中人各有問訊，已而指席曰：「一官曰：此下方人，正欲往愬，宜即為之剖決。」席詢之從者，始知車中即上帝殿下九王，所囑即二郎也。席視二郎，修軀多髯，不類世間所傳。九王既去，席從二郎

至一官解。則其父與羊姓並衙隸俱在。少頃檻車中
有囚人出。則真王及郡司城隍也。當堂對勘。席所言
皆不妄。三官戰栗。狀若伏鼠。二即援筆立判。頃之傳
下判語。令案中人共視之。判云。勘得真王者。職膺王
爵。身受帝恩。自應貞潔。以率群僚。不當貪墨。以速官
謗。而乃繁纓榮戟。徒誇品秩之尊。羊狼狼貪。竟玷人
臣之節。斧馘斲。入木。婦子之皮骨皆空。鯨吞魚。
食蝦蟇蟻之微生。可憫。當掬西江之水。為爾煎腸。即

燒東壁之床、請君入甕城隍郡司、爲小民父母之官、司上帝牛羊之牧、雖則職居下列、而盡瘁者不辭折腰、即或勢逼大僚、而有志者亦應強項、乃上下其鷹鷂之手、既罔念夫民貧、且飛揚其狙獮之奸、更不嫌乎鬼瘦、惟受賕而枉法、真人面而獸心、是宜剔髓伐毛、暫罰冥死、所當脫皮換革、仍令胎生、隸役者、既在鬼曹、便非人類、祇宜公門修行、庶還落蓍之身、何得苦海生波、益造彌天之孽、飛揚跋扈、狗臉生六月之

霜隳哭叫號、虎威斷九衢之路、肆淫威於冥界、咸知
獄吏爲尊、助酷虐於昏官、共以屠伯是惧、當於法場
之內、剝其四肢、更向湯鑊之中、撈其筋骨、羊某富而
不仁、狡而多詐、金光蓋地、因使閭摩殿上、盡是陰霾、
銅臭熏天、遂教枉死城中、全無日月、餘腥猶能役鬼、
大力直可通神、宜籍羊氏之家、以償席生之孝、即押
赴東岳施行、又謂席廉、念汝子孝義、汝性良懦、可再
賜陽壽三紀、因使兩人送之歸里、席乃抄其判詞、途

中父子共讀之。既至家，席先薨，令家人啟棺視父，僵尸猶水，俟之終日，漸溫而活。及索抄詞，則已無矣。自此家日益豐，三年間良沃遍野，而羊氏之子孫微矣。樓閣田產盡為席有，里人或治其產者，夜夢神人叱之曰：「此席家物，汝烏得有之？」初未深信，既而種作，則終年升斗無獲。於是復鬻歸席，父九十餘歲而卒。

異史氏曰：人言淨土，而不知生死隔世，意念都

迷且不知其所以來，又烏知其所以去，而況死而
又死，生而復生者乎？忠孝志定，萬劫不移，異哉席
生，何其偉也。

素秋

俞慎字謹菴，順天舊家子。赴試入都，舍於郊郭。時見
對戶一少年，美如冠玉，心好之，漸近與語，風雅尤絕。
大悅，捉臂邀至寓所，便相款宴，審其姓氏，自言金陵
人，姓俞名士忱，字恂九。公子聞與同姓，益加親愛。因

訂為昆仲。少年遂以名減字為忱。明日過其家書舍。光潔然。門庭寂落。更無廝僕。引公子入內。呼妹出拜。年十三四已來。肌膚瑩澈。粉玉無其白也。少頃托茗獻客。似家中亦無婢媪。公子異之。數語遂出。由是友愛如胞。恂九無日不來。或留共宿。則以弱妹無伴為詞。公子曰。吾弟流寓千里。曾無應門之僮。兄妹纖弱。何以為生矣。計不如從我去。有斗舍可共棲止如何。恂九喜。約以闌後試畢。恂九邀公子去。曰。中秋月明。

如畫、妹子素秋、具有蔬酒、勿違其意、竟挽入內、素秋
出、畧道溫涼、便入複室、下簾治具、少間自出行、炙公
子起曰、妹子奔波、情何以忍、素秋笑入、頃之牽簾出、
則一青衣婢捧壺、又一媼托樣進烹魚、公子訝曰、此
輩何來、不早從事而煩妹子、恂九微笑曰、妹子又弄
怪矣、但聞簾內吃、作笑聲、公子不解其故、既而筵
終、婢媼徹器、公子適嗽、悞墮婢衣、婢隨唾而倒、碎碗
流炙、視婢則帛剪小人、僅四寸許、恂九大笑、素秋笑

出拾之而去。俄而婢復出，奔走如故。公子大異之。恂九曰：「此不遇妹子幼時。」卜紫姑之小技耳。公子因問弟妹都已長成，何未婚姻？答云：「先人即世，去留尚無定所，故此遲遲。」遂與商定行期，嚮宅携妹，與公子俱西。既歸，除舍，之。又遣一婢為之服役。公子妻韓侍，郎之猶女也，尤憐愛素秋，飲食共之。公子與恂九亦然而恂九又最慧，目下十行，試作一執，老宿不能及之。公子勸赴童子試。恂九曰：「姑為此業者，聊與君分。」

苦耳、自審福薄、不堪仕進、且一入此途、遂不能不戚戚於得失、故不為也、居三年、公子又下第、恂九大為扼腕、奮然曰、榜上一名、何遂艱難若此、我初不欲為成敗所惑、故寧寂、耳、今見大哥不能自發舒、不覺中熱、十九歲老童、當效駒馳也、公子喜、試期送入場、邑郡道皆第一、益與公子下帷攻苦、踰年科試、並為郡邑冠軍、恂九名大課、遠近爭婚之、恂九悉却去、公子力勸之、乃以場後為解、無何試畢、傾慕者爭錄其

文相與傳誦。恂九亦自覺第二人不屑居也。榜既放，兄弟皆黜。時方對飲，公子尚強作噓。恂九失色。酒琰傾墮，身仆案下，扶置榻上，病已困殆。急呼妹至，張目謂公子曰：「吾兩人情雖如胞，寔非同族。弟自分已登鬼錄，啣恩無可相報。素秋已長成，既蒙嫂氏撫愛，勝之可也。公子作色曰：『是真吾弟之亂命也。』其將謂我人頭畜鳴者耶？」恂九泣下。公子即以重金為購良材，恂九命舁至，力疾而入。囑妹曰：「我沒後，即閤棺，無令

一人開視公子尚欲有言而目已瞑矣公子哀傷如喪手足然竊疑其囑異俟素秋他出啟而視之則棺中袍服如脫揭之有蠹魚徑尺僵卧其中駭異問素秋促入慘然曰兄弟何所隔閼所以然者非避兄也但恐傳布飛揚妾亦不能久居耳公子曰禮緣情制情之所在異族何殊焉妹寧不知我心乎即閨中當無漏言請勿慮遂連卜吉期厚葬之初公子欲以素秋論婚於世家恂九不欲既沒公子以商素秋素秋

不應公子曰妹年已二十矣長而不嫁人其謂我何對曰若然但惟兄命然自顧無福相不願入候門寒士而可公子曰諾不數日冰媒相屬卒無所可先是公子之妻弟韓荃來弔得窺素秋心愛悅之欲購作小妻謀之姊急戒勿言恐公子知韓去終不能釋托媒風示公子許為買鄉場關節公子聞之大怒詬罵將致意者批逐出門自此交往遂絕適有故尚書之孫某甲將娶而婦忽卒亦遣冰來其甲第雲連公

子之所素知、然欲一見其人、因與媒約、使甲躬謁、及期垂簾於內、令素秋自相之、甲至、裘馬騶從、炫耀閭里、又視其人、秀雅如處子、公子大悅、見者咸贊美之、而素秋殊不樂、公子不聽、竟許之、盛備奩妝、計費不貲、素秋固止之、但討一老大婢供給使而已、公子亦不之聽、卒厚贈焉、既嫁、琴瑟甚敦、然兄嫂常繫念之、每月輒一歸寧、來時奩中珠繡必携數事付嫂收貯、嫂未知其意、亦姑從之、甲少孤、止有寡母、溺愛過於

尋常日近匪人、漸誘淫賭、家傳書畫鼎彝、皆以鬻償、
戲債、而韓荃與有瓜葛、因招飲而竊探之、願以兩妾
及五百金易素秋、甲初不肯、韓固求之、甲意似搖、恐
公子不甘、韓曰、彼與我至戚、此又非其支系、若事已
成、則彼亦無如我何、萬一有他、我身任之、有家君在、
何畏一俞謹菴哉、遂盛裝兩姬出行酒、且曰、果如所
約、此即君家人矣、甲惑之、約期而去、至日慮韓詐、
夜候於途、果有輿來、啟簾、驗炤不虛、乃導二姬去、姑

置齋中、韓僕以五百金交兌俱明、甲奔入偽告素秋、言公子暴病相呼、素秋未遑理妝、草々遂出、輿既發、夜迷不知何所、連行良遠、殊不可到、忽有二巨燭來、衆竊喜其可以問途、無何至前、則巨蟒兩目如燈、衆大駭、人馬俱竄、委輿路側、將曙復集、則空輿存焉、意必葬於蛇腹、婦告主人、垂首喪氣而已、數日後公子遣人詣妹、始知爲惡人賺去、初不疑其婿之偽也、取婢婦、細詰情迹、微窺其變、忿甚、徧憩郡邑、甲惧求救、

於韓，以金妾兩亡，正復懊喪，斥絕不為力。甲呆憨，無所復計。各處勾牒至，但以賄囑免行。月餘，金珠服飾典貨一空。公子於憲府究理甚急，邑官皆奉嚴令。甲知不可復匿，始出，至公堂，寔情盡吐。蒙憲票拘韓對質。韓惧，以情告父，時休致，怒其所為不法，執付隸。既見諸官府，言及遇蟒之變，悉謂其詞支。家人撈掠殆徧，甲亦屢被猷楚。幸母日鬻田產，上下營救，刑輕得不死。而韓僕已瘵斃矣。韓久困囹圄，願助甲賂

公子千金、哀求罷訟、公子不許、甲母又請益以二姬、但求姑存疑案、以待尋訪、妻又承叔母命、朝夕解免、公子乃許之、甲家甚貧、貨宅辦金、而急切不能得售、因先送姬來、乞其延緩、踰數日、公子夜坐齋頭、素秋偕一媼、驀然忽入、公子駭問、妹固無恙耶、笑曰、蟒變乃妹之小術耳、當夜竄入一秀才家、依於其母、彼自言識兄、今在門外、請入之、公子倒屣而出、燭之、非他、乃周生、宛平之名士也、素以聲氣相善、把臂入齋、款

洽臻至、傾談既久、始知顛末、初素秋昧爽、歛周門、母
納入、詰之、知為公子妹、便將馳報、素秋止之、因與母
居、慧能解意、母悅之、以子無婦、竊屬意素秋、微言之、
素秋以未奉兄命、為辭、生亦以公子交契、故不肯作
無媒之合、但頻、使人偵探、知訟事已有關說、素秋
乃告母欲歸、母遣生率一媼送之、即囑媼媒焉、公子
以素秋居生家久、竊有心而未言也、及聞媼言大喜、
即與生面訂為好、先是素秋夜歸、將使公子得金而

後宣之、公子不可、曰、向憤無所洩、故索金以敗之耳。
今復見妹、萬金何能易哉、即遣人告諸兩家、頓罷之。
又念生家故不甚豐、道賒遠親、迎殊艱、因移生母來、
居以恂九舊第、生亦備幣帛、鼓樂婚嫁、成禮。一日、嫂
戲素秋、今得新婿、曩年枕席之愛、猶憶之否、素秋微
笑、因顧婢曰、憶之否、嫂不解、研問之、蓋三年床第、皆
以婢代、每夕以筆畫其兩眉、驅之去、即對燭而坐、婿
亦不之辨也、益奇之、求其術、但笑不言、次年大比、生

將與公子偕往。素秋以為不必。公子強挽之而去。是科公子荐於鄉生。落第歸。隱有退志。踰年母卒。遂不復言進取矣。一日素秋告嫂曰。向問我術。固未肯以此駭物聽也。今遠別行有日矣。請秘授之。亦可以避兵燹。驚而問之。荅云。三年後此處當無人烟。妾荏弱不堪驚恐。將蹈海濱而隱。大哥富貴中人。不可以偕。故言別也。乃以術悉授嫂。數日又告公子。留之不得。至於泣下。問往何所。即亦不言。雞鳴早起。携一白鬚。

奴控双衛而去。公子隱使人尾送之。至膠萊之界。塵霧幃天。既晴。已迷所往。三年後。闖寇犯順村。舍為墟。韓夫人剪帛置門內。寇至。見雲繞帛。馱高丈餘。遂駭走。以是得無恙焉。後村中有賈客至海上。遇一叟。似老奴。而髭髮盡黑。猝不敢認。叟停足而笑曰。我家公子尚健耶。借口寄語。秋姑亦甚安樂。問其居何里。曰。遠矣。遠矣。奴遂去。公子聞之。使人於所在遍訪之。竟無踪跡焉。

異史氏曰。管城子無食肉相。其來舊矣。初念甚明。而乃持之不堅。寧如糊眼主司。固衡命不衡文耶。一擊不中。冥然遂死。蠹魚之痴。一何可憐。傷哉雄飛。不如雌伏。

賈奉雉

賈奉雉。平涼人。才名冠一時。而試輒不售。一日途中遇一秀才。自言卽姓。風格洒然。談言微中。因邀俱歸。出課執就正。卽讀罷。不甚稱許。曰。足下文小試取第。

一則有餘、闌場取榜尾則不足、賈曰奈何、即曰、天下
事仰而跂之則難、俯而就之甚易、此何須鄙人言哉、
遂指一二人一二篇以為標準、大率賈所鄙棄而不
屑道者、聞之笑曰、學者立言貴乎不朽、即味列八珍、
當使天下不以為泰耳、如此獵取功名、雖登臺閣、猶
為賤也、即曰不然、文章雖美、賤則弗傳、君欲抱卷以
終也則已、不然、簾內諸官、皆以此等物事進身、恐不
能因閱君文、另換一副眼睛肺腸也、賈終嘿然、即起

而笑曰、少年盛氣哉、遂別而去、是秋入闈、復落、悒、
不得志、頗思、即言、遂取前所指示者、強讀之、未至終
篇、昏、欲睡、心惶惑、無以自主、又三年、闈場將近、即
忽至、相見甚懽、因出所擬七題、使賈作之、越日索文
而閱、不以為可、又令復作、已又訾之、賈戲於落卷
中、集其翦冗泛濫、不可告人之句、聯綴成文、俟其來
而示之、即喜曰、得之矣、因使熟記、堅囑勿忘、賈笑曰、
寔相告、此言不由中、轉瞬即去、便受夏楚、不能復憶、

之也、卽坐案頭、強令自誦一過、因使袒背、以筆寫符而去、曰只此已足、可以高閣群書矣、驗其符濯之不
下、深入肌裏、至場中、七題無一遺者、回思諸作、茫不
記憶、惟戲綴之文、歷歷在心、然把筆終以為羞、欲少
竄易、而顛倒苦思、竟不能復更一字、日已西墜、真錄
而出、卽候之已久、問何暮也、賈以寔告、卽求拭符、視
之已漫滅矣、再憶場中文、遂如隔世、大奇之、因問何
不自謀、笑曰、某惟不作此等想、故能不讀此等文也、

遂約明日過諸其寓、賈諾之、即既去、賈取文稿自閱之、大非本懷、快、不自得、不復訪、即嗒喪而歸、未幾榜發、竟中經魁、又閱舊稿、一讀一汗、讀竟、重衣盡濕、自言曰、此文一出、何以見天下士乎、方慚忤間、即忽至、曰、求中即中矣、何其悶也、曰、僕適自念、以金盆玉碗貯狗矢、真無顏出見同人行、將遜跡山林、與世長絕矣、即曰、此亦太高、但恐不能耳、果能之、僕引見一人、長生可得、並千載之名、亦不足戀、況儻來之富貴

乎。賈悅留與共宿。曰容某思之。天明謂郎曰。予志決矣。不告妻子。飄然遂去。漸入深山。至一洞府。其中別有天地。叟坐堂上。即使舂之。呼以師。叟曰來何早也。郎白此人道念已堅。望加收齒。叟曰汝既來。須將此身並置度外。始得。賈唯々聽命。郎送至一院。安其寢處。又投以餌。始去。房亦精潔。但戶無扉。窓無櫺。內惟一几一榻。賈解屨登床。月明穿射矣。覺微飢。取餌啖之。甘而易飽。竊意即當復至。坐久寂然。杳無聲响。但

覺清香滿室、臟腑空明、脉絡皆可指數、忽聞有聲甚厲、似猫抓癢、自牖視之、則虎蹲簷下、乍見甚驚、因憶師言、即復收神凝坐、虎似知有人、尋入近榻、氣咻、徧嗅足股、少頃聞庭中嚙動如雞受縛、虎即趨出、又坐少時、一美人入、蘭麝撲人、悄然登榻、附耳小言曰、我來矣、一言之間、口脂散馥、賈瞑然不少動、又低聲曰、睡乎、聲音頗類其妻、心微動、又念曰、此皆師相試之幻術也、瞑如故、美人笑曰、鼠子動矣、初夫妻與婢

同室狎褻惟恐婢聞私約一謎曰鼠子動則相歡好忽聞是語不覺大動開目凝視真其妻也問何能來答云卽生恐君岑寂思歸遣一婢導我來言次因賈出門不相告語俚傍之際頗有怨懟賈慰籍良久始得嬉笑爲歡既畢夜已向晨聞叟譙訶聲漸近庭院妻急起無地自匿遂越短垣而去俄頃卽從叟入叟對賈杖卽便令逐客卽亦引賈自短牆出曰僕望君奢不免躁進不圖情緣未斷累受扑責從此暫別相

見行有日也。指示歸途，拱手遂別。賈俯視故村在目，中矣。意妻弱，步必滯途間，疾趨里餘，已至家門，但見房垣零落，舊景全非。村中老幼，竟無一相識者。心始駭異，忽念劉阮返自天台，情景真似，不敢入門。於對戶憇坐，良久，有老翁曳杖出，賈揖之，問賈某家何所。翁指其第曰：「此即是也。」得毋欲聞奇事耶？僕悉知之。相傳此公聞捷，即遁。其子纔七八歲，後至十四五歲，母忽大睡不醒，子在時寒暑為之易衣，迨歿，兩孫窮

跣房舍拆毀、惟以木架苫覆蔽之、月前夫人忽醒、屈指百餘年矣、遠近聞其異、皆來訪視、近日稍稀矣、賈豁然頓悟曰、公不識賈奉雉即某是也、翁大駭、走報其家、時長孫已死、次孫祥年五十餘矣、以賈年少、疑有詐偽、少間夫人出、始識之、双涕霑、呼與俱去、苦無屋宇、暫入孫舍、大小男婦奔入盈側、皆其曾元、率陋劣少文、長孫婦吳氏、沽酒具藜藿、又使少子杲及婦與已共室、除舍、祖翁姑、賈入舍、烟埃兒溺、雜氣

熏人居數日、懊惋殊不可遏、兩孫家分供餐飲、調飪尤乖、里中以賈新婦、日、招飲、而夫人恒不得一飽、吳氏故士人女、頗嫻閨訓、承順不衰、祥家給奉漸踈、或嘩爾與之、賈怒、携夫人去、設帳東里、每謂夫人曰、吾甚悔此一返、而已無及矣、不得已復理舊業、若心無愧耻、富貴不難致也、居年餘、吳氏猶時餽贈、而祥父子絕迹矣、是歲試入邑庠、邑令重其文、厚贈之、由此家稍裕、祥稍、來近就之、賈喚入、計曩所耗費出

金償之、斥絕令去、遂買新第、移吳氏共居之。吳二子、長者留守舊業、次果頗慧、使與門人輩共筆硯、賈自山中歸、心思益明澈、無何連捷登進士第、又數年以御史出巡兩浙、聲名赫奕、歌舞樓臺一時稱盛。賈為人鯁峭、不避權貴、朝中大僚思中傷之、賈屢疏求退、未蒙俞旨、未幾而禍作矣。先是祥六子皆無賴、賈雖擯斥不齒、然皆竊餘勢以作威福、橫占田宅、鄉人共患之。有某乙娶新婦、祥次子篡取為妾、乙故狙詐、鄉

人歛金助訟。以此聞於都。於是當道者交章攻賈。殊無以自剖。被收經年。祥及次子皆瘐死。賈奉旨充遼陽軍。時果入泮已久。為人頗仁厚。有賢聲。夫人生一子。年十六。遂以屬果。夫妻携一僕一媪而去。賈曰。十餘年之富貴。曾不如一夢之久。今始知榮華之場。皆地獄境界。悔比劉晨阮肇多造一重孽案耳。數日抵海岸。遙見巨舟來。鼓樂殷作。虞候皆如天神。既近。舟中一人出。笑請侍御過。舟少憩。賈見驚喜。踴身而

遇押隸不敢禁，夫人急欲相從，而舟去已遙，遂憤投海中，漂泊數步，見一人垂練於水，引救而去，隸命篙師盪舟，且追且號，但聞鼓聲如雷，與轟濤相間，瞬息已杳，僕識其人，蓋卽生也。

異史氏曰：世傳陳大士在闈中，書就既成，吟誦數四，嘆曰：「亦復誰人識得？」遂棄去，更作，以故闈墨不及諸稿，賈生羞而遁去，此蓋有仙骨焉，乃再返人世，遂以口腹自貶，貧賤之中人甚矣哉。

上仙

癸亥三月、與高季文赴稷下、同居逆旅、季文忽病、會高振美亦從、念東先生至、郡因謀醫藥、聞袁麟公言南郭梁氏家有狐仙、善長桑之術、遂共詣之、梁四十以來女子也、致綏、有狐意、入其舍、複室中挂紅幕、探幕以窺、壁間懸觀音像、又兩三軸、跨馬操矛、弱從甚、皆北壁下有案、頭小座、高不盈尺、貼小錦褥、云仙人至則居此、衆焚香列揖、婦擊磬三、口隱約有詞、

祝已、肅客就外榻坐、婦立簾下、理髮支頤與客語、具道仙人靈蹟、久之日漸曛、衆恐碍夜難歸、煩再祝請、婦乃擊磬重禱、轉身復立曰、上仙最愛夜談、他時往往不得遇、昨宵有候、試秀才携肴酒來、與上仙飲、上仙亦出良醞酬諸客、賦詩歡笑、散時更漏向盡矣、言未已、聞室中細々繁响、如蝙蝠飛鳴、方凝聽間、忽案上若墮巨石、聲甚厲、婦轉身曰、幾驚怖殺人、便聞案上作嘆咤聲、似一健叟、婦以蕉扇隔小座、上大言

曰、有緣哉、有緣哉、抗聲讓坐、又似拱手為禮、已而問客何所諭教、高振美遵念東先生意、問見菩薩否、答曰、南海是我熟徑、如何不見、又問閻羅亦更代否、曰與陽世等耳、問閻羅何姓、曰姓曹、已乃為季文求藥、曰、歸當夜祀茶水、我於大士處討藥奉贈、何恙不已、衆各有問、悉為剖決、乃辭而歸、過宿季文少愈、余與振美治裝先歸、遂不暇造訪矣、

聊齋誌異卷之二十

般陽蒲松齡柳泉甫著

胭脂

東昌卞氏業牛醫者有女小字胭脂才姿慧麗父寶
愛之欲占鳳於清門而世族鄙其寒賤不屑締盟以
故及笄未字對戶龔姓之妻王氏佻脫善謔女閨中
談友也一日送至門見一少年遇白服裙帽丰采甚
都女意似動秋波縈轉之少年俯其首趨而去既

遠女猶凝眺。王窺其意，戲之曰：「以娘子才貌得配若人，庶可無恨。」女暈紅上頰，脉脉不作一語。王問識得此郎否，答云：「不識。」王曰：「此南巷鄧秀才秋隼，故孝廉之子，妾向與同里，故識之。世間男子無其溫婉、衣素、以妻服未闕也。娘子如有意，當寄語使妾冰馬。」女無言。王笑而去。數日無耗，心疑王氏未暇即往，又疑宦齋不肯俯拾。邑々徘徊，縈念頗苦，漸廢飲食，寢疾惛頓。王氏適來省視，研詰病因，答言：「自亦不知，但爾日」

別後即覺忽々不快、延命假息、朝暮人也、王小語曰、我家男子負販未歸、尚無人致聲、鄂郎芳體違和、非爲此否、女頰頰良久、王戲之曰、果爲此、病已至是、尚何顧忌、先今夜來一聚、彼豈不肯、女嘆息曰、事至此已不能羞、但渠不嫌寒賤、即遣冰來、病當愈、若私約則斷々不可、王領之、遂去、王幼時與鄰生宿介通、既嫁、宿偵夫他出、輒尋舊好、是夜宿適來、因述女言爲笑、戲囑致意鄂生、宿久知女美、聞之竊喜、幸其機之

可乘也將與婦謀、又恐其妬、乃假無心之辭、問女家
閨闈其悉、次夜踰垣入、直達女所、以指叩窓、內問誰
何、荅以鄂生、女曰、妾所以念君者、為百年不為一夕、
即果愛妾、但宜速倩冰人、若言私合、不敢從命、宿姑
諾之、苦求一握纖腕為信、女亦不忍過拒、力疾啓扉、
宿遽入、即抱求歡、女無力撐拒、仆地上、氣息不續、宿
急曳之、女曰、何來惡少、必非鄂郎、果是鄂郎、其人溫
馴、知妾病由、當相憐恤、何遂狂暴若此、若復爾、便

當嗚呼、品行虧損、兩無所益、宿恐假跡敗露、不敢復
強、但請後會、女以親迎為期、宿以為遠、又請之、女厭
糾纏、約待病愈、宿求信物、女不許、宿捉足解繡履而
出、女呼之返、曰、身已許君、復何吝惜、但恐画虎成狗、
致貽污謗、今藥物已入君手、料不可反、君如負心、但
有一死、宿既出、又投宿王所、既卧、心不忘履、陰揣衣
袂、竟已烏有、急起篝燈、振衣寘索、詰之不應、疑婦藏
匿、婦故笑以疑之、宿不能隱、寔以情告、言已徧燭門

外竟不可得。懊恨歸寢，窈幸深夜無人，遺落當猶在途也。早起尋之，亦復杳然。先是巷中有毛大者，游手無籍，嘗挑王氏不得，知宿與洽，思掩執以脅之。是夜過其門，推之未扃，潛入，方至窓外，踏一物，栗若絮綿，拾視則巾裏女帛，伏聽之。聞宿自述甚悉，喜極抽息而出，踰數夕，越墻入女家，門戶不悉，悞詣翁舍。翁窺牕見男子，察其音迹，知為女來者，心忿怒，操刀直出。毛大駭反走，方欲攀垣而下，追已近，急無所逃，反身

奪刃、媼起大呼、毛不得脫、因而殺之、女稍痊、聞喧始起、共燭之、翁腦裂不復能言、俄頃已絕、於墻下得繡履、媼視之、胭脂物也、逼女、哭而寔告之、但不忍貽累王氏、言鄂生之自至而已、天明訟於邑、宰拘鄂、鄂為人謹訥、年十九歲、見客羞澁如童子、被執駭絕、上堂不知置詞、惟有戰栗、宰益信其情真、橫加桎械、書生不堪痛楚、以是誣服、既解郡、猷扑如邑、生冤氣填塞、每欲與女面相質、及相遇、女輒詬詈、遂結舌不

能自伸、由是論死、往來覆訊、經數官無異詞、後委濟南府復案、時吳公南岱守濟南、一見鄂生、疑其不類殺人者、陰使人從容私問之、俾得盡其詞、公以是益知鄂生冤、籌思數日、始鞫之、先問胭脂、訂約後有知者否、答言無之、遇鄂生時、別有人否、亦答無之、乃喚生上、溫語慰之、生自言曾過其門、但見舊鄰婦王氏與一少女出、某即趨避、過此並無一言、吳公叱女曰、適言側無他人、何以有鄰婦也、欲刑之、女惧曰、雖有

王氏與彼寔無閼涉、公罷質、命拘王氏、數日已至、又禁不與女通、立刻出審、便問王殺人者誰、王對不知、公詐之曰、胭脂供言殺卞某、汝悉知之、胡得隱匿、婦呼曰、寃哉、淫婢自思男子、我雖有媒合之言、特戲之耳、彼自引奸夫入院、我何知焉、公細詰之、始述其前後相戲之詞、公呼女上、怒曰、汝言彼不知情、今何以自供撮合哉、女流涕曰、自己不肖、致父慘死、訟結不知何年、又累他人、誠不忍耳、公問王氏、既戲後、曾語

何人。王供無之。公怒曰：「夫妻在床，應無不言者，何得云無？」王供丈夫久客未歸。公曰：「雖然，凡戲人者，皆笑人之愚，以炫己之慧，更不向一人言，將誰欺？」命梏十指。婦不得已，寔供曾與宿言。公於是釋鄂拘宿，至，自供不知。公曰：「宿妓者，必無良士，嚴械之。宿自供賺女是真，自失履後，未敢復往，殺人寔不知情。」公怒曰：「踰牆者何所不至，又械之，宿不任凌籍，遂以自承，招成報上，無不稱吳公之神。」鉄案如山，宿遂延頸以待。

秋決矣。然宿雖放縱無行，故東國名士聞學使施公愚山賢能稱最，又有憐才恤士之德，因以一詞控其冤枉，言詞愴惻。公討其招供，反覆凝思之，拍案曰：「此生冤也。」遂請於院司，移案再鞫。問宿生鞋遺何所，供言忘之。但叩婦門時，猶在袖中。轉詰王氏，宿介之外，奸夫有幾？供言無之。公曰：「淫亂之人，豈得端私一人供言？身與宿介稚齒交合，故未能謝絕。後非無見挑者，身寔未敢相從，因使指其人以寔之。」供云：「同里毛

大屢挑而屢拒之矣。公曰：何忽貞白如此？命榜之。婦頓首出血，力辨無有，乃釋之。又詰汝夫遠出，寧無有托故而來者？曰：有之。某甲某乙，皆以借貸餽贈，曾一二次入小人家。蓋甲乙皆巷中游蕩子，有心於婦而未發者也。公悉籍其名，並拘之。既集，公赴城隍廟，使盡伏案前，便言曩夢神人相告：殺人者不出汝等四五人中。今對神明，不得有妄言。如肯自首，尚可原宥。虛者廉得無赦，同聲言無殺人之事。公以三木置地。

將並夾之、括髮裸股、齊鳴冤苦、公命釋之、謂曰、既不
自招、當使鬼神指之、使人以毡褥悉幃殿窓、令無少
隙、袒諸囚背、驅入暗中、始授盆水一、命自盥訖、繫
諸壁下、戒令面壁勿動、殺人者當有神書其背、少間
喚出、驗視、指毛曰、此真殺人賊也、蓋公先使人以灰
塗壁、又以煙煤濯其手、殺人者恐神來書、故匿背於
壁、而有灰色、臨出、以手護背、而有煙色也、公固疑是
毛、至此益信、施以毒刑、盡吐其寔、判曰、宿介蹈盆成

括殺身之道成、登徒子好色之名、祇緣而小、無猜、遂
野鷺如家雞之戀、為因一言有漏、致得隴興望蜀之
心、將仲子而踰園牆、便如鳥墮、冒劉郎而入洞口、竟
賺門開、感悅驚厖、鼠有皮胡若此、攀花折樹、士無行
其謂何、幸而聽病燕之嬌啼、猶為玉惜、憐弱柳之憔悴、
未似鶯狂、而釋么鳳於羅中、尚有文人之意、乃劫
香盟於襪底、寧非無賴之尤、蝴蝶過牆、隔窻有耳、蓮
花瓣卸、墮地無踪、假中之假、以生、冤外之冤、誰信、天

降禍起、酷械至於垂亡、自作孽盈、斷頭幾於不續、彼
踰墻鑽隙、固有玷夫儒冠、而僵李代桃、誠難消其冤
氣、是宜稍寬管、扑折其已受之慘、姑降青衣、開其自
新之路、若毛大者、刁猾無籍、市井凶徒、被鄰女之投
梭、淫心不死、伺狂童之入巷、賊智忽生、開戶迎風、喜
得履張生之跡、求漿值酒、妄思偷韓掾之香、何意魄
奪自天、魂攝於鬼、浪乘槎木、直入廣寒之宮、逕返漁
舟、錯認桃源之路、遂使情火息焰、慾海生波、刀橫直

前投鼠無他顧之意、寇窮安往、急兔起反噬之心、越壁入人家、止期張有冠而李借、奪兵遺繡履、遂教魚脫網而鴻雁、風流道乃生此惡魔、溫柔鄉何有此鬼域哉、即斷首領、以快人心、胭脂身猶未字、歲已及笄、以月殿之仙人、自應有卽似玉、原衣裳之舊隊、何愁貯屋無金、而乃感閨睚而念好逑、竟繞春婆之夢、怨標梅而思吉士、遂離倩女之魂、為因一綫纏縈、致使羣魔交至、爭婦女之顏色、恐失胭脂、惹鷺鳥之紛飛、

並托秋隼、蓮鉤摘去、難保一瓣之香、鉄限猷來、幾破
連城之玉、嵌紅豆於骰子、相思骨竟作厲階、喪喬木
於斧斤、可憎才真成禍水、歲蕤自守、幸白璧之無瑕、
縲紲苦爭、喜錦衾之可覆、嘉其入門之拒、猶潔白之
情人、遂其擲果之心、亦風流之雅事、仰彼邑令、作爾
冰人、案既結、遐邇傳誦焉、自吳公鞠後、女始知鄂生
冤、堂下相遇、覩然含涕、似有痛惜之詞、而未可言也、
生感其眷戀之情、愛慕殊切、而又念其出身微賤、且

日登公堂、為千人所窺指、恐娶之為人姍笑、日夜縈迴、無以自主、判牒既下、意始安帖、邑令為之委禽、送鼓吹馬、

異史氏曰、甚哉聽訟之不可以不慎也、縱能知李代為寃、誰復思桃僵亦屈、然事雖暗昧、必有其間、要非深思研察、不能得也、嗚呼、人皆服哲人之折獄明、而不知良工之用心苦矣、世之居民上者、棋局消日、紬被放衙、下情民艱、曾不肯一勞方寸、至

鼓動衙開、巍然高坐、彼曉々者、直以桎梏靖之、何怪覆盆之下多沉寃哉。

愚山先生吾師也、方見知時、余猶童子、竊見其獎進士子、拳々如恐不盡、小有寃抑、必委曲呵護之、曾不肯作歲學校以媚權要、真宣聖之護法、不止一代宗匠、衡文無屈士已也、而愛才如命、尤非後世學使虛應故事者所及、嘗有名士入場、作寶藏興焉文、悞犯下水字、錄畢而後悟之、料無不黜之

理作詞曰、寶藏在山間、悞認却在水邊、山頭蓋起
水晶殿、瑚長峰尖、珠結樹巔、這一回、崖中跌死、撐
船漢、告蒼天、留點蒂兒、好與朋友看、先生閱文至
此、和之曰、寶藏將山誇、忽然見在水涯、樵夫漫說
漁翁話、題目雖差、文字却佳、怎肯放在他人下、嘗
見他、登高怕險、那曾見、會水渰殺、此亦風雅之一
班、憐才之一事也、

阿纖

奚山者、高密人、貿販為業、往々客蒙沂間、一日途中
阻雨、及至所常宿處、而夜已深、徧叩肆門、無有應者、
徘徊廡下、忽二扉豁開、一叟出、便納客入、山喜從之、
繫蹇登堂、上迄無几榻、叟曰、我憐客無歸、故相容
納、我寔非賣食沽飲者、家中無多手指、惟有老荊弱
女、眠熟矣、雖有宿肴、苦無烹滌、勿嫌冷啜也、言已、便
入、少頃、以足床來、置地上、促客坐、又入、携一短足几
至、援來報往、蹠踐甚勞、山起坐不自安、曳翁暫息、少

問一女卽出行酒。叟頷曰：「我家阿纖興矣。」視之年十六七，窈窕秀弱，風致嫣然。山有少弟未婚，竊屬意焉。因問叟清貫，尊閥。答名士虛姓古，子孫皆夭折，剩有此女，適不忍攪其酣睡，想老荆喚起矣。問婿家阿誰？答言未字。山竊喜，既而品味雜陳，似所宿具，食已致恭而言曰：「萍水之人，遂蒙寵惠，沒齒所不敢忘。」緣翁盛德，乃敢遽陳朴魯。僕有幼弟三郎，十七歲矣，讀書肄業，頗不冥頑，欲求援繫，不嫌寒賤否？叟喜曰：「老夫

在此亦是僑寓、倘得相托、便假一廬移家而往、庶免
懸念、山都應之、遂起展謝、叟殷勤安置而去、鷄既唱、
叟已出、呼客盥沐、束裝已、酬以飯金、固辭曰、留客一
飯、萬無受金之理、矧附為婚姻乎、既別、客月餘乃返、
去村里餘、遇老媪率一女郎、冠服盡素、既近、疑似阿
纖、女郎亦頻轉顧、因把媪袂、附耳不知何詞、媪便停
步、向山曰、君奚姓耶、山唯々、媪慘然曰、不幸老翁壓
於敗堵、今將上墓、家虛無人、請少待路側、行即還也、

遂入林去。移時始來。途已昏冥。遂與偕行。道其孤弱。不覺哀啼。山亦酸惻。媪曰。此處人情。大不平善。孤孀難以過度。阿纖既為君家婦。過此恐遲時日。不如早夜同歸。山可之。既至家。媪挑燈供客。已謂山曰。意君將至。儲粟都已糶去。尚存二十餘石。遠莫致之。北去四五里。村中第一門有談二泉者。是吾售主。君勿憚勞。先以尊乘運一囊去。叩門而告之。但道南村古姥有數石粟。糶作路用。煩驅蹄躐一致之也。即以囊粟

付山、策蹇去、叩戶、一碩腹男子出、告以故、傾囊先
歸、俄有兩夫以五騾至、媼引山至粟所、乃在窖中、山
下為操量執槩、母放女收、頃刻盈裝、付之以去、凡四
返而粟始盡、既而以金授媼、留其一人二畜、治任
遂東行二十里、天始曙、至一市、頭賃騎、談僕乃返、
既歸、山以情告父母、相見喜、即以別第館媼、卜吉
為三、即完婚、媼治奩妝甚備、阿纖寡言少怒、或與語、
但有微笑、晝夜績織無停晷、以是上下悉憐悅之、囑

三郎曰、寄語大伯、再過西道、勿言吾母子也、居三四年、奚家益富、三郎入泮矣、一日山宿古之舊鄰、偶及曩年無歸、投宿翁媪之事、主人曰、客悞矣、東鄰為阿伯別業、三年前居者輒睹怪異、故空廢甚久、有何翁媪相留、山甚訝之、而未深信、主人又曰、此宅向空、十年無敢入者、一日第後墻傾、伯往視之、則石壓巨鼠如猫、尾在外、猶動搖、急歸呼衆共往、則已渺矣、群疑是物為妖、後十餘日復入視、寂無形聲、又年餘始有

居人山益竒之。婦家私語，竊疑新婦非人，陰為三郎慮。而三郎篤愛如常。久之，家中人紛相猜議。女微察之，夜中語三郎曰：「妾從君數年，未嘗少失婦德。今置之不以人齒，請賜離婚書。」聽君自擇良耦，因泣下。三郎曰：「區區寸心，宜所夙知。自卿入門，家日益豐，咸以福澤歸卿，烏得有異言？」女曰：「君無二心，妾豈不知。但衆口紛紜，恐不免秋扇之捐。」三郎再四慰解，乃已。山終不釋，日求善捕之貓以覘其意。女雖不惧，然麀

不快、一夕謂媼小恙、辭三郎省侍之、天明三郎往訊、則室內已空、駭極、使人於四途踪跡之、並無消息、中心營々、寢食都廢、而父兄皆以為幸、交慰籍之、將為續婚、而三郎殊不懌、俟之年餘、音問已絕、父兄輒相誚責、不得已以重金買妾、然思阿纖不衰、又數年、奚家日漸貧、由是咸憶阿纖、有叔弟嵐、以故至膠、迂道宿表戚陸生家、夜聞鄰哭甚哀、未遑詰也、既返、復聞之、因問陸、云、數年前有寡母孤女、僦居於此、月前

姥死、女獨處、無一綫之親、是以哀耳。問何姓、曰姓古。常閉戶、不與里社通。故未悉其家世。嵐驚曰、是吾嫂也。因往、欵扉、有人揮涕出。隔扉問曰、客何人、我家故無男子。嵐隙窺而遙審之、果嫂。便曰、嫂啟關、我是叔家阿遂。女聞之、拔關納入、訴其孤苦。益悽愴悲懷。嵐曰、三兄憶念頗苦、夫妻即有乖忤、何遂遠遁至此。即欲賃輿同歸。女愴然曰、我以人不齒數、故遂與母偕隱。今又返而依人、誰不加白眼者。如欲復還、當與大

兄分炊、不然、行乳藥求死耳、嵐婦以告三郎、三郎星夜馳去、夫妻相見、各有涕洟、次日告其屋主、屋主謝監生窺女美、陰欲圖致為妾、數年不取其直、頻風示媼、絕之、媼死、竊幸可謀、而三郎忽至、通計房租以留難之、三郎家故不豐、聞金多頗有憂色、女言不妨、引三郎視倉儲、約粟三十餘石、償租有餘、三郎喜以告謝、不受粟、故索金、女嘆曰、此皆妾身之惡幃也、遂以情告三郎、三郎怒、將訟於邑、陸氏止之、為散粟

於里黨、歛貲償謝、以車送兩人歸。三郎寔告父母、與兄析居。阿纖出私金、日建倉廩、而家中尚無儋石、共竒之。年餘驗視、則倉中盈積不數年、家大富、而山苦貧、女移翁姑自養、輒以金粟周兄、狃以為常。三郎喜曰、卿可云不念舊惡矣。女曰、彼自愛弟耳、且非渠妾、何緣識三郎哉。後亦無甚怪異。

瑞雲

瑞雲、杭之名妓、色藝無雙。年十四歲、其母蔡媼將使

出應客。瑞雲告曰：「此奴終身發軔之始，不可草率，價由母定。客則聽奴自擇之。」媼曰：「諾。」乃定價十五金。逐日見客，求見者必以贄，厚者接以奕，酬以畫，薄者留一茶而已。瑞雲名噪已久，自此富商貴介，日接踵於門。餘杭賀生，才名夙著，而家僅中資，素仰瑞雲，因未敢擬同鴛夢。亦竭微資，冀得一睹芳澤，竊恐其閱人既多，不以寒酸在意。及至相見，一談而款，接殊殷坐語良久，眉目含情，作詩贈生曰：「何事求漿者，藍

橋叩曉關、有心尋玉杵、端只在人間、生得之狂喜、更
欲有言、忽小鬟來白客至、倉猝遂別、既歸、吟玩詩詞、
夢魂縈擾、過一二日、情不自己、修贄復往、瑞雲接見
良歡、移坐近生、悄然曰、能圖一宵之聚否、生曰、窮蹶
之士、惟有痴情可敵知己、一絲之贄、已竭綿薄、得近
芳容、意願已足、若肌膚之親、何敢作此夢想、瑞雲聞
之、戚然不樂、相對遂無一語、生久坐不出、媼頻喚瑞
雲以促之、生乃歸、心甚悵、思欲罄家以博一懽、轉

恐金盡而別、此情復何以堪、籌思及此、熱念都消、由是音息遂絕、瑞雲擇婿數月、更不得一當、媼頗恚、將強奪之而未發也、一日有秀才來、投贄坐語、少時便起、以一指按女額曰、可惜可惜、遂去、瑞雲送客返、共視額上有指印、黑如墨、濯之益真、過數日墨痕漸潤、年餘連額徹準矣、見者輒笑、而車馬之迹以絕、媼斥去妝飾、使與婢輩伍、瑞雲又荏弱不任驅使、日益憔悴、賀聞而過之、見蓬首廚下、醜狀類鬼、舉目見生、面

壁自隱、賀憐之、與媼言願贖作婦、媼許之、賀貸田傾
裝買之而歸、入門牽衣攬涕、且不敢以伉儷自居、願
備妾媵以俟來者、賀曰、人生所重者知己、卿盛時猶
能知我、豈以衰故忘卿哉、遂不復娶、聞者共姍笑
之、而生情益篤、居年餘偶至蘓、有和生與同主人、忽
問杭有名妓瑞雲、近如何矣、賀以適人對、又問何人、
曰其人率與僕等、和曰、若能如君、可謂得人矣、不知
價幾何許、賀曰、緣有奇疾、姑從賤售耳、不然、如僕者

何能於構欄中買佳麗哉。又問其人果能如君否。賀以其問之異，因反詰之。和笑曰：寔不相欺。昔魯一覲芳儀，甚惜其以絕世之姿而流落不偶，故以小術晦其光而保其璞。留待憐才者之真鑒耳。賀急問曰：君能點之，亦能滌之否？和笑曰：烏得不能，但須其人一誠求耳。賀起拜曰：瑞雲之婿，即某是也。和喜曰：天下惟真才人爲能多情，不以妍媸易念也。請從君歸，便贈一佳人，遂與同返。既至，賀將命酒。和止之曰：先行

吾法當先令治具者有歡心也、即令以盥器貯水、戟指而書之曰、濯之當愈、然須親出一謝醫人也、賀笑捧而去、立俟瑞雲自蹟之、隨手光潔、艷麗一如當年、夫婦共德之、同出展謝、而客已渺矣、徧覓之不可得、意者其仙與、

仇大娘

仇仲、晉人也、忘其郡邑、值大亂、為寇俘去、二子福祿俱幼、繼室邵氏撫双孤、遺業幸能溫飽、而歲屢稔、豪

强者復凌籍之、遂至食息不保、仲叔尚廉、利其嫁、屢
勸駕、而邵氏矢志不搖、廉陰劬於大姓、欲强奪之、閔
說已成、而他人不之知也、里人魏名、夙狡獪、與仲家
積不相能、事、思中傷之、因卽寡、偽造浮言、以相敗
辱、大姓聞之、惡其不德而止、久之、廉之陰謀、與外之
飛語、卽漸聞之、寃結胸懷、朝夕隕涕、四體漸以不仁、
委身床榻、福甫十六歲、因縫紉無人、遂急為畢姻、婦
姜秀才此瞻之女、頗稱賢能、百事賴以經紀、由此用

漸裕、仍使祿從師讀、魏忌嫉之、而陽與善、頻招福飲、福倚為腹心、交魏乘間告曰、尊堂病廢、不能理家人生產、弟坐食一無所操作、賢夫婦何為作馬牛哉、且弟買婦、將大費金錢、為君計不如早析、則貧在弟而富在君也、福婦謀諸婦、咄之、奈魏日以微言相漸漬、福惑焉、直以己意告母、怒詬罵之、福益恚、輒視金粟為他人之物而委棄之、魏乘机誘與博賭、倉粟漸空、婦知而未敢言、既至糧絕、母駭問、始以寔告、母

忿怒而無如何、遂析之、幸姜女賢、旦夕為母執炊、奉事一如平日、福既析、益無顧忌、大肆淫賭、數月間田產悉償戲債、而母與妻皆不及知、福貲既罄、無所為計、因券妻貸貲、而苦無受者、邑人趙閔王、原漏網之巨盜、武斷一鄉、固不畏福之食言也、慨然假貲、福持去、數日復空、意踟躕將背券盟、趙橫目相加、福大惧、賺妻付之、魏聞竊喜、急奔告姜、寔將傾敗仇也、姜怒、訟興、福惧甚、亡去、姜女至趙家、始知為婿所賣、大哭、

但欲覓死、趙初慰諭之、不聽、既而威逼之、益罵、大怒、鞭撻之、終不肯服、因拔筭自刺其喉、急救已透食管、血溢出、趙急以帛束其項、猶冀從容而挫折焉、明日拘牒已至、趙行、殊不置意、官驗女傷重、命答之、隸相顧無敢用刑者、官久聞其橫暴、至此益信、大怒、喚家人出、立斃之、姜遂昇女婦、自姜之訟也、邵氏始知福不肖狀、一號幾絕、冥然大漸、祿時年十五、焚、無以自主、先是仲有前室女大娘、嫁於遠郡、性剛猛、每

歸寧、餽贈不滿其志、輒忤父母、往、以憤去、仲以是怒惡之、又因道遠、遂數載不一存問、邵氏垂危、魏欲招之來而啟其爭、適有貿販者與大娘同里、便托寄語大娘、且歎以家之可圖、數日大娘果與少子來、入門、見幼弟侍病母、景象慘淡、不覺愴惻、因問弟福、祿備告之、大娘聞之、忿氣塞吭、曰、家無成人、遂任人蹂躪至此、吾家田產、諸賊何得賺去、因入厨下、爇火炊糜、先供母、而後呼弟及子共啖之、啖已、忿出詣邑投

狀、訟諸博徒、衆惧、歛金賂大娘、大娘受其金而仍訟之、邑令拘甲乙等各加杖責、田產殊置不問、大娘憤不已、率子赴郡、守最惡博者、大娘力陳孤苦、及諸惡局騙之狀、情詞忼慨、守為之動、判令邑宰追田給主、仍懲仇福以儆不肖、既歸、邑宰奉令猷比、於是故田盡反、大娘時已久寡、乃遣少子歸、且囑從兄務業、勿得復來、大娘由此止母家、養母教弟、內外有條、母大慰、病漸瘥、家務悉委大娘、里中豪強少見凌暴、輒

握刃登門侃々爭論罔不屈服居年餘田產日增時
市藥餌珍肴餽遺姜女又見祿漸長成頻囑媒為之
覓姻魏告人曰仇家產業悉屬大娘恐將來不可復
返矣人咸信之故無肯與論婚者有范公子子文家
中名園為晉第一園中名花夾路直通內室或不知
而誤入之值公子私宴怒執為盜杖幾死會清明祿
自塾中歸魏引與遊遨遂至園所魏故與園丁有舊
放令入周歷亭榭俄至一處溪水洶湧有画橋朱檻

通一漆門、遙望門內、繁花如錦、蓋即公子內齋也、魏
給之曰、君請先入、我適欲私焉、祿信之、循橋入戶、至
一院落、聞女子笑聲、方停步間、一婢出窺見之、旋踵
即返、祿始駭奔、無何公子出、叱家人綰索逐之、祿大
窘、自投溪中、公子反怒為笑、命諸僕引出、見其容裳
秀雅、便令易其衣履、曳入一亭、詰其姓氏、藹容溫語、
意甚親暱、俄趨入內、旋出、笑握祿手、過橋漸達曩所、
祿不解其意、逡巡不敢入、公子強曳入之、見花籬內

隱、有美人窺伺、既坐、則羣婢行酒、祿辭曰、童子無
知、悞踐閨闥、得蒙赦宥、已出非望、但願釋令早歸、受
恩匪淺、公子不聽、俄頃肴炙紛紜、祿又起、辭以醉飽、
公子捺坐笑曰、僕有一樂拍名、若能對、即放君行、祿
唯、請教、公子云、拍名渾不似、祿嘿思良久、對曰、銀
成沒奈何、公子大笑曰、真石崇也、祿殊不解、蓋公子
有女名蕙娘、美而知書、日擇良偶、夜夢一人告之曰、
石崇汝婿也、問何在、曰、明日落水矣、早告父母、共以

為異、祿適符夢兆、故邀入內舍、使夫人女婢共覘之也、公子聞對而喜、乃曰、拍名乃小女所擬、屢思而無其偶、今得屬對、亦有天緣、僕欲以息女奉箕帚、寒舍不乏第宅、更無煩親迎耳、祿惶然遜謝、且以母病不能入贅為辭、公子姑令歸謀、遂遣圉人負濕衣、送之以馬、既歸告母、驚為不祥、於是始知魏氏險、然因凶得吉、亦置不讐、但戒子遠絕而已、踰數日、公子又使人致意母、終不敢應、大娘應之、即倩双媒納采

馬未幾祿贅入公子家、年餘游泮、才名藉甚、妻弟長成、敬少弛、祿怒、携婦而歸、母已杖而能行、頻歲賴大娘經紀、第宅亦頗完好、新婦既歸、婢僕如雲、宛有大家風、馬魏又見絕、嫉妬益深、恨無瑕之可蹈、乃引旗、下逃人証、祿寄貲、國初立法甚嚴、祿依令徙口外、范公子上下賄托、僅以蕙娘免行、田產盡没入官、幸大娘執析產書、銳身告理、新增良沃若干頃、悉掛福名、母女始得安居、祿自分不返、遂書離婚字付岳家、伶

什自去、行數日至都北、飯於旅肆、有丐子怔慙戶外、
貌絕類兄、近致訊詰、果兄、祿因自述、兄弟悲慘、祿解
複衣、分數金、囑令歸、福泣受而別、祿至關外、寄將軍
帳下為奴、因祿文弱、俾主文籍、與諸僕同棲止、僕輩
研問家世、祿悉告之、內一人驚曰、是吾兒也、蓋仇仲
初為寇家牧馬、後寇投誠、賣仲旗下、時從主屯關外、
向祿緬述、始知真為父子、抱首悲哀、一室為之酸辛、
已而憤曰、何物逃東、敢詐吾兒、因泣告將軍、將軍即

命祿攝書記、函致親王、付仲詣都、仲同車駕出、先投
冤狀、親王為之婉轉、遂得昭雪、命地方官贖業、歸仇
仲返、父子各喜、祿細問家口、為贖身計、乃知仲入旗
下、兩易配而無所出、時方鰥也、祿遂治任返、初福別
弟、婦匍匐自投、大娘奉母坐堂上、操杖問之、汝願受
扑責、便可姑留、不然、汝田產既盡、亦無汝噉飯處、請
仍去、福涕泣伏地、願受答、大娘投杖曰、賣婦之人、亦
不足懲、但宿案未消、再犯首官可也、即使人往告姜、

姜女罵曰、我是仇氏何人而相告耶、大娘頻述告福、而揶揄之、福慚愧不敢出氣、居半年、大娘雖給奉周備、而役同廝養、福操作無怨詞、託以金錢、輒不苟、大娘察其無他、乃白母求姜女復歸、母意其不可復挽、大娘曰不然、渠如肯事二主、楚毒豈肯自罹、要不能不有此忿耳、遂率福躬往負荆、岳父母誚讓良切、大娘叱使長跪、然後請見姜女、請之再四、堅避不出、大娘搜捉以出、女乃指福唾罵、福慚汗無以自容、姜母

始曳令起。大娘請問歸期。女曰：向受姊惠綦多，今承尊命，豈復有異言？但恐不能保其不再賣也。且恩義已絕，更何顏與黑心子共生活哉？請別營一室，妾往奉侍老母，較勝披削足矣。大娘代白其悔，為翌日之約而別。次朝以乘輿取婦，母逆於門而跽拜之。女伏地大哭。大娘勸止，置酒為歡。命福坐案側，乃執爵而言曰：我苦爭者，非自利也。今弟悔過，貞婦復還，請以簿籍交納。我以身來，仍以身去耳。夫婦皆興席。

改容羅拜哀泣、大娘乃止、居無何、昭雪之命下、不數
日、田產悉還故主、魏大駭、不知其自、恨無術可以復
施、適西鄰有田、祿之變、魏托救焚而往、暗以編管焚
祿第、風又暴作、延燒幾盡、止遺福居兩三屋、舉家依
聚其中、未幾祿至、相見悲喜、初范公子得離書、持商
蕙娘、蕙痛哭、碎而投諸地、父從其志、不復強、祿歸、聞
其未嫁、喜如岳所、公子知其災、欲留之、祿不可、遂辭
而退、大娘幸有藏金、出葺敗堵、福負鍾、營築、掘見窖

鏐夜與弟共發之、石池盈丈、滿中皆不動尊也、由是鳩工大作、樓舍羣起、壯麗擬於世胄、祿感將軍義、備千金往贖父、福請行、因遣僕輔之以去、祿乃迎蕙娘歸、未幾父兄同歸、一門歡騰、大娘自居母家、禁子省視、恐人議其私也、父既歸、堅辭欲去、兄弟不忍、父乃析產而三之、子得二、女得一也、大娘固辭、兄弟皆泣曰、吾等非姊、烏有今日、大娘乃安之、遣人招子移家共居焉、或問大娘異母兄弟、何遂閤切如此、大娘曰、

知有母而不知有父者、惟禽獸如此耳、豈以人而效之、福祿聞之皆流涕、使工人治其第、皆與已等、魏自計十餘年禍之而益以福之、深自愧悔、又仰其富、思交歡之、因以賀仲階進、備物而往、福欲却之、仲不忍拂、受鷄酒馬、鷄以布縷縛足、逸入灶、火燃布、往棲積薪、僮婢皆見而未顧也、俄而薪焚、災舍、一家惶駭、幸手指衆多、一時撲滅、而厨中百物俱空矣、兄弟皆謂其物不祥、後值父壽、復餽牽羊、却之不得、繫羊庭

樹、夜有僮被扑歐、忿趨樹下、解羊索自經、死、兄弟嘆曰、其福之不如其禍之也、自是魏雖殷勤、竟不敢受其寸綫、寧厚酬之而已、後魏老、貧而作丐、每周以布粟而德報之、

異史氏曰、噫嘻、造物之殊不由人也、益讐之而益福之、彼机詐者無謂甚矣、顧受其愛敬而反以得禍、不更奇哉、此可知盜泉之水、一掬亦污也、

曹操塚

許城外有河水洶湧、近堦深暗、盛夏時有人入浴、忽然若被刀斧、尸斷浮出、後一人亦如之、轉相驚怪、邑宰聞之、遣多人間斷上流、竭其水、見堦下有深洞、中置轉輪、上排利刃如霜、去輪攻入、有小碑、字皆漢篆、細視之、則曹孟德墓也、破棺散骨、所殉金寶盡取之、

異史氏曰、後賢詩云、盡掘七十二疑塚、必有一塚喪君尸、寧知在七十二塚之外乎、奸哉瞞也、然千

餘年而朽骨不保、變詐亦復何益、嗚呼、瞞之智正瞞之愚耳、

龍飛相公

安慶戴生、少薄行、無檢幅、一日自他醉歸、途中遇故表兄季生、醉後昏眊、亦忘其死、問向在何所、季曰、僕已異物、君忘之耶、戴始恍然、而醉亦不惧、問其間何作、答云、近在轉輪王殿下司錄、戴曰、人世禍福當知之、季曰、吾職也、烏得不知、但遇繁、非甚閔切、不能盡

記耳、三日前偶閱冊、尚睹君名、戴急問其何詞、季曰、不敢欺、尊名在黑暗獄中、戴大惧、酒亦醒、苦求拯拔、季曰、此非所能效力、惟善可以已之、然君惡籍盈指、非大善不可復挽、窮秀才有何大力、即日行一善、非年餘不能相準、今已晚矣、但從此砥行、則地獄中或有出時、戴聞之泣下、伏地哀懇、乃仰首而季已杳矣、悵々而歸、由此洗心改行、不敢差跌、先是戴私其鄰婦、鄰人聞知而不肯發、思掩執之、而戴自改行、永與

婦絕鄰人伺之不得、以為恨、一日遇於田間、陽與語、
給窺罾井、因而墮之、井深數丈、計必死、而戴中夜甦、
坐井中、大號、殊無知者、鄰人恐其復生、過宿往聽之、
聞其聲、急投石、戴移避洞中、不敢復作聲、鄰人知其
不死、劖土填井、幾滿之、洞中冥黑、真與地獄無少異
者、況空洞無所得食、計無生理、匍匐漸入、則三步外
皆水、無所復之、還坐故處、初覺腹餒、久竟忘之、因思
重泉下無善可行、惟長宣佛號而已、既見燐火浮游、

熒々滿洞、因而祝之曰、聞青磷悉爲冤鬼、我雖暫生、固已難返、如可共話、亦慰寂寞、但見諸磷漸浮水來、磷中皆有一人、高約人身之半、詰所自來、答云、此古煤井、主人攻煤、震動古墓、被龍飛相公決地海之水、溺死四十三人、我等皆其鬼也、問相公何人、曰、不知也、但相公文學士、今爲城隍幕客、彼亦憐我無辜、三五日輒一施水粥、但我輩冷水浸骨、超拔無日、君倘再履人世、祈撈殘骨、葬一義塚、則惠及泉下者多矣、

戴曰、如有萬分之一、此即何難、但身在重泉、安望重睹天日乎、因教諸鬼使念佛、捻塊作珠、記其藏數、不知時之昏曉、倦則眠、醒則坐而已、忽見深處有籠燈、衆喜曰、龍飛相公施食矣、邀戴同往、戴慮水阻、衆強扶曳以行、飄若履空、曲折半里許、至一處、衆釋令自行、步益上、如升數仞之階、盡睹房廊、堂上燒明燭、一枝大如臂、戴久不見火光、喜極趨上、坐一叟、儒服、巾戴、輟步不敢前、叟已睹之、訝問生人何來、戴

上伏地自陳。叟曰：「我耳孫也。」因令起，賜之坐，自言戴潛字龍飛，曩因不肖孫堂，連結匪類，近墓作井，使老夫不安於夜室，故以海水投之。今其後續如何矣？蓋戴近宗凡五支，堂居長。初邑中大姓賂堂，攻煤於其祖塋之側，諸弟畏其強，莫敢爭。無何地水暴至，採煤人盡死井中，諸死者家群興大訟，堂及大姓皆以此貧。堂子孫至無立錐，戴乃堂弟裔也。曾聞先人傳其事，因告翁。翁曰：「此等不肖，其後烏得昌？汝既來此，當

母廢讀、因餉以酒饌、遂置卷案頭、皆成弘制、執、迫使
研讀、又命題課文、如師授徒、堂上燭常明、不剪亦不
滅、倦時輒眠、莫辨晨夕、翁時出、則以一僮給役、歷時
覺有數年之久、然幸無苦、但無別書可讀、惟制執百
首、四千餘遍矣、翁一日謂曰、子孽報已滿、合還人
世、余塚鄰煤洞、陰風刺骨、得志後遷我於東原、戴敬
諾、翁乃喚集群鬼、仍送至舊坐處、群鬼羅拜、再囑、戴
亦不知何計可出、先是家中失戴、搜訪既窮、母告官、

係累多人、並少踪緒、積三四年、官離任、緝察亦弛、戴妻不安於室、遣嫁去、會里中人復治舊井、入洞見戴、撫之未死、大駭、報諸其家、舁婦、經日、始言其端木、自戴入井、鄰人歐殺其婦、為婦翁所訟、駁審年餘、僅存皮骨而歸、聞戴復生、大惧亡去、宗人議究治之、戴不許、且謂曩時寔所自取、此真中之譴、於彼何與焉、鄰人察其意無他、始逡巡而歸、井水既涸、戴買人入洞拾骨、俾各為具、市棺設地、葬叢塚焉、又稽宗譜、名潛

字龍飛、先設品物祭諸其塚、學使聞其異、又賞其文、是科以優等入闈、遂捷於鄉、既歸、營兆東原、遷龍飛厚葬之、春秋上墓、歲、不衰、

異史氏曰、余鄉有攻煤井者、洞沒於水、十餘人沉溺其中、竭水求尸、兩月餘始得涸、而十餘人並無死者、蓋水大至時、共汨高處、得不溺、縋而上之、見風始絕、一晝夜乃漸甦、始知人在地下、如蛇鳥之蟄、急切未能死也、然未有至數年者、苟非至善、三

年地獄中、烏得有生人哉。

珊瑚

安生大成、重慶人、父孝廉、早卒、弟二成幼、生娶陳氏、小字珊瑚、性嫺淑、而生母沈、悍謬不仁、遇之虐、珊瑚無怨色、每早旦靚妝往朝、值生疾、母謂其誨淫、詬責之、珊瑚退、毀妝以進、母益怒、投繯自撻、生素孝、鞭婦、母少解、自此益憎婦、雖奉事惟謹、終不與交一語、生知母怒、亦寄宿他所、示與婦絕、久之、母終不快、觸

物類而罵之、意皆在珊瑚、生曰、娶妻以奉姑嫜、今若此、何以妻為、遂出珊瑚、使老嫗送諸其家、方出里門、珊瑚泣曰、為女子不能作婦、婦何以見雙親、不如死、袖中出剪刀刺喉、急救之、血溢沾襟、扶婦生族孀家、孀王氏寡居無偶、遂止馬、嫗婦生囑隱其情、而心竊恐母知、過數日、探知珊瑚創漸平、登王氏門、使勿留珊瑚、王召之入、不入、但盛氣逐珊瑚、無何王率珊瑚出、見生、便問珊瑚何罪、生責其不能事母、珊瑚脉

不作一言、惟俛首鳴泣、泪皆赤、素衫盡染、生恠惻、不
能盡詞而退、又數日、母已聞之、怒詣王、惡言誚讓、王
傲不相下、反數其惡、且言婦已出、尚屬安家何人、我
自留陳氏女、非留安氏婦也、何煩強與他家事、母怒
甚而窮於詞、又見其意氣洶、慚沮大哭而返、珊瑚
意不自安、思他適、先是生有母姨于媼、即沈姊也、年
六十餘、子死、止一幼孫及寡媳、又嘗善視珊瑚、遂辭
王往投媼、詰得故、極道妹子昏暴、即欲送之還、珊

瑚力言其不可，兼囑勿言。於是與于媼居，類姑婦焉。珊瑚有兩兄，聞而憐之，欲移之歸而嫁之。珊瑚執不肯，惟從于媼紡績以自度。生自出婦，母多方為子謀婚，而悍聲流播，遠近無與為偶。積三四年，二成漸長，遂先為畢姻。二成妻臧姑，驕悍戾沓，尤倍於母。或怒以色，則臧姑怒以聲。二成又懦，不敢為左右袒。於是母威頓減，莫敢撓。反望色笑而承迎之，猶不能得臧姑歡。臧姑役母若婢，生不敢言。惟身代母操作，滌

器汎掃之事皆與焉。母子恒於無人處相對飲泣。無何母以鬱積病委頓在床。便溺轉側皆須生。晝夜不得寐。兩目盡赤。呼弟代役。甫入門。臧姑輒喚去之。生於是奔告于媼。媼臨存。入門泣且訴。未畢。珊瑚自幃中出。生大慚。禁聲欲出。珊瑚以兩手扃門。生窘極。自肘下冲出而歸。亦未敢以告母。無何于媼至。母止之。由此媼家無日不以人來。輒以甘旨餉媼。媼寄語寡媳。此處不餓。後無復爾。而家中餽遺卒無

少間、媼不肯少嘗食、緘留以進病者、母病亦漸瘥、媼
幼孫又以母命將佳餌來問疾、沈嘆曰、賢哉婦乎、姊
何修者、媼曰、妹以去婦何如人、曰、嘻、誠不至夫臧氏
之甚也、然烏如甥婦賢、媼曰、婦在汝不知勞、汝怒婦
不知怨、惡乎弗如、沈乃泣下、且告之悔、曰、珊瑚嫁也
未者、答云不知、然訪之、又數日病良已、媼欲別、沈泣
曰、恐姊去我仍死耳、媼乃與生謀、析二成居、二成告
臧姑、臧姑不樂、語侵兄、兼及媼、生願以良田悉歸二

成、臧姑乃喜、立析產書已、媼始去、明日以車來迎沈、沈至其家、先求見甥婦、亟道甥婦德、媼曰、小女子百善何遂無一疵、余固能容之、子即有婦如吾婦、恐亦不能享也、沈曰、嗚呼、冤哉、謂我木石鹿豕耶、具有口鼻、豈有觸香臭而不知者、媼曰、被出如珊瑚、不知念子作何語、曰、罵之耳、媼曰、誠反躬無可罵、亦惡乎而罵之、曰、瑕疵人所時有、惟其不能賢、是以知其罵也、媼曰、當怨者不怨、則德焉者可知、當去者不去、則撫

焉者可知、向之所餽遺而奉事者、固非予婦也、而婦也、沈驚曰何如、曰珊瑚寄此久矣、向之所供、皆渠夜績之所貽也、沈聞泣數行下曰、我何以見吾婦矣、媼乃呼珊瑚、珊瑚含涕而出、伏地下、母慙痛自搥、媼力勸始止、遂為姑媳如初、十餘日偕歸、家中薄田數畝、不足自給、惟恃生以筆耕、婦以針耨、二成稱饒足、然兄不之求、弟亦不之顧也、臧姑以嫂之出也、鄙之、嫂亦惡其悍、置不齒、兄弟隔院居、臧姑時有凌虐、一家

盡掩其耳、臧姑無所用虐、夫及婢、一日自經死、
婢父訟臧姑、二成代婦質理、大受扑責、仍坐拘臧姑、
生上下為之營脫、卒不免、臧姑械十指肉盡脫、官貪
暴、索望良奢、二成質田貸貲、如數內入、始得釋、而債
家責負日亟、不得已、悉以良田鬻於村中任翁、以
田半屬大成、所讓要生署券、生往、翁忽自言、我安孝
廉也、任某何人、敢市吾業、又顧生曰、冥間感汝夫婦
孝、故使我暫歸一面、生出涕曰、父有靈、急救吾弟、曰

逆子悍婦不足惜也。歸家速辦金贖吾血產。生曰。母子僅自存活。安得多金。曰。紫薇樹下有藏金。可以取用。欲再問之。翁已不語。少時而醒。茫不自知。生歸告母。亦未深信。臧姑已率數人往發窖。坎地四五尺止。見磚石。並無所謂金者。失意而去。生聞其掘藏。戒母及妻勿往視。後知其無所獲。母竊往窺之。見磚石雜土中。遂返。珊瑚繼至。則見土內悉白鏹。呼生往聽之。果然。生以先人所遺不忍私。召二成均分之。數適得。

揭取之二、各囊之而歸、二成與臧姑共驗之、啟囊則
瓦礫滿中、大駭、疑二成為兄所愚、使二成往窺兄、
方陳金几上、與母相慶、因寔告兄、生亦駭、而心甚憐
之、舉金而並賜之、二成乃喜、往酹債訖、甚德兄、臧姑
曰、即此益知兄詐、若非自愧於心、誰肯以瓜分者復
讓人乎、二成疑信半之、次日債主遣僕來、言所償皆
偽金、將執以首官、夫妻皆失色、臧姑曰、如何哉、我固
謂兄賢不至於此、是將以殺汝也、二成惧、往哀債主、

主怒不釋，二成乃券田於主，聽其自售，始得原金而歸。細視之，見斷金二錠，僅裹真金一莖葉許，中盡銅耳。臧姑因與二成謀，留其斷者，餘仍反諸兄，以覘之。且教之言曰：「屢承讓德，寔所不忍，薄留二錠，以見推施之義。所存物產，尚與兄等，余無庸多田也。業已棄之，贖否在兄。生不知其意，固讓之。二成辭甚決，生乃受，稱之少五兩餘，命珊瑚質奩妝，以滿其數，携付債主。主疑似舊金，以剪刀斷驗之，紋色俱足，無少差謬。

遂收金與生易券。二成還金後，意其必有參差。既聞舊業已贖，大奇之。臧姑疑發掘時，兄先隱其真金，忿詣兄所責數。詬詈生，乃悟反金之故。珊瑚逆而笑曰：「產固在耳，何怒為？」使生出券付之。二成一夜夢父責之，曰：「汝不孝不弟，冥限已迫，寸土皆非已有。」占賴將以奚為？醒告臧姑，欲以田歸兄。臧姑嗤其愚。是時二成有兩男，長七歲，次三歲。無何，長男病痘死。臧姑始懼，使二成退券於兄，言之再三。生不受。未幾，次男又

死。臧姑益惧，自以券置嫂所。春將盡，田蕪穢不耕，生不得已種治之。臧姑自此改行，定省如孝子，敬嫂亦至。未半年而母病卒。臧姑哭之慟，至勺水不入口。向人曰：姑早死，使我不得事，是天不許我自贖也。產十胎皆不育，遂以兄子為子。夫妻皆壽終，生有三子，舉兩進士。人以為孝友之報云。

異史氏曰：不遭跋扈之惡，不知靖獻之忠。家與國有同情哉！逆婦化而母死，蓋一堂孝順，無德以堪。

之也、臧姑自克、謂天不許其自贖、非悟道者何能
為此言乎、然應迫死而以壽終、天固已恕之矣、生
於憂患、有以矣夫、

五通

南有五通、猶北之有狐也、然北方狐祟、尚百計驅遣
之、至於江浙五通、民家有美婦、輒被淫占、父母兄弟
皆莫敢息、為害尤烈、有趙弘者、吳之典商也、妻閔氏
頗風格、一夜有丈夫岸然自外入、按劍四顧、婢媼盡

奔、閨欲出、丈夫橫阻之、曰勿相畏、我五通神四郎也、我愛汝、不為汝禍、因抱腰如舉嬰兒、置床上、裙帶自脫、遂狎之、而偉岸甚、不可堪、迷惘中、呻楚欲絕、四郎亦憐惜、不盡其器、既而下床曰、我五日當復來、乃去、弘於門外設典肆、是夜婢奔告之、弘知其五通、不敢問、質明視妻、慙不起、心甚羞之、戒家人勿播、婦三四日始就平復、而惧其復至、婢媼不敢宿內室、悉避外舍、惟婦對燭含愁以伺之、無何四郎偕兩人入、皆少

年蘊藉、有僮列肴酒、與婦共飲、婦羞縮低頭、強之飲、亦不飲、心惕々然、恐更番為虐、則命合盡矣、三人互相勸酬、或呼大兄、或呼三弟、飲至中夜、上座二人並起曰、今日四郎以美人見招、會當邀二郎、五郎、釀酒為賀、遂辭而去、四郎挽婦入幃、婦哀免、四郎強合之、血液流漓、昏不知人、四郎始去、婦奄卧床榻、不勝羞憤、思欲自盡、而投繯則帶自絕、屢試皆然、苦不得死、幸四郎不常至、約婦痊可始一來、積兩三月、一家俱

不聊生、有會稽萬生者、趙之表弟、剛猛善射、一日過趙、時已暮、趙以客舍為家人所集、遂引客宿內院、萬久不寐、聞庭中有人行聲、伏窻窺之、見一男子入婦室、疑之、捉刀而潛視之、見男子與閭氏並肩坐、肴陳几上矣、忿火中騰、奔而入、男子驚起、急覓劍、刀已中顱、裂而踣、視之則一小馬、大如驢、愕問婦、具道之、且曰、諸神將至、為之奈何、萬搖手禁勿聲、滅燭持弓矢伏暗中、未幾有四五人自空飛墮、萬急發一矢、

首者殪、三人吼怒、拔劍搜射者、萬握刃倚扉後、寂不
少動、一人入、剝顱亦殪、仍倚扉後、久之無聲、乃出、叩
閤告趙、大驚、共燭之一、馬兩豕死室中、舉家相慶、
猶恐二物復仇、留萬於家、魚豕烹馬而供之、味美異
於常饌、萬生之名由是大譟、居月餘、其怪竟絕、乃辭
欲去、有木商某苦要之、先是某有女未嫁、忽五通晝
降、是二十餘美丈夫、言將聘作婦、委金百兩、約吉期
而去、計期已迫、闔家惶惧、聞萬生名、堅請過諸其家、

恐萬有難詞，隱其情不以告。盛筵既罷，妝女出拜客。年十六七，是好女子。萬錯愕不解其故，離坐偃倭。某捺坐而寔告之。萬初聞而驚，而生平意氣自豪，故亦不辭。至日，某乃懸采於門，使萬坐室中。日昃不至，竊疑新郎已在誅戮。未幾，見簷間忽如鳥墮，則一少年盛服入，見萬反身而奔。萬追出，但見黑氣欲飛，以刀躍揮之，斷其一足，大嗥而去。伏視則巨爪大如手，不知何物。尋其血跡，入於江中。某大喜，聞萬無耦，是夕

即以所備床寢、使與女合、奄焉、於是素患五通者、皆拜請一宿其家、居年餘、始携妻而去、自是吳中止有一通、不敢公然為害矣、

異史氏曰、五通青蛙、惑俗已久、遂至任其淫亂、無人敢私議一語、萬生真天下之快人也、

又

金生字王孫、蘓州人、設帳於淮、館縉紳園中、園中屋宇無多、花木叢雜、夜既深、僮僕盡散、孤影徬徨、意緒

良苦。一夜三漏將殘，忽有人以指彈扉，急問之，對以乞火。音類館童，啟戶納之，則二八麗者。一婢從諸其後，生意為妖魅，窮詰甚悉。女曰：妾以君風雅之士，枯寂可憐，不畏多露，相與遣此良宵，恐言其故，妾不敢來。君亦不敢納也。生又疑為鄰之奔女，慰喪行檢敬謝之。女橫波一顧，生覺魂魄都迷，忽顛倒不能自主。婢已知之，便云：霞姑我且去。女領之，既而呵曰：去則去耳，甚得雲耶霞耶。婢既去，女笑曰：適室中無人，遂

借婢從來無知如此，遂以小字令君聞矣。生曰：卿深細如此，故僕恐有禍機。女曰：久當自知，保不敗君行止，勿憂也。上榻，緩其妝束，見臂上腕釧，以條金貫火齊，啣雙明珠，燭既滅，光炤一室，生益駭，終莫測其所自至。事甫畢，婢來叩窓，女起，以釧炤入叢樹而去。自此無夕不至。生於去時遙尾之，女似已覺，遂蔽其光，樹濃葉茂，昏不見掌而返。一日，生詣河北，笠帶斷絕，風吹欲落，輒於馬上以手自按，至河坐扁舟上，風

飄墮筌、隨波竟去、意頗自失、既渡、見大風飄筌、團轉空際、漸落、一手承之、則帶已續矣、異之、歸齋、向女、緬述、女不言、但微哂之、生疑女所為、曰、卿果神人、當相明告、以祛煩惑、女曰、岑寂之中、得此痴情人、為君破悶、妾自謂不惡、縱令妾能為此、亦相愛耳、苦致詰難、欲見絕耶、生不敢復言、先是生養甥女、既嫁、為五通所惑、心憂之、而未以告人、緣與女狎暱、既久、肺鬲無不傾吐、女曰、此等物事、家君能驅除之、願何敢以情

人之私告諸嚴君，生苦哀求計。女沉思曰：此亦易除，但須親往。若輩皆我家奴隸，若令一指得着肌膚，則此耻西江不能濯也。生哀求無已，女曰：當即圖之。次夕，女至曰：妾為君遣婢南下矣。婢子弱，恐不能便誅却耳。次夜方寢，婢來叩戶。生急起納入，女問如何，答云：力不能擒，已宮之矣。笑問其狀，曰：初以為郎家也。既到，始知其非。比至婿家，燈火已張，入見娘子坐燈下，隱几若寐。我斂其魂，覆瓿中。少時物至，入室急退。

曰、何得寓生人、審視無他、乃復入、我陽若迷、彼啟衾入、又驚曰、何得有兵氣、本不欲以穢物污指、奈恐緩而生變、遂急捉而闔之、物驚嗥遁去、乃起啟甕、娘子若醒、而婢子行矣、生喜謝之、女與俱去、後半月餘、女絕不復至、亦已絕望、歲暮解館欲歸、女忽至、生喜逆之曰、卿久見棄、念必何處獲罪、幸不終絕耶、女曰、終歲之好、分手未有一言、終屬缺事、聞君撤帳、故竊來一告別耳、生請偕歸、女嘆曰、難言之矣、今將別、情不

忍昧妾寔金龍大王之女、緣與君有夙分、故來相就、不合遣婢江南、致江湖流傳、言妾為君閹割五通家、君聞之、以為大辱、忿欲賜死、幸婢以身自任、怒乃稍解、杖婢以百數、妾一跬步、皆以保母從之、投隙一至、不能盡此衷曲、奈何、言已、欲別、生挽之而泣、女曰、君勿爾、後三十年可復相聚、生曰、僕三十年矣、又三十年、皤然一老、何顏復見、女曰、不然、龍宮無白叟也、且人生壽夭、不在容貌、如求駐顏、固亦大易、乃書一方

於卷頭而去。生旋里。甥女始言其異。云當晚若夢。覺一人捉塞盎中。既醒。則血殷床褥。而怪絕矣。生曰。我曩禱河伯耳。群疑始解。後生六十餘。貌猶類三十許人。一日渡河。遙見上流浮蓮葉大如席。一麗人坐其上。近視則神女也。躍從之。人隨荷葉俱小。漸之如錢。而滅。此事與趙弘一則俱明季事。不知孰前孰後。若在萬生用武之後。則吳下僅遺半通。宜其不足為害也。

申氏

涇河之側有士人子申氏者、家屢貧、竟日恒不舉火、
夫妻相對、無以為計、妻曰、無已、子其盜乎、申曰、士人
子不能亢宗而辱門戶、貽羞先人、跖而生、不如夷而
死、妻忿曰、子欲活而惡辱耶、世不田而農者止而途
汝、既不能盜、我無寧娼耳、申怒、與妻語相侵、妻含忿
而眠、申念為男子不能謀兩餐、至使妻欲娼、固不如
死、潛起、投繯庭樹間、但見父來、警曰、痴兒何至於此、

斷其繩、囑曰、盜可一為、須擇禾黍深處伏之、此行可富、勿庸再矣、妻聞墮地聲、驚寤、呼夫不應、爇火覓之、見樹上縲絕、申死其下、大駭、撫捺之、移時而甦、扶卧床上、妻忿氣少平、既明、托夫病、乞鄰得稀醢餌申、啜已、出而去、至午、負一囊米至、妻問所從來、曰、余父執皆世家、向以搖尾為羞、故不屑以相求也、今且將作盜、何顧焉、可速炊、我將從卿言、往行劫、妻疑其未忘前言之忿、含忍之、因泔米作糜、申飽食訖、急尋堅

木、斧作楫、持之欲出、妻察其意似真、曳而止之、申曰、子教我為事、敗相累、當無悔、絕裾而去、日暮抵鄰村、違村里許、伏馬、忽暴雨、上下淋濕、遙望濃樹、將以投止、而電光一焰、已近村垣、遠處似有行人、恐為所窺、見垣下禾黍蒙密、疾趨而入、蹲避其中、無何一男子來、身軀壯偉、亦投禾中、申惧不敢少動、幸男子斜行去、微窺之、入於垣中、嘿意垣內為富室亢氏第、此必梁上君子、伺其重獲而出、當合瓜分、又念其人雄健、

倘善取不予，必至用武，自度力不敵，不如乘其無備而顛之。計已定，伏伺良久，直將雞鳴，始越垣出，足未及地，申暴起，挺中腰薙，踣然傾跌，視之非人，則一巨龜，喙張如盆，大驚。又連擊之，遂斃。先是亢翁有女，絕慧美，父母皆憐愛之。一夜有丈夫入室，狎逼為懽，欲號則舌已入口，昏不知人。聽其所為而去，羞以告人，惟多集婢媼，嚴扃門戶而已。夜既寢，更不知扉何自而開，入室則羣衆皆迷，婢媼徧淫之。於是相告，各駭。

以告翁。戒家人操刃環繡闥。室中人燭而坐。約近夜半。内外人一時都瞑。忽若夢醒。見女白身卧。狀類痴。良久始寤。翁甚恨之。而無如何。積數月。女柴瘠頗殆。每語人有能驅遣者。謝金三百。申平時亦悉聞之。是夜得龜。因悟祟翁女者。必是物也。遂叩門求賞。翁喜。延之上座。使人舁龜於庭。而齧割之。留申過夜。其怪果絕。乃如數贈之。負金而歸。妻以其隔宿不歸。方切憂盼。見申入。急問之。申不言。以金置榻上。妻開視。

幾駭絕。曰：子真為盜耶？申曰：汝逼我為此，又作是言。妻泣曰：前特以相戲耳。今犯斷頭之罪，我不能受。賊人累也，請先死。乃奔申，逐出笑曳而返之。具以寔告。妻乃喜。自此謀生產，稱素封焉。

異史氏曰：人不患貧，患無行耳。其行端者，雖餓不死，不為人憐，亦有鬼祐也。世之貧者，利所在忘義，食所在忘耻。人且不敢以一文相托，而何以見諒於鬼神乎？

邑有貧民某乙、殘臘向盡、身無完衣、自念何以卒歲、不敢與妻言、暗操白梃、出伏墓中、冀有孤身而遇者、刼其所有、懸望甚苦、渺無人跡、而松風刺骨、不復可忍、意瀕絕矣、忽一人偃偻來、心竊喜、持梃遽出、則一叟負囊道左、哀曰、一身寔無長物、家絕食、適於婿家乞得五升米耳、乙奪米、復欲褫其絮襖、叟苦哀之、乙憐其老、釋之、負米而歸、妻詰其故、詭以賭債對、陰念此策良佳、次夜復往、居無幾時、

見一人荷槎來，亦投墓中，蹲踞眺望，意似同道。乙乃逡巡自塚後出，其人驚問誰何，答云行道者，問何不行，曰待君耳。其人失笑，各以意會，並道飢寒之苦。夜既深，無所獵獲，乙欲歸，其人曰：子雖作此道，然猶雛也。前村有嫁女者，營辦中夜，舉家必殆，從我去，得當均之。乙喜從去，至一門，隔壁聞炊餅聲，知未寢，伏伺之。無何一人啟關，荷杖出行，汲二人乘間掩入，見燈輝北舍，他屋皆暗黑，聞一媼曰：

大姐可向東舍一瞞、汝奩妝悉在櫝中、忘扃鐃未也、聞少女作嬌情聲、二人竊喜、潛趨東舍、暗中摸索、得卧櫝、啟覆探之、深不見底、其人謂乙曰、入之、乙果入、得一裏傳遞而出、其人問盡矣乎、曰盡矣、又給之曰、再索之、乃閉櫝加鎖而去、乙在其中、窘急無計、未幾燈火亮入、先炁櫝、聞媼曰、誰已扃矣、於是母女上榻息燭、乙急甚、乃作鼠嚙物聲、女曰、櫝中有鼠、媼曰、勿壞而衣、我疲頓已極、汝宜自覘

之女振衣起、發扃啟櫝、乙哭出、女驚仆、乙拔關奔去、雖無所得、而竊幸得免、嫁女家被盜、四方流播、或議乙、懼、東遁百里、為逆旅主人賃作傭、年餘、浮言稍息、始取妻同居、不業白槌矣、此其自述、因類申氏故附之、

龍

北直界有龍墮入村、其行重拙、入某紳家、其戶僅可容軀、塞而入、家人盡奔、登樓譁譟、銃炮轟然、龍乃出

門外停貯潦水、淺不盈尺、龍入轉側其中、身盡泥塗、極力騰躍、尺餘輒墮、泥蟠三日、蠅集鱗甲、忽大雨、乃霹靂擎空而去、

房生與友人登牛山、入寺游眺、忽椽間一黃磚墮、磚上盤小蛇、細繞如蚓、忽旋一周如指、又一周已如帶、共驚知為龍、羣趨而下、方至山半、聞寺中霹靂一聲、震動山谷、天上黑雲如蓋、一巨龍夭矯其中、移時始沒、

章邱小相公庄有民婦適野值大風塵砂撲面覺一
目瞇如含麥芒揉之吹之迄不愈啟瞼而審視之睛
固無恙但有赤綫蜿蜒於肉分或曰此蟄龍也婦憂
懼欲死積三月餘天暴雨忽巨霆一聲裂眦而去婦
無少損

聊齋誌異卷之二十一

般陽蒲松齡柳泉甫著

恒娘

洪大業都中人，妻朱氏，姿致頗佳，而相愛悅。後洪納婢寶帶為妾，貌遠遜朱，而洪嬖之。朱不平，輒以此反目。洪雖不敢公然宿妾所，然益嬖寶帶，疎朱。後徙居，與帛商狄姓者為隣。狄妻恒娘，先過院謁朱，恒娘三十許，姿僅中人，而言詞輕倩。朱悅，次日答拜，見其室

亦有小妻、年二十以來、甚媚好、鄰居幾半年、並不聞其詬誶一語、而狄獨鍾愛恒娘、副室則虛員而已、朱一日見恒娘而問之曰、余向謂良人之愛妾、為其為妾也、每欲易妻之名呼作妾、今乃知不然、夫人何術、如可授、願北面為弟子、恒娘曰、嘻、子則自疎、而尤男子乎、朝夕而絮聒之、是為叢毆爵矣、其離滋甚耳、子歸、益縱之、即男子自來、勿納也、一月後、當再為子謀之、朱從其言、益飾寶帶、使從丈夫寢、洪一飲食、亦使

寶帶共之。洪時一周旋朱，拒之益力。於是共稱朱氏賢。如是月餘，朱往見恒娘。恒娘喜曰：「得之矣。」子婦毀若妝，勿華服，勿脂澤，垢面敝履，雜家人操作。一月後可復來。朱從之。衣敝補衣，故為不潔清，而紡績外無他問。洪憐之，使寶帶分其勞。朱不受，輒叱去之。如是者一月。又往見恒娘。恒娘曰：「孺子真可教也。」後日為上巳節，欲招子踏春園。子當盡去敝衣袍袴襪履，新然一新。早遇我。朱曰諾。至日攬鏡，細勻鉛黃，一一

如恒娘教妝、竟遇恒娘、恒娘喜曰、可矣。又代挽鳳髻、光可鑑影、袍袖不合時製、拆其縫更作之、謂其履樣拙、更於笥中出業屨共成之、成訖、即令易着、遊後臨別、飲以酒、囑曰、歸去一見男子、即早閉戶、寢渠來叩、關勿聽也。三度呼可、一度納口、索舌、手索足、皆吝之。半月後當復來。朱歸、炫妝見洪、上下凝睇之、歡笑異於平時。朱少話遊覽、便支頤作慵態。日未昏、即起入房、閤扉眠矣。未幾、洪果來、款關、朱堅卧不起。洪始

去、次夕復然、明日洪讓之、朱曰、獨眠習慣、不堪復擾、
日既夕、洪入閨坐守之、滅燭登床、如調新婦、綢繆甚
歡、更為次夜之約、朱不可、與洪約以三日為率、半月
許、復詣恒娘、恒娘閣門與語曰、從此可以擅專房矣、
然子雖美、不媚也、子之姿一媚、可奪西施之寵、況下
者乎、於是試使睨、曰非也、病在外、皆試使笑、又曰非
也、病在左頤、乃以秋波送嬌、又輾然瓠犀微露、使朱
效之、凡數十作、始畧得其彷彿、恒娘曰、子歸矣、攬鏡

而嫺習之術無餘矣。至於床第之間，随机而動之，因所好而投之，此非可以言傳者也。朱婦一如恒娘教，洪大悅，形神俱惑，惟恐見拒。日將暮，則相對調笑，跬步不離。閨闈日以為常，竟不能却之使去。朱益善遇寶帶，每房中之宴，輒呼與共榻坐，而洪視寶帶益醜，不終席遣去之。朱賺夫入寶帶房，扃閉之。洪終夜無所沾染。於是寶帶恨洪，對人輒怨謗。洪益厭怒之，漸施鞭撻。寶帶忿不自修飾，拖敝垢履，頭類蓬葆，更不

復可言人矣。恒娘一日謂朱曰：我術何如矣？朱曰：道則至妙，然弟子能由之，而終不能知之也。縱之何也？曰：子不聞乎？人情厭故而喜新，重難而輕易。丈夫之愛妾，非必其美也，甘其所乍獲，而幸其所難遘也。縱而飽之，則珍錯亦厭；況藜藿乎？毀之而復炫之，何也？曰：置不留目，則似久別；忽睹艷妝，則如新至。譬貧人驟得梁肉，則視脫粟非味矣；而又不易與之，則彼故而我新，彼易而我難。此即子易妻為妾之法也。朱大

悦遂為閨中之密友，積數年，忽謂朱曰：「我兩人情同一體，當自不昧生平，向欲言而恐疑之也。」行相別，敢以寔告。妾乃狐也，幼遭繼母之變，鬻妾都中，良人遇我厚，故不忍遽絕戀，以至於今。明日，老父尸解，妾往省覲，不復還矣。朱把手唏噓，早旦往視，則舉家惶駭，而恒娘杳矣。

異史氏曰：賣珠者不貴珠而貴櫝，新舊難易之情，千古不能破其惑，而變憎為愛之術，遂得以行乎。

其間矣、古佞臣事君、勿令見人、勿使窺書、乃知容身固寵、皆有心傳也、

葛巾

常大用、洛人、癖好牡丹、聞曹州牡丹甲齊魯、心向往之、適以他事如曹、因假縉紳之園居焉、而時方二月、牡丹未華、惟徘徊園中、目注勾萌、以望其拆、作懷牡丹詩百絕、未幾花漸含苞、而資斧將匱、尋典春衣、流連忘返、一日凌晨趨花所、則一女即及老嫗在焉、疑

是貴家宅眷，亦遂遄返。暮而往，又見之，從容避去，微窺之。宮妝艷絕，眩迷之中，忽轉一想，此必仙人。世上豈有如此女子？急返身而搜之，驟過假山，適與嫗遇。女郎方坐石上，相顧失驚。嫗以身幃女，叱曰：「狂生何為？生長蹠，曰：娘子必是神仙。」嫗咄之曰：「如此妄言，自當繫送令尹。」生大惧。女郎微笑曰：「去之。」遂過假山而去。生返復不能徙步，意女郎即歸告父兄，必有詬辱之來。偃卧空齋，自悔孟浪。竊幸女郎無怒容，或當不復。

置念悔惧交集、終夜而病、日已向晨、喜無問罪之師、
心漸寧帖、而回憶聲容、轉惧為想、如是三日、憔悴欲
死、秉燭夜分、僕已熟眠、姬忽入、持甌而進曰、吾家萼
巾娘子、手和鴿湯、其速飲、生聞而駭、既而曰、僕與娘
子、夙無嫌怨、何至賜死、既為娘子手調、與其相思而
病、不如仰藥而死、遂飲而盡之、姬笑接甌而去、生覺
藥氣香冷、似非毒者、俄覺肺膈寬舒、頭顱清爽、酣然
睡去、既醒、紅日滿窗、試起、病若失、心益信其為仙、無

可夤緣、但於無人時、彷彿其立處坐處、虔拜而嘿禱、
之一日行去、忽於深樹內覲面遇女郎、幸無他人、大
喜投地、女郎近曳之、忽聞異香竟體、即以手握玉腕、
而起、指膚軟膩、使人骨節欲酥、正欲有言、老嫗忽至、
女令隱身石後、南指曰、夜以花梯度牆、四面紅窓者、
即妾居也、匆々遂去、生悵然魂魄飛散、莫能知其所以、
往、至夜移梯登南垣、則垣下已有梯在、喜而下、果見
紅牕、室中聞猷棋聲、佇立不敢復前、姑踰垣歸、少間

再遇之、子聲猶繁、漸近窺之、則女郎與一素衣美人相對着、老嫗亦在坐、一婢侍焉、又返、凡三往復、三漏已摧、生伏梯上、聞嫗出云、梯也、誰置此、呼婢共移去之、生登垣欲下、無階、恨悵而返、次夕復往、梯先設矣、幸寂無人、入則女郎兀坐、若有所思、見生驚起、斜立含羞、生揖曰、自謂福薄、恐於天人無分、亦有今夕耶、遂狎抱之、纖腰盈掬、吹氣如蘭、女撐拒曰、何遽爾、生曰、好事多魔、遲為鬼妬、言未及已、遙聞人語、女急曰、

玉版妹子來矣。君可姑伏床下，生從之。無何一女子入，笑曰：「敗軍之將，尚可復言戰否？」業已烹茗，敢邀為長夜之歡。女郎辭以困憊，玉版固請之。女郎堅坐不行。玉版曰：「如此戀戀，豈藏有男子在室耶？」強拉之出門而去。生膝行而出，恨絕，遂搜枕簞，真一得其遺物。而室內並無香奩，祇床頭有水晶如意，上結紫巾，芳潔可愛，懷之越垣，歸自理襟袖，體香猶凝，傾慕益切。然因伏床之恐，遂有懷刑之懼，等思不敢復往。但珍

藏如意以異其尋、隔夕女卽果至、笑曰、妾向以君為君子也、而不知寇盜也、生曰、良有之、所以偶不君子者、第望其如意耳、乃攬體入懷、代解裙結、玉肌乍露、熱香四流、偎抱之間、覺臭息汗熏、無氣不馥、因曰、僕固意卿為仙人、今益知不妄、幸蒙垂盼、緣在三生、但恐杜蘭香之下嫁、終成離恨耳、女笑曰、君慮亦過、妾不過離魂之倩女、偶為情動耳、此事要宜慎密、恐是非之口、捏造黑白、君不能生翼、妾不能乘風、則禍離

更慘於好別矣。生然之。而終疑為仙。固詰姓氏。女曰。既以妾為仙。人何必以姓名傳。問嫗何人。曰。此桑姥。妾少時受其露覆。故不與婢輩同。遂起欲去。曰。妾處耳目多。不可久羈。蹈隙當復來。臨別索如意。曰。此非妾物。乃玉版所遺。問玉版為誰。曰。妾叔妹也。付鉤乃去。後衾枕皆染異香。由此三兩夜輒一至。生惑之。不復思歸。而囊橐既空。欲賃馬。女知之。曰。君以妾故。鴻囊質衣。情所不忍。又去代步。千餘里。將何以歸。

妾有私蓄，聊可助裝。生辭曰：卿情好，撫臆誓肌，不足論報。又貪鄙以耗卿財，何以為人矣。女固強之，曰：姑假君，遂捉生臂至一桑樹下，指一石曰：轉之。生從之，又拔頭上簪，刺土數十下，曰：爬之。生又從之，則甕口已見。女探^手入，出白銀近五十兩許。生把臂止之，不聽。又出十餘錠，生強反其半，而後掩之。一夕，謂生曰：近日微有浮言，勢不可長，此不可不預謀也。生驚曰：且為奈何。小生素迂謹，今為卿故，如寡婦之失守，不復

能自主矣。一惟卿命。刀鋸斧鉞亦所不遑顧耳。女謀偕亡。命生先歸。約會打洛。生治任旋里。擬先歸而後逆之。比至。則女卽車已至門。登堂朝家人。四鄰驚賀。而並不知其竊而逃也。生竊自危。女殊坦然。謂生曰。無論千里外。非邏察所及。卽或知之。妾世家女。卓王孫當無如長卿何也。生弟大器。年十七。女顧之曰。是有慧根。前程尤勝於君。完婚有期。妻忽夭殞。女曰。妾妹玉版。君固嘗窺見之。貌頗不惡。年亦相若。作夫婦

可稱佳偶。生聞之而笑。戲請作伐。女曰。必欲致之。即亦匪難。喜問何術。曰。妹與妾最相善。而馬駕輕車。費一嫗之往返耳。生惧前情俱發。不敢從其謀。女因言無害。即命車遣桑嫗去。數日至曹。將近里門。嫗下車。使御者止而候於途。乘夜入里。良久。偕女子來。登車。遂發。昏暮。即宿車中。五更復行。女即計其時日。使大器盛服而逆。五十里許。乃相遇。御輪而歸。鼓吹花燭。起拜成禮。由此兄弟皆得美婦。而家又日以富。一日

有大寇數十騎突入第。生知有變，舉家登樓。寇入圍樓，生俯問有讐否。答言無讐，但有两事相求。一則聞西夫人世間所無，請賜一見。一則五十八人各乞金五百，聚薪楼下，為縱火計以脇之。生允其索金之請。寇不滿志，欲焚樓。家人大恐。女欲與玉版下楼止之，不聽。炫妝而下，階未盡者三級。謂寇曰：我姊妹皆仙媛，暫時一履塵世，何畏寇盜？欲賜汝萬金，恐汝不敢受也。寇衆一齊仰拜，諾聲不敢。姊妹欲退。一寇曰：此

詐也、女聞之、反身佇立、曰、意欲何作、便早圖之、尚未
晚也、諸寇相顧、嘿無一言、姊妹從容上樓而去、寇仰
望無跡、闕然始散、後二年、姊妹各舉一子、始漸自言
魏姓、母封曹國夫人、生疑曹無魏姓世家、又且大姓
失女、何得一置不問、未敢窮詰、而心竊怪之、遂托故
復詣曹、入境諮訪、世族並無魏姓、於是仍假館舊主
人、忽見壁上有贈曹國夫人詩、頗涉駭異、因詰主人、
主人笑、微即請往觀曹夫人、至則牡丹一本、高興簷等、

問所由名，則以此花為曹第一，故同人戲封之，問其何種，曰：「葛巾紫也。」心益駭，遂疑女為花妖。既歸，不敢質言，但述贈夫人詩以覘之。女蹙然變色，遽出呼玉版，抱兒至，謂生曰：「三年前感君見思，遂呈身相報。今見猜疑，何可復聚？」因與玉版舉兒遙擲之。兒墮地，並沒。生方駭，顧則二女俱渺矣。悔恨不已。後數日，墮兒處生牡丹二株，一夜徑尺。當年而花，一紫一白，朵大如盤，較尋常之葛巾玉版，瓣尤繁碎。數年茂蔭成叢。

移分他所、更變異種、莫能識其名、自此牡丹之盛、洛下無雙焉。

異史氏曰、懷之專一、鬼神可通、偏反者亦不可謂無情也、少陵寂寞、以花當夫人、況真能解語、何必力窮其原哉、惜常生之未達也。

黃英

馬子才、順天人、世好菊、至才尤甚、聞有佳種、必購之、千里不憚、一日有金陵客寓其家、自言其中表親有

一二種、為北方所無、馬欣動、即刻治裝、從客至金陵、客多方為之營求、得兩芽、裹藏如寶、歸至中途、遇一少年跨蹇、從油碧車、丰姿洒落、漸近與語、少年自言陶姓、談言騷雅、因問馬所自來、馬寔告之、少年曰、種無不佳、培溉在人、因與論執菊之法、馬大悅、問將何往、答云、姊厭金陵、欲卜居河朔耳、馬欣然曰、僕雖固貧、茅廬可以寄榻、不嫌荒陋、無煩他適、陶趨車前、向姊咨稟、車中人推簾語、乃二十許絕世美人也、願弟

言屋不厭卑、而院宜得廣、馬代諾之、遂與俱歸、第南有荒圃、僅小室三四椽、陶喜居之、日過北院、為馬治菊、已枯、拔根再植之、無不活、然家清貧、陶日與馬共飲食、而察其家似不舉火、馬妻呂亦愛陶姊、不時以升斗餽卹之、陶姊小字黃英、雅善談、輒過呂所、與共紉績、陶一日謂馬曰、君家固不豐、僕日以口腹累知交、胡可為常、為今計、賣菊亦足謀生、馬素介、聞陶言甚鄙之、曰、僕以君風流高士、當能安貧、今作是論、

則以東籬為市井、有辱黃花矣。陶笑曰：自食其力、不為貪。販花為業、不為俗。人固不可苟求富、然亦不必務求貧也。馬不語、陶起而出。自是馬所棄殘枝劣種、陶悉掇拾而去。由此不復就馬寢食。招之始一至、未幾菊將開、聞其門囂喧如市。怪之、過而窺焉。見市人買花者、車載肩負、道相屬也。其花皆異種、目所未睹。心厭其貪欲興絕、而又恨其私秘佳種。遂歛其扉、將就誚讓。陶出握手曳入、見荒庭半畝皆菊畦、數椽之

外無曠土、剷去者則折別枝插補之、其蓓蘗在畦者、罔不佳妙、而細認之、皆向所拔棄也、陶入屋出酒饌、設席畦側、曰、僕貧不能守清戒、連朝幸得微貲、頗足供醉、少間房中呼三郎、陶諾而去、俄獻佳肴、烹飪良精、因問貴姊胡以不字、答云、時未至、問何時、曰、四十三月、又詰何說、但笑不言、盡歡始散、過宿又詣之、新插者已盈尺矣、大奇之、苦求其術、陶曰、此固非可言傳、且君不以謀生、焉用此、又數日、門庭畧寂、陶乃以

蒲席包菊、捆載數車而去。踰歲春將半，始載南中異卉而歸。於都中設花肆，十日盡售，復歸執菊，問之去。年買花者，留其根，次年盡變而劣，乃復購於陶，由是日富。一年增舍，二年起夏屋，興作從心，更不謀諸主人。漸而舊日花畦，盡爲廊舍，更於牆外買田一區，築墉四周，悉種菊。至秋載花去，春盡不歸，而馬妻病卒，意屬黃英，微使人風示之。黃英微笑，意似允許，惟專候陶歸而已。年餘陶竟不至，黃英課僕種菊一如

陶得金益合商賈、村外治膏田二十頃、甲第益壯、忽有客自東粵來、寄陶生函信、發之、則囑姊歸馬、考其寄書之日、即馬妻死之日、回憶園中之飲、適四十三月也、大奇之、以書示英、請問致聘何時、英辭不受、采又以故居陋、欲使就南第居、若贊馬、馬不可、擇日行親迎禮、黃英既適馬、於間壁開扉通南第、日過課其僕、馬耻以妻富、恒囑黃英作南北籍、以防淆亂、而家中所需、黃英輒取諸南第、不半歲、家中觸類皆陶家

物馬立遣人一一賣還之。戒勿復取。未浹旬又雜之。凡數更。馬不勝煩。黃英笑曰。陳仲子母乃勞乎。馬慙不復稽。一切聽諸黃英。鳩工庀料。土木大作。馬不能禁。經數月。樓舍連亘。兩第竟合為一。不分疆界矣。然遵馬教。閉門不復業。菊而享用。過於世家。馬不自安。曰。僕三十年清德。為卿所累。今視息人間。徒依裙帶而食。真無一毫丈夫氣矣。人皆祝富。我願祝窮耳。黃英曰。妾非貪鄙。但不少置豐盈。遂令千載下人謂淵

明貧賤骨、百世不能發跡、故聊為我家彭澤解嘲耳、然貧者願富為難、富者求貧固亦甚易、床頭金任君揮去之、妾不靳也、馬曰、捐他人之金、抑亦良醜、黃英曰、君不願富、妾亦不能貧也、無已、析君居、清者自清、濁者自濁、何害、乃於園中築茅茨、擇美婢往侍焉、馬安之、然過數日、苦念黃英、招之不肯至、不得已反就之、隔宿輒至、以為常、黃英笑曰、東食西宿、廉者當不如是、馬亦自笑、無以對、遂復舍居如初、會馬以事客

金陵適逢菊秋，早過花肆，見肆中盆列甚繁，款朶佳勝，心動，疑類陶製。少間主人出，果陶也，喜極，具道契濶，遂止宿焉。要之歸，陶曰：「金陵吾故土，將婚，於是積有薄貲，煩寄吾姊。我歲杪當暫去，馬不聽，請之益苦。且曰：『家幸充盈，但可坐享，無須復賈。』坐肆中，使僕代論價，廉其值，數日盡售，逼促囊裝，賃舟遂北。入門，則姊已除舍，床榻裊褥皆設。若預知弟也。歸者陶自歸，解裝課役，大修園亭，惟日與馬共棋酒，更不復結一

客爲之擇婚，辭不願。姊遣西婢侍其寢處，居三四年，生一女。陶飲素豪，從不見其沉醉。有友人魯生，量亦無對，適過馬，使與陶共較飲。二人縱飲甚歡，相得恨晚。自辰以訖四漏，計各盡百壺。魯爛醉如泥，沉睡座間。陶起，歸寢，出門踐菊畦，玉山傾倒，委衣於側。即地化爲菊，高如人，花十餘朵，皆大如拳。馬大駭，告黃英，急往，拔置地上，曰：「胡醉至此！」覆以衣，要馬俱去。戒勿視。既明而往，則陶卧畦邊，馬乃悟。姊弟皆菊精。

也、益愛敬之、而陶自露迹、飲益放、恒自折柬招魯、因與莫逆、值花朝、魯來造訪、以兩僕舁藥浸白酒一罈、約與共盡、罈將竭、二人猶未甚醉、馬潛以一瓶續入之、二人又盡之、魯醉已憊、諸僕負之以去、陶卧地又化為菊、馬見慣不驚、如法拔之、守其傍以觀其變、久之葉益憔悴、大惧、始告黃英、聞駭曰、殺吾弟矣、奔視之、根株已枯、痛絕、掐其梗埋盆中、携入閨中、日灌溉之、馬悔恨欲絕、甚怨魯、越數日、聞魯已醉死矣、盆

中花漸萌、九月既開、短幹粉朶、嗅之有酒香、名之醉陶、澆以酒則茂、後陶女長成、嫁於世家、黃英終老、亦無他異、

異史氏曰、青山白雲人、遂以醉死、世盡惜之、而未必不自以為快也、植此種於庭中、如見良友、如對麗人、不可不物色之也、

書癡

彭城卽玉柱、其先世官至太守、居官廉、得俸不治生

產積書盈屋。至王柱尤痴。家苦貧。無物不鬻。惟父藏書一卷。不忍置。父在時。曾書勸學篇粘其座右。卽日諷誦。又幃以素紗。惟恐磨滅。非為干祿。寔信書中真有金粟。晝夜研讀。無間寒暑。年二十餘。不求婚配。與卷中麗人自至。見賓親。不知溫涼。三數語後。則誦聲大作。客逡巡自去。每文宗臨試。輒首拔之。而苦不得售。一日方讀。忽大風飄卷去。急逐之。踏地陷足。探之穴。有腐草。掘之。乃古人窖粟。朽敗已成糞土。雖不可

食而益信千鍾之說不妄、讀益力、一日梯登高架、於
亂卷中得金輦徑尺大喜、以為金屋之驗、出以示人、
則鍍金而非真金、心竊怨古人之誑已也、居無何、有
父同年、觀察是道、性好佛、或勸即獻輦為佛龕、觀察
大悅、贈金三百、馬二匹、即喜、以為金屋車馬皆有驗、
因益刻苦、然行年已三十矣、或勸其娶、曰書中自有
顏如玉、我何憂無美妻乎、又讀二三年、迄無效、人咸
揶揄之、時民間訛言天上織女私逃、或戲即天孫竊

奔蓋為君也。即知其戲置不辨。一夕讀漢書至八卷。卷將半。見紗剪美人夾藏其中。駭曰。書中顏如玉。其以此應之耶。心悵然自失。而細視美人眉目如生。背隱隱有細字云。織女大異之。日置卷上。反復瞻玩。至忘食寢。一日方注目間。美人忽折腰起坐卷上。微笑。即驚絕。伏拜案下。既起。已盈尺矣。益駭。又叩之。下几亭。宛然絕代之姝。拜問何神。美人笑曰。妾顏氏字如玉。君固相知已久。日垂青盼。脫不一至。恐千載下。

無復有篤信古人者、即喜、遂與寢處、然枕席間親愛
倍至、而不知為人、每讀、必使女坐其側、女戒勿讀、不
聽、女曰、君所以不能騰達者、徒以讀耳、試觀春秋、榜
上、讀如君者幾人、若不聽、妾行去矣、即暫從之、少頃
忘其教、吟誦復起、踰刻索女、不知所在、神志喪失、祝
而禱之、殊無影跡、忽憶女所隱處、取漢書細檢之、直
至舊所、果得之、呼之不動、伏以哀祝、女乃下曰、君再
不聽、當相永絕、因使沿棋枰、檮蒲之具、日與遊戲、而

卽殊不屬、覩女不在、則竊卷流覽、恐爲女覺、陰取漢書第八卷、雜沕他所以迷之、一日讀酣、女至、竟不之覺、忽睹之、急掩卷而女已亡矣、大惧、冥搜諸卷、渺不可得、既仍於漢書八卷中得之、頁數不爽、因再拜祝矢不復讀、女乃下、與之奕、曰三日不工當復去、至三日、忽一局羸、女二子、女乃喜、授以絃索、限五日工一曲、卽手營目注、無暇他及、久之、隨指應節、不覺鼓舞、女乃日與博飲、卽隨樂而忘讀、女又縱之出門、使結

客由此倜儻之名暴著。女曰：子可以出而試矣。卽一夜謂女曰：凡人男女同居則生子。今與卿居久。何不
然也。女笑曰：君日讀書。妾固謂無益。今卽夫婦一章
尚未了悟。枕席二字有工夫。卽驚問何工夫。女笑不
言。少間潛迎就之。卽樂極曰：我不意夫婦之樂。有不
可言傳者。於是逢人輒道。無有不掩口者。女知而責
之。卽曰：鑽穴踰墻者。始不可以告人。天倫之樂。人所
皆有。何諱焉。過八九月。女果舉一男。賈媼撫字之一

日謂卽曰、妾從君二年、業生子、可以別矣、久恐爲君
禍、悔之已晚、卽聞言泣下、伏地不起、曰卿不念呱
者耶、女亦悽然良久曰、必欲妾留、當舉架上書盡焚
之、卽曰、此卿故鄉、乃僕性命、何出此言、女不之強、曰
妾亦知其有數、不得不預告耳、先是親族或窺見女、
無不駭絕、而又未聞其締姻何家、共詰之、卽不能作
偽語、但嘿不言、人益疑、郵傳幾徧、聞於邑宰史公、史
聞人、少年進士、聞聲傾動、竊欲一睹麗容、因而拘卽

及女、聞知道遁匿無跡、宰怒收卽、斥革衣巾、梏械備加、務得女所自往、卽垂死無一言、械其婢、畧能道其彷彿、宰以為妖、命駕親臨其家、見書卷盈屋、多不勝搜、乃焚之、庭中烟結不散、暝若陰霾、卽既釋、遠求父門人書、得從辨復、是年秋捷、次年舉進士、而啣恨切於骨髓、為顏如玉之位、朝夕而祝曰、卿如有靈、當佑我官於閩、後果以直指巡閩、居三月、訪史惡款、籍其家、時有中表為司理、逼納愛妾、托言買婢寄署中、案

既結、卽卽日自剋、取妾而歸、

異史氏曰、天下之物、積則招妬、好則生魔、女之妖書之魔也、事近怪誕、治之未為不可、而祖寵之虐、不已慘乎、其存心之私、更宜得怨毒之報、嗚呼、何怪哉、

齊天大聖

許盛、兗人、從兄成賈於閩、貨未居積、客言大聖靈著、將禱諸祠、盛未知大聖何神、與兄俱往、至則殿閣連

蔓窮極宏麗、入殿瞻仰、神猴首人身、蓋齊天大聖孫
悟空云、諸客肅然起敬、無敢有惰容、盛素剛直、竊笑
世俗之陋、衆焚奠叩祝、盛潛去之、既歸、兄責其慢、盛
曰、孫悟空乃丘翁之寓言、何遂誠信如此、如其有神、
刀槩雷霆、余自受之、逆旅主人聞呼大聖名、皆搖首
失色、若恐大聖聞、盛見其狀、益譁辨之、聽者皆掩耳
而走、至夜盛果病、頭痛大作、或勸詣祠謝罪、盛不聽、
未幾頭小愈、股又痛、竟夜生巨疽、連足盡腫、寢食俱

廢兄代禱迄無驗。或言神譴須自祝。盛卒不信。月餘創漸斂。而又一疽生。其痛倍苦。醫來以刀割腐肉。血溢盈碗。恐人神其詞。故忍而不呻。又月餘始就平復。而兄又大病。盛曰。何如矣。敬神者亦復如是。足徵余之疾非由悟空也。兄聞其言益恚。謂神遷怒。責弟不為代禱。盛曰。兄弟猶手足。前日肢體糜爛而不之禱。今豈以手足之病而易吾守乎。但為延醫坐藥。而不從其禱。藥下。兄暴斃。盛慘痛結於心腹。買棺殮兄已。

投祠指神而數之曰、兄病謂汝遷怒、使我不能自白、
倘爾有神、當令死者復生、余即北面稱弟子、不敢有
異詞、不然、當以汝處三清之法、還處汝身、庶以破吾
兄地下之惑、至夜夢一人招之去、入大聖祠、仰見大
聖有怒色、責之曰、因汝無狀、以菩薩刀穿汝脛股、猶
不自悔、嘖有煩言、本宜送拔舌獄、念汝一念剛鯁、姑
置宥赦、汝兄病、乃汝以庸醫夭其壽數、於人何尤、今
不少施法力、益令狂妄者引為口實、乃命青衣使請

命於閻羅、青衣白三日後、鬼籍已報天庭、恐難為力、神取方版、命筆不知何辭、使青衣執之而去、良久乃返、成與俱來、並跪堂上、神問何遲、青衣白、閻羅不敢擅專、又持大聖旨上咨斗宿、是以來遲、盛趨上拜謝、神恩、神曰、可速與兄俱去、若能向善、當為汝福、兄弟悲喜相將俱歸、醒而異之、急起啟棺覘視、兄果已甦、扶出、極感大聖力、盛由此誠服、信奉更倍於流俗、而兄弟資本、病中已耗其半、兄又未健、相對長愁、一日

偶游郊外、忽一褐衣人相之曰、子何憂也、盛方苦無所訴、因而備述其遭、褐衣人曰、有一佳境、暫往瞻矚、亦足破悶、問何所、但云不遠、從之出郭半里許、褐衣人曰、予有小術、頃刻可到、因命以兩手抱腰、畧一點首、遂覺雲生足下、騰蹕而上、不知幾百由旬、盛大懼、閉目不敢少啟、頃之曰至矣、忽見琉璃世界、光明異色、訝問何處、曰天宮也、信步而行、上上益高、遙見一叟、喜曰、適遇此老子之福也、舉手相揖、叟邀過諸其

所烹茗獻客止兩瓊殊不及盛褐衣人曰此吾弟子千里行賈敬造仙署求少贈餽叟命童出白石一样狀類雀卵瑩澈如水使盛自取之盛念携歸可作酒枚遂取其六褐衣人以為過廉代取六枚付盛並裹之囑納腰橐拱手曰足矣辭叟出仍令附體而下俄頃及地盛稽首請示仙號笑曰適即所謂觔斗雲也盛恍然悟為大聖又求佑護曰適所會財星賜利十分何須多求盛又拜之起視已渺既歸喜而告兄

解取共視、則融入腰橐矣、後輦貨而歸、其利倍蓰、自此屢至閩、必禱大聖、他人之禱時不甚驗、盛所求無不應者、

異史氏曰、昔士人過寺、画琵琶拉壁而去、比返、則其靈大著、香火相屬焉、天下事固不必寔有其人、人靈之、則既靈焉矣、何以故、人心所聚、而物或托焉耳、若盛之方鯁、固宜得神明之佑、豈真耳內繡針、毫毛能變、足下觔斗、碧落可升哉、卒為邪惑抑

其見之不真也。

青蛙神

江漢之間、俗事蛙神最虔、祠中蛙不知幾百千萬、有大如籠者、或犯神怒、家中輒有異兆、蛙游几榻、甚或攀緣滑壁、不得墮、其狀不一、此家當凶人則大恐、斬牲禳禱之神喜則已、楚有薛崑生者、幼慧、美姿容、六七歲時、有青衣媼至其家、自稱神使、坐致神意、願以女下嫁、崑生、薛翁性朴拙、雅不欲、辭以兒幼、雖固却。

之而亦未敢議婚他姓。遲數年，崑生漸長，委禽於姜氏。神告姜曰：「薛崑生，吾婿也。何得近禁嚮？」姜惧，反其儀。薛公憂之，潔牲往禱，自言不敢與神相匹偶，祝已見肴酒中皆有巨蛆浮出，蠢然擾動，傾棄謝罪而歸。心益惧，亦姑聽之。一日，崑生在途，有使者迎宣神命，苦邀移趾，不得已從與俱往。入一朱門，樓閣華好，有叟坐堂上，類七八十歲人。崑生伏謁，叟命曳起之，賜坐案傍。少間，婢媼集視，紛紜滿側。叟顧曰：「入言薛郎

至矣。數婢奔入，移時一媼率女郎出，年十六七，麗絕無儔。叟指曰：「此小女十娘，自謂與君可稱佳偶。君家尊乃以異類見拒，此自百年事。父母止主其半，是在君耳。」崑生目注十娘，心愛好之。嘿然不言。媼曰：「我固知卽意良佳，請先歸，當卽送十娘往也。」崑生曰：「諾。」趨歸告翁，倉遽無所爲計，乃授之詞，使返謝之。崑生不肯行，方謂讓間與已在門，青衣成群而十娘入矣。上堂朝暉，翁姑見之皆喜。卽夕合卺，琴瑟甚諧。由此

神翁神媪時降其家、視其衣赤為喜、白為財、必見、以故家日興、自婚於神、門堂藩溷皆蛙、人無敢詬蹴之、惟崑生少年任性、喜則忘、怒則踐斃、不甚愛惜、十娘雖謙遜、但善怒、頗不善崑生所為、而崑生不以十娘故、斂抑之、十娘語侵崑生、崑生怒曰、豈以汝家翁媪能禍人耶、丈夫何畏蛙也、十娘甚諱言蛙、聞之恚甚、曰、自妾入門、為汝家婦、田增粟、賈增價、亦復不少、今老幼皆已溫飽、遂如鴉鳥生翼、欲啄母睛耶、崑生益

憤曰、吾正嫌所增污穢、不堪貽子孫、請不如早別、遂逐十娘、翁媼既聞之、十娘已去、呵崑生使急往追復之、崑生盛氣不屈、至夜母子俱病、鬱胃不食、翁惧、負荆於祠、詞意殷切、過三日病尋愈、十娘亦自至、夫妻歡好如初、十娘日輒凝妝坐、不操女紅、崑生衣履一委諸母、一日忿曰、兒既娶、仍累媼、人家婦事姑、吾家姑事婦、十娘適聞之、負氣登堂曰、兒婦朝侍食、暮問寢、事姑者其道如何、所短者不能恪傭錢自作苦

耳。母無言，慙沮自哭。崑生入，見母涕痕，詰得故，怒責十娘。十娘執辨，不相屈。崑生曰：「娶妻不能承歡，不如無有，便觸老蛙怒，不過橫死耳。」復出。十娘亦怒，出門逕去。次日，居舍災，延燒數屋，几案床榻悉爲煨燼。崑生怒，詣祠責教曰：「養女不能奉翁姑，畧無庭訓，而曲護其短，神者至公，有教人畏婦者耶？且盜孟相獻，皆臣所爲，無所涉於父母，刀鋸斧鉞，即加臣身，如其不然，我亦焚汝居室，聊以相報。」言已，負薪殿下。

焚火欲舉，居人集而哀之，始憤而歸。父母聞之，大惧失色。至夜，神示夢於近村，使爲婿家營宅。及明，賁財鳩工，共爲崑生建造，辭之不止。日數百人相屬於道，不數日，第舍一新，床幕器具悉備焉。修除甫竟，十娘已至，登堂謝遇，言詞溫婉，轉身向崑生，展笑舉家變怒爲喜。自此十娘性益和，居二年無間言。十娘最惡蛇，崑生戲函小蛇，給使啟之。十娘色變，詬崑生。崑生亦轉笑生嗔，惡相抵。十娘曰：「今番不待相迫逐，請從

此絕遂出門去。薛翁大恐，杖崑生，請罪於神。幸不禍之，亦寂無音。積有年餘，崑生懷念十娘，頗自悔，竊詣神所哀十娘，迄無聲應。未幾，聞神以十娘字袁氏，心中失望，亦求婚他族，而歷相數家，並無如十娘者。於是益思十娘，往探袁氏，則已墜壁，條庭候魚，軒矣。心愧憤，不能自己，廢食成疾。父母憂惶，不知所處。忽昏憤中，有人撫之曰：「大丈夫頻欲斷絕，又作此態，開目則十娘也。」喜極躍起，曰：「卿何來？」十娘曰：「以輕薄人相。」

待之禮止宜從父命另醮而去。固久受表家采幣。妾千思萬思而不忍也。卜吉已在今夕。父又無顏反幣。妾親携而置之矣。適出門。父走送曰。痴婢不聽吾言。後受薛家凌虐。縱死亦勿歸也。崑生感其義。為之流涕。家人皆喜。奔告翁媼。聞之。不待往朝。奔入子舍。執手鳴泣。由此崑生亦老成。不作惡謔。於是情好益篤。十娘曰。妾向以君儂薄。未必遂能相白首。故不敢畱孽種於人世。今已靡他。妾將生子。居無何。神翁神

媼着朱袍降臨其家，次日十娘臨蓐，一舉兩男，由此往來無間。居民或犯神怒，輒先求崑生，乃使婦女輩盛妝入閨，朝拜十娘。十娘笑則解，薛氏苗裔甚繁，人名之薛蛙子家，近人不敢呼，遠人呼之。

又

青蛙神往，托諸巫以為言。巫能察神嗔喜，告諸信士曰：喜矣，福則至；怒矣，婦子兀坐愁嘆，有廢餐者，流俗然哉！抑神寔靈，非盡妄也。有富賈周某，性格畱會。

居人歛金修閔聖祠、貧富皆與有力、獨周一毛不拔、久之工不就、首事者無所為謀、適衆賽蛙神、巫忽言、周將軍倉、命小神司募政、其取簿籍來、衆從之、巫曰、已捐者不復強、未捐者量力自註、衆唯々敬聽、各註已、巫視衆曰、周某在此否、周方混跡其後、惟恐神知、聞之失色、次且而前、巫指籍曰、註金百、周益窘、巫怒曰、淫債尚酹二百、況好事耶、蓋周私一婦、為夫掩執、以金二百自贖、故訐之也、周益慚惧、不得已、如命註

之既歸告妻、曰、此巫之詐耳、巫屢索、卒弗與、一日方晝寢、忽聞門外如牛喘、視之則一巨蛙、室門僅容其身、步履蹇緩、塞兩扉而入、既入、轉身卧、以闕承額、舉家盡驚、周曰、此必討募金也、焚香而祝、願先納三十、其餘以次賫送、蛙不動、請納五十、身忽一縮、小尺許、又加二十、益縮如斗、請全納、縮如拳、從容出入、墻罅而去、周急以五十金送、監造所人皆異之、周亦不言其故、積數日、巫又言周某欠金五十、何不摧併、周

聞之，慙，又送十金，意將以此完結。一日夫婦方食，蛙又至如前狀，目作努，少間登其床，搖撼欲傾，加喙於枕而眠，腹隆起如卧牛，四隅皆滿，周悞即完百數，與之聽之，仍不少動，半日間小蛙漸集，次日益多，穴倉登榻，無處不至，大於碗者，并灶啜蠅，糜爛釜中，以致穢不可食，至三日，庭中蠢々，更無隙處，一家惶駭，不知計之所出，不得已請教於巫，曰：「此必少之也。」遂祝之，益以二十金，首始舉，又益之，起一足，直至百

金四足盡起、下床出門、狼狽數步、復反身卧門內、周
惧問巫、揣其意、欲周即解囊、周無奈、如數付巫、蛙
乃行、數步外、身暴縮、雜衆蛙中、不可辨認、紛々然亦
漸散矣、祠既成、開光賽神、更有所需、巫忽指首事者
曰、某宜出若干數、共十五人、止遺二人、衆祝曰、吾等
與某、已同捐過、巫曰、我不以貧富為有無、但以汝
等所侵漁之數為多寡、此等金錢、不可自肥、恐有橫
災、念汝等首事勤勞、故代汝消之也、除某、康正無

所苟且外。即我家巫。我亦不少私之。便令先出。以為衆倡。即奔入家。搜括箱櫥。妻問之。亦不答。盡卷囊蓄而出。告衆曰。某私尅銀八兩。今使傾橐。與衆共衡之。稱得六兩餘。使人誌其欠數。衆愕然。不敢置辨。悉如數內入。巫過此。茫不自知。或告之。大慙。質衣以盈之。惟二人虧其數事。既畢。一人病月餘。一人患疔瘡。醫藥之費。浮於所欠。人以為私尅之報云。

異史氏曰。老蛙司募。無不可與為善之人。其勝刺

釘拖索者不既多乎、又發監守之盜而消其災、則其現威猛、正其行慈悲也、神矣、

任秀

任建之、魚台人、販毡裘為業、竭貲赴陝、途中逢一人、自言申竹亭、宿遷人、話言投契、盟為弟兄、行止與俱、至陝、任病不起、申善視之、積十餘日、疾大漸、謂申曰、吾家故無恒產、八口衣食皆恃一人、犯霜露、今不幸殂、謝異域、君我手足也、兩千里外、更有誰何、囊金二

百餘、一半君自取之、為我小備殮具、剩者可助資斧、其半寄吾妻子、俾輦吾櫬而歸、如肯挾殘骨歸故里、則裝資無計矣、乃伏枕為書付申、至夕而卒、申以五、六金為市薄材、殮已、主人催其移柩、申托尋寺觀、竟遁不返、任家年餘方得確耗、任子秀、時年十七、方從師讀、由此廢學、欲往尋父柩、母憐其幼、秀哀涕欲死、遂典資裝治任、俾老僕佐之行、半年始還、殯後家貧如洗、幸秀聰穎、釋服入魚台泮、而佻達善博、母教戒

綦嚴卒不改。一日文宗案臨試居四等。母憤泣不食。秀慚惧。對母自矢。於是閉戶年餘。遂以優等食餼。母勸令設帳。而人終以其蕩無檢幅。咸謂薄之。有表叔張某賈京師。勸使赴都。願携與俱。不耗其貲。秀喜從之。至臨清。泊舟關外。時鹽航艤集。帆樯如林。卧後聞水聲人聲。聒耳不寐。更既靜。忽聞鄰舟鼓聲清越。入耳縈心。不覺舊技復痒。竊聽諸客。皆已酣寢。囊中自備千文。思欲過舟一戲。潛起解囊。捉錢踟躕。回思母

訓即復束置既睡心怔忡苦不得眠又起又解如是者三興勃發不可復忍携錢竟去至鄰舟則見兩人對博錢注豐美置錢几上即求入局二人喜即與共擲秀大勝一客錢盡即以巨金質舟主漸以十餘貫作孤注賭方酣又有一人登舟來眈視良久亦傾橐出百金質主人入局共博張中夜醒覺秀不在舟聞骰聲心知之因詣鄰舟欲撓阻之至則秀胯側積貲如山乃不復言負錢數千而返呼諸客並起往來移

運尚存十餘千、未幾三客俱敗、一舟之錢俱空、客欲賭金、而秀欲已盈、故托非錢不賭、以難之、張在側又促逼令歸、三客燥急、舟主利其盆頭、轉貸他舟、得百餘千、客得錢賭更豪、無何又盡、歸秀、天已曙、放曉關矣、共運貲而返、三客亦去、主人視所質二百餘金、盡箔灰耳、大驚、尋至秀舟、告以故、欲取償於秀、乃問姓名里居、知為建之、子、縮頸羞汗而退、過訪榜人、乃知主人即申竹亭也、秀至陝時、亦頗聞其姓字、至此

鬼已報之故不復追其前却矣乃以貲與張合業而北終歲獲利倍蓰遂援例入監益權子母十年間財雄一方

晚霞

五月五日吳越間有鬪龍舟之戲剡木為龍繪鱗甲飾以金碧上為雕甍朱檻帆旌皆以錦繡舟末為龍尾高丈餘以布索引木板下垂有童坐板上顛倒滾跌作諸巧劇下臨江水險危欲墮故其購是童也先

以金啗其父母、預調馴之、墮水死、勿悔也。吳門則載美姬、較不同耳。鎮江有蔣氏童阿端、方七歲、便捷奇巧、莫能過、聲價益起。十六歲、猶用之。至金山下、墮水死。蔣媼止此子、哀鳴而已。阿端不自知死、有兩人導去、水中別有天地、回視則流波四繞、屹如壁立。俄入宮殿、見一人髡年坐。兩人曰：「此龍窩君也。」便使拜伏。龍窩君顏色和霽、曰：「阿端伎巧、可入柳條部。」遂引至一所、廣殿四合、趨上東廊、有諸少年出、與為禮、率十

三四歲即有老嫗來衆呼解姥坐令献伎已乃教以錢塘飛霆之舞洞庭和風之樂但聞鼓鉦惶聒諸院皆響既而諸院皆息姥恐阿端不能即媚獨絮々調撥之而阿端一過殊已了々姥喜曰得此兒不讓晚霞矣明日龍窩君按部諸部畢集首按夜叉部鬼面魚服鳴大鉦圍四尺許鼓可四人合抱聲如巨霆叫噪不復可聞舞起則巨濤洶湧橫流空際時墮一點大如盆着地消滅龍窩君急止之命進乳鶯部皆二

八妹麗笙歌細作、一時清風習、波聲俱靜、水漸凝
如水晶世界、上下通明、按畢、俱退立西墀下、次按燕
子部、皆垂髻人、內一女即年十四五、振袖傾鬟、作散
花舞、翩、翔起、襟袖襖履間、皆出五色花朵、隨風颺
下、飄泊滿庭、舞畢、隨其部亦下西墀、阿端旁睨、雅愛
好之、問之同部、即晚霞也、無何、喚柳條部、龍窩君特
試阿端、作前舞、喜怒隨腔、俛仰中節、龍窩君嘉其
慧悟、賜五文袴褶、魚鬚金束髮、上嵌夜光珠、阿端拜

賜亦趨西墀各守其伍端於衆中遙注晚霞晚霞亦遙注之少間端遂巡出部而北晚霞亦漸出部而南相去數武而法嚴不敢亂部相視神馳而已既按蛺蝶部童男女皆雙舞身長短年大小服色黃白皆取諸同諸部按已魚貫而出柳條在燕子部後端疾出部前而晚霞已緩滯在後回首見端故遺珊瑚釵端急納袖中既歸凝思成病眠餐頓廢鮮姥輒進甘旨日三四省撫摩殷切病不少瘥姥憂之罔所為計曰

吳江王壽期已促、且為奈何、薄暮一童子來、坐榻上、與語、自言隸蛺蝶部、從容問曰、君病為晚霞否、端驚問何知、笑曰、晚霞亦如君耳、端悽然起坐、便求方計、童問尚能步否、答云、勉強尚能自力、童挽出、南啟一戶、折而西、又開双扉、見蓮花數十畝、皆生平地上、葉大如席、花大如蓋、落瓣堆梗下、盈尺、童引入其中、曰、姑坐此、遂去、少時一美人撥蓮花而入、則晚霞也、相見驚喜、各道相思、畧述生平、遂以石壓荷蓋、令側雅

可幃蔽、又勻鋪蓮瓣而籍之、忻與狎寢、既訂後約、日以夕陽為候、乃別端、病亦尋愈、由此兩人日一會於蓮畝、過數日、隨龍宮君往壽吳江王、稱壽已、諸部悉還、獨留晚霞及乳鶯部一人在宮中教舞、數月更無音耗、端悵惘若失、惟解姥日往來吳江府、端托晚霞為外妹、求携去、冀一見之、留吳江門下數日、宮禁森嚴、晚霞苦不得出、怏怏而返、積月餘、痴想欲絕、一日解姥入、悽然相弔、曰惜乎、晚霞投江矣、端大駭、涕

下不能自止、因毀冠裂服、藏金珠而出、意欲相從俱死、但見江水若壁、以首力觸不得入、念欲復還、惧問冠服罪將增重、意計窮蹙、汗流接踵、忽睹壁下有大樹一章、乃猱攀而上、漸至端杪、猛力躍墮、幸不沾濡、而竟已浮水上、不意之中、恍睹人世、遂飄然泅去、移時得岸、少坐江濱、頓思老母、遂趁舟而去、抵里、四顧居廬、忽如隔世、次且至家、忽聞窓中有女子曰、汝子來矣、音聲甚似晚霞、俄與母俱出、果晚霞也、斯時而

人喜勝於悲、而媼則悲疑驚喜、萬狀俱作矣。初晚霞在吳江、覺腹中震動、龍宮法嚴恐旦夕身輓橫、遭挫楚、又不得一見阿端、但欲求死、遂潛投江水、身泛起、沉浮波中、有客舟拯之、問其居里、晚霞故吳名妓、溺水不得其尸、自念衍衍不可復投、遂曰鎮江蔣氏吾婿也、客因代貰扁舟、送諸其家、蔣媼疑其錯悞、女自言不悞、因以其情詳告媼、以其風格韻妙、頗愛悅之、第慮年太少、未必肯終寡也、而女孝謹、顧家中貧、

便脫珍飾售數萬。媼察其志無他，良喜。然無子，恐一旦臨蓐不見信於戚里，以謀女。曰：母但得真孫，何必求人知。媼亦安之。會端至，女喜不自己。媼亦疑兒不死，陰發兒塚，骸骨俱存，因以此詰端。始爽然自悟，但恐晚霞悟其非人，囑母勿復言。母然之，遂告同里，以爲當日所得非兒尸。然終慮其不能生子，未幾竟舉一男，捉之無異常兒。始悅，久之女漸覺阿端非人，乃曰：胡不早言。凡鬼衣龍宮衣七，則魂魄堅凝。

生人不殊矣。若得宮中龍角膠，可以續骨而生肌膚，惜不早購之也。端貨其珠，有賈胡出貲百萬，家由此巨富。值母壽，夫妻歌舞稱觴，遂傳聞王邸。王欲強奪，晚霞端惧，見王自陳，夫婦皆鬼，驗之無影而信，遂不之奪。但遣宮人就別院傳其技。女以龜溺毀容而後見之，教三月，終不能盡其技而去。

白秋練

直隸有慕生，小字蟾宮。商人慕小寰之子，聰慧喜讀。

年十六、翁以文業迂、使去而學賈、從父至楚、每舟中
無事、輒便吟誦、抵武昌、父留居逆旅、守其居積、生乘
父出、執卷哦詩、音節鏗鏘、輒見窓影、憧々似有人窺
聽之、而亦未之異也、一夕翁赴飲、久不歸、生吟益苦、
有人徘徊窓外、月映甚悉、怪之、遽出窺覘、則十五六
傾城之姝、望見生、急避去、又二三日、載貨北旋、暮泊
湖濱、父適他出、有媼入曰、卽君殺吾女矣、生驚問之、
答云、妾白姓、有息女秋練、頗解文字、言在郡城、得聽

清吟、於今結想、至絕眠餐、意欲附為婚姻、不得復拒、生心寔愛好、第慮父嗔、因直以情告、媼不寔信、務求盟約、生不肯、媼怒曰、人世姻好、有求委禽而不得者、今老身自媒、反不見納、耻孰甚焉、請勿想北渡矣、遂去、少間父至、善其詞、以告之、隱與垂納、而父以涉遠、又薄女子之懷春也、笑置之、泊舟處水深沒棹、夜忽沙磧擁起、舟滯不得動、湖中每歲客舟、必有留住守洲者、至次年桃花水溢、他貨未至、舟中物當百倍於

原直也、以故翁未甚憂怪、獨計明歲南來、尚須揭幘、於是留子自歸、生竊喜、悔不詰媼居里、日既暮、媼與一婢扶女郎至、展衣卧諸榻上、向生曰、人病至此、莫高枕作無事者、遂去、生初聞而驚、移燈視女、則病態含嬌、秋波自流、畧致訊詰、嫣然微笑、生強其一語、曰、爲郎憔悴、却羞郎、可爲妾咏、生狂喜、欲近就之、而憐其荏弱、探手於懷、接脰爲戲、女不覺歡然展謔、乃曰、君爲妾三詠王建羅衣夜、之作、病當愈、生從其言、

甫兩過、女攬衣起坐曰、妾愈矣、再讀則嬌顫相和、生神志益飛、遂滅燭共寢、女未曙已起曰、老母將至矣、未幾媼果至、見女凝妝、懽坐、不覺欣慰、邀女去、女俛首不語、媼即自去曰、汝樂與郎君戲、亦自任也、於是生研問居止、女曰、妾與君不過傾蓋之交、婚嫁尚不可必、何須令知家門、然兩人互相愛悅、要誓良堅、女一夜早起挑燈、忽開卷、悽然泪瑩、生急起問之、女曰、阿翁行且至、我兩人事、妾適以卷卜、展之得李益、江

南曲詞意非祥、生慰解之曰、首句嫁得瞿塘賈、即已大吉、何不祥之與有、女乃稍懽、起身作別曰、暫請分手、天明則千人指視矣、生把臂嗚咽、問好事如諧、何處可以相報、曰、妾常使人偵探之、諧否無不聞也、生將下舟送之、女力辭而去、無何慕果至、生漸吐其情、父疑其招妓、怒加詬厲、細審舟中財物、並無虧損、譙訶乃已、一夕翁不在舟、女忽至、相見依依、莫知決策、女曰、低昂有數、且圖目前、姑留君兩月、再商行止、臨

別以吟聲作為相會之約。由此值翁他出，遂高吟，則女自至。四月行盡，物價失時，諸賈無策，歛資禱湖神之廟。端陽後雨水大至，舟始通。生既歸，凝思成疾，慕憂之。巫醫並進，生私告母曰：「病非藥禱可痊，惟有秋練至耳。」翁初怒之，久之支離益憊，始惧，賃車載子復如楚，泊舟故處，訪居人，並無知白媼者。會有媼操柁湖濱，即出自任。翁登其舟，窺見秋練，心竊喜，而審詰邦族，則浮宇泛宅而已。因寔告子病由，媼女登舟，姑

以解其沉痾。媼以婚無成約，弗許。女露半面，殷々窺聽。聞兩人言，皆泪欲墮。媼視女面，因翁哀請，即亦許之。是夜翁出，女果至。就榻鳴泣曰：「昔年妾狀，今到君耶？此中況味，要不可不使君知。然羸頓如此，急切何能便瘳？妾請爲君一吟，生亦喜。」女亦吟王建前作，生曰：「此卿心事。」醫二人何得效？然聞卿聲，神已爽矣。試爲我吟楊柳千條盡向西。女從之。生贊曰：「快哉！卿昔誦詩餘，有采蓮子云：菡萏香蓮十頃波，心尚未忘煩。」

一曼聲度之。女又從之。甫闌，生躍起曰：「小生何嘗病哉！遂相狎抱，沉疴若失。既而問父見媼何詞，事得諧否。」女已察知翁意，直對不諧。既而女去，父來見生，已起喜甚，但慰勉之。因曰：「女子良佳，然自搃角時把柁，權歌無論微賤，抑亦不貞。生不語。」翁既出，女復來，生述父意。女曰：「妾窺之審矣。天下事愈急則愈遠，愈迎則愈距。當使意自轉，反相求。」生問計。女曰：「凡商賈志，在利耳。妾有術知物價，適視舟中物，並無少息，為我

告翁、居某物利三之、某物十之、婦家妾言驗、則妾為佳婦矣、再來時君十八、妾十七、相歡有日、何憂為、生以所言物價告父、頗不信、姑以餘貲半從其教、既歸、所自置貨、貲本大虧、幸少從女言、得厚息畧相準、以是服秋練之神、生益誇張之、謂女自言能使已富、翁於是益揭貲而南、至湖數日、不見白媼、過數日、始見其泊舟柳下、因委禽焉、媼悉不受、但涓吉送女過舟、翁另賃一舟為子合、娶女、乃使翁益南、所應居貨

悉籍付之。媼乃邀婿去。家於其舟。翁三月而返。物至楚。價已倍蓰。將歸。女求載湖水。既歸。每食必加少許。如用醢醬焉。由是每南行。必為致數罈而歸。後三四年。舉一子。一日涕泣思歸。翁乃偕子及婦俱如楚。至湖。不知媼之所在。女扣舷呼母。神形喪失。促生沿湖問訊。會有釣鱖鯉者。得白鱖。生近視之。巨物也。形全類人。乳陰畢具。奇之。歸以告女。女大駭。謂風有放生願。囑生贖放之。生往商釣者。釣者索直昂。女曰。妾在

君家謀金不下巨萬區、者何遂斬直也、如必不從、妾即投湖水死耳、生惧、不敢告父、盜金贖放之、既反、不見女、搜之不得、更盡始至、問何往、曰適至母所、問母何在、覩然曰、今不得不寔告矣、適所贖即妾母也、向在洞庭、龍君命司行旅、近宮中欲選嬪妃、妾被浮言者所稱道、遂勅妾母坐相索、妾母寔奏之、龍君不聽、放母於南濱、餓欲死、故罹前難、今難雖免、而罰未釋、君如愛妾、代禱真君可免、如以異類見憎、請以兒

擲還君。妾自去。龍宮之奉。未必不百倍君家也。生大驚。慮真君不可得見。女曰。明日未刻。真君當至。見有跛道士。急拜之。入水亦從之。真君喜文士。必合憐允。乃出魚腹紗一方曰。如問所求。即出此求書一免字。生如言候之。果有道士蹙蹙而至。生伏拜之。道士急走。生從其後。道士以杖投水。躍登其上。生竟從之而登。則非杖也。舟也。又拜之。道士問何求。生出羅求書。道士展視曰。此白鱗翼也。子何遇之。蟾宮不敢隱。詳

陳巖末道士笑曰、此物殊風雅、老龍何得荒淫、遂出
筆草書、免字如符形、返舟令下、則見道士踏杖浮行、
頃刻已渺、婦舟女喜、但囑勿洩於父母、婦後二三年、
翁南游數月不歸、湖水既罄、久待不至、女遂病、日夜
喘急、囑曰、如妾死勿瘞、當於卯午酉三時、一吟杜甫
夢李白詩、死當不朽、候水至、傾注盆內、閉門緩妾衣、
抱入浸之、宜得活、喘息數日、奄然遂斃、後半月、慕翁
至、生急如其教、浸一時許、女漸甦、自是每思南旋、後

翁死，生從其意，遷於楚。

王者

湖南巡撫某翁，遣州佐押解餉金六十萬赴京。途中被雨，日暮愆程，無所投宿，遠見古剎，因詣棲止。天明視所解金，蕩然無存，眾駭怪，莫可取咎。回白撫公，以為妄，將置之法。及詰眾役，並無異詞。公責令仍返故處緝察端緒。至廟前，見一瞽者，形貌奇異，自榜云：能知心事。因求卜筮，瞽曰：是為失金者。州佐曰：然，因

訴前苦。瞽者便索肩輿，云但從我去，當自知。遂如其言。官役皆從之。瞽曰：東之，曰北之，凡五日，入深山，忽睹城郭，居人輻輳，入城走移時。瞽曰：止。因下輿，以手南指，見有高門西向，可歛關。自問之，拱手自去。州佐從其教，果見高門，漸入之。一人出，衣冠漢制，不言姓名。州佐訴所自來，其人云：請留數日，當與君謁當事者。遂導去，令獨居一所，給以食飲，暇時閒步至第後，見一園亭，入涉之。老松翳日，細草如毡，數轉廊

榭又一高亭。歷階而入。見壁上掛人皮數張。五官俱備。腥氣流重。不覺毛髮森豎。疾退歸舍。自分留犴異域。已無生望。因念進退一死。亦姑聽之。明日衣冠者召之去。曰。今日可見矣。州佐唯々。衣冠者乘怒馬甚駛。州佐步馳從之。俄至一轅門。儼如制府衙署。皂衣人羅列左右。規模凜肅。衣冠者下馬導入。又一重門。見有王者。珠冠繡紱。南面坐。州佐趨上伏謁。王者問汝湖南解官耶。州佐諾。王者曰。銀俱在此。是區々者。

汝撫君即慨然見贈、未為不可、州佐泣訴限期已滿、
歸必就刑、稟白何所申証、王者曰、此即不難、遂付以
巨函、云以此復之、可保無恙、又遣力士送之、州佐惴
息不敢辨、受函而返、山川道路悉非來時所經、既出
山、送者乃去、數日抵長沙、敬白撫公、益妄之、怒不
容辨、命左右飛索以縶、州佐解襖出函、公拆視未竟、
面如灰土、命釋其縛、但云銀亦細事、汝姑出、於是急
檄屬官、設法補解訖、數日公疾尋卒、先是公與愛姬

共寢既醒而姬髮盡失闔署驚怪莫測其由蓋函中
即其髮也外有書云汝自起家守令位極人臣賕賂
貪婪不可悉數前銀六十萬業已驗收在庫當自發
貪囊補充舊額解官無罪不得妄加譴責前取姬髮
畧示微警如復不遵教令旦晚取汝首領姬髮附還
以作明信公卒後家人始傳其書後屬員遣人尋其
處則皆重岩絕壑更無徑路矣

異史氏曰紅線金合以儆貪婪良亦快異然桃源

仙人不事劫掠、即劍客所集、烏得有城郭衙署哉、
嗚呼、是何神與、苟得其地、恐天下之赴愬者無已
時矣、

外國人

己巳秋、嶺南從外洋飄一巨艘來、上有十一人、衣鳥
羽、文采璀璨、自言呂宋國人、遇風覆舟、數十人皆死、
惟十一人附巨木、飄至大島、得免、凡五年、日攫鳥蟲
而食、夜伏石洞中、織羽為帆、忽又飄一舟至、櫓帆皆

無亦海中破於風者，於是附之將還，又被大風引澳門，巡撫題疏送之還國。

蝎客

南商販蝎者，歲至臨朐，收買甚多，土人持木鉗入探穴發石搜捉之，一歲復至，寓於客肆，忽覺心動，髮森悚，急告主人曰：傷生既多，今見怒於蠱鬼，將我矣，急垂援救。主人顧室中有巨甕，乃使蹲伏而甕覆之，無何一人奔入，黃髮獐醜，便問主人：南客

在。答以他出。其人入室四顧。鼻作嗅聲者三。遂出門去。主人幸可無恙矣。往啟篋。則客已化血水。

鳥使

苑城史烏程家居。忽有鳥集屋上。香色類鴉。史見之。告家人曰。夫人遣鳥使告我矣。急備後事。某日當死。至日果卒。殯日鴉復至。隨柩緩飛。由苑之新。至殯宮。始不復見。長山吳木欣目睹之。

李象先

李象先、壽光之聞人也。前世為某寺執爨僧，無疾而化。魂出棲坊上，下見市上行人，皆有火光出顛上，蓋體中陽氣也。夜既昏，念坊上不可久居，但諸舍暗黑，不知所之。惟一家燈火猶明，飄赴之。到門，則身已嬰兒。母乳之，見乳，恐惧，腹不勝飢，閉目強吮，踰三月餘，即不復乳。之則驚惧而啼，母以米瀋間夾栗雜哺之，得以長成。是為象先。見時至某寺，見寺僧皆能呼其名，至老猶畏乳。

異史氏曰、象先學問淵博、海岱之清士、其子早貴、而身以文學終、此佛家所云福業未修者耶、其弟亦知名士、生有隱疾、數月始一動、時急起、不顧賓客、自外呼而入、於是媼婢盡避、使及門復痿、則不入室而返、兄弟皆奇人也、

獅子

暹羅貢獅、每止處觀者如堵、其形狀與世傳繡畫者迥異、毛黑黃色、長數寸、或投以雞、先以爪搏而吹之、

一吹則毛盡落如掃亦事理之奇也

蛙曲

王子冥言在都時曾見一人作劇於市携木盒作格凡十有二孔每孔伏蛙以細杖猷其首輒哇然作鳴或與金錢則亂擊蛙頂如拊雲鑼宮商詞曲了可辨

聊齋誌異卷之二十二

般陽蒲松齡柳泉甫著

陳雲棲

真毓生、楚夷陵人、孝廉之子、能文、美丰姿、弱冠知名、
兒時相者曰、後當娶女道士為妻、父母共以為笑、而
為之論婚、低昂苦不能就、生母臧夫人、祖居黃岡、生
以故詣外祖母、聞時人語曰、黃岡四雲、少者無倫、蓋
郡有呂祖庵、中女道士皆美、故云、庵去臧氏村僅

十餘里、生因竊往、扣其關、果有女冠三四人、謙喜承迎、度皆雅潔、中一最少者、曠世真無其儔、心好而目注之、女以手支頤、但他顧、諸道士覓瓊烹茶、生乘間問姓字、答云雲棲、姓陳、生戲曰、奇矣、小生適姓潘、陳頽顏發頰、低頭不語、起而去、少間瀹茗進佳菓、各道姓字、一白雲深、年三十許、一盛雲眠、二十已來、一梁雲棟、約廿有四五、却為弟、而雲棲不至、生殊悵惘、因問之、白曰、此婢惧生人、生乃起別、白力挽之、不留而

出、白曰、如欲見雲棲、明日可復來、生歸、思戀綦切、次日又詣之、諸道士俱在、獨少雲棲、未便遽問、諸道士治具留餐、生力辭、不聽、白拆餅授箸、勸進良殷、既問雲棲何在、答云、自至、久之、日勢已晚、生欲歸、白捉腕留之、曰、姑止此、我捉婢子來奉見、生乃止、俄挑燈具酒、雲眠亦去、酒數行、生辭以醉、白曰、飲三觥則雲棲出矣、生果飲如數、梁亦以此訣勸之、生又盡之、覆瓿告辭、白頷梁曰、吾等面薄、不能勸飲、汝往曳陳婢來、

便道潘郎待妙常已久。梁去少時而返。具言雲棲不至。生欲去而夜已深。乃佯醉仰臥。兩人代裸之。逶迤就淫焉。終夜不堪其擾。天既明。不睡而別。數日不敢復往。而心念雲棲不忘也。但不時於近側探偵之。一日既暮。白出門與少年去。生喜不甚。畏梁急往。歛關。雲眠出應門。問之。則梁亦他適。因問雲棲。盛導去。又入一院。呼曰。雲棲客至矣。但見室門闌然而閣。盛笑曰。扉閉矣。生立窗外。似將有言。盛乃去。雲棲隔窓曰。人

皆以妾為餌釣君也。頻來則身命殆矣。妾不能終守清規。亦不敢遂乖廉恥。欲得如潘郎者而事之耳。生乃以白頭相約。雲棲曰。妾師撫養。即亦非易。果相見。愛當以廿金贖妾身。妾候君三年。如望為桑中之約。所不能也。生諾之。方欲自陳。而盛復至。從與俱出。遂別而歸。中心怊悵。思欲委曲夤緣。再一親其嬌範。適有家人報父病。遂星夜而還。無何孝廉卒。夫人庭訓最嚴。心事不敢使知。但尅減金貨。日積之。有議婚者。

輒以服闋為辭，母不聽。生婉告曰：「曩在黃岡，外祖母欲兒婚陳氏，誠心所願。今遭大故，音耗遂梗，久不如黃省問。旦夕一往，如不果偕，從母所命。」夫人許之。乃携所積而去。至黃，詣庵中，則院宇荒涼，大異疇昔。漸入之，惟一老尼炊灶下。因就問訊。尼曰：「前年老道士死，四雲星散矣。問何之？」曰：「雲深雲棟從惡少遁去，向聞雲棲寓居郡北，雲眠消息不知也。」生聞之，悲嘆。命駕即詣郡北，遇觀輒詢，並少踪緒。悵恨而返，偽告母。

曰、舅言陳翁如岳州、待其歸、當遣伴來、踰半年、夫人歸寧、以事問母、殊茫然、夫人怒子誑、媼疑甥與舅謀、而未以聞也、幸舅遠出、莫從稽其妄、夫人以香愿登蓮峯、齋宿山下、既卧、逆旅主人扣扉、送一女道士寄宿同舍、自言陳雲棲、聞夫人家夷陵、移座就榻、告訴坎坷、詞旨悲惻、末言有表兄潘生、與夫人同籍、煩囑子侄輩一傳口語、但道某暫寄棲鶴觀、師叔王道成所、朝夕厄苦、度日如歲、令早一臨存、恐過此以往、

未之或知也。夫人審潘名字，即又不知，但云既在學宮，秀才輩想無不聞也。未明早別，殷々再囑。夫人既歸，向生言及生長，跽曰：寔告母，所謂潘生，即兒是也。夫人詰知其故，怒曰：不肖子宣淫寺觀，以道士為婦，何顏見親賓乎？生垂頭不敢出詞。會生以赴試入郡，竊命舟訪王道成，至則雲棲半月，前出遊不返。既歸，悵々而病，適臧媪卒，夫人往奔其喪，殯後迷途，至京氏家，問之，則族妹也，便相邀入，見有少女在室，年可

十八九、姿容曼妙、目所未睹、夫人每思得一佳婦、俾子不懟、見女心動、因詰生平、妹云、此王氏女、京氏甥也、怙恃俱失、暫寄此耳、問婿家誰、曰無之、把手與語、意致嬌婉、母大悅、為之過宿、私以已意告妹、曰良佳、但其人高自位置、不然、胡蹉跎至今也、容商之、夫人招與同榻、談笑甚歡、自願母夫人、夫人悅、請同歸、荆州女益喜、次日同舟而還、既至、則生疾未起、母欲慰其沉疴、使婢陰告曰、夫人為公子載麗人至矣、生

未信、伏窓窺之、較雲棲尤艷絕也、因念三年之約已過、出遊不返、則玉容必已有主、得此佳麗、心懷頗慰、於是驟然動色、病亦尋瘳、母乃招兩人相拜見、生出夫人謂女亦知我同歸之意乎、女微笑曰、妾已知之、但妾所以同歸之初、志母不知也、妾少字夷陵潘氏、音耗濶絕、必已另有良匹、果爾則為母也、婦不爾則終為母也、女報母有日也、夫人曰、既有成約、即亦不强、但前在五祖山時、有女冠問潘氏、今又云潘氏固

知夷陵世族無此姓也、女驚曰、卧蓮峯下者即母
詢潘者即我是也、母始恍然悟、笑曰、若然、則潘生
在此矣、女問何在、夫人命婢導去、問生、驚曰、卿
棲耶、女問何知、生言其情、始知以潘郎為戲、女知
生羞與終談、急返告母、問其何復姓王、答云、妾
姓王、道士見愛、遂以為女、從其姓耳、夫人亦喜、涓
為之成禮、先是女與雲眠俱依王道成、道成居隘
眠遂去之漢口、女嬌痴不能作苦、又羞出操、道士

道成頗不善之。會舅京氏如黃岡，女遇之流涕，因與俱去。俾改女子妝，將論婚士族，故諱其曾隸道士籍，而問名者女輒不願。舅及姪皆不知其意向，心厭嫌之。是日從夫人歸，得所托，如釋重負焉。合卺後各述所遭，喜極而泣。女孝謹，夫人雅憐愛之，而彈琴好奕，不知理家人生業。夫人頗以為憂，積月餘，夫人遣夫妻如京氏，留數日而歸。泛舟江流，歛一舟遇中一女冠，近之則雲眠也。雲眠獨與女善，女喜，招與同舟，相

對酸辛、問將何之、盛云、久切懸念、遠至棲鶴觀、聞依
京舅、故將詣黃岡、一奉探耳、竟不知意中人已得相
聚、今視之如仙、剩此漂泊人、不知何時已矣、因而歎
歎、女設一謀、令易道妝、偽作姊、携伴夫人、徐擇佳偶、
盛從之、既歸、女先白夫人、盛乃入、舉止大家、談笑間、
練達世故、母既寡苦寂、得盛良歡、惟恐其去、盛早起、
代母劬勞、不自作客、母益喜、陰思納女姊、以掩女冠
之名、而未敢言也、一日忘某事未作、急問之、則盛代

備已久、因謂女曰、畫中人不能作家、亦復何為、新婦若大娘者、吾無憂矣、不知女存心久、但惧母嗔、聞母言、笑對曰、母既愛之、新婦欲效英皇何如、母不言、亦輟然笑、女退告生曰、老母首肯矣、乃另潔一室、告盛曰、昔在觀中共枕時、姊言但得一能知親愛之人、我兩人當共事之、猶憶之否、盛不覺双背瑩瑩、曰、妾所謂親愛者非他、如日、經營、曾無一人知其甘苦、數日來畧有微勞、即煩老母恤念、則心中冷暖頓殊矣、

若不下逐客令、俾得長伴老母、於願斯足、亦不望前言之踐也、女告母、令姊妹焚香、各矢無悔詞、乃使生與行夫婦禮、將寢、告生曰、妾乃二十三歲老處女也、生猶未信、既而落紅殷褥、始竒之、盛曰、妾所以樂得良人者、非不能甘岑寂也、誠以閨閣之身、覩然酬應如枸欄所不堪耳、借此一度、掛名君籍、當為君奉事老母、作內紀綱、若房幃之樂、請別與人探討之、三日後、襖被從母、遣之不去、女早之母所、占其床寢、不

得已乃從生去。由是三兩日輒一更代。習為常。夫人故善奕。自寡居不暇為之。自得盛經理井。晝日無事。輒與女奕。挑燈淪茗。聽兩婦彈琴。夜分始散。每與人曰。兒父在時。亦未能有此樂也。盛司出納。每記籍報母。疑曰。兒輩常言幼孤。作字彈琴。誰教之。女笑以寔告。母亦笑曰。我初不欲為兒娶一道士。今竟得兩矣。忽憶童時所卜。始信定數不可逃也。生再試不第。夫人曰。吾家雖不豐。薄田三百畝。幸得雲眠紀理。

日益溫飽、兒但在膝下、率兩婦與老身共樂、不願汝求富貴也、生從之、後雲眠生男女各一、雲棲女一男三、母八十餘歲而終、孫皆入泮、長孫雲眠所出、已中鄉選矣、

織成

洞庭湖中往、有水神借舟、遇有空船、纜忽自解、飄然遊行、但聞空中音樂並作、舟人蹲伏一隅、瞑目聽之、莫敢仰視、任所往、遊畢仍泊舊處、有柳生落第歸、

醉卧舟上、笙樂忽作、舟人搖生不得醒、急匿艙下、俄有人摔生、醉甚、随手墮地、眠如故、即亦置之、少間、鼓吹鳴聒、生微醒、聞蘭麝充盈、睨之、見滿船皆佳麗、心知其異、目若瞑、少間傳呼織成、即有侍兒來立近、頰際翠襪、紫綃履、細瘦如指、心好之、隱以齒嚙其襪、少間女子移動、牽曳傾踣、上問之、因白其故、在上者怒、命即行誅、遂有武士入、捉縛而起、見南面一人、冠服類王者、因行且語曰、聞洞庭君為柳氏、臣亦柳氏、

昔洞庭落第、今臣亦落第、洞庭得遇龍女而仙、今臣
醉戲一姬而死、何幸不幸之懸殊也、王者聞之、喚回、
問汝秀才下第者乎、生諾、便授筆扎、令賦風鬟霧鬋、
生固襄陽名士、而構思頗遲、捉筆良久、上誚讓曰、名
士何得爾、生釋筆自白、昔三都賦十稔而成、以是知
文貴工而不貴速也、王者笑聽之、自辰至午、稿始脫、
王者覽之、大悅曰、真名士也、遂賜以酒、頃刻異饌紛
紜、方問對間、一吏捧簿進曰、溺籍告成矣、問人數幾

何曰一百二十八人問竈差何人矣答云毛南二尉生起拜辭王者贈黃金十斤又水晶界方一握曰湖中小有劫數持此可免忽見羽葆人馬紛立水面王者下舟登輿遂不復見久之寂然舟人始自艍下出蕩舟北渡風逆不得前忽見水中有鉄猫浮出舟人駭曰毛將軍出現矣各舟商客俱伏無何湖中一木直立築々動搖益惧曰南將軍又至矣少時波浪大作上翳天日四顧湖舟一時盡覆生舉界方危坐舟

中萬丈洪濤、近舟頓滅、以是得全、既歸、每向人語其
異、言舟中侍兒、雖未悉其容貌、而裙下雙鉤、亦人世
所無、後以故至武昌、有崔媪賣女、千金不售、蓄一水
晶界方、言有能配此者、嫁之、生異之、懷界方而往、媪
忻然承接、呼女出見、年十五六已來、媚曼風流、更無
倫比、畧一展拜、反身入幃、生一見、魂魄動搖、曰、小生
亦蓄一物、不知與老姥家所藏頗相稱否、因各出相
較、長短不爽、媪喜、便問寓所、請生即歸、命與界方留

作信、生不肯留、媼笑曰、官人亦大小心、老身豈為一
界方抽身竄去耶、生不得已留之、出即賃輿急返、而
媼室已空、大駭、徧問居人、迄無知者、日已向西、燥燠
若喪、悵々而返、中途值一輿過、忽褰簾曰、柳郎來何
遲也、視之則崔媼、喜問何之、媼笑曰、必將疑老身掠
騙者矣、別後適有便輿、頓念官人亦僑居、措辦亦艱、
故遂送女歸耳、生邀同車、媼必不可、生愴惶不能確
信、急奔入舟、女果及一婢在焉、見生入、含笑承迎、見

翠襪紫履、與舟中侍兒粧飾更無少別、心異之、徘徊
凝注、女笑曰、眈眈注目、生平所未見耶、生益俯窺之、
則襪後齒痕宛然、驚曰、卿織成耶、女掩口微哂、生長
揖曰、卿果神人、早請直言、以祛煩惑、女曰、寔告君、前
舟中所遇、即洞庭君也、仰慕鴻才、便欲以妾相贈、因
妾過、為王妃所愛、故歸謀之、妾之來、從妃命也、生喜、
沐手焚香、望湖朝拜、乃歸、後詣武昌、女求同去、將便
歸寧、既至洞庭、女拔釵擲水、忽見一小舟自湖中出、

女躍登如鳥飛集，轉瞬已渺。生坐船頭，於沒處凝盼之。遙見一樓船至，既近，窓開，忽如一彩禽翔過，則織成至矣。一人自窓中遙擲金帛珍物甚多，皆妃賜也。自是歲一兩覲，以為常。故生家富有珠寶，每出一物，世家所不識焉。

相傳唐時柳毅遇龍女，洞庭君以為婿，後遜位於毅，又以毅貌文，不能攝服水怪，付以鬼面，晝戴夜除，久之漸習，忘除，遂與面合為一。毅攬鏡自慙，故

行旅泛湖、或以手指物、則疑為指已、以手覆額、則疑其窺已也、風波輒起、舟多覆故、初登舟、人必以此告戒之、不則設牲牢祭享、乃得渡、許真君偶至湖、浪阻不得行、真君怒、執毅付郡獄、吏撿囚、恒多一人、莫測其故、一夕毅示夢郡伯、哀求拔救、郡伯以幽冥異路謝辭之、毅云、真君於某日臨境、但為求懇、必合有濟、既而真君果至、因代求之、遂得釋、嗣後湖禁稍平、

竹青

魚容湖南人、談者忘其郡邑、家素貧、下第歸、資斧斷絕、羞於行乞、餓甚、暫憩吳王廟中、因以憤懣之詞拜禱神座、出卧廊下、忽一人引去見吳王、跪白、黑衣隊尚缺一卒、可使補缺、吳王可、即授黑衣、既著、身化為鳥、振翼而出、見鳥羣集、相將俱去、分集帆檣、舟上客旅爭以肉餌拋擲、群於空中接食之、因亦尤效、須臾果腹、翔棲樹梢、意亦甚得、踰二三日、吳王憐其無偶、

配以雌呼之竹青雅相愛樂魚每取食輒馴無機竹
青恒勸諫之卒不能聽一日有滿兵過彈之中胸幸
竹青啣去之得不被擒羣鳥怒鼓翼擲波湧起每
盡覆竹青乃攝餌哺魚、傷甚終日而斃忽如夢醒
則身卧廟中先是居人見魚死不知誰何撫之未冰
故不時以人邏察之至是訊知其由歛貨送歸後三
年復遇故所叅謁吳王設食喚鳥、下集群唱乃祝
曰竹青如在當止食已並飛去後領薦婦復謁吳王

導所指處往尋墓，果得之，叢蘆其上，數之適符其數。恍然悟盧十兄之稱，皆其寓言，所遇乃其父之魂也。細問土人，則二十年前有高翁，富而好善，水中溺者，皆拯其尸而埋之，故有數墳在焉。遂發塚負骨，棄官而返，歸告祖母，質其狀貌，皆確。江西杜野侯，乃其表兄，年十九溺於江，後其父流寓江西，又悟杜夫人沒後，葬竹橋之西，故詩中憶之也，但不知叟何人耳。

王桂菴
子寄生附

王穉字桂菴、大名世家子、適南游、泊舟江岸、臨舟有
榜人女、綉履其中、風姿韻絕、王窺瞻既久、女若不覺、
王朗吟洛陽女兒對門居、故使女聞、女似解其為已
者、畧舉首一斜瞬之、俯首綉如故、王神志益馳、以金
鍼一枚遙投之、墮女襟上、女拾棄之、若不知為金也、
者、金落岸邊、王拾歸、益怪之、又以金釧擲之、墮足下、
女操業不顧、無何榜人自他歸、王恐其見釧研詰、心
頗急、女從容以雙鉤覆蔽之、榜人解纜、順流逕去、王

心情喪惘、痴坐凝思、時王方娶而喪偶、悔不即媒定之、乃詢諸舟人、並不識其何姓、乃返舟急追之、目力既窮、杳不知其所往、不得已返舟而南、務畢北旋、又沿江細訪、並無音耗、至家寢食皆縈念之、踰年復南、買舟江際、若家焉、日、細數行舟往來者、帆楫皆熟、而曩舟殊杳、居半年、貲罄而歸、行思坐想、不能少置、一夜夢至江村、過數門、見一家柴扉南向、門內踈竹為籬、意是園亭、逕入之、有夜合一株、紅絲滿樹、隱念

達漢水、迴翔下視、見孤嶼中有樓舍一簇、遂飛墮、有
婢子已望見之、呼曰、官人至矣、無何竹青出、命衆手
為之緩結、覺羽毛劃然盡脫、握手入舍曰、即來恰好、
妾旦夕臨蓐矣、生戲問曰、胎生乎、卵生乎、女曰、妾今
為神、則皮骨已更、應與曩異、至數日果產、胎衣厚裹、
如巨卵然、破之男也、生喜、名之漢產、三日後漢水神
女皆登堂、以服食珍物相賀、並皆佳妙、無三十以上
人、俱入室就榻、以拇指按兒鼻、名曰增壽、既去、生問

皆誰何。女曰：「此皆妾輩，其末後着藕白者，所謂漢皋解珮，即其人也。」居數月，女以舟送之，不用帆楫，飄然自行，抵陸，已有人繫馬道左，遂歸。由此往來不絕。後數年，漢產益秀美，生珍愛之。妻和氏苦不育，每思一見漢產，生以情告女，乃治任，送兒從父歸，約以三月。既歸，和愛之過於已出。過十餘月，不忍令返。一日暴病而殤，和氏悼痛欲死。生乃詣漢告女，入門則漢產赤足卧床上，喜以問女。女曰：「君久負約，妾思兒故。」

招之也、生因述和氏愛兒之故、女曰、待妾再育、放漢
產婦、又年餘、女双生男女各一、男名漢生、女名玉珮、
生遂携漢產婦、然歲恒三四往、不以為便、因移家漢
陽、漢產十二歲入郡庠、女以人間無美質、招去為之
娶、婦始遣歸、婦名卮娘、亦神女產也、後和氏卒、漢生
及妹皆來躡踊、葬畢、漢生遂留、生携玉珮去、自此不
返、

段氏

段瑞環大名之富翁也、四十無子、妻連氏又最妬、欲買妾而不敢、私一婢、連覺之、撻婢數百、鬻諸河間樂氏之家、段日益老、諸姪朝夕乞貸、一言不相應、怒徵聲色、段思不能給其求、而欲嗣一姪、則羣姪阻撓之、連之悍亦無所施、始大悔、忿曰、翁年六十餘、安得不生男、遂買兩妾、聽夫臨幸、不之問、居年餘、二妾皆有娠、舉家皆喜、於是氣息漸舒、凡諸姪有所強取、輒惡聲梗拒之、無何一妾生女、一妾生男而殤、夫妻失

望、漫冀將來而已。又年餘，段中風不起。諸姪益肆，牛馬什物競自取去。連詬斥之，輒反唇相激，無所爲計。朝夕嗚哭，段由是病益劇，尋死。諸姪集柩前，議析遺產。連雖痛切，然不能禁止之。但留沃野一所，贍養老稚。姪輩不肯，連曰：「汝等寸土不留，將令老嫗及呱呱者餓死耶？」日不決，惟恣哭自捶。忽有客入弔，直趨靈前，俛仰盡哀，已便就。苦次，衆不知其誰，詰之。客曰：「亡者吾父也。」衆益駭。客始從容自陳，先是婢嫁樂氏。

踰五六月生子懷樂撫之等諸男十八歲入泮後樂卒諸兄析產置不與諸樂齒懷問母始知其故曰既屬兩姓各有宗祧何必在此承人百畝田哉乃命騎詣段而段已死言之鑿、確可信據連方忿痛聞之大喜直出曰我今亦復有兒諸所假去牛馬什物可好自送還不然有訟興也諸姪相顧無色漸引去懷乃移妻來共居父憂諸段不平共謀逐懷、知之曰樂不以為樂段復不以為段我安適歸乎忿欲質官

諸戚黨為之排解，群謀亦寢。而連以牛馬故不肯已，懷勸置之，連曰：「我非為牛馬也，雜氣積滿胸，汝父以憤死，我所以吞聲忍泣者，為無兒耳。今有兒，何畏哉？」前事汝不知，狀待予自質審，懷固止之，不聽。具詞赴邑宰，拘諸段口對狀，連氣直詞慄，吐陳泉湧，宰為動容，並懲諸段，追物給主。既歸，其兄弟之子有不與黨謀者，招之來，以所追物盡散給之。連七十餘歲，將終，呼女及孫息曰：「汝等誌之，如三十不育，便當典質。」

釵珥為婿納妾無子之情狀難堪也。

異史氏曰連氏雖妬而能疾轉宜天以有後伸其氣也觀其慷慨激發吁亦傑哉。

濟南蔣稼其妻毛不育而妬嫂每勸諫之毛不聽曰寧絕嗣不令送眼流眉者忿氣人也年近四旬頗以嗣續為念欲繼兄子弟與兄言兄諾婦與嫂言嫂亦諾然故悠忽之兄每至叔所夫妻曲意撫兒餌以甘脆而問之曰肯來吾家乎兄亦應之兄

私囑兒曰、倘再問答、以不肯、如問何故不肯、答云、待汝死後、何愁田產不為吾有、一日稼遠出行賈、兒至其家、毛又問兒果對如父教、毛大怒、逐兒曰、妻孥在家、固日、笑吾田產耶、其計左矣、急不能待、夫婦立招媒媼為夫買妾、時有賣婢者、其直昂、傾貲不能取盈、勢將不就、兄恐其遲焉而悔、竊以金付媒媼、偽為媼所轉貸者、毛大喜、購婢而歸、稼既還、毛以情告、稼亦忿、遂與兄絕、年餘妾生子、夫

妻共喜。毛曰：媼不知假貲何人，年餘竟不置問。此德不可忘，豈子已生，尚不償母價耶？稼乃囊金詣媼，曰：當謝大官人，無謝老身矣。老身貧如水，誰貸一金者？因以寔告。稼始悟，歸與妻言，相為感泣。遂治具邀兄至，夫婦皆膝行，出金償兄，不受。盡歡而散。後稼生三子。

狐女

伊家九江人，夜有女來，相與寢處，心知為狐，而戀其

美諱不告人、即父母不知也、久之形體支離、父母始窮其故、伊寔告之、父母大憂、使人更代伴寢、兼施勅勒、卒不能禁、翁自與同寢、則狐不至、易以他人、則又至、伊問之、狐曰、世俗符咒、何能斬我、然俱有倫理、豈有對翁行淫者、翁聞之、益伴子不去、狐遂絕、後值叛寇橫恣、村人盡竄、一家相失、伊奔入崑崙山、四顧荒涼、又無同侶、日既暮、心益惴恐、忽見一女子來、謂是避難者、急近就之、則狐女也、離亂之中、相見忻慰、女

曰、日已西下、勢無復之、君姑止此、我相佳地、暫創一室、以避虎狼、乃北行數武、遂蹲莽中、不知何作、少刻返、握伊手南去、約十餘步、又曳之回、忽見大樹千章、遶一高亭、銅牆鉄柱、頂類金箔、近視則牆可及肩、四週並無門戶、而牆上密排坎窞、女以足踏之、而過、伊亦從之、既入、疑金屋、非人工可造、因問所自來、女笑云、君自居之、明日即以相贈、金鉄各千萬計、半生吃著不盡矣、既而告別、伊苦留之、乃止、曰、被人厭棄、已

拚永絕、今又不能自堅矣、既醒、狐女不知何時已去、天明踰垣而出、回視卧處、並無亭屋、惟四針插指環內、覆脂合其上、大樹則叢荆老棘也、

張氏婦

凡大兵所至、其害甚於盜賊、盜賊人猶得而仇之、兵則人所不敢仇也、其少異於盜者、惟不甚敢輕於殺人耳、甲寅歲、三逆作亂、南征之士、養馬充郡、雞犬廬舍一空、婦女皆被淫污、時遭霪雨、田中潴水為湖、民

無所匿，遂乘桴入高梁叢中。兵知之，裸體乘馬入水，冥搜撈掠奸淫，鮮有遺脫。惟張氏婦獨不伏，公然在家中，有厨舍一間，夜與夫掘坎深數尺，積茅馬，覆以薄，加席其上，若可寢處。自炊灶下，有兵至，則出門應之。二蒙古兵強與淫，婦曰：「此等事豈對人可行者？」其一微笑，啁噉而出，婦與入室，指席使先登，薄折兵陷，婦又另取席及薄覆其上，故立坎邊以誘來者。少間，其一復入，聞坎中號，不知何處，婦以手笑招之，曰：「在

此矣、兵踏席又陷、婦乃益投以薪、擲火其中、火大熾、屋焚、婦乃呼救、火既熄、燔尸焦臭、或問之、婦曰、兩豕恐害於兵、故納坎中耳、由此離村數里、相大道旁、並無樹木處、携女紅往坐、烈日中、村去即遠、兵來率乘馬、頃刻數至、笑語啁啾、雖多不解、大約調弄之語、而去道不遠、無一物可以蔽身、輒去、數日無恙、一日、一兵至、殊無少耻、欲就婦、烈日中、婦含笑不甚拒、而隱以刺其馬、輒噴嘶、兵遂繫馬股際、然後擁婦、出

巨錐猛刺馬項，馬負痛駭奔，鞭繫股不得脫，曳馳數十里，同伍始代捉之，首軀不知何處，鞭上一股儼然在焉。

異史氏曰：巧計六出，不失身於悍兵，賢哉婦乎！慧而能貞。

于子游

海濱人言：一日海中忽有高山聳出，居人駭異。一秀才寄宿漁舟，沽酒獨酌，夜既深，一少年入，儒服儒冠，

自稱于子游、言詞風雅、秀才悅、便與歡飲、中夜離席言別、秀才曰、君家何許、元夜茫茫、亦太自苦、答云、僕非不欲盤桓、但以序近清明、將隨大王上墓、眷口先行、大王姑留憇息、明日辰刻發矣、宜早治任也、秀才亦不知大王何人、送至艤首、躍身入水、撥刺而去、乃知為魚之妖也、次日辰刻、見山峯浮動、頃刻已沒、始知山為大魚、即所云大王也、俗傳清明前海中大魚携兒女往拜其墓、信有之乎、

康熙初萊郡潮出大魚鳴號數日其聲如牛既死荷担割肉者一道相屬魚大盈畝翅尾皆備獨無目珠眶深如井水滿之割肉者誤墮其中輒溺死或云海中貶大魚則去其目以目則夜光珠云

男妾

一官紳在揚州買妾連相數家悉不當意惟一媼寄居賣女者十四五丰姿姣好又善諸藝大悅以重金購得之至夜入衾膚膩如脂喜捫私處則男子也駭

極方致窮詰、蓋買好童、加意修飾、設局以欺人耳、黎
旦遣家人奔赴媼所、則已遁去無踪、中心懊喪、進退
莫決、適浙中同年某來、因與告訴、某便索觀、一見大
悅、以原金贖之而去、

異史氏曰、苟遇知音、即予以南威不易也、何事無
知婆子、多作一偽境哉、

汪可受

湖廣黃梅縣汪可受、能記三生、一世為秀才、讀書僧

寺僧有牝馬產騾駒、愛而奪之、後死、冥王稽籍、怒其貪暴、罰使為騾償寺僧、既生、僧愛護之、欲死無間、稍長、輒思投身澗谷、又恐負養之恩、冥罰益甚、遂安之、數年孽滿自斃、生一農人家、墮蓐能言、父母以為不祥、殺之、乃生汪秀才家、秀才近五旬、得男甚喜、汪生而了了、但憶前生以早言死、遂不敢言、至三四歲、人皆以為啞、一日父方為文、適有友人過訪、投筆出應客、汪入見父作、不覺技癢、代成之、父返見之、因問

何人來、家人啟白無之、父大疑、次日敬書一題置几上、旋出、少間即返、翳行窈步而入、則見兒伏案間、稿已數行、忽睹父至、不覺出聲、跪求免死、父喜、握手曰、吾家止汝一人、既能文、家門之幸、何自匿為、由是益教之讀、少年成進士、後至大同巡撫、

王大

李信、邑之博徒也、晝卧假寐、忽見昔年博友王大馮九來、邀與遨戲、李亦忘其為鬼、忻然從之、既出、王大

往約村中周子明。馮乃導李先行，入村東廟中，少頃周果同王至。馮出葉子約與撩零。李曰：「倉卒無博貲，辜負盛約奈何？」周亦云然。王曰：「燕子谷黃八官人放利債，同往貸之，宜必諾允。」於是四人相將俱去。飄忽間至一大村，中甲第連亘。王指一門曰：「此黃公子家。」內一老僕出，王告以意。僕即入白，旋出奉公子命請王李相會。入見公子，年十八九已來，笑語藹然，便以大錢一提付李曰：「固知君慙直，無妨假貸。」周子明

我不能信之也。王委曲代為之請。公子要李署保。李不肯。王從旁慫恿之。李乃諾。亦授一千而出。便以付周。且述公子之意以激其必償。出谷口。見一婦人來。則村中趙氏妻。素喜爭善罵。馮曰。此處無人。悍婦宜小崇之。遂與王捉返入谷。婦大號。馮掬土塞其口。周贊曰。此等婦只宜桷杙陰中。馮乃捋袴以長石強納之。婦若死。衆乃散去。復入廟。相與博賭。自午至夜分。李大勝。馮周貲盡空。李因以原貲增息付王。使代償。

黃公子王又分給周馮局復合居無何聞人聲紛拏一人奔入曰城隍老爺親捉博者今至矣衆失色李捨錢踰垣而逃衆顧貨皆被縛既出果見一神人坐馬上馬後繫博徒二十餘人天未明已至邑城門啟而入至衙署城隍南面坐喚人犯上執籍呼名呼已並令以利斧斫去將指乃以墨硃各塗兩目遊市三周訖押者索賄而後去其墨硃衆皆賂之周獨不肯辭以囊空押者約送至家而後酬之亦不許押者指

之曰、汝真鉄豆、炒之不能爆也、遂拱手去、周出城、以
唾濕袖、且行且拭、及河自炤、墨硃未去、掬水盥之、堅
不可下、悔恨而歸、先是趙氏婦以故至母家、日暮不
歸、夫往逆之、至谷口、見婦卧道周、睹狀、知其遇鬼去、
其泥塞、負之而歸、漸甦能言、始知陰中有物、宛轉抽
拔而出、乃述所遭、趙怒、遽赴邑宰、訟李及周、牒下、李
初醒、周尚沉睡、狀類死、宰以其誣控、笞趙械婦、夫妻
皆無理、以自伸、越日周醒、目眶忽變一赤一黑、大呼

指痛、視之、筋骨已斷、惟皮連之、數日尋墮、目上墨、硃
深入肌裏、見者無不掩笑、一日見王大來索負、周厲
聲、但言無錢、王忿而去、家人問之、始知其故、共以神
鬼無情、勸償之、周齟齬不可、且曰、今日官宰皆左袒
賴債者、陰陽應無二理、況賭債耶、次日有二鬼來、謂
黃公子具呈在邑、拘赴質審、李信亦見牒來、取作見
証、二人一時並死、至村外相見、王馮俱在、李謂周曰、
君尚帶赤黑眼、敢見官耶、周仍以前言告、李知其吝、

乃曰、汝既昧心、我請見黃八官人、為汝還之、遂共詣公子所、李入而告、以故、公子不可、曰、負欠者誰而取償於子、出以告周、因謀出貲假周進之、周益忿、語侵公子、鬼乃拘與俱行、無何至邑、入見城隍、城隍呵曰、無賴賊塗眼猶在、又賴債耶、周曰、黃公子出利債誘某博賭、遂被懲創、城隍喚黃家僕上、怒曰、汝主人開場誘賭、尚討債耶、僕白取貲時、公子不知其賭、公子家燕子谷捉獲博徒在觀音廟、相去十餘里、公子從

無設局場之事。城隍顧周曰：「取貲悍不還，反被捏造，人之無良，至汝而極。」欲笞之。周又訴其息重。城隍曰：「償幾分矣？」答云：「寔未有所償。」城隍怒曰：「本貲尚欠，而論息耶？」笞三十，立押償主。二鬼押至家，索賄不令，即活縛諸厠內，令示夢家人。家人焚楮錠二十提火，既滅，化為金二兩，錢二千。周乃以金酬債，以錢賂押者，遂釋令歸。既蘓，醫創哭起，膿血崩潰，數月始痊。後趙氏婦不敢復罵，而周以四指帶赤黑眼，賭如故。以此

知博徒之非人矣。

異史氏曰。世之不平。皆由為官者矯枉之過正也。昔日富豪以倍稱之息。拆奪良家子女。人無敢息者。不然。函刺一投。則官以三尺法左袒之。故昔之民社官。皆為世家役耳。迨後賢者鑒其弊。又悉舉而大反之。有舉人重資作巨商者。衣錦饜梁肉。家中起樓閣。買良沃。而竟忘所自來。一取償。則怒目相向。質諸官。則曰。我不為人役也。嗚呼。是何異。

懶殘和尚、無工夫為俗人拭涕哉、余嘗謂昔之官諂、今之官謬、諂者固可誅、謬者亦可恨也、放貲而薄其息、何嘗專有益於富人乎、

張石年宰淄時、最惡博、其塗面遊城、亦如寘法、刑不至墮指、而賭以絕、蓋其為官甚得鈞距法、方簿書旁午時、每一人上、公偏暇豫、問里居年齒家口、生業甚詳、問已、始勸勉令去、有一人完稅繳單、自分無事、呈單欲下、公止之、細問一過、曰汝何博也、

其人力辨生平不解博、公笑曰、腰中尚有博具、搜之果然、人以為神、而並不知其何術、

樂仲

樂仲、西安人、父早喪、母遺腹生仲、母好佛、不如葷、仲既長、嗜飲善談、竊腹非母、每以肥甘勸進、母輒吐之、後母病彌留、苦思肉、仲急無所得肉、剖左股獻之、病稍瘥、悔破戒、不食而死、仲哀悼益切、以利刃又剖右股見骨、家人共救之、裹帛敷藥、尋愈、心念母苦節、又

痛母愚、遂焚所供佛像、立主祀母、醉後輒對哀哭、年二十始娶、身猶童子、娶三日、謂人曰、男女居室、天下之至穢、我寔不為樂、遂去妻、父頤文淵、浼親求返、請之三四、仲必不可、遲之半年、頤遂醮女、仲鰥居二十年、行益不羈、奴隸優伶皆與飲、里黨乞求不靳與、有言嫁女無金者、便即灶頭舉贈之、自乃從隣借金炊、諸無行者知其性、咸朝夕騙賺之、或以博賭無貲、故對之欬歔、言追呼急、將以鬻子、仲自措税金若干

數傾囊與之、未幾詬租吏登門、始典質營辦、以是故家益落、先是仲殷饒、同堂子弟爭奉事之、家中所有任其取携、亦莫之較、及仲蹇落、存問絕少、幸仲達不為意、值母忌辰、仲適病、不能上墓、將遣子弟代祀、僕造諸門、皆辭以故、仲乃酌諸室中、對主號痛、無嗣之戚、頗以縈懷、因而病益劇、瞽亂中覺有人撫摩之、目微啟、則母也、驚問何來、曰緣家中無人上墓、故來就饗、即視汝病、問向居何所、答以南海、摩撫既已、四體

生涼、開目四顧、渺無一人、而病良瘥、既起、思朝南海、苦無侶、會鄰村有結香社者、賣田十畝、挾貲投之、而社中人以其不潔清、共擯絕之、求同行、乃許之、及諸途、牛酒薤蒜、熏騰滿屋、衆益惡之、乘其醉睡、不告而去、仲於是獨行至閩界、遇友人邀飲、有名妓瓊華在座、適言南海之遊、瓊華願相附以行、仲喜、即待趨裝、遂與俱發、寢食共之、而寔一無所私、既至南海、社中人清醮方畢、見其載妓而至、益非笑之、鄙不與同朝、

仲與瓊華窺其意、俟其既拜而後拜之、衆拜已、恨無
所現示、中有泣者、二人方投地、忽見徧海皆蓮花、
上瓔珞垂珠、瓊華見為菩薩、仲視之、朵上皆其母、急
奔呼母、躍入從之、衆見萬朵蓮花、悉變霞彩、障海如
錦、少間雲靜波澄、一切都杳、而仲猶身在海岸、亦不
自解其何以得出、衣履並無沾濡、望海大哭、聲震島
嶼、瓊華挽勸之、愴然下刹、命舟北渡、途中有豪家招
瓊華去、仲獨憇逆旅、有童子方八九歲、丐食肆中、貌

不類乞兒、細詰之、則被逐於繼母、心憐之、兒依、左
右、苦求拔拯、仲遂携與俱歸、問其姓氏、自言阿辛姓
雍、母顧氏嘗聞母言、適雍六月遂生、余、本樂姓、仲
大驚、自疑生平一度、不應有子、因問樂居何鄉、答云
不知、但母沒時、付書一函、囑無遺脫、仲急索書、辛啟
荷囊取付仲、視之、則當年與顧家離婚書也、驚曰、
真吾兒也、審其年貌良確、頗慰心願、然家計日蹙、居
二年、割畝漸盡、竟不能童僕、一日父子方自炊、忽有

麗人入、視之、則瓊華也。驚問所自、笑曰、業作假夫妻、何又問也。向不即從者、徒以有老嫗在。今嫗已死、顧念不從人、則無以自庇、從人、則又無以自潔。計兩全無如從君者、是以不憚千里、遂解妝代兒炊。仲良喜、至夜、父子同寢如故。另潔一舍、瓊華見母之瓊華、亦善撫兒、戚黨聞之、皆餽仲、兩人皆樂受之。客至治具、瓊華悉為營備。仲亦不問所自來。瓊華漸出金珠贖故產、因而婢僕馬牛日益繁盛。仲每謂瓊華曰、僕

醉時卿當避匿、勿使我見、瓊華笑諾之。一日大醉、急喚瓊華、瓊華艷妝出、仲睨之良久、忽大喜、蹈舞若狂。曰、吾悟矣、酒頓醒、覺世界光明、所居廬舍盡為玉宇瓊樓、移時始已、由此不復飲市上、惟對瓊華飲。瓊華茹素、以茶茗侍。一日微醺、命瓊華為之按股、見股上剗痕、化為兩朵赤苞、隱起肉際、奇之。仲笑曰、卿視此花放後、二十年假夫妻分手矣。瓊華益信之。既為阿辛完婚、瓊華漸以家付新婦、與仲別院居。子及婦日

三朝、非疑難事、不以聞、役二婢、一溫酒、一瀹茗而已。
一日瓊華至兒所、新婦多所咨白、良久而返、辛亦從
往朝父、入門、見仲白足坐榻上、聞聲開眸、微笑曰、母
子來大好、即復瞑、瓊華大驚曰、君欲何為、視其股上
蓮花大放、試之氣已絕、急以兩手捻合其花、且祝曰、
妾千里從君、大非容易、為君教子訓婦、亦有微勞、即
差二三年、何不一少待也、一炊黍時、忽開眸、笑曰、卿
自有卿事、何必又牽一人作伴也、無已、姑為卿留、瓊

華釋手，則花已復合，於是居處言笑如初，積三年餘，瓊華年近四旬，猶窈窕如二十許人，忽謂仲曰：凡人死後，被人捉頭昇足，殊不雅潔，遂命工治双檣，辛駭問之，答云：非汝所知，工既竣，沐浴妝竟，謂子及婦曰：我將死矣，辛泣曰：數年賴母經紀，始不凍餒，母尚未得一享安逸，何遂捨兒而去？曰：父種福而子享，奴婢牛馬皆騙債者，填償汝父，我無功焉，我本散花天女，偶涉凡念，遂謫人間三十餘年，今限已滿，遂登檣自

入再呼之、双目已含、辛哭告父、不知何時已僵、衣冠儼然、號痛欲絕、入棺並停堂中、數日未殮、冀其復返、光明生於股際、照徹四壁、瓊華棺內則異香噴溢、近舍皆聞、棺既閤、香光始漸斂、既殯、樂氏諸子弟覲覲其有、共謀逐辛、訟諸官、莫能辨、擬以田產半給諸樂、辛不服、以詞質郡、久不決、初、願嫁女於雍、經年餘、雍流寓於閩、音耗遂絕、願老無子、苦憶女、遂詣婿所、則女死而甥亦逐、忿質公庭、雍惧重賂之、願不受、

必欲得甥、雍窮覓郡邑、半年不得、夫妻皆被刑辱、願偶於途中、見彩輿過、斜避道左、輿中一美人呼曰、彼非願翁耶、願諾、美人曰、汝甥即吾子、現在樂家、勿訟也、甥方有難、宜急往、願欲詳詰、輿去已遠、願乃受賂詣西安、至則訟方沸騰、願即自投至官、言女大歸日、再醮日、及子生年月、歷々甚悉、諸樂皆被杖逐、案遂結、既歸、言其見美人之日、即瓊華沒日、此時訟猶未興也、辛為願移家來、授廬贈婢、六十餘生一子、辛亦

時顧卹之、

異史氏曰、斷葦遠室、佛之似也、爛熳天真、佛之真也、樂仲對麗人、直視之為香潔道伴、不作溫柔鄉觀也、寢處三十年、若有情、若無情、此為菩薩真面目、世中人烏得而測之哉、

香玉

勞山下清宮、耐冬高二丈、大數圍、牡丹高丈餘、花時璀璨如錦、膠州黃生、築舍其中而讀焉、一日遙自窓

中見女郎素衣掩映花間、心疑觀中烏得有此、趨出已遁去、由此屢見之、遂隱身叢樹中以伺其至、無何女郎又携一紅裳者來、遙望之、艷麗双絕、行漸近、紅裳者却退曰、此處有人、生乃暴起、二女驚奔、袖裾飄拂、香風流溢、追過短牆、寂然已杳、愛慕殷切、因題樹上云、無限相思苦、含情對短缸、恐歸沙叱利、何處覓無双、歸齋冥想、女郎忽入、驚喜承迎、女笑曰、君洵似強寇、使人恐怖、君竟騷士、無妨相親、畧叩生平、曰、

妾小字香玉、隸籍平康巷、被道士閉置山中、寔非所願、生問道士何名、當為卿一滌此垢、女曰、不必、彼亦未敢相逼、借此與風雅士、長作幽會亦佳、問紅衣者誰、曰、此名絳雪、亦妾義姊、遂相狎寢、既醒、曙色已紅、女急起曰、貪歡忘曉矣、着衣易履、且曰、妾酬君作口占、勿笑也、良夜更易盡、朝暾已上窓、願如梁間燕、棲處自成雙、生握腕曰、卿秀外惠中、使人愛而忘死、願一日之去、如千里之別、卿乘間當來、勿待夜也、女諾

之、由此夙夜必諧、每使邀絳雪來、輒不至、生以為恨、女曰、絳姊性殊落、不似妾情痴也、當從容勸駕、不必過急、一夕女慘然入曰、君隴不能守、尚望蜀耶、今長別矣、問何之、以袖拭泪曰、此有定數、難為君言、昔日佳什、今成讖語矣、佳人已屬沙叱利、義士今無古押衙、可為妾咏、詰之不言、但有呜咽、竟夜不眠、早旦而去、生怪之、次日有即墨藍氏、入宮游、瞞見牡丹、悅之、掘移逕去、生始悟香玉乃花妖也、悵惋不已、過數

日聞藍氏移花至家、日就姜悴、恨極作哭花詩五十
首、日臨穴、涕洟其處、一日憑弔而返、遙見紅衣人
揮涕穴側、從容而近就之、女亦不避、生因把袂相向
汎瀾已而挽請入室、女亦從之、嘆曰、童稚姊妹、一朝
斷絕、聞君哀傷、彌觸妾慟、泪墮九泉、或當感誠再作、
然死者魂氣已散、倉猝何能與吾兩人共談笑也、生
曰、小生薄命、妨害情人、當亦無福消双美、曩頻煩香
玉道遠微忱、胡再不臨、女曰、妾以年少書生、什九薄

倖不知君固至情人也。然妾與君交，以情不以淫。若
晝夜狎暱，則妾所不能矣。言已告別。生曰：香玉長別，
使人寢食俱廢。賴卿少留，慰此懷思。何決絕如是？女
乃止。過宿而去。數日不復至。冷雨幽窓，苦懷香玉。輾
轉床頭，泪凝枕簟。攬衣更起，挑燈命筆，踵前韻曰：山
院黃昏雨，垂簾坐小窓。相思人不見，中夜泪双。詩
成自吟。忽窓外有人曰：作者不可無和。聽之，絳雪也。
啟門納之。女視詩，即續其後曰：連袂人何處，孤燈照

晚窓空山人一個、對影自成雙、生讀之、泪下、因怨相
見之疎、女曰、妾不能如香王之熟、但可少慰君寂寞
耳、生欲與狎、曰、相見之歡、何必在此、於是至無聊時、
女輒一至、則宴飲酬唱、有時不寢、遂去、生亦聽之、
謂之曰、香玉吾愛妻、絳雪吾良友也、每欲相問、卿是
院中第幾株、早以見示、僕將抱植家中、免似香玉被
惡人奪去、貽恨百年、女曰、故土難移、告君亦無益也、
妻尚不能終從、况友乎、生不聽、捉臂而出、每至牡丹

下輒問此為卿否。女不言。掩口笑之。適生以殘臘歸。過歲二月間。忽夢絳雪至。愀然曰。妾有大難。君急往。尚得相見。遲無及矣。醒而異之。急命僕馬星馳至山。則道士將建屋。有耐冬一株。碍其營造。工師方縱斤矣。生知所夢即此。急止之。入夜絳雪來謝。生笑曰。向不寔告。宜遭此厄。今而後已知卿矣。卿如不至。當以艾炷相灸。女曰。妾固知君如此。曩故不敢相告。坐移時。生曰。今對良友。益思艷妻。久不哭。香玉卿能從我。

哭乎、二人乃往、臨穴洒涕、至一更向盡、絳雪收泪勸止、乃還、又數夕、生方獨居悽惻、絳雪笑入曰、喜信報君知、花神感君至情、俾香玉復降宮中、生喜問何時、答云、不知、要不遠耳、天明下榻、生曰、僕為卿來、勿長使人孤寂、女笑諾、兩夜不至、生往抱樹、搖動撫摩、頻喚絳雪、久之無聲、乃返、對燭團艾、將以灼樹、女遽入、奪艾棄之、曰、君惡作劇、使人創痛、當與君絕矣、生笑擁之、坐方定、香玉盈、而入、生望見、泣下流滴、急起

把握香玉、以一手捉絳雪、相對悲哽、已而坐道離苦、
生覺把之而虛、如手自握、驚其不類、曩昔香玉泫然
曰、昔妾花之神、故凝、今妾花之鬼、故散也、今雖相聚、
君勿以為真、但作夢寐觀可耳、絳雪曰、妹來大好、妾
被汝家男子糾纏死矣、遂辭而去、香玉歎笑如生平、
但偎傍之際、彷彿以身就影、生悵々不歡、香玉亦俛
仰自恨、乃曰、君以白蘄屑少雜硫黃、日酹妾一杯水、
明年此日報君恩、亦別而去、明日往觀故處、則牡丹

萌生矣、生從其言、日加培溉、又作雕欄以護之、香玉
來、感激甚至、生謀移植其家、女不可、曰、妾弱質不堪
復戕、且物生各有定處、妾來原不擬生君家、違之反
促年壽、但相憐愛、好合自有日耳、生恨絳雪不至、香
玉曰、必欲強之使來、妾能致之、乃與生挑燈出、至樹
下、取草一莖、布掌作度、以度樹本、自下而上、至四尺
六寸、按其處、使生以兩爪齊搔之、俄絳雪自背後出、
笑罵曰、婢子來、益助桀為虐耶、牽挽並入、香玉曰、姊

勿怪、暫煩陪侍郎君、一年後不相擾矣、自此遂以為常、生視花芽、日益肥茂、春盡盈二尺許、歸後亦以金遺道士、使朝夕培養之、次年四月至宮、則花一朶含苞未放、方流連間、花搖々欲折、少時已開、花大如盤、儼然有小美人坐其中、纔三四指許、轉瞬間飄然已下、則香玉也、笑曰、妾忍風雨以待君、來何遲也、遂入室、絳雪亦至、笑曰、日々代人作婦、今幸退而為友、遂相談讌、賡和、至中夜、絳雪乃去、兩人同寢、欸洽一

如當年後生妻卒遂入山不復歸是時牡丹已大如臂生每指之曰我他日寄魂於此當生卿之左兩女笑曰君勿忘之後十年餘忽病其子至對之而哀生笑曰此我生期非死期也何哀為謂道士曰他日牡丹下有赤芽怒生一放五葉者即我也遂不復言子輿致而歸至家尋卒次年果有肥芽突出葉如其數道士以為異灌溉之三年高數尺大拱把但不花老道士死其弟子不知愛惜因其不花斫去之白牡丹

亦憔悴尋死，無何耐冬亦死。

異史氏曰：情之結者，鬼神可通，花以鬼從，而人以魂寄，非其結於情者深耶？一去而兩殉之，即非堅貞，亦為情死矣。人不能貞，猶是情之不篤耳。仲尼讀唐棣而曰：未思，信矣哉！

三仙

士人某赴試金陵，經由宿遷，會三秀才談言超曠，悅之。沽酒相歡，歛洽間各表姓字：一介秋衡，一常豐林。

一麻西池、縱飲甚樂、不覺日暮、介曰、未修地主之儀、忽叨盛饌、於理未當、茅茨不遠、可便下榻、常麻並起、捉襟喚僕、相將俱去、至邑北山、忽睹庭院、門遶清流、既入、舍宇精潔、呼童張燈、又命安置從人、麻曰、昔人以文會友、今闌場伊邇、不可虛此良夜、請擬四題、命闌各拈其一、文成方飲、衆從之、各擬一題、寫置几上、拾得者就案構思、二更未盡、皆已脫稿、迭相傳視、士人讀三作、深為傾倒、草錄而懷藏之、主人進良醞、巨

杯促醕、不覺醺醉、客興辭、主人乃導客就別院寢醉、中不暇解屨、着衣遂卧、既醒、紅日已高、四顧並無院宇、惟主僕卧山谷中、大駭、呼僕起、見旁有一洞、水涓涓流溢、自訝迷惘、視懷中則三作俱存、下山問土人、始知為三仙洞、蓋洞中有蟬蛇蝦蟆三物最靈、時常出游、人往、見之云、士人入闔、三題皆仙作、以是擢解、

王十

高苑王十、負鹽於博興、夜為兩人所獲、意為土商之
邏卒也、舍鹽欲遁、而足苦不前、遂就縛、固哀之、二人
曰、我非鹽肆中人、乃鬼卒也、十惧、但乞至家、一別妻
子、鬼不許、曰、此去亦未便至死、不過暫役耳、十問何
事、曰、冥中新閻羅蒞任、見奈河淤平、十八獄廁坑俱
滿、故捉三等人使淘河、小偷私鑄私鹽、又一等人使
條廁、樂戶也、十從去、入城郭、至一官署、見閻王在上、
方稽名籍、鬼上白捉一私販王十至、閻王視之、怒曰、

私鹽者上漏國稅下蠹民生者也。若世之暴官貪商所指為私販者，皆天下之良民，貧人揭錙銖之本，求升斗之息，何為私哉？責二鬼罰使市鹽四斗，並十所負代運至家，留十授以蒺藜骨朶，令隨諸鬼督河工，鬼引十去。至奈河邊，見河內人夫，絀續如蟻。又視河水渾赤，近之臭不可聞。淘河者皆赤體持畚鍤，出沒其中，朽骨腐尸，盈筐負舁而出。深處則滅頂求之，惰者輒以骨朶擊背股，同監者以香綿丸如巨菽使納。

口中乃近岸見高苑肆商亦在其中十獨苛遇之入河楚背上岸敲股商惧常沒身水中十乃已經三晝夜河夫半死河工亦竣前二鬼仍送至家醒然而甦先是十負鹽未歸天明妻啟戶則鹽兩囊置庭中而十久不至使人徧覓之則死途中舁之而歸奄有微息大惑不解其故既醒始言之肆商亦於前日死至是始甦骨朶擊處皆成巨疽渾身腐潰臭不可近十故詣之望見十猶縮首衾中如在奈河狀一年始愈

不復為商矣。

異史氏曰。鹽之一道。朝廷之所謂私。乃不從乎公者也。官與商之所謂私。乃不從其私者也。近日齊魯新規。土商隨在設肆。各限疆域。不惟此邑之民不得去之彼邑。即此肆之民不得去之彼肆。而肆中則潛設餌以釣他邑之民。其售於他邑。則廉其直。而售諸土人。則倍其價以昂之。又設邏於道。使境內之人皆不得逃吾昂。其有境內冒他邑以來。

者法不宥、彼此互相鈞、而越肆假冒之愚民益多、
一被邏獲、則先以刀杖殘其脛股、而後送諸官、
則桎梏之、是名私鹽、嗚呼冤哉、漏數萬之稅、非私、
而負升斗之鹽、則私之、本境售諸他境、非私、而本
境賣諸本境、則私之、冤矣、律中鹽法最嚴、而獨於
貧難軍民、背負易食者、不之禁、今則一切不禁、而
專殺此貧難軍民、且夫貧難軍民、妻子嗷々、上守
法而不盜、下知耻而不娼、不得已、而揭十母而求

一子使邑盡此民、即夜不閉戶可也、非天下之良民乎哉、彼肆商者、不但使之淘奈河、直當使滌獄廁耳、而官於春秋節、受其斯湏之潤、遂以三尺法、助使殺吾良民、然則為貧民計、莫若為盜及私鑄耳、盜者白晝劫人、而官若聾、鑄者爐火亘天、而官若瞽、即異日淘河、尚不至如負販者所得無幾、而官刑立至也、嗚呼、上無慈惠之師、而聽奸商之法、日變日詭、奈何不顧民日生、而良民日死哉、

故事邑中肆商、以若干石鹽資、歲奉邑宰、名曰食鹽、又逢節序、且厚儀貺之、商以事謁官、則禮貌之、坐與語、或茶焉、送鹽犯至、重懲不遑、張公石年宰淄、肆商來見、尋舊規、但揖不拜、公怒曰、前令受汝賄、故不得不隆汝禮、我市鹽而食、何物商人敢公堂抗禮乎、將袴將笞、商叩頭謝過、乃釋之、後肆中得二負販者、其一逃去、其一被執至官、公問販者二人、其一焉往、販者云、奔去矣、公曰、汝病股不

能奔耶。曰能奔。公曰。既被捉。必不能奔。果能可起。試奔。驗汝能否。其人奔數步欲止。公曰。太奔勿止。其人疾奔。竟出公門而去。見者皆笑。公愛民之事。不一。此其閒情。邑人猶樂誦之。

大男

奚成列。成都士人也。先有一妻一妾。何氏小字昭容。妻早沒。娶繼室申氏。不能相善。虐遇何。因並及奚。終日哢聒。恒不聊生。奚忿怒亡去。後何生一子大

男奚久不返、申擯不與同炊、計日授粟、大男漸長、何不敢求益、惟紡績佐食、大男見塾中諸兒吟誦、羨之、告母欲讀、母以其太穉、姑送詣塾、試使讀、以難之、而大男慧、所讀倍諸兒、師異之、願不索束贄、何乃使從師、薄相酬、積二三年、經書全通、一日、婦謂母曰、塾中五、六人、皆從父乞錢買餌、我何無也、母曰、待汝長時、當告汝知、大男曰、我方七八歲、何時長也、母曰、汝往塾、路經閔聖廟、當拜之、佑汝速長、大男信之、每日兩

遇必入拜。母知之，問汝所祝何詞。答云：但祝明年便使我十五六歲。母笑之。而大男學與軀體長並速，至十歲如十三四者，其所為文塾師不能竄易之一日。謂母曰：昔謂我壯大，當告父處，今可矣。母曰：尚未。尚未。又年餘，居然成人。研詰益頻。母乃緬述之。大男聞之意，不勝悲，欲往尋父母。曰：見太幼。汝父亡存未知，何遽可尋。大男無言而去。至午不歸。往詢諸師，則晨餐未返。母大驚，猶謂其逃塾。出賃傭役，靡處不搜。竟

杳無跡、大男出門、不知何往之善、惟循途奔去、遇一人、將如夔州、自言錢姓、大男丐食相從、錢病其緩、為賃代步、資斧皆耗之、至夔同食、錢陰投毒其中、大男暝不覺、錢載至大利、托為己子、偶病絕、貨賣諸僧、見其丰姿秀出、爭購之、錢得金而去、僧飲之、畧醒、主僧始知之、詣視、竒其相、研詰始得顛末、又益憐之、責僧贖贖使去、有瀘州蔣秀才下第歸、途中問得故、嘉其孝、携與同行、至瀘主其家、月餘、無往不詔、或言閩

商有奚姓者，於是辭蔣將之閩，蔣贈遺衣履，其里黨皆斂貲助之。至途，有二布客欲詣福清，邀與同侶行。數程，客窺囊金，引至空所，繫手足，解奪而去。適有永福陳翁過其傍，脫縛載諸後車，遂至翁家。翁豪富，諸路商賈多出其門，翁囑南北客代訪父耗，留大男伴諸兒讀。大男遂止，不復游矣。由是家益遠，音益梗。何昭容孤居三四年，申氏減其費，抑勒令嫁。何自食其力，志不搖，申強賣於重慶賈，刼取而去。至夜以刀

自剗賈不敢逼、俟創瘡、又轉鬻於鹽亭賈、至鹽亭、自刺心頭、洞見臟腑、賈大惧、藥敷之、既平、但求作尼、賈告之曰、我有商侶、身無淫具、每欲得一人主縫紉、此與作尼無異、亦可少償吾直、何諾之、賈輿送去、入門、主人趨出、則奚生也、蓋奚以棄儒為商、賈以其無婦、故贈之也、相見悲駭、各述苦況、始知有兒尋父未歸、奚乃囑諸客侶、偵察大男、而昭容遂以妾為妻矣、然自歷艱苦、疴痛多疾、不能操作、勸奚納媵、奚鑒前禍、

不從所請，何曰？妾如爭床第者，數年間固已從人生子矣。尚得與君有今日之聚乎？且人加我者，隱痛在心，豈及諸身而自蹈之？奚乃囑客侶為買三十許老妾，踰半年，客果為買妾歸，入門，則妻申氏各相駭怪。先是申獨居年餘，兄苞勸令再適，申從之。惟田產為子姓所阻，不得售，鬻諸所有，積數百金，携歸兄家。有保寧賈聞其富有，奩貲以多金，啗苞賺娶之。而賈老廢不能人，申懟兄不安於室，梁縊井投，不堪其擾。賈

怒搜括其貲、將賣作妾、而聞者皆以三十餘齒加長、賈將適夔、遂載與俱去、遇奚同肆商、遂貸之而去、既見奚、慙恨不出一語、奚問同肆商、畧知梗概、因曰、使遇健男、則在保寧、無再見之期、此亦數也、然今日我買妾、非娶妻、可先拜昭容、修嫡庶禮、申耻之、奚曰、昔日汝作嫡、何如哉、何勸止之、奚不可、操杖臨逼、申不得已、拜之、然終不屑承奉、但操作別室、而何悉優容之、亦不忍課其勤惰、奚每與昭容談讌、輒呼給役其

側何更代以婢不聽前會陳公嗣宗宰鹽城奚與里人有小爭里人以逼妻作妾揭訟奚公不准理叱逐之奚喜與何竊共頌德一漏既盡僮忽叩扉入白邑令公至奚駭極急覓衣履則公已至寢門益駭不知所為何審之急出曰是吾兒也遂哭公乃伏地悲咽蓋大男從陳翁姓業為官矣初公至自都迂道遇故里始知兩母皆醺撫膺哀痛族中人始知大男已貴反其田廬公留僕營造冀父復返既而授任鹽亭又

欲棄官尋父。陳翁苦勸之。會有卜者使筮焉。卜者曰。小者居大。少者為長。求雄得雌。求一得兩。為官吉。公乃之任。為不得親。居官不茹葷酒。是日得里人狀。睹奚姓名。疑之。陰遣內紀綱竊訪之。果父。乘夜微行而出。見母。益信。卜者之神。臨去。囑勿播。出金二百。令即辦裝。歸至家。門戶已新。益畜僕馬。居然大家矣。申見大男貴盛。益自歛。兄苞知之。告於官。為妹爭嫡。官廉得其情。曰。貪貲勸嫁。去奚已更二夫。何顏爭昔年嫡。

庶耶、重答之、由此名分益彰、而申姊何、亦姊申、衣服飲食悉不自私、申初惧其復仇、至是益愧悔、奚亦忘其舊惡、俾内外皆呼以太母、但誥命不及耳、

異史氏曰、顛倒衆生、不可思議、此造物之巧也、奚生不能自立於妻妾之間、一碌、庸人耳、苟非孝子賢母、烏能有此奇合、坐享厚福以終身哉、

聊齋誌異卷之二十三

般陽蒲松齡柳泉甫著

韋公子

韋公子，咸陽世家也。放縱好淫，婢婦有色，無不私者。嘗載金數千，欲盡覽天下名妓，凡繁麗之區，罔不至。其不好者，信宿即去。當意，則作百日留。叔某公亦名宦，休致歸，聞其行，怒之，延明師，置別業，使與諸公子鍵戶讀。公子夜伺師寢，踰垣，遲明而返，以為常。一

夜失足折肱、師始知之、告公、怒不之惜、益施夏楚、俾不能起、而後藥之、月餘漸愈、公與之約、能讀倍諸弟、文字佳、出勿禁、私逸者撻如前、而公子最慧、讀常過程、如此數年、中鄉榜、欲自敗約、而公猶箝制之、赴都以老僕從、授日記籍、使誌其言動、故數年無過行、後成進士、公乃少弛其禁、而公子或將有作、惟恐公聞、入曲巷中、輒托姓魏、一日遇西安見優僮羅惠卿、年十六七、秀麗如好女、悅之、夜留繾綣、贈貽豐隆、聞

其新娶婦尤韵妙、益觸所好、私意示惠卿、惠卿無難色、至夜携婦至、果少好、遂三人共一榻、留數日、眷愛臻至、謀與俱歸、問其家口、答云、母早喪、惟父存耳、某原非羅姓、母少服役於咸陽韋氏、賣至羅家、四月生余、倘得從公子去、亦可察其耗、問公子驚問母何姓、答姓呂、駭極、汗下浹體、蓋其母即生家婢也、生無言、天明厚贈之、勸令改業、偽托他適、約歸時召致之、遂別而去、後令蘓州某邑、有樂妓沈常娘、雅麗絕倫、心

好之潛留與狎戲曰卿小字取春風一曲杜常娘耶
答曰非也妾母十七為名妓有咸陽公子與君候同
姓留三月訂盟婚娶公子去八月生妾因名常寔妾
姓也公子臨別時贈黃金鴛鴦今尚在一去竟無音
耗妾母以是憤邑死妾三歲受撫於沈媼故從其姓
公子聞其言愧恨無以自容嘿移時頓生一策忽起
挑燈喚常娘飲藏有酖毒暗置杯中常娘纔下咽漬
亂呻嘶衆集視則已斃矣呼優人至付以尸重賂之

而常娘所與交好者盡勢家聞之不解其故悉不平共賄激優人使訟於上官公子惧瀉橐彌縫卒以浮疎免官歸家年三十八頗悔前行而妻妾五六人皆無子欲繼公之孫公以其門無內行恐習氣染兒雖諾嗣之但待其老而歸之公子憤欲往招惠卿家人皆以為不可乃罷又數年忽病輒搥心曰淫婢宿妓者非人也公聞之嘆曰是殆將死矣乃以次子之子送詣其家定省之月餘尋卒

異史氏曰、盜婢宿娼、其流弊殆不可問、然以己之
骨血而謂他人父、亦已羞矣、而鬼神又侮弄之、誘
使自食便液、尚不自剖其心、自剄其首、而徒流汗
投醪、非人頭而畜鳴者耶、雖然、風流公子所生子
女、即在風塵中亦皆擅場、

石清虛

邢雲飛、順天人、好石、見佳石、不靳重直、偶漁於河、有
物挂網、沈而取之、則石徑尺、四面玲瓏、峰巒疊秀、喜

極如獲異珍、既歸、雕紫檀為座、供諸案頭、每值天欲雨、則孔孔生雲、遙望如塞新絮、有勢豪某踵門求觀、既見、舉付健僕、策馬竟去、邢無奈、頓足悲憤而已、僕負石至河濱、息肩橋上、忽失手墮諸河、豪怒鞭僕、即出金僱善泅者、百計冥搜、竟不可見、乃懸金署約而去、由是尋石者日盈於河、迄無獲者、後邢至落石處、臨流於邑、但見河水清澈、則石固在水中、邢大喜、解衣入水、抱之而出、檀座猶存、既歸、不肯設諸廳事、潔

內室供之。一日有老叟歛門而請。邢托言石失已久。叟笑曰。客舍非耶。邢便請入舍以寔其無。既入。則石果陳几上。邢錯愕不能言。叟撫石曰。此吾家故物。失去已久。今固在此。既見之。請即賜還。邢窘甚。遂與爭作石主。叟笑曰。既汝家物。有何驗証。邢不能答。叟曰。僕則固識之。前後有九十二竅。巨孔中五字云。清虛天石供。邢審視竅中。果有小字。細於粟米。竭目力終可辨認。又數其竅。果如所言。邢無以對。但執不與。叟

笑曰、誰家物而憑君作主耶、拱手而出、邢送至門外、
既還、則石失所在、大驚疑、叟急追之、則叟緩步未遠、
奔去、牽其袂而哀之、叟曰、奇矣、徑尺之石、豈可以手
握、袂藏者耶、邢知其神、強曳之、歸、長跼請之、叟乃曰、
石果君家者耶、僕家者耶、答曰、誠屬君家、但求割愛
耳、叟曰、既然石固在是、還入室、則石已在故處、叟曰、
天下之寶、當與愛惜之人、此石能自擇主、僕亦喜之、
然彼急於自見、其出也早、則魔劫未除、寔將携去、待

三年後始以奉贈、既欲留之、當減三年壽數、始可與君相終始、君願之乎、曰、願、叟乃以兩指捏石竅、軟如泥、隨手而閉、三竅已、曰、石上竅數、即君壽數也、作別欲去、邢苦留之、辭甚堅、問其姓字、亦不言、遂去、積年餘、邢以故他出、夜有小偷入室、諸無所失、惟竊石而去、邢歸、悼喪欲死、訪察購求、全無踪緒、積有數年、偶入報國寺、見賣石者、近視則其故物、將便認取、賣者不服、因負石至官、問何所質驗、賣石者能言

竅數、邢問其他賣石者不能言、邢乃言竅中五字、及
三指痕、理遂得伸、官欲杖責賣石者、賣石者自言以
二十金買諸市、遂釋之、邢得石歸、裹以錦、藏櫝中、時
出一賞、先焚異香而後出之、有尚書某購以百金、而
邢意萬金不易也、某怒、因以他事中傷之、邢被收典
質田產、某托人風示其子、告邢、願以死殉石、妻
竊與子謀、斂石尚書家、邢出獄始知、罵妻毆子、屢欲
自經、皆以家人覺救得不死、夜夢一丈夫來、自言石

清虛謂邢勿戚特與君年餘別耳。明年八月二十日
昧爽時，可詣海岱門，以兩貫相贖。邢得夢甚喜，敬誌
其日。而石在尚書家，更無出雲之異。久亦不甚貴重
之。明年尚書以罪削職尋死，邢如期詣海岱門，則其
家人竊石出，將求售主，因以兩貫市歸。後邢至八十
九歲，自治葬具，又囑子必以石殉。既而果卒，子遵遺
教，瘞石墓中。半年許，賊發墓，劫石去。子知之，莫可追
詰。踰二三日，携僕在道，忽見兩人奔躐汗流，望空自

投曰、邢先生勿相逼、我二人將石去、不過賣四兩銀耳、遂繫送之官、一訊遂伏、問石則鬻諸宮氏、取石至、官愛玩欲得之、命寄諸庫、吏舉石、忽墮地碎為數十餘片、罔不失色、官乃重械而盜而放之、邢子拾石出、仍瘞墓中、

異史氏曰、物之尤者禍之府、至欲以身殉石、亦痴甚矣、而卒之石與人相終始、誰謂石無情哉、古人云、士為知己者死、非遇也、石猶如此、而況人乎、

曾友于

曾翁，昆陽故家也。翁初死，未殮，兩眶中淚出如瀉。有子六，莫解其故。次子悌，字友于，為邑名士，以為不祥，戒諸兄弟各自惕，勿貽痛於先人。而兄弟半迂笑之。先是，翁嫡配生長子成，至七八歲，母子為強寇擄去。娶繼室，生三子，長曰孝，為諸生；次曰忠，曰信，妾生三子，曰悌，曰仁，曰義。孝以悌等出身賤鄙，不齒。因結連忠、信，苦為黨，即與客飲，悌等過堂下，亦傲不加禮。仁

義皆忿與友于謀欲相仇友于百詞寬譬不從所謀而仁義年最少因兄言亦遂止孝有女適邑周氏病死糾悌等往撻其姑悌不從孝忿然令忠信合族中無賴子往捉周妻榜掠無算拋粟毀器盡孟無存周告邑宰怒拘孝等囚繫之將行申黜友于惧見宰自投友于品行素為宰所仰重諸昆弟以是得無苦友于乃詣周所親負荆周亦罷重友于訟遂息孝婦終不德友于無何友于母張夫人卒孝等皆不為之

服宴飲如故。仁義益忿。友于曰：「此彼之無禮，於我何損焉？」及葬，把持墓門，不使合厝。友于乃瘞母隧道中。未幾，孝妻亡，友于招仁義往奔其喪。二人皆曰：「期且不論，功於何有？」再勸之，闕然散去。友于乃自往，臨哭盡哀。隔牆聞仁義鼓且吹，孝怒，糾諸弟往毆之。友于操杖先從入其家，仁覺而逃。義方踰垣，友于自後擊仆之。孝等拳杖交加，毆不止。友于橫身障阻之。孝怒，讓友于。友于曰：「責之者以其無禮也，然罪固不至死。」

我不怙弟惡、亦不助兄暴、如怒不解、願以身代之、孝
遂反杖撻友于、忠信亦相助毆兄、聲勢震動、里黨群
集排解、乃散去、友于即扶杖詣兄請罪、孝遂去之、不
令居喪次、而義創甚、不復食飲、仁代具造訟諸官、訴
其不為庶母行服、官簽牒拘孝、忠信、而令友于陳狀、
友于以面目損傷、不能詣署、但作詞稟白、哀求、閣寢、
宰遂消案不行、義亦尋愈、由是仇怨益深、仁義皆幼
弱、輒被猷楚、懟友于曰、人皆有兄弟、我獨無、友于曰、

此兩語我宜言之，而弟何云。因苦勸之，卒不聽。友于遂扃戶，携妻子借寓他所，離家五十餘里，莫不相聞。友于在家，雖不助弟，而孝等猶稍，顧忌之。既去，諸兄一不當，輒叫罵其門，辱侵母諱。仁義度不能抗，惟杜門，思乘間刺殺之。行則懷刃，一日寇所掠，長兄成忽携婦亡歸。諸兄弟以家久析，聚謀三日，竟無處可以置之。仁義竊喜，招去共養之。往告友于，友于亦喜，即歸，共出田宅居成。諸兄怒其施惠，登其門窘辱之。

而成久在寇中、習於威猛、聞之大怒曰、我歸更無一人肯置一屋、幸三弟念手足、又罪責之、是欲逐我耶、以石投孝、仆、仁義各以杖出、捉忠及信、並撻無數、成不待其訟、先訟之、宰又使人請教友于、友于不得已、詣宰、俛首不言、但有流涕、亟問之、惟求公訊、宰乃判孝等各出田產、歸成、使七分相準、自此仁義與成倍益、愛敬談及、葬母事、因並泣下、成恚曰、如此不仁、是禽獸也、遂欲啟墳、更為改葬、仁奔告友于、友于急

歸諫止之、成不聽、刻期發墓、作齋於塋、以刀削樹、謂諸弟曰、所不衰麻相從者、有如此樹、衆唯、於是入門皆哭臨、安厝盡禮、由此兄弟相安、而成性剛烈、輒批撻諸弟、而於孝等尤甚、惟重友于、盛怒時友于一至、片言可解、孝有所行、成往、不平之、因之孝無十日不至、友于所、潛對友于詬詛、友于婉諫、卒不納、友于不堪其擾、又遷於三汊、僦屋而居、去家益遠、音迹遂踈、踰二年、諸弟皆畏憚成、久遂相習、紛競絕少、而

孝年四十六、生五子、長繼業、三繼德、皆嫡出、次繼功、
四繼續、皆庶出、又婢出繼祖、皆成立、亦效父舊行、各
為黨、日相競、孝亦不能呵止、惟祖無兄弟、年又最幼、
諸兄弟皆得而詬厲之、岳家故近三泊、會詣岳、竊迂
道詣叔、入門、見叔家兩兄一弟、絃誦怡然、久居不言
歸、叔促之、哀求寄居、叔曰、汝父母皆不之知、我豈惜
甌飯瓢飲乎、乃歸、過數月、夫妻往壽岳母、告父曰、我
此行不歸矣、父詰之、因吐微隱、父慮與有夙却、計難

久居。祖曰：父慮過矣。二叔聖賢也，遂去，携妻之三泊。友于除舍居之，以齒兒行，使執卷從長子繼善讀。祖最慧，寄籍三泊，年餘入雲南郡庠，與善閉戶研讀。而祖又諷誦最苦，友于益愛之。而自祖居三泊，家中兄弟益不相能。一日微反唇，業詬辱廢母，功怒刺殺業。官收功重械之，數日死獄中。業妻馮氏猶日以罵代哭。功妻劉聞之，怒曰：汝家男子死，誰家男子活耶？操刀入擊殺馮，自投井中亦死。馮父大立悼女死慘，率

諸子弟藏兵衣底往捉孝妾裸撻道上以辱之成怒
曰我家死人如麻馮氏何得復爾吼奔而出諸魯從
之諸馮盡靡成首捉大立割其兩耳其子護救繼續
以鉄杖橫擊折其兩股諸馮各被夷傷閔然盡散惟
馮子猶卧道周衆等莫可方畧成夾之以肘置諸馮
村而還遂呼績詣官自首馮狀亦至於是諸魯皆被
收惟忠亡去至三泊徘徊門外猶恐兄念舊惡適友
子率一子一姪入闌婦望見驚曰弟何來忠未語先

汨長跼道左、友于益駭、握手入、詰得其情、驚曰、且為
 奈何、一門乖戾、逆知奇禍久矣、不然、胡以竄跡至此、
 我離家久、與大令無聲氣之通、今即匍匐而往、祇取
 辱耳、但得馮父子傷重不死、吾三人倖有捷者、則此
 禍可以少解、乃留之、晝與同餐、夜與共寢、忠頗感愧、
 居十餘日、又見其叔姪儼如父子、兄弟皆如同胞、悽
 然下泪曰、今始知曩日非人也、友于亦喜其悔悟、相
 對酸惻、俄報友于父子同科、祖亦副榜、大喜、不赴鹿

鳴先婦展墓明季甲第最重諸馮皆為歛息友于乃
托親友賂以金粟資其醫藥訟乃息舉家共泣乞友
于復婦友于乃與兄弟焚香約誓俾各滌慮自新遂
移家還祖從叔不欲婦其家孝乃謂友于曰我乏德
不應有亢宗子弟又善教即從其志俾姑寄名為汝
後有寸進時可賜還也友于從之後三年祖果舉於
鄉使移家去夫妻皆痛哭乃去居數日祖有兒方三
歲亡婦友于家藏伯善室不復返捉去輒逃孝乃異

其居令與友于鄰。祖啟戶於壁，通叔家。兩間定省如一馬。自此成亦漸老。一門事皆取決於友于。因而門庭雍穆，稱孝友焉。

異史氏曰：天下惟禽獸止知母而不知父。奈何詩書之家，往往而蹈之也。夫門內之行，其漸漬於子孫者，直入骨髓。故古云：其父盜，其子必行劫；其流弊然也。孝雖不仁，其報已慘，而卒能自知乏德，托子於弟，宜其有操心慮患之子也。論果報猶迂矣。

嘉平公子

嘉平某公子，丰儀秀美，年十七八，入郡赴童子試，偶過許娼之門，內有二八麗人，因目注之，女微笑點其首，公子喜，近就與語，女便問寓居何所，具告之，問寓中有人否，曰無，女云，妾夕間奉訪，勿使人知，公子諾而歸，既暮，排去僮僕，女果至，自言小字溫姬，且云，妾慕公子風流，遂背娼而至，區區之意，深願奉以終身，公子亦喜，約以重金相贖，自此三兩夜輒一至，一

夕冒雨而來，入門解去濕衣，冒諸施上，已乃脫足上小鞵，求公子代去泥塗，遂上床，以被自覆。公子視其鞵，乃五文新錦，沾濡殆盡，惜之。女曰：妾非敢以賤物相役，欲使公子知妾之痴於情也。既聽窗外雨聲不止，遂吟曰：淒風冷雨滿江城，求公子續公子辭以不辭。女曰：公子如此一人，何乃不知風雅？使妾清興消矣。因勸令肄習。公子諾之。往來既頻，僕輩皆知公子有姊夫宋氏，亦世家子，聞其事，竊求公子一見溫姬。

公子言之、女必不可、宋隱身僕舍、伺女至、伏窓窺之、顛倒欲狂、急排闥、女起、踰垣而去、宋嚮往殊殷、乃修贄詣許媼、指名求之、則果有溫姬而死已久、宋愕然而返、以告公子、公子始知爲鬼、而心終愛好之、至夜以宋言告女、曰、誠然、願君欲得美女子、妾亦欲得美丈夫、各遂所願足矣、人鬼何論焉、公子以爲然、試畢而歸、女亦從之、他人不見、惟公子見之、至家寄諸齋中、公子獨宿不歸、父母疑之、女歸寧、始隱以告母、

父母大驚，戒公子絕之。公子不能聽，父母深以為憂。百術驅遣，不得去。一日，公子有諭僕帖置案上，中多錯謬。椒訛菽薑訛江，可恨訛可浪，女見之，書其後云：何事可浪？花菽生江，有婿如此，不如為娼，遂告公子曰：妾初以公子世家文人，故蒙羞自荐，不圖虛有其表，以貌取人，母乃為天下笑乎？言已而沒。公子雖愧恨，猶不知所題，拆帖示僕，聞者傳以為笑。

異史氏曰：溫姬可見，翩、公子何乃苛其中之所

有哉、遂至悔不如娼、則妻妾羞泣矣、願百計遣之
不去、而見帖浩然、則花菽生江、何殊於杜甫之子
章、鬻饑我耳、錄云、道傍設漿者、榜云、施茶結緣、訛
茶為恭、亦可笑、

二班

殷元禮、雲南人、善針灸之術、遇寇亂、竄入深山、日既
暮、村舍尚遠、惧遭虎狼、遙見前途有兩人、疾趨之、既
至、兩人問客何來、殷乃自陳族貫、兩人拱敬曰、是良

醫殷先生也、仰山斗久矣、殷轉詰之、二人自言班姓、一為班爪、一為班牙、便謂先生、余亦避難者、石室幸可棲宿、敢屈玉趾、且有所求、殷喜從之、俄至一處、室傍岩谷、爇柴代燭、始見二班容軀威猛、似非良善、計無所之、即亦聽之、又聞榻上呻吟、細審則一老嫗僵卧、似有所苦、問何恙、牙曰、以此故、敬求先生、乃束火照榻、請客逼視、見鼻下口角有兩贅瘤、皆大如碗、且云痛不可觸、妨碍飲食、殷曰、易耳、出艾團之、為灸數

十壯曰、隔夜愈矣、二班喜、燒鹿餉客、並無酒飯、惟肉
一品、爪曰、倉猝不知客至、望勿以輜褰為怪、殷飽餐
而眠、枕以石塊、二班雖誠朴、而粗莽可惧、殷轉側不
敢熟眠、天未明、便呼姬問所患、姬初醒、自捫、則瘤破
為創、殷促二班起、以火就炤、敷以藥屑、曰、愈矣、拱手
遂別、班又以燒鹿一肘贈之、後三年、無耗、殷適以故
入山、遇二狼當道、阻不得行、日既西、狼又群至、前後
受敵、狼撲之、仆、數狼爭啣、衣盡碎、自分已死、忽、西虎

驟至諸狼四散虎怒大吼狼惧盡伏虎悉撲殺之竟去殷狼狽而行惧無投止遇一媪來睹其狀曰殷先生吃苦矣殷戚然訴狀問何見識媪曰余即石室中灸痛之病嫗也殷始恍然便求寄宿媪引去入一院落燈火已張曰老身伺先生久矣遂出袍袴易其敝敗羅漿具酒酌勸諄切媪亦以陶碗自酌談飲俱豪不類巾幗殷問前日兩男子係老姥何人胡以不見答云兩兒遭逆先生尚未歸復必迷途矣殷感其義

縱飲不覺沉醉、酣眠座間、既醒已曙、四顧竟無廬舍、
孤坐岩上、聞岩下喘息如牛、近視則老虎方睡未醒、
喙間有二癥痕、皆大如拳、駭極、惟恐其覺、潛踪而遁、
始悟兩虎即二班也、

乩仙

章邱米步雲、善以乩卜、每同人雅集、輒召仙相與賡
和、一日友人見天上微雲、得句、請以屬對、曰羊脂白
玉天、乩書云、問城南老董、衆疑其不能對、故妄言之、

後以故偶適城南至一處土如丹砂異之有一叟牧豕其側因問之叟曰此俗呼猪血紅泥地也忽憶此詞大駭問其姓答云我老董也屬對不奇而預知過城南之必遇老董斯亦神矣

苗生

龔生岷州人赴試西安憇於旅舍沽酒自酌一偉丈夫入坐與板談生舉卮勸客，亦不辭自言苗姓言嘍粗豪生以其不文偃蹇遇之尊既盡不復喚沽苗

生曰、措大飲酒、使人悶損矣、起向壚頭、出錢行沽、提一巨甕而入、生辭不飲、苗捉臂勸酌、臂痛欲折、生不得已、為盡數觴、苗以羹碗自吸、笑曰、僕不善勸客、行止惟君所便、生即治裝行、約數里許、馬病卧於途、坐待路側、行李重累、無所方計、苗尋至、詰知其故、遂卸裝付僕、已乃以肩承馬腹而荷之、趨二十餘里、始至逆旅、釋馬就櫪、移時、生主僕方至、生乃驚為神、相待優渥、沽酒市飯、與共餐飲、苗曰、僕善飯、非君所能飽

二
飫飲可也、引盡一瓶、乃起而別曰、君醫馬尚須時日、
余不能待、行矣、遂去、後闌畢、三四友人邀登華山、籍
地作筵、方共宴笑、苗忽至、左携巨尊、右提豚肘、擲地
曰、聞諸君登臨、敬附驥尾、衆起為禮、相並雜坐、豪飲
甚歡、衆欲聯句、苗爭曰、縱飲甚樂、何苦愁思、衆不聽、
設金谷之罰、苗曰、不佳者當以軍法從事、衆笑曰、其
罪不至於此、苗曰、如不見誅、僕武夫亦能之也、首座
靳生曰、絕嶠憑臨、眼界空、苗信口而續曰、唾壺擊缺

劍光紅、下座沉吟既久、苗遂引壺自傾、移時以次屬
句、漸涉鄙俚、苗呼曰、只此已足、如赦我者勿作矣、客
弗之聽、苗不可復忍、遽倣作龍吟、山谷響應、又起俯
仰作獅子舞、詩思既亂、衆乃罷吟、因而飛觴再酌、時
已半醉、客互誦闌中作、迭相贊賞、苗不欲聽、牽生謔
拳、二人勝負屢分、而諸客誦贊未已、苗厲聲曰、僕聽
之已悉、此等文只宜向床頭對婆子讀耳、廣衆中刺
刺者可厭也、衆有慚色、又更惡其粗莽、遂益高吟、苗

怒甚、伏地大吼、立化為虎、撲殺諸客、咆哮而去、所存者惟生及靳、是科領薦、後三年再經華陰、忽見嵇生、亦山上被噬者、大恐欲馳、嵇捉鞵使不得行、靳乃下馬、問其何為、答曰、我今為苗氏之張、從役良苦、必再殺一士人、始可相代、三日後應有儒服儒冠者見噬於虎、然必在蒼龍嶺下、始是代某者、君於是日多邀文士於此、即為故人謀也、靳不敢辨、敬諾而別、至寓所、籌思終夜、莫知為謀、自拚背約、以聽鬼責、適有表

戚蔣生來、靳述其異、蔣名下士、邑尤生考居其上、竊懷忌嫉、是日聞靳言、陰欲陷之、折簡邀尤、與共登臨、自乃着白衣而往、尤亦不解其意、至嶺半、肴酒並陳、敬禮臻至、會郡守登嶺上、守故與蔣為通家、聞蔣在下、遣人召之、蔣不敢以白衣往、遂與尤易服冕、交着未竟、虎驟至、啣蔣而去、

異史氏曰、得意津津者、捉衿袖強人聽聞者、欠伸屢作、欲睡欲遁、而誦者足蹈手舞、茫不自覺、知

交者亦當從旁肘之躡之、恐座中有不耐事之苗生、在也、然忌嫉者易服冕而斃、則知苗亦無心者耳、故厭怒者苗也、非苗也、

杜小雷

杜小雷、益都之西山人、母双盲、杜事之孝、家雖貧、無日不甘肯奉之、一日將他適、市肉付妻、令作饅飪、妻最忤逆、切肉時、襍蜣螂其中、母覺臭惡、不可食、藏以待子、杜歸、問饅飪美乎、母搖首、出以示之、杜裂視、見

蜣螂怒甚，入室欲撻妻。又恐母聞，上榻籌思。妻問之，亦不語。妻自餒，徬徨榻下。久之，喘息有聲。杜叱曰：「不睡待獸扑耶？」亦覺寂然，起而燭之。妻不知何在，但見一豕，細視則兩足猶人。始知為妻所化。邑宰聞之，繫去，使遊四門以戒來者。譚薇臣曾親見之。

毛大福

太行毛大福，瘍醫也。一日行術歸，道遇一狼，吐裹物。退蹲道左。毛拾視，則布裹金飾數事。方怪異間，狼前

歡躍、畧曳袍服即復去。毛行又曳之、察其意不惡、因從之去。未幾至穴、見一狼病卧、視頂上有巨瘡、潰腐生蛆。毛悟其意、撥剔淨盡、敷藥如法。乃行。日既晚、狼遙送之、行三四里、又遇數狼咆哮相侵、惧甚。前狼急入其群、若相告語。衆狼悉散去。毛乃歸。先是邑有銀商甯泰、被盜殺於途、莫可追詰。會毛貨金飾、為甯氏所認、執赴公庭。毛訴所從來、官不之信。將械之。毛冤極、不能自伸、惟求寬釋。請問諸狼、官遣兩隸押入山。

直抵狼穴、值狼未歸、既暮不至、三人遂反、至半途、遇二狼、其一瘡痕猶在、毛識之、因揖而祝曰、前蒙餽贈、今遂以此被屈、君不為我昭雪、回去撈掠死矣、狼見毛被繫、怒奔隸、拔刀向之、狼以喙拄地大嗥、兩三聲、山中百狼群集、圍旋之、隸大窘、競前啣繫索、隸悟其意、解毛縛、狼乃俱去、歸述其狀、官異之、而猶未遽釋毛、後數日、官出行在道、一狼啣敝履委於路側、未以為異、遇之、狼又啣履奔前途而置之、官命收履、

狼乃去。既歸，陰遣人訪履主，或傳某村有業薪者，被二狼迫逐，啣履而去，拘來認之，果其履也。遂疑殺甯者，即薪，鞫之，果然。蓋薪殺甯，取其巨金，衣底藏飾，未遑收拾，被狼啣去也。

昔一收生姬自他歸，遇一狼阻道，牽衣若欲召之，乃從去。見雌狼方娩，不下，姬為之用力，既產，始放之。歸，明日啣腐置庭中，乃知此事自古有之也。

電神

唐太史濟武適日照會安氏葬道經雹神李左車之祠暫入遊眺祠前有池，水清澈有朱魚數頭遊泳其中內一斜尾魚喙呷水面見人不驚太史拾小石將戲擊之道士在旁急止勿擊問其故則池鱗皆龍族觸之必致風雹太史笑附會之誣不聽其言卒擲之既而升車東邁則有黑雲如蓋隨之以行既而簌簌雹落大如棉子又行里餘始霽太史弟涼武在後相去一矢少間追及相與語則竟不知有雹也問之

前行者亦然。太史笑曰：「此豈廣武君作怪耶？而猶未之深異。」安村外有閔聖祠，適有裨販之客釋肩門外，忽棄双麓，趨祠中，拔架上大刀，旋轉而舞，曰：「我李左車也。」明日將陪從淄川唐太史一助執紼，敬先告主人，數語而醒，自不知其何言，亦不識唐太史何人也。安氏聞之大惧，村去神祠四十餘里，敬修楮帛祭具，詣祠哀禱，但求憐憫，不敢煩其枉駕。太史怪其敬信之深，問諸主人，蓋電神靈蹟最著，往々托主人以為

言應驗無虛語。若不虔祝以尼其行，則明日風雷立至矣。

異史氏曰：廣武君在當年，亦老謀壯事者流也。即司電於東，或亦其不磨之氣，受職於天，然業神矣。何必翹然自異哉？蓋太史道義文章，天人之欽矚已久，此鬼神之所以必求信於君子也。

李八缸

太學李月生，升字翁之次子也。翁最富，以缸貯金，里

人稱之八缸翁寢疾呼子分金兄八之弟二之月生不能無缺望翁曰我非偏有愛憎藏有害鏹必待無多人時方以畀汝勿急也過數日翁益彌留月生慮一旦不虞覩無人即床頭秘訊之翁曰人生苦樂皆有定數汝方享妻賢之福故不宜再助多金以增汝過蓋月生妻車氏最賢有桓孟之德翁是以云月生固哀之怒曰汝尚有二十餘年坎壈未歷即予千金亦立盡耳苟不至山窮水盡時勿望給與也月生為

人孝友敦篤、即亦不敢復言、猶冀父復瘥、旦夕可以
婉告、無何翁大漸、尋卒、幸兄賢、齋葬之謀、弗與較計、
而月生天真爛熳、不較鉛銖、又好客善飲、炊黍治具、
日促妻三四作、又不甚理家人生產、里中無賴窺其
懦、輒魚肉之、踰數年家漸落、窘急時賴兄小周給、不
至大困、無何兄以老病卒、益失所助、至絕糧食、春貸
秋償、田所出登場輒盡、於是割畝為活、業益消滅、又
數年、長子及妻相繼殂謝、無聊益甚、尋買販羊者之

妻徐，異得其小阜，而徐性剛烈，日凌籍之，至不敢與朋友通弔慶禮。忽一夜夢父曰：「今汝所遭，可謂山窮水盡矣。嘗許汝窖錫，今其可矣。」問何在，曰：「明日界汝醒而異之。」猶謂是貧中之積想也。次日發土，葺墻掘得巨金，始悟向言無多人，乃死亡將半也。

異史氏曰：月生余杵臼交，其為人朴誠無少偽。余兄弟與交，哀樂輒相共。數年來村隔十餘里，老死竟不相聞。余偶過其居里，因亦不敢過問之。則月

生之苦況、蓋有不可明言者矣、忽聞暴得千金、不覺爲之鼓舞、嗚呼、翁臨終之治命、昔習聞之、而不知其言、皆讖也、抑何其神哉、

老龍船戶

朱公徽蔭、巡撫粵東、時往來商旅多告無頭冤狀、往往千里行人、死不見尸、甚至數客同遊、全絕音信、積案累々、莫可究詰、初告有司、尚欲發牒行緝、迨投狀既多、遂竟置而不問、公蒞任、稽舊案狀中稱死者、不

下百餘其千里無主者更不知其幾何公駭異恠怛
籌思廢寢徧訪僚屬迄少方畧於是潔誠薰沐致檄
於城隍之神已而變食齋寢恍惚中見一官僚措笏
而入問何官荅云城隍劉某將何言曰鬢邊垂雪天
際生雲水中漂木壁上安門言已而退既醒隱謎不
解輾轉終宵忽悟曰垂雪者老也生雲者龍也水上
木為船壁上門為戶合之非老龍船戶耶蓋省之東
北曰小嶺曰藍關源自老龍津以達南海嶺外巨商

每由此入粵、公早遣武弁、密授机謀、捉老龍津、駕舟者、次第擒獲五十餘名、皆不械而服、蓋寇以舟渡、為名、賺客登舟、或投蒙藥、或燒悶香、使諸客沉迷不醒、而後剖腹納石、以沉於水、冤慘極矣、自昭雪後、遐邇歡騰、謠頌咸集焉、

異史氏曰、剖腹沉尸、慘冤已甚、而木雕之有司、更少疴癢、則粵東之暗無天日、久矣、公至而鬼神効靈、覆盆俱照、何其異哉、然公亦非有四目兩口、不

過痼瘕之念，積於中者至耳。苟徒魏々然出，則刀戟橫路，入則蘭麝薰心。尊優則極，而何能與神通哉。

青城婦

費邑高夢說，為成都宰時，有一奇獄。先是有西商客成都，娶青城山寡婦。既而以他故西歸，年餘復返。夫妻一聚，而商暴卒。同商者疑之，具狀告官。高亦疑婦有私，苦訊之，橫加酷掠，迄無詞。牒解郡臬，並少情寔。

淹繫成都獄、積有時日、後高署有病者、一老醫入適相言及醫、聞之、遽曰、婦尖嘴否、問何說、醫初不言、問之堅而後言、蓋統青城山有數村落、其中婦女多為蛇交、則生女尖喙、陰中有物類蛇舌、至淫縱時、則舌或出、一入陰管、男子陽脫立死、高聞之、駭、尚未深信、醫曰、此處有巫媼、能內藥使婦意蕩、舌自出、是否、可以驗見、高如其言、使媼治之、舌果出、其疑始解、牒報郡、官皆如法驗之、乃釋其罪、

鴉鳥

長山楊令性奇貪康熙乙亥間值西塞用兵市民間
騾馬輦運糧餉楊假此搜括地方頭畜一空周村為
商賈所集趵突者車馬輻輳楊率健丁悉篡奪之計
不下數百餘頭四方估客無所控告時諸令皆以公
務在郡會益都令董萊蕪令范新城令孫會集旅舍
有山西二商迎門號訴盖有健騾四頭俱被搶掠道
遠失業不能歸故哀求諸公為緩頰也三公憐其情

許之、遂命駕共詣楊、治具相款、酒既行、衆言來意、
楊不聽、衆言之益切、楊舉酒促酬以亂之、曰某有一
令、不能者罰、須一天上、一地下、一古人、左右問所執
何物、口道何詞、隨問答之、便倡云、天上有月輪、地下
有崑崙、有一古人劉伯倫、左問手執何物、答云手執
酒杯、右問口道何詞、答云道是酒杯之外不須提、范
公云、天上有廣寒宮、地下有乾清宮、有一古人姜太
公、手執釣魚竿、道是願者上釣、孫云、天上有天河、地

下有黃河、有一古人是蕭何、手執一本大清律、道是
賍官賍吏、楊有慚色、沉吟久之曰、某又有之、天上有
靈山、地下有泰山、有一古人是寒山、手執一帚、道是
各人自掃門前雪、衆相視覷然、不作一語、忽一少年
入、袍服華整、舉手作禮、共挽坐、酌一大斗、少年笑曰、
酒且勿飲、久聞諸公雅令、願獻芻蕘、衆請之、少年曰、
天上有玉帝、地下有皇帝、有一古人洪武朱皇帝、手
執三尺劍、道是貪官剥皮、衆大笑、楊恚罵曰、何處狂

生敢爾、命隸執之、少年躍登几上、化為鴉、冲簾飛出、
集庭樹間、四顧室中作笑聲、主人擊之、且飛且笑而
去。

異史氏曰、市馬之役、諸大令健畜盈廐者十之七、
而千百為羣、作驟馬賣者、長山外不數、見也、聖
明天子愛惜民力、取一物必償其直、烏知奉行者
流毒若此哉、鴉所至人最厭其笑、兒女共唾之、以
為不祥、此一笑則何異於鳳鳴哉、

古瓶

邑北村中井涸，村人某甲乙縋入淘之，掘尺餘，得髑髏，誤破之，口含黃金，喜納腰橐。復掘，又得髑髏六七枚，異得含金，悉破之，而一無所有。惟旁有磁瓶二，銅器一，器大可合抱，重數十觔，側有雙環，不知何用。班駁陸離，瓶亦古制，非近欸。既出井，甲乙皆死。移時，乙蘇，曰：我乃漢人，遭新莽之亂，全家投井中，適有少金，因內口中，寔非含殮之物人，都有也。奈何偏碎頭。

顧情殊可恨、衆香楮共祝之、許為殯葬、乙乃愈、甲不能復生矣、顏鎮孫生聞其異、購銅器而去、瓶一入袁孝廉宣四家、可驗陰晴、見有一點潤處、初如粟米、漸潤漸滿、未幾雨至、潤退則雲亦開、其一入張秀才家、用志翔望、朔則黑起如豆、與日俱長、望則一瓶徧滿、既望又以次而退、至晦則復其初、以埋土中久、瓶口有小石粘口上、刷剔不可下、欲馱去之、石落而口微缺、亦一憾事、浸花其中、花落結寔、與在樹者無異云、

元少先生

韓元少先生為諸生時，有吏哭至，白主人欲延作師，而殊無名利，問其家閥，吏含糊對之，束帛緘贊，儀禮優渥，先生諾之，約期而去。至日果以輿來，迤邐而往，道路皆所未經，忽睹殿閣，下車入，氣象類藩邸。既就館，酒炙紛羅，勸客自進，並無主人。筵既徹，則公子出拜，年十五六，姿表秀異，展禮罷，趨就他舍，請業始至師所，公子慧絕，聞義輒通，而先生以不知家世，頗所

疑問館中有二僮爲之給役、私就詰之、皆不對、問主人何在、答以事忙、先生求導、窺之、僮不可、又屢求之、僮乃諾、導至一處、聞拷楚聲、自門隙目注之、見一王者坐殿上、階下劍樹刀山皆冥中事、大駭、方將却步、內已知之、因罷政叱退諸鬼、疾呼僮、變色曰、我爲先生禍及身矣、戰惕奔入、王者怒曰、何敢引人私窺、即以巨鞭重笞訖、乃召先生入曰、所以不見者、以幽明異路、今已知之、勢難再聚、因贈束金使行、曰、君天

下第一人、但坎壈未盡耳、使青衣捉騎送之、先生疑身已死、青衣曰、何得便爾、先生食御一切置、自俗間、非冥中物也、既歸、坎壈數年、作會狀、其言皆驗、

薛慰娘

豐玉桂、聊城儒生也、貧無生業、萬歷間歲大祲、孑然南遁、年餘將歸、至沂而病、力疾行數里、至城南叢葬處、益憊、因傍塚憇息、少間如夢、至一村、有叟自門中出、邀生入屋、兩楹亦殊草、室內一女子、年十六七、

儀容慧雅、叟使滌栢枝湯、以陶器供客、便向生詰里
居年齒既已、乃曰、洪都李姓、平陽族流寓此間、今三
十二年矣、君志此門戶、余家子孫如見採訪、即煩一
指示之、老夫不敢忘義、女慰娘頗不醜、可配君子、
三豚兒到日、即遣主盟、生喜拜曰、犬馬齒二十有二、
尚少良配、惠意眷好固佳、但何處得翁之家人而告
訴也、叟曰、君但住北村中、相待月餘、自有來者、祇求
無憚煩耳、生恐其言不信、要之曰、寔告翁、僕固家四

壁耳、恐後日不如所望、中道之棄、人所難堪、即無姻
好、亦不敢不守季路之諾、即何妨質言之也、叟笑曰、
君欲老夫旦、耶、我稔知君貧、此訂非端為君、慰娘
孤而無依、相托已久、不忍聽其流落、故以奉君子耳、
何見疑耶、即捉臂送生出、拱手合扉而去、生忽似夢
覺、則身卧塚邊、日已將午、漸起、次且入村、人見之
皆驚、謂其死道傍已經日矣、頓悟叟即墳中人也、隱
而不言、但求寄寓、村人恐其復死、莫敢留、村有秀才

與同姓、聞之、趨詰家世、蓋生總服叔也、喜導至家、餌治之、數日尋愈、因述所遇、叔亦驚怪、遂坐待以覘其異、居無何、果有官人至村、訪父墓址、自言平陽進士李叔向、先是其父李洪都、與同鄉某甲遠行賈、死於沂、某因瘞諸叢葬處、既歸、某亦尋死、是時公三子皆幼、長伯仁、後舉進士、令淮南、數遣人尋父墓、迄無知者、次仲道、尋舉孝廉、叔向最少、亦登第、於是親求父骨至沂、無處不諮、是日問村人、皆莫之識、生乃引至

葬所指示之。叔向以其年少未敢信。生具陳所遭。叔向奇之。審視有兩墳近相接。或言三年前有仕宦者。葬少妾於此。叔向恐悞發他塚。生遂以所卧處示之。叔向命舁材其側。始發塚。開則見女尸。服妝黯敗。而粉黛如生。叔向知其悞。駭極。莫知所為。而女已頓起。四顧曰。三哥來耶。叔向驚就問之。則慰娘也。乃解衣蔽覆。舁歸逆旅。急發旁塚。其父復活。既發。則膚革猶存。而撫之僵燥。悲哀不已。裝荷入棺。清醮七日。女

亦繚經若女、忽告叔向曰、曩阿翁有黃金二錠、曾分一為妾作奩、妾以孤弱無藏所、故僅以絲線繫腰、而未將去、兄得之否、叔向不知、乃使生反求諸壙、果得之一、如女言、叔向仍以綫誌者、分贈慰娘、暇乃審其家世、先是女父薛寅、候無子、止生慰娘、深鍾愛之、女一日自金陵舅氏歸、將媪問渡、操舟者乃金陵媒也、適有仕宦者任滿赴都、托覓美妾、凡歷數家、無當意者、故將為扁舟詣廣陵、忽遇女、隱生詭謀、急招附渡、

媼素識之、遂與共濟、中途投毒食中、女媼皆迷、推媼墮江、載女而返、以重金鬻諸仕宦者、入門嫡始知、怒甚、女又迷悶、不知為禮、遂撻楚而囚禁之、北渡至沂、女方甦、婢言始末、女大泣自經、乃瘞女於沂之南郭亂塚中、女至墓、為羣鬼所凌、李翁時呵護之、女乃父事翁、曰、汝命合不死、當為擇一快婿、一日生既見而出、返謂女曰、此生品誼不凡、待汝三兄至、為汝主婚、一日曰、汝可歸候、汝三兄將來矣、蓋即發墓之日

也。女於喪次爲叔向緬述之。叔向嘆息良久，即以慰娘爲妹。婢從李姓，畧買衣妝，遣婦生，曰：「資斧無多，不能爲妹子辦妝，意將偕歸，以慰母心，何如？」女亦欣然。於是夫妻從叔向輦柩並發。既歸，母詰得其故，愛逾所生。館諸別院。喪次，女哀悼，過於兒孫。母益憐之，不令東歸。屬諸子爲之買第，適有馮氏賣宅，直六、百金。倉猝未能取盈，暫收契券，約日交兌。及期，馮早至，適女亦自別院入省母，突見之，絕似當年操舟人。馮亦

似驚女趨過之。兩兄亦以母小恙俱集。母所女問廳前跽蹠者誰也。仲道曰：幾忘却。此必前日賣宅者也。即起欲出。女止之。告以所疑。使詰難之。仲道諾而出。則馮已去。而巷南塾師薛先生在焉。因問何來。曰：昨夕馮某晚早登堂一署券保。適途遇之。云偶有所忘。暫歸便返。使僕坐以待之也。少間生及叔向皆至。遂相攀談。慰娘以馮故。潛自屏後來窺客。細審之。則其父也。哭出持抱大哭。翁驚涕曰：吾兒何來。衆始知薛

即寅候也、仲道雖與街頭屢遇之、初未悉其名字、至是共喜、為述前因、設酒相慶、因留信宿、自道行踪、蓋自失女後、妻以悲死、鰥無所依、故遊學至此也、生約買宅後迎與同居、翁次日往探馮、則舉家遁去、始知殺媼賣女者、即其人也、馮初至平陽、貿易成家、比年博賭、漸就消乏、故貸居宅、賣女之貲、亦瀕盡矣、慰娘得所、即亦不甚仇之、但擇日徙居、更不追其所往、李母絡遺不絕、一切日用之需皆給之、生遂家於平陽、

但歸赴歲試，深以為苦。幸是科舉孝廉，慰娘富貴。每念媼為已死，思有以報其子。媼夫姓殷氏，一子名富，善博，貧無立錫。一日博局爭注，毆殺人命，亡歸平陽。雖不識生，然以慰娘故，遠相投生，喜留之門下，研詰之道其所殺姓名，蓋即馮某也。駭嘆久之，因為道破。富始知馮即殺母之仇，益喜，遂傭為生家服役。亦家於西，薛寅侯就養於婿，為買婦，生子女各一焉。

田子成

江寧田秀才子成、過洞庭覆舟而沒、子良耜時在抱中、妻杜氏聞訃仰藥死、良耜受庶祖母撫育、得以成立、後成進士、筮仕湖北、年餘、奉憲命營務湖南、至洞庭痛哭而返、自告才力不及、降縣丞、隸漢陽、甚非所樂、辭不就、諸院司強督促之、乃就、輒放浪江湖間、不以官職自守、一夕艤舟江岸、聞洞簫聲、抑揚可聽、乘月步去、約半里許、見曠野中茅屋數椽、焚、燈火近、窺之、則三人對酌、其中上座一秀才、年三十許、下

座一叟側坐吹簫者年最少吹竟叟擊節嘆賞秀才
面壁吟思若罔聞叟曰盧中君必有佳作請長吟俾
得共賞之秀才乃吟曰滿江風雨冷淒淒瘦艸零花
化作泥千里雲山飛不到夢魂夜々竹橋西吟聲愴
惻叟笑曰盧十兄故態作矣因酌以巨觥曰老夫不
能屬和請歌以侑酒乃歌蘭陵美酒之什歌已一座
解頤少年起曰我視月斜何度矣突出見客拍手曰
意外有人我等狂態盡露也遂挽客入共一舉手叟

使與少年相對坐、試其杯皆冷酒、辭不飲、少年知其意、即起、以葦炬燎壺而進之、良耜亦命從者出錢沽、叟固止之、因訊邦族、良耜具道生平、叟致敬曰、吾鄉父母也、僕少君姓江、此間土著、指少年曰、此江西杜野候、又指秀才曰、此盧十兄、與公同鄉、盧自見良耜、殊偃蹇不甚為禮、良耜因問家居何里、如此清才、殊早不聞、荅曰、流寓已久、親族恒不相識、可嘆人也、言之哀楚、叟搖手亂之曰、好客相逢、不理觴政、聒絮

如此、厭人聽聞、遂把杯自飲曰、一令請共行之、不能者罰、每擲三骰、以相逢為率、須一古典相合、乃擲得么二三、倡曰、三加么二點相同、雞黍三年約范公、朋友喜相逢、次少年擲得双二單四、曰不讀書人、但見俚典、勿以為笑、四加双二點相同、三人聚義古城中、兄弟喜相逢、盧得双么單二、曰二加双么點相同、呂向兩手抱老翁、父子喜相逢、良耜擲復與盧同、曰二加双么點相同、茅容二簋款林宗、主客喜相逢、令畢、

良耜興辭、盧始起曰、故鄉之誼、未遑傾吐、何遽言別、將有所問、願少留也、良耜復坐、問何言、曰、僕有老友某、沒於洞庭、亦與君同族否、良耜曰、是先君也、何以相識、曰、少時相善、沒日、惟僕見之、因收其骨、葬江邊耳、良耜出涕下拜、求指墓所、盧曰、明日來此、當指示之、要亦易辨、去此數武、但見墳上有叢蘆十莖者是也、良耜洒涕、與衆拱別、至舟、終夜不寢、頓念盧情詞、似皆有因、不能待旦、昧爽而往、則舍宇全無、益駭、因

導所指處往尋墓，果得之。叢蘆其上，數之適符其數。恍然悟盧十兄之稱，皆其寓言，所遇乃其父之魂也。細問土人，則二十年前有高翁，富而好善，水中溺者，皆拯其尸而埋之，故有數墳在焉。遂發塚負骨，棄官而返，歸告祖母，質其狀貌，皆確。江西杜野候，乃其表兄，年十九溺於江，後其父流寓江西，又悟杜夫人沒後，葬竹橋之西，故詩中憶之也，但不知叟何人耳。

王桂菴
子寄生附

王穉字桂菴大名世家子適南游泊舟江岸臨舟有
榜人女綉履其中風姿韻絕王窺瞻既久女若不覺
王朗吟洛陽女兒對門居故使女聞女似解其為已
者畧舉首一斜瞬之俯首綉如故王神志益馳以金
鍼一枚遙投之墮女襟上女拾棄之若不知為金也
者金落岸邊王拾歸益怪之又以金釧擲之墮足下
女操業不顧無何榜人自他歸王恐其見釧研詰心
頗急女從容以雙鉤覆蔽之榜人解纜順流逕去王

心情喪惘、痴坐凝思、時王方娶而喪偶、悔不即媒定之、乃詢諸舟人、並不識其何姓、乃返舟急追之、目力既窮、者不知其所往、不得已返舟而南、務畢北旋、又沿江細訪、並無音耗、至家寢食皆縈念之、踰年復南、買舟江際、若家焉、日、細數行舟往來者、帆楫皆熟、而曩舟殊杳、居半年、貲罄而歸、行思坐想、不能少置、一夜夢至江村、過數門、見一家柴扉南向、門內踈竹為籬、意是園亭、逕入之、有夜合一株、紅絲滿樹、隱念

詩中門前一樹馬纓花、此其是矣、過數武、簫笛光潔、
又入之、見北舍三楹、雙扉合焉、南有小舍、紅蕉蔽窓、
探身一窺、則橈架當門、罨畫裙其上、知為女子閨闥、
愕然却退、而內亦覺之、有奔出看客者、粉黛微呈、則
舟中人也、喜出非望、曰亦有相逢之期乎、方將狎就、
女父適歸、倏然驚覺、始知為夢、景物歷歷、如在目前、
秘之、恐與人言、破此佳兆、後年餘再適鎮江、郡南有
徐太僕、與有世誼、招之飲、信馬而去、悞入小村、道途

景色彷彿平生所歷、一門內馬纓一樹、景象宛然、駭極、投鞭而入、種、物色與夢無別、再入則房舍亦如其數、夢既驗、不復疑慮、直趨南舍、舟中人果在其中、遙見王、驚起、以扉自幃、叱問何處男子、王逡巡問、猶疑是夢、女見步履漸近、開然扃戶、王曰、卿不憶擲釧者耶、備述相思之苦、且言夢徵、女隔窓審其家世、王具道之、女曰、既屬宦裔、中饋必有佳人、焉用妾、王曰、非以卿故、婚娶固已久矣、女曰、果如所云、足知君心、

妾此情難告父母、然亦方命而絕數家、金釧猶在、料鍾情者必有耗聞耳、父母適探外戚、行且至、君姑退、倩冰委禽、計無不遂、若望以非禮成偶、則用心左矣、王倉猝欲出、女遙呼王郎、妾芸娘、姓孟氏、父字江離、王諾記而出、罷筵早返、謁江離、既見、始知即榜人也、江逆入、設座籬下、王自道家闕、即致來意、兼納百金、為聘、翁曰、息女已字矣、王曰、訊之甚確、固待聘耳、何見絕之深、翁曰、適間所諾、不敢為誑、王神情俱失、拱

別而返，不知其言信否。終夜輾轉，無人可以探訊。向欲以情告太僕，恐娶榜人女為先生笑。今情急無可為謀，質明詣太僕，寔告之。太僕曰：「此翁與有瓜葛，是祖母姪孫，何不早言？」王始吐隱情。太僕疑曰：「江離固貧，素不以操舟為業，得毋悞乎？」乃遣子大郎詣孟，曰：「僕雖空匱，非賣婚者。曩公子以金自媒，諒僕必為利動，故不敢附為婚姻。既承先生命，必無錯謬，但頑女頗恃嬌愛，好門戶，輒便拗却，不得不與商確，免他

日怨悔也、遂起、少入而返、拱手一如尊命、約期乃別、大郎反命、王乃盛備禽妝、納采於孟、假館太僕之家、親迎成禮、居三日、辭岳北歸、夜宿舟中、問芸娘曰、向於此處遇卿、固疑不類舟人子、當日泛舟何之、答曰、妾叔家江北、偶借扁舟一省視耳、妾家僅可自給、然儻來物頗不貴、視之笑、君雙瞳如豆、屢以金貲動人、初聞吟聲、知為風雅士、又疑為儇薄子、作蕩婦挑之也、使父見金釧、君死無地矣、妾憐才心切否、王笑曰、

卿固黠甚，然亦墮吾術矣。女問何事，王止而不言。又固詰之，乃曰：家門日近，此亦不能終秘。寔告卿：我家中固有妻在，吳尚書女也。芸娘不信。王故壯其詞，以寔之。芸娘色變，嘿移時，遽起奔出。王踟躕追之，則已投江中矣。王大呼，諸船驚開，夜色昏濛，惟有滿江星點而已。王悼痛終夜，沿江而下，以重價覓其骸骨，亦無見者。邑々而歸，憂痛交集，又恐翁來視女，無詞可以相對。有媼，婿官河南，遂命駕造之。年餘始歸，途中

遇雨、休裝民舍、見房廊清潔、有老嫗弄兒、屢問、兒覩王入、即求援抱、王怪之、又視兒秀婉可愛、攬置膝頭、嫗喚之不去、少頃雨霽、王舉兒付嫗、下堂趨裝、兒啼曰、阿爹去矣、嫗耻之、呵之不止、強抱而去、王坐待治任、忽有麗者自屏後抱兒出、則芸娘也、方詫異間、芸娘罵曰、負心郎、遺此一塊肉、焉置之、王乃知為己子、酸來刺心、不暇問其往迹、先以前言之戲、矢日自白、芸娘始反怒為悲、相向涕零、先是地主莫翁、六旬無

子、携媼往朝南海、歸途泊舟江際、芸娘隨波下、適觸
翁舟、翁命從人拯出之、療控終夜始漸甦、翁媼視之、
是好女子、甚喜、以爲己女、携之而歸、居數月、欲爲擇
婿、女不可、踰十月舉一子、名之寄生、王避雨其家、寄
生方週歲也、王於是解裝入拜翁媼、遂爲岳壻、居數
日、始舉家歸、至則孟翁坐待已兩月矣、翁初至、見僕
輩情詞恍惚、心頗疑怪、既見始共歡慰、歷述顛末、乃
知其枝梧者有由也、

寄生字王孫、郡中名士、父母以其襁褓認父、謂有夙
慧、鍾愛之、長益秀美、八九歲能文、十四入郡庠、每自
擇偶、父桂菴有妹二娘、適鄭秀才子僑、生女閨秀、慧
艷絕倫、王孫見之、心竊愛好、思慕良切、積久寢食俱
廢、父母大憂、苦研詰之、遂以寔告、父遣冰於鄭、性
方謹、以中表為嫌、却之、而王孫益病、母計無所出、陰
婉致二娘、但求閨秀一臨存之、鄭聞益怒、出惡聲焉、
父母既絕望、聽之而已、郡有太姓張氏、五女皆美、幼

者小名五可。光冠諸姊，擇婿未字。一日上墓，途遇王孫，自輿中窺之，歸以白母。沈知其意，見媒媼于氏，微示之。媼遂詣王所。時王孫方病，訊知之，笑曰：「此病老身能醫之。」芸娘問故，媼述張氏意，並道五可之美。芸娘喜，即使往候。王孫媼入，撫王孫而告之。王孫搖首曰：「醫不對症，奈何？」媼笑曰：「但問醫良否耳，其良也。」召和而緩至，可矣。執其人以求之，守死而待之，不已。痴乎？王孫歔歔曰：「但天下之醫無愈和者。」媼曰：「何見？」

之不廣也、遂以五可之容顏、髮膚、神情態度、口寫而
手狀之、王孫又搖首曰、媼休矣、此余願所不及也、反
身向壁、不復聽矣、媼見其志不移、遂去、一日王孫沉
痼中、忽一婢入曰、所思之人至矣、喜極躍然能起、急
出舍、則麗人已在庭中、細認之、却非閨秀、着松花色
細褶繡裙、凌鈎微露、神仙不啻也、拜問姓名、答曰、妾
五可也、君深於情者、而獨鍾情閨秀、使人不平、王孫
謝曰、生平未見顏色、故目中止一閨秀、今知罪矣、遂

與要誓方握手殷々、適母來撫摩、遽然而覺、則一夢也、因思聲容笑貌、宛在目中、陰念五可果如此夢、何必求所難違、因而以夢告母、々喜其念少奪、急欲媒之、王孫恐夢見不的、托鄰姬素識張氏者、偽以他故詣之、而囑潛相五可、姬至其家、五可方病、靠枕支頤、婀娜之態、傾絕一世、近問何恙、女嘿然、弄帶不作一語、母代答曰、非病也、連朝與爺娘負氣耳、姬問故、曰、諸家問名、皆不願、必如王家寄生者方嫁、是為母者

勸之急、遂作意不食數日矣。嫗笑曰：「娘子若配王郎，真是玉人成雙也。」渠若見五娘，恐又憔悴死矣。我歸即令倩冰如何。五可止之曰：「燒勿爾，恐其不諧。」益增笑耳。嫗銳然以必成自認。五可方微笑。嫗歸復命一如于嫗言。王孫詳問衣履，無不與夢吻合。大悅，意稍舒，終不敢以人言為信。過數日，漸瘳，秘招于嫗來，謀以親見五可。嫗難之。姑應而去。久之不至，方欲覓之。嫗忽欣然而入曰：「機幸可圖。」五娘向有小恙，因令婢

輩將扶一過對院、公子往伏伺之、五娘行緩澁、委曲可以盡睹、王孫喜如其教、明日命駕早往、媼先在馬、即令繫馬村樹、導入臨路舍、設座掩扉乃去、少間五可果扶婢出、王孫自門隙目注之、女經門外過、媼故指揮雲樹以遲纖步、王孫窺覷盡悉、彷彿又入夢中、意顛不能自持、未幾媼至、曰、可代閨秀否、王孫申謝而返、始告父母、遣妯要盟、及媒往、則五可已別字矣、王孫失意、悔悶欲死、即刻復病、父母憂甚、責其自悞、

王孫無詞、惟日飲米汁一合、積數日、雞骨支床、較前尤甚、媼忽至、驚曰、何憊之甚、王孫涕下、以情告媼、笑曰、痴公子、前日人來趣汝、而故却之、今日汝求人而能必遂耶、雖然、尚可為力、早與老身謀、即許京都皇帝子、儂能奪之使還、王孫大悅、求策、媼命函啟、佯約次日候於張所、桂菴恐以唐突見拒、媼曰、前與張公業有成言、遷延數日而遽悔之、且彼字他家、尚無函信、諺云、先炊者先餐、何疑也、桂菴從之、次日二僕往、

並無異詞、厚犒而歸。王孫悅、病復起。由此閨秀之想始絕。初鄭子僑却聘、閨秀頗不懌。既聞張氏姻成、心益抑鬱、恍惚若病。日就支離。父母詰之、不肯言。婢窺其意、隱以告母。鄭聞之怒、不醫、以聽其死。二娘懟曰、吾侄亦殊不惡、何守頭巾戒殺吾嬌女。鄭恚曰、若所生女、不如早亡、免貽笑柄。以此夫妻反目。二娘故與女言、將使仍歸王孫、若為媵。女俛首不言。若甚願之。二娘商鄭、益怒。一付二娘、置女若已死、不復預聞。

二娘愛女切、欲寔其言、女乃喜、病始漸瘥、竊探王孫、
親迎有日矣、及期以姪完婚、偽欲歸寧、昧旦使人求
僕與於兄、最友愛、又以居村鄰邇、即以所備親迎
輿馬先逆二娘、既至、則妝女入車、使兩僕兩媼護送
之、到門、以毡貼地而入、時鼓樂已集、從僕叱令吹播、
一時人聲沸聒、王孫奔視、則女子以紅帕蒙首立堂
上、駭極欲奔、鄭僕夾扶、便令交拜、王孫不知何由、即
日拜訖、二媼扶女逕坐青廬、始知其閨秀也、舉家皇

亂莫知所為。時漸瀕暮，王孫不復敢行親迎之禮。桂菴遣僕以情告張，怒遂欲斷絕。五可不肯，曰：「彼雖先至，未受雁采，不如仍使親迎。」父納其言，以對來使。歸，桂菴終不敢從，相對籌思。喜怒俱無所施。張待之既久，知其不行，遂亦以輿馬送五可至。因另設青帳於別室，而王孫周旋兩間，踉蹌無以自處。母乃調停於中，使序行以齒。二女皆諾。及五可聞閨秀差長，稱姊有難色。母甚慮之。比三朝同會於母所，見閨秀

風致宜人、不覺右之、自是始定、然父母皆恐其積久、不相能、而二女更無間言、衣履易著、相愛如姊妹焉、王孫始問五可却媒之故、笑曰、無他、聊報君之却于媼耳、尚未見妾、意中止有閨秀、既見妾、亦畧靳之、以覘君之視妾、較閨秀何如也、使君為伊病而不為妾病、則亦不必強求容矣、王孫笑曰、報亦慘矣、然非于媼、何得一覲芳容、五可曰、是妾自欲見君、媼何能為、遇對院時、豈不知耽、者在門內耶、夢中業相約、何

尚未之信耶。王孫驚問何知。曰妾病中夢至君家。初以為妄。後聞君亦夢妾。乃知魂魄真到此也。王孫異之。遂述所夢。時日悉符。父子之良緣皆以夢成。亦奇情也。故並存之。

異史氏曰。父痴於情。子遂幾為情死。所謂情種。其王孫之謂與。不有善夢之父。何生離情之子哉。

酒虫

長山劉氏。體肥嗜飲。每獨酌輒盡一瓮。負郭田三百

畝輒半種黍而家豪富不以飲為累也一番僧見之謂其身有異疾劉答言無僧曰君飲嘗不醉否曰有之曰此酒虫也劉愕然便求醫療曰易耳問需何藥俱言不須但令於日中俯臥繫手足去首半尺許置良醞一甌移時燥渴思飲為極酒香入鼻饒火上熾而苦不得飲忽覺喉中暴痒哇有物出直墮酒中解縛視之赤肉長三寸許蠕動如游魚口眼悉備劉驚謝酌以金不受但乞其虫問將何用曰此酒之精瓮

中貯水，入虫攪之，即成佳釀。劉使試之，果然。劉自是惡酒如仇，體漸瘦。家日益貧，後飲食至不能給。

異史氏曰：日盡一石，無損其富，不飲一斗，適以益貧。豈飲啄固有數乎？或言虫是劉之福，非劉之病，僧愚之以成其術，然與否與。

聊齋誌異卷之二十四

般陽蒲松齡柳泉甫著

周生

周生者、淄邑候之幕客、邑候適公出、夫人徐、有叅禮
碧霞元君願、以道賒遠、將遣僕賁儀代往、使周為祝
文、周作駢詞、歷叙平生、頗涉狎謔、中有云、栽般陽滿
縣之花、偏憐斷袖、置夾谷彌山之艸、惟愛餘桃、此訴
夫人所憤也、諸如此類甚多、脫稿示同幕凌生、凌以

為褻戒勿用弗聽付僕而去居無何周生卒既而僕亦死又未幾徐夫人以產後亡人猶未之異也周生子自都來迎父襯夜與凌生同宿夢父戒之曰文字不可不慎也我不聽凌君言遂以褻詞致干神怒遽夭天年又貽累徐夫人且殃及焚文之僕恐冥罰猶未已也醒以告凌亦夢同因述其文周子方知之為之惕然

異史氏曰恣情縱筆輒洒洒自快此文士之通病

也、然姪嫚之詞、何敢以告神明哉、狂生無知、冥譴其所應爾、乃使賢夫人及千里之僕、駢死而不知其罪、不亦與俗中之刑律猶分首從者、反多愼哉、冤已、

褚遂良

長山邑民趙某、稅屋大姓之家、病癥結、又素孤貧、難自給、奄就危殆、一日力疾就涼、移卧樹下、既醒、見絕代麗人坐身傍、因便詰問、女答云、我特來為汝作婦、

趙驚曰、無論貧人不敢有妄想、且奄然垂斃、有婦欲何為、女自媒能治之、趙曰、我病非倉猝可除、縱有良方、且苦無貲可買藥餌、女曰、我醫疾不用藥也、遂以手按趙腹力摩之、覺其掌熱如火、移時腹中癖塊、隱隱作解拆聲、又少時欲登廁、急起走數武、解衣大下、膠液流離、結塊盡出、覺通體快爽、返卧故處、謂女曰、娘子何人、祈告姓氏、以便尸祝、答云、我狐仙也、君乃唐朝褚遂良、曾有恩於妾家、每銘心欲一報之、日相

尋覓今始能得、夙願可酬矣。趙自慚形穢、又慮茅屋
灶煤、沾染華裳。女但請行。趙乃導入家。土塋無席。灶
冷無烟。曰：無論光景如此、不堪相辱。即卿能甘之、請
視甕底空、又何以養妻子。女但言無慮。言次、一回
頭、見榻上毡席衾褥已設。方將致詰、又轉瞬、見滿室
皆銀光紙裱、貼如鏡。諸物已悉變易。几案精潔、肴酒
並陳矣。遂相歡飲。日暮、與同狎寢如夫婦。主人聞其
異、請一見之。女即出、見無難色。由此四方傳播、造門

者甚夥、女並無所拒絕、或設筵招之、女必與夫俱、一日座中有孝廉、陰萌淫念、女已知之、忽加誚讓、即以手推其首、過櫺外、而身猶在室、出入轉側、皆所不能、因共哀免、乃曳出之、積年餘、造請者日益繁、女頗厭之、被拒者輒罵趙、值端陽飲酒高會、忽一白兔躍入、女起曰、春藥翁來見召矣、謂兔曰、請先行、兔趨出、逕去、女命趙取梯、趙於舍後負長梯來、高數丈、庭有大樹一章、便倚其上、梯更高於樹杪、女先登、趙亦隨

之女回首曰、親賓有願從者、當即移步、衆相視不敢登、惟主人一僮、踴躍從諸其後、上、益高、梯盡雲接、不可見矣、共視其梯、則多年破扉、去其白板耳、群入其室、灰壁敗灶依然、他無一物、猶憶僮返可問、竟終杳已。

劉全

鄒平馬醫候某、荷飯餉耕者、至野、有風旋其前、候即以杓掬漿祝奠之、盡數杓風始去、又一日適城隍廟、

閒步廡下、見內塑劉全獻瓜像、被烏雀遺糞、糊蔽目睛、候曰、劉大哥何遂受此玷污、因以爪甲為除去之、後數年病卧、被二皂攝去、至官衙前、逼索財賄甚苦、候方無所為計、忽自內一綠衣人出、見之訝曰、候翁何來、候便告訴、綠衣人即責二皂曰、此汝候大爺、何得無禮、二皂諾、遜謝不知、俄聞鼓聲如雷、綠衣人曰、早衙矣、遂與俱入、令立墀下、曰、姑立此、我為汝問之、遂上堂、點手招一吏人下、畧道數語、吏人見候拱

手曰、候大哥來耶、汝亦無甚大事、有一馬相訟、一質便可復還、遂別而去、少間堂上呼候名、候上跪、一馬亦跪、官問候馬言被汝藥死有諸、候曰彼得瘟症、某以瘟方治之、既藥不瘳、隔日而死、與某何所干涉、馬作人言兩相苦、官命稽籍、註馬壽若干、應死於某年月日、數確符、因訶曰、此汝天年適盡、何得妄控、叱之而去、因謂候汝存心方便、可以不死、仍命二皂送之前、二人亦與俱出、又囑途中善相視、候曰、今日雖

蒙覆庇、生平實未識荆、乞示姓字、以圖啣報、綠衣人
曰、三年前僕從泰山來、焦渴欲死、經君村外、蒙以杓
漿見飲、至今不忘、吏人曰、某即劉全、曩蒙雀糞之污、
悶不可奈、君手為滌除、是以耿々、奈冥間酒饌、不可
以奉賓客、請即別矣、候始豁悟、乃歸、既至家、款留二
皂、並不敢飲其杯水、候蘊、蓋死已兩日矣、自此益
修善行、每逢節序、必以漿酒酬劉全、後年至八旬、尚
強健、能超乘馳走、一日拉途間、見劉全騎馬來、如將

遠行、拱手溫涼已、劉曰、君數已盡、勾牒出矣、勾役欲相招、我禁使勿須、君可歸治後事、三日後我來同君行、地下代買小缺、亦無苦也、遂去、候歸告妻子、招別戚友、棺衾俱備、第四日、暮對衆曰、劉大哥來矣、入棺遂歿、

姬生

南陽鄂氏患狐、金錢什物輒被竊去、迂之祟益甚、鄂有甥姬生、名士、素不羈、焚香代為禱免、卒不應、又祝

舍外祖使臨已家、亦不應、衆笑之、生曰、彼能幻變、心
有人心、我固將引之俾入正果、三數日輒一往祝之、
雖固不驗、然生所至狐遂不擾、以故鄂常止生宿、生
夜望空請見、邀益堅、一日生歸、獨坐齋中、忽房門緩
、自開、生起致敬曰、狐兄來耶、殊寂然無聲、又一夜
門自開、生曰、倘是狐兄降臨、固小生所禱祝而求者、
何妨即賜光霽、即又寂然、而案頭錢二百、及明失之、
生至夜增以數百、中宵聞布幄鏗然、生曰來耶、敬具

時銅數百、以備取用、僕雖不充裕、然非鄙吝者、若緩急有需用度、無妨質言、何必盜竊、少間視錢脫去二百、生仍置故處、數夜不復失、有熟雞欲供客而失之、生至夕又益以酒、而狐從此絕迹矣、鄂家崇如故、生又往祝曰、僕設錢而子不取、設酒而子不飲、我外祖衰邁、無為久崇之、僕備有不腆之物、夜當憑汝自取、乃以錢十千、酒一罇、兩雞皆聶切陳几上、生卧其旁、終夜無聲、錢物亦如故、自此狐怪以絕、生一日晚歸、

啟齋門見案上酒一壺、燂雞盈盤、錢四百、以赤繩貫之、即前日所失物也、知狐之報、嗅酒而香、酌之色碧、綠飲之甚醇、壺盡半酣、覺心中貪念頓生、驀然欲作賊、便啟戶出、思村中一富室、遂往越其牆、雖高一躍上下、如有翅翎、入其齋、竊取貂裘金鼎而出、歸置床頭、始就枕眠、天明携入內室、妻驚問之、生囁嚅而告、有喜色、妻初以為戲、既知其真、駭曰、君素剛正、何忽作此、生恬然不為怪、因述狐之有情、妻恍自悟、是

必酒中之狐毒也。隱念丹砂可以却邪，遂覓研入酒，使飲之。少頃忽失聲曰：我奈何作賊？妻代解其故，其然自失。又聞富室被盜，譟傳里黨。生終日不食，莫知所處。妻爲之謀，使乘夜拋其墻內。生從之。富室復得故物，其事遂寢。生歲試冠軍，又舉行優，應受倍賞。及發落之期，道署梁上粘一帖云：姬某作賊，偷某家裘帛，何爲行優？梁最高，非跂足可粘。文宗疑之，執帖問生，愕然。念此事除妻外無知者，况署中深密，何由

而至、因悟曰、此必狐爲之也、遂緬述無諱、文宗賞禮有加焉、生每自念無取罪於狐、所以屢囑之者、亦小人之恥、獨爲小人耳、

異史氏曰、生欲引邪入正、而反爲邪惑、狐意未必大惡、或生以諧引之、狐亦以戲弄之耳、然非身有夙根、室有賢助、幾何不如原涉所云家人寡婦、一爲盜污、遂行淫哉、吁、可惧也、

吳木欣云、康熙甲戌、一卿科令浙中、點稽囚犯、有

竊盜已刺字訖、例應逐釋、令嫌竊字減筆從俗、非
官板正字、使刮去之、候創平、依字彙中點畫形象
另刺之、盜口占一絕云、手把菱花仔細看、淋漓鮮
血舊痕瘢、早知面上重為苦、竊物先防識字官、禁
卒笑之曰、詩人不求功名而乃為盜、又口占答
之云、少年學道志功名、只為家貧誤一生、真得貲
財權子母、囊遊燕市博恩榮、即此觀之、秀才為盜、
亦仕進之志也、狐授姬生以進取之資、而反悔為

所悞，迂哉一笑。

韓方

明季濟郡以北數州縣，邪疫大作，比戶皆然。齊東有農民韓方，性至孝，其父母皆病，因具楮帛哭禱於孤石大夫之廟。歸途零涕，遇一人衣冠清潔，問何悲也。韓具以告，其人曰：「孤石之神，即亦不在於此，禱之何益。僕有小術，可以一試。」韓喜，便詰姓字。其人曰：「我不求報，何必通鄉貫乎？」韓殷、請臨其家。其人又言無

須、但、歸、以、黃、紙、置、床、上、厲、聲、言、我、明、日、赴、都、告、諸、獄、
帝、病、當、已、韓、恐、不、聽、堅、求、移、趾、其、人、曰、寔、告、子、我、非、
人、也、巡、環、使、者、以、我、誠、篤、俾、為、南、縣、土、地、感、君、孝、指、
授、此、術、目、前、獄、帝、舉、枉、死、之、鬼、其、有、功、人、民、或、正、直、
不、作、邪、祟、者、以、城、隍、土、地、用、今、日、殃、人、者、皆、郡、城、中、
北、兵、所、殺、之、鬼、急、欲、赴、都、自、投、故、沿、途、索、賂、以、謀、口、
食、耳、言、告、獄、帝、則、彼、必、惧、故、當、已、韓、悚、然、起、敬、伏、叩、
道、側、既、起、則、人、已、渺、驚、嘆、而、歸、遵、其、教、父、母、皆、愈、以、

傳鄰村，無不聽者。

異史氏曰：沿途崇人而往，以求不作邪崇之用，此與策馬應不求聞達之科者何殊哉！天下事大率類此，猶憶甲戌乙亥之間，當事者使民捐穀，疏告九重，謂民樂輸，於是各州縣如數取盈，甚費猷扑。是時郡北七邑皆被水，歲大祲，催辦尤難，吾鄉唐太史偶至利津，見繫逮十餘人，即道中問其何事。答云：官捉吾等赴城比追樂輸耳，農民亦不知樂。

輸二字作何解、遂以為徭役猷比之名、亦可嘆而亦可笑也、

紉針

虞小思、東昌人、居積為業、妻夏氏、歸寧而返、見門外一嫗、偕少女哭甚哀、夏詰之、嫗揮涕相告、乃知其男子王心齋、亦宦裔也、家衰落、無衣食業、浼中保貸富室、黃氏金學作費、中途遭寇、巨槌中顱、喪貲、幸不死、至家、黃責償、計子母不下三十金、寔無可以準之、黃

窺其女紉針美，將謀作妾，使中保質告之，如其肯可，折債外仍以廿金壓券。王謀諸妻，泣曰：我雖貧，固簪纓之胄，彼以執鞭發跡，何敢遂媵吾女。且紉針固婿耳，汝烏得擅作主？先是同邑傅孝廉之子，與王投契，生男阿卯，與祿中論婚。後孝廉官於閩，年餘而卒，妻子不能歸，消息全絕。以是故，紉針十五尚未字也。妻言及此，王無詞，但謀所以為計。妻曰：不得已，其妄謀諸兩弟，蓋妻范氏，其曾祖曾任京職，兩孫田產

尚多也。次日妻携女歸告兩弟。兩弟任其涕洟。並無
一詞為之設處。范乃號泣而歸。適逢夏詰。且述且哭。
夏憐之。視其女綽約可愛。益之哀楚。因邀入其家。歛
以酒食。慰之曰。母子勿戚。妾當竭力。范未遑謝。女已
哭伏在地。益惋惜之。籌思曰。雖有薄蓄。然三十金亦
復大難。當典質相付。母子拜別。夏以三日為約。別後
百計為之營謀。亦未敢告諸其夫。三日未滿其數。又
使人假諸其母。范母子已至。因寔告之。又訂以次日。

抵暮假金至、合裏並置床頭、至夜有盜穴壁以火入、夏覺、睨之、見一人臂上懸短刀、狀貌兇惡、大惧、不敢復作聲、偽為睡者、盜近箱、意將發扃、回顧夏枕邊有畧物、探身攫去、就燈解視、已乃入腰橐、不復眴篋而去、夏乃起呼、家中惟一小婢、隔牆呼鄰、人集而盜已遠、夏乃對燭啜泣、亡何婢睡去、夏引帶自經於樑間、婢覺、天已大曙、始呼人解其懸、四肢已冰、虞知奔至、詰婢始得其由、驚涕營葬而已、時方夏尸不僵亦

不腐、過七日乃殮之、既葬、紉針潛出哭於其墓、暴雨忽集、霹靂大作、墓發、女亦震死、虞聞奔驗之、則棺木已啟、妻呻嘶其中、抱出之、旁有女尸、不知其誰、夏審視始辨之、方相駭怪、未幾范至、見女已死、號曰、固疑其在此、今果然矣、聞夫人自縊、日夜不絕聲、今夜語我、欲哭夫人於殯宮、我未之應也、夏感其義、遂與夫言、即以所葬材穴葬之、范拜謝、虞負妻歸、范亦歸告其夫、相與哀泣、聞村北一人、被雷擊死於途、身有硃

字云、偷夏氏金賊、俄聞鄰婦哭聲、乃知死者即其夫馬大也、村人白於官、拘其婦械鞠之、則范以夏氏之措金贖女對人感泣、馬大博賭無賴、聞之而盜心遂生也、及押婦搜賍、則止存二十數、又檢馬尸得四數、官判賣婦償補、責還虞、夏益喜、全金悉仍付范、俾償債主、葬女三日、夜大雷電、益以風、墳復破、女亦頓蘇、不歸其家、往叩夏氏之門、夏驚起、隔扉問之、女曰、我紉針也、夏駭為鬼、呼鄰媪並詰之、知其更生、喜內

入室、女自言願從夫人服役、不復歸矣、夏曰、得毋謂
我捐金買婢耶、汝葬後、債已代償、可勿見猜、女益感
泣、願以母事夏、未諾、女曰、兒能操作、亦不至坐食、
天明告范、喜、急至、母女相見、哭失聲、即從女志、使
從夏、強送女歸、女啼思夏、王心齋自負之來、委諸
門內而去、夏見之、驚問始知其故、遂亦安之、虞至、急
下拜呼以父、虞固無子女、見女依、憐人、頗以為歡、
女紡績縫紉、勤勞臻至、夏病幾殆、女晝夜給役、見夏

不食亦不食、面上時有啼痕、向人曰、母有萬分一、我誓不復生、夏少瘳、始解顏為歡、夏聞之流涕曰、我四十無子、但復生一女如紉針者足矣、夏自少不育、踰歲忽舉一男、人以為行善之報、居二年女益長、虞與王謀、不能堅守舊盟、王曰、女在君家、婚姻惟君所命、女十七、慧美無双、此言一出、問名者趾錯於門、夫妻為之揀對、富室黃某亦遣媒來、虞惡其富而不仁、力却之、為擇於馮氏、馮邑名士、子亦慧而能文、將告於

王、出負販未歸、遂逕諾之、黃以不得於虞、亦托作賈跡、王所在、設饌相邀、更復助以資本、漸漬習洽、因自道其子慧、以自媒、王感其情、又仰其富、遂與訂盟、既歸、詣虞、則虞已受馮氏婚書、聞王言、頗不悅、以情告女、女怫然曰、債主吾仇也、以我事仇、但有一死、王無言、托人告黃、以馮氏之盟、黃怒曰、女姓王、不姓虞、我約在先、彼約在後、何得背盟、遂投狀邑宰、意以先約判歸黃、馮曰、王某以女付虞、固言婚嫁不復預

聞且某有定婚書、彼不過杯酒之談耳、宰不能堅、將
惟女願是從、黃退以金賂邑宰、求其左袒、以此月餘
不決、一日有孝廉赴都、道過東昌、使人問王心齋、適
問於虞、轉詰之、蓋孝廉傳姓、即阿邠也、入閨籍、年
十八已鄉捷矣、猶以前約未婚、母囑便道訪王、問其
女已嫁否也、虞大喜、邀傳至家、歷述所遭、然婿來千
里、患無質寔、傳於篋中出王、當日允婚書、虞招王至、
驗之而真、乃共喜、是日當集覆審、傳投刺謁邑宰、其

案始消、涓吉約期乃去、禮闈後還東昌、居其舊第、行親迎禮、而捷報又自閩中還、蓋傅又捷南宮矣、復入都觀政而返、女不樂南渡、傅亦以桑梓地、往遷父柩、載母俱歸、後數年虞卒、子總七八歲、女撫之過於其弟、使讀書、入邑庠、家稱素封、皆傅力也、

異史氏曰、神龍中亦有游俠耶、痺惡彰善、生死皆以雷霆、此錢塘破陣舞也、轟、屢擊、皆為一人焉、知紉針非龍女謫降者耶、

桓侯

荊州彭好士、自他飲歸、下馬溲便、馬齧草路傍、有細草一叢、蒙茸可愛、初放黃花、艷光奪目、馬食已過半矣、彭拔其餘莖、嗅之有異香、因內諸懷、超乘復行、馬驚駛絕馳、頗覺快意、竟不計筭、歸途縱馬所之、忽見西陽近山、始將旋轡、但見亂山叢沓、並不知其何所、一青衣人來、見馬方噴嘶、代為捉銜曰、天已近暮、吾家主人便請宿止、彭問此係何地、曰閬中也、彭大駭、

蓋半日已千餘里矣、因問主人伊誰、曰到自知之、又問所在、曰咫尺耳、遂代輶疾行、人馬若飛過一山頭、見半山中屋宇重疊、襍以屏幔、遙睹衣冠一簇、若有所俟、彭至下馬、相向拱敬、俄主人出、氣象剛猛、巾服都異人世、拱手向客曰、今日客莫遠於彭君、因揖彭請先行、彭謙謝不肯遽先、主人捉臂行之、彭覺捉處如被械梏、痛欲折、不敢復爭、遂行、下此者猶相推讓、主人或推之、或挽之、客皆呻吟傾跌、似不能堪、一依

主命而行、登堂則陳設炫麗、兩客一筵、彭暗問接座者、主人何人、答云、此張桓侯也、彭愕然不敢復咳、合座寂然、酒既行、桓侯曰、歲々叨擾親賓、聊設薄酌、盡此區々之意、值遠賓辱臨、亦屬幸遇、僕竊妄有干求、如少存愛戀、即亦不强、彭起問何物、曰尊乘已有仙骨、非塵世所能驅策、欲市馬相易如何、彭曰敬以奉獻、不敢易也、桓侯曰當報以良馬、且將賜以萬金、彭離席伏謝、桓侯命人曳起之、俄頃酒饌紛綸、日落命

燭衆起辭、彭亦告別、桓侯曰、君遠來馬歸、彭願同席者曰、已求此公作居停主人矣、桓侯乃徧以巨觴酌客、謂彭曰、所懷香草、鮮者可以成仙、枯者可以點金、草七莖得金一萬、即命僮出方授彭、又拜謝、桓侯曰、明日造市、請拉馬群中任意擇其良者、不必與之論價、吾自給之、又告衆曰、遠客歸家、可少助以資斧、衆唯々、觴盡謝別而出、途中始詰姓字、同座者爲劉子翬、同行二、三里、越嶺即覩村舍、衆客陪彭並至劉

所始述其異、先是村中歲、賽社於桓侯之廟、斬牲
優戲、以為成規、劉其首善者也、三日前賽社方畢、是
午各家皆有一人邀請過山、問之言殊恍惚、但敦促
甚急、過山見亭舍、相共駭疑、將至門、使者始寔告之、
衆亦不敢却退、使者曰、姑集此、邀一遠客、行至矣、蓋
即彭也、衆述之驚怪、其中被把握者皆患臂痛、解衣
燭之、膚肉青黑、彭自視亦然、衆散、劉即襆被共寢、既
明、村中爭延客、又伴彭入市相馬、相數十匹、苦無佳

者彭亦拚苟就之、又入市見一馬、骨相似佳、騎試之、神駿無比、逕騎入村、以待鬻者、再往尋之、其人已去、遂別村人欲歸、村人各餽金資、遂歸、馬一日約五百里、抵家、述所自來、人不之信、囊中出蜀物、始共怪之、香草久枯、恰得七莖、遵方點化、家以暴富、遂敬詣故處、獨祀桓侯之祠、優戲三日而返、

異史氏曰、觀桓侯燕賓、而後信武夷幔亭非誕也、然主人肅客、遂使蒙愛者幾欲折肱、則當年之勇

力可想。

吳木欣言有李生者，唇不掩其門齒，露於外者盈指。一日於某所宴集，二客遜上下，其爭甚苦。一力挽使前，一力却向後，力猛肘脫。李適立其後，肘遇觸喙，雙齒並墮，血下如泉，衆愕然。其爭乃息。此與桓侯之握臂折肱，同一笑也。

粉蝶

陽曰旦，瓊州士人也。偶自他郡歸，泛舟於海，遭颶風。

舟將覆忽飄一虛舟來急躍登之回視則同舟盡沒風愈狂瞑然任其所吹亡何風定開眸忽見島嶼舍宇連垣把棹近岸直抵村門村中寂然行坐良久雞犬無聲見一門北向松竹掩映時已初冬牆內不知何花蓓蕾滿樹心愛悅之逡巡而入遙聞琴聲步少停有婢自內出年十四五以來飄洒艷麗睹陽返身遽入俄聞琴聲歇一少年出訝問客所自來陽具告之轉詰邦族陽又告之少年喜曰我姻親也遂揖請

入院，中精舍華好，又聞琴聲。既入舍，則一少婦危坐，朱絃方調，年可十八九，風采煥映。見客入，推琴欲逝，少年止之曰：「勿遁，此正卿家瓜葛。」因代溯所由。少婦曰：「是吾姪也。」因問其祖母尚健否，父母年幾何矣。陽曰：「父母四十餘，都各無恙，惟祖母六旬，得疾沉痾，一步履須人耳。姪寔不省姑係何房，望祈明告，以便歸述。」少婦曰：「道途遼濶，音問梗塞久矣。歸時但告而父，十姑問訊矣。」渠自知之。陽問姑丈何族，少年曰：「海

嶼姓宴、此名神仙島、離瓊三千里、僕流寓亦不久也、
十娘趨入、使婢以酒食餉客、鮮蔬香美、亦不知其何
名、飯已、引與瞻眺、見園中桃杏含苞、頗以為怪、宴曰、
此處夏無大暑、冬無大寒、花無斷時、陽喜曰、此乃仙
鄉、歸告父母、可以移家作鄰、宴但微笑、還齋秉燭、見
琴橫案上、請一聆其雅操、宴乃撫絃捻柱、十娘自內
出、宴曰來、卿為若姪鼓之、十娘即坐、問姪願何聞、
陽曰、姪素不諳琴操、寔無所願、十娘曰、但隨意命題、

皆可成調。陽笑曰：海風引舟，亦可作一調否？十娘曰：可。即按絃挑動，如有舊譜，意調崩騰，靜會之。如身仍在舟中，為颶風擺簸狀。陽驚嘆欲絕，問可學否？十娘授琴，試使勾撥，曰可教也。欲何學？曰適所奏颶風操，不知可得幾日學？請先錄其曲吟誦之。十娘曰：此無文字，我以意譜之耳。乃別取一琴，作勾剔之勢，使陽效之。陽習至更餘，音節粗合。夫妻始別去。陽目注心凝，對燭自鼓，久之頓得妙悟，不覺起舞。舉首忽見婢

立燈下、驚曰、卿固猶未去耶、婢笑曰、十姑命待安寢、掩戶移檠耳、審顧之、秋水澄々、意態媚人、陽心動、微挑之、婢俛首含笑、陽益惑之、遽起攬頸、婢曰、勿爾、夜已四漏、主人將起、彼此有心、來宵未晚、方狎抱間、聞宴喚粉蝶、婢作色曰、殆矣、急奔而去、陽潛往聽之、但聞宴曰、我固謂婢子塵緣未滅、汝必欲收錄之、今何如矣、宜鞭三百、十娘曰、此心一萌、不可給使、不如為吾姪遣之、陽甚慚、悵返齋、滅燭自寢、天明、有童子來

侍盥沐、不復見粉蝶矣、心惴惴、恐見遣逐、俄宴與十姑並出、似無所介於懷、便考所業、陽為一鼓、十娘曰、雖未入神、已得什九、肄熟可以臻妙、陽復求別傳、宴教以天女謫降之曲、指法拗折、習之三日、始能成曲、宴曰、梗概已盡、此後但須熟耳、嫺此兩曲、琴中無硬調矣、陽頗憶家、告十娘曰、吾居此、蒙姑撫養甚樂、願家中懸念、離家三千里、何日可能還也、十娘曰、此亦不難、故舟尚在、當助汝一帆風、子無家室、我已遣粉

蝶矣、乃贈以琴、又授以藥曰、婦醫祖母、不惟却病、亦
可延年、遂送至海岸、俾登舟、十娘解裙作帆曰、但聽
帆漾、無須槳楫、陽淒然、方欲拜別、而南風競起、離岸
已遠矣、視舟中糗糒已具、然止足供一日之餐、腹餒
不敢多食、惟恐遽盡、但啗胡餅一枚、覺表裏甘芳、餘
六七枚、珍而存之、即亦不飢、俄見夕陽欲下、方悔來
時未索膏燭、瞬息遙見人烟、細審則瓊州也、喜極、旋
已近岸、解裙裹餅而歸、入門、舉家驚喜、蓋離家已十

六年矣始知其遇仙、視祖母老病益憊、出藥投之、沉疴立除、共怪問之、因述所見、祖母泫然曰、是汝姑也、初老夫人有少女名十娘、生有仙姿、許字宴氏、婚十六歲入山不返、十娘待至二十餘、忽無疾自卒、葬已三十餘年、聞旦言共疑其未死、出其裙、則猶殉葬時所著也、餅分啖之、一枚終日不飢、而精神倍生、老夫人命發塚驗視、則空棺存焉、旦初聘吳氏女未娶、旦數年不返、遂他適、共信十娘言、以俟粉蝶之至、既而

年餘無音、始議他圖、臨邑錢秀才有女名荷生、艷名遠播、年十六未嫁、而三喪其婿、遂媒定之、涓吉成禮、既入門、光艷絕代、旦視之、則粉蝶也、驚問曩事、女茫乎不知、蓋被逐時、即降生之辰也、每為之鼓、天女謫降之操、輒支頤凝想、若有所會、

錦瑟

沂人王生、少孤、自為族家清貧、然風標修潔、洒然裙履、少年也、富翁蘭氏見而悅之、妻以女、許為起屋治

產娶未幾而翁死，妻兄弟鄙不齒數。婦尤驕倨，常傭奴其夫，自享饅饌。生至則脫粟瓢飲，折稊為匕，置其前。王悉隱忍之。年十九，往應童子科，被黜。自郡中歸，婦適不在室。釜中烹羊脾熟，就噉之。婦入不語，移釜去。生大慚，抵箸地上曰：「所遭如此，不如死。」婦恚問死期，即授索為自經之具。生忿投羹碗，敗婦顙。生含忿出，自念良不如死，遂懷帶入深壑，至叢樹下方擇枝繫帶。忽見土堦間微露裙幅，瞬息一婢出，睹生急返。

如影就滅、土壁亦無綻痕、固知妖異、然欲覓死、故無
畏怖、釋帶坐覘之、少間復露半面、一窺即縮去、念此
鬼物、從之必有死樂、因抓石叩壁曰、地如可入、幸示
一途、我非求歡、乃求死者、久之無聲、王又言之、內云、
求死請姑退、可以夜來、音聲清銳、細如遊蜂、生曰諾、
遂退以待夕、居無何、星宿已繁、堦間忽成高第、靜殿
双扉、生拾級而入、纔數武、有橫流湧注、氣類溫泉、以
手探之、熱如沸湯、亦不知其深幾許、疑即鬼神示以

死所、遂踴身躍入、熱透重衣、膚痛欲糜、幸浮不沉、汨沒良久、熱漸可忍、極力抓爬、始登南岸、一身幸不泡傷、行次遙見厦屋中有燈火、趨之、有猛犬暴出、齧衣敗襪、摸石以投、犬稍却、又有群犬要吠、皆大如犢、危急間、婢出叱退曰、求死即來耶、吾家娘子憫君厄窮、使妾送君入安樂窩、從此無灾矣、挑燈引之、啟後門、黯然行去、入一家、明燭射窓、曰君自入、妾去矣、生入室四瞻、蓋已入己家矣、返奔而出、遇婦所役老媪、曰

終日相覓、又馬往、反曳入室、婦帕裏傷處、下床笑逆
曰、夫妻年餘、狎謔、顧不識耶、我知罪矣、君受虛誚、我
被寔傷、怒亦可以少解、乃於床頭取巨金二錠、置生
懷曰、以後衣食、一惟君命可乎、生不語、拋金奪門而
奔、仍將入壑、以叩高第之門、既至野、則婢行緩弱、挑
燈猶遙望之、王急奔且呼、燈乃止、既至、婢曰、君又來、
負娘子苦心矣、王曰、我求死、不謀與卿復求活、娘子
巨家、地下亦應需人、我願服役、寔不以有生為樂、婢

曰、樂死不如苦生、君設想何左也、吾家無他務、惟淘河糞除、飼犬負尸、作不如程、則刎耳、劓鼻、馱刎脛趾、君能之乎、曰能之、又入後門、生問諸役可也、適言負尸、何處得如許死人、婢曰、娘子慈悲、設給孤園、收養九幽橫死無歸之鬼、以千計、日有死亡、須負瘞之耳、請一過觀之、移時見一門、署給孤園、入見屋宇錯雜、穢臭熏人、園中鬼見燭群集、皆斷頭缺足、不堪入目、回首欲行、見尸橫牆下、近視之、血肉狼籍、婢曰、半

日未負、已被狗咋、即使生移去之、生有難色、婢曰、君如不能、請仍歸享安樂、生不得已、負置秘處、乃求婢緩頰、幸免尸污、婢諾、行近一舍、曰、姑坐此、妾入言之、飼狗之役較輕、當代圖之、庶幾得當、以報、去少頃、奔出曰來、娘子出矣、生從入、見堂上籠燭四懸、有女即近戶坐、乃二十許天人也、生伏階下、女即命曳起之、曰、此一儒生、烏能飼犬、可使居西堂、主簿、生喜伏謝、女曰、以汝朴誠、可敬、乃事、如有舛錯、罪責不輕也、

生唯、婢導至西堂、見棟壁清潔、喜甚、謝婢、始問娘子官閥、婢曰、小字錦瑟、東海薛侯女也、妾名春燕、旦夕所需、幸相聞、婢去、旋以衣履衾褥來置床上、生喜得所、黎旦早起視事、錄鬼籍、一門僕役盡皆叅謁、餽酒送脯甚多、生引嫌悉却之、日兩餐皆自內出、娘子察其廉謹、特賜儒巾鮮衣、凡有賁賚皆遣春燕、婢頗風格、既熟、頗以眉目送情、生斤、自守、不敢少致差、跌、但偽作駘鈍、積二年餘、賞給倍於常廩、而生謹抑

如故、一夜方寢、聞內第喊噪、急起捉刀出、見炬火光
天、入窺之、則群盜充庭、廝僕駭竄、一僕促與偕遁、生
不肯塗面束腰雜盜中、呼曰、勿驚薛娘子、但當分括
財物、勿使遺漏、時群賊方搜錦瑟不得、生知未為所
獲、潛入第後、獨覓之、遇一伏嫗、始知女與春燕皆越
牆矣、生亦過牆、見主婢伏於暗陬、曰、此處烏可自匿、
女曰、吾不能復行矣、生棄刀負之、奔二三里許、汗流
竟體、始入深谷、釋肩令坐、颺一虎來、生大駭、欲迎當

之虎已啣女，生急捉虎耳，極力伸臂入虎口，以代錦瑟。虎怒，釋女，嚼生臂，脆然有聲，臂斷落地，虎亦逕去。女泣曰：「苦汝矣，苦汝矣。」生忙遽未知痛楚，但覺血溢如水，使婢裂襟裹斷處。女止之，俯覓斷臂，自為續之，乃裹之。東方漸白，始緩步歸，登堂如墟。天既明，僕媼始漸集，女親詣西堂，問生所苦。解裹則臂骨已續，又出藥搽其創，始去。由此益重生，使一切享用悉與已等。臂愈，女置酒內室以勞之，賜之坐，三讓而後隅坐。

女舉爵如讓賓客久之曰妾身已附君體意欲效楚
王女之於屈原但無媒羞自荐耳生惶恐曰某受恩
深重殺身不足酬所為非分懼遭雷殛不敢從命苟
憐無室賜婢已過一日女長姊瑶台至四十許佳人
也至夕招生入瑶台命坐曰我千里來為妹主婚今
夕可配君子生又起辭瑶台遽命酒使兩人易殘生
固辭瑶台奪易之生乃伏地謝罪受飲之瑶台出女
曰寔告君妾乃仙姬以罪被謫自願居地下收養寃

魂以贖帝譴、適遭天魔之劫、遂與君有附體之緣、遠邀大姊來、固主婚嫁、亦使代攝家政、以便從君歸耳、生起敬曰、地下最樂、某家有悍婦、且屋宇隘陋、勢不能圓容委曲、以共其生、女笑但言不妨、既醉、歸寢、歡戀臻至、過數日、謂生曰、冥會不可長、請君即歸、幹理家事、畢、妾當自至、以馬授生、啟扉自出、壁復合矣、生騎馬入村、人盡駭、至家門、則高廬煥映矣、先是生去、妻召兩兄至、將筆楚報之、至暮不歸、始去、或於溝

中得生履疑其已死、既而年餘無耗、有陝中賈某、媒
通蘭氏、遂就生第與婦合、半年中修建連亘、賈出經
商、又買妾歸、自此不安其室、賈亦恒數月不歸、生訊
得其故、怒繫馬而入、見舊媼、驚伏地、生叱罵之、使
導詣婦所、尋之已遁、既於舍後得之、已自經死、遂使
人舁歸蘭氏、呼妾出、年十八九、風致亦佳、遂與寢處、
賈托村人求反其妾、哀號不肯去、生乃具狀將訟、
其霸產占妻之罪、賈不敢復言、收肆西去、方疑錦瑟

負約、一夕正與妾飲、則車馬叩門而女至矣、女但留春燕、餘都遣歸、入室、妾朝拜之、女曰、此有宜男相、可以代妾苦矣、即賜以錦裳珠飾、妾拜受、立侍之、女挽坐、言笑甚歡、久之曰、我醉欲眠、生亦解履登床、妾始出、入房則生卧榻上、異而返、窺之、燭已滅矣、生無夜不宿妾室、一夜妾起、潛窺女所、則生及女方共笑語、大怪之、急反告生、則床上無人矣、天明陰告生、亦不自知、但覺時留女所、時寄妾宿耳、生囑隱其異、久

之婢亦私生、女若不知之、婢臨蓐難產、但呼娘子、女入胎即下、舉之男也、為斷臍置婢懷、笑曰、婢子勿復爾、業多則割愛難矣、自此婢不復產、妾出五男二女、居三十年、女時返其家、往來皆以夜、一日携婢去、不復來、生年八十、忽携老僕夜出、亦不返、

太原獄

太原有民家、姑婦皆寡、姑中年不能自潔、村無賴頻來就之、婦不善其行、陰於門戶墻垣阻拒之、姑慚、借

端出婦、不去、頗有諍議、姑益恚、反相誣、告諸官、問奸夫姓名、媼曰、夜來宵去、寔不知其誰何、鞠婦自知、因訊婦、果知之、而以奸情歸媼、苦相抵、拘無賴至、又譁辨、謂兩無所私、彼姑婦不相能、故妄言相詆毀耳、官曰、一村百人、何獨誣汝、重笞之、無賴叩乞免責、自認與婦通、械婦、終不承、遂去之、婦忿告憲院、仍如前、久不決、時吾邑孫進士柳下、令臨晉、推折獄才、遂下其案於臨晉、人犯到、公畧訊一過、寄監訖、便

命隸人備磚石刀錐、質理聽用、共疑曰、嚴刑自有桎梏、何將以非刑折獄耶、不解其意、姑備之、明日升堂、問知諸具已備、命悉置堂上、乃喚犯者、又一一畧鞠之、乃謂姑婦此事、亦不必甚求清析、媼婦雖未定、而奸夫則確、汝家本清門、不過一時為匪人所誘、罪全在某、堂上刀石具在、可自取擊殺之、姑婦趑趄、恐避、迨抵償、公曰、無慮、有我在、於是媼婦並起、掇石交投、婦啣恨已久、兩手舉巨石、恨不即立斃之、媼惟以小

石擊髀腿而已。又命用刀。婦把刃直貫胸膺。媼猶逡巡未下。公止之曰。淫婦我知之矣。命執媼嚴梏之。遂得其情。無賴笞三十。其案乃結。

附記公一日遣役催租。戶他出。婦應之。役不得賄。拘婦至。公怒曰。男子自有歸時。何得擾人家室。遂笞役遣婦去。乃命匠多備手械以備敲比。明日邑中傳頌公仁。欠賦者聞之。皆使妻出應。公盡拘而械之。余嘗謂孫公才非所短。然如得情。則喜而

不暇哀矜矣。

新鄭訟

長山石進士宗玉、為新鄭宰、適有遠客張某、經商於外、因病思歸、不能騎步、賃禾車一輛、携貲五千、兩夫挽載以行、至新鄭、兩夫往市飲食、張守貲獨卧車中、有某甲過、睨之、見傍無人、奪貲去、張不能禦、力疾起、遙尾綴之、入一村中、又從之、入一門內、張不敢入、但自垣垣窺覷之、甲釋所負、回首見窺者、怒執為賊、縛

見石公、因言情狀、問張、備述其寃、公以無質寔叱去之、二人下、皆以官無皂白、公置若不聞、頗憶甲久有逋賦、但遣役嚴追之、逾日、即以銀三兩投納、石公喚問金所自來、甲答質衣鬻物、皆指名以寔之、石公遣役令視納稅人、有與甲同村者否、適甲鄰人在、便喚入、石公問汝既為某甲近鄰、金所從來當自知之、鄰答不知、石公曰、鄰家不知、其來曖昧、甲惧、顧鄰曰、我質某物鬻某器、汝寧不聞之乎、鄰急曰、然、固聞之、

矣、石公怒曰、是必與某甲同盜、非窮治之不可、命取
梏械鄰人大惧曰、吾以鄰故不敢招怨耳、今刑及已
身、何諱乎、彼寔劫張某錢所市也、遂釋之、時張以喪
貲未歸、乃責甲押償之、石公此類甚多、亦見其寔心
為政也、

異史氏曰、石公為諸生時、每一藝出、得者秘以為
寶、觀其人恂恂雅飭、翰苑則優似、非簿書才者、乃
一行作吏、神君之名、謄於河朔、誰謂文章僅華國

之具哉、故志之以風有位者、

房文淑

開封鄧成德、游學至兗州界、寓敗寺中、傭為造齒籍者、繕寫歲暮、僚役各歸其家、鄧獨爨廟中、黎明、有少婦叩門而入、艷絕、至佛前焚香、叩拜而去、次日又如之、至夜、鄧起挑燈、適有所作、女至、益早、鄧曰、來何早也、女曰、明則人雜、故不如夜、太早又恐擾君清睡、適望見燈光、知君已起、故至耳、生戲曰、寺中無人、寄宿

可免奔波、女哂曰、寺中無人、君是鬼耶、鄧見其可狎、
俟其拜畢、曳坐求歡、女曰、佛前豈可作此、身無片椽、
尚作妄想、鄧固求不已、女曰、去此三十里某村、有六
七童子、延師未就、君往訪李前川、可以得之、托言携
有家室、令別給一舍、妾便為君執炊、此長久之計也、
鄧慮事發獲罪、女曰無妨、妾房氏、小字文淑、並無親
屬、恒終歲寄居舅家、誰知之、鄧喜、既別女、即至某村、
謁見李前川、其謀果遂、約歲前即携家至、既返、早旦

告女、約候於途中、鄧告別同黨、借騎而去、女果待於半途、乃下騎、以轡授女、御之而行、至齋所、相得甚歡、積六七年、居然琴瑟、並無追逋逃者、女忽舉一子、鄧以妻不育、得之甚喜、名之充生、女曰、偽配終難作真、妾將辭君而去、又生此累人物、何為、鄧曰、命好倘得餘錢、擬與卿遁歸鄉里、何出此言、女曰、多謝多謝、我不能脅肩諂笑、仰大婦眉睫、為人作乳媪、呱者難堪也、鄧代妻明不妬、女亦不言、月餘、鄧解館、謀與

前川子同出經商、告女曰、我思先生設帳、必無富有之理、今學負販、庶有歸時、女亦不答、至夜、女忽抱子起、鄧問何作、女曰、妾欲去、鄧急起追問之、家門未啟、而女已杳、駭極、始悟其非人也、鄧以跡可疑、故亦不敢告人、托之歸寧而已、初鄧離家、與妻妻約、年終必返、既而數年無音、傳其已死、兄以其無子、欲改醮之、妻更以三年為期、日惟塊然一室、以紡績自力、一日既暮、往扃外戶、一女子掩入、懷中綳兒、曰、自母家歸、

適晚、知姊獨居、故求寄宿耳、妻內之、至房中、視之、二十餘麗者也、喜與共榻、因弄其兒、白如瓠、嘆曰、未亡人遂無此物、女曰、我正嫌其累人、即嗣為姊後、如何、妻曰、無論娘子不忍割愛、即忍之、妾亦無乳能活之也、女曰、此即何難、當生兒時、患無乳、飲藥半劑而效、今餘藥猶存、即以奉贈、遂出一裹置窓間、妻漫應之、未遽怪也、既寢、醒而呼之、則兒在、而女已啟閤去矣、駭極、日向晨、兒啼饑、妻不得已、餌其藥、移時、漣流

遂哺兒積年餘、兒益豐肥、漸學語言、愛之不啻已出、
由此再醮之志以絕、但早起抱子、不能躬操作、衣食
益窘、一日女忽至、妻恐索兒、先問其不謀而去之罪、
後叙其鞠養之苦、女笑曰、姊告訴艱難、我遂置兒不
索耶、遂招兒、啼入妻懷、女曰、犢子不認母矣、此百
金不能易、可將金來、署立券保、妻以為真、顏作賴女
笑曰、姊勿惧、妾來正為兒也、別後慮姊無養養之資、
因多方措十餘金來、乃出金授妻、恐其過此以往、

索兒有詞，堅却不受。女置床上，出門逕去。妻抱子出追，其去已遠，呼之亦不顧。猶疑其意惡，然得金少，權子母家以饒足。又三年，鄧以賈有贏餘，治裝歸，方共慰藉。忽睹兒問誰氏子，妻告以故，問何名，曰渠母呼之克生，遂仍其舊。鄧驚曰：「此真吾子也。」問其時日，即夜別之日。鄧乃歷述與房文淑離合之情，益共欣慰。異女猶至，而終渺矣。

秦檜

青州馮中堂家殺一豕，燂去毛鬣，肉內有字云：秦檜七世身，烹而啖之，其肉臭惡，因而棄之，投諸犬，嗚呼，檜之肉，犬亦當不食之矣。

聞益都人言中堂之祖，前身在宋朝為檜所害，故生平最敬武穆王，特於青州城北通衢傍，建岳王殿，秦檜萬俟卨伏跪地下，往來行人瞻禮岳王，則投石檜鬣，香火不絕。後大兵征于七之年，馮氏子孫毀岳王像，數里外有俗祠子孫娘，因舁檜鬣。

其中使朝跪馬、百世下必有杜十姨伍髭鬚之誤、甚可笑也、

又青州城內、舊有澹臺子羽祠、當魏璫烜赫時、世家中有媚之者、就子羽毀冠去鬚、改作魏監、此亦駭人聽聞者也、

浙東生

浙東生房某客於陝、貧不能歸、教授生徒、嘗以胆力自詡、一夜裸卧、忽有毛物從空墮下、擊胸有聲、覺大

如犬氣噉々然四足撓動大惧欲起物以兩足撲倒之恐極而斃經一時許覺有人以尖物穿鼻大嚏乃蘇見室中燈火熒煌床邊坐一美人笑曰好男子胆氣固如此耶生知為狐益惧女漸與狎戲胆始放遂共欵暱積半年如琴瑟之好女一日卧床頭生潛以獵網蒙之女醒不敢動但哀之生但笑不前女忽化白氣自床下出恚曰終非好相識可送我去以手曳之身不覺自行出門凌空翕飛食頃女釋手生暈然

墜落適世家園中有虎阱、採木為圈、繩作網以覆其口、生墜網上、網為之側、以腹受網、身半倒懸、下視虎蹲阱中、仰見卧人、躍上、近不盈尺、心胆俱碎、園丁來飼虎、見而怪之、扶上已死、移時始漸甦、備言其故、其地為浙界、離家已四百餘里矣、告之主人、贈以貲而遣之、嘗告人曰、雖經兩死、然非狐不能歸也、

博興女

博興民王某、有女及笄、勢豪某窺其姿、伺女出、掠去、

無知者、至家逼與淫、女號嘶撐拒、某縊殺之、門外故有深淵、遂以石繫尸沉諸其中、王覓女不得、計無所施、天忽雨、雷電遶其家、霹靂大作、龍下攫其首而去、未幾天晴、淵中女尸浮出、一手捉人頭、審視則豪某也、官知、鞠其家人、始得其情、龍其女之所化與、何以能然也、奇哉、

一員官

濟南同知吳公、剛正不徇、時有陋規、凡貪墨者虧空

犯贓罪、上官輒庇之、以贓分攤屬僚、無敢梗者、以命公、不受、強之不得、怒加叱罵、公亦惡聲還報之、曰、某官雖微、亦受君命、可以叅處、不可以罵詈也、要死便死、不能損朝廷之祿、代人上枉法贓耳、上官乃改顏溫慰之、人皆言斯世不可以行直道、人自無直道耳、何反咎斯世之不可行哉、會高苑有穆清懷者、狐附之、輒慷慨與人談論、音响在座上、但不睹其人、適至郡、賓客談次、或詰之曰、仙固無不知、請問郡中官共

幾員、應聲答曰一員、共笑之、復詰其故曰、通郡官僚雖七十有二、其寔可稱為官者、吳同知一人而已、是時泰安知州張公者、人以其木強、號之樗子、凡貴官大僚登岱者、夫馬兜輿之類、需索煩多、州民苦於供億、公一切罷之、或索羊豕、公曰、我即一羊也、一豕也、請殺之以犒驕從、大僚亦無奈何、公自遠宦、別妻子者十二年、初蒞泰安、夫人及公子自都中來省之、相見甚歡、踰六七日、夫人從容曰、君塵甑猶昔、何老詩

不念子孫耶。公怒大罵呼杖逼夫人伏受。公子覆母自號泣乞代。公橫施撻楚乃已。夫人即偕公子命駕。婦矢曰。渠即死於是。吾亦不復來矣。踰年公果卒。此不可謂非今之強項令也。然以久離之琴瑟。何至以一言而燥怒至此。不情矣哉。而威嚴能行於床第。事更奇於鬼神矣。

龍戲蛛

徐公為齊東令。署中有樓。用藏肴餌。往往被物竊食。

狼籍於地、家人數受譙責、因伏伺之、見一蜘蛛大如
斗、駭走白公、以爲異、日遣婢輩投餌焉、蛛益馴、飢
輒出依人、飽而後去、積年餘、公偶開案牘、蛛忽來伏
几下、疑其飢、方呼家人取餌、旋見兩蛇夾蛛卧、細繞
如箸、蛛爪蹙腹縮、若不勝惧、轉瞬間蛇暴長粗於卵、
大駭欲走、巨霆大作、閤家震斃、移時公甦、夫人及婢
僕擊死者七人、公病月餘尋卒、公爲人廉正愛民、柩
發之日、民斂錢以送、哭聲滿野、

異史氏曰、龍戲蛛、每意是里巷之訛言耳、乃真有之乎、聞雷霆之擊、必於凶人、奈何以循良之吏、罹此慘毒、天公之憤、不已多乎、

閻羅筵

靜海邵生者、家貧、值母初度、備牲酒祀於庭、拜已而起、則案上肴饌皆空、甚駭、以情告母、疑其匱乏、不能為壽、故詭言之、邵默然無以自白、無何、學使案臨、苦無資斧、薄貸而往、途遇一人、伏候道左、邀請甚殷、

從去、見殿閣樓台、彌亘街路、既入、一王者坐殿上、卻
伏拜、王者霽顏命坐、即賜宴飲、因曰、前過華居、廝僕
輩道路飢渴、有叨盛饌、卻愕然不解、王者曰、我忤官
王也、不記尊堂設帨之辰乎、宴終、出白鏹一裹曰、豚
蹄之擾、聊以相報、受之而出、則宮殿人物、一時都渺、
惟有大樹數章、蕭然道側、視所贈則真金、秤之得五
兩、考終止耗其半、猶懷歸以奉母云、

放蝶火驢

長山王進士岬生、為令時、每聽訟、按律之輕重、罰令納蝶、自贖、堂上千百齊放、如風飄碎錦、王乃拍案大笑、一夜夢一女子、衣裳華好、從容而入、曰、遭君虐政、姊妹多物故、當使君先受風流之小譴耳、言已化為蝶、迴翔而去、明日方獨酌署中、忽報直指使至、皇遽而出、閨中戲以素花簪冠上、忘除之、直指見之、以為不恭、大受詬罵而返、由是罰蝶之令遽止、

青城子重寅、性放誕、為司理時、元夕以火花爆竹縛

驢上、首尾並滿、牽登太守之門、擊柝而請、自白某敵
火驢、幸出一覽時、太守有愛子患痘、心緒方惡、辭之、
于固請之、太守不得已、使閹人啟鑰、門甫開、于命火
發机、推驢入、爆震驢驚、蹉跌狂奔、又飛火射人、莫
敢近、驢串堂入室、破甌毀甑、火觸成塵、窓紗都燼、家
人大譁、痘兒驚陷、終夜而死、太守痛恨、將揭劾之于
浼、諸司道登堂負荆乃已、

鬼妻

太山聶鵬雲與妻某魚水甚諧。妻遽疫卒。聶坐卧悲思。忽。若失。一夕獨坐。妻忽推扉入。聶驚問何來。荅云妾已鬼矣。感君悼念。哀白地下主者。聊與君作幽會。聶喜。携就床寢。一切無異於常。從此星離月會。積有年餘。聶亦不復言娶。伯叔兄弟俱墮宗主。私勸聶鸞續。聶從之。聘於良家。然恐妻不樂。秘之。未幾吉期逼。通鬼知其情。責之曰。我以君義。故冒幽冥之譴。今乃要盟不卒。鍾情者固如是乎。聶述宗黨之意。鬼終

不悅、謝絕而去、聶雖憐之、而計亦得也、迨合卺之夕、夫婦俱寢、鬼忽至、就床上扼新婦、大罵、何得占我床、寢、新婦起、力與撐拒、聶惕然赤蹲、並無敢左右袒、無何雞鳴、鬼乃去、新婦疑聶妻未死、謂其賺已、投環欲自縊、聶為之緬述、新婦始知為鬼、日夕復來、新婦惧避之、鬼亦不與聶寢、但以指掐膚肉、已乃對燭怒相視、默、不作一語、如是數夕、聶患之、近村有良於術者、削桃為杙、釘墓四隅、其怪始絕、

三朝元老

某中堂者、故明相也、曾降流寇、士論非之、老歸林下、
享堂落成、數人直宿其中、天明見堂上一扁云、三朝
元老、一聯云、一二三四五六七、孝弟忠信禮義廉不、
知何時所懸、怪之、不解其義、或測之云、首句隱忘八、
次句隱無恥也、似之、

洪經畧南征、凱旋至金陵、醢薦陣亡將士、有舊門
人謁見、拜已、即呈文執、洪久厭文事、辭以昏眊、其

人云、但煩坐聽、容某誦達上聞、遂探袖出文、抗聲朗讀、乃故明思宗御製祭洪遼陽死難文也、讀畢、大哭而去、

夢狼

白翁直隸人、長子甲、筮仕南服、二年、道遠苦無耗、適有瓜葛、丁姓造謁、翁以其久不至、欺之、丁素走無常、談次、翁輒問以冥事、丁對語涉幻、翁不深信、但微哂之、既別、後數日、翁方卧、見丁復來、邀與同遊、從之去、

入一城闕、移時、丁指一門曰、此間君家甥也、時翁有姊子為晉令、訝曰、烏在此、丁曰、倘不為信、入便知之、翁入、果見甥蟬冠豸繡坐堂上、戟幢行列、無人可通、丁曳之出曰、公子衙署、去此不遠、得毋亦願見之否、翁諾、少間至一第、丁曰、入之、窺其門、見一巨狼當道、大惧不敢進、丁又曰、入之、又入一門、見堂上堂下坐者、卧者皆狼也、又視墀中白骨如山、益惧、丁乃以身翼翁而進、公子甲方自內出、見父及丁良喜、少坐、喚

侍者治肴餼、忽一巨狼啣死人入、翁戰惕而起曰、此胡為者、甲曰、聊充庖厨、翁急止之、心怔忡不寧、辭欲出、而羣狼阻道、進退方無所主、忽見諸狼紛然嚙避、或竄床下、或伏几底、錯愕不解其故、俄有兩金甲猛士努目入、出黑索、甲、撲地化為虎、牙齒峴、一人出利劍欲梟其首、一人曰且勿且勿、此明年四月間事、不如姑猷齒去、乃出巨錘、齒、零落墮地、虎大吼、聲震山谷、翁大惧、忽醒、乃知其夢、心異之、遣人

招丁，辭不至。翁乃誌其夢，使次子詣甲，函戒哀切。既至，見兄門齒盡豁，駭而問之，則醉中墜馬所折。考其時，則父夢之日也。益駭，出父書，甲讀之變色。為問曰：「此幻夢之適符耳，何足怪？」時方賂當路者得首荐，故不以妖夢為異。弟居數日，見其蠹役滿堂，納賄關說者中夜不絕，流涕諫止之。甲曰：「弟居衡茅，故不知仕途之閑寂耳。黜陟之權在上台，不在百姓。上台喜便是好官，愛百姓何術？復令上台喜也。弟知不可勸。」

止、遂歸、悉以告翁、聞之大哭、無可如何、惟捐家濟
貧、日禱於神、但求逆子之報不累妻孥、次年報甲以
荐舉作吏部、賀者盈門、翁惟歛歛伏枕、托疾不見一
客、未幾聞子歸途遇寇、主僕隕命、翁乃起謂人曰、鬼
神之怒、止及其身、祐我家者、不可謂不厚也、因焚香
而報謝之、慰藉翁者、咸以為道路之訛、而翁殊深信
不疑、刻日為之營兆、而甲固未死、先是四月間、甲解
任、甫離境、即遇寇、甲傾裝以獻之、諸寇曰、我等之來、

為一邑之民洩冤憤耳、寧專為此哉、遂決其首、又問家人有司大成者誰是、司故甲腹心助桀為虐者、家人共指之、賊亦決之、更有蠹役四人、甲聚斂臣也將携入都、並搜決訖、始分貲入囊、驚馳而去、甲魂伏道傍、見一宰官過、問殺者何人、前驅者報曰、某縣白知縣也、宰官曰、此白某之子、不宜使老後見此凶慘、宜續其頭、即有一人掇頭置腔上、曰邪人不宜使正、以肩承領可也、遂去、移時復甦、妻子往收其尸、見有餘

息載之以行、從容灌之、亦受飲、但寄旅邸、貧不能歸、
半年許、翁始得確耗、遣次子致之而歸、甲雖復生、而
目能自顧其背、不復齒人數矣、翁姊子有政殺、是年
行取為御史、悉符所夢、

異史氏曰、竊嘆天下之官虎而吏狼者比、也、即
官不為虎、而吏且將為狼、況有猛於虎者耶、夫人
患不能自顧其後耳、甦而使之自顧、鬼神之教微
矣哉、

人妖

馬生萬寶者、東昌人、踈狂不羈、妻田氏亦放誕風流、
伉儷甚敦、有女子來、寄居鄰人某媼家、言為翁姑所
虐、暫出亡、其縫紉絕巧、便為媼操作、媼喜而留之、踰
數日、自言能於宵分按摩、愈女子瘵、媼常至生家
游揚其術、田亦未嘗着意、生一日於墻隙窺見女、年
十八九已來、頗風格、心竊好之、私與妻謀、托疾以招
之、媼先來、就榻撫問已、言蒙娘子招、便將來、但渠畏

見男子、請勿以郎君入、妻曰、家中無廣舍、渠儂時復
出入、可復奈何、已又沉思曰、晚間西村阿舅家招渠
飲、即囑令勿歸亦大易、媼諾而去、妻與生用拔趙幟
易漢幟計、笑而行之、日曛黑、媼引女子至曰、郎君晚
回家否、田曰不回矣、女子喜曰、如此方好、數語媼別
去、田便燃燭展衾、讓女先上床、已亦脫衣、隱燭、忽曰
幾忘却、厨舍門未關、防狗子偷吃也、便下床啟門、易
生、窺窬入、上床與女共枕卧、女顫殺曰、我為娘子

醫清恙也。問以昵詞，生不語。女即撫生腹，漸至臍下，停手不摩，遽探其私，觸腕崩騰，女驚怖之狀，不啻誤捉蛇蠍，急起欲遁。生沮之，以手入其股際，則搯垂盈掬，亦偉麗也。大駭呼火，生妻謂事決裂，急燃燈至，欲為調停，則見女赤身投地乞命，妻羞惧趨出。生詰之，云是谷城人王二喜，以兄大喜為桑冲門人，因得轉傳其術。又問玷幾人矣，曰：身出道不久，只得十六人耳。生以其行可誅，思欲告郡，而憐其美，遂反接而

宮之血溢殞絕、食頃復甦、卧之榻、覆之衾、而囑曰、我
以藥醫汝、創痛平、從我終焉可也、不然、事發不赦、王
諾之、明日媼來、生給之曰、伊是我表姪女王二姐也、
以天閹為夫家所逐、夜為我家言其由、始知之、忽小
不康、將為市藥餌、兼請諸其家、留與荆人作伴、媼入
室視王、見其面色敗如塵土、即榻問之、曰、隱所暴腫、
恐是惡疽、媼信之去、生餌以湯、糝以散、日就平復、夜
輒引與狎處、早起則為田提汲、補綴、洒掃、執炊、如媵

婢然居無何桑冲伏誅同惡者七人並棄市惟二喜漏網檄各屬嚴緝村人竊共疑之集村媪隔裳而探其隱羣疑乃釋王自是德生遂從馬以終馬後卒即葬府西馬氏墓側今依稀在焉

異史氏曰馬萬寶可云善於用人者矣兒童喜蟬可把玩而又畏其鉗因斷其鉗而畜之嗚呼苟得此意以治天下可也

五穀大夫

河津暢體元字汝玉爲諸生時夢人呼爲五穀大夫喜爲佳兆及遇流寇之亂盡剥其衣閉置空室時冬月寒甚暗中摸索得數皮護體僅不至死質明視之恰符五教啞然自笑神之戲已也後以明經授雒南知縣

夜明

有賈客泛於南海三更時舟中大亮似曉起視見一巨物半身出水上儼若山岳目如兩日初升光明四

射、大地皆明、駭問舟人、並無知者、共伏睹之、移時漸縮入水、乃復晦、後至閩中、俱言某夜明而復昏、相傳為異、計其時、則舟中見怪之夜也。

聊齋誌異題後

姑妄言之妄聽之、豆棚瓜架雨如絲、料應厭作人間語、愛聽秋墳鬼唱詩、

新城王士正阮亭甫題

冥搜鎮日一編中、多少幽魂繞夢通、五夜燃犀探秘錄、十年縱博借神叢、董狐豈獨人倫鑑、子寶真傳造化工、常笑阮家無鬼論、愁雲颯々起悲風、
盧家冥會自依稀、金盃千年有是非、莫向西陽稱雜

二
還從禹穴問靈威、臨風木葉山魃下、研露空庭獨
鶴飛、君自閑人堪說鬼、季龍鷗鳥自相依、

擗管蕭、冷月斜、漆燈射影走金蛇、瑯環洞裏傳千
載、嵩嶽雲中迸九華、但使後庭歌玉樹、毋勞前席問
長沙、莊周漫說徐無鬼、惠子書成已滿車、

淄川張篤慶歷友甫題

冥搜研北隱牆東、腹笥言泉試不窮、秋樹根旁一披
讀、燈昏風急雨濛濛、

香茆結就新亭小、睡覺桐陰一欠伸、君試妄言余妄
聽、不妨狐窟號詩人、
醬瓿成編載一車、詎諧玩世意何如、山精野鬼紛、
是不見先生誌異書、

濟南朱 絅子青甫題

結情撰景假耶真、儘足消磨硯碯身、斟酌刪除空理
障、商量摘取覺紅塵、濡毫几案生風雨、落紙烟霞動
鬼神、果是高人有深致、一回展卷一驚人、

錢塘包 煙蓼照氏題

牛鬼蛇神在眼前，
非關太乙喜談玄。
無邊棒喝何從會，
細雨陰風欲暮天。

金壇王 喬仙令氏題